


Feet. 3959



XI. C. 19

00
32





SCHEMA
REGULARE
SEU
SERMONES
CLAVSTRALES.

INSTITUTIONI & EXORNATIONI SPIRITUALI
RELIGIOSORUM, IMO QUORUMVIS CHRISTIANORUM
DESERVIENTES.


A

Fr: BARTHOLOMÆO SOTAREVIO Ordinis Sancti PAULI,

Primi Eremita Presbytero.

FACTI *Ex libris Mathie
Zytkiewicz S. Theol.*
ET
EVULGATI. *Bibliotheca Collegii Majoris Universitatis
Cracoviensis*

Anno Domini 1694.




Typis CLARI MONTIS Czeltochoviensis.



Quidquid agunt homines; votum, timor, ira, voluptas,
Gaudia, discursus, nostri est farrago libelli.

Inven: Satyra 19.



58971
III





REVERENDISSIMO PERILLUSTRI AMPLISSIMO

A C

EXIMIO DOMINO D. BALTHASARI

DE GERBERT & HORNAV

SACRI ET CANDIDISSIMI PRÆMONSTRATENSIS ORDINIS
PRÆLATO INFULATO,

Celeberrimi ac Ducalis Monasterij Sacrarum Virginum in Czarnowans
Præposito, SS. Theologiæ Doctori, Protonotario Apostolico,

Nec non

DUCATUUM OPPOLIENSIS & RATTIBORIENSIS

SENIORI

Et Wratlaviam ad Publica Deputato Plenipotentiaro

SACRÆ CÆSAREÆ MAIESTATIS
CONSILIARIO

DOMINO AC PATRONO COLENDISSIMO

Author D. D. D.



*Lures sunt anni à quo Philosophia mea theoremata Ve-
stra REVERENDISSIMÆ Dominationi dedicaveram :
liceat item, jam non stagiriticæ sed asceticæ lucubratio-
nes eiusdem honori consecrare REVERENDISSIMÆ Do-
mine. Ad Tuæ amplissimæ humanitatis cum qualibuscunq;
opellis meis convolo sinum ut qui experimento didicerim
gratum Tibi esse id omne quidquid vel eruditionem respicit
vel redolet pietatem. Ipsum candidissimum quod profite-
ris institutum cuius ubiq; terrarum sanctam invidenda ambitione sectamur
colimusve amicitiam, rapit me in Tuos amores, & Tuam ut thesaurizem gra-
tiam mandat. Lilium est D. NORBERTUS: su enim cœlis inferri visus; floridos
habet & Filios. In Lilio quis eximium non miretur candorem? quis folia fo-
ris striata & ab angustijs in latitudinem paulatim se laxantia non suspiciat? quis
resupina per ambitum labra non amet? quis demum stantes in medio calathi
crocos non lubens aspiciat? Sanè tanti nominis tantæq; gratia stas hic, ut ipsum o-
mnipotens VERBUM magnificam ei texuerit panegyrim, gloriamq; Salomonis, eius
induviis postposuerit. Ad illud mea tendit oratio, Te velut Lilium miraculo mihi
esse. Non enim tunc solum beatû me censui cum mihi amabilissima REVEREN-*

)(

DISSI-

DISSIMÆ Dominationis frui concessum præsentia sed etiam nunc quoties meam incurris mentem, candorem Tuum demiror; mores Tuos suaviter se cuius aperientes laxantesque veneror: flammantes instar croci ad DEUM affectus reminiscor. Verum quantillum id, quod meæ humilitatis in Te obtendo studia, & quæ silentio premere debueram, amoris ac admirationis vulgo officia. Hoc certe nihil est, si lauderis amerisq; à mea parvitate. Illa demum genuina laus Tua est quod Augustissimi Imperatoris pectus Tuis impleveris amoribus: quod in Tribunalibus centumvirates decidis causas: Præsidemq; Te sue Maiestatis Arcopagus veneratur. Nosti nimirum quid Caesaris quid Christi velint leges? quid Papinianus quid Paulus præcipiat, probè calles: salva ergò Te Iudice equitas, salva Te Arbitro conscientia. Quisq; iuris sui prerogativâ gaudet, cui sententiæ Tuae suffragio niti datum. Alnum Sacrarum Virginum cætum sic regis sic instruis sic tutaris ut nihil reliquum sit quod vel ad regimen ipsarum vel ad institutionem vel ad tutelam desiderari possit. Nec leve id curarum genus sollicita providere mente ne flammeo Christi consecrata Virgines feriantur à malleo universa terræ: ne bibant de aureo calice Babylonis: ne egrediantur cum Dina velintq; videre filias alienæ regionis; infirmioresq; sexum per angustos religiosæ perfectionis calles ad angusta calorum theatra ducere. Sed & dignitas magna muneris laborisq; huius vel inde claret quod Hieronymus Late scribens, multò gloriosiores se mundi philosophò estimavit, si non Regem Macedonum Babylonio periturum veneno, ac ancillam & sponsam Christi erudiret regnis celestibus inferendam. Edificia quid memorem? Si laudes Tuas homines tacuerint, ipsi lapides in Ecclesia quam crexisti: in Monasterio quod edificasti & ampliasti: in manibus quibus totum vallasti canobium, clamabunt. Prætereo decorem domus divinæ sacramq; gazam nobilibus à Te auctam incrementis: taceo tiarâ quâ Czarnowansensem Prælaturam decorasti, accessionem: mitto bonorum variorum seu vindicationes seu aggregationes: alijs hæc memoranda relinquo; mihi suffecerit si morum gestorumq; Tuorum splendorem imbecillitas oculorum meorum ferre sustineat. Omnia quæ recensui & reticui in Te refulgentia merita, à cruce gentilitia nec illa vacua sed Panis celestis ferculum sustentante nobilitantur. Regum purpuras & ardentes diadematum gemmas patibuli salutaris pictura condecorat ait quidam. Etiam infulas Tuas & cuncta virtutis honorisq; Tui insignia CRUX illustrat. Sub hanc ergò & me & quidquid id laboris est quod REVERENDISSIMÆ Dominationis nomini consecravi projicio, nullibi serenior quàm sub hac umbra: nullibi tutior quàm sub hoc scipione: nullibi plenior quàm sub hac mensa futurus. Non reijcies quem iam candidissimo pectore complexus es: & vile apophoretum inter publicas privatasq; curas Tuis tractare manibus non dedignaberis. Sit locus & nostris aliqua Tibi parte libellis. quibus sinum Tuum repandi supplici voto postulo:

Admittas timidam brevemq; chartam
Intra limina sanctioris aulæ

Mart:

Ita precor.

Vestræ REVERENDISSIMÆ Perillustri & Amplissimæ Dominationis.

Servus & Client.

Fr. Bartholomæus Sotarevius Ordinis S. Pauli Primi
Eremitæ Provinciæ Polonæ Vicarius m. pp.



AD LECTOREM.



Abes candide Lector sermones quos feci non tam fratrum meorum instructioni, quàm meipsum dum tepesco, ad amorem divinum culturamque pietatis redaccensionem. De Asceticis proficiendi vijs vel deficiendi vitijs multi quidem multa scripserunt; neque tamen actum ago dum spirituales posteritati consigno institutiones. Quippe etiam una atque eadem esca in varijs scitamentorum, minutalium, edipnidarum artificijs mensæ multoties apponi solet. Operi isti benevolis (invidos & criticos non moror) forsitan placituro, ea sufficiet merces si mores meos ex ijs quæ hîc leges æstimare nolis. Scis certè non esse insolens, quòd deformis formoso speculum teneat, cæcus videntibus prætendat lumen & claudus sanis gressu viam aperiatur. *Non mo-* *Hic: ad sul.*
neo quod ipse possim, sed quid debeat velle, qui servus futurus est Christi. Fungor vice totius acu- *Horat: lib:*
tum reddere quæ soleat ferrum exors ipsa secandi. Si paginas libri huius verecundari advertet- *1. de arte.*
ris, ne mirère. Erubescit enim quamvis præclara doctrina quam propria reprehendit conscien- *Hieron: ad*
tia. Clarus & facilis laboravi esse ne mihi tantum & Musis cecinisse diceretur. *Pigmen-* *Principia.*
ta quoque verborum & colores rhetoricos interdum adhibui non ut in ijs occupetur
lector, sed ut ad medullam rei gustandam exteriore provocetur ornatu. Nimirum &
 ægris pharmaca vel inaurata vel dipasinate fragrantia porriguntur; & Chirurgi vulne-
 ribus non tantum imponunt emplastra, sed etiam apertè decenterque alligant; & pueri citi-
 tius ardentiusque discunt ex libris pelle Babylonica obductis ac pumice expolitis. Quod
 singulis sermonibus distinctas tractem materias, & vel virtutem suadeam, vel vitium dis-
 suadeam vel certum virtutis instrumentum proponam, feci ideo, quia fructuosius rebar
 eum dicendi servare ordinem, quàm semper in confuso perfectionis studium ingerere
 semperque inter longas & crebras concionis oscitationes, divinorum ac regularium sta-
 tutorum observantiam commendare. Unusquisque in suo abundat sensu. Non omni-
 bus una verbi divini placet methodus. Verumtamen si meum aperire liceat sensum, vix
 credo aliquem posse fieri fructum ex catechesibus quarum materia non alia unquam nisi
 virtutis cultus aut fuga vitij in communi. Sanè magis faciunt ad sanitatem imò & ad
 gulam missus scorsivi & singula fercula separatim masticata, quàm si omnia in unam cõ-
 misceas gabatam manducanda. Quia vero in volumine hoc aliqui longius protendun-
 tur sermones, eos pro arbitrio contrahas licet, aut partiaris in plures, qui etiam mihi
 ipsi usus fuit. Egi de SS. Sacramento in 4. Exhortationes commodè secari potest: de
 Immaculata Conceptione, de Patientia, de Oratione, &c. in duas vel tres. Facilius e-
 quidem est ex toga synthetici aut thoracem facere quàm è contra.

Cum oratoris sit docere & movere, prius intellectum instruo; post, voluntatem *Duplex o-*
 quæ suapte naturâ ductum sequitur intellectus, permovo. Absque præceptionibus & *ratoris,*
 instructionibus prævijs concitatioem ad bonum velle facere auditorem, est velle cæco *munus.*
 persuadere ut non cespitet in via & recto gradiatur passu. Non placent Concionato-
 res illi, qui toti in eo sunt ut vocis clamore, gestuum signis, corporis motibus loquan-
 tur rem factam putantes si affectuosè perorent, si vibratione manuum, agitatione capi-
 tis, flexione sui ipsius, rudes ut ante nihiloque sanctarum rerum peritiores audientes in
 stuporem vertant, mimi potius & ethologi quemadmodum eos vocat Cicero, quàm O- *Libr: 2. de*
 ratores. *Orat:*

Illud inter cætera nosse te cupio amice Lector, pauca hîc è meo nata capi-
 te: ex scriptura, ex SS. Patribus, ex probatis Authoribus venire plane omnia. Potissi-
 ma testimoniorum pars fertur in acceptum D. Hieronymo, cuius lectione prima sacra-
 toris & politioris literaturæ elementa cæpi discere: utquemadmodum Homero centon-
 nas ac Virgiliocentonas legisse te arbitror, sic scripta hæc qualiacunque si Hieronymo-
 centonas appelles, tantum abest ut succenseam ut potiùs gratias habeam. Et è spiritu-
 alibus

Libellorū spiritualiū utilitas. alibus Thomæ Kempensis, Didaci, Teretij, Eggerer, atque aliorum minutis libellis suis operi accedit nitor. Nam & apiculæ ex minimis mel dulce legunt flosculis: & viles virgulæ pretiosa sudant balsama. atque ubi non Tullius sed Spiritus Sanctus loquitur non potest non sequi uberrimus lectionis fructus.

Opus in quatuor distinctum partes. Prima de Religiosorum votis & actibus. Secunda de Proprietatibus. Tertia de Virtutibus. Quarta de vitijs eorundem tractat. Seriem & ordinem dicendorum subiecta proponit tabula.

Quum acrimoniam multam reperies, ne offendare. Citius compungunt quæ pungunt. Morfu aceti fraudatus cibus non movet esuritionem: & sine sale edulium insipidum est.

Infanti melimela dato fatuasq; mariscas.

Nam mihi quæ novit pun gere Chia sapit.

*Mar. lib. 7
ep: 22.*

Schematis præfixi titulum: nihil novi obscurivè & quod Apolline egeat adducens. Verbis quippe juxta Oratorem Romanum *uti debemus quæ nobis nota sint, ne, ut quidam, græca vocabula inculcantes, jure optimo rideamur.* Vocabulum *schematis* in vitis PP. & nostris antiquitatibus frequentissimū est, quo habitus seu ornatus ut plurimū religiosus significatur. Solemne porro est, vestimentum pro doctrina accipi & vicissim doctrinam per vestimentum designari: unde vestis Aaron pectori ornando ex auro & quatuor texta coloribus, *rationalē*, græcè *logion* vocabatur: cui etiam manifestatio vel doctrina & veritas inserta fuit. In *rationali veritas est*, ait Hieronymus, *id est scientia ut noverit*, qui eo indutus est, *quæ dicenda sint: & manifestatio atque doctrina, ut possit instruere alios quod mente concepit.* Idem infra: *Id ipsum Moyses quod Apostolus. Ille Sacerdotis scientiam ornat in vestibus: iste Timotheum & Titum instruit disciplinis.* ubi vestes & disciplinas pro eodem accipi advertis.

*Ad Fabiola
de vestibus
Sacerd.*

Ad extremum, quidquid laboris dogmatisque ad usque minimum apicem in volumine hoc continetur, judicio Maiorum submitto & Sanctæ Catholicæ Ecclesiæ sensui plenissimè subijcio, ne latum quidem unguem à sacrosanctis Apostolicæ Romanæ sedis legibus recedere cupiens: apud quam incorrupta fidei servatur hæreditas & dominici feminis puritas centeno redit fructu. Illud cum Kery nostro protestor ita me affectum animo esse ut malim lucubrationes meas igni tradere quàm ut ijs insit quidpiam voluntati decretisque sedis illius repugnans. Vale benevole Lector: & non eruditionem nostram quæ vel nulla vel parva est, sed pronam in te suscipe voluntatem.

*Ad Dama.
sum.
In præf. ad
Decreta
Pontif.*



T A B V L A

OCULIS SUBIICIENS SERIEM

& ordinem materiarum huius voluminis.

VOTA ESSENTIALIA RELIGIOSORUM.

Obedientia.

Castitas.

Paupertas.

ACTUS.

Quatuor actus spirituales.

Exercitia spiritualia.

Labor manualis & studiū sacrum.

Oratio.

Rosarium.

Contemplatio gaudiorum cali.

Psalmodia.

Memoria mortis.

Consideratio iudicii extremi.

Recogitatio pœnarum inferni.

Lectio.

Devota Missa celebratio.

PROPRIETATES.

Solitudo claustralis.

Observantia regulares ubi de si-
lento, socialitate in eundo &c.

Ieiunium.

Verecūdia & custodia sensuum po-
tissimum oculorum.

Honestas.

Amor disciplina.

Honor & observantia erga alios.

Fervor spiritus.

Letitia spiritualis.

Pax cordis.

Pax cum alijs seu concordia.

Contemptus mundi.

Mortificatio carnis.

Mortificatio passionum.

Devotio ad Passionem Domini.

Devotio ad SS. Eucharistiam.

Devotio ad Beatissimam Virginem.

Abnegatio voluntatis propria.

Timor Domini.

VIRTUTES.

Pœnitentia.

Humilitas.

Manuetudo.

Magnanimitas.

Abstinencia.

Patientia.

Modestia.

Perseverantia.

Misericordia.

Religio.

VITIA.

Superbia.

Hypocrisis.

Murmur.

Cogitationes mala.

Iudicium temerarium.

Injuria lingua.

Inanis gloria cum reliquis vi-
tij Capitalibus.





I V D I C I V M.

T H E O L O G O R U M O R D I N I S.

EX mandato Adm Rdi: P. Fr: NICOLAI SOTAREWICZ, Sacræ Th: Doctoris, Ordinis Fratrum Eremitarum S. PAULI Primi Eremitæ per utramq; Poloniam, Silesiam & Pomeraniam Prioris Provincialis, Opus præfens, sub titulo SCHEMA REGULARE, seu sermones Claustrales Authore R. in Christo Patre BARTHOLOMÆO SOTAREVIO, eiusdem Ordinis nostri Sacræ Th: Doctore, Provinciæ Polonæ Vicario, uti attento legi oculo, ita iucundissimo excepi animo: & quia nihil in eo Christianis moribus dissonum, aut Orthodoxæ Romanæ fidei contrarium reperi, quin imò omnia, augendo spiri tuali profectui accommodatissima inveni, ideo idem opus, luce publicâ dignissimū judico. Ac sicut Eremitæ nostræ Paulinæ desertum vox hæc felicissimè concussit, ita quod & alibi uberrimos sanctioris vitæ sit paritura fructus, candidè promitto. Łęczeszycijs die 3. Aprilis 1693.

F. Augustinus Widz Sacræ Th: Doct: C. L. P. Definitor P.

EGo infrascriptus, Opus sub titulo SCHEMA REGULARE à Rdo: P. BARTHOLOMÆO SOTAREVIO Sacræ Th: D. Ord: Nostri Polonæ Provinciæ Vicario compositum, attentus legi, illudque tanquam ap-primè elaboratum, ordinatè digestum ac omni utilitate & svavitate plenum in lucem edi posse censeo & opto. Datum in nostro ad SS. TRINITATEM Conventu Głogoviensi. Anno Dni 1693. die 12. Mensis Aprilis.

*Fr: Samuel Marbin Sac: Th: Doctor,
pro tunc prætacti Conventus Prior.*

L I C E N T I A R E V E R E N D I S S I M I P A T R I S G E N E R A L I S.

Liber cui titulus: SCHEMA REGULARE seu SERMONES CLAUSTRALES, per Reverendum Patrem Fratrem BARTHOLOMÆUM SOTAREVIUM Ordinis nostri in Polonia Vicarium Provinciale Sacræ Th: Doctorem compositus atque à duobus Theologis nostris revisus & approbatus ut typis evulgetur, si ijs ad quos spectat videbitur, facultatem damus. Ex Conventu residentia nostræ MARIÆ Thallensi Anno Domini 1693. die 16. Maij.

(L.S.)

*Fr: Ludovicus Barilowich Ord. S. Pauli Primi
Eremita Prior Generalis.*

mpp:

Imprimatur.

M. FRANCISCUS PRZEWOSKI, Sacræ Theologiæ Doctor, Præpositus Sanctorum Omnium Crac: ad S. Florianum Custos, Scholasticus Curelovienfis, Librorum Ordinarius Censor.

mpp.

M

P A R S I.

DE VOTIS ET ACTIBVS

R E L I G I O S O R U M.

VITA & VOTA RELIGIOSA COMMENDANTUR.

VOcatis ad vitam Religiosam nihil æque necessarium est ac dignitatem status sui frequenti recolere meditatione. Quomodo enim pro vocatione sua ferventer ac sæpenumero Divinæ maiestati agent gratias quomodo indefesso studio in servitio DEI, in custodia mandatorum DEI votorumq; essentialium, in observantia Regulari perfectionisq; amore & cura persistent, si vocationis suæ præcellentiam diligenti trutina sæpe sæpius non perpenderit? Hanc porro ex sacris literis & discere & producere minime operosum.

Pulchritudinem Sponsæ suæ Ecclesiæ depingens in Canticis Christus IESUS decoremque & symmetriam totius corporis ac singillatim membrorum omnium describens, à genis incipit: Pulchræ sunt genæ tuæ sicut turturis. In hebræo textu: *Pulchræ sunt genæ tuæ in ordinibus.* hoc est, in ornamentis dependentium inaurium. Velim scire quid per genas in Corpore Ecclesiæ intelligitur. Expositores sacræ scripturæ plerique in eo conveniunt per genas hæc ornamentis inaurium frontaliūque aureorum decoratas designari viros Ecclesiasticos & vel maximè religiosos. Certe sicut genæ in corpore humano primū occurrunt aspectibus; ita in corpore Ecclesiæ Status Clericalis ac Monasticus primus omnium humanis obijcitur oculis. sicut ex genis unumquemque agnoscimus ita ex Ecclesiastico ac religioso statu in suis utroque manente ordinibus vera dignoscitur Ecclesia. Iam quid pulchrius genis à quibus totius corporis species & decus pendet! Cohæreant licet membra nexu aptissimo invicemq; sibi eleganti iungantur proportionē; si malæ deformitatis alicuius malitiam habuerint, integer homo deformis iudicabitur. Quid decentius genis & ex inde quod sint sedes verecundiæ roseoque conspersæ colore pudicitiam simul & decorem miro modo præferant. Unde alibi rubenti malo punico assimilantur: *sicut fragmem mali punici ita genæ tuæ.* Inferre licet. ita quoque nihil pulchrius esse religiosi in Ecclesia. Inde est quod à Sanctis Patribus & Summis Pontificibus, jam florum, jam gemmarum, jam lapidum pretiosorum honorifico vocantur nomine. Unius profero testimonium Hieronymi. *Flos quidam & pretiosus lapis inter Ecclesiastica ornamenta Monachorum Chorus est.* Ex cuius occasione testimonij alius mihi occurrit in rem nostram scripturificus locus. Eadem Christi Amica quasi in quodam consistens theatro ac dilecti soci-

*Excellentia
status religi-
osi, ex eo quia
imò: per genas
Corporis Ec-
clesiæ signifi-
catur.*

*zdo: per liliū
Convallium.*

Pannon: in
Cantica.

giti: per le-
ctulum flori-
dum.

arumq; suarum oculis exposita seipsam absque jactantia tamen commendat & modesta ingenium conditionemque suam exprimit oratione: Ego flos campi & liliū convallium. Quid ita o Christi soror & Sponsa! In hoc brevi & nervoso sermone duo hominum notantur genera, alterum eorum qui laxiori vitæ deserviunt contenti præcepta tantummodo observare, alterum eorum qui se ad consilia Evangelica obstringunt. Primi sunt flos Campi. Secundi liliū convallium. Campus patens est nullisq; conclusus claustris, convalles eminentioribus claudi videntur montibus ut cum in illis sæcularis vitæ homines designentur, in istis monasticæ vitæ obstricti rectius intelligantur. Primi in libertate tanquam flos in patenti campo; secundi sub arctiori disciplina & clausura tanquam liliū convallium inter montium septa, primi sine custodia; secundi sub excubijs. Iam vide mihi inter hæc duo quid præcellit? nonne liliū pulchrius est, jucundius est, fragrantius est? Ponè præterieram quod vel præcipuum est in eodem Cantico ad nostri confirmationem assumpti. Præfata Christi dilecta in suo Dialogo meminit quoq; lectuli sibi & Christo communis. *Lectulus*, inquit, *noster floridus*. Quis hic amabo lectulus locò plumarum mollium suaveolentibus stratus floribus? Respondet S. Bernardus; *In Ecclesia lectum in quo quiescitur, Clausura existimo esse & Monasteria in quibus quietè à curis vivitur sæculi & solitudine vitæ atq; is lectus floridus demonstratur cum exemplis & institutis Patrum tanquam quibusdam bene olentibus respersa floribus Fratrum conversatio & vitæ refulget*. ita ille & bene & more suo mellifluè. Mundanorum vita lectus est imò verius scimpodium aut grabatus vilis isque spinosus spinis undequaq; refertus in quo inquieti girant se in utrumque latus homines; at Religio lectulus est floridus quia in eo suavissime ac placidissime à sæculi curis requiescitur. O vere insignis excellentia status nostri! O ingens beneficium religiosæ vocationis! cuius ingratos esse grande piaculum. Quid verò in gratiarum actionem Divinæ Maiestati offeremus? Infantilis ætas facile minutis etiam beatur donis. En itaque ego ex præfatis sacræ scripturæ locis proportionata & gratissima infantie Christi depromo offerenda à nobis munuscula: Inaures, liliū, & lectulum. Per inaures Obedientia, per liliū Castitas, per lectulum paupertas quietis mater signatur.

Obedientia gratior est Christo omnibus alijs virtutibus si Sancto Augustino credimus qui libro de Obedientia ait: *Nihil sic DEO placet quemadmodum obedientia. Si jejunaveris diebus ac noctibus orationemq; feceris, si in sacco fueris vel Cilicio si nihil aliud feceris nisi quodcunq; præceptum est in lege & tibi visus fueris quasi sapiens, & obediens Patri non fueris; omnes virtutes perdidisti. una obedientia plus valet quàm omnes virtutes*. Adstipulatur sacra pagina 1. Reg: cap: 15. ubi obedientia etiam sacrificijs & virtuti religionis præfertur; è contra inobedientia idolatriæ comparatur: *Melior est obedientia quàm victima & auscultare magis quàm offerre adipem arietum: quoniam quasi peccatum ariolandi est repugnare & quasi scelus idololatriæ nolle aquiescere*. Notemus verba

verba, signemus mysteria quantum id peccatum est quod criminossimo idolorum confertur cultui? Quam gratum sit Deo & quam honorabile pendere à voluntate & iussis maiorum manifestatum cuidam ex priscis Eremitis. Vidit hic (authore Palladio) in Cælo quatuor Ordines hominum. In primo ordine erant infirmi qui in sua infirmitate Deo gratias agebant. In secundo hospitalitatis sectatores. In tertio cultores solitudinis. In quarto Obedientiæ mancipati: Et hi Coronâ & torque insigniti videbantur ac maiori præ cæteris gloria refulgebant. Miratus sciscitatusq; causam, cui hæc revelatio fiebat, responsum accepit ideò hos ultimi ordinis beatos maiori præmio & gloria muneratos, quia cæteræ virtutes ex proprio arbitrio ex propriæ voluntatis motu & ductu fiunt; Obediens autem alienæ se facit voluntatis servum, alieni arbitrij mancipium.

In Vitis PP.

Lilium quoq; Castitatis jucundissimū est Christo infanti donariū Bene flori assimilatur Castitas ut enim ille unico flatu unico attactu marcescit & emoritur ita hæc unico verbulo unico affectu imò plerumque & visu ipso deperditur. Tenera res lilium est: delicata est & puritatis virtus. Quare caute tractanda, diligenter custodienda & quidquid illi contrarium à longe fugiendum. *Fugite* clamat Apostolus *fornicationem*, ubi quodvis peccatum seu mentalis seu externæ libidinis notatur. Quæ Pauli verba considerans Augustinus: *Libidinem* inquit *fugiendam esse Doctore Apostolo didicimus qui cum omnibus vitijs resistendum esse prædixerat, contra libidinem non dixit resistite sed fugite, ac si diceret; reliquis vitijs Deo adiuvante in presenti debemus resistere libidinem vero fugiendo superare.* Nam & beatus Ioseph ut impudicam Dominam posset evadere pallium quo apprehensus erat projecit & fugit. Contra libidinis impetum apprehende fugam si vis obtinere victoriam. Nec sit tibi verecundum fugere si castitatis palmam desideras obtinere.

Lib: de honest. mulierum.

Gloriatur gens Gallica lilijs tanquam insigni suo cui etiam hanc apponere solet inscriptionem. *lilia non nent* intellige. Natio Gallica est mascula est bellicosa, fortis non mollis non effeminata non dedita muliebribus exercitijs uti quondam Hercules qui testimonio Senecæ posita clavâ proiectisq; armis inter blandientes mulierum choros *fila deduxit properante fuso*. Eiusmodi lilia non nentia debent esse corda religiosa, hoc est mascula, fortia, aliena à mulierum officijs earumque contubernio. Ad quod vitandum monet unumquemque nostrum Hieronymus. *famina nomen tuum noverint vultum tuum nesciant.* Memento semper quòd *Paradisi colonum de sua possessione mulier ejecerit.* Nec tu sanctior David nec Salomone sapientior, nec Samsone fortior qui tamen blanditijs muliebribus in turpem protracti ruinam. *Si scandalizat te oculus pes manus projice ea: nulli parcas ut soli parcas anima.* Omnimodis itaque curemus ne lilium hoc Christo gratissimum ullatenus temeretur omni custodia servantes cor nostrum à cogitationibus, sensus nostros externos à libidinosis actionibus nos ipsos ab illicitis conversationibus.

In Hercule.

Ad Nepotianum.

Lectulus denique Christo infantulo non modo jucundus sed
A 2 & com-

& commodus. Per eum signata placidæ quietis parens paupertas quantum Salvatori nostro cara sit vel ipse eius habitus vel ipsa nuditas sufficienter demonstrat. Ad eam nos quoque cohortatur nominatus perfectionis Magister unicuique nostrum eiusmodi præcepta tradens. *Avaritiæ tibi vitandum est malum non ut aliena non appetas, hoc enim & publicæ vetant leges sed quod tua quæ jam sunt aliena, non serves.* Aliena nobis auri argentique sunt pondera. Nostra possessio tota spiritualis est. Cælum & terram despiciens cantabis Domino: *pars mea Dominus.* In primitiva Ecclesia quando Domini nostri adhuc calebat cruor & fervebat recens in credentibus fides vendebant omnes possessiones suas & pretia rerum ad pedes Apostolorum deferrebant, Cur ita? cur non in mensa deponebant, cur non ad manus tradebant? ut ostenderent pecunias calcandas esse. Cui quæso horrore non sit terribilis damnatio qua percussi Ananias & Saphira ideo, quia post votum obtulerunt quasi sua & non eius cui hæc obtulerant partemque sibi jam alienæ substantiæ reservarunt, metuentes famem quam vera fides non timet, præsentem meruere vindictam non crudelitatem sententiæ sed correctionis exemplo. Quam nociva sit religioso proprietas insigni exemplo docuit Magnus Antonius. Venit quidam ad ipsum ex sæculo postulans se in numerum discipulorum admitti monasticis præceptionibus imbuendum. Admisit S. Abbas, probat spiritum Tyronis deprehensaque quod substantiæ suæ divenditæ partem usibus & necessitatibus privatis reservavit hac eum à malo revocat ratione. Vade, inquit, ad vicum eme carnes emptasque in humero denudato huc apporta. Paret ille iussis præpositi sui pergit ad Civitatem emit carnes reductaque veste illas humero nudo imponit, Vix redire incipit & ecce advolant aves accurrunt canes miseræque cum carnibus illis collum humerosque baiuli lacerant, cruentant. Redux præsentat se superiori; præsentat & sulcos vulneraque corrofi corporis: sic, inquit, S. Antonius sic lacerabitur à demonibus quicumque renuntians sæculo & in proposito monastico desiderans servire Deo peculium de integro non proiecerit sed suis seu commodis seu indigentibus retinuerit. Igitur & nos qui Christi disciplinæ colla subiecimus postquam Sacramento professionis semel omnibus renuntiavimus, nihil proprii possidere audeamus ne forte infernales volucres rostris suis miserè animam corpusque nostrum dilanient & discrepant. Vox æternæ veritatis est: Qui non renuntiaverit omnibus quæ possidet non potest esse discipulus. Qui dixit omnibus (ait S. Augustinus) nihil proprii à suis discipulis possideri voluit. Qui quicquam possidet in terra remotus est à Dei disciplina. Ergo voluntariè nunc ponamus quædoque dimittenda ne quod absit pro transitorijs amittamus æterna. Et hæc sunt apophoretæ quæ infanti Christo in gratiarum actionem pro excellentissimo vocationis religiosæ beneficio in hac solemni nostra renovatione offerre debemus. Offeramus itaque cum tribus Magis simili devotione, simili affectu, simili proposito, fietque procul dubio quod sicut illi ita nos quoque per aliam viam conversationis nostræ revertemur ad Cælestem Patriam. Amen.

V O T A

VOTA RELIGIOSA

Anniversariam votorum oblationem facturi sumus Patres in Christo Reverendi. Non absq; mysterio & causa renovationem votorum intra festivitatem Epiphaniarum Religio nostra fieri instituit. forte quia hoc tempore plura eaq; insignia Christi beneficia & magnalia recoluntur ut vocatio gentium, baptisma Salvatoris nostri eiusdemq; primum in nuptijs Cana Galileæ miraculum; ideoq; pluribus titulis religio Paulina eidem gratificandum censuit. forte quia beneficium vocationis in Natali Patris & fundatoris sui pia commemoratione celebrando annuo hoc devotionis censu sese pro tanto exolvit beneficio? Quidquid sit, illud certum est quod pietatem Matris suæ Ecclesiæ Catholicæ æmulatur. Hæc enim jam inde in tribus Magis gentium primitijs nascens venerata est hodieq; specialiter intra solennissimum hoc octiduum veneratur Christum Dominum triplici mystico munere auri thuris & myrrhæ, per aurum regiam dignitatem, per thus divinitatem, per myrrham mortalitatem in Salvatore suo testando & adorando. Ac proinde & religio nostra Maternæ devotionis æmula triplici voto summam convenientiam cum præfatis Magorum muneribus habente intra hoc idem tempus Divinæ litat maiestati. Quam convenientiam nunc ostendere propositi mei est aspirante Divina gratia.

Canticorum 5. miratur quispiam & stupendo interrogat: Quæ est ista quæ ascendit sicut virgula fumi ex aromatibus myrrhæ & thuris & universi pulveris pigmentarij. Hebraica versio habet: Quæ est ista ascendens de deserto sicut palma fumi suffumigata myrrha & thure & universo pulvere aromatarij. Hebræi expositores id volunt intelligi de gente Israelitica agminatim per desertum ad terram promissionis pergente & de fumo gloriæ Domini ex incensationibus circa Arcam ascendente gentibus regionum vicinarum mirantibus ac dicentibus: Quæ est ista natio quæ per desertum ascendit cum odoratissimo incensorum fumo? Catholici interpretes locum hunc attribuunt Ecclesiæ orthodoxæ Apostolicæ. hæc enim continuo ascendit ascensu fidei & morum per desertum mundi huius suffumigata myrrha thure & universo pulvere pigmentarij id est triplicem statum fidelium hominum in se complectens Martyrum, Sacerdotum & universæ plebis. Non abs re fuerit si ego textum hunc Religioni nostræ accommodavero. Hæc certe ascendit tanquam palma unde hoc ipsius est insigne. Suffumigata myrrha continentia, thure Orationis & obedientia, Universo pulvere paupertatis, humilitatis, aliarumq; virtutum. quæ quantum secum convenient jam demonstrare aggredior.

Myrrha continentia symbolum est. Est autem myrrha arbor humilis in Arabia nascens altitudine quinque cubitorum, corticem habens durum & intortum crassiore quam thus. Nec sine spina est. Inciditur bis in anno à radice usq; ad ramum Mensibus Martio & Aprili. Fiunt & posterioribus mensibus incisiones non tamen tantæ virtutis ac pretij guttam reddunt. Sudat aromati-

B

ca hæc

Pannonius in
Cantica.

ca hæc planta statim etiam sponte priusquam incidatur. Et hæc lachryma quæ sponte stillatur est viridis & amara omnibusque, alijs guttis quæ per incisionem eliciuntur præstantior. Succus arbusculæ huius est desiccativus omnis humoris mali ideoque corpora servat incorrupta. Recentiores a duobus contrarijs ventis agitari maxime vero ab Aquilone & Austro putant in vere quando stillat liquorem præstantissimum qui myrrha prima dicitur. Virtus castitatis arbor est humilis. Incesta enim est Castitas quam humilitas non commendat. Superbæ Virgines esto corporis integritatem habentes non agnoscuntur a sponso nec ad thalamum æternæ gloriæ admittuntur. Nascitur in Arabia quæ hebraice vocatur Sabba id est conversio. Quia nisi quis ad DEUM toto corde convertatur nisi se in statu gratiæ constituat per aversionem à Creatura & conversionem ad DEUM nequaquam continentia in eius animo pullulabit. Si namque nemo potest esse continens nisi Deus dederit illi, quomodo continens esse potest qui se à Deo alienavit. Certe videmus & videre possumus quod tales homines esto ad modicum tempus integritatem puritatemque colere videantur, brevi tamen ingruente aliqua tentatione, concupiscentiæ motibus velut arundo in hæc & illa carnis opera impelluntur ostenduntque se ante non virtutem castitatis sed defectum habuisse cupiditatis. Duro cortice debet esse obvoluta castitas. hoc est animus castus sit durus sit intractabilis sit denique adamantinus omni ad malum emollire & pertrahere cupienti. *Ubi non luxuria in servo DEI ait S. Hieronymus sed duritia carpitur talis detractio laus est. Crudelitas ista pietas est.* Non servatur castitas nisi sub duro cortice id est nisi sub duro & austero vivendi genere. Nam ut idem ait: *Inter illecebras voluptatum etiam ferreas mentes libido domat. Et difficile inter epulas servatur pudicitia.* Spinis valletur, sepimento & custodia sensuum cingatur. nullus pateat violando pudori accessus. Plantationem hanc quam plantavit Pater Cœlestis incidere licet cultro mortificationis quovis tandem tempore. Neque enim qui dixit: *mortificate membra vestra quæ sunt super terram* tempus aliquod certum præfixit mortificationi sed indefinite suam protulit sententiam. Desiccet in nobis humorem malum libidinis. Incorrupta servat corpora imò & pectora odorem igne amoris divini succensa mittit Deo gratissima nec non odorem bonæ famæ inter homines latissime diffundit, tunc odoratio nobilior & pretiosior quando à duobus contrarijs ventis vento charitatis & cupiditatis agitur uti agitabatur in Divo Paulo dum clamaret: *Sentio aliam legem in membris meis repugnantem legi mentis meæ.* Si enim vero castitas non frangatur concupiscentiæ impulsu, firmabitur habitus virtutis in animo, augebitur præmium, odor bonæ famæ accrescet, & suavius omni thymiamate Deo sacrificium exhibebitur. Huius nobilissimi aromatis fragrabat odore sponsa DEI dum diceret: *Manus meæ distillaverunt myrrham.* quod quidem de synagoga Iudæorum ita intelligitur quia videlicet manus suas in myrrham aliisque sacrificiorum ac odoraminum libamina immerisit, totam se circa exteriores suffitus & incen-

& incensationes occupando; de anima vero, quòd mentis puritatem etiam in externis exprefferit operibus. In casto siquidem homine etiam ipsa species corporis est simulacrum bonæ mentis, figura probitatis. Non hanc odoriferam statim sed mellis stillat dulcedinem sponsa diaboli, congregatio impiorum vel anima servituti mancipata diabolicæ. *Mel distillant labia meretricis* hoc est mundi improbi, vel fornicantis a Deo hominis per prævaricationem. Mel libidinis symbolum est quia sicut mel teste Hieronymo *impinguat ad tempus vescentium fauces & postea felle amarior invenitur ideoq; in sacrificijs non offertur*; ita libido licet ad momentum oblectet postea tamen amarissimo miseram animam replet absinthio. Myrrham redolent casti homines: ergo libidinosi turpissimo assæ fætidæ odore fætebunt. Quid enim fætidius impuro & Epicureis voluptatibus dedito homine? quid olidius illo qui hircinos rheumatismum carnalium exhalat putores juxta illud: *Pastillos Rufillus olet, Gorgonius hircum*. Fætet coram Deo & Angelis impurus homo quia ipsi odibilis; fætet coram hominibus tanquam canis mortuus vel tanquam sepulchrum patens quod pestilentissimam evaporat mephitim. Quid etenim videas quid audias à tali homine nisi tenebrosa & fætida concupiscentiæ verba & opera? unde ordinatissimo Dei judicio sordibus æternis destinantur qui inter sordes vivere & cum publicarum libidinum victimis corpora sua nefaria colluvione commaculare elegerant. In vitis Patrum de Abbate Elia narratur quod hic fractus aliquando concupiscentijs dum ex Eremito in mundum explendæ causæ libidinis properaret vidit in via immanem voraginem in qua utriusq; sexus homines assueti quondam carnalibus voluptatibus merum inter pus & putredinem volutabantur audiitq; vocem Angeli: *va illi qui propter has sordes DEUM deserit*. Ad quarum graveolentiam ita cohorrui ut semianimis corruerit donec à misericordi Deo excitatus & confortatus ad pœnitudinem rediit. Sed & ipse diabolus turpitudinem libidinis & libidinosorum expressit dum cuidam juveni toties venereis impugnato stimulis semper tamen Dei auxilio & magistri sui pijs exhortationibus semper inquam victori in forma mulieris Æthiopissæ apparuit tantum ex se fætozem eiiciens ut eum penitus juvenis ille probatus ferre non posset dumq; hic staret attonitus & quidnam sibi vellet apparitio ista conturbata mente revolveret: Ego sum, inquit dæmon Æthiopissæ mentitus speciem, ego sum quæ in cordibus hominum dulcis appareo: propter obedientiam tamen tuam & laborem quem sustinens non me permisit Deus imponere tibi sed fæditatem meam duntaxat prodere. En assam fætidam castitatis myrrhæ è diametro oppositam!

Ad Eustochiū.

Horatius.

Thuris mysterio signatur Orationis & obedientiæ studium. Utq; de obedientia hic & nunc solum loquar, magnam cum thure analogiam tenet. Thus sicut & myrrha arbor est aromatica in Arabia sive in Sabæa provincia nascens. In eo discrepat à myrrha quod sublimius crescit ideoq; thus appellatur à tollendo quod nimirum in immensum tollatur. Gumma seu guttam ex se emit tit albam & lucidam. Virtus ipsius est quod ventrem & vomitum ar-

tum arceat & quod intellectum acuat. usus eiusdem præcipuus in sacrificijs. & in Ethnicorum supersticiosiis ceremonijs & in veteris testamenti legalibus holocaustis & in Novæ legis sacrificijs nihil solemnius nihil frequentius thuris usu. Quod de continentia dictum, etiam obedientiæ suffragatur. Et hæc nimirum est arbor aromatica in Arabia hoc est in corde ad DEUM converso nascens sublimior tamen virtute continentiae quò circa sublimiora versatur. Continentia quidem circa mortificationem carnis, obedientia circa iudicij & voluntatis propriæ abnegationem tota quantà occupatur. Arcet electiones thuris virtus. Et obedientia nihil magis curat quam ne de receptaculo cordis timor DEI, justificationum Divinarum, statutorum regularium & mandatorum superioris custodia eiiciatur. Intellectum acuit melius & sacratius quam gutta thuris. Quo enim quis magis exercetur in obedientiæ virtute eo magis illuminatur ad cognoscenda faciendaq; DEI & Superiorum præcepta. Thus ad sacrificium adhibetur. Obedientia est ipsum sacrificium in quo non carnes vitulorum & hircorum sed rationales facultates iudicium & voluntas propria DEO immolatur ita ut obediens non quod iudicat & vult sed quod iubetur facere, in opus prompto & hilari deducat animo. Quam grata sit DEO obedientia & quam odibilis inobedientia vix ulla extat sacræ scripturæ pagina quæ non doceat, sufficiat ex Canticis assumere ad rei confirmationem argumentum. *Pessulum*, inquit sponsa, *aperui dilecto. At ille declinaverat atq; pertransierat.* cur ita? utiq; ardentè expetijt aperiri sibi sponsus utiq; non solum fores manu sed etiam cor tuum blando pulsabat verborum affatu: *Aperi mihi soror mea Sponsa aperi mihi quia caput meum plenum est rore.* O justè justissimè pertransiit dilectus quia ad vocem eius non statim te proripuisti quia frivolas prætexuisti excusationes & impedimenta adimplendæ voluntatis eius obtendisti? *Expoliavi me tunica quomodo induar illa? Lavi pedes meos quomodo inquinabo illos.* Proh grandem difficultatem! quid levius esse potest quam exuta reindui tunicâ, quid facilius quam ablutis pedibus passum unum pedis facere? *sed resistans ac cessans animus moras sibi nectit quò imperata declinet* ait Pannonius. Scilicet sponsa habuit quidem mortificationis & continentiae virtutem unde agebat: *Manus meæ stillaverunt myrrham* id est Opera mea puritatis & continentiae dederunt odorem sed quia obedientiae fragrantia caruit ideo in pænâ suæ inobedientiae elongatur ab ea Sponsus, nullis revocari potest suspirijs, quaeritur nec invenitur & non nisi post longos circuitus post amissionem pallij post vibices & vulnera milleq; alia incommoda serò tandem malis suis sapiens à misericordiae Sponsò convenitur. Tantum est obedientiae meritum ut absq; ea nequidem ipsa Angelicæ puritatis virtus laudem habeat nec Divinos mereatur amplexus! Quare S. Augustinus ait: *Monachus si superbus (si inobediens) est, multū ei melius fuerat si uxorem duxisset.* Sed videamus ex hoc ipso exemplo quam cum thure obedientia similitudinem habeat. Thus nisi incendatur jacet contemptibile & otiosum; quod si igni superponatur, gratissimo vapore.

Canticorū 5.

De obedientia.

pore sursum in tenuissima tendit virgula domumq; odore implet. Socordiam & inobedientiam amoturus à dilecta Sponsus, contactu suo ille qui ignis est eam incendit quæ mox ut flammam concepit omnibus tergiversationibus, omnibus cunctationibus sepositis proripit se è lecto & thuris instar totam domum plateas vicosq; Civitatis, compita omnia suæ devotionis, obedientiæ amorisque fragrantia incensat. *Amoris igne astuans difficultates omnes non attendit sed transcendit* inquit de Aponte. Hinc luculenta nobis doctrina est nec continentiam nostram absq; obedientia gratam fore Deo nec ipsam obedientiam absq; fervore charitatis in promptos ac veloces obedientiæ actus exituram. Myrrham si offerimus ut plenum sit sacrificium nostrum etiam thuris statim eamq; in thuribulo cordis aureo charitatis accensam igne offeramus. Vidit aliquando Sancta Mechtildis adstare virtutes Christo Domino in specie Virginum quarum una præstantior tenebat aureum in dextera scyphum in quem cæteræ aromata imponebant. Cumq; singulæ imposuissent, præstantior illa flexis genibus phialam suam odoramentorum plenam Christo Domino offerebat. Ignara mysterij S. Mechtildis edocetur à Christo eam esse virtutem obedientiæ summè sibi gratam eò quod sola virtutum omnium bona completatur. Et cæteræ virtutes aromata sunt sed nullum suavius Christo obedientiâ. Et cæteræ, Virgines sunt sed omnibus excellentior & nobilior obedientia, loquendo videlicet de moralibus. Tanta est necessitas tanta præstantia obedientiæ ut S. Paphnutius inter alias regulas ab Angelo sibi porrectas hanc fratribus suis reliquerit: *Deniq; etiamsi spinam in via calcaveris non est educenda antequam Abbas præcipiat.* S. quoq; Pachomius universos Monachos ad obedientiam commonebat ut hoc compendio facillè perfectionis apprehenderent celsa fastigia.

In Mathæum.

Lib: Gratiarū
Spiritualium
S. Mechtildis.

In vitis PP.

In vita S. Pachomij.

A myrrha & thure ad pulverem pigmentarij quo Ecclesia & filia sanctæ Ecclesiæ Religio nostra suffumigatur, imò verius Divino Numini gratissimum suffitum facit descendo. Inter pulveres Pigmentarij numeratur pulvis aureus seu aurum pulverisatum quod licet quidem non sit odoriferum ea enim quæ non evaporant odorem non habent quia tamen mysticè sumptum mirificè fragrat convenientissimè ad Dei cultum assumitur.

Symbolicè aurum pulverisatum paupertas est. Quid enim est aurum ait D. Bernardus nisi terra rubea quid argentum nisi terra alba? Porro terra nomine bona terrena signari nemo nescit quæ dum instar pulveris conteruntur conculcantur, tunc vera paupertas animum nostrum insedisse dignoscitur. S. Chrysosthomus hom: 48. fulget inquit ut aurum animus sponte sua inopis. Hugo Cardinalis munera Magorum mystica donans interpretatione: Per aurum inquit Eleemosyna designatur. Quæ autem maior Eleemosyna quam sua omnia & seipsum Deo consecrare. Nec mirum auri nomine vocari paupertatem cum & multa alia Rhetoricæ figuræ beneficio contrarijs suæ Naturæ appellentur vocabulis. Sic sylva lucus vocatur quod minimum luceat: mors parca quod parcat nemini. Eumenides furia quod non sint benignæ. Æthiopes ar-

gentei, quòd nigredine sua adversentur argento. Sic igitur & paupertas aurum nuncupatur eò quod minimum de auro habeat. Nec solo conveniunt vocabulo, etiam virtute concordant. Aurum in pulverem redactum lepram & scabiem curat. Et paupertas lepram animæ scabiemue Avaritiam removet ac depellit. Avaritia namq; inficit animam tanquam lepra & tanquam scabies continuo pruritu eandem ad plura & plura desideranda & accumulanda bona terrestria irritat. Aurum pulverisatum secundum Avicennam confert doloribus cordis. Quid aptius & efficacius ad hunc finem quam paupertas. Divitiæ spinæ sunt juxta Evangelium, spinæ quibus misera anima compungitur laceratur cruentatur. Nihil ergo doloribus cordis mederi poterit nisi paupertas divitiarum hostis si verum sit Medicorum placitum quod contraria curentur contrarijs. Aurum ex raritate pretiosum est. Quid rarius paupertate voluntaria? Omnes quæ sua sunt quærunt. Et licet Ecclesia tam multos numerat Religiosos, non multos tamen pauperes. Verò verius est quod S. Hieronymus adhuc ævo suo expertus ad nostrā cautelam & commonitionem scriptum pluribus in locis reliquit: *Non nulli ditiores sunt Monachi quam fuerant seculares & possident opes sub paupere Christo quas sub locuplete & fallace diabolo non habuerant ut suspiret eos Ecclesia divites quos mundus ante tenuit mendicos.* Idem in Vita S. Hilarionis: *multis inquit nomen pauperum occasio avaritiæ est.* Deniq; aurum Regiæ dignitatis est hieroglyphicum, unde intra hos dies occinimus: *Regem Deumq; annuntiant thesaurus & fragrans odor.* Paupertas autem Regia dignitas est & pauperes Reges sunt quibus scilicet dicitur. *Beati pauperes spiritu, quoniam ipsorum est Regnum cælorum.* Non erit, sed est, per quod ostenditur eos non potentia sed actu nec spe tantum sed re ipsa Reges esse cælestes. Jucundum in S. Bernardini scriptis Apologum invenio Rex quidam duas filias habuit unam speciosissimam deformem alteram. Hac neglecta, illa à plurimis Principibus in matrimonium postulabatur. Quare altera miseram sortem suam quadam vicè coram Patre plangebatur contemptui se esse omnibus nulla sua culpa nullo suo demerito, sed ob solam formæ injuriam ingemiscendo. Solaturus eam Pater non defuturos respondit procos eosq; nobiles & Principes. Quando quidem filiæ eleganti forma venustas pro dote cessisset ipsi verò totum Regnum in vim dotis cessurum. Interpretatio Apologi est. Regi Cælorum duæ sunt filiæ, abundantia in rebus temporalibus, & paupertas. Illa speciosissima in auro argento Palatijs vestibibus possessionibus alijsq; suam commonstrans pulchritudinem altera obscurissima & deformis sed prior pro dote nihil expectat nisi meram in bonis temporaneis refulgentem speciem, altera Regnum Cælorum accipit. Beati pauperes spiritu quoniam ipsorum est regnum Cælorum. Verè paupertas Regina est ut pote regni Cælestis possessione jam beata idoque aptissimè ut Regina sub typo auri adumbratur.

En quantam vota Religiosa cum muneribus Magorum habent convenientiam. Si paria sunt quæ offerimus pari devotione & humilitate offeramus. Magi procidentes adoraverunt & apertis thesauris

sauris suis munera obtulerunt infanti. Nos item cum profundissima submissione de vasis fictilibus thesaurum votorum promentes Christo sacrificemus. *Bona est continentia, bona Oratio, & Obedientia bona paupertatis professio & cultus sed nisi in cordis contriti humilitate peragantur inepta sunt & ingrata.* Contundamus igitur hæc spiritualia aromata in mortario humilitatis, redigamus in pulverem minutissimum imo in nihilum extenuando quidquid boni in observantia votorum essentialium hoc anno fecimus, totumq; id Divinæ gratiæ, Divinæ misericordiæ adscribendo, nobis verò errores omnes quoscunq; admisimus imputando. Certè enim ne quidem cogitare aliquid possumus ex nobis tanquam ex nobis pro ut oportet ad salutem, sed omnis sufficientia nostra ex DEO est. *Felix felix* (exclamat Cælicus Cælius) qui sibi talem colligit pulverem ut quæ facit quantumvis iusta & utilia reputet nulla: & qui universa opera sua redigit in pulverem ut non gloriatur in semetipso, servum se inutilem reputans. Talis certè ascendit sicut virgula fumi ex aromatibus myrrhæ & thuris & universi pulveris pigmentarij ascendit inquam ad ipsum Regis æterni accubitus datq; odorem suavitatis. Et jam quod ore diximus, opere ipso cum Religiosissimis Magis procidentes compleamus.

Pannonius in
Cantica.

Pannonius in
Cantica.

VOTA RELIGIOSA.

Festa ad conservandam beneficiorum Divinorum memoriam instituta esse nemini vel modicè scripturas intelligenti ignotum. Legatur vetus testamentum & patebit tot dies ad sanctificandum populo hebræorum impositas quot peculiaribus eisdem exhibita à Deo beneficia. Ecclesia pariter intra hoc tempus, Epiphaniarum solemnitate celebrat ut grata mente recolat insigne beneficium vocationis gentium ad fidem. Religio quoq; nostra diem hodiernum solemnizat ut devoto affectu rememoretur quibus Divina bonitas Patrem nostrum Divum Paulum primum Eremitam cumulaverit bonis ornaverit gratijs, auxerit muneribus, qualiter eum à mundi turbine segregaverit, in solitudine monstorum & tentationum feraci tanto annorum circulo conservaverit, ministerio corvino imo veriùs Angelico paverit pane ut quibusdam placet Eucharistico, quomodo demum eundem glorioso triumpho ad cælum deduxerit. Ut itè pia devotione rememoretur qualiter jam tunc Religionem nostram in ipsius vita & exemplo fundavit eandemq; hætenus pascit, gubernat, tuetur. Apocalip: 12. narratur mulier fugisse in solitudinem in locum sibi à DEO paratum ubi pascat eam diebus mille ducentis. Mulier hæc non modo Ecclesiæ sed & Religionis nostræ typus est. Hæc enim juncta Christo Domino fecundataq; ab ipso semine verbi Divini non cessat eidem spirituales progenerare filios. Ducta est in solitudinem etiam literalis sensu quia ab ipsis statim initijs loca solitaria atque

S. Thomas 22.
9. 106. art. 6.

à convictu & consuetudine hominum semota inhabitare cæpit ubi pascitur Verbo DEI alimonia Sacrosanctæ Eucharistiæ, consolationibus internis nec non corporalibus vitæ sustentandæ subsidijs. Pascitur inquam mille jam & amplius Annis si non tantum Cænobiticum sed etiam purè Eremiticum statum nostrum accipias. In horum igitur beneficiorum recognitionem hodiernam peragimus festivitatem qua sacrificijs qua Orationibus qua ipso piæ mentis affectu vicem Divinæ liberalitati rependendo. Et is quidem suffecerat: DEUS enim bonorum nostrorum non eget. quia tamen *qui beneficium gratis accepit, ex debito honestatis obligatur ut similiter gratis aliquid impendat*, nobis quoq; huic parendum obligationi ut Divinæ munificentia noster non affectus duntaxat sed & effectus respondeat. Quid igitur dabimus ei à quo omne datum optimum? Novi ego non modò homines sed & Deum ipsum auro delectari qui Caput Christi hoc est Divinitatem suam auro asimilari voluit: *Caput eius aurum optimum*. qui per Christum Dominum filium suum gratiosissima suavitate aurum à tribus Magis recepit. qui D. Nicolao Ecclesiæ huius patrono cælum pro trigis recepit. qui D. Nicolao Ecclesiæ huius patrono cælum pro trigis recepit. qui D. Nicolao Ecclesiæ huius patrono cælum pro trigis recepit. Sed enthecā nobis habere non licet. Auri argentiq; aliena nobis pondera. Monstrabo itaq; sermone sequenti quale aurum Divinæ bonitati in retributionem beneficiorum Patri nostro nobisq; præstitorum offerre possimus & debeamus.

Creator omnium DEUS nullo alicuius pretiosæ Mineræ amore ducitur. Non ille appetit aurum quod intra profunda terræ viscera solaribus radijs excoquitur, igne probatur, manu artificis politur. Nobilius & pretiosius est quod à nobis expectat. Oranti aliquando in latere montis Alverni S. Francisco apparuit Dominus in flamma qua olim specie Moyfi apparuerat, petijtq; ut sibi ternam oblationem faceret. Cui Franciscus: Domine mi ego amore Tui nihil habeo nisi vestimentum quo tegor, hoc ipsum tuum est, quid ergò offeram maiestati tuæ? Respondit Dominus: mitte manum tuam in sinum & quidquid inveneris offer mihi. Misit ille inventumq; aureum nummum magnitudinis & fulgoris ingentis ac protinus cum submissione profundissima & ineffabili mentis dulcedine DEO obtulit. Cumq; hoc iterum & tertio ex mandato Divino fecisset, prostratus in terram ad agendas gratias internè edoctus est triplicem hanc monetam esse auream Obedientiam ditissimam paupertatem & splendidissimam castitatem. Hæc, hæc aurea numismata expectat & exposcit à nobis Dominus. Et sane aurum sunt triplicia religiosa vota. Aurum offertur Regibus, Vota DEO Votum namq; definitur esse promissio DEO facta. Quod auro investitur, nobilius est quàm si nudum maneat. Auro decorantur lapides pretiosi, sculpturæ, imagines, Capita columnarum pretiosum ornatum non sentientia. Et voto aliquid investire seu facere aliquid ex voto, laudabilius magisq; meritorium est è mente Divi Aquinatis ex tribus quas allegat rationibus. Primò quidem quia votum est actus patriæ inter virtutes morales nobilissimæ ad quam elevatur omnis actus, ex eius imperio elicitus. Deinde quia qui votet

Vota Religiosa auro comparantur.

Quare facere aliquid ex voto perfectius magis meritorium.

vovet & facit, magis se subijcit DEO quàm qui solum facit: Sicut plus dat ille qui dat arborem cum fructibus quàm qui solos fructus. Vovens enim & faciens, non tantum quo ad actum sed etiam quo ad potestatem se DEO subijcit & resignat ut non possit amplius contrarium voto operari. Tandem quia per votum voluntas firmatur in bonum: Facere autem aliquid ex voluntate in bonum firmata pertinet ad perfectionem actus. Aurum quoque, ipsum plus decoris habet si margaritum vel quicumque pretiosus lapis ei inferatur. Et vota si ipsis solemnitas accedat nobiliora sunt accedit autem ex institutione Ecclesie duplici modo nimirum vel per susceptionem sacri Ordinis vel per professionem certae alicuius Regulae. Alia non datur votorum solemnitas quibuscumque tandem ceremonijs & in quacumque tandem hominum frequentia fiant: publica hæc vocaveris at non solemnia. Sed ex particulari comparatione clarius mea innotescat assumptio.

Aurum inter omnia metalla quæ septem numerantur, aurum, argentum, electrum, plumbum, æs, stannum, ferrum, præcellit & principalem locum habet. Unde illud: vilius argentum est auro virtutibus aurum. Et obedientia ex Severi Sulpitij effato prima est Monachorum virtus imo juxta D. Augustinum Mater & custos virtutum omnium quam si religiosus non habet, esto omnibus alijs ceteroquin virtutibus præditus sit nihil tamen adhuc solidæ perfectionis se adeptum arbitretur. Quid enim sunt virtutes aliæ sine obedientia nisi hortus sine arbore arbor sine stipite stipes sine ramis rami sine folijs folia sine fructu fructus sine sapore? Verba genuina S. Augustini afferro. Obedientia maxima est virtus & ut sic dixerim omnium origo Materque virtutum. Doctor Angelicus postquam dixisset inter virtutes morales eam potiore perquam magis contemnitur bonum aliquod ut DEO inhæreatur postquam item ostendisset tria esse bonorum humanorum genera quæ ne DEUS deseratur deseruntur infimum medium & supremum in infimo bona externa in medio bona corporis in supremo bona animæ collocando tandem concludit & insert: *ideo laudabilior est obedientia quia propter DEUM contemnit propriam voluntatem quæ est precipuum anima bonum quàm ceteræ virtutes morales quæ propter DEUM bona fortune seu corporis abijciunt.* Figurabile aurum est & quod omnem imaginem nitente artificis scalp pro recipere possit. Et obedientia quodcumque jusseris quodcumque scalp pro mandati expresse faciet atque omnem commissi operis arduum superabit. Legimus enim quosdam è nutu superioris ad Crocodilos accessisse alios ad lænam ducendam intrepide perexisse, illos super fluidum aquæ elementum cucurisse, alios arida & emortua virgulta spatio duorum milliarium distantia apportata quotidie aqua rigasse, ut taceam cæcam Eupraxiæ Virginis obedientiam quæ grandem acervum lapidum ex area Monasterij ad furnum iussa transportare iterumque in locum suum reportare supplici & simplici animo obsecuta est impensis baiulationi illi 30. diebus neque interea communibus ministerijs atque officijs intermissis. Quid hic dicetis non auro sed saxo duriora pectora quæ mandato superioris nihil profici-

D

ente in

*Solemnitas
votorum quæ
& quotuplex?*

*Obedientia
convenit cum
auro quia hoc
inter metalla
præstati simum*

*Vide Eggerer in
anathemate.*

*Cur obedientia
laudabilior
ceteris
virtutibus mor-
alibus?*

*Tria genera
bonorum hu-
manorum.*

*quia figura-
bile est.*

*In vita eius-
dem.*

*Inobedientes
objurgantur.*

ente in vestra insensibilitate perduratis. Levia iniungit superioris auctoritas non ardua non vires vestras excedentia, illud vel illud operis facere, munditiam procurare, calamum vel librum ad manus accipere; vos nihil horum intelligitis nec vultis intelligere ut bene agatis. Facta est vobis vox Superioris tanquam carmen musicum quod ut primum in aures illabitur, perit, tenueq; discedit in auras. Fac hoc, ait Præpositus, illa & illa ordine digesto commendo facienda: interea ab ignavis & spontaneè obli-viosis dum nihil fit, Prælatus fructum inobedientiæ reportat ex-candescentiam, suæ dispositionis confusionem, suæ auctoritatis vilipensionem. Truncos inanimes & idola deaurata tales vocavero. qui quidem auream professi sunt obedientiam & tamen os habent & non loquuntur dum ex obedientia loquendum, manus habent & tamen non palpant seu librum seu quodeunq; imperatum obiectum dum hic vel hoc ex obedientia palpandum, pedes habent & tamen dum ex obedientia ambulandum restitant & passum pedis facere cunctantur, ubi nummi vel alicuius folatioli spes affulserit, velocos. Ductile aurum seu in tenues, lentescat virgas seu in crassiores extendatur laminas seu confietur in numismata. Ductilis & obedientia. verus namq; obediens juxta mellifluum Bernardum mandata non procrastinat sed parat aures auditui linguam voci manus operi, pedes itineri totumq; se ita colligit ut mandata peragat imperantis. Si nimis dura sit materies in qua artifex formam mente præconceptam effigiare intendit etiam malleo utitur: si nec sic proficiat, increpat ac maledicit laboris improbi impatiens sculptor. Maledictioni obnoxij sunt & illi qui duras surdasq; se cautes exhibent sublimiori potestati. Josue legatos à Gabaonitis expeditos postquam exploratores esse rescivit, servitio templi addixit perpetuam iisdem imprecando maledictionem. At quid est? Servitus tam sancta maledictione plectitur? Optimè id factum. Servitus namq; coacta maledicta est. Extorta obedientia odibilis Deo. Quod ille vel ille Religiosus coactè matutinum frequentet quod non nisi ex obligatione non nisi pro stipendio sacra operetur quod invitus & averso plenus animo mortificationem faciat quod obmurmurans & cum indignatione ad obsequium iniunctum pergat, lucri spiritualis nihil præter maledictionem reportat. Displicet Deo eiusmodi obedire. Aurum dum sculpitur sive in eorum Castrorum, sive musarum sive animalium sive quarumcunq; species imprimatur formarum non dicit artifice, Cur hoc facis? Et vera obedientia ait S. Gregorius, nec Præpositorum intentionem nec præcepta discernit. Nescit enim judicare qui perfecte didicerit obedire. vera obedientia est præpositorum intentionem non judicare: Falsa igitur erit iussa Superioris ad tribunal examinis vocare, quo sine qua deliberatione edita sint, discutere. Credas tibi salutare monet Hieronymus quidquid præpositus præceperit nec de majorum sententia judices tu cuius officij est obedire & iussa implere dicente Moyse: Audi Israel & tace. Sed Superior inquis malus est & ignobilis. Quantum ad ignobilitatem, nescio cui meliorem luto, finxit præcordia Titan. quantum ad bonitatem non ago pugna-

quia ductile
est.

Quia non di-
cit artifice:
cur hoc fa-
cis?

Juvénalis.

pugnaciter. At nunquid iussa Phariseorum quia ipsi mali, mala erant? nunquid Achitopel nequam prava consilia suggerebat? nunquid quia corvus avis sordida sordidum quoque panem Patri nostro afferebat. Verendum sane ne nostra protervia & inobedientia illum accipiat finem quem capitositas sui iudicii suae voluntatis tenacissima in illo accepit de quo Berovius ad Annum. 1566. testatur quod quia mandata excusando ac varijs coloribus interpretando negligebat, in articulo mortis constitutus monitusque ut sacramenta perciperet nil opus est inquit, damnatus sum. Non feci quam quod volui. Hæc est causa meae ruinæ. Sic miser efflavit animam.

Paupertatem jam aliàs auri nomine & symbolo designari docui. Addo hîc quod ait quidam Magister spiritus. *Paupertas aureus nummus est quo aeterna merces à Religiosis comparatur dicente Domino: Beati pauperes spiritu, quoniam ipsorum est regnum caelorum.* Et Abbas Hyperichius pro thesauro Monachi paupertatem colendam asseruit. Nec abs re. Convenit enim cum auri proprietatibus. *Aurum per medios ira satellites & perumpere amat saxa potentius ictu fulmineo.* Potens & paupertas. Hæc namque etiam saxeos etiam adamantinos animos emollire valet ad succurrendum alienæ miseræ. Auri raritas magna. Quid rarius paupertate spiritus! *Beatus vir, qui post aurum non abiit. quis est hic? & laudabimus eum?* quasi diceret eiusmodi vir qui auro congregando non inhiat, si potest inveniri non modo summis in Cælum usque laudibus extollendus sed apothecæ adhuc dum vivit donandus. Inter Religiosos ipsos esto Diogenis lucernam adhibeas vix paupertatem veram reperias. Quotus quisque enim est qui proprio non itudet compendio ad quod velocior pes, citus sermo, auris attentior? quotus quisque est qui prætextu necessitatis non foveat cupiditatem? quam frequens est qui *immoritur studijs & amore senescit habendi.* Detestando diffidentia erga DEUM imò infidelitatis vitio dum famem quam vera fides non timet aut infirmitatem quam resignatio Christiana non exhorrescit metuimus, peculium servamus imò undecumque obvenire possit, latenter & furtive augemus furti iudicio si non hic certe tribunali Divino condemnandi. Jam illa verissima juris regula per abominabilem morum nostrorum corruptelam planè abrogata: Monachus quidquid acquirit, Monasterio acquirit, quando vel quæ conferuntur vel quæ offeruntur clam recipimus nostris usibus servitura, benedictionem petere verecundamur aut contemnimus multominus in potestate præpositi ad communem usum collocamus. At oppones cum Cassiano. non dantur sufficientia. quid si valetudo mala emerferit & reconditum aliquid peculiare non fuerit quo sustentetur infirmitas? Præstatio Monasterij pertenuis est & negligentia erga ægrotos. maxima si proprium aliquid non fuerit quo cura corpori valeat adhiberi moriendum est. Hi sunt hi maledicti proprietariorum prætextus quos ad excusandas excusationes in peccatis adducunt! Auribus nostris sæpius audivimus complures dicentes se quidquid habent pro ultima siti reconditum servare. At quando hæc ultima sitis erit?

D 2.

Pateti-

Eggerer in anathem:

Paupertas cōfederatio auro

Horatius. in potentia.

& raritate.

Horatius.

Oppositiones proprietario-um.

Sitis ultima
quando?

Pateticè contra hanc phrasim è scholis Religiosis exterminandam detonabat quidam è nostris Prælatus in publico sermone. Quando, inquit ille, erit hæc sitis ultima? Jam tot annos in religione explevisti. victus vestis tectum nunquam deerat. Num aliquando famelicus non habebas quo rugienti stomacho os obturares. num per diem aliquam non invenisti quo sitim tuam reficeres si tamen aliquando sitivisti. Infirmus nunquid non fovebaris qualiter vix in sæculo fatus fuisses. Quid ergo dubitas quid ergo desperas in posterum? aut si antea actis annis sitim ultimam non es passus quo tandem tempore illam superventuram formidas? Credo ego, aiebat, quod sitis hæc ultima tunc demum erit quando in inferno cum divite Epullone, rabida inter horrendos flammarum globos siti vexatus petes nec obtinebis ut vel modico aquæ pugillo lingua tua refrigeretur. Ita ille & bene & sancte. Lamentatur D. Hieronymus, quod suo ævo quidam ex Monachis repertus fuerit post mortem proprietarius: *vidimus nuper & planximus Crasi opes unius morte deprehensas, urbisq; stipes quasi in usus pauperum congregatas stirpi & posteris derelictas. Tunc ferrum quod latebat in profundo supernavit aqua & inter palmarum arbores myrrhæ amaritudo monstrata est.* Q quot funera eiusmodi planctu hodie digna essent dum post non unius fata cum radianti metallo varioq; peculio coruscantes deprehenduntur sarcinæ. Utinam nos salubri metu concutiat exemplum Ananiæ & Saphiræ utinam terreat districta juris Canonici dispositio mandans proprietarios non alibi quam in sterquilino cum ipsa pecunia sepeliri, quod etiam apud nos practicum Annales testantur? Utinam redeat illa viridis aureæ paupertatis observantia quando etiam pro minutis rebus, intertenendis petebatur benedictio, sine qua quia non nullus frater in Monasterio nostro Ungariensi geminas chordas missali compingendo destinatas stramentis lecticæ suæ supposuerat metuenda visione correctus. Concionator enim pone cellam fratris illius habitans de media nocte dum cæteri matutinis interessent precibus ipse verò Concioni mane dicendæ invigilaret. audivit à parte ambitus ternos progredi sermonem inter se miscentes & ut fert curiositas humana prospexit viditq; cellam proximam ingressos fanum in lectisternio evolvere & quasi repertum aliquid chirographo annotare. De mane vocato ad se fratri nuntiat quales sub noctis medium habuerit hospites simulq; obtestatur ediceret si quid forte absconditum inconsultis Superioribus retineret. Quid multis? profert ille geminas chordas quas prædicator in ignem coniecit adiuncta obiurgatione: Tu ipse sic combureris si quidpiam absq; benedictione occultaveris. Sanctus equidem religiosæ paupertatis rigor! Quæ tunc in graviore materia proprietatis si tantæ minutiae tam rigidè mulctabantur! *Non est paupertas Nestor habere nihil*, cecinit Martialis damnans inopiam nullius fortis nulliusq; supellectilis suffultam beneficio: Nobis Religiosis illa demum vera paupertas est esseq; debet si nihil penitus absq; superioris habeamus consensu, si nihil penitus meum dicamus, si meum ac tuum frigidum illud verbum & omnia mala in vitam nostram in-

Ad Rusticum.

Lib. X. Epigr.

Qualis in Religiosis paupertas requiritur.

Ad Fabiolam.

Nestor habere nihil, cecinit Martialis damnans inopiam nullius fortis nulliusq; supellectilis suffultam beneficio: Nobis Religiosis illa demum vera paupertas est esseq; debet si nihil penitus absq; superioris habeamus consensu, si nihil penitus meum dicamus, si meum ac tuum frigidum illud verbum & omnia mala in vitam nostram in-

fram invehens locum apud nos non inveniat nisi in solis culpis ubi dicendum *mea culpa*. Si quid igitur habemus de *Aegypto* quod *Princeps huius mundi* suum possit agnoscere, tenenti *Aegyp̄tia* cum pallio relinquamus. Nudos amat *Eremus*. affatim dives est qui cum *Christo* pauper est. Victus & vestitus divitiis *Christianorum* sunt. Hæc si suppetunt quid plura requirimus? Monachi sumus non institutores. Virtutibus non nummis congregandis nostra famulatur professio.

Ad Heliodorū
ad Paulinum

Descendo ad castitatis cum auro analogias. Pretiosum aurum est. ideoq; quidquid pretiosissimum est in auro designatur. Quid porro pretiosius castitate? Omnis ponderatio non est digna continentis animæ. Quia ut habet D. Angelicus non respicit æstimationem auri neq; argenti quæ commutantur ad pondus. Quomodo non pretiosa castitas quando quæcunq; mala pati quàm ipsam perdere elegebant Sancti. D. Benedictus in vepres, Franciscus in nives, Bernardus in aquas gelidas, Martinianus in ignes elegerunt præcipites se agere quàm jacturam huius virtutis subire. Quin tot Sancti sanctæq; sanguinem potius profundere quàm eam amittere non dubitarunt. Quò rubicundius aurum eo pretiosius. Et castitas quò magis purpureo verecundiæ colore tingitur eo carior eo gratiosior. Purissimum inter metalla omnia aurum. Quid castitate purius quæ puritatis virtus à Gregorio, pulchritudo animæ ab Augustino, imago respondens ad sanctimoniam Domini ab Ambrosio, virtus munditiem corporis & spiritus conservans à D. Angelico punctatur. Quid purius castitate quæ omnem mentis & corporis impuritatem refecat. Tota namq; in eo ut refrenet concupiscentiam delectationum carnalium quæ extra ordinatissimam honorabilis cōiugij legem vel maximè inquinare & suis sordibus commaculare natæ sunt. Tandem quomodo non purissima castitas quæ nos Angelis assimilât testante ipso Domino. Non nubent neq; nubentur sed erunt sicut Angeli Dei quasi diceret: ideo beati post resurrectionem erunt pares Angelis non naturæ communione sed puritatis similitudine quia sexuum licet diversitatem habentes nuptiarum omniumq; carnis illecebrarum non agnoscent incentiva. Malach: 2. dicitur. *labia Sacerdotis custodient scientiam quia Angelus Domini exercituum est*. Quare Sacerdos vocatur Angelus? non dubium quod propter castitatem quæ Sacerdotes ob continuum altaris ministerium continuas orationes fulgere debent & candoris eburnei nitorem æmulari Consonat visio Joannis Apostoli. vidit hic (Apocalip: 1.) similem filio hominis Angelum scilicet, vestitum podere id est Sacerdotalibus indutum, præcinctum ad mamillas Zona aurea. Idem hic mihi Angelus videtur esse qui Danieli apparuit. (Danielis 10.) eo solo discrimine quod Daniel præcinctum ad renes conspexit. Per Angelum hunc Sacerdos signatur, per Zonam Castitas quia sicut per Zonam vestimentum colligitur & stringitur ne fluat ac per terram tractum maculetur ita Castitatis merito sensus nostri constriunguntur ne ad carnis inquinamenta defluant. Lumbos præcingimus cum carnis luxuriam per continentiam coarctamus; pectus præcingimus, quando ad mentis

Pannonius in
Cantica.

22. q. 188.
Castitas assimi-
latur atro
quia hoc pre-
tiosum est.

Quia rubicū-
dum.

Quia inter
metalla pu-
rissimum.

Sacerdotes ca-
sti debent esse.

E

sedem

Quale liliū
castitas?

Quia insidias
patitur.

Ad Heliodorū.
Pericula ca-
stutis.

Vide Egger: in
anathemate.

sedem post fædæ concupiscentiæ sensum non admittimus consensum. Verbo, lumbi præcinguntur ne in opere; pectus, ne in mente for- didemur. In gemmeo Henrici Galliæ Regis scypho visebatur An- gelus aureus liliū adamantinum tenens. Ejusmodi Angelum Sa- cerdos quivis referre tenetur. Aureus sit propter micantem pu- doris splendorem. Liliū teneat non quod mane floret, vesperi marcescit, sed adamantinum cui videlicet nec frigoris asperitas nec caloris vehementia nec ulla aeris nocere valeat intemperies. Adamantinum, quod in sua semper candoris illibati persistat in- tegritate. Etiam Ethnicorum leges à Sacerdotibus omnimodam exigunt castitatem. *Ad Divos adeundo castè, pietatem adhibendo: qui secus fecerit DEUS ipse vindex erit.* Cic lib: 2dò: de legibus. Illud quoq; puritatem castitatis demonstrat quod per eam oculi interiores purissimi & ad videndam claritatem increatam idonei reddantur. *Beati mundo corde, quoniam ipsi DEUM videbunt.* Aëris oculis odiosa lux quæ sanis amabilis. Splendorem solis inflecti & in sanguine natantes oculi tueri nequeunt; multominus limpidif- simam Divinam lucem mens conspurcata. Insidias patitur aurum ut enim hoc potiantur homines, quod non patiuntur? Etiam no- ctes integras insomnes ducere, etiam vitæ subire discrimen mini- mè illis spe potiundi auri tædiosum. *Quid non mortalia pectora cogis auri sacra fames?* Et quia maior corporum quam pecunia- rum cupiditas, maiores quoq; castitati quam auro struuntur insi- dia, ut nemo sit tutus nemo de hoc quem in vasis fictilibus ge- stamus thesauro securus. Sis licet Sanctus ut David, sapiens ut Sa- lomon ut Samson fortis non es extra periculum uti nec illi fuerunt. quibus nimirum deceptrices illudere mulierculæ, forma, aspectu, consuetudine. Beati Augustini verba sunt: *Credite mihi Episcopus loquor. Cedros Libani ex hoc cecidisse reperi.* Quid Cedri Libani sunt exponit Pannonius (in explan Reg:) nisi excellentissimi quiq; in professione castitatis? Quis jam securus erit si tanta concuti- tur firmitas? D. Hieronymus sub insigni tempestuosi maris allego- ria pudicitæ pericula exaggerat. *In illo estu charibdis luxuria salu- tem vorat, ibi ore virgineo ad pudicitia perpetranda naufragia Scyl- la ceu renidens libido blanditur. Hic barbarum lutus, hic diabolus pyrata cum focijs, portat vincula capiendis. Nolite credere nolite esse securi licet in modum stagni fufum aquor arrideat. licet vix sum- ma jacentis elementi spiritu terga crispentur, magnos hic campus montes habet. intus inclusum est periculum; intus est hostis. Expe- dite rudentes, vela suspendite, Crux antenna figatur in frontibus. Tranquillitas ista tempestas est.* Et alibi cautos nos reddere volens sic exhortatur. *Virgo es, religiosus es, quid te mulieris delectat so- cietas? quid fragilem & subtilem ratem magnis committis fluctibus & periculum navigationis incerte securus ascendis?* Si insidijs ca- reret castitas nunquam de sublimi integritatis culmine deiectioni fu- issent illi tot stupendi castimonix professores. Ut Jacobus Eremita. qui initio tantopere coluit puritatem, ut cum pectus fæminæ infirmitatem mentientis dextra sua perungeret; finistram interim ne libidine vinceretur per tres horas attonito in igne tenuerit, qui tamen

tamen tanto gravius postmodum corruit quanto gloriosius ante triumphavit. Ut Ioannes Guarinus ferarum cicurator, Dæmonum ex arrepticijs expulsoꝝ, sexcentorum patrator miraculorum qui tamen Godefridi Barcinonensis comitis filiam quam nuper à dæmonio liberaverat, primum quidem foedo amore in anima postmodum cultro jugulavit in corpore suasu personati Dæmonis. Ut juvenis ille de quo in vitis Patrum, onagrorum domitor & magnæ columnæ encomio à Divo Antonio donatus. qui tamen brevi post patratum prodigium misere & turpiter lapsus. Ut demum ille qui Palladio auctore post lætos perfecenis successus diabolicæ succubuit illusioni, & quod deterius in desperationem actus mundum immundum petiit, finaliter in reprobo sensu duraturus. Taceo innumera similia exempla quæ generali complexus sententia Divus Basilius: sæpe factum est inquit ut qui 30. aut 20. annis se in Castitate, jejunijs, orationibus, in multis item lachrimis & Corporis macerationibus discrutiarunt tandem lapsi sunt & in fine ut ajunt fecerunt naufragium miserabili prorsus spectaculo. Fuge igitur nisi vis similiter labi, fuge omnem mali speciem, omne periculum, occasionem omnem. *Si venerem vitare velis, loca tempora vita. Et locus & tempus pabula donat ei.* Respondebis: Hoc non est pugnare sed fugere. Sta in acie adversarijs armatus obiste ut postquam viceris, coroneris. Retundit S. Hieronymus hanc objectionem: *Fateor inquit, imbecillitatem meam, nolo spe pugnare victoria ne perdam aliquando victoriam. si fugero, gladium devitavi. si stetero aut vincendum mihi est aut cadendum: quid autem necesse est certa dimittere, incerta sectari. Tu qui pugnas & superari potes & vincere. Ego cum fugero non vinco in eo quod fugio sed ideo fugio ne vincar.* Et Augustinus ruinam vaticinatur celerem illi qui se in prælio castitatis per fugam non salvat. *Sine ulla, ait ille, dubitatione qui familiaritatem mulierum non vult fugere, citò dabitur in ruinam.* Victoriam desideras? vicisti, si fugisti cæterum si configere paras & manum cum castris venereis conferere, jam es prostratus. Purus in prælium exivisti, impurus abibis ex arena. *Inter omnia Christianorum certamina sola dura sunt prælia Castitatis ubi quotidiana pugna rara victoria.* Et verò ideo descendimus ad Eremum ut sinus extra metum ut non audiamus, non videamus quod non licet, ut bella libidinis non patiamur, ne nos capiat oculus mulieris ne forma pulcherrima ad illicitos ducat amplexus. Quod si ita est ut est cur ergo nunc amemus periculum in quo perire ab initio timuimus. *Quid facit Monachus in cellulis faminarum? quid sibi volunt sola & privata colloquia & arbitros fugientes oculi?* Cavè ne oculus deprædetur animam tuam. Ne locus secretior pertrahat te in ruinam. *Fugite loca conscia vestri.* Griphes aurum effodiunt & in effossi inspectione oblectantur. Griphibus infernalibus nihil æquè jucundum est quàm castitatis thesaurum ex agro cordis nostri eruere. Vigilandum igitur nobis ne qua parte fur dæmon subintret animas nostras & spolio onustus ac jactabundus avernum repetat. Curemus semper ut professio nostra cum vita conveniat, vestem concordet cum opere, pro-

Fuga suadetur in prælio castitatis.

Adversus virgilitium.

De honestate mulierum.

S. Hieron: adversus vigilantium,

missio DEO facta coronetur effectu, aliàs externè monachum, internè præferemus Sathanam. & ut accommodatiori ad rem præsentem utar similitudine, erimus sicut poma Gomorrhea quæ foris auro rubicunda intus non nisi putredine & favillis vitiata deprehenduntur aut sicut sepulchra dealbata quæ cælata foris auro, intus plena sunt ossibus mortuorum, vermibus & sanie putrescentia.

Auri mystici veritatemq; tribus Religiosis inesse votis docui. superest ut pretiosam hanc gozam Domino DEO in grati animi tesseram ac beneficiorum Patri nostro religioniq; suæ præstitorum refusionem offeramus amplius eundem debitorem habituri. DANAËN quidam depinxit in cuius sinum imber aureus deplueret, adiecit Epigraphen: *Omnia subiecta auro.* Ludicra hæc sunt. Certiori & sanctiori constat oraculo Cælum ipsum imo DEUM ipsum auro triplici à me commendato subiectum esse, venalem esse. Cælum tibi patere desideras? DEI viscera vis tibi aperta? his clavis aureis referabis. Offeramus igitur ex Gasophilatio cordis nostri triplex munus quod offerre instituimus, aurum pro auro accepturi quale accepit juvenis in tyrocinio vitæ Religiosæ in Conventu nostro Charkenfi existens qui morti proximus dum in domo infirmaria cum cæteris infirmis jam professis decumberet videretq; virum statura procerum, forma venustum, veste fulgurantem singulis fratribus lethali detentis ægritudine aureum unum pro denario diurno offerre, se vero præteriri, lachrimis suffusus ac voce singultu prærupta petijt ac obtinuit, ut sibi quoq; si non pro labore saltem pro laboris studio præmium cæteris oblatum prorrigeret. Cuius evidens testimonium fuit forma aurei diductis manibus Superiori monstrata. Hoc auro donabit nos & nostra præmiabit vota ille cuius manus aureæ tornatiles seu juxta hebraicam versionem, *rota auri* semper veloces, semper amabili currentes gyro ad aureum æternæ beatitudinis largiendum annulum.

Typotius.

Annales lib.
2. cap: 33.

Novitius eandem
mercedem Professis
accipit.

Q U A T U O R A C T U S S P I R I T V A L E S

In pervigilio
Nativitatis
Domini.

Ad Marcellā,

ANte Nativitatem Christi Domini inter principales Iudeæ regionis Urbes non postremo computabatur loco Bethleem non tam propter ædificiorum splendorem domusq; miserrum pænis & labore vestitas quam propter nasciturum in ea Messiam juxta oracula Prophetarum. Nato Salvatore augustius inclarescere cepit & magnitudine famæ per universum Orbem coruscare ut mox ob Christi solemnes institutæ sint ad eam peregrinationes dum & pastores de prope & Reges de longe ad cunas Christi accurrerent. Crescente ævo temporum crevit quoq; populi ad eum devotio. Longum inquit S. Hieronymus ab ascensu Domini usq; ad præsentem diem per singulas ætates currere qui Episcoporum qui Martyrum qui eloquentium in doctrina Ecclesiastica virorum

virorum venerint Ierosolimam (& Bethleem) putantes se minus religionis minus habere scientiæ, nec summam ut dicitur manum accepisse virtutis, nisi in illis Christum adorassent locis. Et post pauca: quicumq; in Gallia fuerit primus huc properat. Divisus ab Orbe nostro Britannus si in religione processerit, occiduo Sole dimisso quærit locum fama sibi tantum & scripturarum relatione cognitum. Nimirm beatos se arbitrabantur homines si locum ortu Christi consecratum salutassent. Quid vero nos? nunquid extorres beatitudinis qui ex solo auditu & lectione de Bethleem contraximus notitiam. Minimè certè: Beati qui non viderunt & crediderunt. Non Ierosolimis fuisse sed Ierosolimis bene vixisse laudandum est. Singuli quiq; credentium non locorum diversitate & celebritate sed fidei merito ponderantur. Paulus Antonius & cuncta Ægypti Monachorum examina non viderunt Ierosolimam cum suo territorio & tamen illis absq; hac Urbe patuit Paradisi janua. Ne quidquam putemus deesse fidei & devorioni nostræ quod testem Nativitatis Christi Civitatem non viderimus. Imo verò quia Deus semper deuota exaudit suspiria; potimur voto nostro, & mysticam Bethleem ubivis gentium habemus. Bethleem ex vi nominis est domus panis; templum autem quodlibet quid aliud est quàm domus panis ubi scilicet panis de cælo descendens continuo asservatur. Quodvis item Monasterium nonne domus panis est, domus videlicet meditationis & contemplationis quæ panis animæ nostræ quotidianus convenientissimo appellatur vocabulo. Panis equidem cor nostrum confirmandum, & usq; adeò corroborans ut eo confortati ad montem Sion robusti pervenire possimus. Deo eo memoratus Doctor ad Florentium. Nosti ait hoc esse Christianæ animæ pabulum si in lege Domini meditetur die ac nocte. Quo ut fructuosius alamur, naturam eius modumq; vescendi præscribo.

Ad Paulinum

Sanctus Augustinus labore manuali quodam tempore occupatus cum de animi exercitio cogitaret cogitanti subito se quatuor gradus spirituales obtulerunt. lectio, Meditatio, Oratio, Contemplatio. Singulos *in scala Paradisi* congruentibus edisserit definitionibus. Lectio inquit est sedula scripturarum cum animi intentione inspectio. Meditatio est studiosa mentis actio occultæ veritatis notitiam ductu propriæ rationis investigans. Oratio est deuota mentis in Deum intentio pro malis amovendis & bonis adipiscendis. Contemplatio est mentis in Deum suspensæ quædam elevatio æterna gaudia degustans. Si explicatam recensitorum actuum naturam clariorem notioemq; reddit apposita ad rem nostram similitudine: lectio quasi solidum ori apponit cibum, meditatio masticat & frangit, Oratio saporem acquirit, Contemplatio est ipsa dulcedo quæ reficit ac delectat. Gradus proinde istos quatuor portiones spirituales aut quatuor missus convivij interni rectissime dixeris. De quibus illud notandum quod concatenati sint & vicaria ope sibi invicem deserviant, prioresq; sine posterioribus aut modicum aut nihil profint posteriores vero sine prioribus aut raro aut nunquam reperiantur. Quid enim prodest lectio sine meditatio

Lectio.

Meditatio.

Oratio.

Cōtemplatio.

Connexi sunt
ad invicem de
bentq; esse a-
ctus isti.

F

ne quid

*A Samaritana
na usurpatur.*

ne quid meditatio sine Oratione? nihil profecto juvat transcurrere mysteria vitæ Salvatoris nostri aut gesta Sanctorum legendo nisi ea mastificentur & in interiora cordis trajiciantur. Nihil item confert meditari & per meditationis discursum discere hæc facienda illa omittenda nisi orationis beneficio ad bonum agendum & malum declinandum à Deo postuletur auxilium. Lectio sine meditatione arida est, meditatio sine lectione erronea, Oratio sine meditatione tepida, meditatio sine Oratione infructuosa, Oratio cum devotione contemplationis est adeptiva, contemplationis adeptio sine Oratione aut rara aut miraculosa. Et quia brevius iter per exempla, inducit præfatus D. Pater doctrinæ suæ confirmandæ Samaritanam. Venit hæc aliquando ad puteum Iacob haustura aquam sedente penes cum Christo Domino ex itineris labore fatigato. Alloquitur ergo eam Dominus: Mulier da mihi bibere. Recusat illa aut verius in speciem videtur recusare. Urget Christus: O mulier si scires donum Dei & quis est qui tecum loquitur tu forsitan petisses ab eo ut daret tibi aquam qua guttata non sitires in æternum. Audita hac quasi lectione mulier, capit illico meditari quis sit iste cum quo misceat sermonem, quod istud donum Dei quænam aqua hæc sitim usq; adeo restinguens? recogitabat bonum sibi fore petere hanc aquam ideoq; accensa haustus eiusmodi desiderio prorupit in Orationem. *Domine da mihi hanc aquam ut non sitiam in æternum.* Ecce auditus Verbi Divini & sequens super eo meditatio incitaverunt eam ad orandum. Orationem è vestigio secuta est contemplationis gratia. Perfusa enim felicissima Oratrix dulcedine Spiritus S. aqua scilicet supernaturali, in tantum exultavit ut præ gaudio moras omnes excutens lætambunda ad Civitatem suam cucurrerit ibiq; nomen & adventum Messæ mira cum voluptate animi divulgavit.

*A Sponsa in
Patribus veteris testamenti*

Eodem Ordine & passu Sponsa cælestis in veteris testamenti signata Patribus mysterium Incarnationis relegebat & sic recolens spiritum suum saginabat. Lecto namq; in sacris literis futuro Messæ adventu, lectis adventus eiusdem in Isaia appenditijs seu circumstantijs meditabatur quando, quo in loco, qua ex muliere nascetur Salvator, perpendebat nasciturum de Virgine in spelæo Bethleemitico, abq; famulitio abq; splendoribus aulicis non in palatio, non in Basilica in qua ebur atq; aureum renideret lacunar, sed foris extra Civitatem, in Ephrata, in Campis silvæ. Nasciturum novissimis temporibus isq; in quibus non esset qui faceret bonum non esset usq; ad unum. Neq; in sola persistebat meditatione verum ad ardentem transibat Orationem. *Osculetur me osculo oris sui. Dicebat perfectus quisq; S. Bernardus, quo mihi hæc semi verba Prophetarum ipse potius speciosus forma præ filijs hominum loquatur mihi, ipse me osculetur osculo oris sui. Non audio jam Moysen, impeditioris siquidem lingue factus est mihi. Isaia labia immunda sunt. Jeremias nescit loqui quia puer est, & omnes Propheta elingues sunt, ipse, ipse quem isti loquuntur loquatur mihi. Cuius utiq; sermo vividus & effecax, dulcis instar osculi mihi erit.* Calentissima sane postulatio? post quam confestim rapta in contemplationem interioriq; delibata suavi-

ra suavitate: *Meliora sunt inquit ubera tua vino.* In hebræo textu legitur: *meliores sunt amores tui quam vinum*, id est quam omnes terrenæ delectationes quæ plus aloes quam mellis habent, acredinis & amaritudinis plurimum, jucunditatis paululum afferunt. Huc spectat illa alia ejusdem Sponsæ supplex petitio: *quis mihi det te fratrem meum suggerentem ubera Matris meæ ut inveniam te solum foris & deosculer.* ac si diceret: Lego te per assumptionem carnis humanæ fore fratrem meum, lego & meditor ubera materna libaturum. O quis mihi det te ad ubera genitricis dulce pondus pendentem videre quis mihi det te natum foris in solitudine invenire, inventumq; non jam reali labiorum attactu, quod non mereor, sed per contemplationem deosculari? Et ecce festinus ad vota dilectæ adest Sponsus & ultra eius desideria levam capiti supponit dexteram verò de qua illud: *delectationes in dextera tua semper*, in amplexus supernarum voluptatum expedit, sicq; in Cælestibus blanditijs & consolationibus soporat sponsam, atq; ne à quopiam è suavissimo sopore excitetur jureiurando obstringit: *adiuro vos filia Ierusalem ne suscitetis, neq; evigilare faciatis dilectam donec ipsa velit.*

Ipsi Pastores in sua rusticitate sapientissimi hoc eodem modo pānem spiritualement mastigarunt & manducarunt. Prælegit illis materiam Angelus meditationis: *Annuntio vobis gaudium magnum natus est vobis Salvator in Civitate David & hoc vobis signum, invenietis infantem positum in præsepio.* Hoc audito protinus meditabantur quis iste Salvator? ille ne promissus à sæculo ille ne quem Propheta prædicarunt, cuius adventum universus Israel avidissimè præstolatur? Eamus, mutuo se cohortabantur, curramus, videamus infantem hunc, intueamur Verbum hoc quod fecit Dominus & ostendit nobis. Iverunt, venerunt in Bethleem, supplices orarunt ut quod conspiciebant carne cognoscerent intellectu & quod cognoscerent per intellectum sentirent per affectum, subitoq; illuminati mente, accensi voluntate præmium suæ meditationis orationisq; reportarunt dulcedinem Cælestem. O quis exprimat, quas ibi fuderunt lachrimas, quæ suspiria in illa animi exultatione ediderunt. *Et reversi sunt Pastores glorificantes & laudantes DEUM.*

In particulari sanctos varios eiusmodi pabulo spiritum suum impinguentes recensere velle inane si non temerarium. Præterire tamen nequeo Divum Hieronymum qui quoties mysterium Nativitatis Christi in templo Bethleem meditaretur, post interpositas Orationes extra se raptus præsentem sibi videre videbatur Iesulum infantem. Hinc illæ eius voces: *Ecce in hoc parvo terra feramino Calorum Conditor natus est, hic involutus pannis, hic visus à Pastoribus, hic demonstratus à stella hic adoratus à Magis.* Et hic puto locus sanctior est Tarpeia rupe quæ de Cælo sapius fulminata ostendit quod Domino displiceret. Eundem gustum in Cælico obsonio probavit nobilissima & sanctissima matrona Paula quæ cum inviseret Bethleem suis stipata comitibus: *me audiente inquit idem B. Hieronymus jurabat se oculis fidei cernere infantem pannis involutum, vagientem in præsepi Dominum, Magos aderantes stellam ful-*

à Pastoribus.

à ss. varijs.

Ad Marcellam

gentem desuper, Matrem Virginem, nutritium sedulum, Pastores nocte venientes parvulos interfectos Harodem savientem Ioseph & Mariam fugientes in Ægyptum, mixtisq; gaudio lacrimis loquebatur: Salve Bethleem domus panis in qua ille natus est panis, qui de Calo descendit. Salve Ephrata regio uberrima, cuius fertilitas DEUS est. Taceo ut proposui innumeros sanctos qui quotiescunq; Nativitatem Christi Domini meditatione orationeq; præmissa attenti contemplarentur in uberes resolvebantur lacrymas quæ sunt nuntij & testes Divinæ consolationis; si tamen stillæ ex oculis inter contemplandum expressæ lacrymæ dicendæ sunt & non potius roris interioris superinfusi gemma. *In lacrimis agnoscit anima sponsum suum, amplectitur desideratum suum.*

Lachrymæ signum præsentis specialis in corde nostro Spiritus S.

Non ad solos quos in medium adduxi & quos veridicæ Historiæ celebrant gratia Divina derivata est sanctis. Etiam nobis spiritualis offeretur gustus, si exposito ordine & modo Cælestem quæramus refectionem. Christi monitum est; *quærite & invenietis pulsatæ & aperietur vobis. Quærite legendo exponit D. Augustinus & invenietis meditando, pulsate orando, & aperietur vobis contemplando.* Utq; libertatem arbitrij nostri factor eiusdem adstruat, se vicissim ad ostium cordis nostri stare & ingressum petere ostendit Apocal: 3. *Ego sto ad ostium & pulso si quis audierit vocem meam & aperuerit mihi januam intrabo ad illum & cænabo cum illo & ipse mecum.* Ubi in quatuor incisus quatuor de quibus ago gradus subaudiuntur. Si quis inquit audierit vocem meam in lectione; quia dum sancta legimus loquitur nobis Christus & aperuerit januam in meditatione; meditando enim pessulum cæcitatæ vel carnalium affectum à nostro pectore amovemus liberum Sponso introitum facientes. intrabo ad illum in oratione; neq; etenim sufficit januam aperire sed restat convenienti humanitatis officio hospitem invitare. Et cænabo cum illo & ipse mecum in contemplatione. Quid putas hanc Cænam esse quærit Pānonius responderq; spiritus consolationem gaudium, pacem, delicias Cælestes quæ Deus his quorum mentes inhabitat, communia facit. Ad nos specialius directum credamus sermonem quibus legere, meditari, orare, contemplari, quarto modo proprium esse debet, ideoq; Præsul Hipponensis memoratos actus scalam Claustralium appellat. Et rectè quidam, quia per eos ascendimus ad Divinæ claritatis intuitum, cumq; mentis nostræ acies infirma veri luminis illustrationem diutius sustinere non potest, per eos item ad humanas redimus actiones leviter atq; ordinate ex cacumine contemplationis ad aliquem trium graduum descendendo. Ista est scala Iacob verba usurpo quem sæpius honoris causa memoro D. Hieronymi perquam Angeli ascendunt & descendunt, cui Dominus inititur lapsis porrigens manum & fessos ascendentium gradus sui contemplatione sustentans. Cænacula olim in superiori domus contignatione construi solebant ad quæ per scalas seu cochleas ire necessum fuit. Unde & tota Superior domus auctore Festo Cænaculum vocabatur. Cænaculum spirituale ubi Christus cum anima nostra convivatur in supernis est, nec aliter nisi per gradus scalæ præfatæ, ad illud conscenditur. Multi sunt.

In scala Paradisi.

In Apocalyp.

Quatuor actus præfati Religiosi proprii debent esse.

Vocantur Scalam claustralium

Scala Iacob,

ti sunt qui quasi per Cochlidem nituntur ad Cænæ Christi accubitu-
tum ascendere, tortuosas & difficiles quibus ad contemplationem per-
tingant ineundo vias: at si facilem exoptas ascensum, scalam in-
gredere propositam. Hic tamen etiam cavendum, ne post contem-
plationem perquam elevaberis usq; ad Cælos, subito lapsu usq; ad
abyssos proruas & qui ex mensa Cælesti vescebaris voluptuosè, ad
porcorum alveos filiquis repletos prolaberis.

*Facile per eos
ascenditur ad
perfectionem.*

Monstravi quomodo panem mysticum salubriter manducare valeamus accommodata ad circumstantiam temporis exempla proposui, Christi monitum ostendi, quid restat nisi ut secuturis diebus imò dum vita superstes in Bethleem ad cunas Salvatoris commoremur legentes meditantes Orantes contemplantes. Pingvescent brevi speciosa deserti hoc est nos ipsi deserti cultores qui speciosi coram Domino esse tenemur, pinguescemus spiritu, sicut adipe & pinguedine consolationibus Divinis replebimur dummodo per meditationem lectione ac oratione conditam nostrum studeamus inpinguare animum. Panis, quod prætermisi, ideo à pan græco quod significat *omne*, suam trahit appellationem, quia omnibus pulmentis & ciborum generibus adhiberi solet. Si sapiamus si curam salutis habemus universis exercitijs nostris actus explicatos jungamus in brevi spatio temporis probaturi, quam bene cor hominis panis iste confirmet. Botro quidam adscripsit Epigraphen: *pascit & inebriat*. Huic Cælesti de quo loquor pabulo convenientius id appingere possis cum interiorem hominem viro modo corroberet & lætificet atq; sancta quadam ebrietate soporet. Beatus cui panis iste sapuerit maledictioni proximus qui super cibo isto nauseaverit. Sed quid ego sermonibus linguam occupo ubi experientia magisterium assumere valet & efficacius docere. Novi, novi, quia nec lingua valet dicere nec litera describere expertus solus potest credere quid sit in contemplationis dulcedinem pertingere.



EXERCITIA

S P I R I T U A L I A.

Nullibi frequentius quam in deserto commorantem Christum proponunt nobis hoc Quadragesimæ tempore sancta quæ diebus Dominicis leguntur Evangelia. Audivimus eum in desertum à Spiritu Sancto ductum ibiq; diaboli artes & tentationes elidentem & victi prostratiq; dæmonis naribus circulum imponentem ut ei quivis imbellis & imbecillis homo illudere in posterum valeat. Audivimus in deserto montis Thabor transfiguratum gloriam suam discipulis manifestasse. Sequens Dominica confertissimas populorum in Eremo turbas pascentem inducit. Nimirum dulcissima ipsi fuerat in deserto mansio in quo sibi parari viam præceperat, in quo à Sanctis Patribus veteris testamenti Prophetico

Ante Domini-
cam Lætare.

G

conspici-

conspiciebatur oculo: *invenimus in Campis syale.* Unde verò hic amor solitudinis? Ubi illa amorosa coram Angelis protestatio? deliciae meae esse cum filiis hominum, quandoquidem à conventu hominum ab Urbibus Civitatibus & castellis se in vastas elongat solitudines? Aptior videlicet locus est in deserto benefaciendi hominibus. Hic orandi, hic gratias impertiendi, hic Divina arcana revelandi, hic ad cor loquendi commodissima opportunitas. Jam quis oro est quem pigeat aliquid beneficii de aperta manu Dei accipere? quem pigeat ex ore Divino necessaria salutis cognoscere, addiscere artem superandi spiritualia nequitiae, videre gloriam Domini, pabulum consolationis internae degustare? Hoc qui desiderat ad desertum vadat. ad desertum non aliud quam solitudinis decumanæ in qua spiritualia exercitia juxta receptissimum morem & regulas in Magistris spiritualibus præscriptas peraguntur. Et quia in Eremo erratur facile, præcurram in nomine Domini & quam viam primum arripere, quibus postmodum procedere debeamus, modumque procedendi demonstrabo.

Perfectio Christiana quid.

De doctrina Christiana.

Teretius in Idiota.

2. 2. 9. 184. art. 2.

Tres status charitatis.

Generalis finis exercitiorum spiritualium perfectio Christiana quoad rem nihil est aliud quam Charitas Divina quæ est motus animi ad fruendum DEO propter se & se atque proximo propter DEUM uti definit S. Augustinus. Charitas enim perficit & consummatum reddit hominem in lege DEI juxta Apostolum: Plenitudo legis est dilectio. perficit inquam quia cum DEO fine nostro ultimo, arctissimo unitatis coniungit nodo. Absque charitate homo fide licet speque instructus initium duntaxat Creaturæ DEI est, at cum charitate, perfecta DEI Creatura. absque charitate, sementantum habet justitiæ DEI si fidem spemque habeat; cum charitate consummatam justitiam. Tres porro sunt charitatis Divinæ status ut notat Doctor Angelicus. Primus eminent in quo etiam si homo frequentiore actus suas non referat ad DEUM ita tamen adhæret DEO ut à suo affectu excludat omne id quidquid contrariatur amicitiae Divinæ quale est peccatum mortiferum. Charitatis huius meminit D. Ioannes, *Qui servat mandata eius in hoc charitas DEI est perfecta.* Secundus status est eminentior in quo non modo quis excludit à suo affectu peccata mortalia ad illaque dispositiones proximas verum etiam impedimenta quæcunque ipsum retardare in servitio DEI & profectu spirituali possent amoveret media verò stabiliendi se in amore DEI magis magisque assumit. Tertius eminentissimus in quo affectus secundum totum suum suum posse sine omni macula & formidine peccati continuo fertur in DEUM, hic solum est beatorum. Primus omnium Christianorum. Secundus Religiosorum. Omnes ergo Christiani obligantur ad perfectionem primi status Religiosi etiam ad secundi. Et à Christianis & à Religiosis ad suam quilibet urgetur vi præcepti perfectionem juxta illud: *non erit inconsummatus in filiis Israel.* Et illud 1. ad Corinth: 13. *de cetero fratres gaudete, perfecti estote.* Ad secundum qui Religiosis competit charitatis statum consequendum per tres vias quæ non sunt locorum sed affectuum proceditur, purgativam in qua per charitatem excluduntur omnia peccata mortalia, vitia purgantur, passionibus mortificantur & alia remonentur quæ ad

quæ ad peccatum disponunt. In hac via etiam virtutes exercentur sed cum difficultate; actus quoque unionis cum Deo sunt non tamen perfecti nec stabiles. Illuminativam, in qua homo magna ex parte purgatus manens à peccatis & vitijs ideoque supernè illuminatus exercet se in virtutibus easque cum facilitate perficit: actus quoque unionis cum Deo puriores & stabiliores elicit. Unitivam. in qua quis planè vacuus vitijs, amore proprio destitutus, formatus firmatusque virtutibus, purissima & stabili charitate Deo adhærens heroicarum virtutum actus non tantum cum facilitate sed etiam cum gaudio & invicta constantia producit quàmvis non sine aliquibus maculis & imperfectionibus ac formidine peccati mortalis. Triplex hic perfectionis spiritualis gradus respondet triplici actioni Angelicæ quæ est juxta D. Dionysium de Cælesti hierarchia Purgatio, illuminatio, perfectio. Tribus acceptionibus voluntatis Divinæ, bonæ, beneplacentis & perfectæ. Triplici vocabulo quod Christus assumere dignatus inquit, Ego sum via, veritas, & vita. Tribus generibus boni utilis, honesti, delectabilis. Ad hos igitur ternos charitatis gradus architectandos adinventum est medium convenientissimum atque efficacissimum spiritualium exercitiorum hoc est Orationum, lectionum, meditationum, examinum conscientiæ, per octo vel decem dies in solitudine ductu Magistri spiritualis peragendorum; ubi scilicet unicuique præfatorum graduum proportionatæ materiæ ex sacris scripturis desumptæ recogitentur ruminantur & studioso mentis discursu tractentur, hinc affectus varij eliciantur, proposita concipiantur, rariora lumina accendendo spiritui dum in teporem resolvetur valitura connotentur.

Tres via qui-
b9 proceditur
ad adum: cha-
ritatis statum.

Praxim huius sacri secessus discere licet ex scriptura. Cant: 7. e-
vocat Sponsa dilectum suum à convictu hominum ad Campestre
solitudinem. *veni dilecte mi egrediamur in agrum.* Hebraica ver-
sio habet in *Campum.* statimque dispositionem temporis & operis sub
dio faciendi præscribit: *Mane surgamus ad vineas videamus si flo-
ruit vinea, seu ex hebreo vitis, si flores fructus parturiunt, si florue-
runt mala punica.* quasi diceret, non animi causa spaciabimur sed
necessitatis & utilitatis impulsu ut quo in statu sit vinea nostra vi-
deamus, an floreat an fructificet, an mala punica in suis germinet arbo-
ribus. Mystica hæc sunt omnia. Egressio, solitudo, flores, fructus,
mala punica. Egressio est animi à terrenis averio, solitudo significat
mentis una cum corporali sequestratione quietem. flos denotat ex-
ternam compositionem & primum in via vitaque spirituali germen
flos est, ait Pannonius, *formula recens emendationis vita, flos disci-* in Cantica.
*plinata facies, flos bona totius corporis habitudo, cultus corporum ne-
gligentia vestiumque sermo rarior vultus hilarior, aspectus verecun-
dior, incessus maturior. Hæc flores censenda sunt & spes fructuum,
magis quam ipsi fructus;* ideoque eiusmodi externe compositos bo-
næ spei vocitamus. Fructus porro virtutes & bona opera sunt. Ma-
la punica actus ferventes charitatis. In solitudine igitur decem di-
erum ad quam nos ut filios dilectos Sponsa Dei Religio nostra co-
hortatur, idem nobis progressus observandus, Quando vinea flo-
ret fugantur odore foliorum omnia venenata insecta; sed vulpecu-

læ vel maximè tunc insidiantur erumpentes florum gemmas excutendo. Primo itaq; videndum est per meditationes & conscientiæ examina an vitis vitæ nostræ floreat an det odorem bonæ famæ an serpentes infernales è sinu conscientiæ nostræ profugerint omnesq; vitiorum & peccatorum virulentæ bestiæ; an & quæ tentationes vulpecularum nomine signatæ insidientur nobis quibus eiiciendis opportuna conquiramus media? Pergendum deinde non motu locali sed mentis extensione ad intuendum num flores fructus parturiunt? num per exercitium virtutum & bonorum operum fructificemus Deo; an simus plantatio quàm plantavit Pater Cælestis? Ex fructibus id cognoscemus. Arbor bona fructum bonum facit; malà è contra malum. Fructus malæ arboris peccata, vitia, inolitæ pravæ consuetudines, frequens & facilis statutorum ac observantiarum Regularium transgressio. Fructus bonæ arboris virtutes sunt, humilitas, mansuetudo, patientia, cæteraq; religiosi ne dicam Christiani hominis ornamenta. Demum procedamus ad studioso mentis intuitu considerandum an mala punica, actus charitatis Divinæ, ferveant in nobis an igneo charitatis rubeamus ardore, an radijs solis æterni expositi inardescamus? Malum punicum idem est quod malum granatum. dicitur granatum quia multitudinem granorum habet rubedine tinctorum. Multa hæc grana sunt multa bona opera per charitatem rubea. Aspirans quidam è Clero ad Cardinalatum obtulit Patrono cujus suffragijs promoveri petebat fructus immaturos & virides in disco pretioso, breve adiiciens Epistolium: *Te sole rubescere gaudent.* Nostri immaturi operum & exercitiorum quorumvis fructus non nisi ad solem Divinæ justitiæ rubescere nonnisi ex consideratione Divinæ bonitatis amabilitatis pulchritudinis divinorumq; beneficiorum & præstitorum & præparatorum nobis flavescere imò ignoscere possunt. Igitur ad conspectum lucis increatæ statuenda opera nostra ut ex viridibus rubea ex frigidis flagrantia ex obscuris & tenebrosis reddantur lucida. Sed dulcius ex ipso fonte bibuntur aquæ. Ipse qui est exemplar perfectionis doceat nos quid in sacra decem dierum solitudine agere debeamus. Ex eo qui se fontem aquæ salientis in vitam æternam in hodierno nominavit Evangelio doctrinæ aquam cum Samaritana hauriamus.

Typotius.

Joannis 9. Factum prodigiosum Christi Domini commemoratur: Vidit Cæcum à nativitate & propter manifestanda DEI opera decrevit eum sanare fecitq; quod voluit, subest enim ipsi cum voluerit posse. At videte quibus eum sanavit gradibus. Lutum fecit ex sputo linivit oculos cæci, misit ad natatorium Siloe quod interpretatur missus, ivit ille, lavit oculos, nec mora perfectum visum obtinuit. Nos omnes in persona huius Cæci indigitamur. Cæci sumus quos cæcavit malitia spargente Deo lege infatigabili pænales cæcitates super illicitas cupiditates. Deest nobis lumen supernaturale, lumen ad videnda bona & mala, hæc ut caveamus illa ut faciamus. Quo igitur artificio illud consequemur? præscripsit nobis colligrium Christus. Luto oportet liniamus oculos interiores, cognitione vilitatis nostræ, lutosæ, materiæ nostræ lutosæ voluntatis nostræ, peccatorumq; in quibus velut in Cæno immunda

munda volutabamur animalia. Post eamus ad natatoriam Siloe. Per hanc ex ipsa Evangelistæ expositione devenimus intelligi vitam passionemq; Christi missi in hunc mundum à Patre æterno. Hanc accedamus huic intellectu & affectu immergamur hanc meditemur & fiet nobis lavacrum oculorum ut qui antea in tenebris ambulantes lædebamus sæpius pedes affectuum nostrorum, lumine recepto inoffenso deinceps pede in odorem suavitatis divinæ curramus. Narratur fons quidam esse in quo si faciem merferis protinus lucere incipit. Fabula ne sit an veritas non discutio. illud indubitatum, vitam passionemq; Salvatoris nostri aquam esse illuminantem & accendentem. Tandem sic abluti sic illuminati ad heroicos perfectorum assurgemus actus cum felicissimo cæco illo. Hic namq; post purgationem illuminationemq; suam mira audacia stupenda animi præsentia Concilio aut verius conciliabulo Iudæorum blasphemanti Christum resistebat, sermones impios retundebat, elegitq; Apostolica planè fortitudine eijs ex Sinagoga quam Christi honorem amoremq; deferere ut taceam alios fidei confessionis, adorationis, resignationis, heroicos actus in Evangelio accuratè descriptos ab eodem in cæcitate nato homine elicitos. Ad eosdem nos pari gratiæ Divinæ dono elevabimur in meditationibus viæ unitivæ post considerationem lutosæ conditionis nostræ lutosorumq; morum nec non post luminis receptionem ex vitæ mortisq; Christi rememoratione. Is modus etiam in rebus naturalibus conspicitur quod non statim ad summa quidpiam perveniat sed ab imis incipiendo paulatim ascendit donec ad complementum sui motus pertingat. A minoribus ad maiora pedetentim fit progressus. In quovis opere principium inchoat, medium profequitur, finis perficit. Architectonica ars primò fundamentum ponit deinde parietes ædificat. tandem tectum cum suggrundijs superstruit. Chirurgica vulnus antè omnia purgat, post emplastrum apponit, demùm aptè alligat. OEconomica agrum à sentibus & frutetis inutilibus evacuat exercendo eum vomere & in glebas vertendo occandoq; postea seminat, ultimò cum expectata in patientia messis venerit, collectas fruges ad horrea reponit. Ea namq; est Divinæ providentiæ circa nos dispositio ut quia imbecilles vires habemus, à minimis in operando incipientes gradatim proficiamus donec ad operis exitum attingere & rudem accipere liceat.

Sacra hæc exercitatio quàm sit nobilis quàm ad perfectionem cōpendiosè ducat & præconia Sanctorum Patrum declarant & statuta Ordinum quibus præscribitur & ipsum locupletissimum indulgentiæ plenariæ exercitatoribus à sede Apostolica concessum præmium. *Maximum* inquit unus ex Magistris spiritus *ad justitiam auxilium est implere Divinis eloquijs animum & quod opere exequi cupias semper corde meditari.* D. Hieronymus in Epistola ad Rufinum excurrit in copiosas Bonosi laudes qui desertam quandam insulam ubi Divina meditaretur insederat. *Solus ibi* (inquit S. Doctor) *imo jam Christo comitante non solus videt gloriam DEI quam etiam Apostoli nisi in deserto non viderant. non quidem conspicit turratas Urbes sed in novæ Civitatis censu dedit nomen suum. Abruptæ rupes quasi quendam horro- ris carcerem claudunt: ille securus intrepidus & totus de Apostolo ar-*

H

matus

In Epiro.

*Simile à reb9
naturalib9 in
quibus paula-
tim fit a mino-
ribus ad altio-
ra progressus.*

*Laus Exerci-
tiorum.*

*S. Paulinus ad
Celantiam.*

Meditatio
Dæmonis re-
tinaculum.

In vita Patrū

Mos anti-
quorum.
Monachorum
peragendi ex-
ercitia spiri-
tualia ante
Pascha.

Norma via
purgativa.

S. Augustinus
de vera falsa
penitentiā.

Idem de cordis
contritione.

matus nunc DEUM audit dum Divina relegit & meditatur, nunc cum DEO loquitur cum Dominum rogat. & fortasse ad exemplum Ioannis aliquid videt dum in insula commoratur. Laudi meditationum sacrarum accedit quod in viris Patrum libro 6. refertur. Senex quidam probatus & visionibus crebris à Deo honoratus vidit aliquando fratrem quempiam meditari ad cuius cellam dæmon interea superveniens dum ingredi vellet, quasi vi quadam reiectus, foris stare coactus est, nec prævalebat intrare quousq; Religiosus ille vacabat meditationi. postquam vero cessavit à meditatione, diabolus libere & quasi nullo prohibente intravit cubiculum. Virtus hæc orationis mentalis uti & vocalis atq; aliorum spiritualium exercitiorum non latuit Patres nostros antiquos Eremitas. Hi enim porissimum in Monasterijs circa Iordanem degentes laudabilem eam observabant consuetudinem. Dominica prima Quadragesimæ peracta devotione sumptoq; prandio conveniebant omnes ad Oratorium ibiq; flexo poplite oratione præmissa invocare gratia Divina superioris benedictione suppliciter implorata & accepta, omnes processionaliter è Monasterio per portam regiam sic dictam quod semel duntaxat in Anno aperiretur exibant, Psalmum *Dominus illuminatio mea* intonantes. sicq; annonam quam unusquisq; secum è Claustro acceperat ille dactylos, hic caricas; hic siccum panem, isti penitus nihil portantes ad Iordanem usq; pergebant. Transvadato amne separabantur ab invicem, atq; in desertum se recipiebant, meditationibus, orationibus, mortificationibus, soli Deo notis vacaturi. quod si fors tulisset unum ab alio etiam à longe videri statim declinabant & mutuum fugiebant conspectum. Tandem pro Dominica palmarum celebraturi festum Resurrectionis Domini omnes in Claustrum redibant. Laudatissimo huic mori successit in sacris Religionibus usus peragendi exercitia spiritualia quibus perficiendis desertum profundius ingredimur dum in solitudine extraordinaria ponimur ut soli cum solo Deo commoremur.

His ergo & nos quousq; sacrum tempus Quadragesimale currit more institutoq; maiorum, imo nostra devotione & profectus spiritualis amore benedictionem superioris & decem spiritualem assumendo accingamur servaturi Ordinem in statutis præscriptum, habituri ante oculos temporis distributionem necnon digestionem meditationum, lectionum, mortificationum & tandem per memoratam triplicem viam ordinate progressuri in hunc exempli gratia modum. In principio otij huius negotiosi considerabimus quàm vilis sit conditio nostra quàm brevis vita nostra quàm via lubrica, quàm mors certa, hora mortis incerta, recogitabimus quantis amaritudinibus admixtum sit si quid dulce aut jucundum in medio huius vitæ occursum nobis alludit, quam fallax & suspectum quam instabile & transitorium est quidquid species pulchritudinis temporalis promittit. Recogitabimus quomodo peccata faciles aditus habent sed difficiles exitus. dum suadent ungunt sed postquam suaserint usq; ad mortem animæ plus dicam plerumq; etiam usq; ad mortem corporis pungunt. Multi enim lanienam malæ conscientie ferre non valentes mortem sibi ipsis consciscunt finem temporalis, principium æterni tormenti hoc pacto invenien-

invenientes. O verè malum & amarum est relinquere Dominum Deum aut enim continui dolores cruciabunt penitentem vitam nostram aut etiam cruciatus æterni vexabunt puniendam animam nostram. Perpendemus quia iudex terribiliter districtus, inæqualiter severus, immoderatè offensus vehementer iratus. Sententia immutabilis. carcer irremediabilis. tormenta sine intervallo & sine temperamento. tortores horribiles qui nunquam lassantur, nunquam miserentur. Hisq; meditationibus exardescet unusquisq; in odium peccati eiusdemque detestationem & perfectam cordis compunctionem. Dicit unusquisq; in mente sua, seq; redarguet velut in quodam tribunali cordis: *volutare miser in gurgite amaritudinis qui volutatus es in volutabro turpitudinis. Terror terribilis horror horribilis maror inconsolabilis aggrege vos super me. irruite, obruite, justum est. possidete me justum est. perturbate, obvoluite, torquete reum, vindicate DEUM. Persentiat peccator inferni tormenta qua meruit, prægustet quod pręparavit, bibat quod nutrit assuescat quod perpetuo passurus est. Heu me peccavi? DEUM meum exhonoravi, omnipotentem provocavi? quid feci quando mala feci? vix mala agenti vix bona negligenti vix ira omnipotentis DEI ne irruas super me!* In medio progressu vitam virtutesq; Christi Domini studiose contemplabimur; sic certè in anima nostra illuminandi. Ipse enim est lux quæ illuminat omnem hominem venientem in hunc mundum. Ipse est via ex eo discemus quid sit invium & quid sit error ad perditionem ducens. Ipse est veritas. ex eo cognoscemus quid sit vanitas. Ipse vita. ex eo quid sit mors & quid sit quod mortem animæ infert intelligemus. Quodsi densissimæ vitiorum & ignorantiarum tenebræ impediunt oculos mentis nostræ ne lumen recipiant rogabimus supplices: Revela oculos meos ut custodiam mandata tua. *O lux quam videbat Tobias quando oculis clausis docebat filium suum viam vitæ. lux quam videbat Isaac interius quando caligantibus oculis exterius filio futura narrabat. lux quam videbat Iacob interius quando sicut tu intus docebas, filijs exterius ventura predicebat. Ecce tenebræ sunt super faciem abyssi mentis meæ, tu es lumen? Ecce caligo tenebrosa super aquas cordis mei, tu es veritas? Dic verbum Domine, fiat, Lux, ut videam lucem, & vitæ tenebras. Videam viam & vitæ invium videam veritatem & vitæ vanitatem. Ne queso accrescant umbra ignorantie meæ & multiplicentur peccata meæ.* In fine tandem excitabimus nostras, erigemus totum intellectum & cogitabimus quantum & quale sit illud bonum quod DEUS est. *Si enim singula bona delectabilia sunt cogitabimus quantum bonum illud quod continet jucunditatem bonorum omnium, & non qualem in rebus creatis experti sumus sed tanto differentem quanto differt Creatura à Creatore. Si namq; bona est vita Creatura quam bona est vita Creatrix. si jucunda salus facta quam jucunda qua fecit omnem salutem. Si amabilis sapientia in cogitatione ac cognitione rerum creaturarum, quam amabilis illa qua omnia edidit ex nihilo. Deniq; si multa & magna sunt delectationes in rebus delectabilibus qualis & quanta delectatio in eo, qui ipsa delectabilia fecit? O qui hoc bono fruetur quid illi erit? quid illi non erit? Licet hic mentali gressu discurrere per plateas cælestis Ierusalem, videre pulchritudinem*

S. August. de
cordis contri-

Via illumina-
tiva.

Soli loqui c. 3
& 4.

unitiva

Manual: c. 33

farriatur humus, areolæ æquo limitè dividantur. aliaq; onera laboris manualis enumerat quibus sese Religiosus occupet. Quod si cuiuspiam servilia hæc & ordini Sacerdotali minus honesta videantur, propter delicatulos hos laboris otores adijcit demum S. Pater præfatus: Scribantur libri ut & manus operetur cibum & animus lectione saturetur. Nemo est qui convenientem sibi non valeat si velit adinvenire exercitationem. Exemplis firmat adhortationem suam D. Doctor Ægyptiorum, inquit, Monasteria hunc morem tenent ut nullum absq; operis labore suscipiant non tam propter victus necessitatem quam propter salutem animæ. Idem Hylarionis vitam texens recenset laboris manualis specimina ab Antonio Magno relicta & Hylarioni hospiti per discipulos Antonianos monstrata: Hic aiebant, psallere hic orare hic operari hic fessus residere solitus erat. has vites has arbusculas ipse plantavit. illam areolam manibus suis ipse composuit. hanc piscinam ad irrigandum hortulum multo sudore ipse fabricatus est, istum sarculum ad fodiendam terram pluribus annis habuit. Aborigines pariter nostri ut in annalibus lego tam in Eremito quam in primævis Cænobijs, secuti consuetudinem Ægyptiorum Monachorum laboriosæ Marthæ officium exhibuerunt & tamen pedibus Jesu cum Magdalena assidere & contemplationi rerum Cælestium vacare minime intermiserunt. Viderint illi (subijcit Historiographus Ordinis) viderint illi qua ratione prædecessorum calcaneo inbareant, qui bodie in cænobijs tantummodo nati abdomini suo, labore manuum sibi violentiam imponi conqueruntur. Arare, serere, metere, hortos & vineas excolere, lina capiendis piscibus texere, alvearia fabricare, lavare vestes, libros describere & alia facere quæ etiamnum apud quosdam Religiosos honestæ exercitationis titulum sortiuntur, laudabile & decentissimum erat apud priscos Eremitas: nunc aquam suo usui apportare dedecus putatur, scopis cellam aut dormitorium verrere, campanas ad pulsum trahere, probrum & pudor creditur. Servitium quodcunq; nostrum nonnisi famulatu alieno perficimus, specioso prætextu decentiæ statum nostram velantes superbiam & honestatis prætensæ mantello nostram philautiam & socordiam contegentes. Doctor Angelicus ubi quærit an Religiosi teneantur operari manibus docet, laborem manuum ad quatuor ordinari: ad victum quærendum, ad otium tollendum, ad concupiscentiæ refrænationem, ad eleemosynas faciendas. Nobilissimi certè fines. Fateor quidem posse vitari otium per meditationes sacrarum scripturarum & laudes Divinas, ut idem ibidem asserit attexendo glossam super illud: defecerunt oculi mei in eloquium tuum quæ sic habet. Non est otiosus qui verbo DEI tantum studet nec plurius est qui extra operatur quam qui studium cognoscendæ veritatis exercet. fateor inquam ita esse; sed dum intensio animi exercitijs mentalibus vacantis exterioris interpolatione laboris remittitur, tunc & tadium depellitur, & pulchra negotiorum alternatione animus pariter corpusq; exercentur. Jam quæ & quantæ sit obligatio ad operandum trutinemus velim attentè. In verba illa Apostoli Qui non laborat, non manducet, ita ait Aquinas: Eadem necessitate aliquis tenetur ad operandum manibus quæ tenetur ad manducandum. Unde si quis absq; manducatione posset vitam

Lex in Ægypti Monasterijs circa laborem manuum.

In vita S. Hylarionis.

Lib. 2. cap. 2.

Ignavia carpiur alieno ministerio utentium Religiosorum. 22. q. 187. art. 3.

Quatuor fines laboris manualis.

Necessitas operandi manibus eadem quæ manducandi.

transigere, non teneretur manibus operari. Opudor! o præposterum in nobis mores! qui necessitatem ad manducandum nobis appingimus, necessitatem ad laborandum non agnoscimus. Superiores nostros legibus & arctis obligationibus credimus circumscriptos ad providendum nobis unde vivamus, ad subministrandum victum, amictum, commoditates; ipsi verò nolumus nobis necessitatem operandi sine qua victus nequit esse, imaginari alacres ad mensam pigri & quasi compediti ad officium: ac si verò soli superiori incumbat provincia laborandi, cæteris verò feriandi. Unum corpus sumus sed singuli membra divisa. Capitis est consulere, spiritus vivificantes in membra influere sed membrorum facere quod caput jusserit. pedes currant, manus laborent, dorsum portet onera. alias si totum corpus oculus ubi aditus? si totum auditus ubi odoratus? si totum odoratus ubi tactus?

1. Corinth. 12.

Quodsi vilia & aliena à proposito monastico putas quæcunq; exercitia citra studium literarium, laudo magnanimum spiritum & erectam ad altiora mentem. Imo in favorem huius magnanimitatis illud pronuntio, nihil convenientius nihil æquè necessarium Religioso instituto quàm studium literarium. Status namq; Religiosi ad utramque vitam activam, & contemplativam ordinati atq; Sacerdotio ornati præcipuæ partes sunt: contemplari, prædicare, Confessiones jurisdictione accepta excipere, Carnem macerare. His porro implendis medium convenientius non video quàm exercitationes literarias. Hæ siquidem directe adjuvant ad contemplandum illuminando intellectum, adjuvant ad prædicandum suggerendo sententias, rationes, exempla ex sacra scriptura. Neq; dixeris te non fungi officio prædicatoris. Quis quis enim schemate monastico & Sacerdotali insignitus est, eo ipso prædicator est debetq; in promptu habere sententias scripturificas ad colloquia spiritualia ad solvendas sæcularium quæstiones ad exhortandos in doctrina sana fideles & ad contradictores redarguendos. Adjuvant ad reprimendam carnis lasciviam juxta Ecclesiast. 31. *vigilia honestatis tabefacit carnes.* & S. Hieronymum: *Ama scientiam scripturarum & carnis vitia non amabis.* Expertus protulit hanc sententiam Hieronymus: Fatetur namq; de se ipso quod dum esset juvenis & in solitudine vallaretur incentivis vitiorum nec ferre posset ardorem naturæ, nihil proficientibus jejunijs cuidam fratri qui ex hebræis crediderat se tardidit in disciplinam & post Quintilianum acumina ut ait ipsemet, post Ciceronis fluvios, post Frontonis gravitatem; & lenitatem Plini; cepit Alphabetum hebraicum discere ac stridentia anhelantiaq; verba meditari nec destitit ab inceptis esto toties propter laborem improbum & difficultatem ingentem desperaverit. Sine adminiculo studij literarij non percipio quomodo Religiosus absq; periculo erroris contemplari quomodo suam alienasq; dirigere conscientias quomodo salutari verbo cæteros possit ædificare nisi forte ad instar Apostolorum illapsu Spiritus Sancti illuminatus sit. Dolenter ad hebræos scribit Apostolus: *Cum deberetis esse Magistram rursus indigetis ut doceamini quæ sint elementa exordij sermonum DEI.* Religiosos hæc tangit scriptura. Hi enim, Magistri aliorum debent esse, cum Patres spirituales vocitentur & tamen quanti sunt qui indigent do-

Officia Religi-
osi quatuor.

Nulli absq; stu-
dio literario
satis fieri po-
test.

gent do-

gent doceri quæ sunt elementa sermonum DEI, quæ sint rudimenta fidei? non norunt peccatorum discrimina, non differentiam circumstantiarum, nesciunt naturam numerumq; censurarum Ecclesiæ. Casus Bullæ Cænæ aliosq; reservatos penitus ignorant. in hac nihilominus stoliditate sua, omni pigro ad librum pigriores omni trunco insensibiliore. Ad mensam nuper lectum audivimus: *Non videtur intelligibile quomodo tutâ conscientia audeat ille ad sacerdotium aspirare, qui saltem Cathechismus Romanum ex integro non percepit; vel ad Confessiones audiendas se conferre qui unum saltem summulistam casticum integrum intelligibiliter non percurrit.* Scriptum est enim Osee 4to: *Quia tu scientiam repulisti repellam te ne Sacerdotio fungaris mihi.* Doctè, piè, sanctè. Et quomodo illi securi ac impavidi ad tribunal sacrum se collocant, in quorum manibus frequentior lagena quam liber; frequentiores lusoriæ quàm literariæ chartæ; frequentior somnus quàm vigilia honestatis. Sane verendum est, ne impleatur in nobis illud D. Pauli ad Corinth: *Qui ignorat ignorabitur* hoc est ut exponit Pannonius in Apoc: scribens, repudiabitur: dicetur illi cum factis virginibus: *Nescio vos.*

Teretius in Idi-
ota.

Perstringit sæpe memoratus Hieronymus idiotas Religiosos eosq; aptissimo sanè Epitheto vocat asellos bipedes & rusticissimos homines. *Quidam*, inquit, *ille solam crassam rusticitatem pro sanctitate habent quasi idcirco sancti sint, si nihil norint.* Et alibi postquam D. Ambrosium ex continua lectione dilaudasset dignam aliorum in sua persona subtexuit reprehensionē: *Quid nos, verba ipsius sunt, quid nos ventris animalia tale unquam fecimus quos si vel secunda hora legentes invenit, oscitamus & manu faciem confricantes stomachum continemus.* Martialis in favorem puerorum ludit. *Æstate pueri si valent satis discunt.* Pudeat morè puerorum blandiri nobis & cuticulæ curandæ indulgere in meris nugis confabulationibus lusibus tempus pretiosum atterendo & ad opus laboris cuiuspiam nisi ferula Magistri videatur pigritando.

Idiotarum E-
logia.

En viam duplicem fugiendi otij laborem scilicet manualementem & studium literarum potissimum sacrarum. Hanc utramq; supernè edoctus Antonius Magnus sub initium conversionis suæ. Dum enim quadam vice tædio in spiritualibus exercitijs angeretur cum profundo in Cælum suspirio oravit. Domine volo salvus esse & non sinunt me cogitationes meæ. Et paulo post egressus foras vidit in specie hominis Angelum strenuè manibus operantem; postea procumbentem in genua ad Orationem, iterum resumentem manuale opus, à manuali opere ad legendum se componentem audivitq; directam ad se vocem: Antoni sic fac & vives. Sic & nos facere expedit si vitam sanctam, Religiosam, fructuosam vivere volumus. Otium pulvinar diaboli est, esca vitiorum, Carnalium peccatorum Mater, virtutum noverca, temporis perditio. & ne longus sim, occasio omnis mali est. Unde enim verò in Religiosis scandala, conversationes illicitæ, compotationes, silentij & aliarum observantiarum fractiones, nisi ex mero, merissimo otio? Unde colloquia prava & inutilia, detractiones, oblocutiones, fugillationes aliorum, taxationes vitæ morumq; alienorum nisi ex otio? unde murmur, unde querulationes irrationabiles, appetitus stulti

Otij descri-
ptio.

& desideria brutalia ad commoditates ad exspatiationes & res quascunq; ludicras nisi ex mero otio testante sacra pagina. *In desiderijs est omnis otiosus.* Auceps non iaculatur contra avem volantem sed expectat donec à volatu cessando pedem suum alicubi ponat: Sic & Diabolus non impugnat aut certè inaniter impugnat Religiosum honestis immorantem exercitijs; otiantem verò impetuosè aggreditur facileq; prostermit. Aqua profluens salubris est & pisces profert salubres; at stagnans fætet solosq; serpentes & ranas producit. *Et vitium capiunt ni moveantur aqua.* Ita & Religiosus in otio stertens totus fætidus est, totus virulentus est. fætum fætidum ranarum & serpentum hoc est vitiorum progerminans: qui scilicet nihil efficiat nisi quod nocet alteri, nihil effutiat nisi virus alienæ famæ honorisq; conspurcativum. Avertat Dominus à nobis perniciosissimam hanc labem. In quietè Religiosâ constituti imitemur Christum Dominum qui etiam in sabbatho epera operibus intexebat. Jam agendo, jam contemplando, jam manibus laborando, jam lectione animum pascendo, semper negotiosos nunquam otiosos nos exhibeamus si ad sabbatum æternæ quietis cupimus pervenire.



O R A T I O.

Dum in hodierno Evangelio Salvatorem nostrum audio adversum templi profanatores acriter & vehementer commoveri, ipse quoq; licet flagella non sentio, perhorresco. Similis nimirum reatus, similem reformidat vindictam. Zelo zelatus est Dominus super domo Dei: non patitur ei fieri dedecus, non sustinet actus forenses, negotiationes, actusq; ullos sæculi exerceri, ubi locus Orationis est. Ab hoc furore Domini procul nos vult esse B. Augustinus dum illud monitum intra quamvis septimanam nobis inculcat: In Oratorio nemo aliquid agat nisi ad quod factum est unde & nomen accepit. Planè assidui in Oratorio sumus vix non æqua aut maiori diei parte Oratorium nos detinet. Ut igitur ad quod factum est solummodo agamus in ipso, dignitatem ac necessitatem orationis, eiusdemq; ad impetrandum condiciones proponam. Discamus orare ut convenit Christianis monet S. Chrysostomus. Si enim orare nesciverimus quod facillimum est, quid nos scire putemus?

1. Ad Timoth: cap: 2. Oratio secundum Cassiodorum dicitur quasi oris ratio. Definitur à S. Damasceno. Petitio decentium à D. O. sed per hanc descriptionem solum species orationis exprimitur. Doctor Angelicus vult esse ascensum intellectus ad Deum. Dividitur in obsecrationes, postulationes, orationes, & gratiarum actiones secundum Apostolum 1. ad Timoth: 2. Obsecratio est, per sacra contestatio. Postulatio est petitio qua certum quodpiam beneficium flagitamus; sicut supplicatio sub postulatione comprehensa est Divinæ opis imploratio nihil determinando quod nobis à Deo velimus concedi. Gratiarum actio est beneficiorum acceptorum recognitio. Omnes istas partes Oratio generaliter accepta

1. Ad Timoth:
cap: 2.

Apud S. Thom:
2. 2. q. 84.

Oratio quid?
quoruplex?

accepta complectitur. at si specialiter eam sumas, à cæteris secernitur. Glossa in imæ: ad Thimotheum caput 2dum: dicit in Missa obsecrationes præcedere consecrationem ubi sacra quædam commemorantur, Orationes fieri in consecratione in qua mens maximè debet elevari ad DEUM, postulationes in sequentibus petitionibus, Gratiarum actiones in fine.

Dignitas Orationis ex sacris literis innotescit. Apocalyp: 8. narrat D. Ioannes vidisse se Angelos 7. qui steterunt in conspectu DEI & datæ sunt illis septem tubæ. *Et alius Angelus venit & stetit ante altare habens thuribulum aureum in manu sua & data sunt ei incensa multa ut adoleret de Orationibus Sanctorum super altare aureum quod est ante thronum DEI.* Apocalypsis est liber ille signatus sigillis septem quem si dederis homini scienti literas ut legat, respondebit tibi: non possum, signatus est enim. Certè eum nemo aperire nemo legere ac intelligere valet nisi aperuerit ille qui habet clavem David qui aperit & nemo claudit, claudit & nemo aperit. Referavit Sanctis viris scripturæ sacræ studiosis, ex quorum scriptis excerptimus interpretationem. Angeli septem, sunt universi prædicatores quibus datæ sunt septem tubæ hoc est universalis potestas prædicandi verbum DEI. Angelus alius qui venit & stetit ante altare non est aliquis è Spiritibus creatis sed Dominus noster Jesus Christus quem Malachias Angelum testamenti, Isaias magni consilij Angelum nominant. Rectè Angelus: quia nuntius Paternæ voluntatis. Altare est Ecclesia ex Iudæis & gentibus conflata. stat ante hoc altare Christus tanquam caput ante membra, membris ipsis coniunctum ut dividi non possit. Stat autem cum thuribulo ut ostendat se esse Pontificem futurorum bonorum. In manu illud habere dicitur quia cor nostrum quod pulchrè per thuribulum significatur in potestate sua tenet. Aureum est ob pretiositatem fulget namq; charitate cor nostrum ut belle aureum thuribulum sit. Incensa quid sint lateret nisi ipse qui scripsit exposuisset. Sunt ignitæ sanctorum Orationes quas fideles fundunt per Christum offerendas DEO. Data sunt ergo Christo incensa multa de Orationibus sanctorum quia cum sit mediator & advocatus noster, jugiter offert Orationes nostras maiestati Divinæ ex officio in quo posuit eum Pater suus æternus. Est etiam altare aureum Christus ipse super quem omnia sacrificia nostra oblata placita sunt DEO, quatenus idem sit & altare aureum & Angelus offerens sacrificium: quod & si impossibile videretur philosophiæ, non est tamen impossibile virtuti Divinæ. Sanam intelligentiam hanc nemo negabit qui perspectam habet consuetudinem scripturarum Capiti quod membris convenit plerumq; appingentium. Jam vide quanta orationis excellentia si ipsum filium DEI portitorem & oblatores sui nacta est! Si ipse Christus in semetipso velut in ara divinissima offert eam & quidem ex officio! Quo major & ponderosior legationis causa eo nobilior assumitur persona quæ autem dignior persona quàm Christus? Tubas id est officium prædicandi verbum DEI commisit alijs. officium orationes offerendi reservavit sibi. Prædicare, sacramenta dispensare Apostolorum est: incensum Orationum adolere, Christi. Unde Ecclesia omnes collectas illa claudit terminatione Per Christum Dominum no-

Dignitas Orationis ex Scriptura.

Difficultas.

Apocalypsis.

Vide Pannon: in Cap: 8. Apocalyp.

strum. Hinc perspicis quàm sanctæ debeant esse orationes quæ tali portitore ante thronum DEI deferuntur, ideoq; petitiones nostras, sanctorum Orationes vocat Ioannes. Augustinus in Regula tanto sanctiores nos esse debere hortatur quanto crebrius ad orationem convenimus. Ne ergo credas à Christo acceptari preces & in odorem suavitatis offerri Patri quæ è corde oreq; non sancto procedunt. *Quid agis imprudens & miser quid te peccatorum majorum onere gravas quid DEO præter contemptum injurias irrogas quid ad provocandum celerius eius iram in testimonium pœna tua sceleratas ad DEUM porrigis manus ad quas ille non respicit qui non nisi sanctas & immaculatas jussit offerri quid ore illo illum rogas quo paulo ante locutus es male?* Exclamat Augustinus.

Ex SS. PP. Post scripturarum Sacramenta videamus sanctorum Patrum de oratione testimonia. Præsul Hipponensis Clavem Cæli appellat S. Damascenus conjunctionem hominis cum DEO, Angelorum opus, ac futuræ præludium beatitudinis. Pannonius fusus est in eius laudibus. Oratio, inquit, est animæ sanctæ præsidium, Angelis solatium, Demonibus supplicium, DEO gratum obsequium, vitiorum extinctio, virtutum Mater, huius peregrinationis solamen, anima speculum, conscientia robur, cognitionis via, confidentia nutrix, charitatis incentivum, laborum quies, compunctionis causa, Cæli porta, cogitationum malarum interemptrix, dispersæ mentis in se recollectrix, celestium affectionum excitatrix, Angelorum imitatrix & omnium spiritualium bonorum optima conciliatrix. quàm qui perseveranter tenuerit perire non poterit. Quid poterat potestq; luculentius dici in commendationem Orationis? Eam Poetæ quoq; suis efferunt carminibus. Ex eis venustus canit. *Imperat & pacem & locupletem fructibus annum. Avertit morbos metuenda pericula pellit. Poscit opem chorus & præsentia numina sentit. Carmine DEI Superi placantur, carmine manes.*

Necessitatem ipsius salvator noster expressit dicens: oportet semper orare & nunquam deficere Lucæ 18. Oportet inquit, quo verbo & necessitas & utilitas orationis indicatur. Cur autem usq; adeo oportet orare & semper orare? quia continuo egemus miseratione Divina ad hoc ut nobis instrumenta atq; apparatus quo æterna obtineatur beatitudo tribuat; nec non gratias impertiat ad superandos eiusmodi obices qui sunt peccatum, tentatio, pœnalitas vitæ præsentis.

Tres obices beatitudinis quos amoveri in Oratione Dominica flagitamus. Continuum peccatum continua tentatio, pœnalitas ubiq; præsentissima; ideo semper cordis orisq; sono fatigandum calum ut dimittantur nobis debita nostra; ut quando suggestionum pravarum quatimur ariete, nunquam in delectationem aut consensum prolabamur, omniscq; tentatio diabolica à foris sit, ad interiora cordis non pervadat; demum ut è malis quibuscunq; & undecunq; nobis impendentibus aut nos gravantibus afferamur. Et verò si loqui velimus de beneficijs Divinis, hæc nobis incessanter erogantur ut non toties spiret homo quoties agere obligetur gratias. Quot diebus singulis blasphemys impetitur DEUS, quot iniurias sustinet & à fidelibus & infidelibus, verbis atq; operibus? quid igitur? num idcirco solis extinxit radios, num ideo lunam solito cursu coercuit, num dirupit Calum & terræ fundamenta concussit num aera & cetera elementa permiscuit? nequaquam. Sed contra penitus & solem oriri facit & pluvias imbresq; largitur

Ad agen: gratias pro beneficijs Divinis. S. Chrysost: in 1. ad Timo: 2. quaquam. Sed contra penitus & solem oriri facit & pluvias imbresq; largitur

largitur, atq; ex humo annua alimenta ministrat, insensatis, blasphemis, sceleratis persecutoribus, non uno tantum die vel duobus aut tribus sed per omnem prorsus vitam. Quid unquam nobis defuit sive ad vitam spirituales sive ad naturalem? Sane abundanter omnia unicuiq; à Divina providentia ministrata sunt. Necesse igitur est semper gratificari ut de perceptis beneficijs gratias exhibentes accipere mereamur potiora. Peccatis autem quod quantivè scateamus unusquisq; suam appellet conscientiam. Certè qui dicit peccatum se non habere mendax est. in multis omnes offendimus. septiesq; in diem cadit justus. Tentationes quibus impetitur quis describat? Sive enim dormiamus, sive vigilemus, sive comedamus, sive bibamus, sive quodcunq; opus operemur omnibus modis instat die ac nocte fraudibus & artibus nunc palam nunc occultè sagittas venenatas contra nos dirigens adversarius noster. Omnes vias nostras replevit decipulis. Laqueos posuit in divitijs, laqueos in paupertate, laqueos tetendit in cibo & potu & voluptate, in somno, in vigilia, laqueos posuit in verbo & in opere & in omni via nostra. Diserte ut solet B. Hieronymus tentationes stylo percurrrens cautos nos vult & præmonitos ne male fida decipiamur securitate. Adversarius noster inquit ille tanquam leo rugiens aliquem devorare querens circumit & tu pacem putas? insidiatur in occulto insidiatur ut rapiat pauperem & tu frondosa arboris tectus umbraculo molles somnos futurus præda carpis? inde me persequitur luxuria, inde avaritia conatur irrumperere, inde venter vult mihi esse Deus pro Christo: impellit libido ut inhabitantem in me spiritum sanctum fugem ut templum eius violem. persequitur inquam me hostis cui nomina mille mille nocendi artes & ego infelix victorem me putabo dum capior. Pænalitas præfens & frequentissima & plurima, hinc timor, hinc tremor, hinc fames, hinc sitis, hinc calor, hinc frigus, hinc languor inde dolor exuberat. Audax Iapeti genus ignem fraude nova gentibus intulit, post ignem æthereæ domo subductum macies & nova febrium terris incubuit cohors. Sub fabulæ cortice medulla veritatis latet; Nimirum post peccatum hominis sese contra DEUM erigentis & honores Divinos usurpantis invecas esse in mundum morborum & reiectaneorum variorum infinitas miseras. Quæ jam spes salutis in tantis malis? quæ fiducia beatitudinis in tantis impedimentis? Nisi Dominus reliquisset nobis semen Orationis facti fuisset sicut Sodoma & Gomora quæ perierunt in momento & non ceperunt in ea manus. Nisi reliquisset nobis anchoram deprecationis prima statim tempestate naufragium passi perissemus. Nisi scuto precum Divinarum nos circumdedisset, à timore hostium persequentium contabuisset. O sane oportet orare nec unquam in oratione deficere! Rectissimè Augustinus: Nullum credimus, ait ad salutem nisi DEO invitante venire, nullum invitatum salutem suam nisi DEO auxiliante operari, nullum nisi orantem auxilium invenire. Hieronymus: nec cibi, inquit, sumantur nisi oratione præmissa: nec recedatur à mensa nisi referatur Creatori gratia. Egredientes de hospitio armet Oratio, regredientibus de platea Oratio occurrat antequam sisto. Ad omnem actum, ad omnem incessum manus pingat Crucem. Ambrosius: omnibus, inquit, momentis non solum diebus, sed etiam noctibus Oratio deferatur.

*Ad impetram
obstaculorum
æternæ bea-
titudinis a-
motionem.*

*S. Aug. in soli
loqui cap: 16.*

Ad Heliodorū.

Horatig Ode 3

*De Eccle: do-
gmat: cap: 16.
Nectas eius-
dem ex auth:
SS. Patrum.
Oratio in e-
gressu & re-
gressu faciēda
Signū S. Cru-
cis sæpè fronti
imprimendū.*

Prolepsis una

Quomodo possumus orare continuo.

2.2.9.83. art.

14. ad 4tum;

Varij modi sē-

per orandi.

Libro 5.

Alter a.

Conditiones
Orandi.

9. eadem art.

15.

Pie.

quomodo in-

telligendum.

2.2.9.101. ar.

2.4.3.

At ipsi etiam muti literarum apices sentiunt te velle in verba prurumpere obijcereque: quomodo fieri potest ut semper oremus? ergo jam neque edendi, neque dormiendi, neque opus ad aliquod æconomicum aut Civile faciendi libertas erit & cum necessitatibus corporis subiaceamus, illis neglectis dum vitam vivere Angelicam curamus, carnem emaciabimus imo spiritum ex corpore excludemus contra Dei præceptum? Non ita intelligendum est Salvatoris nostri monitum quasi semper aut in choro psallere aut missas cantare aut rosarium persolvere aut quodcunque aliud precationis pensum perficere teneamur. Sufficit si continuemus orationem vel in Causa, vel in effectu vel in tempore suo. Causa Orationis est desiderium charitatis ex quo procedere debet oratio. nec est necesse ut eiusmodi desiderium semper in seipso duret satisfaceret si in virtute sua perseveret; manet enim virtus desiderij huius in omnibus quæ ex charitate facimus. Propter eiusdem desiderij fomentum suadentur à Sanctis Patribus eiaculariæ tesserae per quas etiam, dum crebro fiunt, dicitur quis continue orare. Effectus orationis in ipso oratore est quod post Orationem remaneat magis devotus, in alio autem cum quis beneficijs alterius provocatus precatur pro ipso tunc quando hic ab orando quiescit, ut in vitis Patrum legitur de Lucio Abbate quod qualibet die pauperibus duos nummos reposuerit quatenus illi eo tempore quo ipse ab oratione vacabat pro se orarent. Secundum tempus quoque semper orat ille qui nunquam statis temporibus precationem seu publicam seu privatam intermittit.

Respondebis & dices: petimus instanter nec tamen à Deo exaudimur. Audi quid Iacobus Apostolus in sua Canonica replicet: *petitis & non accipitis eo quod male petatis.* Male petit qui temporalia solummodo propter bonum suum non propter gloriam Dei poscit. Hoc licet orare quod licet desiderare: temporalia autem fas est desiderare duntaxat sicut quædam adminicula quibus adiuvamur ad tendendum in beatitudinem prout scilicet per ea vita corporalis sustentatur & prout nobis organicè deserviunt ad actus virtutum. Male igitur petit quisquis à Deo temporalia non tanquam media beatitudinis sed tanquam suam beatitudinem postulat fatuo iudicio lutum auro, vitrum margarito, floccum purpuræ, sæcem mero purissimo, lutulentam aquam, fonti limpidissimo & ut apertius loquar sensuum lenocinia solidis æternisque gaudijs, honores ac opes mundi vix affluentes & jam effluentes regnis bonisque cælestibus præeligens ac præpostero ordine felicitatem ultimam in eo quod solum umbra felicitatis est constituens. Etiam ille male petit qui spiritualia petit sed languide, sed remisse, distracte. Ut porro Oratio efficax sit conditiones orandi præscribo. Quatuor hæc ponuntur à D. Angelico nimirum ut quis per se petat, necessaria ad salutem, pie, & perseveranter. Per se hoc est in persona sua. Unde non omnes quas iusti pro peccatoribus fundunt, exaudiuntur preces. *Necessaria ad salutem.* Male enim petitur quidquid petitur contra rationem salutis. Si etenim roges ea quæ non pertinent ad salutem verendum ne in vindictam concedantur tibi; quia Deus quædam negat propitius, quæ concedit iratus. *Pie* tam respective ad Deum quam respective ad homines. Cultus Dei per excellen-

excellentiam pietas nominatur sicut etiam Deus antonomastice vocatur Pater noster quia nobis est essendi & gubernationis primum principium. Cum proinde pietas inclinet ad præstandam illis reverentiam qui sunt principia nostri esse, si pie iubemur orare, iubemur cum summa orare reverentia. Hæc autem nequit esse absq; attentione ad eum quem reveremur & absq; humilitate, cum ipsa reverentia sit humilitatis actus. Quantum itaq; ad Deum pia debet esse oratio, ut sit attenta & humilis. Huc spectat ut preces nostras per Christum offeramus æterno Patri; neq; enim maiorem cultum aut honorem reverentio- rem Deo possumus deferre quam per Christum. Et hoc ipsum est humilitatis. nam dum per mediatorem nostrum obsecramus, profitemur nos indignos esse quorum preces intra sacrarium Divinæ exauditionis admittantur. Christus verò pro sua reverentia meretur semper exaudiri. In peculiari acceptione pietas est quædam protestatio charitatis quam quis habet ad Parentes & ad Patriam. in Parentibus includuntur consanguinei. in Patria omnes concives & amici, ideo autem his debetur cultus ex pietate quia sunt vitæ nostræ authores. Parentes quidem & consanguinei qui ex Parentibus processerunt, quia nos genuerunt & gubernant. Patria quia in ipsa nati & nutriti sumus. Jam dic amabo qui sunt spirituales Parentes nostri? absq; dubio Superiores, Confessarii & id genus. quæ Spiritualis Patria? sine dubio Ecclesia in qua per baptismum renati, alimonia Divini verbi ac Sacramentorum nutriti educatiq; sumus. Concives sunt omnes fideles. Si ergo pie orare volumus pietate in proprio sensu accepta, charitatem ad omnes homines potissimum domesticos fidei habere debemus eamq; protestari coram Deo. Pie igitur orandum. hoc est attente, humiliter & reverenter animo erga proximum pacato & ut ait Apostolus absq; ira & disceptatione. Attentam vult esse Basilii dum ait: *Divinum auxilium est implorandum non remisse vel mente hac & illud evagante eo quod talis non solum non impetrabit quod petit sed etiam magis Deum irritabit.* attentam vult S. Augustinus: *dum oratis hoc versetur in corde quod profertur in ore.* D. Thomas censet juxta triplicem fructum Orationis quorum primus est merendi si in gratia oretur. Secundus impetrandi. Tertius quædam spiritualis resectio mentis. censet inquam non esse necessariam ad priores duos fructus consequendos per totum orationis cursum attentionem sed sufficere vim primæ intentionis qua quis ad orandum accessit. nisi forte quispiam ex proposito evagetur mente; tunc enim evagatio omnem impediret fructum. Dat rationem, quia mens humana propter infirmitatem naturæ diu stare in alto non potest; pondere namq; infirmitatis humanæ deprimitur anima ad inferiora & ideo contingit quod quando mens ascendit in Deum per contemplationem, subito evagetur ex quadam infirmitate atq; idcirco primo ac secundo orationis fructu non privatur. Humilem debere esse ostendunt scripturæ. *Oratio humiliantis se penetrat nubes. Et respexit in orationem humilium.* S. Thomas *humilitas inquit necessaria est ex parte petentis qui suam indigentiam recognoscit. Oratio sine attentione & affectione supplicis. perinde est atq; lampas sine oleo. fumigare potest non lucere.* ait Pannonius in explanatione Regulæ. Mansuetam item ideoq; sacrifici-

Pietas erga
Deum reve-
rentiam dicit

Reverentia
autem atten-
tionem & hu-
militatem re-
quirat?

Pietas ad ho-
mines dicit
charitatem
erga propin-
quos & pa-
triam.
Quæ patria
nostra & qui
parentes.

Oratio debet
esse attenta.

Triplex fru-
ctus orationis

Debet esse hu-
milis.

Debet in cha-
ritate & m^a.
suetudine ex-
g^a proximum
fieri.
In vita Bar-
laam.

Apud Aponte
in Matthæum

Mendicus ob-
servat oran-
di cōditiones.

Ala oratio-
nis.

crificium ad altare relinquendum & ante orationem componendas cum fratre inimicitias monet Christus. Damascenus ad orationem opus esse ait animæ ab omni iniuriarum recordatione atq; ira quæ maiori quàm alia omnia impedimento est quo minus preces nostræ ad DEUM sublimes ferantur procul se remove cunctisq; ex animo offensionem remittere. Ultima Orationis conditio ut fiat *perseveranter*. Quod perseverans in oratione, desiderata impetrabit argumento: est parabola Evangelica de eo qui ab amico tres panes petijt. hoc negante, illo urgente, improbitas hoc est importunitas seu ut explicat Tostatus perseverantia supplicis vicit ut acciperet non solum tres panes sed quot quot habebat necessarios. S. Chrysosthomus Hom: 49. in Genesim *si* inquit *permaneas postulando etiamsi non continuo accipias, accipies tamen.* Propterea quippè ostium clausum est ut tu pulsare cogaris. idcirco non celeriter annuit ut tu diutius inquiras. Basilis *si* inquit *non audiamur intelligendum est opus esse perseverantia aut contentione maiori.* Has orandi circumstantias qui ex aliquo vivo exemplari discere voluerit, mendicum stipi petendæ intentum attendat. Hic enim per se cum summa diligentia petit & petit non divitias non honores non voluptates. aliàs rideretur ut stulta eius petitio sed tantum necessaria sustentando & fovendo corpori refrigeria. affectus gestusq; omnes humiles exhibet cum verbis pariter humilibus. Detegit suas infirmitates & defectus, bona verò reticet, loca opportuniora ad orandum quærit. perseverat mendicando patientissimè à mane usq; ad vesperum. sic instructa, sic fusa, si fuerit precatio certus esto non vacuum à throno Maiestatis Divinæ in sinum tuum redituram. Quodsi adhuc expeditiorem vis esse atq; ad impetrandum feliciorem ac faciliorem applica illi jejunij & eleemosynæ pennas. his nixa incunctanter ad DEUM subvolabit.

Exempla Oratorum spiritualium quæ te provocent ad Angelicum hoc opus desideras? innumera sunt. Christus ipse pernoctans erat sæpissimè in oratione Dei non ut pro se obsecraret sed ut pro me exoraret. Virgo Beatissima revelavit Sanctæ Brigittæ, se omnes gratias non nisi continuis orationibus & mortificationibus acquisivisse. Apostolos quid invictos totius orbis triumphatores reddidit nonne oratio? ex his Iacobus ob frequentissimam poplitis flexionem collum genibus obduxerat. Bartholomæus centies per diem centies per noctem orabat. S. Paulus Apostolorum novissimus ac simul Princeps non tantum ipse pro se assiduas fundebat preces ac pro mundo, sed etiam pro se orari obsecravit. Ex horum exemplo aliorum indicatur & iudicatur devotio. Frequentissima Eremitarum examina nihil magis studuerunt implere quàm illud Apostolicum: sine intermissione orate. Princeps propositi nostri Paulus Thæbeus ostendit in morte quibus integram vitam suam occupavit in solitudine actibus. Mors est finis tragædiæ. Quidquid per totam tragædiam in theatro fuerit, sistit se in fine, quod ergo in morte ipsa imo & post mortem prodigiosus hic cæli orator inventus sit genibus flexis extensisq; in altum manibus, perspicuum est eum per totam vitæ suæ scenam orationi cum eiusmodi instituisse gestibus. Antonium sæpissimè in Divinis laudibus pernoctasse Athanasius testatur. Onufrius continuis & flagrantissimis precibus

precibus meruit illud privilegium ut quicumq; in memoriam eius sacrificaverit vel eleemosynam dederit, vel orationem Dominicam recitaverit liber evadet ab omni tentatione diabolica & hæres Regni Cælestis fiat. Beatus Posthumus quinq; millium Monachorum Pater si aliquando infirmitate fractus debilia genua curvare nequivit & ad vigilias exurgere, orare & psallere non neglexit in strato suo. Apollonius imitatus D. Bartholomæum orationes suas ad numerum centenarium reducebat. Hoc idem de Christophoro anachorita veraces prodiderunt hystoriæ. Arsenium sol occiduus manus extendentem & officium Divinum aggredientem vespere Sabbathi relinquebat. Michael Battis priscos superasse Eremicolas videtur, cuius ea fuerat consuetudo ut quolibet die totius anni centum orationes dominicas totidemq; salutationes Angelicas ordinario precum debito superadderet. Secundo anno duplum, tertio triplum quousq; adveniente Anno sui transitus in tantum cæpta cum incremento pietas invaluit ut mille trecentas Orationes dominicas totidemq; Angelicas salutationes in cuiuslibet diei pensum numeraverit. Hoc devotionis genere cum Michaele decertavit Sebastianus Conversus ea tamen differentia quod hic ante, ille verò post matutinas preces noctem Divinis colloquijs sanctificabat ut testantur annales nostri. Quid memorem Franciscum in illa Oratione DEUS meus & omnia integras absumentem noctes? quid alios recenseam quorum omnium indicem retexere non est possibile.

lib: 2. cap: 31.
fol: 25.

Neq; verò hi Sancti productione Oratione sententiam Domini prætergredebantur dicentis: *Orantes nolite multum loqui.* Salvator namq; non prolixas preces, verum multam in orando loquelam damnat illis verbis. Unde Augustinus ad Probam ait: *non est hoc orare in multiloquio si diutius oretur; aliud est sermo multus aliud diuturnus affectus. nam & de ipso Domino scriptura est quod pernoctaverit in orando & prolixius oraverit ut nobis praberet exemplum.* Subdit deinceps: *absit ab Oratione multa locutio sed non desit multa precatio si fervens perseverat intentio. Multum enim loqui in orando est rem necessariam superfluis agere verbis. plerumq; autem hoc negotium plus gemitibus quam sermonibus agitur.* Oportunissimam huic loco attexo Regulam ex D. Angelico. *quantitas rei inquit ille debet esse proportionata fini ut exempli gratia potionis mensura sanitati. Quare conveniens est quod Oratio tantum duret quantum est utile ad excitandum interioris desiderij fervorem. Cum verò hanc mensuram excedit, non est ulterius protendenda.*

Quousq; durare debet
Oratio

Iustemus igitur Orationi vigilantes in ea cum gratiarum actione. Ad quod dedicata domus Dei est illud jugiter in ea agamus. Mittamus perenniter preces nostras per Christum ad Thronum Maiestatis Divinæ. Et cum Apostolus non in solis Ecclesijs sed ubiq; orandum censeat dicens *volo autem viros orare in omni loco levantes manus sanctas*, etiam extra oratorium persistamus in oratione sive jam actu orando sive devotionem retinendo sive desiderium charitatis in nobis excitando & ex charitate opera varia peragendo seu eiaculatorias aspirationes identidem repetendo seu demum aliorum preces pro nobis implorando. Soli quidam Epigraphen appinxit: *non implorantibus adsum;* id verius soli increato adscribas qui etiam non invocatus

catus infinitis mundum cumulat beneficijs. quid si invocetur? exaudiet equidem orationes nostras & qui præstat devotionis affectum præbebit supplicantibus pium benignus auditum.

ROSARIUM.

IN Evangelio crastinæ festivitatis accuratè omnia adiuncta Anuntiatiæ Incarnationis Dominicæ percensentur. Et locorum & personarum nomina describuntur exactè. Altissimo id factum consilio. ad pleniorum enim tanti mysterij cognitionem & fidem necessum erat ut circumstantiæ tanti mysterij, non modo res ipsa, in memoriam transfiret posterorum literis mandata Divinis. Sed cur quæso ipsa etiam Oratio qua caduceator Cælestis Virginem salutavit stylo Evangelistæ de verbo ad verbum exarata? nimirum ut formam salutandæ Virginis haberemus atq; ut iisdem verbis terra veneretur Mariam quo Cælum veneratum est. Et feliciter quidem hanc Archangelus è cælo apportavit Orationem, cum hæc totum jam Orbem impleverit. Certant nimirum fideles in cultu Mariano officium ex salutationibus Angelicis confectum, quod Rosarium vocamus, in honorem Virginis MARIE sancta inter se æmulatione persolvendo. quod ego quoq; sterili quidem at erga MARIAM devoto sermone commendare in animo præconcepi devotionem erga MARIAM propagare gestiens.

ROSARIUM est orandi formula ad DEUM & Virginem Beatissimam continens certas salutationum Angelicarum decades singulis subnexas orationibus Dominicis Symbolo Apostolico conclusa. Philippus Bosquier ita definit. Est fertum quoddam spirituale mysticis vocibus ex Evangelio depromptis tanquam rosis contextum Virgini Virginū Matri DEI Religionis ergo à Catholicis oblatum. Miechoviensis est inquit sacra quædam precandi DEUM formula in honorem MARIE quæ centies & quinquagesies recitata salutatione Angelica instar Davidici psalterij & cuilibet decadi interiecta Oratione Dominica per quindecim decades præcipua humanæ restaurationis mysteria pijs meditationibus percensentur. Prior, hoc est media descriptio generalibus proposita terminis claritate & explicatione indiget. postrema illam solam rosarij edisserit speciem quæ quindecim numerat decades cum tamen plures sint species eiusdem ut est illa usitatissima quæ ex senis decadibus constituitur in memoriam & honorem ætatis Marianæ.

MATERIA ipsius est Oratio Dominica, salutatio Angelica, Symbolū Apostolorum. Cuiuscunq; operis & artificij dignitas ex materiæ æstimatur nobilitate. Videamus igitur quàm pretiosis Rosarium nectatur segminibus, quàm splendidis fulguret gemmis, ex quam gratiosis componatur ornamentis. Oratio Dominica omnem superat laudem. S. Ambrosius lib: 4. de Sacramentis mirari eam potuit non laudare. *O quam brevis Oratio. & omnium plena virtutum?* S. Cyprianus pariter ad Maiestatem orationis Dominicæ stupens ait: *quam multa quam magna*

Oratio Dominica.

magna Sacramenta breviter in sermone collecta sed in virtute spiritu-
aliter copiosa ut nihil omnino intermissum sit quod non in precibus no-
stris doctrinae compendio comprehendatur! Similia habet Augustinus ad
Probam. Si recte & congruenter oramus nihil aliud dicere possumus
quàm quod in oratione Dominica positum est. quia enim oratio est
quodammodo desiderij nostri interpres apud DEUM: illa rectè solum
orando petimus quæ rectè desiderare valemus. In oratione autem
Dominica non solum petuntur omnia quæ rectè possumus exoptare
sed etiam eo ordine digeruntur quo à nobis appetenda sunt. Primum
namq; sub affectionem votumq; nostrum cadit finis, post ea quæ sunt
ad finem. finis porro noster DEUS est ad quem affectus tendit dupli-
citer: volendo nimirum gloriam ipsius & volendo eadem gloria per-
frui. ille voluntatis motus pertinet ad dilectionem DEI quæ ipsum in
seipso diligimus; hic autem ad dilectionem qua diligimus nos in DEO.
Qui duplex actus bina petitione comprehenditur dum sanctificari
Nomen Domini & regnum cæleste nobis advenire postulamus. Ad
finem præfatum deservunt alia per se, alia per accidens ut scholis lo-
qui placet; per se quidem, quæ nos quasi manu ducunt ad æternam
beatitudinem sive principaliter, ipsius assecutionem influendo uti est
executio voluntatis Divinæ per quam nimirum meremur felicitatem
perennem; sive instrumentaliter & quasi coadiuvando nos ad meri-
tum uti sunt Sacramenta, potissimum verò Eucharistia quæ panis su-
persubstantialis juxta Matthæi Evangelium significatur nomine; uti
etiam est omnis sufficientia victus sub panis vocabulo signata. Duo
hæc ad finem nostrum nos dirigentia media duplici imploramus pre-
catiuncula. Per accidens autem ordinamur in beatitudinem per re-
motionem obstaculorum quæ sunt peccatum, tentatio, pœnalitas præ-
sens. quæ distinctis partibus petimus amoveri à nobis. Hinc mani-
festum est Orationem Dominicam esse omnium quæ rite & rectè desi-
derare petereque à DEO possumus & debemus epitomen.

Ea solum re-
cte possumus
in oratione
petere quæ re-
cte possumus
desiderare.

Quæ & quo
ordine rectè
desiderare
possumus.

Vide S. Thomã
2. 2. q. 83.

Salutationem Angelicam non meæ infantia est prædicare, efferat salutatio An-
illam linguæ Anglicæ: quæ à Sanctissima Trinitate est dictata, à Gabri- gelica eiusq;
ele Archangelo perorata, Virgini MARIÆ Matri DEI mox futuræ reci- elogia quorū
tata. Ridet Cælum inquit Marianus Orator, terra latatur, Angelus sequitur au-
gaudet, infernus contremiscit, demones fugiunt, cum dico Ave MARIA. thores.
Bernardi panegyrim pia prosequitur meditatione B. Alanus de Rupe: S. Bernar: in
Mundus vilescit, cor in amore liquefcit, cum dico Ave MARIA. speculo Virg.
evanescit, caro marescit cum dico Ave MARIA. Crescit devotio, oritur
compunctio cum dico Ave MARIA. spes proficit, augetur consolatio cum
dico Ave MARIA. recreatur animus & in bono confortatur ager affectus
cum dico Ave MARIA. Pergit idemmet. tanta inquiens est suavitas Alanus &
huius benedictæ salutationis ut humanis non possit verbis explicari sed Thom: a Kem.
semper altior manet & profundior quàm omnis creatura indagare suf-
ficiat. Hæc oratio parva verbis, alta mysterijs; brevis sermone, alta
virtute; super mel dulcis, super aurum pretiosa. Ore cordis est jugi-
ter ruminanda labijsq; puris frequentissime repetenda. Alter Mariana-
rum laudum præco; hæc salutatio, ait, clavus ille est quo cælestis Iachel
Sifara infernalis tempora perterebrat. Gladius est quo formosa Iudith Eggerer in
maledictum Holofernem capite truncat. Lapis est quo mulier hæc Di- anathem.

Vina Abimelechi illius Principis tenebrarum superbum caput conterit. Funis est quo Dalila amabilis gigantea teterrimi Samsonis brachia constringit. Verum quid ego Encomistas salutationis Angelicæ homines adduco cum ipsamet Virgo Beatissima facta sit luculentissima eius laudatrix. Cuidam enim sacrae Virgini apparens, in pectore suo hæc aureis literis inarata verba monstravit: Ave gratia plena Dominus tecum, cum dicto: supra hanc salutationem nunquam homo pervenit nec alius me dulcius salutare poterit. Virginem cui hæc facta visio alij volūt esse Mechtildem alij Gertrudem. Nihil impedit quominus ambabus facta credatur. Nec sermone tantum sed & re ipsa dulcissimam sibi testata est quando tantis beneficijs devotos ipsius recitatores cumulavit ut qui ea legit: in stuporem pium & affectus teneros abripi se persentiscat. O quoties aliquis à malo genio corripendus erat? alius propter flagitia horrendam nimis & mille supplicijs infamem mortem subire debuisset. Non nemo jam tartarorum faucibus adjudicandus: nihilominus virtute rosarij & salutationis Angelicæ inversum iudicij ordinem & benigniorem sententiam experti sunt. Legatur speculum exemplorum, legantur suspitione omni carentes historiarum miraculorum Marianorum & vera esse cognoscantur quæ adstruo. Cedant huic veritati tam græco quam romano stylo mendacijs ficta miracula: ad preces Marianas plus DEUM tribuere quàm rogatur & ea sæpe concedere quæ nec oculus vidit nec auris audivit, nec in cor hominis ascenderunt credendum est. Etiam irrationalia & inanimata salutationi Angelicæ testimonium perhibent. Avem quandam narrant edoctam garrulo ore formare prima verba salutationis à falcone raptam dum ab ungue rapaci penderet, protulisse sanctissimas voces: Ave MARIA Ave MARIA. Quo factum ut prædam rapax ales dimitteret illesam, ipse verò delapsus extinctusvè pœnas daret. In Africa quoq; fonte quodam inveniuntur lapilli per quos natura ipsa salutatores voces dispersita est in quorum alijs Ave MARIA, in alijs gratia plena, in alijs Dominus tecum, impressi leguntur characteres. Nimirum etiam in rebus ratione & sensu carentibus honoris sui erga Mariam Matrem suam expressa haberi voluit vestigia æternus Dei Filius.

Symbolum Apostolorum, est collectio in unum, articulorum fidei ad salutem necessariorum. Articuli autem partes sunt inter se quidem distinctæ, sibi tamen coaptatæ: ut particulae corporis invicem sibi connexæ dicuntur articuli membrorum & partes orationis sibi adaptatæ articuli rethoricæ vocantur. Arthros enim in græco, in latino significat coaptationem aliquarum diversarum partium. Duplex partitio credendorum in memorata ponitur collectione. Ea namq; pertinent ad fidem quorum visione æterna perfruemur & per quæ ducimur ad vitam æternam: hæc autem sunt, Divinitas cuius clara intuitio nos beatos efficiet, & humanitas Salvatoris nostri Dei per quam in gloriam cælestem accessum habemus: Unde dicitur Ioan: 17. hæc est vita æterna ut cognoscant Te DEUM verum & quem misisti IESUM Christum. Atque ideo una quidem credibilium classis in Symbolo est de ijs quæ spectant ad Maiestatem Divinitatis; altera de ijs quæ spectant ad mysterium humanitatis. Circa maiestatem Divinitatis tria ponuntur credenda. Primo unitas Divinitatis & de hac primus articulus. Secundo

Virgo Beatissima.

Eggeret in A.
nathem: sermone 7.

Aves.

SAXA.

Symbolum Apostolorum.

Versatur circa Divinam Maiestatem & humanitatem Christi.

cundò, tripersonalitas & de hac secundùm tres personas, tres ponuntur articuli. Tertiò opera Divinitatis quorum primum spectat ad esse naturæ, qualis est creatio de qua specialis articulus. Secundum ad esse gratiæ, & quantum ad hoc proponuntur nobis sub uno articulo omnia pertinentia ad sanctificationem humanam. Tertium spectat ad esse gloriæ ut resurrectio carnis & vita æterna quæ duo Symbolum concludunt sub uno articulo. atq; ita septem numerantur articuli ad Divinitatem relati. totidem de humanitate Christi supputantur. Primus est de Incarnatione & conceptione Christi. Secundus de Nativitate ipsius ex Virgine. Tertius de Passione, morte & sepultura. Quartus de descensu ad inferos. Quintus de resurrectione. Sextus de ascensione. Septimus de adventu ad iudicium. Hic ne erroris libera cuiuspiam tribuatur facultas observandum quòd ubi multa non habent difficultatem sed secundum eandem rationem & facilitatem cognoscuntur, non sint in diversos secanda articulos. Hinc est quòd unus sit de resurrectione & vita æterna, unus item de passione morte & sepultura, quia ex his uno cognito admissòq; facilè aliud cognoscitur & admittitur; de Passione autem alius & de resurrectione alius statuitur, quia alia est difficultas ad credendum quòd Christus sit passus, alia ad credendum quòd resurrexit. Ex his dignitas utilitasq; Rosarij lumine meridiano clarius elucet. Attamen scripturarum quoq; mysteria ad nostri confirmationem assumpti scrutemur.

De Divinitate 7. articulos de humanitate Christi totidem continet.

Canticorum imò *Murenulas*, inquit sacer textus *aureas faciemus tibi vermiculatas argento*. In græca editione habetur: *similitudines auri faciemus tibi cum punctis argenti*. In hebrea: *Ordines auri faciemus tibi cum punctis argenti*. Murenulæ flexuosa sunt colli ornamenta instar murenarum id est piscium flexibilium similium anguillis. Lampetras vocant à lambendis petris quibus ore spongioso tenaciter adherent. De hoc colli ornamento Hieronymus ad Marcellam scribens meminit: *Murenulam vulgus vocat quum metallo in virgulas lentescente quedam ordinis flexuosi catena contextitur*. Vermiculatū verò opus dicitur quòd parvis tessellis, vermiculorum instar, variegatum est ac distinctum: quale est quòd Musaicum vocatur. Musea enim appellantur opera ex pumicibus constructa quæ in ædificijs ita dependent ut imaginem specus reddant. Cum ergò promittit Sponsus (verba sunt Pannonij) *murenulas vermiculatas argento promittit secundum literam catenulas aureas lentescentibus aureis virgulis flexibiles qua punctulis argenteis consorta sunt*. Cui autem promittit? absq; dubio Ecclesiæ cuius videlicet nuptiarum cum Christo dulces in Cantico Canticorum epithalamium canitur. Ad quid promittit supervacaneum est querere, cum ipsa ornamenti natura respondeat collo se deservire ornando. Ut collum suum exornet Ecclesia murenulæ ipsi à Deo preparantur. Collum porro ipsius Virgo Beatissima est quia ipsa proximè cohæret Christo qui est Ecclesiæ caput & quia per eam in corpus Ecclesiæ ex Capite Christo vitalia celestium derivantur dona gratiarum. Tam sanctum, tam Divinum collum non vulgari equidem murenula, non è terra effosso auro argentoq; decoratum. Mysticos igitur perquiramus cantici sensus. Per aurum in scripturis designatur sapientia: *Thesaurus desiderabilis requiescit in ore sapientis*.

Ex Cantico Salomonis deducitur Rosarij dignitas.

item charitas: *Suadeo tibi emere aurum ignitum.* Necnon Divinitas: *Caput eius, id est Christi aurum optimum.* Caput autem Christi Divinitas est juxta Apostolum. Flexus auri huius, est humiliatio Divinitatis hoc est formæ servilis assumptio. Argentum, sunt eloquia Domini: *Eloquia Domini, eloquia casta argentum igne examinatum probatum terra purgatum septuplum.* Pollicetur itaq; quoddam decoramentum *MARIÆ*, ex sapientia charitate & Deitate sua simulque eloquijs Divinis confectum seu ut expressius loquar, ornamentum ex vocibus sacris compositum quæ sint Divinæ sapientiæ charitatis ac Deitatis speciali quadam nomine manifestativæ. Hoc autem non aliud esse reor quam salutationem Angelicam in qua sapientia Divina charitas Divinitasque ipsa sub minutis vocibus velut tessellis aut punctis quibusdam argenteis interlucet. Quid minus vocola Ave! Et tamen hæc, intima sapientiæ Divinæ arcana complectitur, circa quam per tot sæcula tantorum ingenia sudarunt & tamen rationem, ipsius magis opinati sunt quam expresserunt. Quot paraphrases, quot conceptus imò quot integras conciones Marianæ gloriæ buccinatores supra vocabulum hoc formarunt, neq; tamen mysterium ipsius perfecte valuerunt exponere? Minuta dictio est *gratia plena* & tamen charitatis Divinæ exuberantiam erga *MARIAM* exprimit totque abundat sensibus ut ad explicandos eos & Tulliani fluvijs siccaretur ingenij & contortæ Demosthenis vibratæque sententiæ tardius languidiუსque ferrentur. Parum dixi, nec ipsa Angelica lingua nisi specialiter fuisset à Deitate edocta tot mysteria binis voculis inclusisset. Quid compendiosius quid pressius dictum quam *Dominus tecum*, ubi adest *MARIÆ* signatur Divinitas. super quo nihilominus dicto si prolixos concionum conficeres tomos, vix stillam è flumine hausisti. Verè itaque sub minusculis vocibus tanquam sub quibusdam vermiculis aut notis argenteis aurum Divinæ sapientiæ charitatis ipsiusque Divinitatis & latet & lucet. Etiam in hoc arcanum subest quod non murenulam sed murenulas promittit sponsæ suæ ut nimirum intelligas tale quoddam ornamentum promitti in cultum *MARIÆ* quod non ex una verum ex multis concinetur salutationibus Angelicis ad instar monilium in quibus ansula ansulæ inferitur & annulus annulum excipit. In hoc monili pretiosissimo, Rosarium intelligo, Orationes Dominicæ habent se veluti *gemmula carbunculi in ornamento auri*; Symbolum Apostolorum est velut annulus aureus quo ligantur atque clauduntur extremæ murenularum partes. seu est instar adamantinæ fibulæ mordentis oras inextimabiles. Proh quantæ dignitatis quanti valoris rosarium si in decus Sponsæ Divinæ ab æterno paratum! si ex talibus metallis compactum, si æstimationem eius necdum sæcula omnia assecuta! Inde est quod qui hanc precandi formulam familiarem habuerit probabile electionis suæ ad gloriam signum tenet. *Scias & secure intelligas* (verba recito B. Alani) *quod signum probabile est & proximum æternæ damnationis horrere atq; edidari & negligere salutationem Angelicam totius mundi reparativam. habentibus verò devotionem ad hanc, signum est ordinationis & predestinationis permagnum ad gloriam.* Alterius quoq; pientissimi *MARIÆ* cultoris sententia est: *Esse quis vir mortis sit, certo tamen sibi persuadeat se à Iudice Christo Salomone verò haud*

Rosarij devota
recitatio
est signū electi
onis ad gloriā

Eggerer in A.
nathem:

ro haud interficiendum si Virgineam arcam Domini portaverit in corde suo imò cum Bethsamitis servandum si eandem arcam Beatissimam DEI Parentem coluerit & honoraverit. Honorabit porro illam si Religiosus sit quotidiano officio & Rosario. Rex Ægypti Parthamis cum in vere diem natalem celebraret, Amasis coronam e lectissimis floribus textam illi munus obtulit. Rex pulchritudine ferti delectatus, donatorem ad cœnam vocatum inter primos amicorum adlegit, qui tandem à Parthami deficientibus Ægyptijs regnum Ægypti adeptus dignitatis regiæ culmen uni se debere coronæ referebat teste Athaneo libro 15. Si tanti vitrum quanti margaritum. si una corolla ex flosculis citò pereuntibus conferta, præmio regni opulentissimi compensata, putas minoris erit meriti corona ex immarcescibilibus rosis imò rutilantibus gemmis Divinarum contexta gratiarum, auroq; atq; argento mystico bracteolata, ut non sit digna in mercedem sui reportare cœleste regnum? Et hoc dico non ut laqueum injiciam audientibus & spe vitæ æternæ ex Rosario lucrandæ animosos ad peccandum reddam sed ut ostendam quanti apud DEUM sit valoris cultus MARIE frequenti penso salutationum Angelicarum exhibitus, penes tamen curam salutis propriæ & letiferi fugam peccati.

Etiam in sæculi rebus prosperi ab eiusmodi devotione pendent successus. Devotissima olim ad Dominam Patronamq; suam Pannonia quousq; hoc cultu venerabatur eandem, lacte & melle in pacis serenitate manabat. *Ungaria Ungaria* (apostrophe est eximij cuiusdam è Religione nostra Oratoris Patriam suam alloquentis) *quamdiu magnam tuorum Civium Dominam spirasti Virginem, quamdiu testata es voce, quamdiu scripsisti sanguine, quamdiu manu altera precariam illius globulorum corollam, altera gladium in hostem strinxisti, jugiter prosperos habuisti, ultra vota successus, quod erat in desiderio adfuit in manibus. latos duxisti dies, ignorasti fulminum mortes. manum vix aptasti ad arma & in mare confusionis dejiciebatur hostis; per aërem tela non volabant & inimicorum apparatus corruit.* Pandens deinde orationi suæ vela infelicitates omnes & calamitates tam beatæ quondam Patriæ in illam refert culpam, quòd inclytas laudum coronas magnæ Dominæ amplius non intexit. Agnoscit profecto non regnum unum sed mundus integer salutaris huius precationum sacrarum reduplicationis virtutem atq; utilitatem, ideoq; in frequentatione ipsius studiosus. Totus se cultorem MARIE exultat. Maternitatis Divinæ adorans celsitudinem in laudes ab Archangelo & Elisabetha MARIE decantatas effunditur universus ut vix sit inter orthodoxos qui non precarios gestet globulos ad salutandam Deiparam commonitores simulq; precum illi fusarum calculatores. Neq; verò est ista recens nec nostri gloria cæli. Pridem Rosarij Mariani inter fideles ferbuit devotio, quamvis eâ formâ cæpisse à D. Dominico qua definit Miechovien: non abnuam. Paulus Eremita qui in monte Phene habitabat, trecentas preces præstitutas, totidem habens in sinu calculos & ad singulas preces unum jaciens calculum, orabat quotidie, ex quo exemplo antiquitatem Rosarij monstrat Rosueidus in suo Onomastico super vitas Patrum. Nec hic solus preces suas tali ratione annumerabat DEO. Multi enim à multis sæculis centies, trecenties, sexcenties, leguntur precationes su-

*Prosperitas
in rebus sæcu-
li ex devota
oratione Ro-
sarij.*

*Kery in Fe-
rocia Martis
Turcici.*

*Antiquitas
Rosarij*

as repetiſſe, quod abſq; granorum precariorum uſu facere nequibant. Ordo hic orandi Apoſtolorum temporibus referre originem ſuam credendus, in Oriente primum crevit. Unde etiam apud Turcas in religione & uſu habentur calculi precatorij filo inſerti. diabolus namq; velut ſimia quidquid videt boni in Eccleſia hoc in perverſum in membris ſuis imitatur. A tanta retro æternitate ad nos uſq; traducta eiſmodi ratio orandi & ſucceſſu temporis ordinator facta brevibuſque rememorationibus vitæ mortis & gloriæ Salvatoris noſtri diſtincta univerſum per Orbem increbruit. Memorat Martialis aliquando Romæ omnes vias ſtratas fuiſſe fragrantibus roſis imò coronis è purpureo roſarum flore compoſitis. *Textilibus fertis omne rubebat iter.* Feſtivor quia ſacratior nunc non in una duntaxat Urbe ſed in toto Chriſtiano Orbe gratia reſulget Floræ cæleſtis quando ubiq; textiles coronæ è roſis cernuntur myſticis.

Obiectiones
Hæreticorum
contra Roſa-
rium retun-
duntur.

Sibilent quantumvis excetræ infernales & ſuis evomant venena pectoribus, non ceſſat pietas Chriſtiana MARIAM ſalutare. *Ne iteres verbum in Oratione tua* opponunt hæretici ignorantes aut ignorare ſe ſimulantes, triſagium in cælo ab Angelis repeti: & à publicano unicam uſurpatam totieſq; reſumptam eſſe orationem: & in pſalmo 135. unum carmen per totum iterari: & ſi fides veriſſimis hystorijs, à Thaide meretrice unicam precatiunculam tota vita replicatam, *qui plaſmaſti me miſerere mei.* Sententia illa ſcripturæ hoc ſolum vult ne ex incredulitate aut ſuperflua anxietate verba reſumamus in oratione quia dum per volubilitatem mentis noſtræ pauliſper evagati ſumus, ſi orata iteremus quod faciunt ſcrupuloſi, ægrè finietur Oratio ſicut & ab illis qui ex incredulitate iterant, vix ad umbilicum orationis pervenitur. Quodſi prophana magis quàm ſacræ placet eruditionis pondus, etiam Plato quod pulchrum eſt bis ac ter repeti volebat in dicendo, denotans in pulcherrimi alicuius dicti repetitione nullum naſci tædium. Lucianus quoq; ait: *Nulla ſatietas eſt rerum honeſtarum.* Venusinus item vates orationem decies repetitam placere canit, ſi ſpiritum DEI habuiſſet, noſtras eum decades ſalutationum Angelicarum hoc loco commendare crederem.

Quodſi quiſpiam cultus Mariani oſor adhuc ſufficientiam Orationis Dominicæ producat utpote in qua exacta omnium petibilium ſeries includitur ideoq; non eſſe orationum entia abſq; neceſſitate multiplicanda, huic ſatisfacit Doctor Angelicus dicendo, dupliciter orationem alicui porrigi, uno quidem modo quaſi per ipſum implendam: alio quaſi per ipſum impetrandam. primo oramus DEUM qui ſolus poteſt nobis dare gratiam & gloriam, ad quæ duo omne noſtrum collimat deſiderium ac poſtulatam. ſecundo ſanctos, ut eorum ſuffragijs noſtræ ſupplicationes adiutæ ſuum fortiantur effectum. DEUS oratur tanquam author & largitor omnium bonorum; ſancti orantur tanquam interpellatores noſtri apud DEUM. Voluit porro DEUS ſicq; abyſſali ſuo ſancivit decreto, deſideratam nobis propitiationis ſuæ abundantiam multiplicatis interceſſoribus impertire.

Jam quod nominibus titulivè ad devotionem commendatam adſtringimur unusquiſq; intra ſe penſet. Vladislaus IV. Piſſimus ille ideoq; fortunatiſſimus Rex Roma redux jam jam regno ſuo ex ora Si-
leſiæ

Iesū pedem illaturus subito languore correptus imò nihil proficientibus medendi curis quas inter se aula diviserat in extremo vitæ constitutus discrimine ad Comitum versus Claromontanam Basilicam è longinquo adgeniculatorum vota pristino vigori restituitur pro tanto favore auream coronam gemmis lapidibusq; pretiosis compactam MARIA, offert ad cuius limbum adamantibus inarari curavit Epigraphen. *Tibi MARIA* uti & ad coronam *JESU Tibi JESU*. O quoties unumquemq; nostrum letalis languor morti traditurus erat! quoties victima libitinæ cadere debuimus nisi MARIA succurrisset; nisi MARIA adiuvisset paulominus non semel non bis sed millies forsitan anima nostra in inferno habitasset. In morbis corporis in corruptionibus animæ adstitem habuimus & sanatricem, vix in vota vocare capimus quinimo ante vota precesq; nostras. Ergò coronemus eam non unionibus non pretiosis è rubro mari granis verum Angelicis quarum pretium in terra non invenitur salutationibus, orationi nostræ identidem affigendo melle dulciores auro & piropis pretiosiores thesferas. *Tibi IESU Tibi MARIA*. ut non ad alium vanum finem sinistra præcationes nostras torqueat intentio sed ad solius *JESU* Matrisq; suæ gloriam recta dirigat devotio. Erit, quando coram filio suo in totius cæli theatro nostras ostentabit devotiones dicetq; hic tot corollas Capiti meo imposuit, hic tot murenulis collum meum cinxit, hic toties fragrantissimum mihi obtulit sertum. Rogo quis iste honor in facie totius Cæli sic laudari à Matre Dei, quis inde cordi jubilus quæ exultatio quæ gloria? Quan tunc vellemus ferventissimos nos in laudibus fuisse Marianis? Quod ergò tunc vellemus nunc faciamus & cum Archangelo cum Elisabetha imò cum Ecclesia universa crebris Deiparam salutationibus veneremur.



CONTEMPLATIO

G A U D I O R U M C Æ L E S T I U M.

CRastina, & sequentibus ad Octavam diebus sub una solemnitate latitia Omnium Sanctorum celebrabimus festivitatem quorum societate cælum exultat quorum patrocinijs terra lætatur, triumphis Ecclesia sancta coronatur. In hac certè festivitate excitat nos ultra quam alias sancta Mater Ecclesia ad contemplationem gaudiorum cælestium, quando Sanctorum omnium choros eorumq; triumphos oculis nostris subijcit & nostræ proponit venerationi, quando illo Bedæ venerabilis sermone nos alloquitur. *Consideremus inchytam Urbis illius felicitatem in quantum considerare possibile est, ut enim verè est, comprehendere nullus sermo sufficit.* Omnes quidem fideles in hoc exercitio frequentes, at Religiosi assidui tenentur esse ut pote quorum conversatio tota in cælis, & qui quamvis corpore in terra positi multa sustineant corde tamen in Cælo fixi manere debent. Ad quod peragendum, & stimulum & lumen addam, umbratili elo-

quo magnitudinem & jucunditatem Cælestis beatitudinis ex scripturis & conjecturis velut ex aliquo exemplari depingendo.

Apocalyp: 21.

Ineffabilitas æternæ gloriæ vel exinde perspicua est quod in sacris literis nonnisi per negationes describatur. *Non sunt condignæ passiones huius temporis ad futuram gloriam. Nec oculus vidit nec auris audit, nec in cor hominis ascendit quantæ DEUS præparavit diligentibus se. Absterget DEUS omnem lachrymam ab oculis Sanctorum & mors ultra non erit neq; luctus, neq; clamor, neq; dolor erit ultra.* Apostolus tamen & Propheta Ioannes cuius modo verba ultima prætexui, per similitudines & figuras quasdam conatus est eam sub oculos nostros ponere. *Vidi inquit, Civitatem magnam Hierusalem descendente de Cælo à DEO habentem claritatem DEI & lumen eius simile lapidi pretioso tanquam lapidi jaspidei crystallisanti; descriptaq; altitudine & magnitudine muri ac duodenario portarum numero & æqualitate longitudinis latitudinis atq; altitudinis murorum subiicit structuram maiorum quadratam esse ex jaspide; ipsam verò Civitatem aurum mundum simile vitro mundo & fundamenta muri Civitatis omni lapide pretioso ornata, portas ex margaritis constantes non claudendas per diem succedaneæ noctis expertem; solis loco ipsum lumen increatum, Divinam videlicet essentiam, radiaturum, loco templi DEUM Omnipotentem & Agnum futurum. In eadem Civitate conspicatus fluvium aquæ vivæ splendidum tanquam crystallum & ex utraq; parte fluminis lignum vitæ afferens fructus 12. & folia ad sanitatem gentium. Concludit in hoc, quod incolæ videbunt faciem DEI & nomen eius in frontibus eorum & regnabunt in sæcula sæculorum. Hæc literaliter non posse intelligi docet S. Hieronymus ad Marcellam in hæc verba: Ubi quadrum est ibi nec longitudo nec latitudo appellari potest. Et quæ est ista mensura ut tanta sit longitudo & latitudo quantæ altitudo & muri de lapide jaspide & tota Civitas de auro mundo & fundamenta & plateæ eius de lapidibus pretiosis & duodecim porte fulgentes margaritis? Cum ergo hæc non possint carnaliter accipi (absurdum quippe est per duodecim millia stadiorum tantam Civitatis longitudinem & latitudinem quantam & altitudinem prædicari) spiritualiter intelligenda sunt singula. Civitatis itaq; nomine congregatio Civium supernorum in cælis regnantium significatur idq; non cuiusvis sed Hierusalem ad differentiam universitatis impiorum quæ Babylon id est confusio in eodem Apocalypsis loco vocatur. Murus dictæ Civitatis non alius quam DEUS juxta illud Zachariæ 2do: Ego ero illi murus in circuitu. Et Isaïæ 26. Salvator ponetur in ea murus. Portæ eius, 12. sunt Patriarchæ. fundamenta 12. sunt 12. Apostoli. In quadro quod 4tuor constat partibus eo mysterio dicitur posita, ut hinc ostendatur ex omnibus 4tuor mundi partibus homines accessuros ad cælestem Hierusalem. In quadrata figura æqualiter distant latera & æquales partes sunt ut scias tanti esse apud DEUM fideles qui ex oriente quanti qui ex alijs mundi plagis ad eam Civitatem assumuntur. vel certè quia regnum illud est summæ pacis. summæ concordix utpotè in quo nihil dissimile aut dissonum sit sed summa æqualitas, summa convenientia & unitas summa. Licet enim in gradibus gloriæ secundum differentiam meritorum sit diversitas una tamen, est*

men est & communis lætitia. Dispar gloria singulorum ait Augustinus in meditationibus sed communis lætitia omnium, unum volunt unum nolunt unitas est mentium. Licet cuiq; sit diversum pro labore meritum, charitas hæc suum facit quæ dum amat alterum, proprium sic singulorum commune fit omnium. Quod verò longitudo latitudo & altitudo æquali mensurâ esse perhibentur, perpetuitas æternæ felicitatis designatur, quia nimirum omni ex parte cælestis beatitudo æterna est nec ullo fine terminatur. Structura & lumen muri ex lapide jaspide eoq; CrySTALLISANTE. Iaspis viridi colore aspectû delectat imò & confirmat ut discamus Divinam essentiam quæ per jaspidem signatur non modò immensè delectaturam sed etiam confirmaturam electos ut ampliùs miseri & peccaminosi esse nequeant. Quia verò in sanctis erit lumen clarissimum nec ullam densitatem habebit ideò illud gloriæ lumen assimilatur non jaspidi denso sed qui instar CrySTALLI pellucidus sit & transparent. Ipsa Civitas hoc est universitas beatorum vocatur aurum mundum propter Charitatis splendorem; simile vitro mundo propter puritatem & diaphanitatem conscientie sanctorum, quia nimirum sicut in vitro totum manifestatur exterius quod continetur interius; ita in Cælesti beatitudine cordis arcana & cogitationes sanctorum invicem patebunt. Magna securitas Hierusalem supernæ in eo manifestatur quòd portæ eius non clauduntur per diem eamq; perpetuam quàm scilicet nulla nox interpolabit. Fluvius aquæ vivæ quid aliud quàm Dei omnipotentis natura intrium personarum maiestate incomprehensibilis quæ scilicet potat beatos omnes torrente voluptatis suæ. Fluminis huius impetus lætificat Civitatem DEI. Huius exuberantiam prædicebat & promittebat Isaias: *Tunc videbis & afflues & mirabitur & dilatabitur cor tuum quando conversa fuerit in te multitudo maris.* Fontis aquæ vivæ sortita est vocabulum eò quod det vitam electis nunquam intermorituram, quòd verò omnia sua nota faciat amicis suis Symbolo crySTALLI lucidi designatur. Dionysius Carthusianus per flumen aquæ vivæ vult intelligi exuberantem effusionem donorum gloriæ à Deo superbenedicto in mentes beatorum quæ idcirco vocatur flumen aquæ vivæ quia post vitæ præsentis laborem dulcissimè recreabit. Lignū vitæ est Christus Dominus secundum Divinitatem ubiq; præsens & ideo in utraq; visus parte fluminis. Eius fructus 12. non aliud puto quàm magnam copiam mercedis Sanctorum ex Christi meritis profluentem seu omnes dotes aureolas omniaq; dona ad perfectam beatitudinem spectantia quæ licet sint plurima & innumera tamen 12. censentur ob perfectionem numeri duodenarij & quia numero duodenario universitas determinatur. Per Menses singulos fructus suos reddit lignum vitæ hoc est per totam æternitatem. Sicut enim apud nos totius anni cursus in duodecim completur mensibus ita perpetuitas ævi Cælestis opportunè per 12. Menses figuratur. Incolæ Cælestes videbunt faciem DEI. In hoc enim summa beatitudinis eorum. *Hoc est vita æterna ut cognoscant te solum verum DEUM & quem misisti IESUM Christum.* Cuius quidem visionis tanta vis ut transformet electos in ipsum quodammodo DEUM. Revelatâ facie gloriam Domini speculantes in eandem imaginem transformabimur à claritate in claritatem. Ma-

Apud Cælum
Pannoniū in
Apocal:

2. Ad Corin. 3.

gnum miraculum! magna merces! videbimus & transformabimur transformabimur in aliud quàm quod modo in faciem sumus. Nam & Moyſi facies igne quodam Cæleſti fulgurans à conſuetudine collo- qui Divini conſpiciebatur ut non poſſent filij Iſrael in eum figere ob- ſutum. Tanta eſt, tanta eſt virtus viſionis Divinæ! Nomen DEI in frontibus eorum, quia apertiffimè per dona gloriæ clarebit illos eſſe filios DEI ab æterno prædeſtinatos. Et regnabunt in ſæcula ſæculorum. O magnæ & feliciffimæ ſecuritatis fiducia! ô admirabilis æternitatis duratio! quis tunc pavebit quis terminum vitæ exhorreſcet? Regna- bunt quouſq; in ſæcula ſæculorum.

Hi ſunt tropi, hæc figurarum involucra, hæc umbræ quibus nobis Cæleſtis beatitudinis magnitudinem adumbravit D. Ioannes, ſed ob- ſtruſa hæc ſunt nimis & arcana. Apocalypſis enim tot habet Sacra- menta quot verba imò in verbis ſingulis multiplices latent intelligen- tiæ. Planius ergò eſto non plenius ex coniecturis quibuſdam Cæle- ſtis quoquomodo intelligetur beatitudo, ſicut ex duobus botris fer- tilitatem terræ promiſſæ intellexerunt. Hebræi ſicut ex ungue leo, ex veſtibus domus, ex nigredine & vortice profunditas aquæ, cordis arcana ex ſignis exterioribus cognosci conſueverunt.

1mã
Ex Ludovico
Granat. in Da
ce peccatorū.

Prima coniectura manuducens nos ad cognitionem æternæ bea- titudinis eſt finis ad quem à DEO condita, hic autem non eſt alius quàm manifeſtatio gloriæ & potentiæ Divinæ. Aſſeri convivium, quàm magnificum, quàm ſumptuoſum, quàm diuturnum, eò quod illud fe- ciſſet ad oſtendendas divitias gloriæ Regni & magnitudinem atq; ja- ctantiam potentiæ ſuæ. Quid verò fuit tota magnitudo potentiæ A- ſſeri reſpectu Divinæ? umbra, nihilum, & ſi nihilo quid minus eſſe poteſt. Tanta eſt DEI potentia ut uno ſolo verbo hunc talem tan- tumq; mundum creavit & mille alios meliores creare poſſit! Et qui- dem ſine labore produxit omnia, eadem facilitate Cherubim qua mu- ſcam ex nihilo abyſſo educendo. *Non enim poſſibilius eſt illi creare vermiculum quàm Angelum. nec impoſſibilius extendere Calum quàm folium; nec levius formare capillum quàm corpus,* ait S. Auguſtinus in ſoliloqui: Si ergò tam potens eſt, quanta putas gloria illa, illud convivium, beatitudo illa quam tanta potentia ad oſtendendam ex- cellentiam ſuam architectata? Quale putas opus illud quod ex hac prodijt officina in qua tales artiſces & magiſtri concurrunt quales & qui ſunt Omnipotentia Patris, Sapientia Filij, Bonitas Spiritus Sancti.

2dã.

Alteram accipe inde quod DEUS ſit ſummè ſollicitus de honore Sanctorum etiam in hac vita quando & dominium peculiare confert illis in Creaturas & miris alijs eoſdem honorificat modis. Ad vocem Joſue ſol in occaſum currens immobilis ſtetit. Idem eodem modo Ab- bati Mutio fratrem moriturum longinqui itineris diſtanti intervallo properanti inviſerè obſecutus legitur. Ad vocem Ezechix revertitur dum umbra illius decem gradibus in horologio reſſectitur. Elias ver- bo ſuo ſuſpedit aquas & nubes cæli clauſit, poſtea laxavit eaſdem. Petrus inani quadam ſpecie vacuæ imaginis hoc eſt umbra Corporis ſui miracula patrabat, & ferrum illud ipſius pænaliū vinculorum per omnes Chriſti Eccleſias auro pretioſius habetur. S. Franciſcus. S. Pau- lus pri-

In vitis PP. li:
2. Authore
Ruſſino.

Ius primus Eremita. S. Xaverius alijsq; innumeri bestiis imperantes prompta experiebantur obsequia, ut taceam de honore sanctorum qui ipsorum nomini & sacris reliquijs in festivitibus, Translationibus, Dedicationibus per totum mundum impenditur. *Martyrum ubiq;* ait S. Hieronymus ad Marcellam *sepulchra veneramur & sanctam favillam oculis apponentes si liceat etiam ore contingimus.* Si tam impensus Deus ad honorandos sanctos suos in loco non præmijs sed meritis, non triumphis sed certamini, non quieti & gaudio, sed laboribus & afflictionibus constituto; qualis putas erit, in loco remunerationis, gaudij, & gloriæ æternæ. Si tanta facit electis suis in via, quanta in Patria, si tanta in carcere, quanta in palatio, si tanta in contumeliarum loco, quanta in honoris theatro? Sanè nimis honorificati sunt amici tui Deus; nimis in hoc mundo sed ultra nimium in Cælo.

Etiam ex pretio valor & dignitas rei conijcitur. Quod autem pretium quo comparata beatitudo nostra? non aliud quam sanguis Jesu Christi Filij Dei. O qualis gloria illa pro qua Christus ipse tam dirapati debuit antequam in eandem intraret nobisq; intrandam aperiret. Stephanus Bathoreus Rex Poloniæ pro Symbolo habuit aliquot papaveris culmos quorum capita corona regali cingebantur. Inscriptio aderat. *Per non dormire.* Indicare voluit se ad regnum per in somnia curasq; somni expertes pervenisse. Christus Dominus non tantum per non dormire quia fermè quavis nocte erat pernoctans in Oratione Dei, sed etiam per pati & mori regnum cæleste sibi & nobis obtinuit.

Insuper magnitudo Cæli Empyrei magnitudinem nobis gloriæ Cælestis demonstrat. Indubitatum est ex S. Thoma alijsq; Doctoribus quo quid sublimius est eo quoq; maius esse in quantitate pulchrius & elegantius in qualitate. Terra quia inter elementa ordine situq; infima ideo minima & informis. Aqua quia altior quam terra ideo maior & suo crystallino splendore, gratioso oculis illicio suavior. Aer major & subtilior quàm aqua & delectabili cærulei coloris specie præstantior. Ignis elementum maius ac amænus aereo. Cælum primum seu infimum igne. Secundum Cælum primo. Tertium secundo maius, pulchrius, lucidius est, & sic per omnes Cælestes sphaeras ascendendo usq; ad Empyreum cælum: quod quia altissimum, etiam vastissimum ac planè immensum in magnitudine, in amœnitate, in exuberantibus lucis fulgore, in suavissimi, odoris fragrantia omnem humani intellectus excedens capacitatem. Tria sunt locorum genera corpori humano secundum diversitatem temporum accommodata. Uterus Maternus post conceptionem. Mundus post nativitatem. Cælum post mortem. quorum tertium ita se habet respectu secundi sicut secundum respectu primi. Uterus Maternus spatio exiguus uniusq; solum ordinarium attendendo cursum, infantuli capax, lucis experts, nec nisi ad annum 70. aut 80. durabilis. At verò mundus ab ortu solis ad occasum usq; in quatuor suis partibus quàm latè per terras jacentes ac maria hinc inde diffusa protenditur! Tot hominibus sustinendis alendisq; sufficit, imò post tot secula post tot traductas ab Adam generationes multa hominibus inaccessa incognita & necdum habitata loca continet. Quam pulcher, quàm gratiosus, per quaternas anni revo-

atq;

Typotius.

atq;

Magnitudo & pulchritudo cæli empyrei monstratur ex altitudine eiusdem.

Item ex magnitudine & pulchritudine mundi utero materno comparati.

Martialis lib.
8. Cap. 5. 4.

lutiones in varijs rerum generibus, speciebus, individuis, in lucis quæ Regina Colorum est, amæna communione, in plantarum volucrum atq; animalium varietate ac multitudine, in camporum planitie, montium altitudine, vallium viriditate, fontium scaturigine, abundantia fluminū quæ venarum instar per totum terræ corpus decurrunt. Quàm pretiosus in venis auri argenti aliorumq; metallorum ditissimis fodinis ut fileam de candore margaritarum rubri maris profunda testantium, smaragdorū virore, cerauniorum flammis, hiacynthorum pelago, ad quæ ardent & insaniunt studia matronarum. Iungatur si placet naturæ pulchritudini lepor artis, & omnium rerum venustas duplicabitur. Ex arte siquidem tot vasa Phidiaco formata Cælo, tot columnæ cum deauratis capitibus pretiosum ornatum non sentientibus miro politæ ingenio, statuæ Palladia arte vivum aliquid spirantes dolatæ, Pyramidum atq; obeliscorum miracula, picturæ Apelleæ, horti pensiles, ædificia marmorum crustis vestitos parietes, ebore atq; argento valvas distinctas habentia. Omnia hæc artis sunt sæturæ præter innumera ex crystallo aliavè materie ad stuporem animorum ingenij humani sæcunditate elaborata opera. *Quid non ingenio voluit natura licere?* Jam si durationem mundi spectes, Aristoteli æternus Christianis tamen Philosophis non quidem æternus sed 6. annorum millibus superstes & usq; ad extremum judicij diem victurus. quod spatium si cum uteri durabilitate conferre velis, guttam cum Oceano; ævum cum æternitate; punctum temporis cum annorum myriade comparabis. Si tanti vitrum, quanti margaritum? Si talis mundus respectu uteri, quale amabò cælum Empyreum respectu mundi! Prorsus inæstimabilis magnitudinis, inexplicabilis pulchritudinis, indicibilis jucunditatis. Ex domus ergò qualitate conijce habitantium conditionem, qui erunt illi quā faciè quo lætitiæ & felicitatis statu qui tantum ac tale palatium per totas æternitates inhabitabunt. O verè pulchrum Cælum obtutibus nostris. sed pulchriora latent! pulchri Orbis Cælestes, planetæ, sidera, jucunda sub noctis sudum cælorum facies, sed pulchriora latent!

In huius igitur gloriæ cælestis frequenti contemplatione exercebant se Sancti, ut qui corpore gravabantur in terris animo versarentur in cælis & perennem illam beatitatis mansionem temporali mentis indagine prævenirent. S. Augustinus suam considerandæ felicitatis æternæ protestatur aviditatem. *O vita vitalis! vita beata, vita sine labe, sine dolore, sine anxitate, sine corruptione, libet me tue intendere claritati, libet cordis oculos ad te attollere, statum mentis erigere, affectum animi conformare, libet de te loqui, de te audire, de te scribere, de te conferre, de tua beatitudine & gloria, quotidie legere & lecta sæpius sub corde revolvere.* S. Hieronymus in persona Helidiori quemvis Eremitici instituti professorem hortatur ut ad depellenda solitudinis tædia Paradisi gaudia contempletur. *Terret inquit Eremita vastitas? sed tu Paradisum mente deambula. quotiescunq; illuc cogitatione conscenderis toties in Eremita non eris.* Ipse quoq; fecit quod docuit dum sæpè sæpius inconsideratione perennium gaudiorum abreptus affectu felicitatis æternæ, cupiebat cum Apostolo dissolvi & esse cum Christo. *Libet, inquebat ille, sarcinā corporis abiectā ad purū atheris,*

In Medit. c. 21.

Ad Heliodorū.

atheris evolare fulgorem. Annales nostri Lib: 2. Cap: 28. referunt fratrem quendam suæ negligentioris salutis morti proximum miserabili pressum agonia & varijs dæmonum terriculamentis jam jam pæne in desperationem actum jacuisse. Dum verò pro eo fratres Divinæ Maiestati supplices fierent quasi è letargo evigilans & præsentibus circumspiciens aiebat: Omnino de mea salute actum fuisset nisi ad vestras orationes venerandus quidam senex habitu Eremitico indutus nivè candidior pulsus procul dæmonum spectris me confortatum ad radicem montis perduxisset cum dicto: *Suspice Montem* Suspexi & ecce, o gaudium! o pulchritudo! vidi fratres Ordinis nostri in supercilio montis cantica lætitiæ depromentes. Subiecit senex: *etiam te illuc oportet ascendere si sponte velis.* Quod uni, hoc nobis omnibus credamus dictum. Sanctus Senecio Patriarcha noster sæpius nos commonet internè, *suspice montem*, montem in quo fundata est cælestis Hierusalem, montem æternæ gloriæ, contemplare Paradisi delicias, pererrare mente auro fulgentes supernæ Civitatis plateas ut ferventer operans salutem tuam afficeris eis quorum festiva gaudia meditaris. Jucundum igitur & frequentissimum sit nobis Angelorum choris per contemplationem interesse cum beatissimis spiritibus gloriæ conditoris assistere præsentem Dei vultum cernere incircumspectum lumen videre. Quis non desideret, quis non cupiat illas cælici convivij delicias nisi forte magis placeant misera necessitatibus vitæ servientia obsonia quam Cælestes voluptates quod non credo. *Quærite qui malit fieri conviva Tonantis.* *Me meus in terris Iuppiter ecce tenet.* Stulta adulatione Domitianum quidam demulserat Poeta Ethnicus. Christianum, spirituales, Religiosum, neminem certè judico qui non præferat Cænam illam æviternæ beatitudinis omnibus terrenis simposys. Præguitemus igitur per contemplationem quo cupimus saturari. haustulum prius æterni poculi ruminemus per meditationem ut toto deinceps hauriamus gutture. Discamus in terris quorum scientia & fruitio perseveret nobis in cælis.

Marr: lib: 9.
Epist: 72.

PSALMODIA.

Divus Joannes Apostolus volens aspectui nostro scenam sanctorum in cælis triumphantium subijcere: Vidi, ait, turbam magnam quam dinumerare nemo poterat ex omnibus gentibus & tribubus & linguis & populis stantes ante thronum Dei in conspectu Agni amicti stolis albis & palmæ in manibus eorum & clamabant voce magna salus Deo nostro sedenti super thronum & Agno. Graphicè hîc ornatum & operationem sanctorum depingit, ornatum in stolis albis & palmis triumphalibus: operationem in clamore vocis magnæ & decantatione huius cantici *salus Deo nostro & Agno.* Stola latinis indumentum, in sensu anagogico significat lumen gloriæ quo unusquisq; in cælis amictus est sicut vestimento. Alba dicitur ad si-

P

militudi-

militudinem lucis solaris quæ candida est. Pretium dignitatem, splendoremq; stolæ istius nemo scit nisi qui accipit. Palma teste Plutarcho sola est quæ adversus pondera surgit nec novit oneri cedere ideoque in Symbolum victoriæ assumpta. Hinc Imperatores devictis hostibus lauro redimiti palmamq; gestantes sua ingrediebantur capitolia. Eo proinde mysterio beati palmas gestare visi quo demonstrarent se jam Christo adiutore & Præsule vicisse mundum cum suis vanitatibus, carnem cum illecebris, dæmonem cum tentationibus; ut nihil ipsis supersit nisi post reportata ex hostibus trophæa perenniter exultare. Hac specie apparentium & refulgentium electorum DEI nulla alia insinuat actio nisi clamare voce magna & dicere *salus DEO nostro & Agno*. Quorsum ista? scilicet ut imitari non pigeat quod celebrare delectat. Ierusalem cælestis & terrestris sorores sunt studio sibi coniunctissimæ. ideoq; & in exercitio similes esse necessum est. Exercitium porro per quod beatis assimilamur Psalmodia est ad quam rite & recte obeundam Divino fretus auxilio adhortabor.

Psalmodia quasi Psalmodum dictio officij Divini vel horarum Canoniarum nomine signata Orationes sacras importat quæ certis horis juxta præscriptum Ecclesiæ peragi à personis spiritualibus consueverunt. Hæ porro sunt septem. Matutinum cum Laudibus, prima, tertia, sexta, nona, vespere, completorium. Septenario censentur numero ut Ecclesia imitetur exemplum Davidis septies in die laudem DEO dicentis. Ut item septiformem Spiritus sancti gratiam impleret seq; septemplici precatione obarmet contra vitia capitalia. Præterea, quæ potissima causa est, ut officio in septem horas distincto, septem insigniora passionis Christi recolat mysteria.

*Glossa supr. c.
i. de Celebrat.
Missarum.*

Hæc sunt septenas propter quæ dicimus horas.
Matutina ligat Christum qui crimina purgat.
Prima replet spuris. causam dat tertia mortis.
Sexta cruci nectit. latus eius nona bipertit.
Vespera deponit. tumultu Completa reponit.

Alia quoq; Sacramenta vitæ & gloriæ Christi his publicarum Ecclesiæ Orationum intervallis rememorantur. In matutino quod media nocte peragitur, Nativitas Domini nostri eiusq; extremum iudicium ad quod media nocte venturus est. In Prima Resurrectio & apparitio facta primum mulierculis. In tertia missio Spiritus S. in Apostolos. In sexta fatigatio Christi ad puteum Iacob sedentis. In nona Cornelij Cæturionis atq; in eius persona gentium exauditio & ad Baptismum vocatio. In vespere, institutio Sanctissimi SACRAMENTI. In Completorio, agonizatio Christi.

*Partes officij
Divini.*

Partes seu articuli ex quibus coaptatis integrum psalmodia nectitur corpus sunt antiphonæ quasi ante cantiones quas psalmis præmittimus; Hymni id est DEI ac Sanctorum laudes metro illigatæ; Cantica ad gratiarum actionem pro peculiari quopiam beneficio Divino ex scripturis decerpta; Lectiones scripturarum veteris ac novi testamenti ad nostram institutionem; Responsorialia seu mutua Oratorum hortamenta ad mores doctrinæ Divinæ conformandos; Capitula, textus nimirum scripturistici una alteravè periodo clausi ad laudandum DEUM vel certe ad vitam recte ducendam invitantes; Orationes quibus aliquid ad salutem æternam attinens à Deo misericordiam poscimus.

versus

versus & versiculi cum responsionibus; illi ad excitandam in nobis attentionem & devotionem, hi ad testimonium dilectionis tum erga nos ipsos, tum erga fideles dormientes ordinati. Terminatur officiū aliqua ad Virginem Beatissimam cantilena, ut per illam velut nostram advocatam fiducialius orationes filio suo & per hunc æterno Patri offeramus. Ex his principaliora sunt psalmodiæ constitutiva: Psalmi, Hymni, Cantica. Tria hæc sunt instar principiorum ex quibus Divinum compingitur officiū. Ad huius ergo officij tali structura constantis digne peragendum negotium stimulos addere proposui. Quippe & equorum cursus favore perniciosior fit & pugilum fortitudo clamoribus incitatur & paratas ad prælium acies strictosq; mucrones Imperatoris accendit sermo. At nihil hîc juvat canina facundia, nihil proficit sterilis sermo à sæcularibus fontibus mutuatus, nihil tinnula & emendicata apud Tullium verba faciunt. Apostolico igitur eloquio ad cuius fulgura omnis mortalium sensus hebetatur mihi utendum decrevi. *Impleamini Spiritu Sancto loquentes vobismetipsis in psalmis & hymnis & canticis spiritualibus*, ad Ephesios 5. Idem esset dicere: Si vultis impleri Spiritu Sancto, alterno choro Psalmos, Hymnos, cantica spiritualia modulemini. Fieri enim nequit ut non repleat vos Spiritus Sanctus author spiritualium cantionum si eas cantaveritis utpote cui opus suum non potest non placere. Implet porro pectora nostra Spiritus Sanctus intra magnalia laudum Divinarum non modo generali Divinitatis suæ præsentia qua cælum terramq; se implere protestatur sed donorum insuper fructuumq; suorum plenitudine. Sicut enim Princeps quispiam cum in casam pauperis coloni hospitaturus descendit, divitiarum ac pretiosæ supellectilis apparatu domesticos agricolæ locupletat lares; ita creator Spiritus quocunq; ingreditur copiosa Divini thesauri importat munera. Unde D. Angelicus in illa verba Ioannis 14. Paraclitus in vobis manebit & in vobis erit: *Spiritus inquit, Sanctus nunquam est in hominibus absq; donis suis*. Primum itaq; plenitudinem donorum sacrosancti Pneumatis intra Psalmodiam adipiscimur quæ nihil sunt aliud quàm habitus absolventes ac perficientes hominem ad hoc ut promptè sequatur instinctum Dei sicut virtutes intellectuales ac morales sunt qualitates quæ vires sensitivas expeditas faciunt ad obediendum rationi. Accipit igitur homo in ingressu tanti hospitis rationi perficiendæ & Divinis adaptandæ inclinationibus sapientiam & intellectum scientiam & consilium. Ut ratio speculativa rectè apprehendat veritatem, intellectus præstat. ut practica in eadem apprehensione non exeret, consilium efficit. Eadem ratio in altero actu suo hoc est in iudicio de veritate speculativè formando dirigitur per sapientiam, in iudicio practico regulatur per scientiam. Ad vim autem appetitivam Divino instinctui disponendam accipit homo per Spiritum Sanctum pietatem qua voluntas hominis perficitur in his quæ sunt ad alterum, fortitudinem quâ munitur in se ipsa contra metum periculorum, timorem quo itidem in seipsa contra concupiscentias pravas instruitur.

Hic est primus bonorum chorus quo Spiritus Sanctus stipatus in cor nostrum dum officio Divino vacamus illabitur. Fructibus deinde quorum multitudo duodenarii numeri signatur universitate totam

Intra Psalmodiam implemur donis Spiritus Sancti.

Quid sint & quæ sint dona Spiritus Sancti.

Implemur deinde intra Psalmodiam fructibus Spiritus Sancti.

Quot & qui
sunt fructus
spiritus Sancti

quantam animæ nostræ capacitatem occupat. Fructus dicitur quod ex aliquo principio tanquam ex semine aut radice procedit, estque ultimum & delectabile. Fructus ergo Spiritus Sancti ex ipso tanquam principio proveniunt. Proveniunt nihilominus ijdem etiam ex nobis quia sunt actus nostri at non per facultatem rationis verum per altiore[m] virtutem quæ est virtus digiti Divini ex nobis proficiscuntur, è Divino quasi semine non è nostræ potestatis conatu originem ducentes. Fructuum istorum cathalogus ab Apostolo textitur ad Galatas 5. estq[ue] iste: *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas*. Possessis his bene se habet homo in seipso, bene ad ea quæ juxta sunt, bene ad ea quæ infra. Tunc porro mens hominis recta & probè disposita in se ipsa est quando & ad bona & ad mala debite ordinatur. Ad bona quidem debite ordinatur si amet id quod verè bonum est. Amor proinde utpote prima affectio omniumq[ue] affectionum radix, primitus in anima pululat erga bonum atq[ue] idcirco principem inter fructus tenet locum. Amorem omnino & ex necessitate sequitur gaudium, omnis enim amans gaudet ad præsentiam amati. lætitiæ spirituali adhæret pax per quam scilicet gaudium consummatur, quia nimirum pax quietem à rebus exterioribus & sedationem desiderij fluctuantis præstat sine qua duplici appendice vera & absoluta nequit consistere jucunditas. In malis bene comparata mens dignoscitur si non turbetur appetentibus adversis, quod habet per patientiam; si item non turbetur dilatione bonorum quod habet per longanimitatem. Ad id quod est juxta hominem, scilicet ad proximum bene compositus est animus humanus per voluntatem in primis benefaciendi, deinde per beneficentiæ executionem, tandem per iræ compressionem, ultimo per sinceritatem fraudisq[ue] ac doli proximis nocituri fugam. In primo bonitas. in secundo benignitas. benigni enim dicuntur, quos bonus ignis amoris fervere facit ad benefaciendum alteri. In tertio mansuetudo, in quarto fides hoc est fidelitas elucet. Ad id quod infra est, probè homo disponitur quantum ad exteriores actiones per modestiam, quantum ad interiores libidinis motus per continentiam & castitatem quarum prior à licitis, posterior refrænât ab illicitis. Hæ sunt spiritus Divinissimi opes quibus animam nostram intra sacra psalmorum hymnorum canticorum colloquia cumulat. hæc plenitudo cælestis quæ nos exuberare facit, hæc castarum ubertas deliciarum! Quis jam pigritabit in Divino Officio in quo tantorum charismatum participes reddimur in quo pleni almo spiritu effici[mur], ut jam non nostro amplius vivamus canamusq[ue] spiritu sed Divino. O mira vis Psalmodiæ! Et certè non narrante aliquo sed experimento proprio discunt piæ animæ admirabilem concentus Ecclesiastici virutem. Cantabat aliquando D. Mechtildis attenuatisq[ue] elatâ voce viribus videbatur sibi omnem spiritum quem reddebat de corde DEI trahere. Cui Christus: sicut tu modo flamen ex meo corde sorbere videris sic omnis qui ex amore aut desiderio mei (potissimum intra Ecclesiasticas preces), suspiraverit, non de suo sed de meo Divino pectore vim spirandi ducit ad instar follis qui in se nullum continet flatum nisi quantum ex aere attrahit. En testimonio ipsius æternæ veritatis, inter sacros orationum

Ex lib: gratiarum spirituum
aliū S: Mecht:

rationum numeros sumus veluti canthes Divino repletæ spiramine.

Luculentum plenitudinis huius signum ex devotis percipitur lachrymis quas Spiritus Divinus velut pretiosas gemmas ex oculis psallentium elicit. E vase pleno liquor effluit ubi vel minimum illud trufferis; sic & lachrymæ foris rorantes indicium sunt superabundantis gratiæ interioris. Ignis activitate sua de semiplena ollula plenam imò superplenam facit dum elementum aquæ aut quodpiam liquidum corpus rarefaciendo fervere & bullire cogit: Ignis increatus de vacuo corde abundans efficit, abundans gratijs, donis, fructibus, ut ob abundantiam istam necesse sit plerumq; in pias exteriorem hominem resolveri lachrymas. Placet mihi illa cuiusdam tessera clibano stillaticio in tabula depicto apposita: *Est testis lachryma flammæ.* Creatricis flammæ interiora nostra replentis non aliud melius testimonium quam stillæ ex oculis deciduæ. Divus Thomas probat & approbat cantus in laudibus Divinis debere assumi ad hoc ut affectus hominis provocetur in DEUM, est enim certum quòd secundum diversas melodias sonorum, animi hominum diversimode disponantur. Si hæc cantui qui est sonus formatus inest vis, quid dicemus de Spiritu Sancto, qui est sonus increatus Patris & Verbi æterni, quocirca etiam in sono vehementi in Apostolos supervenit. Profectò hic in devotis Ecclesiæ cantilenis ita hominis animum immutabit, ut vel foris appareat, Spiritum Sanctum Cælestis authorem musicæ intus in corde psallentis cum suorum ubertate donorum latere.

Tuba hæc Apostolica quæ in auribus nostris insonuit, pigerrimas etiam mentes ad devote peragenda horas Canonicas suscitare valet; si tamen quis tam durus & insensibilis est ut clangore & clamore non permoveatur Apostolico, suscitant eum fines superiùs allegati ad quos singula orandi spatia in Ecclesia Dei instituta sunt. Permovebitur citra dubium & ad devotionem incalcescit si ante oculos mentales proponat sibi Christum, hac, exempli gratia, horâ ligatum, hac ante tribunal stantem, hac crucifixum, hac mortuum. Excitet eum superna *sedes calitum semper resultans laudibus Deumq; trinum & unicum jugi canore predicans.* Excitet fervor primitivæ Ecclesiæ quæ velut castrorum acies ordinata, more militum excubias suas commutatis horis & personis agentium, totam & quamlibet noctem in tres partiebatur vigiliis quibus diversi fideles ad orationem conveniebant, diluculo autem non jam capitativam sed universim laudes matutinas celebraturi ad sacras ædes confluebant. Successu temporis factum est, quod præfatæ vigiliæ noctis mutatae sint in tres nocturnos quibus triplex status designatur, nimirum, legis naturæ, legis veteris, & legis gratiæ, seu Evangelij, omniaq; beneficia in hoc triplici statu mundo ex meritis Christi collata recoluntur & in acceptis referuntur. Unde post tertium nocturnum, Evangelium cum convenienti expositione legitur statimq; hymnus Ambrosianus decantatur in gratiarum actionem pro publicatione Evangelij pro gentilismi extinctione & nostri ad fidem vocatione. In ferijs loco trium nocturnorum, duodenario psal-morum Officio Divinæ litamur maiestati ut duodecim psalmi duodecim nocturnis horis respondeant sicq; totius quasi noctis pensum Deo offeratur. Porro sub hoc numero psalmos persolvendi non humana

Devotæ lachrymæ inter psallendum signum sunt plenitudinis Spiritus Sancti.

Inductiva ad devotè peragenda psalmodiam.

Primum.

Secundum.

Tertium.

Tres vigiliæ noctis mutatae ab Ecclesia in 3 nocturnos

Quid per tres nocturnos significatur.

Cur duodecim psalmi in matutino feriali dicuntur.

adinventio est sed Divina cælitus Angelico ministerio Patribus anti-
 quis delata institutio. Nam authore Cassiano cum in primordiis fidei,
 probatissimi Monachi per Ægyptum & Thebaidam habitantes, confer-
 rent capita de uniformi aliquo instituendo precum & psalmorum of-
 ficio ne qua in quotidianis solemnitatibus inter viros eiusdem cultu-
 ræ dissonantia vel varietas quandoq; noxij erroris germen emitteret;
 pia contentione inter eos diutius durante, repente unus psalmos can-
 taturus exurrexit cumq; admirantibus cunctis duodecim psalmos ver-
 suum ac orationum interiectione distinctos cecinisset, subito ab ocu-
 lis evanuit. Ab hoc tempore Canon generalis constitutus duodecim
 psalmos in nocturnis decurrendi vigilijs. Quibus actutum laudes su-
 bijciuntur pro debellatis fidei hostibus ac superatis nocturnis tentati-
 onibus. Memoratus Ecclesiæ fervor viguit ad tempora Divi Hiero-
 nymi qui testatur ætate sua non modo vigilias nocturnas celebratas
 esse sed etiam de die inter quæcunq; opera psalterium Davidicum &
 spirituales cantiones à fidei populo usurpatas. *In Christi villula*, in-
 quit ille Bethleem sibi dilectam hoc nomine vocitans, *extra psalmos*
silentium est. Arator strivam tenens alleluia decantat, sudans messor
psalmis se advocat & curva attondens vitem false vinitor aliquid Davi-
dicum canit: hæc sunt in hac provincia carmina, hæc ut vulgo dicitur a-
matoria cantiones, hic pastorum sibilus, hæc arma cultura. Etiam Hun-
 nos suo tempore psalterium didicisse idem memorat, hoc est juxta in-
 terpretationem nostri hystoriographi, Hungaros ab Eremitis, ut noscas
 à tantis retro sæculis Anachoritas huic uni officio & seipso addixisse
 & alios idem docuisse. Ad huius complementum suadæ accedit quòd
 sicut in superna Ierusalem nemo ab officio cælestis hymnodicæ exem-
 ptus ita & in terrena, omnium Ecclesiasticorum examina ad horarū Ca-
 nonicarum, nunc cum cantu, nunc absq; cantu persolitionem adstrin-
 guntur, ut nec Patriarchæ, nec Episcopi, nec Prælati quicunq; ab hoc
 absolvantur onere. Ad extremum excites torpentem animum per-
 ditionis metus, à qua, devota Divini officij recitatio nos liberat juxta
 illud Isaïæ 48. Laude mea infrenabo te ne intereas. Sicut è contra
 perfunctoria & distracta, æternæ maledictioni & damnationi subijcit
 secundum illud oraculum. Maledictus qui facit opus DEI negligenter
 & secundum revelationem Benedictæ mulieri Florentinæ factam
 cui Virgo Beatissima apparens edisseruit multos æternaliter damnatos
 qui minus quàm Benedicta peccassent. in cuius dicti confirmationem
 Virgo Beatissima adjecit, quatuor hac ipsa die in Civitate in qua mora-
 ris, morituros & damnandos in quorum numero quartus Sacerdos qui
 malè & cum mentis evagatione Divinum persolvebat officium.

*Apud Teretiū
 in libello Ar-
 maluci.*

Universa quæ recensui incitamenta in digitos referenda, imò men-
 ti, trabali, ut aiunt, clavo infigenda ut *si non prosunt singula, multa*
juvent. Occurrat hîc aliquis & properantem ad extremam lineam ser-
 monem meum his interrumpat: Psalmodiæ fructus uberes te narran-
 te didicimus at non sine formidine oppositi: quotus quisq; enim est
 qui intra psallendum impleri se spiritu Divino persentiscat? qui cha-
 ritate, gaudio, pace, patientia, mansuetudine alijsq; imbuatur virtuti-
 bus? quotus quisq; est qui præ plenitudine consolationum donorumq;
 cælestium suavibus diffluat lachrymis? sane videmus & experimur a-
 ridos

ridos nos & pia affectionis inopes manere atq; ijsdem passionibus & vitijs ut ante ita intra psallendum & postliminio irretitos. Non sine dolore respondeo, sicut praefertur, rem se habere; at non vitio aut defectu psalmodiae sed culpa nostra. Nimirum insipienter psallimus contra Davidicum monitum illud: Psallite sapienter. Insipienter psallit qui delectationem non devotionem ex suo cantu quaerit. D. Hieronymus super illud ad Ephesios 5. Cantantes & psallentes in cordibus vestris, dicit: *Audiant haec adolescentuli, audiant hi quibus in Ecclesia est psallendi officium, DEO non voce sed corde cantandum nec in Ecclesia in tragediarum morem guttur & fauces medicamine linienda sunt ut in Ecclesia theatrales moduli audiantur & Cantica.* Ubi juxta expositionem Divi Thomae, non rejicitur nec reprobaturs cantus Ecclesiasticus sed solum ij reprehenduntur qui more theatro in templis cantant non propter devotionem in se populoq; excitandam sed propter ostentationem aut delectationem provocandam. Insipienter psallit qui non strenue aut languide & flaccide & quasi nolens psallit, contra quod monet Divus Bernardus: *Vos moneo fratres charissimi pure semper ac strenue Divinis interesse laudibus. Strenue quidem ut sicut reverenter ita & alacriter Domino assistatis non pigri, non somnolenti, non oscitantes non parcentes vocibus, non praeidentes verba dimidia, non integra transilientes non fractis & remissis vocibus muliebri quidpiam blanda de nare sonantes sed vivido ut dignum est & sonitu & affectu voces Spiritus Sancti depromentes.* Insipienter etiam canit qui secundum arbitrium suum non secundum ordinis praescriptum modulatur in praerudicium regulae vetantis cantare aliud nisi quod legitur esse cantandum. quam praerceptionem explanans Pannonius ait: *Psalmi etiam cum pronuntiantur aut lectiones, pro modo ordinis id fieri debet, maxime ut puncta observentur. & ne nimis in recitando celeres simus nec nimis tardi velut qui vinculis ab incessu regulato impediuntur, sed sicut Oratorum mos est verba medio modo tractare ut nec tardi simus nec precipites.* Insipienter demum canit cuius mens in foro, corpus in choro: hoc est, qui ex proposito, mente evagatur immemor praercepti: *cum oratis DEUM hoc versetur in corde quod profertur in ore.* Et quamquam in continenti ac proluxa Oratione difficillimum sit fieri posse ut semper mens attendat ad id quod ore proferimus cum & in breviuscula oratione subinde rapiamur ad alia; attamen hac in re virtus primae intentionis, iacturam hanc reparare poterit dummodo seria praeparatio animi orationi anteponatur, nec contrario actu interrimatur. Quocirca, subiicit idem Pannonius, cuius verba etiam nunc praetextui, primam intentionem ante orationem, & conatum attentionis in procursu illius videri sub praerceptum cadere juxta illud Ecclesiastici 18. *Ante orationem prepara animam tuam & noli esse quasi homo qui tentat DEUM. Et ne temere quid loquaris neq; cor tuum velox sit ad proferendum sermonem coram DEO.* Equidem quantum placeat daemoni mens intra orandum distracta, sat liquet ex visione Divi Macarii. Vidit hic aliquando quod cum fratres horas canonicas persolverent, daemones tanquam Aethiopes parvuli ad singulos accurrebant & his quidem mulierem specie alludebant, ante illos ruta & caesa, lapides & ligna velut aedificaturi componebant, coram alijs sarcinas por-

Quinam insipienter psallunt.

nas portabant. illi cibos & potum, illi libros, alijs alia ad singulorum ingenium & gustum se adaptantes offerebant. Interrea verò quidquid Erebici ludiones fecissent, hoc orantes in cordis versabant cogitatione.

Vesperinum.

Etiam Divum Hilarionem lupus ululans & vulpecula ganniens transiliebat orantem, psallentiq; gladiatorum pugna spectaculum præbebat, hanc diabolo ante oculos sancti fingente pompam ut Orationis attentionem impediret. Et quia ut Natura fert hominum inter orandum abducta aliquando mens nescio quid aliud cogitabat, insiluit dorso eius festinus agitator lateraq; calcibus, cervicem flagello verberavit. Si indeliberatam animi distractionem per ministrum justitiæ suæ dæmonem ita in sancto punivit Deus, quo putas rigore vindicabit eam quæ ultro & ex proposito fit. Mylla quidem pinxit Virginem quæ cytharam pulsât voceq; fixis in cælum oculis cantat. Adiecit Lemma: *sequitur cytharæ concordia vocem.* Virgo quemvis fidelem incorruptæ fidei denotat. Cythara cordis ab affectibus humanis vacui concentum significat. Ut ergo psallamus sapienter & fructuosè, necesse est, sequatur cytharæ concordia vocem.

Psallamus igitur sapienter & ut finem jungam principio, opus Angelicum Angelicè peragamus. Quomodo Angeli in cælo, sic & nos in terris canere decet imò expedit. Cantant illi voce magna & nos bene psallere in vociferatione necessum. in vociferatione hoc est magno affectu ac devotione eximia. Cantant illi alternis vocibus: sanctorum enim cantum excipiunt Angeli ut videre est in adducto Apocalypsis loco: & nos *alternis dicamus, amant alterna Camena*, etiam sacræ, etiam spirituales. Psallunt Sancti cum Angelis ordinatissime, nullus alterum præpedit, nullus præcurrit, omnes consona voce servato cælesti ritu & ordine modulantur: nos pariter æquali concordiaq; sono, sedatè, punctarim, pausis ubi asteriscus hoc est stella radiat servatis, non præcurrendo non retardando Divinas celebremus laudes. Deniq; psallamus non modo voce sed & spiritu & mente. Sic fiet quod sanctis in cælo regnantibus post cursum peregrinationis nostræ jungemur utpotè *alma Sionis amuli*. Sic fiet quod & hîc lætitiâ spirituali exultabimus, & in consortium Sanctorum triumphantium admissi, mensuram bonam & confertam & coagitatam gaudiorum æternorum absq; radio accipiemus.



MEMORIA MORTIS.

Naturale est quod homines cadaveris horreant aspectum. Quousq; vivit homo eo usq; conspectus placet. Iucundum spectaculum dum decora rubet facies, dum totius corporis viget dignitas qua velut pulchro indumento pulchrior vestitur anima; at ubi flante austro marcuerit lilium & purpura violæ in pallorem migrarit, hoc est ubi vita cum morte fuerit commutata, oculos protinus clau-

nus clau.

nus claudimus, neq; solum intuitum sed & recordationem mortui hominis perhorrescimus. Suavis fuit & mellitulus matri suæ filius de quo sequentis Dominicæ Evangelium. Suavis quia adolescens, quia unicus, unicumq; viduæ matris solatium: attamen postquam velut flos quidam falce mortis succisus est, mox eum extra civitatem curavit exportari ipsa quæ genuerat. Et jam quidem efferebatur. Ecce verò non casu aliquo sed Divina dispositione sua obvius factus Salvator jubet stare funeris portitores: jubet ne baiuli funebres extra portam progrediantur. Alia nimirum Christi, alia hominum voluntas. Civitas in morali sensu unusquisq; homo est. Porta Civitatis huius, memoria: mortuus, mortis imago. Vult itaq; Christus ne extra memoriam, mortem eijciamus quatenus nimirum semper eius memores simus. Cuius quidem memoriæ si emolumenta & inductiva didicerimus, forsitan non tantopere eam refugiemus.

Mors, quæ & privatio vitæ, pulchris apud Ecclesiasten Cap: 12. pingitur similitudinibus. ibi videat qui eius delectatur imagine. Mihi sufficiat pro ulterioris sermonis præambulo adducere ex Ecclesiastico necessitatem memoriæ mortis. Si multis annis vixerit homo, meminisse debet tenebrosi temporis & dierum multorum in quibus cuncta arguentur vanitatis. Sensus verborum est. Etiam si longissimam vitam unusquisq; homo viveret, esto illam longitudinem ævi & secundam quodammodo immortalitatem quæ in nongentos & amplius annos protendebatur, haberet: tamen deberet meminisse horæ illius ultimæ quæ corpus & animum separabit; horæ illius, quæ offundet tenebras oculis cum primò caligabunt deinde & cæcutient, offundet tenebras intellectui & memoriæ ut neq; intellectus vivacem rerum cognitionem neq; memoria reminiscantiam teneat; horæ inquam illius, quæ propter dictas tenebras, propter tædia, mærores, angoresq; internos & dolores externos, instar anni dierumq; multorū videbitur; horæ demum illius in qua conturbatus licet & contenebratus homo videbit omnia quæ præterierunt præter amorem DEI vana fuisse. Quid verò nunc quando in lucis sæpe exordio mors sequitur nascentem? quando in breve tempus vita hominum contracta est, sceleribus nostris in sui damnationem terminum vivendi coarctantibus? quid inquam nunc? certè eò magis meminisse debemus caliginosi illius temporis quo propius & planè in januis semper esse creditur.

Quæ verò tanta memoriæ huius necessitas? quæ utilitas in corruptionis nostræ reminiscantia? multa profectò. Quia sicut in agone vitæ cuncta vanitatis arguentur, ita pariter in rememoratione mortis universa tanquam vana contemnentur. Facile contemnit omnia, ait Hieronymus, qui se semper cogitat moriturum. Danielis 14. Postquam cinere conspersum est templum, detecta sunt furtiva vestigia Sacerdotum Babylonix, fraudes eorum & fallaciæ manifestatæ sunt. Idem & in te ipso sacratori templo continget si memoriam tuam cinere in quem convertendus es resperferis. videbis equidem furta gravia in anima tua per sacrificulos diaboli, mundum scilicet & carnem tibi irrogata: vestigia prædonum animam tuam expilantium deprehendes & quos antea magni faciebas atque amabas, spernes atque abicies.

R

Cinis

Cap: 10.

*Hora mortis
vocatur tem-
pus tenebrosū.
Quare id?*

*Vocatur item,
dies multi.*

*Prima utili-
tas memoriæ
mortis cōtem-
ptus mundi.*

*Secunda, saga
peccati.*

Cinis sustentat ignem; memoria verò cineris in quem resoluendus es conservat gratiam, ait Didacus Stella. Nimirum si recorderis novissima non peccabis in æternum; quod si in peccato sis ad poenitentiam te salutaris hæc recordatio pertrahet sicut pertraxit Ninivitas. Adamum exuviis mortuorum animalium vestivit Deus ut mortis memoriam oculis subiectam habens caveret in posterum id propter quod irrefragabilem moriendi necessitatem incurrisset. Hieremias sub typo Hierosolimitanæ Urbis plangit congregationem impiorum vel certe quamvis animam peccatricem, quòd sordes peccatorum in pedibus affectuum haberet, quia non est recordata finis sui. Sanctorum Patrum præcipuè Augustini vox est: Nil sic revocat à peccato quàm frequens mortis cogitatio. Cui similis illa cuiusdam solitarij apud Climacum dicentis: Nemo qui revera mortis memoriam agnoverit, peccare unquam poterit. Nauta sedens in puppi dirigit optimè navem & ad portum inter tempestates ac discrimina deducit: sic & nos cymbam vitæ nostræ per procellosum mundi pelagus ad optatum felicis æternitatis littus fortunato navigio applicabimus si modo in puppi nos collocemus hoc est extremam peregrinationis nostræ partem, mortem scilicet contemplemur.

*Tertia, præpa-
ratio viatici
bonorum ope-
rum.*

Meminiſſe tenebroſi temporis & ad illud conducit, ut bonorum operum viaticum quod longo itinere neceſſarium eſt paremus. Urbs quædam libera aſſumebat ſibi in Regem hominem peregrinum penitus ignarum conſuetudinum & legum loci. Huic licebat quidquid liberet. Diuturna tamen non erat ſua felicitas. In delicijs enim vivens, dum minimè retur, repente ante expletum imperij ſui annualem curſum de throno deiicitur, rebus omnibus imò & veſtibus exuitur, & ad inſulam deſertam ac remotiſſimam relegatur fame ibidem extinguedus. Hæc dum perdurat conſuetudo, prudentior quidam felicitatè regia quæ ipſi obtigerat haud quaquam præceps abreptus, ab amico inſtituta moreſq; patriæ diſcit, reputanſq; propè diem futurum ut ſimili exilio mulctetur quo ſui prædeceſſores, ingentem auri argenti lapidum pretioſorum copiam omniumq; divitiarum & victualium apparatus per fideliffimos famulos ad eam inſulam tranſmittit. ſicq; ſibi conſuluit ut exclusus è regno in perpetua rerum viveret abundantia. Noſtræ fabella hæc compoſita cautioni. Reges ſumus juxta illud Apocal: *Fecit nos IESUS Chriſtus regnum DEO & Patri ſuo.* Ubi græci codices habent, *Reges*: ſed hic regnandi honor adimetur nobis, cum animæ regendi corporis auferetur facultas, corpus verò in inſulam deſertam hoc eſt in ſpeluncam terræ deportabitur. Felices nos, ſi prudentiâ uſi dum tempus habemus, theſaurizemus nobis theſaurum in cælo! felices nos ſi bona opera auro argentoq; pretioſiora in domum æternitatis noſtræ tranſmittamus. Ad id adhortabatur Patrem Furæ Hieronymus in hæc verba: *Iam incanuit caput, tremunt genua dentes cadunt & fronte ob ſenium rugis arata vicina eſt mors in foribus. Designatur roguſ prope. Velimus nolimus ſeneſcimus. Paret ſibi viaticum quod longo itinere neceſſarium eſt. Secum portet quod invitus diſmiſſurus eſt. Imò præmittat in calum quod, ſi negaverit, terra ſumptu- ra eſt.* Nobis hæc dicta putemus. Si ſecundum Apoſtolum quædam peccata præcedunt ad iudicium, etiam quædam opera bona præcedunt ad

dunt ad gloriam. Quò plura nos præcesserint eò cumulationem nobis beatitudinem merebuntur.

Inductiva ad memoriam mortis non opus est à longe & ex intimis scripturarum abditis petere: ultro oculos nostros incurrunt. Quid enim quotidiana funera nisi memoriam mortis nobis ingerunt? videmus enim verò quotidie mille modis miseros homines obire. Hunc necant febres, illum opprimunt dolores: hunc consumit fames, illum extinguit sitis: alter aquis, alter perit laqueo: alius flammis, alius voratur dentibus bestiarum: hic ferro, ille veneno corrumpitur. Quid frequentius audire quàm ferales campanarum boatus quibus aliquem fati cecidisse significatur? quid videre frequentius quàm lugubres capulos & feretra ad humum cadaver exportantia? Quid frequentius conspiciamus quàm speluncas spolia mortis aservantes? vix dies aliqua numerari potest in qua unius pluriumvè mortuorum sepultura non celebretur. Pollinctor & vespillo in suis creberrimi officijs. Libitinarij & designatoris sæpè sepius fervet opus. Planè medij inter funera versamur & tamen, o cæcam mortalium conditionem, inter tot sacrophagos, inter tot mortalitates, mortales nos non meminimus ac si non eadem fati lex nobis impenderet. Clamant de subtus ad nos mortui: quod vos estis, fuimus; quod nos sumus, vos eritis. Mihi hodie, cras tibi; nos surda aure clamorem eorum excipimus. Duabus celocibus sibi obviantibus propria videtur stare, altera velociter currere quamvis ambæ æqualiter currant. Idem fit nobiscum. Cum quis moritur, putamus nos stare. imaginamur & pingimus nobis in capite non scio quos Mathusalem annos, æternitatem quandam vitæ nostræ pollicemur. Dies nostri navibus apud Iobum capite 9. conferuntur. *Pertransierunt dies mei tanquam naves poma portantes.* fructus videlicet aut dulces aut amaros, hoc est æternitati aut bonæ aut malæ servituros. Nullum punctum temporis est quo non transeant, quo citissimè non ferantur naves istæ; & tamen nostram navem stare in salo credimus dum alias ad littus æternitatis præcipientes ferri intuemur. Mos erat Egyptijs mortuorum corpora non in terra sepelire sed domi super lectulos reposita servare. Ritus hunc damnavit Antonius magnus. nec ego approbo. illud duntaxat desidero ut tam crebra funera tam frequentia cadavera in lectulis cordium nostrorum collocemus & sæpissimè oculis mentalibus inspiciamus.

Quid verò dicam de continua nostri immutatione & ad mortem progressionem? nonne & hæc mortis recordationem nobis ingerit? *Sentisne obsecro te quando infans, quando puer, quando iuvenis, quando robusta ætatis, quando senex factus sis. Quotidie morimur, quotidie commutamur. Hoc ipsum quod dicto, quod scribitur, quod rele-go, quod emendo de vita mea tollitur. quot puncta notarj tot meorum sunt damna temporum. Scribimus atq; rescribimus, transeunt maria epistola & scindente sulcum carina, per singulos fluctus ætatis nostræ momenta minuuntur,* ait sacri nominis Orator. In horologio non dignoscis an moveatur stilus horas indicans, semper tamen movetur: sic & nos estò non videamur ad senectutem mortemq; progredi, continuo tamen ad eam properamus. Taceo de morbis quorum seminarium sumus. Cum continuis corpusculum nostrum frangatur infirmitatibus,

*Inductivum
primum me-
morie mortis
funera crebra*

*Simile de du-
abus navibus
sibi obviantibus.*

*Inductivum
2dum: conti-
nua nostri im-
mutatio.*

semper morti propius fit. *Debilitas est via ad corruptionem.* quia in perpeti debilitate, idcirco jugiter in via ad corruptionem manemus. Quoties infirmamur, quoties febribus æstuamus vitalemq; venarum humorem haurit calor, quoties capitis stomachi aliorumve membrorum vexamur doloribus; toties extremus iudex per ægritudinis molestias esse mortem vicinam designat. In Caroli quinti sceptro stabat masculus manu tabellam tenens cum lemmate: *Sto*, infra verò mures plantas eius arrodebant cum inscriptione: *lacebis*. Per mures hos rectè intellexeris diem & noctem, vel certè humores calidum & humidum qui absq; intermissione rodunt immutantq; vitam nostram semperq; exitium nobis struunt.

*Nostra stultitia carpitur
insigni apolo-
go desumpto e
Ioane Dama-
sceno in vita
Barlaam.*

Et hæc quidem sunt quæ nos ad recogitandam exitus nostri de hoc mundo horam permovent ne dicam trahunt. Quid verò nos? facimusne id ad quod tam fortibus urgemur stimulis? Similes sumus homini fugienti à facie furentis unicornis quem dum fugit, in profundam scrobem ruens ruendoq; manus extendens, arborem ponè stantem arripit & arctissimè complectitur firmatis in gradu ad radicem arboris hærente pedibus. Arboris porro illius radicem duo glires, ater unus alter candidus, perpetuò rodunt. In ima scrobe draco ignitus jacet. In gradu pedes fulciete, quatuor aspidum capita prominent. Ex arboris autem illius ramis non nihil mellis desuper stillat quod captans homo & in eius dulcedine occupatus omnium illorum formidabilium meminisse negligit. Per unicornem intelligitur mors homines insequens; per scrobem mundus omnibus malis scatens; per arborem vita nostra; per glires, noctis ac diei intervalla; per quatuor aspides, quatuor elementa; per draconem, infernus; per mellis guttam, mundi jucunditas. Quotidie nos insequitur unicornis, quotidie per exteriora pericula casusq; varios nec non per interiorum calidi cum humido & vicissim pugnam, impetit. Singulæ noctis dieiq; horæ de vita nostra detrahunt, quatuor elementa quatuor sunt funeris nostri portitores nos ad sepulchrum incessanter urgentes. patet infernus, patet atri janua ditis. scrobs mundi varijs repleta malis hiat. nos nihilominus modica illecti mundana dulcedine, & mortis & quotidianæ corruptionis nostræ & futuri sæculi obliviscimur. O ultro cæcam naturam nostram!

Respondebit quispiam: Fastidiosos & melancholicos nos vis esse. *Horatium.* Nimirum *asperitas agrestis & inconcinna gravissq;* nos occuparet si jugem mortis haberemus memoriam. Minimè verò. stultum enim est

*Memoria
mortis non est
causa melan-
cholicæ hoc est
timoris & mæ-
roris.*

ut timere ita & mærare de eo quod omnino ac ineluctabili fato evenit. Si gaudia sunt miseris socios habuisse doloris, profectò rememoratio defunctionis asperitatem & mæstitiam haud incutiet cum non uni non aliquibus, sed omnibus irrefragabili lege obeunda sit. Deinde tristitia non est nisi de præsentis malo. quia igitur recogitantes mortem; scimus non esse præsentem, affligi mærore non possumus. Quanquam verò expectatum malum timorem constituit, sicut præsens mæstitiam; tamen etiam extra periculum timoris sumus. Quia enim hic provenit ex phantasia mali futuri contristativi vel corruptivi, ubi non est futuri mali apprehensio, nequit etiam metus esse. Porro potest aliquod malum non apparere ut futurum, vel quia est remotum ac distans,

*Idem S. Thomæ
de passionibus*

ac distans: nam ea quæ longo temporis intervallo à nobis distita sunt quasi non futura imaginamur; vel certè quia nulla spes adest evasione mali: tunc namq; malum apprehenditur ut præsens ob necessitatem irrecusabilem incurrendi illud. Seu itaq; mortem meditemur ut distantem seu ut propinquam quidem at inevitabilem; metuendi causam non habemus.

Sufficit, inquires, diei malitia sua. Quid nos ante tempus meditatione & ea meditatione quæ carnis afflictio est, emaciemus? Ita plane: *sufficit diei malitia sua*. Sed unde edoctus es diem hanc non esse diem ultimam? *nemo tam divos habuit faventes cristinum ut possit sibi polliceri*. Alexander sextus Scotorum Rex in tertijs nuptijs vidit inter choreas spectrum quoddam vix ossibus hærens clepsidram altera, altera manu falcem prætendens, agmen claudere saltantium. A tergo nostro mors est, nostris saltitans ac tripudians imminet cervicibus, non longe est, vix uno ut aiunt gradu ab ea dividimur. Desipimus si tam præsentem tamq; vicinam non prævidemus.

In Chronicis
Scotorum.

Ergò meditemur mortem, ultimam rerum lineam, recogitemus punctum illud à quò pendet æternitas, recordemur semper tenebricosæ illius horæ in qua hominem circumdabunt dolores mortis & torrentes iniquitatis conturbabunt, doloresq; inferni circumcingent. Recogitemus quomodo corpus sicut castrum quoddam varijs oppugnabitur infirmitatibus donec tandem anima non valens impressiones sustinere fugiat. Quæ fuga cum in proximo erit, frons obdurabitur cutisq; eius distendetur sudorem frigidum foras emittens; pupillæ oculorum caligabunt & intolerabili dolore circumtorquebuntur, obsurdescent aures, nasus subsidebit, putredine nares replebuntur, vultus livescet, os contrahetur; lingua stupens, gustus nullus, labia pallida, guttur gargarifans, anhelitus ex profundo pectore tractus ac deficiens, manus frigescentes, unguis in nigredinem abeuntes, pulsus languidus & minimus sed creberrimus modò se se intermittens modò formicans, pedes calorem amittentes, omnia hæc proximam humani corporis testabuntur resolutionem. Dum homo in hac fluctuabit angustia, subito aderit mortis agoniam. Repræsentabitur memoriæ vitæ terminus, corporis mox esca vermium futuri conditio, maximè verò dubius animæ status dubiaq; æternitas quæ dum vivacissimè apprehendet, incredibilibus constringetur angustijs. Duæ sunt natiuitates hominis, una est qua nascitur mundo, altera qua nascitur æternitati. Utraq; cum summo dolore, illa matris, hæc morientis. Tandem inter imensos cruciatus expirabit homo,

Descriptio ho-
minis agoni-
zantis.

Purpureus veluti cum flos succisus aratro
Languescit moriens lassq; papavera collo
Demisere caput, pluvia cum forte gravantur.

O quàm in hora illa ultima cupiemus sanctam duxisse vitam, quam rigidam & asperam egisse pænitentiam! Horam hanc luctuosam appropinquantem, admodum timuerunt magna illa nomina, Hilarion, Agaton, Arsenius, alijq;. O quantus timor in homine incarcerato est tunc præcipue, dum pulsatur campana prætorij ut ad tribunal exeat sententiam auditurus potissimum si causa dubia sit & de capite agatur. Heu quàm longe maior metus in nobis erit dum signum per

S

agoniam

agoniam dabitur ut exeamus ex carcere corporis ad tremendum iudicium DEI, causam utiq; valde dubiam habentes, perennis aut vitæ aut mortis decretum audituri. Quis nostrum non desideret pretiosa iustorum morte decedere, mortis amaritudines & acerbitates non sentire, aut certè æquanimiter sentire? Ergò curemus vincere peccatū, diabolum superare, de mundoq; trophæa reportare. *Qui enim hæc vicerit*, ait Ioannes Apostolus in Apoc: *non lædetur à morte secunda*. Triplex nimirum mors in scripturis sacris legitur: una peccati; carnis alia, tertia gehennæ. Prima separat hominem à vita gratiæ, secunda à vita animali seu naturæ, ultima à vita gloriæ. Qui ergò constantiâ fidei & morum puritate vicerit diabolicas tentationes mundi; & carnis illecebras dulci titillatione blandientes, non lædetur à morte secunda quæ est carnis. Quare? Quia omnes amaritudines in mortis articulo ingruentes dulcorabuntur ipsi firma spe æternæ beatitudinis & quia mors fiet ei transitus in gloriam & natalis ad vitam perpetuam. Non lædemur à morte secunda si mortem præmeditemur & ex hac præmeditatione peccata fugiamus. non lædemur inquam quia post brevem somnum & quietem corporis nostri resuscitabimur à Christo & Matri nostræ quæ sursum est & à cuius oculis lachrymam omnē absterget pijsima DEI bonitas reddemur, immortalī vita in pulcherrima illa Civitate Naim gavisuri.

Mors triplex.



CONSIDERATIO

I U D I C I I E X T R E M I.

E Vangelij Dominicæ præteritæ historiam non tam auribus audivimus quàm oculis spectavimus. Describitur in eò imò penicillo Divi Lucæ pingitur extremi iudicii facies. Bogaris Volgarorum Princeps, si Baronio fides, petijt ab insigni pictore (erat is Methodius Monachus) ut in parietibus palatii sui horrendas aliquas formas effigiaret, intendens pingi vel sanguinolentum ursum stillantes pendentis Laureoli artus depascentem: vel rhinocerotem sæva cum tauro committentem prælia: vel tygridem rabido carnes leonis lacerantem dente: aut Carpophorum bubalis venabula nisu valido infingentem: aut hydram mortibus facundam suspensos Herculeæ clavæ expectantem ictus: deniq; Centauros, Gorgonas, Harpiasq; seu quæcunq; alia horribilia monstra intendens pingi. Pictor dum deliberat quidnam terribile spirantibus lineis in aula Ducali efformare deberet, obvium menti habens extremum iudicii diem vivis ut aiunt coloribus Iudicem iratum, tribunal fulgurans, ardentem mundum aliq; horribiles ultimi iudicii circumstantias expressit. Conspicatus picturam Dynasta simulq; horrenda specie tabulæ consternatus imò planè exanimatus, facta sibi explicatione graphidis ex improbo gentili factus est probus Christianus. Subiecta est etiam oculis nostris per Divinum Apellem, formidanda tribunalis Divini imago. Nostra interest

Baronius ad
annū Domini
845.

terest ut in explicatione & consideratione imaginis huius paulisper immoremur si boni Christiani & ut de nobis ipsis loquar, si boni Religiosi fieri volumus.

Post ultimam persecutionem Gog & Magog defluentibus hominibus ad carnem variaq; vitia, cum minimè sperabitur descendet de cælo JESUS Christus iudex vivorum & mortuorum, cum hortatu & voce Archangeli & tuba DEI clangente horrifona, labaro sanctæ Crucis ante Judicem in nubibus refulgente: & mortui qui in Christo sunt resurgent primi tanquam primi in aerem sublevandi respectu eorū qui resurgent quidem sed non sublevabuntur. Nimirum quemadmodum Imperatori Urbem ingredienti proceres honoribus & dignitate præstantes obviam prodeunt; noxij verò & capite damnati in carcerem inferiorem coniecti, iudicem hunc ipsum opperiuntur: sic iudicii tempore, peccatores quidem infernè Christum expectabunt, iusti in sublimè ad eundem ferentur. In hoc occurſu, qui vivi rapiuntur, brevissima eaq; pretiosissima morte resolventur atq; iterum in puncto vivificabuntur in gloriam transferendi. Ea tempeſtate erunt duo in agro; unus assumetur, alter relinquetur; erunt duo in lecto, altero relicto alius sublevabitur; erunt duæ molentes in mola, ex his assumetur una relinquetur altera; erunt in foro vendentes & ementes, ex his atq; illis alij rapiuntur obviam Christo, alij in terra deferentur. Hæc dum fiunt, simul exurentur cæli mundusq; totus ardebit & elementa calore solventur. *Ignis ubiq; ferox ruptis regnabit habenis. Tunc ad vocem tubæ pavebit terra cum populis. Iudicaturus Domino lugubre mundus immugiet. Tribus ad tribum pectora ferient. Potentiſſimi quondam Reges nudo latere palpitabunt. Exhibebitur cum prole ſua verè tunc ignitus Iupiter. adducetur cum ſuis ſtultus Plato discipulis. Tunc iuſtus quiſq; reſpiciens & levans caput ſuum, videntq; venientem in Maieſtate Dominum exultabit & dicet: Ecce hic eſt ille operarij & quaſtuaria filius. hic qui Matris geſtatus ſinu hominem DEUS fugit in Aegyptum. hic veſtitus coccino. hic ſentibus coronatus. hic magus demonium habens & Samarites. Cernè manus Iudæe quas fixeras. Cernè latus Romane quod foderas. Et iſta ſunt quaſi præludia iudicii extremi.*

Descriptio
præludiorum
iudicii extremi.

Hieron: ad He.
liodorum.

Porro deſcendentis ad iudicium Chriſti Maieſtatem ſic depingit Ioannes Apoſtolus. Apocalyp: 1. *Vidi inquit ſimilem filio hominis veſtitum podere & præcinctum ad mamillas zona aurea. Caput eius & capilli candidi tanquam lana alba & tanquam nix. & oculi eius tanquā flamma ignis & pedes eius ſimiles aurichalco, ſicut in camino ardenti, & vox eius tanquam vox aquarum multarum, & habebat in dextera ſua ſtellas ſeptem, & de ore eius gladius utraq; parte acutus exhibat. Et facies eius ſicut ſol in virtute ſua lucet. Duodecimo rursus capite eiusdem Apocalypſis, proceſſus ipſe iudicii deſcribitur: Et vidi mortuos magnos & puſillos ſtantes in conſpectu throni, & libri aperti ſunt, & alius liber apertus eſt qui eſt vitæ, & iudicati ſunt mortui ex his quæ ſcripta erant in libris ſecundum opera ipſorum. Myſticam horum ſi deſideres intelligentiam, poderis Sacerdotale veſtimentum, juſtitiam ſignat, juxta illud Eccleſiaſtici 27. *ſi ſequaris juſtitiam apprehendes illam & indues quaſi poderim honoris.* Zona aurea, charitas eſt qua juſtos utriuſq; teſtamenti ſibi aditringit Chriſtus. Caput eius Divi-*

Descriptio
Chriſti Iudicii

nitas purissima: capilli, cogitationes cædi diffimæ: oculi, limpidissima cognitiones; pedes aurichalco assimilati, affectus, mūdissimi & pretiosissimi; in camino ardenti visi propter vehementiā amoris erga probos, & vehementiā furoris adversus reprobos. Septem stellas in dextera tenet: quia universitatem electorum septenario comprehensam numero dexterā suā protegit. Gladius biceps sententiam denotat & in corpore & in anima perimentem atq; iniustos a iustis dividendam. Librorum apertio, est conscientiarum manifestatio. Liber vitæ, liber prædestinationis; quæ referato patebit omnibus qui sint electi ad gloriam. Visioni huic consonat illa apud Danielelem, qui Cap: 7. sic suam nectit prophetiam: *Aspiciebam donec throni positi sunt, & antiquus dierum sedit. Vestimentum eius candidum quasi nix & capilli capitis eius quasi lana munda. thronus eius flamma ignis: rota eius ignis accensus. fluvius igneus rapidusq; egrediebatur à facie eius: millia millium ministrabant ei & decies centena millia assistebant ei. Iudicium sedit & libri aperti sunt.* Vides certè summam dictorum convenientiam. Nimirum novum & vetus instrumentum tenent se mutuò, sibiq; perplexa sunt, & quasi rota in rota volvuntur, nec aliud sub novæ, aliud sub veteris paginæ literā continetur, sed unus atq; idem Christus sub utriusq; testamenti velamine comprehenditur. In hoc iudicaturi Domini habitu specieq; tria horribilia conspiciamus: magnitudinem iræ iudicis in oculis pedibusq; flammantibus thronoq; ignibus fulgurante monstratam; vehementiam oburgationis in voce aquarum multarū, seu ut Daniel loco memorato habet, in voce sermonum grandium exhibitam; gravitatem sententiæ in gladio bicipiti aut in fluvio ignito rapidoq; figuratam. Singula discutiamus.

Tria maxime
horribilia in
iudicio extre-
mo.

Magnitudo
iræ Divinæ:

Ira Dei, vino
comparatur.

Item talento.

Quis novit, aiebat David, potestatem iræ tuæ & præ timore tuo iram tuam dinumerare. Inexplicabilem quinimo incomprehensibilem DEI iram sub typis Patmeus vates proponit. Apocalyp: 17. *Babylon magna venit in memoriam ante DEUM ut daret illi calicem vini iræ indignationis suæ.* Bene calici vini ira indignationis Divinæ conferatur, sicut enim vino ardens quædam vis inest usq; ad insaniam demensans hominem ita & ira DEI activitate sua, quos invaserit, planè emotæ mentis facit ut insanissimas loqui cogantur blasphemias. Vnde idem vates eodem capite sub alio typo indignationem Divinam exaggerans sic sermonem suum prosequitur: *Et grando magna sicut talentum descendit in homines & blasphemaverunt DEUM homines propter plagam grandinis quoniam facta est magna vehementer.* Talenti nomine quidquid grave & summè ponderosum esset, intelligebatur ab antiquis. Multa porro talenti genera in classicis reperiuntur scriptoribus pondere & pretio omnia fermè discrepantia sed in hoc uno convenientiā quod ex sexaginta mnis constarent: quæ quia maiores in quibusdam civitatibus extabant quàm in alijs, talentorum procrearunt diversitatem: sicut etiam ex varietate draohmarum varietas consecuta affium.

Grando furorem designat omnipotentis DEI, scriptum est enim: *Ira Domini est sicut grando descendens.* quæ talento assimilatur quia singulos pro merito premit. Quot putas in talento Divino minæ sunt? talentum Atticum sexcentos coronatos valebat seu sex millia draohmarum. ta.

rum. talentum quòd te opprimet, quantum valiturum est in quod totius vitæ peccata contulisti; ut tot in eo sint mnæ & drachmæ, quot delicta, ore, opere, cordeq; perpetrasti? *Secundum duritiam tuam* inquit Apostolus & *impanitens cor tuum thesaurisas tibi iram in diem iræ & revelationis iusti iudicij DEI* ad Roman: 2. quod idem est alijs verbis dicere: peccata peccatis addendo, idem facis quod faceres, si drachmas drachmis, minas minis apponendo, talentum conflares. Theaurisas tibi iram, hoc est: sicut aliquis colligens thesaurum, frequenter denarium denario addit & divitias divitijs aggerit, massam suam hoc pacto accumulando; ita vitijs criminibusq; nostris crebrò ea cōmittentes, thesaurum iræ Divinæ amplificamus. Dic mihi quæso si quis congregando peculio tam pertinaciter insistat ut nec dies nec hora elabatur absq; notabili augmento, idque longo annorum tractu per quinquaginta, verbi gratia, aut sexaginta annos, solutis postea signaculis apertisq; scrinijs, quanta gaza, quantus pecuniarum invenietur acervus? O infelix homo! non advertis quòd nec dies, nec hora præterit, quæ ærarium zeli Divini non adaugeas in tuam perniciem aliquando aperiendum. Et si nihil aliud cumulum indignationis Divinæ compleret præter turpes conspectus, cogitationes immundas, desideria prava & verba iniuriosa, hæc sola sufficerent ad mundum universum implendum. Quid si his innumera operis jungantur peccata, quantus quæ nve immensus Divinæ ultionis aggregabitur thesaurus? Ira DEI ergò sicut talentum: quia ponderosissima, quia premens & gravans infelices peccatores, quia ex innumeris peccatis velut minis aut drachmis compacta, quia ex multa thesauratione in immensum quoddam assurgens pondus.

Ex alio capite gravitatem indignationis Divinæ pensa. Quo fortior aliquis eò gravior & formidabilior ira ipsius. Vanæ sine viribus iræ. E contrario igitur ubi vires ubi potentia; ibi ira non vana, & quò maior potentia, eò nocivior stomachatio. Quid porrò fortius Christo DEO simul & homine, de quo illud Hieremiæ 10. *Non est similis Tui Domine. Magnus es Tu & Nomen Tuum magnum in fortitudine.* Quid fortius eò qui respicit terram & facit eam tremere. *Tangit montes & fumigant.* Quid eò potentius *ad cuius nutum stellæ celi pavent & contremiscunt.* Quid demum valentius illo qui de se ipso apud Hieremiam protestatur: *Me non timebitis & à facie mea non dolebitis, qui posui arenam terminum maris cum præcepto sempiterno quod non præteribit & intumescunt fluctus eius & non transibunt illud.* Quàm itaq; formidanda est tam potentis indignatio iudicis. O verè horrendum est incidere in manus DEI viventis! cuius nimirum manus, ipsa est iustitia & omnipotentia. Si Daniel, si Ioannes, in visione imaginaria terribilem Angelorum conspectum, Christi venturi speciem repræsentantium sustinere non valuerunt; si Esther ardentes Assveri oculos, tolerare nequivit; quomodo poterimus nos subsistere ante faciem irati DEI. Usq; adeò terribilis erit aspectus iudicis quòd mallent reprobi damnationem sibi multiplicari milleq; subire gehennas modò eum non spectarent, ideoq; dicent montibus: *cadite super nos, & collibus, operite nos,* videre Dominum in furore suo inani conatu & casto studio refugientes. Tanta erit iræ Divinæ vehementia, quòd aspectus

Gravitas iræ
Divinæ dedu-
citur ex for-
titudine.

ille perpetuo hærebit in memoria & in imaginatione damnatorum, cruciabitq; miseros supra omnes alias pænas. Vidi fulmen horribilibus umbris depictum summo impetu deorsum cadens, adiecta erat epigraphe; *Quævis carnificis ira.* per hoc intelligitur, quasq; tandem truculentias & tyranides inferiores esse iræ Divinæ per fulmen synecdochicè designatæ.

Gravitas obiurgationis.
ex Scriptura.

En ipsa indignatio Divina, ipse aspectus iracundus quantum premet, quantum affliget miseros! Quid cum referatis conscientiarum libris, patefactis omnibus & singulis unicuiq; collatis beneficijs, & ex alia parte, ingratitude ac innumeris peccatis manifestatis, cum in quam accedet obiurgatio? Iob 26. dicitur: *Cum vix parvam stillam sermonum ipsius audire possimus, quis poterit tonitruum magnitudinis ipsius intueri?* Voces sunt extra obiectum visus; at Philosophia reclamante, de Divinis sermonibus loquitur scriptura quod oculis conspici queant. Tanta est sermonis Divini vivacitas ut planè videri palpariq; possit. Terribilis fuit obiurgatio Petri quæ ita concussit Ananiam & Zaphiram ut subito morentur. Hominis nos redarguentis non valemus ferre exprobrationes, Christi valebimus? Quidam Religiosus in componendis ad normam

Ex obiurgationibus humanis.

vocationis suæ moribus negligentior vidit per somnum se ad iudicium trahi matrisq; inter iudicandos stantis impropria eiusmodi audivit: quidnam est hoc fili? etiamne tu in locum istum condemnandus venisti? ubi sunt voces illæ tuæ quæ Religionem ingressurus ingeminasti. *volo salvare animam meam.* ad quæ confusus nihil potuit respondere. Post verò reversus in se atq; ex infirmitate, qua detinebatur, recreatus cum vitam viveret austeram, rogareturq; à fratribus ut causâ sanitatis nonnihil remitteret de rigore, respondebat: si improprium matris meæ sustinere non potui, quomodo Christi & Angelorum exprobrationem in die iudicii sustinere potero. Terribilis vox Christi mansueti ad Saulum directæ quia eum prostravit, terribilis Judæis profanatoribus templi, terribilis militibus, qui in horto Gethsemani, unius vocolæ virtute retrorsum ceciderunt: quid cum accipiet tempus ad iustitias iudicandas? quid cum pro tribunali sedebit in nubibus, cum inquam sermones grandes & vocem tanquam

Ex efficacia vocis Christi Domini mansueti.

vocem aquarum multarum detonabit? O quantus infernus! quantus cruciatus erit audire à Christo; *Esurivi & non dedistis mihi manducare: sitivi & non dedistis mihi bibere: hospes eram & non collegistis me; nudus & non me vestivistis; infirmus & non visitastis me;* opera misericordiæ carnalia ac spiritualia mihi in istis minimis, qui apud vos in despectu fuerant, non præstitistis. Proh quanta pæna, quantum supplicium erit audire: *Ecce homo, & opera eius,* ecce homo, ad imaginem Dei creatus, sanguine meo redemptus, per fidem mihi desponsatus, sacerdotali insignitus caractere, è sæculi turbinè ad perfectiorem statum & secretiorem amicitiam meam vocatus, his ornatus gratijs, his honoratus beneficijs, his vitæ sustentandæ provisus subsidijs, tot in peccatis, tanta longanimitate toleratus, tot auxilijs ad pænitudinem & meliorem vitam excitatus! *Ecce homo:* Et opera eius, opera brutalia, opera rationi dissona; opera eius opera carnis, hæc, hæc, hæc, in isto loco, isto tempore, tali occasione taliq; modò perpetrata.

Gravitas sententiae.

Post

Post tonitruum obiurgationis fulmen erumpet sententiæ. Danielis 6. Videns Balthasar contra se sententiam digito scribi, totus incredibili metu expavit, quamvis scripturam non intelligeret. Scriptum porro erat: *Appensus es in statera & inventus es minus habens, divisum est regnum tuum & datum est Persis & Medis.* Quis putas pavor in nobis erit quando ipse iudex in throno tribunalitio residens scribet & proferet contra nos sententiam: *Appensus es in statera & inventus es minus habens, divisum est regnum tuum & datum est Persis & Medis.* Divisum est regnum animæ & corporis tui & datum est hostibus tuis, æternaliter vastandum, lacerandum, & crudeli tyrannide cruentandum. Quis, putas, sensus erit in hominibus auscultantibus decretum illud: *Ite maledicti in ignem æternum.* Maledictio hæc ah quantum afficiet damnatos! Maledixit Dominus Adamum & ecce maledictio isthæc ita penetravit miserum protoparentem nostrum ut nihil fuerit in illo quod non imberberit maledictionem. Maledictum corpus cum sensibus propter corruptionem & passibilitatem. Maledicta anima, cum potentijs propter peccaminositatem & defectibilitatem ignorantie. Maledictum ipsum semen atq; in semine tota posteritas. Quousq; autem? in sæcula sæculorum. Stet mundus hic millies millenis annis cum generatione humana descendente ex lumbis Adæ, maledictio semel fulminata, cessabit nunquam. Maledixit item Dominus Cain: *Eris vagus & profugus super terram.* & hoc anathema, ipsum quoq; semen & totam Caini progeniem innodavit. hucusq; Cain maledictus, hucusq; vagus & profugus super terram, in gentibus quæ suam ab eo ducunt originem. Si tanta est & tam fortis imprecatio Divina privata ut ita dicam & absq; solennitatibus iudicialibus facta; quanta erit & quam potens publica illa à Deo homine in nubibus pro tribunali sedente, assidentibus Apostolis, adstantibus Angelis vibrata: *Ite maledicti.* Maledictum fiet corpus cum sensibus propter immensos cruciatus. Maledicta anima, propter separationem à Deo, propter angustias ingentes, propter mala omnia quibus immergetur. Maledicta phantasia, propter horrendas imaginationes. Maledicta memoria, propter indelebiles species iudicis irati & sanctorum, nec non propter reminisceniam gloriæ ipsorum. Maledicta voluntas, propter implacabile odium illudq; frustraneum adversus Deum, Christum, sanctos, sociosq; damnatos; hoc unicum si cætera abessent, sufficeret ad pœnas inferni constituendas. Maledictus intellectus, propter certissimam cognitionem duraturam æternaliter pœnarum. O Iesu mi! ne unquam cadam sub maledictionem Tuam. O verè vox Tua confringens cedros! O verè tonitruum sermonis Tui nemo poterit intueri! Ite jam ite omnia mundi gaudia, valete in æternum, ne propter vos diris æternis devovear. Intelligite hæc qui obliviscimini Deum. Pensate num poteritis subsistere ante vultum iurati iudicis, num exprobrationes audire, num sententiam de æternitate decernentem sustinere?

Maledictio
Divina quan-
ta efficacia.

Tabula hæc iudicii Divini nostris subiecta oculis, cui quæso metum non incutiat sicut incussit Principi de quo ad initium sermonis narravi. Dicebat Abbas Elias: Ego tres res timeo, unam quando egressura est anima mea de corpore, aliam quando occursurus sum Deo,

Metus iudicii
Divini.

tertiā quando adversum me proferenda est sententia. Et gentilis Poeta à judicijs Divinis timuit ideoq; in suis Lyricis expressit, nihil illi tutū esse cuius capiti evaginatus Nemesis Divinæ gladius impendet. *Di-strictus ensis, cui super impia cervice pendet, non sicula dapes dulcem elaborabunt saporem non avium cytharæq; cantus somnum reducent.* Et verò quis non timeat ancipiti justitiæ Divinæ feriri gladio, quo non corpus à cervicibus rescinditur sed homo integer à Deo, à Regno cælesti, à bonis omnibus separatur; quo non corpus modò sed ipsa etiam anima perimitur mortiq; vitali consecratur.

*Ad metum ac
cedere debet
bene operan-
di studium.*

Imaginem tribunalis Divini proposui & exposui. Tria in eò maximè horribilia monstravi. Quid superest? Magnam mutationem dextera excelsi operata est in Dynasta de quo in exordio sermonis præfatus sum. Utinam similem in nobis operetur. Et jam quidem ope gratiæ Divinæ Christiani facti sumus, imò quod maius est, Religiosi & monastico schemate insigniti; at quia ut Isiacum non facit linostolia, sic habitus & corona sanctum non faciunt & cassum Christiani ac Religiosi nomen neminem salvat, restat ut operemur benè. Conradus Episcopus Hildesimensis, Vir sanctus, post matutinas preces noctè quadā ad studium se composuit utpote sermonem ad populum habiturus monq; in mentis extrasi videre sibi visus Pontificem quendam velata facie ad tribunal rapi, quem truci vultu satellites accusabant, unus in rapina, alius in cæde hominum, alius in luxurijs lubricantem. Judex auditis depositionibus ad assessores ait: *Accusata discutite, librate judicium, ferte sententiam.* Parent illi Judici, ferunt in commune sententiam, approbat Judex, atq; illico ministri teterrimi accedunt detractisq; Episcopalibus insignibus, ut infula, annulo, casula, & reliquis, ea ad pedes judicis ponunt, nudumq; ac eiulantem rapiunt ad tartara. Quo facto confestim assessores judicij surgunt suaviter cantantes: *dum tēpus habemus operemur bonū ad omnes.* Restitutus sibi Cōradus eadem horā à nuntio superveniente accepit, Episcopum talem nocte concubia repentino fato extinctum. Hoc ideo narravi ne sterili inaniq; christianismi aut monachismi vocabulo gloriemur sed ad nomen opera bona adijciamus illisq; continuè ac ferventer insitamus si volumus, ne nos exigat ad dignas ultrix Rhamnusia penas.

*Ex tabula e-
xempiorum.*

Ovidium



RECOGITATIO.

P Æ N A R U M I N F E R N I.

ET in profana & in sacra literatura homo arbori assimilatur. Ut de profana taceam David initio psalterij sui virum justum comparat ligno secus decursus aquarum plantato, Ezechiel impium confert ligno vitis quod ad solum focum utile est cū ne quidem paxillus ex eò fabricari possit. In Evangelio quidam, *video* ait, *homines sicut arbores ambulantes.* Judas Thadæus homines animales & spiritum non habentes, appellat, *arbores autumnales, infructuosas, bis mor-*

bis mortuas, eradicatas. De eiusmodi arboribus sequentis Dominicæ Evangelium dicit: *Omnis arbor quæ non facit fructum excindetur & in ignem mittetur.* Non enim hîc de pomo, pyro, corylo, olea aut alia quacunq; planta sermo habetur sed de homine arbore rationali quod videlicet si fructum non fecerit, securi ad radicem posita excindetur, id est decreto Divino tolletur è vivis & in ignem gehennæ proijciatur. Quis verò & qualis iste gehennæ ignis? Scio multos dum de gehenna audiunt non magis concuti quam si de somnio aut ridiculo quodam terriculamento audirent. quæ fatuitas ne nostros quoq; occupet animos, gehennæ atrocitatem oculis subijciam & quidem non doctas secutus fabulas sed ex fontibus sacrarum literarum, veritatem mutuatus. Descendamus in infernum viventes ne descendamus morientes: descendamus per contemplationem, ne descendamus per condemnationem.

Beatus Ioannes Apostolus novissima hominis in Apocalypsi describens, his 14. Capite infernum depingit umbris. *Et misit Angelus falcem suam in terram & vindemiavit vineam terra & misit in lacum iræ DEI magnum. Et calcatus est lacus extra Civitatem, & exivit sanguis de lacu usq; ad franos equorum per stadia mille sexcenta.* Scripturarum mos est per alios, & alios typos unam eandemq; rem explicare. Iudicium igitur & decretoria sententia quæ alibi nomine gladij ancipitis vocata est, hîc per falcem intelligitur. Angelus messor & vindemiator terræ, Christus est. Lacus infernus. Sanguis, ultio pænæ. Equi, damnati. Freni, mensura pœnarum. Spatium stadiorum mille sexcentorum, summam reproborum omnium comprehendit è 4. mundi partibus collectorum. Quater quippe quadringenti, fiunt mille sexcenti. Hoc idem est, quod alijs verbis comminatus est 3tius Angelus paulò supra in eadem Apocalypsi. *Si quis adoraverit bestiam & imaginem eius & acceperit characterem in fronte sua aut in manu sua, bibit de vino iræ DEI & cruciabitur igne & sulphure in conspectu Angelorum Sanctorum & ante conspectum Agni & fumus tormenti eorum, ascendet in sæcula sæculorum.* Futurum cum præsentem, comminationem cum executione iungamus & ex utroq; atrocitatem suppliciorum inferni pensemus, tria in gemina hac descriptione considerantes: pœnam damni quæ signatur in eo quod lacus extra Civitatem ab ultore Angelo calcatus sit ut illi qui in mundo vivebant sicut equus & mulus non habeant partem cum hominibus beatis neq; eorum conspectu & consortio, multo minùs visione DEI perfruantur; pœnam sensûs in sanguine & igne sulphurato intellectam; æternitatem in fumo ascendente per sæcula sæculorum expressam.

Pœna damni, è placito Theologorum, nihil est aliud quàm dolor ex bono amisso. Quanta porrò bona amittit damnatus omnis? amittit cæ- lum amittit societate Sanctorum, amittit DEUM eiusq; visionem beatissimam, deperdit regnum illud ubi liquidissimū sine omni fastidio gaudium, sine dolore voluptas, summū sine omni malo bonum: ubi tam felix societas, tam jucunda satietyas, tam in exhausta beatitas: ubi vivis margaritis surgunt ædificia, auro celsa micant tecta, radiant triclinia: Ubi flos perpetuus rosarum ver agit perpetuum: Ubi omnes virent, vigent, florent, corrumpelæ nescij. Ex huius regni bonorumq; suorum deperditione tantus

U

consur-

*Tria in infer-
no gravia.*

*Pœna damni
quid?*

*Gravitas eius
ex magnitu-
dine bonorum
cælestium
pensatur.*

*S. Augustinus
in Medic.*

*Crescit ex cō-
paratione fe-
licitatis San-
ctorum.*

consurget dolor quòd nullis poterit sensibilibus æquari cruciatibus;

Scient reprobi quibus abundant sancti in cælo voluptatibus ide-
oq; summè torquebuntur se privari iisdem. *Ecce servi mei comedent
& vos sitietis. Ecce servi mei latrabuntur & vos confundemini. Ecce
servi mei laudabunt præ exultatione cordis, & vos clamabitis præ dolo-
re, & præ contritione spiritûs ululabitis,* prædixit Dominus per Isai-
am Isaiæ Cap: 65. Crescit miseriæ magnitudo aspectu & compara-
tione alienæ felicitatis. Comedent beati, quid & ubi? nimirum in re-
gno Patris æterni sicut disposuit & paravit illis Christus ut edant &
bibant in mensa sua. O Escæ! o dapes! quas Dei potentia instruxit,
ipsa sapientia increata condivit, ipsa magnificentia creatrix multipli-
cavit, adornavit, dulcoravit. At verò infelices damnati esurient
famemq; patientur ut canes. Stercora sunt cibi quiq; delicatissimi,
pinguissimæ phasides, crassi turtures, attagen Jonicus, suum quoq; le-
porum atq; cervorum & quadrupedum animantium esculentia suavi-
tatem gustui afferentes, stercora inquam sunt & fatui cibi si cum cæ-
lestibus in contentionem veniant convivij: sic & esuries terrena si
cum fame infernali comparetur, satietas est. Bibent beati, quid illud?
Torrente voluptatis tue potabis eos: damnati furiosa siti prementur;
quilibet eorum guttulam saltem aquæ petet nec obtinebit. Latraban-
tur sancti: damnati confundentur utpotè lætitiæ illius immortalis
nunquam futuri participes. Illi præ exultatione cordis jubilabunt;
hi quòd eam cordis exultationem nunquam sint adepturi, ingemiscunt
& mærore atq; amaritudine replebuntur. En vides torturam repro-
borum in sola carentia bonorum cælestium Divina voce statui, ac si
omnes exteriores pænæ umbra sint & nihil ad dictam carentiam col-
lata: ut discas, hanc unicam universis cruciatibus superiorem esse.
*Deum infligen-
do illam, ostē-
dit potentiam
suam.* Job ille, exemplar patientiæ, qui plurima mysteria suo sermone com-
plectitur sic Dominum lachryabili voce interpellat: *Cur faciem tu-
am abscondis & arbitraris me inimicum tuum contra folium quod ven-
to rapitur ostendis potentiam tuam.* S. Hieronymus textum hunc ex-
ponens ait: *Cum faciem abscondit, tunc ostendit potentiam suam.* Ni-
mirum ut D. Gregorius supra eundem locum scribit, *si DEUS totam
suam omnipotentiam impenderet torture & afflictioni anima nunquam
ei tantum infligeret doloris quantum infert privando eam visione sui:*
At quomodo ex solâ bonorum supernorum quorum omnium fons est
visio faciei Divinæ quomodo inquam ex sola bonorum supernorum
privatione, tantâ possit provenire afflictio ut maiorem omnipotentia
inferre nequeat? Apparuit aliquando sanctæ Mechtildi anima in pur-
gatorio detenta, quæ rogata haberetne aliquam pœnitentiam, nul-
lam, inquit, nisi quia Dominum meum amantissimum non video quem
tantopere desidero quòd si omne desiderium quo unquam aliquis in
terris Dominum desideravit, in unum transfusum esset hominem, in
comparatione desiderij mei quasi nihil esset. Quamdiu enim anima
in corpore est, necessitatibus & tenebris ac phantasmatibus corporeis
impeditur ut tali ac tanto non possit æstu flagrare in DEUM quanto
anima carne soluta flagrat. Sic illa. Nimirum animæ solutæ, perspi-
caciissimè intelligunt boni supremi excellentiam æternorumq; bono-
rum nobilitatem atq; idcirco vehementissimè ea appetunt. & quia spes
ac deside-

*Quam gravis
animabus pur-
gantibus?*

*Ex libro gra-
tiarum Spiri-
tualium S.
Mechtildis.*

ac desiderium, quod differtur, affligit animam, & quo maioris boni desiderium eò dilatio eius, maius infert tormentum: propterea fit, ut animæ separata à corpore, atq; à conspectu & fruitione DEI impedita, vehementissimè crucientur malintq; omnes in unum coacervatos perferre cruciatus quàm à complexu boni supremi præpediri; sicut & in mundo hoc tanta solet esse desiderij magnitudo, tantus flagrantis animi ad amicum absentem æstus, ut plerumq; non pigeat insomnia, famem, dolores exteriores pati, imò evidentia mortis pericula mortemq; ipsam subire, dum quæritur desiderata amici præsentia. Cur ista prætexuerim sequens monstrabit sermo. Si piacularibus flammis addicti manes, pænas experiuntur gravissimas ex temporanea summi boni bonorumq; omnium in cælo exundantium privatione, cum tamen eas patientissimè & non sine spe aliquando videndi Deum supportent: quid dicemus de damatis qui cum impatientia & desperatione eosdem coguntur tolerare. Una eiusdemq; mensuræ inter duos pæna dividatur: alter cum patientia, alter cum furore sustineat, huic certè duplicabitur imò multiplicabitur atrocitas supplicij & propter exterius sævientes plagas, & propter interiora animi vulnera multò acrius urentia. Idcirco itaq; ut compendio absolvam, universis pænarum sensibilibus torturis acerbior est pæna damni, quia ex retardatione & multo magis ex amissione totali bonorum infinitorum fortissimè apprehensorum, immensâ quædam & incomprehensibilis nascitur tristitia miserè animum dilanians ac discerpens. Quanquam certa sunt ista quæ in medium protuli, certiora nihilominus fient Doctoris Angelici discursu. Dolorem duo faciunt, malum coniunctum & apprehensio; dolorem anteriorem, malum coniunctum repugnans corpori, & apprehensio sensus, peculiariter tactus; dolorem posteriorem, malum coniunctum repugnans appetitui & apprehensio imaginationis vel rationis. Ex utraq; parte dolor interior præminet exteriori. Nam & apprehensio imaginationis aut rationis altior est quàm apprehensio sensus; & dolor interior per se & proximè repugnat appetitui, non item dolor exterior, qui primò & per se afficit corpus, per hoc autem appetitum, porro principalius semper est, quod per se quàm quod per aliud agit. Præmissa eiusmodi philosophatione infert Sanctus Doctor, dolorem posteriorem, simpliciter & per se loquendo, potiorē esse quàm sit dolor exterior: cuius signum est quod non rarò dolores exteriores ultrò suscipiantur ut evitentur interiores. Et certè videmus audimusq; multos aquis se mergere, laqueo suspendere, præcipitio collidere, ferrum & ignes pati, propter ægritudinē animi atq; anxietates depellendas. Quia igitur damnatorum appetitui coniungetur malum immensum, malum malorum, privatio nimirum supremi boni, amissio bonorum omnium, quæ etiam vivacissimo imaginationis rationisq; actu apprehendetur, fiet ut dolor sequatur immensus, dolor superans exteriores cruciatus sensui molestos. Noscent damnati non quidem intuitivè, perspicaciter tamen bona felicitatesq; beatas, noscent exuberantiam gaudiorum cælestium: fortissimè apprehendent se illis in perpetuum orbandos: hinc gravissimus erumpet dolor ultra cuncta inferni tormenta in ipsos sæviens. Notitia orexim famemq; bonorum, fames frustrata apprehensionem,

*Quid verò dam-
natis.*

*Dolor interi-
or acrior quàm
exterior.*

apprehensio ingentem cordi laniem procreabit. Quocirca non miror jam emphasim illam D. Chrysostomi cum qua homilia 24 in Cap: 2. Matthæi sic locutus: *Hoc cogitate. Si mille aliquis ponat gehennas, nihil tale dicturus est qualè à beata illius gloriæ honore repelli, exosumq; esse Christo & audire ab illo: Non novi vos.*

Pœna sensus. Quòd pœna damni gravissima sit in inferno, non propterea pœna sensus in inflictione sensibilibus suppliciorum consistens, levis dicenda.

Atrocitas eius ex activitate ignis infernalis. Percontatur Isaias Cap: 33. *Quis poterit habitare de vobis cum igne devorante: quis habitabit de vobis cum ardoribus sempiternis?* Constat ex oraculis scripturarum, ignem fore instrumentum æterni supplicij: sed quis qualisvè ignis ille? elementum ignis huius mundi activissimum est, in cinerem & favillas redigens omnia. Nullum eo tormentum maius; at respectu ignis gehennæ tantopere infirmum

Ignis gehennæ altioris ordinis quam ignis elementaris. est ut refrigeret potius quàm accendat. Quicumq; & quantumcunq; assurgentes flammæ globi frigidi sunt si æstuantis gehennæ fornaci conferantur. Nimirum a'tioris eminentiorisq; naturæ erit atq; idcirco omnem vim elementaris nostri ignis in se perfectissimè complectetur, imo superabit. Unde nec totius mundi incendium minimam ignis infernalis adæquaret activitatem. Fornax illa Babylonica in qua circa sarabellas & sanctam cæsariem puerorum innoxium lussit incendium, septuplum quàm solebat accensa quanto bulliebat æstu, quanto æstuebat ardore utpotè è qua 49. cubitis flamma ascendebat! sed quid hæc respectu gehennæ? Torus mollior damnatis ex incendio suo ad eam transeuntibus videretur. Inter alia horrendum est supplicium, Phalaridis taurus, bos videlicet æneus cui inclusi subiectis ignibus longa & atrocissima elixatione torti, bovis instar mugirent. horrendum profecto Tyrannidis inventum! & nihilo minus risus iocusvè censetur respectu infernalium flammæ. O pœnæ! o ardores! qui & quales estis, si tanta tyrannis, lusus putatur in comparatione vestri. *Ignis gehennæ* ait D. Augustinus sermone 41. de SS. *durior est quàm quidquid potest in hoc seculo pœnarum videri aut cogitari, aut sentiri.* Chrysostomus quoq; hæc inquit, *omnia quæ hic patimur merus ludus ac risus sunt si cum illis supplicijs in contentionem veniant.* Nec mirum talem fore inferni ignem si eum ipsa omnipotentia Dei succendet, ipsa justitia Dei nutriet, immortales lictores, spiritus inquam maligni quibus nulla & potestas & malitia terrena comparabilis, continuò insufflabunt. De hoc ergo igne sciscitatur Propheta. *Quis poterit habitare de vobis cum igne devorante quis habitabit de vobis cum ardoribus sempiternis?* O habitaculum! cuius fundamentum ignis, parietes ignis, tectum ignis; undiq; & undique flamma. Sicut mersus in aqua, quocunq; manus porrigit, aquam tangit; ita mersus in pelagus igne & sulphure ardens, infra, supra, intus, extra flammis habebit. Quis itaq; poterit sic habitare? & tamen ad habitaculum, ad carcerem hunc æstuantem semel quis intrusus, semper habitare cogetur. Ultra ignis supplicium sunt & aliæ in inferno pœnæ quas non, mihi si linguæ centum sint ora; centum, ferrea vox, percurrere aut comprehendere potero. *Ibi erit,* verba sunt D.

Authoritates SS. de igne gehennæ.

Gregorij, *frigus intolerabile, ignis inextinguibilis, vermis immortalis, tenebræ palpabiles, flagella cadentium, horrenda visio demonum, confusio peccatorum, desperatio bonorum. deniq; omnis dolor, irruet super damna-*

damnatos. Undiq̃, terrebunt eos formidines. In temporalibus cū pæna infligitur, timor quiescit. apud inferos pæna inflictio timoris est augmentatio. Sed universa hæc ad geminam illam damni & sensus pænam reducuntur.

Utraq̃; pæna cuius umbras aliquas posui, aliquod haberet lenimen, si quandoq̃; finiretur; sed quia æterna, nullum admittit solatium imò ex æternitate vel maximè aggravatur. Desiderabunt mortem miseri damnati & fugiet ab eis. fumus tormenti eorum ascendet in sæcula sæculorum. Ignis, inquit Dominus, succensus est in furore meo & ardebit ad inferni novissima. id est, eousq̃; ardebit quousq̃; durabit infernus. at quousq̃; durabit iste? in perpetuas æternitates. quousq̃; Deus ipse durabit. O novissima semper nova! o finis sine fine! o ignis qui nunquam consumis nec consumeris! Heu quoties ego peccatis meis ignem hunc succendebam! quot congeffi ligna in perpetuum arsurum flammamq̃; infernalem nutritura! quantam struem quantum rogum in æterna mihi præparavi tormenta nisi benignissimus Jesus in tempore miserendi ignoscat, certò certius fubeunda!

Æternitas.

Æternitatis ut felicitis ita & infelicitis crebra in Evangelij mentione. Placet illa Marci 9. *Bonum est tibi, ait Christus, debilem introire ad vitam quàm duas manus habentem ire in gehennam in ignem inextinguibilem ubi vermis eorum non moritur & ignis non extinguitur. Bonum est tibi claudum introire in vitam æternam quàm duos pedes habentem mitti in gehennam ignis inextinguibilis ubi vermis eorum non extinguitur. Bonum est tibi luscum introire in Regnum DEI quàm duos oculos habentem, mitti in gehennam ignis ubi vermis eorum non moritur & ignis non extinguitur.* Repetitio hæc à Christo facta emphatica est designatq̃; magnum quid & ineffabile esse, vermem illum hoc est tristitiam & angorem animi ex amissione omnis boni ortam non mori, & ignem hoc est pænam sensibilem non extinguere. Valeat ergò oculus, valeat omne quidquid mihi tam carum est ut lumen oculorum meorum, valeat inquam si me à vita æterna præpedit. Vale, æternum vale pedi hoc est affectui omni qui me à regno cælesti arcet! Non curo manum, quæ facultatis operatricis operisq̃; ipsius symbolū est, imò libens eam ipsemet mihi refecabo si propter eam gehennam incursum sum, ubi vermis non moritur & ignis non extinguitur. Cur autem vermis hic non morietur, cur ignis non exstinguetur, libet scire? quia nimirum protrusus ad erebum reprobis & abyssu inferni obsegnatū, ampliùs non erit tempus miserendi: clatris claustrisq̃; quibusdam, si ita fas loqui, occludetur misericordia; justitia verò tam in præmiando quàm in puniendo sese in immensum explicabit. Matthæi 23. postquam prudentes Virgines intrarunt in domum Sponsi fatuis circa negotiationem demorantibus atq̃; tardantibus, *clausa, inquit Evangelium, clausa est janua.* Sensus dicti huius est, quòd damnati per fatuas intellecti Virgines clausam semper invenient Divinæ misericordiæ januam. Clamabunt, ululabunt singuli, promentq̃; illas voces non ex amore sed ex timore: *Pater Abraham miserere mei;* sed nec tantillum quidem aquæ ad refrigerium ipsorum concedetur quantum extremum digiti capere sufficit. O obsecratio perpetua! o claustrum sempiternum! quasi quis dicat: clausa est janua veniæ, janua

Loc9 Marci 9.
de æternitate
amplificatur.

Post diem judicij claudetur misericordia janua.

*Æternitatis
horror ex cō-
parationibus.*

Horatius.

*Hieroglyphicū
æternitatis.*

*In 2. ad Thes-
sal. cap. 1.*

*Gehennā me-
ditantes eva-
dent gehennā.*

indulgentiæ, janua misericordiæ, janua consolationis, janua interces-
sionis, janua spei, janua gratiæ, janua meriti, & quid multis, clausa
est janua bonorum omnium! Tam firmis vectibus oclusa erit do-
mus Sponsi cum sponis, ut ne minima prorsus consolatio aut quies
per totas æternitates ad damnatos inde permeatura sit. O horren-
dum æternitatis vocabulum, horrenda res! Digitum in candelæ flam-
ma per modicum tempus tenere æcerbum est: brachium in foco per
horam cremandum extendere intolerabile tormentum: toto corpore
in pyra per semihoram uri incredibilis cruciatus: torqueri per noctē
in equuleo admotis ad latera candentibus laminis sæva tyrannis. quid
verò per millia millium millium annorum, in rogo infernali elixari,
ignem spirare, ignem ructare, ignem oculis auribus ventre atq; inte-
gro corpore vomere? Et hīc quidem quo maior eò brevior pæna, ac
diuturnitate vis patiendi imminuitur: at in inferno semper vivacissi-
mus pænarum sensus semperq; novus ac talis post centum E. g. mi-
riades annorum qualis initio patiendi fuit. Redite ergo prævaricato-
res ad cor ne intolerabiles pænas incurratis non centum annorum
non millies mille, sed omnium sine fine sæculorum. *Facilis descensus
averni est.* sed ascensus ex eò impossibilis. Securis ad radicem posita
ubi ceciderit lignum, ibi erit in æternum. Cogitate num vermem im-
mortalem, num ignem inextinguibilem sustinere valebitis? Væ no-
bis, væ nobis si nos avocare à malo & ad constantem virtutis amo-
rem permovere nec *sævus ignis, nec tremendo Iupiter ipse ruens tumultu*
potest. Mistra quidam pinxit manum quæ tenebat annulum in
quo erat lapis asbestes cuius proprietas accendi semel, ardere semper,
adiexit lemma: *Non exstinguetur.* Manus signat omnipotentiam Dei,
annulus æternitatis simulacrum est. asbestes lapis si in bonam partem
accipias, ignem amoris Divini; si in deteriorem, ignem furoris Divi-
ni denotat. Neuter ignis exstinguetur. quousq; manus Divina, quo-
usq; circulus æternitatis in manu Dei, eò usq; ignis uterq; ardebit.
Non exstinguetur ille beatos calore gratissimo in perpetuum fovebit,
hic damnatos incendio acerbissimo in æternum cruciabit.

Talem igitur gehennam talibus armatam pænis recogitemus. Ma-
gnam eiusmodi recogitatio pariet utilitatem, quia omnem à nobis
abiget iniquitatem & perniciosam propulsabit securitatem. *Si enim,*
ait Chrysostomus, *earum legum quæ in hoc seculo posite sunt, tantum*
potest metus, ut à malis nos actibus cobibeat, multo magis poterit hoc
recordatio futurorum, supplicium immortale, pena sempiterna. Nisi
aliquid profectus in se haberet gehenna reputatio, utiq; illam non esset
minatus DEUS. Nemo eorum qui gehennam ob oculos habent, in gebennam
incidet. Nemo gehennam contemnentium gehennam effugiet. Hu-
cusq; aurei oris orator. Grandis profecto utilitas, inæstimabilis mer-
ces meditationis gehennæ, gehennam evadere. Miseros nos & omni
lachrymarum fonte lugendos si liberè imò licentiosè peccamus & sup-
pliciorum æternorum peccatis paratorum atrocitatem non pensamus.
Ponè præterieram quod vel præcipuum est ad suadendam tormento-
rum gehennalium recogitationem & quod vel maximè principio ser-
monis mei congruit dum similitudinem initio propositam exhibet.
Salvator noster jam jamq; victima pro nobis futurus mulieres lachry-
mantes

mantes nosq; omnes in personis earum ad fletum super nos ipsos avocavit his verbis: *Nolite flere super me sed super vos ipsas & filios vestros flete.* Causam adjunxit. *Quoniam si in viridi ligno hac faciunt quid fiet in arido?* ubi citra dubium ad inferni supplicia aridis lignis hoc est improbis hominibus inferenda reflexionem fecit. Quod paucis verbis complexus Salvator, id nos pluribus in hunc modum edisseramus. Nolite me intueri & flere super me. Intuemini porius inferni pœnas longe atrociores hīs quas ego patior & flete quod eas vos filijq; vestri meruerint. Cogitate quid fiet homini perduto si innocens agnus tanta patitur. pensate quomodo iustitia Divina vilissimū servum tractabit ob sua delicta, quæ filium DEI ob aliena sic multavit. Si lignum viride, homo sanctus, succo virtutum omnium plenus in tam immanem suppliciorum ignem abijcitur; quid lignis fiet putridis, aridis, & ex succis, hominibus videlicet omni gratia destitutis & omni scelerum turpitudine opertis? Considerate si ad satisfactionem offensæ DEO factæ necessarius fuit sanguis filij DEI, supplente personæ dignitate quod supplici magnitudini deerat; quid fiet, ubi recompensatio præstanda erit non dignitate personæ sed sola pœnæ severitate? Verbum Domini manet in æternum. Usq; hodie durat vox Christi, nostrumq; interiore pulsat auditum: *Si in viridi ligno hac faciunt, quid fiet in arido.* Quotusquisq; nostrum arbor est arida, exesa, putrida ideoq; æternis arsurā sæculis? Ergo fleamus nos ipsos & imbre lachrymarum ubertim rigemus animas nostras quatenus ad virorem gratiæ perveniant dignosq; faciant in tempore suo fructus.

Christus Dominus
ad supplicium
crucis pergens
recogitationē
gehennæ commenda-
vit.

Omnis enim arbor qua non facit fructum excindetur & ad ignem mittetur.

L E C T I O.

MUndum hunc quisquis morborum officinam dixerit, nihil certius pronuntiabit. Quæ tamen infirmitas crebrius vexet homines, ambiguum. Censuerim ego, inter omnes ægri tudines cæcitatem frequentiorē esse eamq; tam, animi quam corporis. De quarum altera Gregorius Hom: 2. in Evangelia: Cæcum, inquit, est genus humanum, quod in parente primo à paradisi gaudijs expulsum, claritatem supernæ lucis ignorans, damnationis suæ tenebras patitur. De utraq; in Evangelio sequentis Dominicæ Christus: *Nunquid cæcus ceco potest ducatum præbere. nonne ambo in foveam cadunt?* Visu corporis per DEI gratiam gaudemus, & ministerio lucis, quæ regina colorum est, cuncta intuitum nostrum subintrantia cernimus: at interiori lumine forsitan orbi sumus; cum tamen, juxta placitum D. Hieronymi, *multo melius sit spiritu videre quàm carne & illos oculos possidere in quos festuca peccati incidere nequeat.* Collyria corporali caligini præscribant medici: ego tenebras spirituales remediari conabor dum lectionem sacram, qua interior oculus illuminatur commendabo & nobis Religiosis propriam esse docebo.

Ad Castituti-

Lectioſis ſacræ vocabulum & notiffimum & per ſe commendatiſſimum eſt: illorum nihilominus auribus minùs ſuave quibus magis de Æſopi fabulis quàm de præceptotum tabulis, de Libero quàm de libro diſcurrere placet. Nobis illa quàm conveniens & neceſſaria ſit, Divino exarata calamo paginæ oſtendunt. Genefis 2. ait ſacer textus: *Posuit DEUS hominem in paradifo ut operaretur & custodiret illum.* Quod opus, quæ operatio iſta quàm assignavit Dominus Adæ in horto deliciarum exiſtenti? nunquid vomeribus terram proſcindere & in glebas vertere, num plantare arbores, vineas colere, fiſcellas junco texere vel caniftra lentis plectere viminibus, num ſarrire humum, areolas æquo limite dividere, olerum jacere ſemina, plantas per ordinem diſponere, infructuoſas arbores vel gemmis vel ſurculis inferere, num aquas ducere irriguas quæ ſcatebris ſuis arentia arva temperarent & raucum murmur per ſaxa levia excitarent, num apum fabricare alvearia aliaq; officia agriculturæ perficere? At hæc vires fatigat. Sudat colonus laſſaturq; qui *ad umbram lucis ab ortu Sylveſtrem flammis & ferro mitigat agrum.* Necdum porrò dictum erat Adamo. *In sudore vultus tui veſceris pane tuo.* Non abnuo quòd etiam agriculturæ exercitium iniunctum ſit protoparenti noſtro: quippe nihil agriculturæ melius, nihil uberius, nihil homine libero dignius. Et Pœta fortunatos canit agricolas ſua ſi bona norint. Quocirca multi juxta Auguſtinum in Genefim *tanta jucunditate agricolantur ut magna pena ſit eis inde avocari.* Hac illeſtus jucunditate Diocletianus depoſito diademate & ſceptro, raſtro admovit manus, & voluptatem quam in imperio fruſtra quæſierat, in cultura olerum invenit. Adamus itaq; tam nobili tamq; jucundo vacaſſet exercitio, non tamen cum labore nec ex defectu ſeu indigentia ſed cum voluptate & omni rerum affluentia. Potiſſima tamen & principalis operatio Adæ fuiſſet lectio ſacra ex qua ſe ad amorem laudem ac venerationem Creatoris ſui inflammàſſet. Nullos, inquit, tunc habuit libros? At habuit vaſtiſſimum mundi volumen in quo vivos Divinæ bonitatis, ſapientiæ, pulchritudinis characteres contemplari poterat. Huic ſi inſtituiſſet negotioſo otio, paradifo proculdubio cuſtodiviſſet: hoc eſt, non perdidiffet neq; nos ab eodem perpetuos feciſſet exules. Unaquæq; Religio paradifo eſt: aliàs nec Antonius Magnus habitaculum Divi Patriarchæ noſtri vocaſſet paradifo; nec Hieronymus ſolitudinem, paradifo titulo donaſſet; nec Baſilius & Chryſoſtomus eremum ſervis DEI refertam, hoc decoraſſent nomine. Poſuit nos DEUS in eiufmodi paradifo non ad feriandum, non ad ignavo ſtertendum otio ſed ad operandum. Quod verò opus à nobis exigit? Equidem non labores ſerviles quibus in ſudore vultus noſtri quæramus panem: non labores militares quibus in pulvere Martio ſtipendia mereamur: non mercatorum curas & itinera, quæ per mare per terras pauperiem fugiendo, faciamus. Abundè ſiquidem Divina providentia ad refrigeria vitæ noſtræ bonis nos velut in paradifo dotavit temporalibus ut non ſit nobis neceſſe ſtivam tenere, non caſtra ſequi, non mercari, non varios modos atq; induſtrias lucri adhibere. Quid igitur operis in paradifo hoc agemus? Lectio ſacra potiſſimum nobis imponitur ex qua ad orationem, ad contemplationem, ad utilitatem proximi erudiamur.

Hoc ne

Horatius.

Cicero de officijs.

Hoc ne temere protulisse videar, quæ dicturus sum auscultentur.

In Paradiso aut horto quovis apes per fragrantès flosculos volitare ac mel colligere solent. Religiosi apes sunt. Quia sicut hæ, mella secernunt à venenò; ita illi exempla meliora probant, deteriora cavent: apes quidquid congregant, in communem alvearij usum conferunt; ita Religiosi quidquid acquirunt, monasterio se debere profitentur: nunquam sine socijs expatiantur apes; & Religiosi non sine arbitro conversationis suæ per compita pererrant: apes dispersæ, tinnitu aris congregantur; Religiosi ad campanæ sonum in unum festinant sive Capituli locum dicendis culpis, sive chorum decantandis Dei laudibus, sive triclinium reficiendo corpori destinatum: apes suum venerantur regulum; & Religiosi regulam rectoremq; suum: apes nec concubitu indulgent nec corpora segnes in venerem soluunt; & Religiosi castitatis sunt professores atq; eximij cultores: apes demum vocantur quasi sine pedibus quòd sine pedibus nasci videantur, unde & Maro de api: *Trunca pedum primò*; & Religiosi absq; pedibus, quia ad evagationes claudi cellæq; affixi esse debent. Sicut proinde apum ea cura est ut mel ex floribus legant & in præparatas recondant camerulas ita Religiosis propriè quadrat studium per prata scripturarum volitandi, mel doctrinæ legendi, & in cellulis memoriæ recondendi.

Ab assumpta ne latum quidem unguem discedendo similitudine, huc adduco illud Judicium 4to: *Erat autem Debora prophetis uxor Lapidotb quæ judicabat populum illo tempore & sedebat sub palma.* Debora apem sonat. Pro hac dictione *uxor Lapidotb*, in hebræo legitur: *mulier fulgurum seu lampadum.* Notissima hæc in scripturis est matrona seu prophetis. Sub palma habitabat, judicabat populum regēbatque. At, rogo, absolutis judicijs quid egit, quòd opus eius, quis labor? an lanam facere, tenere colum, rotare fustum, stamina pollice ducere, famularum neta aut inglobum colligere, aut texenda componere? Etiam hæc operebatur; neq; enim panem otiosa comedit. Verum specialiter, ut interpretibus placet, operam dabat Divinæ legi sanctisq; scripturis quarum floribus velut apes pascebatur. Unde Hieronymus de ipsa: *Quia dicere poterat quàm dulcia gutturi meo eloquia tua super mel & favum ori meo, apis nomen accepit scripturarum floribus pasta, Spiritus Sancti odore perfusa & dulces ambrosia succos prophetali ore componens.* Mulier hæc quamlibet Religionem & peculiariter nostram significat. Nostra namq; protoeremitica Religio est mulier fulgurum seu lampadum quia ex miraculosa cælestium lampadum in vastum quoddam incendium coeuntium visione, quantum ad cænobiticam vitam, progenita. habitat sub palma, hoc est, sub singulari protectione Virginis Beatissimæ quæ palma mystica appellatur. Sub palma item gentilitia. Sicut enim Pater Ordinis nostri inter palmas deguit palmariq; induebatur habitu: ita nos sub umbra palmeti eius requiescimus & palmæ symbolo insignimur. Quid igitur operis, quid studij nobis incumbit? hoc nimirum, ut unusquisq; nostrum velut Debora velut apes pascatur floribus scripturarum, pascatur lectione sacra, favos conficiat ex quibus deinde mella verborum spiritualium, exhortationum, concionum, exprimat ad usum & salutem proximorum.

Religiosi apibus comparantur.

Ad Furiam de servanda virginitate.

Protoeremitica Religio Deboræ assimilatur.

Vultis? educam vos in latissima totius scripturæ pascua & quid ubi mellis colligere possitis monstrabo.

*Synopsis toti-
sacra scriptu-
ræ ex S. Hie-
ronymo ad
Paulinum.*

Genesis, creationem mundi, exordium generis humani, divisionem terræ, confusionem linguarum, & descensum Hebræorum ad Ægyptum describit. Exodus 10. plagas, decalogum, & mystica præcepta percenset. Leviticus sacrificia, vestes Aaron & totum ordinem Levitarum edisserit. Numeri, totius arithmeticæ & prophetiæ Baalam & 24. mansionum per eremum mysteria, continent. Deuteronomium, ultimus pentateuchi liber recapitulat ea quæ in Exodo, Levitico, Numeris, dicta sunt, ac legem Evangelicam præfiguratur. In libro Iosue transitus Jordanis, hostilium regnorum subversio, distributio terræ victori populo, describitur. In libro Ruth fames terræ, Ruth spicas colligentis paupertas, apud Booz gratia, connubium cum eodem, & ex eodem, Obed qui fuit avus David parturitio. imus Regum infantiam vitamque Samuelis, mortem Heli sacerdotis, & occisionem Saul Regis comprehendit. adus gesta David percurrit. Melachim id est 3tius & 4tus Regum à Salomone usque ad Iechoniam & ab Hieroboam filio Nabat usque ad Osee ductum in Assirios, de regno Juda & regno Israel historiam texit; ubi Ecclesiæ paucitas & hæreticorum plurima contra Ecclesiam bella significantur.

Paralipomenon hoc est nominum liber, seu ut Hebræi vocant, verba dierum, estò apud hebræos unus sit, apud nos tamen propter sui magnitudinem divisus est. Omnem scripturarum eruditionem continet, & historias quæ vel prætermittæ sunt alijs locis vel leviter perstrictæ, per quædam verborum compendia explicat.

In Esdra & Nehemia quorum ille adiutorem, hic consolatorem à Domino denotat, instauratio templi, murorum Civitatis constructio, reditus Israelis in patriam, Sacerdotum, Levitarum, profelytorum descriptio ponitur.

Tobiæ liber, quidquid dicant Judæi, pro Canonico ab Ecclesia Catholica receptus, Tobia senioris bona opera, Junioris peregrinationem ac fortunatos successus enarrat. In Judith, superbia Nabuchodonozor totum mundum suo volentis subiugare imperio; Holofernis Ducis victoriæ; obsessio Bethulia; Judith stratagema memoratur. In Ester fastus & crudelitas Aman ex concepto odio in unum Mardochæum totam Judæorum gentem delere cogitantis; ad interpositionem Ester, vindicta Judæorum de hostibus eorundemque lætitia & festivitas. ubi typus Ecclesiæ post devictos hostes triumphantis. Job de resurrectione corporum sic prophetat ut nullus de ea vel manifestius vel cautiùs scripserit. In psalmis Christus canitur, peccata planguntur, laudes Dei celebrantur. Salomon pacificus & amabilis Domini, in Proverbijs, in Ecclesiaste, in Sapiencia, & Ecclesiastico mores instruit: in Cantico Canticorum, sanctarum Christi & Ecclesiæ nuptiarum dulce occinit epithalamium. Isaias non tam propheta quam Evangelista de Messia ex Virgine nativitate vaticinatur, & varia onera varijs prædicit regnis & urbibus. Jeremias virgam nuceam & olam accensam à facie aquilonis & pardum spoliatum suis coloribus inducit tandemque diversis metris quadruplex nectit alphebetum. Ezechiel visionem quatuor animalium aliasque visiones admirabiles complectitur.

plectitur. Daniel lapidem præcisum de monte sine manibus, & regna omnia subvertentem claro sermone pronunciat. Prophetæ minores 12. in uno volumine coarctati aliud sonant in litera, aliud præfigurant. Osee crebrò nominat Ephraim, Samariam, Ioseph, Iesrael, & uxorem fornicariam. Iohel filius Phatuel depingit terram 12. tributuum, eruca bruchio locusta rubigine vastante corruptam, & post eversionem prioris populi effusum iri Spiritum Sanctum in servos Dei & ancillas prædicit. Amos pastor & rusticus ac arborum mora distringens tria aut quatuor scelera Damasci exponit, Gazæ item & Tyri & Idumææ & filiorum Amon & Moab. Loquitur ad vaccas pingues in Samariæ monte existentes & ruituram domum maiorem minoremq; testatur: Cernit quoq; fictorem locustæ, & Dominum stantem super murum litum vel adamantinum, & uncum pomorum attrahentem supplicia peccatoribus. Abdias servus Domini detonat contra Edom sanguineum terrenumq; hominem, fratris quoque Jacob æmulum hasta percutit spirituali. Jonas columba pulcherrima naufragio suo passionem Domini præfigurat, mundum ad pœnitentiam revocat, & sub nomine Ninive, salutem nuntiat gentibus. Michæas de Morasthi coheres Christi vastationem annuntiat filiæ latronis & obsidionem ponit contra eam quia maxillam percusserit Judicis Israel. Nahum consolator orbis iucrepat Civitatem sanguinum. Habacuc luctator fortis & rigidus figit gradum super munitionem ut contempletur Christum in cruce. Sophonias speculator, audit clamorem à porta piscium, & eiulatum à secunda, & contritionem à collibus; indicit quoq; ululatum habitatoribus Pilæ. Aggæus festivus & latus destructum templum ædificat & vaticinatur post unum modicum, venturum desideratum cunctis gentibus. Zacharias memor Domini sui, multiplex in prophetia, Jesum sordidis indutum vestibus, & lapidem 7. oculorum, candelabrumque aureum cum totidem lucernis, duas quoque olivas à sinistris lampadis cernit & post equos varios, ac dissipatas ex Ephraim quadrigas, & equum de Jerusalem, pauperem vaticinatur & prædicat Regem sedentem super pullum filium asinæ subiugalis. Malachias in fine omnium prophetarum apertè de abiectiōe Israel & vocatione gentium & de sacrificio altaris prophetat.

Ducam vos, nisi tædet, etiam ad anænum novi testamenti viridarium. Matthæus, Marcus, Lucas, Joannes, Evangelistæ, Domini Jesu ortum, vitam, doctrinam, miracula, passionem & gloriam buccinantur. Pauli 14. Epistolæ, octo Ecclesijs diriguntur informantque ad omnem Christianæ vitæ disciplinam. Acta Apostolorum, Ecclesiæ nascentis infantiam usq; ad biennium Romæ commorantis Pauli historico sermone retexunt. Petrus, Jacobus, Joannes & Judas Apostoli, septem Epistolas ediderunt breves in verbis, longas in sententijs. Apocalipsis difficillima septem principales visiones continet. In 1^{ra} septem Epistolæ; in 2^{dâ}, septem sigilla; in 3^{tiâ}, septem Angeli tuba canentes; in quarta, mulier amicta sole & draco insequens mulierem, nec non bestia à mari terraq; ascendentes; in 5^{tâ}, septem phialæ plenæ iræ Dei effusæ in terram; in 6^{tâ}, Babylonis, draconis ac bestiarum damnatio; in 7^{mâ} sabbathum & gloria quam electi habituri sunt in fine & futuro seculo: his septem visionibus varijs septem ætates & eventus varij Ecclesiæ describuntur.

En quàm ampla spatiosa & amana sunt nobis viridaria ad expatiandum, ad legendam ambrosiam spiritualem, ad colligendos gratiæ cælestis succos. Et sufficeret quidem ad animi nostri pasturam scriptura sacra cuius synopsis prætexui; ère nihilominus erit etiam aucthores probatos, jam Casísticos, jam Concionatores, jam spirituales manibus terere, oculis lustrare, memoria retinere, ut ex alijs conscientias judicare, ex alijs sermones è rostris Ecclesiasticis dicere, ex alijs spiritum conservare discamus.

Respondebit quispiam: Multa nimium à nobis exquiris. Vastissimum sacræ scripturæ codicem percurrere, libros insuper varios legere quis possit? Imò verò modicum quid à me exigi fatebimini, si pensaveritis, hoc idem beatum Hieronymum teneræ ætati & infirmo sexui imposuisse. Ad Lætam scribit ut Paula ex Toxotio generata pro gemmis & serico Divinos codices amet in quibus non auri & pellis Babylonicæ vermiculata pictura sed ad fidem placeat emendata & erudita distinctio. *Discat, inquit ille, primo psalterium, his se canticis avocet. & in proverbijis Salomonis erudiat ad vitam. In Ecclesiaste consuescat quæ mundi sunt calcare. In Iob virtutis & patientiæ exempla sectetur. Ad Evangelia transeat, nunquam ea de manibus positura. Apostolorum acta & Epistulas tota cordis imbibat voluntate. Cumq; peccatoris sui cellarium his locupletaverit opibus, mandet memoriæ prophetas, heptateuchum & Regum & Paralipomenon libros, Esdra quoq; & Esther volumina, ad ultimum sine periculo discat Canticum Canticorum: ne si in exordio legerit, sub carnalibus verbis, spiritualium nuptiarum Epithalamium non intelligens, vulneretur. Cypriani opuscula semper in manu teneat. Athanasij Epistolas & Hilarij libros inoffenso decurrat pede. illorum delectetur ingenijs in quorum libris pietas fidei non vacillet. Ceteros sic legat ut magis judicet quàm sequatur.* Hæc Doctor sancti nominis, tradens præcepta vivendi adolescentulæ. Quis jam è nobis non erubescat lectionem sacram fugere, librum velut rem venenatam horrere, cum uni virgunculæ tanta legendi imponatur sarcina!

*Inductiva ad
lectionem sa-
cræ.*

*à Statu Sacer-
dotali.*

Et verò eo solo nomine quòd Sacerdotes Dei altissimi vocemur & simus, omni illo tempore quod ab oratione sacrificijs & ministerio nobis adjuncto superest, lectioni sacræ invigilare tenemur. Quippe sacerdotale officium magna debet pollere scientiâ. *Labia sacerdotis custodient scientiam & de ore eius legem requiram.* Porò quàm labia sacerdotis illius, qui aut nullus aut rarus in libris est, scientifica proferent verba? quomodo legis Divinæ testimonia pronuntiabunt? Sacerdos quivis debet esse paratus omni poscenti satisfactionem dare: rudis ac rusticus & ad lectionem piger quam dabit satisfactionem? Sacerdos debet esse potens exhortari in doctrina sana & contradicentes convincere: quæ autem suppetent argumenta idiotis si ea non legerint. Sacerdos in tribunali conscientiæ abstrusissimos resolvere tenetur casus, inter lepram & non lepram discernere: quo pacto id fiet si tractatores materiæ casisticæ non pervoluet? Sacerdos stolidus suum dehonestat statum, suam atq; alienas innodat conscientias, proximorum fraudat expectationes.

*à Statu Mo-
nastico.*

Quæ item monasticam vitam eamq; tam activam quàm contem-
plativam

plativam profiteamur, lectio sacra apprimè nobis necessaria. Ad contemplativam & directè adjuvat illuminando intellectum: & indirectè, removendo pericula erroris qui non rarò contingit in ignorantibus scripturas uti in Abbate Serapione errori Antroformistarum hoc est eorum qui credebant DEUM humanà formà præditum esse, implicato contigit. Ad vitam activam vel maximè confert quum docet qualiter prædicare, Cathedris, cum hæreticis disputare, confessiones excipere, cum familiaribus conferre rite & rectè possimus. Quo putatis honore afficitur Religiosus ille qui ad sæculares egressus nihil quod eruditionem sapiat loquitur, nihil de scripturis profert! Quam damnationem sibi accersit qui audet confessorem agere, supinè interea negligens in discendis illis quæ Confessarij postulat subsellium! Quod probum quod dedecus Religioso illi qui sive domi sive foris rogatus de aliqua quæstione, asininam usurpat responsionem: *Nescio*. Itane tu nescis hoc vel illud ad salutem aut doctrinam pertinens? Cur ergò habitu scientiam polliceris; tu nescis, cuius tota vita debet esse in lege DEI meditatio? tu nescis qui alios erudire obligaris? tu inquam, nescis cuius actio omnis, loquela omnis, doctrina debet esse populorum?

Inter opera misericordiæ spiritualia unum est ignorantes docere ad quod vel maximè nos sacerdotes & Religiosi adstringimur: qua ratione id implebimus qui cum ignorantibus malumus ignorare quàm discere, nunquam imperitorum magistri quia nunquam peritorum discipuli.

Et ut omittam cætera, quanti momenti est quòd DEUS in lectione sacra nobis loquitur. Sic enim suaviloquentissimus & omnis expertus stridoris Stridonensis Orator scribit Eustochio: *Oras? loqueris DEO. legis? DEUS tibi loquitur*. Qui itaq; legere non vult, non vult ut DEUS loquatur sibi: obturat aures ad locutionem Divinam: verbum DEI audire detrectat atq; idcirco ex DEO non est juxta tremendum ipsius Christi oraculum.

à Præsentia
Dei nobis in
lectione lo-
quentis.

Ut verò particulares quoq; nostras vel leviter attingam obligationes, vi & vigore statutorum, spirituales conferentias quavis septimana diebus jeuniorum jubemur instituere: examen ex materijs moralibus sancta lege inductum singulis angarijs subire compellimur: deniq; quod superest temporis à devotione & communi servitio, totum lectioni studijs alijsq; Religiosis impendere exercitijs expressa juris nostri sanctione monemur; nulli horum satisfaciemus absq; crebra convenientium librorum pervolutione.

à Particulari-
bus nostris ob-
ligationibus.

Emaciabit carnem nostram lectio & lectorum meditatio? Quare ergò non emaciant Æsopi fabellæ? quare ubi ludus & oblectatio est, velox es ad librum, ubi verò difficultas & sudor mixtus labori, tardas? Perfringeat olim Hieronymus Clerum quòd dimissis Evangelijs & prophetis comædias legeret & amatoria bucolicorum versuum verba cantaret: eodem & nos digni conspergi sale, si in sacra lectione oscitamus, in curiali & profana minimè tædiosi. Saltem itaque cœusq; lege donec placet, donec delectat, donec tædium abest: quippe ut ad stomachum ignavorum aliquid proferam, sacra lectio debet esse ad delectationem non ad laborem.

Lectio quo-
usq; durare
debet?

Hier: ad de-
metriadem.

Z

Lego,

Ut sit fructu-
osa, calamus
adhibendus.

Lego, inquires, sed mox obliviscor? ut fructuosa sit lectio, ad eam stylum adhibe. Lectionem absq; scriptura somnum appellat Damascus suo scribens Hieronymo. Nimirum sicut ea quæ per somnum videmus, illico obliviscimur; ita quæ legimus, facile è memoria excidunt nisi saltem insigniora annotentur.

Verum ut redeam unde discessi, apes ductores suos habent: nec nobis defunt antezambulones quos hoc in passu sequamur.

Exempla lecti-
onis.

Celeberrimus ille ac inclytissimus pro Patre suo totaq; domo ipsius Orator D. Hieronymus quem honoris causa sæpius nomino cui Homerus vel invideret vel succumberet, quo loquente Demosthenes Tulliusvè os suum oppilarent & mutos ac elingues se mirarentur, qui Religionem nostram, non modo diserta panegyri Patrem honorando, sed etiam propositi Paulini seipsum sectatorem pluribus in locis testando cohonestavit, hic inquam Ecclesiæ sol lucidissimus, Ordinis nostri splendor, teste Posthumiano apud Severum Sulpitium non diebus non noctibus quiescebat, sed aut legebat, aut scribebat, aut orabat. Idem Nepotianum laudat quod lectione assidua & meditatione diuturna pectus suam bibliothecam Christi fecerat & quod dum Epistolas suas etiam in stratu frequenter evolveret, super pectus soporati dulcis pagina decidebat. Thomam de Sabaria memorant annales nostri literis sacris continuo invigilasse & ferme cum dispendio sanitatis lectioni fuisse intentum. At quid volo particularia retexere nomina? totus ordo noster, quæso unde olim floruit? respondebis: Ob jugem meditationem & orationem; sic enim constitutiones innuunt, sic Caroli Pannoniæ Regis testantur literæ. At qui recta & vera de Divinis meditatio absq; prævia lectione aut lectionis nequit esse auditu. Dicit namq; B. Augustinus in *scala paradisi*, non posse nos cogitare gesta Sanctorum, non posse item cavere ne falsa aut inania meditemur nisi prius ex lectione aut lectionis auditu fuerimus instructi. Jugem igitur meditationem in Patribus nostris jugis præcedebat lectio, sequebatur oratio, clauderat contemplatio. Finiveram nisi mihi historia ex nostris occurrisset antiquitatibus. Frater quidam Clericus Ordinis nostri in Conventu de Laad ferali inclusus Capulo jam jam sepulchro inferendus, ingenti adstantium stupore sese erexit redivivus ac in has erupit voces: *Orate pro patre Clemente, ecce enim sub ligno Cerasi legit in quodam libro magno.* quo dicto caput sacrophaco recondendum reclinavit. Obierat autem ibidem aliquot ante diebus Superior canonicus Clemens nomine. Quæ lectio ista, quæ Cerasus, quis liber fuerit, non nostrum est Divinare. sub rosa judiciorum DEI hæc latent: licet nihilominus coniecturare, pigritiam legendi hac mulctatam esse penitentiam, ut post fata compensaret passio quod in vita neglexerat actio. Hoc ideo narravi ne putes impune abituram in legendis sacris libris socordiam, ne falso existimes stoliditatem in judicio DEI causæ tuæ patrocinatorum.

Athenienses literarum studiosissimi in labaris signisq; suis bubonem solitudinis ac lectionis symbolum, adiecta tesserâ, *ea sola voluptas*, præferebant; nobis equidem unica voluptas esse debet in angelo cum libello commorari.

Ergo nunquam, dum vacat, de manu nostra recedat liber. Pudeat nos

at nos Davos esse, pudeat Thrasones esse in tanta literarum luce abhorrentes à literis. Crebrius legamus: discamus quàm plurima: tenantibus codicem somnus obrepit, & cadentem faciem pagina sancta suscipiat. *Si legimus flores & humi nascentia fraga; flores fructusq; scripturarum odoriferos cur non curemus legere? Habeamus (verbis auctoris Hieronymianis ad Nepotianum) habeamus cellulam pro paradiso varia scripturarum poma decerpamus: his utamur delicijs harum fruiamur complexu.* Aperti sunt oculi protoparentum nostrorum in esu pomi: illuminati Jonathæ in gustu mellis: melius sanctiusq; nostri aperientur & illuminabuntur in esu & gustu veterum novorumq; pomorum hoc est in lectione & ruminatione mysteriorum veteris ac novi testamenti, nec non veterum novorum tractatum à probatis editorum authoribus. Sic interiori pollentes lumine, securè quantum fas est per vitam nostram inter gladios & scorpiones, inter profundas scrobes & præcipitia gradiemur, cæteris propter cæcitatem in foveam errorum & peccatorum cadentibus à lapsu præservandi.

D E V O T A

M I S S Æ C E L E B R A T I O.

Postquam Pharisæis sciscitantibus de mandato magno satisfecisset Christus, ipse quoq; theologicam eisdem proposuit quæstionem: *Quid vobis videtur de Christo?* errantesq; Davidico convicit oraculo, ita quidem ut nequaquam ampliùs antiquus ille serpens per malignorum ora sibilaverit contra Dominum sed contortus & evisceratus filere venenaq; sua intra se tenere debuerit. Si ego sublimem hanc quæstionem vestræ charitati proposuero: *quid vobis videtur de Christo,* protinus cum Petro Petriq; Cathedra acclamabitis Salvatori: *Tu es Christus Filius DEI vivi.* Digna equidem Cælis Confessio? sed hæc personam servatoris nostri concernit: Officium in præsentiarum requiro. Si hæreatis, ego cum David Psalmo eodem, imò versu eodem quem Dominus in Evangelio adduxit, Redemptori occino: *Tu es Sacerdos in æternum secundum Ordinem melchisedech.* At quomodo in æternum? nimirum Sacerdotium eius secundum Ordinem Melchisedech perpetuo in nobis durat, durabitq; ad finem usq; mundi. Accipite ad membra, à Christo ad nos sermonem inflectamus; interrogemus nosipsum: Quid nobis videtur de nobis? sumusne Sacerdotes secundum Ordinem Melchisedech? rectène fungimur officio Sacerdotij? num dignè panem & vinum consecramus atq; offerimus? Huic interrogationi quid unusquisq; nostrum responsurus sit, præsens iudicabit indicabitq; sermo in quo monstrare adnitur, quo pacto tremendum sacrificium peragendum sit, modo ille ipse qui arguta aut verius arrogantia non benè de Divinitate sua syllogisantium Judæorum conclusit ora, meum benedictione sua aperire dignetur.

Missæ ut de alijs nomenclationibus fileam ab hebræa dictione *Mis-* Missæ erymō.

ſach ſacrificium beneplacitum ſignificante, ſuum derivat vocabulum: Ordinem eius ſtrictim pono.

Conſtitutiva
Miſſæ.

Inchoatur à præparatione & inſtructione. Præparatio quatripartita fit *primo* per Laudem Divinam in introitu. 2dò per replicationem miſeriæ noſtræ præſentis quæ triplex potiffimum eſt: ignorantia, culpa, & poenæ, contra quàm invocatur miſericordia DEI novies repetito Kyrie, ut ſingulas perſonas Divinas terno Kyrie veneremur. 3tiò per memoriam cæleſtis gloriæ ad quam poſt miſerabilem ſæculi huius conditionem, obtinendus ſperatur & ſuſpiratur à nobis ingreſſus. 4tò per orationem pro populo ut dignus ſacraſtis inveniatur myſterijs. Inſtructio fit per doctrinam Prophetarum & Apoſtolorum: poſt cuius lectionem dicitur graduale quod ſignificat profectum ſpiritualem: & alleluia in ſignum exultationis internæ, vel tractus in Officijs luctuoſis qui gemitum pænitentialem indicat. Præviam & quaſi diſpoſitivam per prophetias & Epiſtolas Canonicas inſtructionem ſequitur perfecta per doctrinam ipſius Chriſti in Evangelio contentam inſtitutio cui ſymbolum fidei ſubijcitur ut palàm fiat nos ea quæ Chriſtus docuit & corde credere & ore confiteri. Sic præparato & inſtructo populo proceditur ad ipſius Myſterij celebrationem quod quidem offertur ut ſacrificium, confeſcratur autem ac ſumitur ut Sacramentum; unde inprimis peragitur oblatio, poſtea confeſcratio materiæ oblatae, ultimò ſumptio.

Circa oblationem duo fiunt: Laus DEI per cantum offertorij & Oratio Sacerdotis qua orat ut oblatio populi ſit accepta.

Confeſcratio his perficitur; imò populus excitatur ad devotionem dum jubetur *ſurſum corda* habere. qua propter hic ut & Sacerdos laudat devotè Trinitatem cum Angelis per triſagium; & cum pueris humanitatem Chriſti, per illam Cantionem: *Benedictus qui venit in Nomine Domini*. 2dò, Sacerdos commemorat eos pro quibus ſacrificatur ut univerſam Eccleſiam, perſonas in ſublimate poſitas & ſpecialiter fideles nonnullos pro quibus offerre inſtituit: commemorat præterea Sanctos quorum patrocinia pro præſatis implorat. 3tiò, accedit ad ipſam confeſcrationem, ubi primum petit ipſum fieri confeſcrationis effectum cum dicit. *Quam oblationem &c.* mox Confeſcrationem peragit per verba Salvatoris. Poſtea excuſat præſumptionem per obedientiam ad mandatum Chriſti cum dicit. *Unde & memores &c.* tandem orat, quatenus ſacrificium Deus acceptet illâ preſonatione: *ſupra qua propitio &c.* Demum implorat ſacrificij & Sacramenti effectum pro ipſis ſumentibus & adſtantibus: item pro defunctis qui jam ſumere non poſſunt: nec non pro ſeipſo.

Ad perceptionem hæc concurrunt. Præparatur Sacerdos & populus per Orationem Dominicam, nec non per pacem quam in Agnus DEI & ſequentibus Orationibus ſuppliciter precatur. Sumitur Sacramentum à Sacerdote & huius miniſterio à populo. Gratia aguntur pro ſumptione & completionem Myſterij populo exultante per cantum, qui fit poſt Communionem.

Singularum actionum & cæremoniarum Myſteria percenſere & explicare longum eſſet: univerſim dico & pro regula ſtatuo, omnia quæ in ſacrificio fiunt, ut Cruceſignationes, brachiorum extensiones, poplitum

pöplum flexiones, thurificationes & eiusmodi alia: aut pertinere ad repræsentationem gestorum in Passione Domini: aut pertinere ad reverentiam Sacramenti in quo Christus secundum veritatem continetur. Hæc instar Cathechismi præmissa sunt.

Ad huius ergo tremendi Mysterij devotam & tantæ Maiestatì congruam celebrationem nos velut classico quodam hortaturus Apostolus, post multa disertis fortibusq; verbis de æterno Sacerdotio & Sacrificio Christi secundum Ordinem Melchisedech perorata, hæc subiungit: *Propterea regnum immobile suscipientes habemus gratiam per quam, Ad Hebr: 12.*
serviamus placentes DEO cum metu & reverentia. Etenim DEUS nos-
ter ignis consumens est. Regnum in hagiographis capitur pro Sacerdotiali munere: Unde & Divus Petrus in sua Canonica regale Sacerdotium appellat: & in Apocalypsi regnum cum Sacerdotio commiscetur. Verè Sacerdotium, regnum! quia ad illud ritè administrandum sacratori initiamur unctione, potestatemq; ac characterem indelebilem à Christo per impositionem manuum Episcopaliū accipimus. Divinius certè & potentius regnum istud quàm quodvis politicum mundi imperium: nam per hoc non nisi in corpora jus & gubernandi authoritas acquiritur: per illud etiam, & peculiariùs quidè, reguntur animæ. Quo circa dignitatem flaminum suorum quantumvis nostro Orthodoxo iudiciò fulem & superstitiosam pensantes Gentiles, pontificium cum regio maritabant honore, nec licebat Dialem esse nisi Regi juxta illud apud Livium lib: 26. *Pontifices, sacrificuli, Augures, Reges creentur.* Servire hoc eodem textu arbitror idem esse quod sacrificare. Servitus enim & latria idem sunt, Sacrificium autem est actus excellentissimus latriæ; nam per sacrificium, nostram subiectionem & servitutem erga DEUM protestamur. Sensus itaq; Apostolicæ sententiæ iste est: Quia vi Sacerdotij regalis nacti sumus potestatem sacrificandi eamq; immobilem & ut legit D. Chrysostomus inconcusibilem, igitur sacrificemus cum timore & reverentia, & quod caput rei est, cum ornatu gratiæ sanctificantis quæ nos faciat supremo placere Numini: Ad altare enim accedentes non accedimus ad montem fumantem, nec ad caliginem in qua Moyses loquebatur cum DEO: sed accedimus ad ipsum IESUM Mediatorem novi testamenti eiusq; sanguinis asperzionem.

Tria ut vides reposcit Apostolus in Ministris offerentibus: gratiam per quam DEO placeant; metum & reverentiam; Abiq; his & horum singulis litare, piaculum. Singula diligentius perstringamus. In primis placere jubemur. Ut porro in Ministerio altaris Divinis placeamus oculis, non jam lavandis nobis mattiacas pilas conquirere, non spumis batavis sordes & lentigines abstergere, non psilotro aut dropface hirsutam deglabrare cutem, non teonotris erugare faciem, non deniq; cerussa, quod mulieres (grandis Christianorū tentatio) faciunt, colorem mutare necesse habemus sed maculas animæ tollere & quamlibet fæditatem spiritualem emundare. Levitici 21. præcepit Dominus Moyfi: *Loquere ad Aaron. Homo de semine tuo per familias qui habuerit maculam non offeret panes DEO suo nec accedet ad Ministerium eius. Si cæcus fuerit, si claudus, si parvo vel grandi, vel torto naso, si fracto pede, si manu, si gibbosus, si lippus, si abluinè habens in oculo, si jugem*
Aa *scabiem,*

Regnum in
scripturis idè
quod Sacerdo-
tium.

Tria requiruntur in sacrificante.

Vitijs depulsis jubemur DEO placere per gratiam sanctificantem.

scabiem, fimpetiginem in corpore vel herniosus. Omnis qui habuerit maculam de semine Aaron Sacerdotis non accedet offerre hostias Domino nec panes DEO suo. Arcentur hoc decreto Divino à sacrificandi Officio omnes cæci, claudi, sili, simi, pterigiosi, ramices & hernias patientes, & ut uno cuncta complectar verbo, omnes aliquo deformes nævo. Quid enim? ergò lepra corporis, animæ præfertur vitijs? ergòne deterior apud DEUM claudus, quam ille qui in via mandatorum Divinorum cespitat & labitur? ergò scabies animæ non fætet DEO, fætet vitiligo corporis? *Præcipitur Sacerdotibus* (ait Hier: ad Fabiolam) *ne ulla debilitate insignes sint, ne truncis auribus, leso oculo, simis naribus, claudo pede, cutis colore mutato: quæ omnia ad animæ vitia referuntur. Voluntas enim in homine non natura damnatur.* Et D. Tho: 1. 2. q. 102. ar: 5. Maculæ, inquit, vel defectus corporales à quibus debent Sacerdotes esse immunes significant diversa vitia & peccata. Prohibetur enim ne Sacerdos sit cæcus id est ignorans: ne claudus, id est instabilis & ad diversa se se inflectens; ne parvo vel grandi naso, hoc est ne per defectum discretionis seu in plus seu in minus excedat; per nasum namq; cum sit discretius odoris, discretio designatur: ne fracto pede, vel manu, intellige, ne sit absq; virtute bene operandi, aut ad bonum tendendi. Repudiatur etiam à Sacerdotij munere habens gibbum, scilicet superfluum amorem terrenorum. Repudiatur lippus hoc est carnali affectu in anima obtenebratus. Reijcitur albuginem patiens in oculo per quam significatur præsumptio candoris justitiæ in sua cogitatione: reijcitur scabiosus, hoc est prurientis & petulantis carnis. Excluditur impetigine, per quam notatur avaritia, laborans. Excluditur deniq; herniosus & ponderosus qui, velut in scroto intestina, gestat pondus turpitudinis in corde quamvis eam non exerceat opere. Vides hinc perspicuè, per legem quæ tota spiritualis est, non tam corporis quam animæ vitia repelli à sacrificio, ut illis amotis, gratiâ, quæ est speciosissima animæ forma, niten-tes, Divinum delectemus obtutum. Vides item, quod Moyses longo circuitu, corporales describens corruptiones, jubet à Sacerdote abesse, hoc Apostolum unico *placendi* expressisse vocabulo. Cum metu item jubemur sacrificare. Cur autem? forsitàn quia peccatis hinc inde Sacerdos gravatur offerens. Legalis ornatus Pontificis totum figurabat mundum ut fuscè habet D. Hieronymus de vestitu Sacerdotali: Et sap: 18. dicitur in *veste Aaron descriptus fuisse Orbis terrarum* eò mysterio quòd non pro suis tantum sed & pro totius mundi placare debebat Numen delictis. Etiam & multo excellentius in novo testamento Sacerdos totius mundi sequester est. Bina armatus Cruce ad altare ingreditur: hac, quæ ante, signantur peccata propria, hac quæ retro, peccata aliena; peccata porro vindictam clamant, pænasq; post se lege irrefragabili trahunt tam temporales quam æternas. Justa proinde metuendi intra sacrificium causa; ne scilicet nos qui peccata & nostra & aliena portamus, & nostram & alienam damnationem incurramus. Est & alia timoris istius causa: nimirum quia DEUS in sacrificio cui adstamus, inscrutabili justitia pro nostris quotidie filium suum facit immolari sceleribus. *Tremebat pia Mater cum videbat nati panas indyti:* cur nos totâ mente non contremiscamus, in quorum ma-

Item cum metu jubemur sacrificare.

rum manibus offertur victima Christus! qui ad asperisionem sanguinis eius accedimus! qui non solo visu, sed manibus, sed ore, sed visceribus tam veneranda Mysteria contingimus! Maximam hîc ego in rem præsentem possem exemplorum producere farraginem nisi tædio vestro consulens ad finem properarem. Non me tamen teneo quin unum ex antiquario Religionis nostræ proferam. Adolescens quidam claustrum S. Spiritus in Pilisio ingressus prætextaq; regulari indutus post complura largiori spatio edita vitæ Religiosæ specimina, retro respicere capit decrevitq; ad sæculum redire. Magister desiderium sæculi excutiebat, nihil tamen proficiebat. Tandem cum nullo persuasione ariete murum valeret obstinationis frangere, *eia inquit, fili expecta tantisper donec sacrificium Missæ audias, ne insalutato Numine Religioni videaris vale facere.* Consensit ille. Post Sacrificium à Patre Spirituali ad sumendum viaticum panem invitatus, procidit ad pedes eiusdem lachrymabundus, veniam erroris & professionem Religiosæ vitæ suppliciter postulans. Admiranti & causam mutatæ sententiæ roganti Magistro, *Vidi, ait, sub Sacrificio in elevatione hostiæ IESUM Christum à vertice usq; ad plantam pedis cruentatum quo viso sic terror eius me occupavit, ut timeam quidquam cogitare quod honori eius derogaret?* Si nos eadem visione dignaretur Christus, profectò toti quanti expavesceremus. Sedenim certior & infallibilior fides quàm sensus. Cum ergo credamus Christum à planta pedis usq; ad verticem capitis vulneratum, sanguine rubentem, plagis quondam lividum, nunc verò gloriosum & in throno paterno confidentem, hîc contineri, à nobis tangi, offerri, manducari, non timebimus? pavor & tremor salutis nostros non occupabit artus? Propositas metus rationes approbat Apostolus dum suam ponit: *Quia DEUS noster ignis consumens est,* ac si diceret: Cum metu sacra peragite quia DEUS cui sacrificatis, quem inter Divina contrectatis non est legalis nebula, non caligo mera, non tubæ sonus, sed ignis isq; consumens. Ad ignem appropinquant, non secure, non temerarie, at pavidè & circumspicte appropinquamus ne aduramur, aut vehementiâ flammæ absorpti concrememur: DEUS noster ignis est, & ignis virtutis infinitæ, ignis activitatis immensæ, ignis qui & corpus & animam consumere valet. Igitur ante faciem eius non timebimus? igitur absq; metu, manu temere audaci eum palpabimus? Levit: 10. egressus ignis à Domino devoravit Nadab & Abiu filios Aaron incensum adolentes: Incensum merum & sacrificium verum, quantum putas distant? si itaq; ob thymiana irreverenter oblatum, ebullijt à Domino incendium & temerarios exanimavit: tu securus eris nec te sancta more profano tractantem invisibilis absument flamma!

Reverentia, tertium sacrificantis adjunctum, est personæ excellentis per gestus & signa honorifica veneratio ex metu quodam ortum ducens. Dicitur *ex metu quodam.* Reverentiam enim esse actum timoris D. Thomas 2. 2. pluribus in locis habet. Commendant eam requirunt in Ministris altaris scripturæ. Apocal: 4. vidit B. Joannes & ecce sedes posita erat in celo & supra sedem sedens, & qui sedebat similis erat aspectui lapidis jaspidis & sardinis: & iris erat in circuitu sedis, similis visioni smaragdine. Vidit insuper in circuitu throni ani-

Reverentia
tertium sa-
crificatis ad-
iunctum.

malia decantantia Domino laudem, & seniores procidentes ante thronum & mittentes coronas suas ante eundem. Cælum, Ecclesia est. Sedes, Sacramentum Eucharistiæ. Per sedem accipias licet & altare. Sedens, Christus: qui similis lapidi jaspidi, propter Divinitatem. *In Apocalypsi* *spis viridi colore* (ait Gregorius Cælius) *aspectum delectat & refert essentiam Divinam, cuius delectabili pretiosoq; aspectu futuri sumus beati.* Similis quoq; sardio propter humanitatem: quandoquidem sardius sanguinei coloris est Christumq; *trabeâ rufæ carnis nostra indutum* ac pro nobis sanguine manantem repræsentat. Iris in circuitu sedis. Planè visio hæc imaginaria spectandum aliquid D. Joanni offerebat ad instar Monstratorij seu ferculi Eucharistici quod circumquaq; iride auro gemmisq; fulgurante cingitur. Iris propitiationem significat vocaturq; ab ipso Deo signum fæderis ut propterea iris hæc apocalyptica simulacrum sit Sacrosanctæ Eucharistiæ quæ Sacramentum novi fæderis seu novi testamenti appellatur. Et sedes ergo & iris idem sunt quoad mysticam intelligentiam, ad quam smaragdinus viror Divinam figurans misericordiam accedit. Quorsum verò ista? scilicet ut nos qui Presbyterorum hoc est seniorum titulo & Ordine refulgemus, exemplo seniorum 24. quo numero proborum universitas declaratur Sacerdotum, doceamur qualiter in Cælo Ecclesiæ, in sede altaris Christum iride Eucharistica cinctum revereri debeamus.

Eadem ni fallor res alijs alibi adumbratur typis Apoc: II. *Aper-
tum est templum DEI in celo & visa est arca testamenti in templo.
Et facta sunt fulgura & tonitrua & voces & terra motus & grando magna.* Sensus est. Postquam Mysteria Divina omni templo sacratio-
ra, relecta & revelata sunt per Christum, patuit fidelibus Arca testa-
menti hoc est Eucharistia quæ per arcam testamenti in lege veteri fi-
gurabatur. Verè arca fæderis, seu signum fæderis! verè iris similis
visioni smaragdinæ! ubi notari velim, quòd quoties Deus propitia-
batur populo, toties fædus cum ipso inibat & signa fæderis tanquam
pacis obsides relinquebat: ut iridem in lege naturæ: Arcam in lege
Mosaica: Eucharistiâ in lege Evangelica. Postquam ergo apertum est
templū Dei in cælo, visa est arca testamenti eius in tēplo eius, id est: re-
velato Ecclesiæ Mysterio (ait cælicus Cælius) *patuit omnibus credentibus
notitia incarnati DEI revelatoq; veritas Eucharistia eius.* Quid autem
postmodū secutū est? *Et facta sunt fulgura & tonitrua & voces & terra
motus & grando magna.* Singula è prædictis meteoris physicorum est
describere; nos myticum perquiramus sensum. Misa allegoricā ex-
positione ad moralia descendendo, fulgetra seu coruscationes, sunt il-
luminations mentis ex lectionibus prophetiarum, Epistolarum Cano-
nicarum, Evangeliorum. Tonitrua sunt affectus animi è corde velut
è nube gravis ad DEUM erumpentes. Voces sunt preces piæ. *Mira est*
ait Cicero *natura vocis cuius quidem è tribus sonis inflexor acuto, gravi,
tanta sit & tam suavis varietas, perfecta in cantibus.* Et precum quæ
ad DEUM funduntur, potissimum intra sacrificium Missæ, mira est na-
tura, mira suavis, suavis varietas, varia perfectio & absolutio. Ter-
ræ motus significat pavorem: & quemadmodum ex terræ motu, fit
ruina, tremor, titubatio, pulso, exforatio, scissio, submersio, ut ait Ari-
stoteles: ita ex pavore fit ruina arrogantia, prostratio ac humiliatio
animi.

Explicatio spi-
ritualis mete-
ororū Apoc: II.
positorum.

animi, scissio cordis ad pœnitentiam,mersio oculorum in lachrymis. Grando est calidior & rarior vapor in frigidioribus medijs æeris locis congelatus diversas habens figuras pro conditione materiæ & circumstantium æeris qualitatibus. Designat duri & congelati cordis comminutionem, & in lachrymas resolutionem. Grando ex aqua è terris ascendente fit, iterumq; aquam terræ reddit, ut per eam gratitudo quoq; & acceptorum beneficiorum recognitio ac refusio notetur. Facta ergo sunt ante arcam testamenti fulgura & tonitrua cum alijs recensitis: quia postquam innotuit sacrificium & Sacramentum altaris, fideles internis moniti illustrationibus, in affectus laudis, gratiarum actionis, amoris, in voces precesq; sono oris faciendas magno animi impetu & quodam ut sic dicam fragore ferebantur, sanctoq; timore ex consideratione tremendi mysterij concussi proruebant in facies suas, & totum quidquid haberent Deo referebant, seipsos in nihilum redigentes atq; identidem in pias lachrymas velut grando colliquescentes. Visa sunt hæc Joanni in circumstantia præteriti temporis sed futurum Ecclesiæ statum indicabant & simul informabant. Nobis imaginaria hæc visio ideam exhibet quænam altari ministrare debeamus? quo metu, quâ reverentia, quo honore? Felices nos si post fulgura sacrarum lectionum quibus in Missa, ut præmissi, instruitur poulus unâ nobiscum, si inquam tonamus internis externisq; laudibus Divinis, affectibus motibusq; mentis incalescimus! si, quia terra sumus, metu ante Deum concutimur, humilitate prosternimur, & ruinâ nostrâ, prociidentia nostrâ reverentiali Maiestatem Dei supremumq; eius dominium profiteamur! si velut grando in devotas liquamur lachrymas, totumq; Deo auctori quod sumus & habemus referimus! Etiam in lege veteri simulacra hæc præcesserunt. Nam Pontifex sanctuarium ingressurus, mala punica & tintinnabula à fimbrijs vestimenti sui dependentia gestabat, per quæ juxta SS. Patres fulgura & tonitrua signabantur. Hoc idcirco adduxi, ne stupeas quòd fulgura & tonitrua cum sacrificio Missæ commiscuerim.

Erravit ergo Pœta qui dixit: *Offendunt nunquam thura precesq; Iovem.* Crebrò siquidem offendunt thura Deum, quia crebrò absq; pulchritudine animæ, absq; pavore salutari, absq; reverentia fiunt debita. Rudolphus Pius de Carpi Cardinalis Diaconus pingi sibi fecit altare, super quo flamma ascendebat, hinc inde stabant simulacra manibus trunca, sexu carentia, anchoris ad aram revincta. In fronte altaris: *Litatur: ad partem, tensis vi retinaculis*, inscriptiones visebantur. Qualiter sacrificium celebrandum sit, hac edocetur imagine. Corpus & anima instar columnarum debent esse alligatarum ad aram anchoris; anchora una, metus; altera, honor reverentialis: Quilibet sacrificans, necesse est, sit velut colossus aut cylindrus, non fluctuans mente, non se velociter gyrans corpore. Purus castusq; sit & in carne sine carne vivat, ac si sexu careret, nulloq; scelere se contaminari patiat. In ara enim cui adstat, *DEUS noster ignis consumens est.*

Jam hîc subsisto, & assumptam in exordio sermonis retexo interrogationem: Quid nobis videtur de nobis? Ritene & rectè fungimur Officio Sacerdotij? videmus certè ex allegatis, sacrificium peragi debere in gratia Dei, cum metu, cum reverentia. Quoti verò

Bb

sunt Sa-

Mart:


Typotius.

sunt Sacerdotes qui ad Sacrificium Missæ velut ad brutæ hostiæ im-
molationem, velut ad mensam familiarem, velut ad ludicram opera-
tionem accedunt imparati, impavidi, irreverentes. Panem consecra-
tum minori accipiunt reverentiâ, quàm profanum; imò hunc qui-
dem lotis manibus, illum illota manducant conscientiâ; CrySTALLINA
aut MYRRHINA manibus magis sollicitis ac pavidis contingunt quàm
sacrum Calicem.

Ad Fabiolam
de vestitu Sa-
cerdotali.
Ad Nepotianum

In templo Salomonis gemebat ara sub auro, fermeq; omnia vasa
ex auro erant fabrefacta ut homines fulgore externo metum & re-
verentiam Divinorum conciperent. *Aurò legis sanguis Evangelij pre-
tiosior est.* Si tanta Majestas talis divitiarum apparatus fuit quando
juventa cædebantur in victimam & sanguinis pecudum redemptio erat
peccatorum; nunc quando vivo JESU CHRISTI sanguine aspergimur,
potamurq; , luridi, squalidi, nullo ornatu decori stabimus! hoc autem
dico non quia aurum in templis ac Sacerdotibus requiro quod cum
cæteris Judaicis superstitionibus repudiari suavit Hieronymus; sed quia
fulgore tanti Mysterij ad metum & reverentiam ipsius perurgere se
debent & populus & Sacerdotes, potissimum verò Sacerdotes. *Si habe-
res Angelicam puritatem & S. Ioannis Baptista Sanctitatem non esses
dignus hoc Sacramentum accipere aut tractare.* ait Thomas à Kempis:
jam dic mihi quomodo vinum bibes virginitatem germinans, cui cym-
bia & frequentia pocula ad luxum & luxuriam placent? Hei mihi
cum candore interno lilia vincere, eboris superare candorem, Spar-
tani coloris albedinem excedere deberemus, picei plumbeique fumus
peccatis nos denigrantibus. *Quis putas ille sub calo est* exclamat
sacri nominis Doctor, *qui nunc adinstat Aaron ira DEI possit occurrere,
qui furentibus obviare flammis? Percunt cum pastoribus greges, quia
sicut populus sic Sacerdos.* Quotus putas est qui sacrificijs provocet
potius quàm cohibeat iram DEI! Forsitan maiore olim reverentiâ li-
nigeri filtratiq; calui ante thesas stabant, quàm nunc Sacerdotes an-
te sacratas aras; maiore decentia & compositione dives aliquod atriũ
ingredimur, quàm sanctuarium; ad aram velut ad haram non rarò ac-
cedimus. Quòd dico non omnibus dico. absit injuria pijs & timoratis
Sacerdotibus qui cum Nepotiano Presbytero *sui in carne contemptores
totum anima. investigant ornatum,* atq; ad altare Christi procedunt in-
tus & extra compositi & circumornati ut similitudo templi. Curemus
itaq; sacrificium Divinæ Majestati offerre placendo ipsi per gratiam.
Cum omnimoda reverentia, cum timore & tremore sacris aditemus al-
taribus, ut inter 24. Presbyteros folium cæleste mereamur & cum

Christo, æterno Ordinis Melchisedech Sacerdote à dextris
DEI sedente regnum immobile obtineamus,





P A R S II.

IN QUA PROPRIETATES RELIGIOSORUM
SECTANDÆ PROPONUNTUR.

S O L I T U D O

C L A U S T R A L I S.

Memorat sanctum Evangelium sequentis Dominicæ, Christum Dominum ductum in desertum Eremiticam deguisse vitam nec inde egressum donec quadraginta dies consumparentur. Vita Christi, doctrina nostra est, actiones eius instructiones nostræ sunt. Quid autem dogmatis quadragenaria hæc Servatoris nostri affert nobis solitudo! commonet scilicet nos ut qui semel solitariam vitam amplexi sumus, qui mundanas conversationes, professionis Sacramento ejuravimus, non amplius ad mundum aspiremus, contuberniis sæcularium non amplius nos ingeramus, consuetudinem omnemq; familiaritatem quam relicto sæculo penitus reliquimus fugiamus; uno verbo, juratam amemus solitudinem donec quadragesima vitæ præsentis currit, antequam Pascha æternæ felicitatis adveniat. Et verò nihil nocivius est Religiosis imò Religionibus & Monasterijs quàm si monachi nominis & propositi sui obliti ex solitudine Monasterij frequentius in publicum prodeant, sese in mundanas insinuēt amicitias, vagantesq; hinc inde propriam sectentur recreationem vel lucellum. In præsentī igitur, amorem solitudinis suadere volo, Eremisantis Christi Domini ope implorata.

Solitudinem oris præconio celebraturus, illud præmoneo, me non vastissimam Thebaidis Eremum aut quodcunq; aliud solis feris pervium desertum in scenam velle producere. Talis enim solitudo maximè periculosa est & non nisi perfectissimis viris convenit, qui aut studio exercitiove proprio aut certè peculiari gratiâ Divina laboris humani supplente industriam, consummationis in vita Christiana attigerunt apicem. Deniq; ut expressius cum Hieronymo loquar: *de ludo Monasteriorum huiusmodi milites ad Eremum egredi oportet quos Eremitæ dura rudimenta non terneant: qui specimen conversationis suæ multo tempore dederint: qui omnium fuerint minimi ut primi omnium fierent; quos nec esuries aliquando nec saturitas superavit: qui paupertate letantur: quorum habitus, sermo, vultus, incessus, doctrina virtutum est: qui nesciunt secundum quosdam ineptos homines demonum pugnantium contra se portenta fingere ut apud imperitos & vulgi homines miraculum sui faciant & exinde lucra sectentur.* Undè plurimi inconsultè nec ponderata prius imbecillitatis suæ mensurâ, tenebrosa silvarum antra petentes in potestatem Principis tenebrarum venerunt; alij in

Solitudo Eremitica periculosa.
Vide S. Thom.
2. 2. q. 188.
articulo 3.

Ad Rusticum.

Multi imperfectiores in ea lapsi.

medio itinere corruendo, alij antequam inciperent progredi, labendo. Legantur hac de re historiarum, revoluantur vitæ & collationes Patrum; innumera profecto occurrent exempla legentibus seductorum per damones Eremicolarum. *Quantos, exclamat Pannonius, ex Monasterijs spiritu ferventes rapuit Eremita solitudo & aut tepesactos evomuit aut tenuit contra legem Eremita non modo remissos sed etiam dissolutos!*

In C. 2. Cant.
versu 15.

Solitudo ceno-
bitica comen-
datur.

Origo ipsius.

Annal. lib. 2.
Cap. 3.

Eadem solitu-
do beatifica-
tur.

Alia est solitudo quam amandam & toto studio percolendam suadeo nimirum ut intra Monasterij septa & propriæ cellulæ angulos nosmetipsos contineamus. Eremita hæc familiariter Deo gaudet, desertum hoc Christi vernat floribus, solitudo ista lapides profert ex quibus superna construitur Jerusalem. Hanc Sancti Patres aborigines nostri prodigiosa visione flammarum per silvam discurrentium moxque conglobatione sui vastum quoddam incendium facientium in persona beati Eusebij Strigoniensis, cui hæc apparitio facta, commoniti & ipsi amplexi sunt & in nos posteros suos traduxerunt. Hanc Jeremias statum quemdam & locum beatitudinis vult esse dum ipsius cultorem beatificat dicens: *bonum est viro cum portaverit jugum ab adolescentia sua: sedebit solitarius & tacebit.* Carmen hoc Prophetæ continetur sub littera Teth quæ significat *bonum & exclusionem*; hac duplici significatione subnotando beatitudinem in qua nimirum est bonum omne & exclusio cuiusvis mali. Dum ergo Jeremias sub elemento Teth hanc suam posuit cantionem: *Bonum est viro cum portaverit jugum ab adolescentia sua*, ita eam intelligi voluit: Beatus ille qui à teneris cervices suas iugo servitutis dominicæ submiserit seque; arctiori vitæ manciparit. Sed quare beatus? quia in solitudine & silentio vivet. Quæ verò isthæc beatitudo? non beatitudo non felicitas ista est at miseria & humanæ afflictio mentis. Homo sociale animal est & à natura ad societatem comparatum. Felix igitur esse nequit, si solus. Beatum nihilominus solitudinis & silentij amatorem negare non possum, si Prophetico oraculo fidem tribuo. Dat rationem dicti sui vates quia, inquit, *levavit se super se.* In sermonibus Prophetarum alia ex alia oritur difficultas. Scitum est apud Philosophos idem non posse moveri simul duobus contrariis motibus. Quomodo ergo potest aliquis levare se supra se, cum id fieri nequeat nisi sursum, & deorsum tendendo? Sed quantumvis Philosophia reclamet, possibile usitatumque esse quod Propheta asseruit, nullatenus dubito. Paradigmati præfati iste est sensus: ea de causa, omnis servitio Divino ab adolescentia mancipatus vir atque singularitatis & taciturnitatis amans, beatus dicitur quia se supra hominem extulit, conversationem suam non in terra neque cum hominibus verum in cælis cum Deo ipso constituendo. Et sanè qui Claustrali solitudini addictus est, etiam vulgi opinione major homine creditur; ideoque apud sæculum summa habetur in veneratione. Sacri nominis Doctor adductum ex Jeremia textum ad propositum Monasticum eiusque solitudinem Cænobiticam trahit dum eò contra quandam vagum & discursantem Monachum utitur in Epistola ad Domnionem sic scribens: *Parcat mihi, parcat sibi, parcat nomini Christiano. Monachum se esse non loquendo & discursando sed tacendo & sedendo noverit. Audiat Ieremiam dicentem: bonum est viro cum portaverit jugum ab adolescentia sua, sedebit solus & tacebit, quia tulit jugum super se.*

E San-

E Sanctis plurimos Eremitæ Claustralis præcones invenias. D. Bernardus cellam cum Cælo ut nominis sic & pietatis habere cognationem asserit. Drexelius metropolim Spiritus Sancti appellat. Alij Paradisum vocant: alij locum dilectionis & lusus cum Sponso: alij hortum spiritualibus vernantem floribus. Hic redolentium species pigmentorum, hic fragrantia animæ odoramenta, rosæ charitatis igneo rubore hic flammescunt, lilia castitatis niveo candore albescunt, violæ humilitatis omniaq; diversarum virtutum germina diversis coloribus venustantur & perpetua viriditatis vivunt vigentq; gratia.

Encomia ipsius
in e SS. Pri:

At forsitan magis nos ad studium & custodiam memoratæ solitudinis movebunt damna consequentia ex evagationibus per quas illa violatur, quàm laudes eiusdem hæcenus recitatæ. Enimverò deserti claustralis desertio si sæpius & diuturnius fiat, personis quidem perniciem at ipsis Monasterijs machinatur ruinam Mathæi. 17. Expedit Christus Petrum ad piscationem. Vade, inquit, ad mare: mitte hamum, & piscem qui primus ascenderit tolle. scilicet, ad tributum exolendum. Petri nomine intelliguntur qui Petri tenent gradum hoc est Prælati & quicumq; jurisdictionem in subditos habentes: Pisces, Religiosi sunt. Hinc S. Hieronymus Bonosi perfectam conversationem præclaro celebrans encomio: *Bonosus, inquit, quasi piscis aquosa petit: nos pristina contagione sordentes quasi reguli & scorpiones arentia quæq; sectamur.* Jubentur ergo superiores pro exigentia necessitatis hamum obedientiæ mittere eoque Religiosum illum qui primus instinctu Spiritus Sancti in eorum cor ascenderit, non qui se insinuaverit non qui se obstruserit, extrahere ex stagno Monasterij ad hoc vel illud opus peragendum, ad hoc vel illud negotium seu ministerium exercendum. Latentes subter aquas pellucas Religiosæ clausuræ super aquas fertur Spiritus Domini, liberet foras exilire? ne exeas, contine te in alveo tuo, expecta donec superior iussionis suæ hamum in te mittat, tunc primo exilies, tunc te foras propries. Sed velim nosse cur Religiosi piscibus assimilentur? nunquid ideo quia sicut pisces muti sunt ita illi stricto addicti silentio; cum in quovis cænobio extra Psalmos silentium sit? recta ratio. Legi & aliam in Decretalibus. quia sicut piscis sine aqua ita Monachus absq; Monasterio. Piscis si diutius extra liquidum elementum fuerit, aut gelu rigescit aut calore solvitur breviq; emoritur. Eodem pacto & quivis claustralium si extra Monasterij septa longiori spatio demoretur, periclitatur de vita, morte peccati sensim eum invadere. Crebrior sæcularium visitatio assiduitatē, assiduitas familiaritatem, familiaritas periculum facit; tandem ex periculo mors enascitur: quisquis enim illud amaverit peribit. Obliquus sermo, oculus lubricus, manus petulans dum in periculosa familiaritate liberiùs agunt, interitus animæ indicia sunt. Fortasse lucraturus animas adducto supercilio de sacris literis extra philosopharis? sed crede mihi bonus sermo secreta non quærit; quin potius delectatur laudibus suis & testimonio plurimorum. Non inter fusos & calathos mulierum, verum inter eruditos viros de Divinæ legis dogmatibus disputatur. Cave ne dum magister egregius in unius mulierculæ clandestina eruditione dedas, & tuam & ipsius animam uno quasi rotatu gladij percutias qui lucrari volebas. Sat grande malum: sed grandius longè si ipsi quo-

Evagationes
nocivæ Reli-
giosis.

Ad chromatium

Monasterijs
& Religioni-
bus.

que Monasterio imò toti Religioni perniciofa fit eiusmodi evagatio. Threnorum 4to Jeremias quatuor mundi plagas quadruplici plan- gens alphabeto, inter acerbos fingultus lugubre illud occinuit carnẽ: *Dispersi sunt lapides sanctuarij in Capite omnium platearum.* Quid ve- rò inde mali maxiffime Propheta? multum profectò. Actum est de sanctuario: actum est de templo DEI. Nunquid enim fabrica domus Divinæ consistere firma integraq; poterit dum lapides structuræ eius dijecti, dispersi! Interpretentur id, licet, Hebræi de everfo Solymæo templo: nos mysticam cum Sanctis Patribus dabimus expositionem. Lapidēs hi Religiosi sunt cum ex illis vivum DEI templum multò au- gustius & acceptius DEO quàm fuerit Jerofolimitanum ipfo Spiritu San- cto architecto construatur. *O solitudo* (Hieronymi adduco exclama- tionem) *in qua illi nascuntur lapides de quibus in Apocalipsi Civitas aeterni Regis exstruitur.* Eiusdem est quod sequitur. *Certè, inquit, flos quidam & pretiosissimus lapis inter Ecclesiastica ornamenta monacho- rum & Virginum chorus est.* Hi itaq; lapides si è loco suo moti disper- gantur per plateas, si dispersi hinc inde in vijs & compitis inter tumult- us perstreptentis populi conspiciantur; actum est de sanctuario, de Monasterio, actum de Religiosa observantia, imò de ipsa cænobij to- tiusq; Religionis fama quæ vita nostra civilis est. Quid enim obse- cro sæculares varij status conditionis & sexus homines frequentem no- stram evagationem spectantes & considerantes cogitant, quid loquun- tur? vellem aliud cogitarent aliud dicerent, sed profectò nihil aliud nisi Monachos istos, non esse Monachos, non solitarios, non religiosos verùm nescio quos de trivio, de compitis, de plateis circumforaneos rumigerulos, entia otiosa, & quidquid aliud in mentem buccamque, ut vulgo dicitur, venerit, hæc cogitant, hæc loquuntur & obloquun- tur. Nulla ipsis jucundior fabulandi materies quàm eiusmodi causa Monachorum carpere nomina, eorumq; vagos dinumerare gressus. *Mi- nor, ait, sæpè memoratus Doctor, miror non erubescere juvenem & Mo- nachum lustrare secularium domos, habere salutationibus matronarum, Religionem nostram paganam facere.* En vides ex tanto testimonio, per evagationes Monachorum Religionem Catholicam in gentilismum commutari, Monasterium in prostibulum converti, sanctuarium DEI in sinagogam sathanæ dedicari.

Ad Heliodo-
rum.

Ad Domnio-
nem.

Artes lib:
3. cap: 27.

Similitudines
varie.

Feræ silvestres venustiores & fulgidiores pelles habent quàm do- mesticæ bestię. sic & Religiosi tumultum ac consuetudinem mundano- rum vitantes, pulchriores gratiosioresq; sunt in conspectu DEI & ho- minum, qua olim similitudine Reges Hungari in laudem nostrorum urebantur. Volucres in domibus & convictu hominum silent, quæ dum solitariae essent, suaviter cantitabant. Columbæ dum intra cellulas suas latitant, extra periculum sunt: foras evolantes, sæpè unguibus acci- pirris lacerantur. In coquina aut macello qui fuerit diutius, nidorem carniū secum effert. In multitudine hominum, floccis de alieno ve- stimento derasis sordidamar. Seneca quoq; quoties inter homines fuit minorem se semper redisse protestatur. Ad illud hæc omnia diri- guntur ut qui de singularitate censemur nominis ac vocationis nostræ pensantes rationem, turbam & mundana contubernia fugiamus ma- joriq; portæ monasticæ amore & custodia teneamur. Virginem in por-
ta Typo-

ta Typotius pictam præsentat quæ in caprarum pedes definit. Addit Hieroglypto Lemma: *Religione & custodia*. Nobis quadrat synbolum qui fidei morumq; integritate virgines esse adstringimur. Virginitatis enim ut prærogativa ita & vocabulum utriq; congruit sexui. Sicut ergò Virginum rarus est in publicum processus veloxq; reditus qui per furas plantasq; caprarum signatur; ita & noster exitus rarus sit isq; non extortus à superiore per importunas instantias, per varios colores per fictas & callidè compositas necessitatis allegationes; sed sit ex Præpositi arbitrio communisq; utilitatis causa susceptus. Post peracta peragenda maturandus reditus & cum festinatione ad cellulam regrediendum. Religione & custodia domus vallata virginitas intuto est. absq; his comitibus atq; appenditijs velut in salo fluctuat naufragio proxima. Et integritas nostra intra Monasterij cavernas salva est. in publico ubi vagari cum sponsa caperit, teristrum amittet pudicitia.

Hieroglyptom.

Tædet, inquires, intra parietes Cænobij diutius commorari & propterea mundi solatiola quæruntur. Sed certè sufficient tædio depellendo Religiosa exercitia si ea negligere noluerimus. Si nunquam de manu & oculis nostris recedat liber, si discatur Psalterium si oratio fiat sine intermissione si corpus pariter & anima tendatur ad Dominum. Noctu ad orationes & psalmos consurgamus. mane hymnos psalmosq; recitemus. 3tia 6ta 9na. hora stemus in acie quasi bellatores Christi accensaq; lucerna reddamus sacrificium vespertinum. Orationi succedat lectio scriptioque, lectioni oratio. In reliquo operis pensum quod ipsi injungitur, unusquisq; absolvat. Sic dies transeat si nox inveniat laborantes. Brevè videbitur tempus quod tantis operum varietatibus occupatur. Sic gaudebimus vespere dum diem expendemus fructuose.


Præoccupatio.

Ergò eruditi ac incitati exemplo Christi ex deserto nostro ante finitam currentis vitæ Quadragesimam pedem ne efferamus nisi superioris urgeat præceptum, & manifesta requirat causa. Fugiamus conversationes mundanas omnesq; sæcularium consuetudines & familiaritates nostro statui reputemus contrarias, videre & videri, salutare & salutari, laudare & detrahare, proloqui & obloqui, hominumq; frequentiam intueri & à proposito & quiete Monachorum aliena iudicemus. Cella sit nobis cælum. Civitas & quilibet convictus hominum sit nostrum unicuiq; carcer & solitudo Paradisus sicuti fuit Institutori nostro, sicuti Antonio alijsq; Eremitis. *Filij Prophetarum quos Monachos in veteri testamento legimus edificabant sibi casulas prope fluentia Iordanis & turbis urbium derelictis polenta ac herbis agrestibus victitabant. Filij Ionadab qui vinum & siceram non bibebant, qui habitabant in tentorijs & quos nox compulerat sedes habebant, scribuntur in Psalmo. 70. primi sustinuisse captivitatem eò quod ab exercitu Chaldeorum vastante Iudaam urbes introire sunt compulsi.* Istis ergò Civitas quæq; in quam securitatis causa propter hostium metum se recipiebant, Carcer erat & captivitas solitudo autem atq; acta sub pellibus vita Paradisus. Si ante Christi exemplum tantus solitudinis amor quantus in nobis esse debet qui & magisterio tanto provocamur & nostro proposito!

Ad Rusticum.

Monachi veteris testamenti amatores solitudinis.

Sponsus animarum nostrarum secretiores amat secessus. Verecundus est, intus solum vult nobiscum ludere. Ne ergo quæramus eum per vicos & plateas Civitatis non circumeamus angulos oppidi. Foris vagentur virgines stultæ nos cum eo intrinsecus maneamus, cellas quæ sunt cellaria ipsius arctiori inhabitemus custodia ut ibi exultemus & latemur uberibus consolationum Divinarum recreati.



OBSERVANTIÆ

R E G U L A R E S.

Crastina festivitas in memoriam nobis revocat ritum Purificationis Beatissimæ Virginis MARIE. Quod videlicet præscripto per legem Mosaicam tempore sese continuit preparatam & impletis diebus Purificationis ingressa est sanctuarium, adduxit secum Jesulum, pro se orationem fieri postulavit, filiumque suum paupere oblatione redemit. Quid nos per id docet Virgo Beatissima cuius vita doctrina nostra est? nimirum ut quemadmodum ipsa Legem Mosaicam etiam ceremoniam & quæ ad culpam non obligaret exactissime observare voluit; ita nos regulares observantias ad solum pænæ non culpæ reatum obstringentes non contemnamus non negligamus sed studiosè servemus & impleamus.

Porro observantiæ Religiosæ quæ sunt quædam status regularis proprietates in duplici statuuntur differentia. Aliæ morales vocantur quæ ad morum compositionem & reformationem spectant: ut silentium, solitas in eundo, solitudo in cellis, abstinencia extra tempus à refectione, & multæ istiusmodi. Aliæ ceremoniales ad ritum pertinentes quales sunt: inclinationes, veniæ petitiones, manuum sub scapulari gestationes, & cæteræ idgenus. Hæ omnes propriæ sunt imò summè necessariæ instituto Religioso. Et ut aliquas saltem breviter perstringam.

Silentium.

Silentium tanti momenti est proprietas Religiosa ut absque ea nequidem Monachi aut Religiosi nomine dignus sit ne quidem Monasterij habitaculo dignus sit quisque ille. Isaias qui non tam prophetiam texuit quam Evangelium cap: 32. ait: *opus justitiæ pax & cultus justitiæ silentium.* quasi diceret. pax quidem est fructus & effectus justitiæ at silentium est ipsum eiusdem exercitiū ut hinc discas, qui silentij cultor est eo ipso justitiæ cultorem esse. Ex adverso igitur justus non erit quicumque silentij violator est, & quod confectarium, Religiosus non erit; cum justitia generale quoddam animi bonum (sic enim in allegato passu accipitur) omnis virtutis & vel maximè Religionis à qua Religiosi per antonomasiam nuncupamur, comprehendat apparatus. Qui non refrænat linguam suam huius vana est Religio, inquit, Jacobus Apostolus in sua Canonica. quod dicit, idem est: In vanum se Religiosum nominat qui linguam suam ab otiosis non coercet colloquijs & stans horis ac locis taciturnitate ac infantia linguæ seipsum non damnat,

damnat, nec ponit custodiam ori suo & ostium circumstantiæ labijs suis. Atq; ideo cum Monasteria solorum habitacula sint Religiosorum, ob ipsum loquacitatis extra tempus vitium meretur quis eijs & a contubernio sanctorum ne contagione cæteros perdat segregari. Quare rogo Angeli è cælo deturbati? Richardus à Sancto Victore respondet: *Apud Momin-*
go in Dr-
torio.
*Multitudo Angelorum ante casum siluit quamdiu voluntati sui Creatoris humiliter obedivit. sed diabolus silentium rupit, locutus est superbiam & in hæc verba prorupit: Ponam sedem ad Aquilonem similis ero altissimo, ideoq; præcipitatus è Cælo. Sic & Religiosus per fractionem silentij in diabolum commutatus, dignus est è cælo & cella Monasterij exturbari & a confortio aliorum in quiete ac taciturnitate orationi meditationi contemplationi scriptioni lectioni alijsq; pijs exercitijs invigilantium sequetrari. Ipsa Virgo Beatissima, Magistra Religiosorum, usq; adeo erat silentij amatrix ut non nisi quater locuta esse à Bernardo mellifluo consideretur. Primò ad Angelum sum tempus Annuntiationis. Secundò ad Elisabeth. Tertiò ad Filium in templo inter Doctores sedentem. Quartò in nuptijs Cana Galileæ ad eundem. Si vasi odorifero aut pretiosum liquorem continenti desit operculum, omnis odor evaporat. Furno si desit repagulum, calor erumpit. Domus aut arca quæ non occluditur, nec serâ firmatur, vacua esse omni re pretiosâ judicatur. Rotæ canthi stridentes, currum ponderosis non esse onustum mercibus ostendunt: sic & Monachus locutuleius cui os ad fabulas patet facile, indicat se in corde suo non habere margaritum devotionis & internæ consolationis, nullumq; thesaurum perfectionis & virtutum sibi inesse, deniq; nomen inane Religiosi se portare. Si nulli tacuisse nocet, nocet esse locutum; multo magis, damnosa est in Regularibus garrulitas apud quos extra psalmodiam, silentium lex indicit. Hypocrates adjurabat discipulos antequam doceret & in verba sua jurare compellebat extorquebatq; ab ijsdem Sacramento silentium. Medicus animarum nostrarum Christus Dominus ad scholam Religiosæ vitæ nos admittendo consilijs Evangelicis simul legibus silentij nos obstrinxit; solvere piaculū sit! Pœtæ mortuos homines *silentes* vocant: Virgilius 6tò Æneidos: *Quæstor Minos urnam movet. ille silentium conciliumq; vocat vitasq; & crimina discit.* Mortui mundo sumus; silentes itaq; esse oportet ut eò commodius vocationis nostræ exercitijs insistamus. Rectissime quidam spiritualis Pater dicere solitus, ibi Monasterium esse reformatum imò instar cæli benè ordinatum ubi lex silentij vigeret. Nam ubi filetur, ibi Religiosis negotijs & spiritualibus exercitijs tempus impenditur & cur ad Religionem ventum sit, tacitè ponderatur. *Est & fidei tutela* *Horatius.*
silentio merces. Eius igitur amore silentiarj simus. Simus velut aquæ Siloe quæ vadunt cum silentio, non sicut aquæ Sichor turbidæ ac perstreptentes ut imaginem missi quod sonat *Siloe* hoc est Christi Domini de quo illud Isaïæ oraculum: non clamabit, nec audietur vox eius foris, effingamus in nobis.*

Et socialitas in eundo summo opere necessaria statui Religioso. Marci 6tò dicitur quòd Dominus binos & binos discipulos miserit in omnem Civitatem & locum. Quare binos? propter mutuam consolationem ait Euthimius. Origenes propter antiquum inquit morem conservandum. Nam & in veteri lege Moyses Aaronem Josuè Calebū & alij ali-

os habuere socios. Bernardus ait propter honestatem id Dominum fecisse quæ magis ubi duo sunt quam ubi unus refulget. Addo ego quod Christus binos miserit propter securitatem animæ. non quod Apostoli obnoxij essent lapsui, sed ad instructionem futurorum sæculorum ut videlicet nos exemplo Apostolorum bini incedamus si securi & extra periculum ruinæ esse volumus, nisi necessitas manifesta & nullus periculi timor superiorisq; rationabile mandatum aliter suadeat. Certissimum solivagis arbitrio suo hinc inde spatiantibus minatur & vaticinatur casum Ecclesiastes. *Va soli, quia cum ceciderit non habet sublevantem se.* ubi ut notat Pineda, particula *va*, non est imprecantis malum non gementis aut dolentis sed annuntiantis inevitabile infortunium non solum, quia cum ceciderit solivagus non habebit sublevatorem sed etiam quia futurum est ut cadat aliquando. Quod quidem verissimum esse considerata humana inconstantia rerumq; casibus nemo negaverit. Locum hunc adducens & perpendens Thomas Cantipratensis ait: *Quam vera sit hac sententia novi ego, qui triginta annis in diversis Provincijs vices Episcopi gessi, qui in Religiosis qui soli vadunt in vijs vel soli manent in curijs horrenda mala horrendaq; audiivi frequenter scandala qua nunquam sustinuissem adjuncto socio vel fecissem.* Ob hæc absurda incommittatos eiusmodi erroneos dæmonibus assimilare ausus Doctor Angelicus. Monachus, aiebat ille, Monachus solus, est dæmon solitarius. De agmine columbarum crebro accipiter unam separat quam statim invadat & laceret, cuius carnibus & cruore saturetur. Morbida ovis suum relinquit gregem & luporum faucibus devoratur. Idem fit cum Religioso qui sine socio sine teste arbitroq; conversationis suæ ad sæculum ex clauistro procedit.

Solitudo in
cella.

Ad Eustochiū.

Solitudo in cella id est confortij & consuetudinis cum extraneis imò & cum fratribus nisi adsit Superioris consensus, repudiatio, aliarum observantiarum non postrema. Ad eam adhortatur Divus Hieronymus imperfectos & inobservantes ac sæcularium conversationi addictos perstringendo Monachos: *Monasterij solitudinem, hospitum frequentiam commutamus.* Idem ad Marcellam, *videri inquit & videre, salutare & salutare, proloqui & proloqui à proposito & quiete Monachorum aliena sunt.*

Apud Lauren-
tium n. Aponte
in Mathæum

In observantia
Regulares
qualiter à
Deo puniuntur

Mitto alias in particulari attingere, sufficiat in communi dixisse quod Deus non solum punit sed etiam severe vindicat omnes quantumlibet minutos regularium defectus. Psalter de Moyse & Aaron canit: Invocabant Dominum & ipse exaudiebat eos custodiebant testimonia eius. Deus tu propitius fuisti eis & ulciscens in omnes adinventiones eorum seu affectiones ut legit S. Augustinus. Propter affectiones non bene ordinatas severam sumebat vindictam Dominus ex Moyse & Aaron. Tales adinventiones seu affectiones sunt Religiosæ inobservantiæ quæ non obstringunt peccato nec pænæ spirituali nisi legali. Has Deus non modo punit sed etiam vindicat dirissime tum devotionem tollendo tum spiritum extinguendo tum in peccatum miserrime labi permit- tendo, permittendo quoq; eiusmodi inordinatis laborantem affectionibus vexari anxietate & scrupulis, lacerari otiosis cogitationibus, iræ passionibus, persecutionibus, infirmitatibus & tandem morte accelera- ta vel subita confici. Quamobrem si quando ex astutia malitiave sub- ditorum vel superiorum socordia aut favore vitioso inobservantiæ non puniuntur,

puniuntur, DEUS locum superiorum subintrans, ad examen apponit & flagellum. Nunquid enim DEUS non est iudex etiam legalis Reipubl.; legalium observantiarum: ecquid superioribus non plectentibus, legalis culpa impunita manebit? Minimè verò. non quidem reservabitur ad ignem purgatorij, cum peccatum non sit sed temporalem pœnam, temporalem vindictam non effugiet. Et certè justissimè vindicantur à DEO severa ultione transgressiones minutæ. sunt namq; Religionis & uniuscuiusq; Religiosi ruina. Cant: 2. *Capite nobis. monet cælestis Paterfamilias, vulpes parvulas quæ demoluntur vineas.* Vulpes magnæ vix nocent vineis, quia statim advertuntur & capiuntur aut fugantur. sed vulpeculæ inter vepres, delitescentes & aspectum fugientes maximo vineis nocumento sunt. Sic & transgressiones circa observantias, ceremonias, constitutiones ad culpam non obligantes, quæ vel contemnuntur quasi ab ijs nullum immineat periculum vel tanquam leves non caventur, Religionem paulatim subruunt & in dissipationem, eneruando disciplinam regularem, sensim deducunt. Quilibet Religiosus, ne dum Religio, vinea est. *Viro enim sapienti id est probo* (ait Pannonius in hunc locum) *sua vita vinea est, sua mens, sua conscientia. Nihil quippe incultum desertumve in se derelinquit. Stultus, hoc est reprobus & tepidus, non ita. Cuncta quidem apud eum neglecta invenies, cuncta jacentia, cuncta inculta & sordida. Nec in eo vitis virtutis, nec botrus boni operis, nec vinum latitia spiritualis, dicente scriptura: Per agrum hominis pigri transivi & per vineam viri stulti & ecce repleverunt totum urtica & operuerunt superficiem eius spina & maceria lapidum destructa erat. At verò bona vinea justus imò bona vinea justus, cui virtus vitis, actio palmes, cui vinum testimonium conscientia, cui lingua torcular expressiois. Vides apud sapientem apud religiosum bonum & fervidum vacare nihil sterile nihil sed omnia fructificare. sermo, cogitatio, conversatio, & si quid est aliud in eo, totum DEI agricultura, DEI edificatio, & vinea Domini. sabbaoth.* Cæterum huic vineæ nunquam infidiæ nunquam infestationes defunt à vulpibus. Vulpes eidem Pannonio tentationes sunt. Parvulæ ergò vulpes, parvulæ erunt tentationes quæ nimirum ad leviores titillant & trahunt defectus ut ad manus liberius ventilandas, ad aspectum hinc inde girandum, admiscendos vetito tempore sermones, ad indulgendum suæ commoditati dum ad Ecclesiam signum campanæ vocat, ad jeunia Religiosa frangenda, ad omitterendas inclinationes, mortificationes, & similia. Parvulæ vulpes hæ sunt; sed non parvum ab ipsis, religiosarum conscientiarum vineæ to periculum. Nisi maturè capiantur, certò certius flores externæ compositionis & modestiæ depascent, fructum boni operis impediunt, radicem quæ gratia est corrodent & tandem ad abominationem desolationis adducent vineam quondam electam & gratiosam. Capite ergò vulpes has parvulas, capite in casses textas è licijs verborum sacrorum, è tesseris eiaculatorijs. Rete sacra scriptura est, rete Regula nostra est, rete constitutiones sunt. Hæc retia tendamus & extendamus ad capiendas bestiolas nocivas, obijciendo illis, aliter scripturam sacrâ docere, aliter monere regulam, aliter constitutiones præcipere quàm vulpeculæ hæ ganniant quàm tentationes & motus ad inobservantias trahentes suadeant. Aternæ, ut dicunt, veritatis propositio est. *Qui*

Transgressio-
nes minutæ
ruinā Reugi-
onibus & Reli-
giosis afferūt.

spernit modica paulatim decidet. Et Hieronymus ait: Non sunt contemnenda ut parva sine quibus magna consistere non possunt. Certè magnum perfectionis Religiosæ bonum absq; observantijs Regularibus acquiri nequit. S. Pachomius silentij & aliarum Religiositatum violatores per Theodorum Monasterij, in quo erant transgressores illi, superiorem durè corripuit dicens ad Theodorum. Nunquid existimant fratres quòd traditiones quas illis dedimus servandas humana sint? nūc nesciunt quòd pro contemptu etiam minimi mandati magna pericula negligentes maneant. Imitemur itaq; Virginem Beatissimam, Dominam & Magistram nostram & quidquid nobis in Regula & statutis ad tenorem vitæ Religiosæ perfectius traducendæ pertineans præcipitur, esto non sit obligatorium ad culpam, diligenti studio & fervore indefesso ad unguem observemus. Et quia è numero Regularium observantiarum est humilis culparum confessio hanc gestu & affectu humili ad DEI gloriam maiorem, Virginis Beatissimæ Purificatæ honorem, nobis ipsis purificandis faciamus.



I E I V N I V M.

E Vangelium crastinæ Dominicæ ponit ob oculos mentis nostræ Christum Dominum quadraginta diebus & noctibus jejunantem & postea esurientem non alio ut reor mysterio nisi ut doceamur non modo in quadragesima nobis jejunandum esse sed & exactà eà esuriendum. *In quadragesima quidem in qua continentia vela pandenda sunt & tota auriga retinacula equis laxanda properantibus, rigor jejuniij servandus; postea verò ita comedendum ut comestionem sequatur esuries ut videlicet tota vita nostra nihil aliud sit nisi militia nisi pugna contra edendi & bibendi concupiscentiam, nihil sit aliud nisi continuum abstinentiæ exercitium. Et quia potissimum ferijs quadragesimalibus & secularis & Religiosus suos in jejunando dimittere debent equos, incitatore auctores, primum quidem naturam jejuniij ostendere deinde studium amoremq; ipsius, monitis ac exemplis sanctorum commendare desidero.*

In omni inquisitione oportet primum intelligere quid per nomen significetur cum id præcognitionem quandam afferat ad rei proprietates posterius intelligendas. Unde D. Augustinus Manichæum hæreticum ostendit graviter inde lapsus quod nesciret quid esset malum de malo disputaturus. Jejunium ergo, sic desiniente Isidoro, est parsimonia victus abstinentiæq; ciborum. Hinc discis jejunium actum esse abstinentiæ, & materiam circa quàm versatur, cibos habere. Ad tria ex mente Doctoris Angelici ordinatur. ad concupiscentias carnis reprimendas, ad mentem in superna elevandam, ad satisfaciendum pro peccatis. Unde illis potissimum temporibus indicuntur jejunia in quibus oportet homines à noxis mundari & mentes fidelium elevari in DEUM per devotionem, qualia tempora sunt quadragesimæ, vigiliarum ante præcipuas festivitates, & angariarum.

Necessitas

*Pannon: in
expositione
Regule:
Jejunium quid?
Quis & quomodo
triplex eius finis.
2. 2. q. 147.
art. 1.*

Necessitas jejunandi unicuique à natura insita est. Ad prædictos enim effectus, ipsi naturales stimuli, ciborum assumere suadent abstinentioniam. *Tempus autem modumque abstinendi secundum convenientiam atque utilitatem populi determinare, Prælatorum Ecclesiæ jurisque positivum est. Sicut namque ad sæculares Principes pertinet præcepta legalia juris naturalis determinativa tradere de his quæ spectant ad communem utilitatem in temporalibus rebus; ita etiam ad Prælatos Ecclesiasticos pertinet statuti præcipere ea quæ ad commune commodum fidelium in rebus spiritualibus referuntur.*

Necessitas jejunandi.

S. Thomas.

Determinavit ergo Ecclesiæ autoritas carnibus ac lacticiis, quoties jejunatur, temperandum. Carnes siquidem animantium in terra nascentium & respirantium, nec non utensilia ex eis prodeuntia, uti sunt, lactaria ac ovorum vitelli magis quam alia esculenta conformantur humano corpori, atque idcirco magis delectant & nutriunt ac proinde plus ut sanguinis ita & seminalis succi procreant, cuius multiplicatio maximum est incitamentum luxuriæ. Determinavit item comestionis tempus, horam nonam. Sic enim habetur in Concilio Chalcedonensi: *In Quadragesima nullatenus credendi sunt jejunare qui ante manducaverint quam vespertinum celebretur officium.* quod quadragesimali tempore post nonam peragitur. Convenit nimirum hora ista mysterio passionis Christi, quia hæc completa fuit hora nona quando Redemptor noster inclinato capite tradidit Spiritum. Porro per horam nonam nolo intelligas eam quæ vulgi opinione æstimatur, sed meridiem aut postmeridianum tempus: nam & passio Domini cui per jejunium contormamur crucifigentes carnem nostram cum vitiis & concupiscentiis, consummata est post meridiem. Vel certe juxta expositionem Cajetani in summam D. Thomæ, accipe consuetam comedendi in jejunio horam. Determinavit insuper numerum comestionis quia ut ait D. Thomas *moderatione Ecclesiæ statutum est ut semel in die à jejunantibus comedatur.* Ne tamen gravetur natura & ne nimia inanitas debilitet stomachum viresque ad salutaria perficienda opera auferat, à prima secunda quoque locus datur refectio. Jam vide mihi quam nobis necessaria inedia lex si per eam & concupiscentia refrænatur & mens in superna ascendit & peccatum aboletur. Caro enim in nobis semper concupiscit adversus spiritum continuæque lucta spiritus cum carne & vicissim decertat: interibimus, nisi carnis sartagine frigore jejuniæ restringamus. Fomes in carne relictus inflammat quotidie rotam civitatis nostræ: peribimus, si per saturitatem & frequentiore comestione oleum flammæ adijcere voluerimus. Ardor corporum qui spiritui adversatur, frigidioribus epulis & modica refectio temperandus est. Non Æthnei ignes non Vulcania tellus non Vesuvius & Olympus tantis ignibus æstuant ut juveniles medullæ dapibus & potu inflammata. Deinde in supernis nostra beatitudo est, in supernis Patria nostra est, in cælo meta & bravium peregrinationis est nostræ. Illuc ergo continuo aspirare ascendereque fidei ac bonorum operum & desideriorum gressu necessum. Atqui nihil magis deprimit hominem quam crapula quæ non finit nisi de terrenis cogitare. Gulosus enim *perniciæ & tempestas barathrumque, macelli solis* jocandi ludendi potandi dormiendi tenetur desiderijs. Si itaque æterna vita, æterna beatitudo cordi nobis est,

Qualitas ciborum æstimata est ab Ecclesiæ pro jejunantibus.

Quare carnes & lacticia prohibita?

Determinatum quoque tempus comestionis.

Determinatum item numerus comestionis.

Motiva jejunandi tria.

Primum.

Secundum.

Horarius.

E e

per jeju-

Tertium.

per jejunia casta mentē ad spiritualia, ad sublimia bona elevemus. Tandē in multis offendimus omnes. Unde igitur offendimus, inde reconciliemur. Caro peccavit, caro placabit, peccavit saturitate, placabit inanitate.

S. Ambrosius.

Ultra hæc incitamenta, innumerabilia prorsus sunt Divina & Sanctorum Patrum responsa quæ gulam damnant & simplices cibos jejuniique rigorem probant quæ tamen planè omnia ad tria recensita capita reducuntur, quæ proinde replicanda non censui: exempla tamen Sanctorum non pigeat in memoriam frequentius reducere. *Horum enim vita cateris norma vivendi est & dum justorum conversationem cognoscimus velut quendam nobis innocentia tramitem virtute eorum referatum imitantibus vestigijs persequimur.*

Exempla jejunijs.

Moyſes ad recipienda in monte Sinai mandata Divina per jejunium se se disposuit. Elias antequam in Cælum curru igneo subveheretur se se inediā meceravit. Ipse Salvator mundi ante inchoationem sui operis, ante prædicationem Evangelij Quadragesimam in summa abſtinentia absolvit. Quæ exempla conglomerans D. Hieronymus inter alia vivendi præcepta hoc vel maximum inculcat Demetriadi Virgini. *Post cogitationum diligentissimam cautionem, jejuniorum tibi arma sumenda & canendum cum David: Humiliavi in jejunio animam meam & cinerem tanquam panem mandicavi. Eva per cibum ejecta est à Paradiso. Elias quadraginta dierum exercitatus jejunio, igneo curru rapitur in cælum. Moyſes quadraginta diebus ac noctibus familiaritate & sermone DEI pascitur in se verissimum probans quod dicitur: Non in solo pane vivit homo sed in omni verbo quod procedit de ore DEI. Salvator generis humani qui virtutum & conversationis suæ nobis reliquit exemplum, post baptismum statim assumitur à spiritu ut pugnet contra diabolum & oppressum atq; contritum tradat discipulis conculcandum. Et tamen hostis antiquus post quadraginta dierum jejunium per cibum molitur insidias & dicit: si filius DEI es dic ut lapides isti panes fiant. Idem ad Lætā de institutione filix scribens postquam indulisset teneræ ætati carniū uti edulio, statim subjecit: Hoc autem dico juxta indulgentiam non juxta imperium, timens debilitatem, non docens luxuriam, alioquin quod judaica superstitio ex parte facit in reiectione quorundam animalium atq; escarum quod & Iudeorum Brachmani & Egyptiorum gymnosophystæ in polenta & oriza & pomorum solo observant cibo, cur Virgo Christi non faciat in toto? Si tanti vitrum quare non majoris sit pretij margaritum? Idem est dicere: dum permitto in tenera ætate constitutis carniū esum, non suadeo nec impero, sed indulgeo. aliàs certè etiam teneræ expediret ætati arctum servare jejunium & illud facere ex religione quod Judæi ac Sacerdotes idolorum faciunt ex superstitione. (illi namq; suillas carnes aliasq; escas reiiciunt, hi in solo pomorum acquiescunt obsonio) & illud in toto præstare quod Judaismus & paganismus in parte præstat. Jam hîc à fortiori arguere licet: Si infirmæ ætati & imbecillo sexui austeritas suadetur jejunijs, quantum robustis viribus, quantum viris Religiosis virtus sectanda abſtinentiæ, nobis præcipuè quibus in Regulæ tenore dicitur: *Carnem vestram domate jejunijs.* nobis, qui solitudinis arcemur terminis ut jam cæperit non licere quod ante volumus. Job 39. interrogat Dominus servum suum: *Quis dimisit onagrum liberum, vincula eius quis solvit? Cui dedi in solitudine domū, taberna-**

Solitudinis
ca tores vel
maximè ad
jejunium adstru-
guntur.

tabernacula eius in terra falsuginis. Contemnit multitudinem Civitatis vocem exactoris non audit. Myſticum hic intelligi Onagrum vel ex ipſo contextu patet. Virum ſcilicet ſolitarium, Religioſum, Eremicolam quem dimiſit Dominus liberum quando eum in libertatem filiorum DEI vocavit & aſſeruit, vincula ſolvit, quando de compedibus mundi abſolvit ut dicere poſſit cum Pſalmiſta: Dirupiſti Domine vincula mea. Solitudo domus eius, ideoq; contemnit multitudinem Civitatis ſola ſolitudine clauſtri delectatus. Vocem exactoris non audit. hic ſubiſto & ad enodationem puncti huius attexo hiftoriam. Fuit Monachus quidam, genere Aegyptius, Serapion nomine. hic quodam tempore venit Athenas ibiq; per triduum commoratus cepit vehementer quarta die eſurire, neq; enim erat, qui ipſi panem præberet, ille quoq; non habuit unde emeret. Conſenſo igitur in media Civitate colle ubi Philoſophi & præcipui Officiales capita conferre conſueverant, cepit magna voce clamare: Adeſte viri Athenienſes, adeſte, ferte opem miſero. Accurrunt illi, quis ſit & à quo vim patiatur inquirunt. Aegyptius ſum genere, reſpondet, profeſſione Monachus, à quo autem diſceſſi ex mea patria, tres fæneratores ſeu exactores deprehenderunt me qui etiam ſæpiùs graviter afflixerunt. Et à duobus quidem exoluto ipſis debito liber evaſi. Tertiùs autem nequaquam me finit quieſcere, continuo ſuis moleſtat exactionibus. Ænigmaticum hoc reſponſum petunt ſibi explanari Athenienſes. Ille verò tres, inquit, exactores ſunt: Avaritia, libido, & gula. Et jam quidem avaritia & libido receſſerunt à me, nam nihil proprii habeo contentus endromide quâ amior; voluptatibus quoq; quæ ſunt nutrices libidinis non fruor, ſolus edendi & bibendi appetitus mihi moleſtus eſſe non ceſſat. Quartùs enim eſt dies à quo integra fame maneo; venter autem meus inanitate & rugitu nimium affligit me, conſuetum requirens tributum. Adſtantes conſictâ & compoſitam narrationem ad extorquendum aliquid ſuſpicati, aureum ipſi obtulerunt quem ille acceptum in officina panaria poſuit acceptoq; libone panis ex eorum oculis & civitate exceſſit. Hinc jam perſpicuum eſt quis ſit exactor, cuius vocem onager ſpiritalis non debet audire. Si avaritiæ & libidini obligati non ſumus, certè appetitio edendi & bibendi nunquam nos deferet. Durus is exactor eſt, in modicis & vilibus non conquieſcens: exquiriſcens piſces, carnes, cibos eſculentiores & guſtui ſuaviores, liquamina dulcia & generoſa; tu tamen vocem eius ne audieris, obtura aures, clamorem eius contemne. Equidem ſi iterum iterumq; deſideria eius ſpreveris, etiam milio & cibario pane contentus ſilebit. Nimirum *latrantem Stomachum bene lenit cum ſale panis.* Tales onagri erant Sancti Anachoretæ ut Patriarcha noſter cuius vita integra quid aliud fuit niſi auſtera jejunandi conſuetudo. S. Antonius perfectionis miraculum. S. Hilarion de quo illud memoriæ proditum: *Herbarum ſucco & paucis caricis poſt triduum vel quatrimum deficientem animam ſuſtentabat orans frequenter, pſallens & raſtrobium fodiens ut labor operis laborem jejuniorum duplicaret.* Taceo portentosa plurium hebdomadarum jejunia quæ magis mirari quàm imitari convenit. Neq; enim immoderata imperamus jejunia & enormem ciborum abſtinentiam quibus ſtatim corpora debilia franguntur & ante ægritare incipiunt quàm ſanctæ converſationis jacere fundamenta. Sic debemus

Habetur hæc
hiftoria in
annalibus no-
ſtris lib: 2.
cap: 8. & in
Palladio.

Tres exacto-
res qui?

Horatium.

In vita eius-
dem.

S. Hieronymus

Diſcretio in
jejunando ſer-
vanda.

In vita eius-
dem.

bemus jejunare ut non palpitemus & respirare vix possimus; ut fracto corporis appetitu nec in lectione nec in psalmis nec in vigilijs solito quid minus faciamus. Etiam sexus infirmior onagros imò & lalisiones spirituales habuit vocem exactoris non audientes. Ex omnium mulierum choro produco unam S. Paulam universarum decus matronarum de qua illud extat elogium: *Tanta erat continentia ut prope mensuram excederet & debilitatem corporis nimis jejunijs contraheret, qua exceptis diebus festis vix oleum in cibo caperet ut ex hoc uno aestimetur quid de vino & liquamine piscibus & lacte & melle & ovis & reliquis qua gustui fravia sunt judicaverit in quibus sumendis quidam se abstinentissimos putant, & si h. ventrem ingurgitaverint, tutam pudicitiam suspiciantur.* Sed præ omnibus fortissime nos exemplo suo ad amorem abstinentiæ trahit Virgo Beatissima cuius unius vita Authore Ambrosio omnium est disciplina. Huius in jejunando rigorem idem Doctor præclara celebrat panegyri. *Quid exequar ciborum parsimoniam, officiorum redundantiam? alterum ultra naturam superfuisse, alterum ipsi natura penè defuisse. Illic nulla intermissa tempora hic congestos jejuniis dies. Et si quando resiciendi successisset voluntas, cibus plerumq; obviis qui mortem arceret non delicias ministraret.* His ergo incitamenti moti, austeritate victus ad celebrandam Resurrectionis Dominicæ festivitatem purificemur, Cælestibus à Christo consolationibus impinguandi.



VERECUNDIA

ET CUSTODIA SENSUUM, POTISSIMUM OCULORUM.

Mysterium Incarnationis eo ordine, quo ab æterno decreverat, executurus Dominus Angelum è supremis unum juxta tenorem Evangelij crastini mittit ad Virginem Maternitatis Divinæ honori & officio ante secula destinata, ut eam de intimo Divinitatis doceat consilio & ad consentiendum suavis moveat argumentis. Velocior fulgure Mercurius Cælestis sistit se in conspectu orantis Virginis arcana sui adventus aperturus. Vix orsus sermonis prologum, vix officiosam salutationem prætexuit, & ecce timere Virgo pallere rubereq; ac inusitata alterari vicissitudine. Turbatur ad aspectum & vocem Archangeli. *Turbata est in sermone eius & cogitabat qualis esset ista salutatio.* cur ita? *Disce Virginem verecundiâ,* ait Ambrosius, *trepidare Virginum est & omnes viri affatus vereri.* Tunc certè convenientissime canticum illud occini MARIE poterat: *sicut fragmen mali punici ita gena tua.* Quia namq; verecundiæ rubor, cuius sedes in genis, tinxerat Viginalem faciem, mali punici visa fuit præferre speciem. Sed quare veretur ac verecundatur viso Angelo? nostro equidem metuebat periculo quæ non timebat suo, voluitq; imitandi præbere specimen ut quasi ex vivo archetypo similem in nobis æmulo formam studio exprimeremus. Hoc igitur ectypum intuentes, verecundiæ imaginem vivis coloribus in nostris pingamus animis.

Doctor

Doctor Angelicus effigiat verecundiam velut quodam penicillo eiusmodi definitione: Est timor cuiuscunq; turpitudinis exprobrabilis. Eiusdem testimonio, est passio laudabilissima imò & virtus secundum acceptionem communem, in quantum virtutis nomine dignamur omne illud quod est laudabile in actibus habitibus & passionibus. Discrepat ab erubescencia in eo quod hæc est timor de turpitudine exprobrabili committenda, illa verò de commissa. Hic tamen unam ab altera non distinguo uti nec juxta vulgarem usum distinguuntur.

Natura verecundie.

Laudibus virtutis huius aut potius virtuosa passionis favent linguæ omnes præter eas quæ transiverunt in terra & quæ nihil nisi quod flagitiosum sit laudare consueverunt. Ecclesiastici 7. cuius rei pretiosa in auro signatæ antefertur. *Gratia verecundia super aurum.* Ambrosius in eius encomijs multus: *Verecundia, inquit ille, est socia ac familiaris mentis placiditati, proterviam fugitans, ab omni luxu aliena, sobrietatem diligit, honestatem fovet & decorem requirit.* Pannonius in Caput 6. Canticorum hæc eam celebrat panegyri. *Verecundia quasi aurore quadam purpureo rubore omnium actuum colorat principia & virgineas virtutes reliquas venustat pudore.* Cicero vocat custodem virtutum omnium. Mediolanensis Antistes præter ea quæ in laudem ipsius (ut paulò superius adduxi) dixerat, vocat comitem pudicitia. Et rectè. Pudicitia enim à pudore nuncupata, propriè circa illa versari solet de quibus homines maximè verecundantur, quales sunt actus ad quos dulcium sæva Mater cupidinum impellit. Nec solum de ipso opere carnali sed & de signis eius, aspectibus nimirum impudicis, osculis, tactibus maximè verecundatur homo; cum eiusmodi rebus delectationes quarantur quæ ob sui vehementiam opprimunt rationem suntq; potius brutales quàm humanæ. Ad signa præfata erubescenda propriè se extendit pudicitia: ad opus ipsum refrænandum castitas dirigitur. Pudicitia igitur sive eam strictius, sive etiam pro castitate, ut sumi solet, accipias, utroq; modo habet semper comitem verecundiam.

Law eiusdem ex Scriptura & ss. pp.

Lib: 1. de Officijs.

2. 2. q. 15. art. 4.

Sed fortasse honori boni istius derogat quod non in omnium animis fidam sibi constituere queat stationem. Quærit S. Thomas an in hominibus virtuosus possit esse verecundia. Negativam tenet deciditq; dupliciter in aliquo deficere verecundiam propter duplicem rationem aliquod malum non timendi; vel quia non apprehenditur ut malum vel quia æstimatur ut vix possibile seu ut facile vitabile. Deficit itaq; verecundia in aliquo vel quia ea quæ sunt erubescibilia non apprehendit ut turpia & hoc modo carent verecundiâ homines in peccatis immerfi ac inveterati qui gloriantur cum malè fecerint; vel quia apprehendit turpitudinem ut impossibilem sibi aut tanquam facile vitabilem & hoc modo senes ac virtuosus carent verecundia, sic tamen sunt dispositi ut si in eis esset turpe aliquid de eo confunderentur. Ex hoc Angelico discursu advertis, solis perfectis & firmatis in amore Divino verecundiam non convenire; cæterum nobis quos vel levis tentationis flatus à soliditate dilectionis avertit & huc illucq; agitat, necessaria est, utpote honestatis seu pulchritudinis spiritualis comes & custos. Cur itaque Virgo Beatissima qua nihil in creatis perfectius, verecundata est & ad conspectum Angeli velut ad aliquid exprobrabile narratur trepidasse? Verecundia hæc in Virgine motus fuit rationem præveniens, quales mo-

An in perfectis verecundia locum habeat.

tus in quibusvis reperiuntur passionibus: quanquam perfectos, quandoque verecundos esse B. Bernardi vita testatur ut ait Card: Caietanus in expositione Summæ.

Ecclesia verecunda.

Et verò quid perfectius, quid virtuosius Sponsâ Dei Ecclesiâ quæ sine ruga, sine macula, tota pulchra speciosa perfecta in Canticis prædicatur & tamen vel maximè in ea placuit Altissimo gratiosa hæc purpura. Quid enim aliud illa oratio Sponsi quàm roseum commendat pudorem: *Sicut vortex mali punici ita gena tua.* Sedes verecundiæ in genis est. Hæ ergo dum rubenti crustæ malogranati assimilantur, procul dubio rubor pudoris commendatur. Amplius excurrit in laudes verecundiæ Sponsæ Cælestis, Sponsus: *Quàm pulchra es,* ait ille, *amica mea, quàm pulchra es, oculi tui columbarum absq; eo quod intrinsecus latet.* vel juxta hebraicam lectionem: *Oculi tui columbarum intra crinem tuum.* Cincinni enim cirrati parvè prominentes oculis mulierum

Apud Pannon: in Cant.

addunt decorem & pulchritudinem. Rabbi Jona, pro, intra crinem tuum, vertit, *intra velum tuum.* ut sensus sit, oculos Sponsæ modestissimos & pudicissimos vereq; columbinos intra velum (quo subtilissimo facies eius velaretur) fuisse, ut non quidquid liberet, liberè aspicerent sed jam palpebrarum jam velaminis muniti tegmine, necessario duntaxat conspectui deservirent. Velum equidem oculorum verecundia est, magisq; eos à curioso frænâ obtutu quàm subtilissimum transparentis gestamen telæ. Emulatricem aut veriùs correctricem naturæ dixeris quæ oculos occultari volens, villos pilorum ac folliculis ciliorum occultuit; unde etiam nominis traxerunt proprietatem. Copiosum sanè ac luculentum suæ excellentiæ testimonium nacta est virtus hæc ex ipso Divino ore, ut vel ideò nos omnes in sui amorem trahere possit si velimus sequi. Sed & actus peculiaris eiusdem in eodem testimonio indicatur.

Principalis ætius verecundiæ custodia oculorum.

Hic autem est, ut oculos qui in sensibus ad cognoscendum principes sunt, diligenti servemus custodia ne ad videnda ea moveantur quæ linguas hominum ad exprobandum provocare sufficerent. Initium namq; omnis turpitudinis exprobrabilis, incautus aspectus. Lamentatur ex persona peccatoris Propheta. *Oculus meus depradatus est animam meam.* At quomodò oculus depradari potest animam cum utpote materialis, sit inferior anima spirituali distetq; hæc ac superet altitudine illum, quantum regio Cælorum superat terrestrem globum? Prædones dum in alto res positas diripere nequeunt, scalas applicant pluribus constantes gradibus earumq; beneficio suæ indulgent cupiditati. Hoc uritur artificio oculus ad spoliationem animæ. fabricat scalam & per gradus ascendit donec ad ipsam rationis arcem pertingat universos expilaturus thesauros. Gradus scalæ huius scire vultis? En illos ex Glossa super illud Jobi. *Pepigi fædus cum oculis meis. Visum sequitur cogitatio, cogitationem delectatio, delectationem consensus, consensus opus, opus consuetudo, consuetudinem necessitas, necessitatem desperatio, desperationem damnatio.* Ascensus scalæ huius facilis est sed descensus difficilis ne dicam impossibilis. Ex visu ad cognitionem, ex hac ac delectationem, ex ista ad consensum, & quò hic consummatur ad opus, tandem ad consuetudinem, ex consuetudine ad necessitatem, deniq; ad desperationem facile est naturæ corruptæ scandere sed revocare gradum hinc opus hinc labor est! In alto constituti ex vertigine præcipitium

Suadetur custodia oculorū ex malis aspectum consequentibus.

cipitium patiuntur: idem contingit illis qui ad peccandi necessitatem per frequentatos actus velut ad culmen improbitatis pervenerunt. Vertigine corripiuntur ambulantq; in circuitu donec cadant ad imum promeritæ damnationis barathrum æternum infelices! Justè igitur plan- git Propheta: *Oculus meus depraedatus est animam meam*, quandoqui- dem tota spiritualis gazæ jactura ex oculo trahit originem. Initium vastitatis in anima aspectus est. Considera Evam Matrem humani gene- ris quæ nobis prius occidendo per aspectum obfuit quàm vivificando profuit; respice Filios DEI videntes filias hominum; Dinam, Achan, Davidem, aliosq; innumeros per visum ruinam passos intueri, & huic subscribes veritati. Alipius quoq; D. Augustini contubernalis teste eodem Augustino, si non aperuisset oculos, quod proposuerat ad sceni- ca vocatus spectacula, non fuisset captus amore impudicarum theatra- lium infaniarum. Deniq; quidquid malorum quidquid flagitiorum ac facinorum in mundo, ex visu velut ex fonte derivatur. Quia enim ni- hil est in intellectu quod non fuerit in sensu, aspectus autem principem habet in sensibus locum, sequitur nihil posse cognosci per intellectum nihil appeti per voluntatem, quod prius non fuerit haustum per viden- di facultatem. Ideo sancti quiq;, & perfectioni Christianæ studentes Religiosi ut mentem suam ab impuris fervarent cogitationibus & cogi- tatui maligno succedaneis operibus, deprimebant oculos claudabantq; & juxta monitum Evangelicum spiritualiter sibi eruebant. Celebra- tissimus ille Joannes Eremita 90. annis nullam fæminarum vidit nec se videri ab ulla passus licetq; nobilissimæ ac religiosissimæ mulier quæ- dam impatienter eum videre cupiverit & vehementer per maritum su- um id impetrare laborarit, nihilominus non obtinuit, in somnis dunta- xat visionem eiusmodi consecuta. Arsenius matronam Romanam re- darguit quòd ad se visendum per tot terrarum ac maris spatia perre- xerit petentiq; pro se oraret, respondit, *orabo ut nunquam tui memori- am habeam*. Theodorus B. Pachomij discipulus matrem & sororem pro- priam videre noluit. Idem de ipsomet Pachomio & Simone Stylita ve- teres memoriæ prodiderunt. Marcum Anachoretam lego salutationis officium parenti suæ clausis oculis impendisse & verba dedisse ædifica- toria; hoc idem fecisse Piorem dum eum soror uterina inviseret. Eu- sebius Eremicola frænaturus, oculos à curioso agrorum & aratorum con- spectu, zonâ ferrea cinxit lumbos & collare ferreum collo circumde- dit, alioq; ferro conjunxit zonam cum collari ut hoc modo pronus ef- fectus lumina in terram continuè defixa gestare debuerit. At in simi- libus, magis superstitionis quàm devotionis speciem gerentibus mode- ratio & discretio adhibenda est. Verecundia & modestia focale est for- tius ferreo; oculorum nostrorum evagationem coercere & potentiùs & fructosius valet. Ut recentiora quoq; memorem, in historijs Fratrum Minorum narratur quendam fratrem vitæ purissimæ nomine Rutgerum diligentissimum fuisse oculorum suorum custodem, sic, ut nunquam in fæminas etiam cognatas quas alloqui necesse habebat, eos conjecerit. Unde Pater spriritualis qui probè conscientiam eius noverat, perconta- tus est quid causæ esset quòd tanto puritatis dono præditus vultum tamen averteret à conspectu mulierum honestarum? respondit homo sanctus & à DEO illustratus: *Pater, inquit, quando homo facit quod in*

Exēplum incau- ti cautiq; a- spectus.

In Confessio- nibus.

Vide vitas PP.

Apud Teretiū in libro Arma- Lucis.

se est & occasiones peccandi fugit tunc vicissim DEUS facit quod in se est & hominem tuetur ac custodit. At quando se homo conijcit in discrimen, tunc etiam justè à DEO deseritur atq; ita fit ut ob naturæ corruptionem, facile in peccatum gravè prolabor. sancta equidem & verissima doctrina quàm ut in tabulis cordis nostri carnalibus, caractere nunquam abradendo scribamus, dignissimum. Etiam domestica custodiendi oculos præstò sunt incitamenta. Monet enim Regula ut oculi nostri etsi jacentur in aliquam feminarum, in nullam figantur cum abominatio sit Domino defigens oculum. Cælius noster in explanatione; minimè inquit, tutum est figere aspectum in feminam cum statim sequatur cor motum lascivientis oculi. Cuius regulæ exactum fuisse custodè Gregorium Strigoniensem, Generalem 26. in Annalibus invenio, qui prudentissimo astu studiosos formæ muliebris capiebat & vindicabat inspectores.

Alij Actus verecundiæ.

Sed à proposita ad aliam materiam ponè delapsus sum & dum urceum facere cogito, amphoram finxit manus. A verecundia digressus, oculorum custodiam commendavi, quanquam connexa hæc esse, hancq; ab illa pullulare præmonui. Verecundiæ igitur est facere sensus diligenter custodiri, & vel maximè oculos raptores ad culpam. Eiusdem est cum matura vultus ac morum conformatione gravitatem præferre, abstinere à verborum blanditijs, arrisionibus, nutibus, omniq; huiusmodi agendi libertate, nec hanc severitatem ulla de causa ulliusq; gratiâ unquam relaxare. Eiusdem quoq; est non tantum præsentium oculos vereri sed etiam seipsum erubescere, nec audere clam facere quod palam offenderet. Homo castus oculos assidue defixos gerit in DEUM, in sui custodem Angelum, & seipsum. Coram his tribus turpe quid facere aut cogitare tam verecundaretur quàm coram toto Orbe terrarum. Carnem propriam nudam conspiciere piaculum reputant verecundi. Sic Amon castissimus Licum flumen transiturus horrebat vestè ponere ne seipsū nudum cogeretur videre ideoq; in præmium pudicitiae meruit occulta vi trajcere aquas. Sic D. Antonium, Hyacinthum, Casimirum, aliosque non minus in abscondito quàm in publico verecundos miratum est cælum.

q. 151. art. 4.

*Horatius lib. 1
ep. 1.*

Verecundia seu pudor, pro eodem enim à Doctore Angelico usurpantur, in omnibus quidem laudabilis: *Æquè pauperibus prodest locupletibus aequè. Æquè neglectus pueris senibusq; nocebit.* Specialiùs tamè ad eius amorem religiosos adhortatur B. Athanasius: *Sit igitur, inquit ille in exhortatione ad Monachos, pudoris ac reverentia vestra tuta ac firma custodia.* In eo amore & pretio apud gentiles etiam fuit ut quædam dixerit: *sed mihi vel tellus optem prius ima debiscat ante pudor quàm te violem.* Hic pudicitiae ardor Religiosos decet, ad quos diriguntur illa Apostoli verba: *Omnia à vobis honestè fiant;* verecundia enim honestatem fovet quia cavet ne quid turpe & confusione dignum committatur. Et profectò quia locum sanctitatis occupamus, maiori præ cæteris exprobrationi & linguis hominum patemus si quid turpe egerimus. Bonum opus quod in luce & propalam facimus, non tantum laudatur quantum malum quodcunq; à nobis gestum exprobratur nec

tanta

tanta nobis gloria post victoriam quanta ignominia post ruinam. Soli eclipsato quidam apposuit inscriptionem: *Cum deficit spectatorem habet.* Nos tangit symbolum. Non mirantur homines vel certè non magis, si luceat lux nostra coram ipsis; at si defecerimus, si claritatem in tenebras peccati commutaverimus, tunc spectant, tunc mirantur, tunc ad exprobandum habenas ori suo laxant, ut audire liceat: En Religiosum, en Monachum, en DEI Sacerdotem, qualia agit, qualibus se occupat? Ista ne est Religiosorum vita? hæccine conversatio? Etiamne DEO sacrati homines moribus seculi imbuuntur? Nec mirum quòd facile conspectui & exprobrationi occurrat turpitudine nostra. *Crimen enim tanto conspectius in se quanto maior qui peccat habetur:* seculares porro eam de nobis hauserunt opinionem quasi, de eadem massa, qua illi, formati non sumus, quasi peccatis non sumus obnoxij, quasi in calis nidum collocaverimus, unde nos nulla tentationum vis detrahere valeat. Amuletum contra linguam humanam *quæ est quotidiana for-nax nostra,* verecundia est. Hanc igitur colamus, omnem deformitatem, omne quod nobis justè exprobrari posset & propter quòd confusio faciem nostram operiret, studiosè vitemus. In altero sexu omnia suspecta putemus, imò etiam tuta timeamus. Oculos intra velum verecundiæ teneamus. Servemus lucentes hos globos aspectui Christi, aspectui hominum Sanctorum, conspectus muliebres formidemus, assatus vereamur, conformes verecundiæ Marianæ sic futuri.

Juvenalis

S. August. in
Confess.

H O N E S T A S.

Festum Purificationis Beatissimæ Virginis MARIE crastina die celebrat S. Mater Ecclesia: supponit proinde verè purificatam esse, & tamen nullatenus Beatissima purificari potuit vel eguit. Unde exclamat Bernardus: *Verè o Beata Virgo non habes causam nec tibi opus est purificatione.* Cui enim bono purificaretur in qua nullæ sordes erant, cui nulla macula inhærebat. Tota totissima pulchra & per naturâ & per gratiam quomodo post partum illum indigeret mundari quò in lucem editus ipse DEUS homo, puritatis non destructor sed author? Certè non subjacuit legi Mosaicæ illa quæ non communi via, non suscepto semine at ipsa virtute Spiritus Sancti obumbrantis concepit & peperit Filium DEI. Cur ergò solemnî ritu purificationem MARIE celebrandam instituit Ecclesia? Purgationem seu purificationem duplicem ego considero, passivam aliam & hæc locum in Virgine Matre non habuit: activam aliam & hanc in Deipara cultu religioso veneramus. Puritas namq; Mariana non fuit sterilis non infœcunda sibiq; soli sufficiens; at extra quoq; copiosis sese diffundebat scatebris, ab ijs, quos attingeret, impuritatis affectum abigendo, & studium sanctioris vitæ imprimendo. Id dum brevibus documentis ex sacra scriptura petitis comprobo, simul ad pulchritudinem spiritualem, quâ charismata MARIE æmulemur, invito.

Canticorum 2. Sponsus cælestis pulchritudinem MARIE intuitus tali eam deprædicat encomio: *Sicut lilium inter spinas, sic amica mea*

Gg

inter

Apud D. Bo-
naven. in cap:
2dum: Luca.Purificatio
duplex.

inter filias Adæ. Insignè elogium nisi cæteris præjudicium inferre videretur! Ergone sola Virgo beatissima liliū, cæteræ autem omnes mulieres ab Adæ descendentes spinæ sunt? Nonne tot in veteri testamento faminæ insigni erant ornata pudicitia, nonne tot Virgines eximia præcellentes castitate? Scio equidem Judithas, Estheres, Susannas, & millenas alias extitisse pudicissimas matronas: cur itaq; non mereantur liliū appellari? Nunc verò in novo testamento adolescentularum non est numerus quæ mori potius quàm castitatis jacturam subire eligerent? Cur ergo honorificum lilij nomen ipsis negetur? *Flos sunt Ec-*

D. Cyprianus.

clesiastici germinis, decus atq; ornamentum gratia spiritualis, lata indoles, laudis & honoris opus integrum atq; incorruptum, cur non liliū? Persistit in sua sententia Divinus Spiritus & solam MARIAM liliū, omnes extra illam, spinas nuncupat: *Sicut liliū inter spinas.* Quid ita? Nimirum estò aliæ Virgines ac mulieres, fuerint sintq; defacto non minus castæ quàm pulchræ, estò penes suam formam sint pudicissimæ; aliorum tamen corda venustate corporis tanquam spinæ pungunt, vulnerant, cruentant, & ad fædam concupiscentiam nolentes trahunt. Sola Virgo superbenedicta non tantum non pellexit quempiam aut pupugit ad impuros affectus & motus, verum quos aspexisset aut qui eam aspexissent, in eis comprimebat. sopiebatq; ad tempus saltem, libidinis sensum. Omnium sui spectatorum animos ab illicitis purgabat & purificabat cogitationibus. Sane liliū! *Hoc enim rebelles castitati motus compefcit, hebetat proclivem sensum in libidinem, & casta dat somnia.*

Pannon: in
Cantica.

Unde quidam: *castos dant lilia somnos.* Si respectu Virginis Beatissimæ, Matronæ Virginesq; pudicissimæ, spinæ sunt; quid erunt illæ quæ naturam adulterant dum vultus cerussa & pigmentis colorant imò potius decolorant. contra quas invehitur acriter D. Cyprianus. *Si quis pingentis artifex vultum alicuius & speciem & corporis qualitatem amulo colore signasset & signato jam consummatoq; simulacro manus alius inferret ut jam formata jam picta quasi peritior reformaret, gravis prioris artificis injuria & justa indignatio videretur. Tu te existimas impune laturam tam improba temeritatis audaciam, DEI artificis offensam? Quod ornari te putas quod putas comi, impugnatio est ista Divinitatis prævaricatio est veritatis. Quanta hac amentia effigiem mutare naturæ, picturam quarere. Tolerabiliora propemodum in adulterio crimina sunt. Ibi enim pudicitia, hic natura adulteratur.* Sed redeo ad MARIAM.

De habitu Vir-
ginum.

Idem Divinus Sponsus defixus in admiratione speciei Marianæ & in quandam amoris raptus extasim sic ait: *Oculi tui columbarum absq; eo quod intrinsecus latet.* acsi diceret: Oculi tui o MARIA, columbini quia simplices, modesti, nitidi, pudici & præter hoc aliquam specialem insignem & planè Divinam habent sibi inhærentem occultam qualitatem, quæ autem hæc qualitas? quid illud intrinsecus latens in oculis Marianis? Virgines ac mulieres aliæ habent etiam oculos columbarum si in obtutibus suis sint modestæ, quietæ & pudicæ; licet nihilominus eiusmodi columbino gaudeant aspectu, nocent qualitate ipsa luminibus suis, quæ animos spectatorum inficiunt ac instar fascini cuiusdam illigant, virusq; concupiscentiæ medullis miserorum immittunt. Unica Beatissima Virgo contrariam proprietatem sacratissimis innatam luminibus possedit, quæ non modò non inficiebat verum etiam, quisquis in-

fectus

fectus esset, expurgabat & contagionem concupiscentiæ depellebat. Suffragatur huic expositioni D. Bonaventura in hunc modum. *Oculi tui columbarum absq; eo quod intrinsecus latet, scilicet quod nullus ex aspectu gloriosa Virginis quamvis esset pulcherrima urcebatur aut inflammabatur ad fœdâ carnis concupiscentiam in hac scriptura demonstratur, sed eam potius extinguebat Divinus ille aspectus quasi frigidus ex oculis Virgineis ros efflueret.*

Tertium hieroglyphicon puritatis Marianæ alios purificantis depromo ex Ecclesiastico ubi seipsam Virgo Beatissima comparat cum myrrha & Cedro: *Sicut Cedrus exaltata sum. Sicut myrrha electa odorem dedit.* Sicut aliæ similitudines appositæ ad Mariam Virginem; mihi ista comparatio non videtur quadrare laudi eiusdem. Cedrus spinosa & aspera est, myrrha amara: quid autem asperitatis & amaritudinis in MARIA? tota lenis hoc est suavis & benigna, tota dulcis, imò dulcedo ipsa ut nec nominari possit quin accendat, nec cogitari quin recreet affectus nostros, nec unquam sine dulcedine portas memoriæ nostræ ingrediat. Quia tamen his seipsam assimilât arboribus, proportio & analogia secum non potest ijs non inesse. Cedrus & myrrha infestæ sunt venenatis insectis. Illa enim odore suo serpentes abigit, ista vermes. Et Virgo sacratissima odore Angelicæ puritatis suæ fugabat excetras Avernales cum suis illecebrofis sibilis ac suggestionibus, propulsabat lascivos ex cordibus humanis affectus & quidquid vermem conscientiæ germinare potest exterminabat. *Puritas MARIE* ait Bernardinus de Busti *omnium corda penetrabat & omnes motus illicitos in eis comprimebat. Et ideo comparatur Myrrha & Cedro, quia sicut odor Myrrhæ fugat vermes & odor Cedri fugat serpentes sic & odor suæ Virginitatis de cordibus aliorum expellebat motus brutales.*

Serm. 4. de V.
MARIA.

Scripturæ authoritati accedunt testimonia Sanctorum Patrum. S. Ambrosius: *Tanta, inquit, erat gratia castitatis in MARIA ut non solum in se virginitatis gloriam servaret sed etiam his quos viseret integritatis insigne conferret.* Hugo de S. Victore. *Quia in corde MARIE amor Spiritus Sancti singulariter ardebat ideo in carne eius mirabilia faciebat.* Doctor Angelicus in 3. sentent. distin. 3. 9. art. 1. ad 4. *Pulchritudo inquit B. Virginis ad castitatem excitabat.* Testes appello veritatis huius convictores Deiparæ Josephum, Joannem Apostolū, Dionysium Areopagitā quantū ex conspectu & cōvictu Virginis in castitatis totiusq; iustitiæ Christianæ cultu profecerint, notissima eorū clamat sanctitas. Guilelmus Marchio à Turrè Majoris, usus pro symbolo Sole eclipsato cum lemmate: *Sic mutor ad illam*, designans, ut sol obiectu lunæ mutatur ita se in alium mutari præsentia consortis. Si sacra profanis miscere & conferre liceat, luna mystica Virgo Beatissima eam habet virtutem ut immutet homines in suum candorem defixos. Ardeas licet ut Sol diebus canicularibus, si te statuas contra eam, si aspicias, si ores, mutaberis: ex impudico fies pudicus, ex lascivo continens, ex improbo sanctus. *Sapè tulit blandis argentea lilia Nymphis*, canit Propertius de vestali Tarpeia. Hæc, hæc sacratissima vestalis, lilia castitatis nobis afferre & conferre & vult & potest si illos suos misericordes oculos ad nos convertat.

Lib. de instit.
Virg. cap. 7.

Apud D. Tho.
in exposit. sa-
lut. Angel.

Pulchritudo MARIE etiam aliquid ad informandos mores nostros

*Pulchritudo
MARIE docet
ne sumus
spectatores
corporalis pul-
chritudinis.*

innuit. Quid illud? ut à pulchritudinis corporalis quæ in omnibus ex-
tra Virginem Beatissimam spinosa est caveamus intuitu. Cruentabitur
quisquis inhæserit. Cogites, cui aliena decoris blanditur species, spi-
nas, rubum, viscum te videre. Cogites quòd flos iste, flos spinarum,
sit, ferit & perit; ferit quia sub lenocinio formæ latentes infigit acule-
os, perit; momento enim rapitur fulgor qui radiat genis, & quævis
dies formosi spoliū auferre potest corporis. Sit quispiam vel quæ-
piam, rosarum & liliorum calathus, eboris ostriq; commercium, habe-
at in vultu omnes veneres cupidinesq; , hora sequens totam hanc for-
mositatis gratiam morbi alicuius accursu dissipabit. Proposito Monasti-
co nihil magis contrarium quàm nitoris corporei vel in se ipso studium
vel in sexu diverso admiratio. Decus Monachi pallor & macies. Acri-
ori animaduersione dignus Religiosus nitidioris formæ amator, quàm
Sabinianus Diaconus his ab Hieronymo redargutus: *Quasi victima pa-
ratus Libitina in proprium funus ornaris, amicis lintheis, unguenta fra-
gras, mutas balneas & contra renascentes pugnas pilos, per forum ac pla-
teas nitidus ac politus amator incedis.* Puerorum est auratos codices
spectantium, circa deurationem & picturam occupari, medullam libri
doctrinam nimirum non quærere: ita puerile est in externa corporis
specie sistere & immorari nec ad Authorem eius amandum intendere,
non intendere ad animam quæ sustentat carnis pulchritudinem imò
ipsa est corporis forma, eaq; recedente corpus in cadaver, color roseus
in pallorem, in saniem & putredinem vigor commutatur. Nisi ergò
pungi velis, nisi uri desideres, ardenti venustatis rubo nè appropies! spi-
nas sauciandus ne complètere!

*Docet item ut
sumus pulchri-
tudinis spiri-
tualis amato-
res.*

2.2. q.27 ar.1

*Pulchritudo
MARIE cor-
porea a spiri-
rituali pul-
chritudine
pendebat.*

Aliud est quod ex consideratione Marianæ pulchritudinis docemur,
nimirum ut sumus pulchritudinis spiritualis amatores & bono Christi odo-
re de bona conversatione fragrant. Eriam enim hæc magnam habet
vim spectatores ad amorem puritatis & rectitudinis excitandi. Sua-
det id Doctor Angelicus dum ait: *Contemplatio pulchritudinis spiritu-
alis est principium amoris spiritualis.* Et Tullius ab eodem adductus:
*Forma ipsa & species honesti si oculis cerneretur mirabiles amores excita-
ret sapientie.* Nec pulchritudo corporea Virginis perbeatæ aliunde,
crediderim, habuit quòd impuros sopiret affectus & ad sectandam sti-
mularet castitatem nisi à decore spirituali qui fulgorem corporalem non
tantum magis magisq; , cohonestabat sed etiam ita moderabatur ut non-
nisi sancta, non nisi honesta alienis ingereret mentibus. Ita fuit con-
temperata & ordinata pulchritudo corporea cum spirituali in speciosa
præ filiabus hominum Virgine ut illa huic cederet vimq; istius non im-
pediret nec minueret sed promoveret & augeret. Quemadmodum si
beatus aliquis in glorioso speciosissimo corpore alicui mortali appare-
ret, non ad turpitudinem sed ad honestatem moveret quia in eo pul-
chritudo externa corporalis regeretur & regularetur ab interna; ita
MARIE intuitus in qua ad instar beatorum subiectissimus erat appetitus
sensitivus rationali, rationalis DEO; non ad impura pelliciebat ast san-
ctitatis procreabat amorem, quia animæ pulchritudo externam corpo-
ris venustatem regebat ordinabat & ad vim effectumq; spirituale ele-
vabat. Si namq; , quod ait Aug: *Rationalis substantia que ab omni pec-
cato munda, est DEO subiecta, subiectis sibi ceteris dominatur; profe-*
cto anima

*De vera Reli-
gione.*

Atò anima Virginis augustissimæ, utpotè semper munda à peccato, semper DEO subiecta, corpori eiusq; pulchritudini ita imperabat ut nonnisi sancti per speciem corpoream produceretur effectus. Omnis ergo gloria pulchritudinis Marianæ, omnis efficacia eiusdem ab intus, à spirituali.

Virtutem præfatam attribuit pulchritudini spirituali scriptura Cant:

4. *Dentes tui sicut grex tonsarum quæ ascenderunt de lavacro. Omnes gemellis fatibus & sterilis non est in eis.* Per dentes intelligit Pannoni

nus Doctores Ecclesiæ qui populo DEI concidunt & comminuunt cibum verbi Divini. Ex his alij anteriores qui & incisores, alij posteriores qui

molares vocantur: anteriores sunt Apostoli qui doctrinam Christi in

4. Evangelia inciderunt. posteriores sunt qui hucusq; molunt scripturâ

expositionibus & prædicationibus. Plerumq; in sacris literis, quæ specialiter dicuntur, etiam generaliter intelligi possunt. Sæpe enim talia

tractantur de specie seu parte quæ etiam generi, hoc est toti, apertissimè congruunt. Quare monet Augustinus de doctrina Christiana libro 3.

ne Lector quærat in specie quod in genere potest melius & certius inveniri. Quia ergo præfatus Cantorum textus omnibus in genere

fidelibus aptissimè convenit, à specie ad genus inoffenso pede transeamus. Omnes quotquot faucibus Ecclesiæ inserti sumus, dentes sumus.

Omnes panem quotidianum Divini Verbi mandere & ruminare necesse habemus ut in alium memoriæ trajiciamus, vitam spiritualem hoc pacto conservaturi. Quæris quæ dentium proprietas? Candidi debent

esse ut oves candidæ sunt ex lavacro ascendentes. Candidi, inquam, immaculati, nullo spurcitiarum atrore contaminati. Quid porro inde?

si candidi fuerint non plus certè nec magis masticabunt quàm quos aliqua infecit nigredo? Fructus candoris fidelium est, quòd sicut oves

gemellis fatibus gaudentes, multiplex pietatis germen in alijs procreabunt. Non erit sterilis in eis honestatis candor, non erit sterilis pul-

chritudo spiritualis; cogitationes sanctas, affectus pios, decentissimam conversationem admirabili fecunditate in alijs pariet. Sed iterum,

quod in expositione sacræ scripturæ licitum est, à genere ad speciem descendendo. Per dentes Sponsæ ex sensu Bernardi, vel maximè intelliguntur Religiosi. Hi namq; fortes debent esse & duri ad masticandos quos-

cunq; grossiores adversitatum bolos; in carne radicati carnem tamen non habere; nihil faciunt intra se pati; per pacem & fraternitatis unitatem bene secum cohærere ne turbato vel unico dente caput totumq;

congregationis corpus acri dolore vexetur; unus supra alium non prominere ne tota corporis deformetur structura. Hi igitur dentes si candore niveo si candore albedinem ovium ablutarum æmulante refulse-

rint, fetus omnigenos variarum virtutum in spectantibus proferent. Ex intuitu eorum fideles sancta proposita concipient & vitæ melioris parient exempla, uti oves Jacob ex aspectu virgarum vario colore oculis ludentium concipiebant pariebantq; variegatos fetus. Etiam ex

conspectu uvarum quæ ad maturitatem solaribus coctæ radijs pervenerunt, livescunt aliæ & colore pinguntur violaceo. *uvaq; conspecta livorem ducit ab uva.* Si tanta vis pulchritudinis uvarum; quanta honestatis per oculos totumq; corporis habitum ab anima fulgorantis?

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

At visio, inquires, est principium amoris. Quomodo ergo honestas quæ secundum Augustinum, est pulchritudo intelligibilis, & ipsa amari

Pulchritudo spiritualis excitat proximum ad virtutem.

Eggeret in anathem.

Vide Ticonij regulas apud Augu lib: de doctr: Christiana.

Juvenalis.

S. Thom: 2. 2.

.q. 27.

Spiritualis
pulchritudo
in quo consistit

& ad amorem boni honesti ceteros provocare poterit quæ videri nequit. Spirituale enim & intelligibile est extra obiectum visus. Qui hæc opponis, velim scias honestatem seu pulchritudinem spirituales in eo consistere quod conversatio hominis sive actio eius sit conveniens cum rationis lumine; sicut pulchritudo corporalis ex eo pendet quod corpus habeat membra proportionata cum quadam debiti coloris claritate. Enimvero ad rationem pulchri & decori concurret & claritas & debita proportio, ait D. Thomas. Hæc duo si adsint in corpore, pulchrum vocatur: si adsint in vita moribusque nostris, pulchritudine spirituali nitetur. Ne igitur putes me de animæ loqui gratiosissima venustate quæ uti cunctorum corporum superat formositatem ita & oculorum transcendit capacitatem. De spirituali pulchritudine quæ posita est in ordinatissima & juxta lumen rationis regulata vita & consuetudine, ago. Hæc subiecta oculis est, ideoque sancto fascino trahere potest ad honestatis studium. Jam ad nos ipsos lumina retorqueamus, per speculum examinis nos contemplemur, studiosius consideremus an pulchritudo hæc exornet faciem genasque vitæ nostræ, an ad claritatem rationis universas moderemur actiones, an mores nostri sint cum dictamine intellectus, cum statu Religioso cum dignitate sacerdotali consoni? Videamus an simus dentes, nitidi, candidi, immaculati an e contra atrii putridi fædentes! Utinam profecto pulchritudinem & prima lineamenta vitæ quam ad initium conversionis tenuimus retineamus! Fulgebamus antea speciosi, specie & pulchritudine intendebamus, proficiebamus gratiâ coram DEO & hominibus. Jam vereor ne lachrymabili lamentatione plangi mereamur: *Candidiores nive, nitidiores lacte, rubicundiores ebore antiquo, saphiro pulchrioribus. Denigrata est facies eorum.* Ubi illa pudicissima compositio, ubi mores nivei, ubi constantia & maturitas eboris antiqui firmitatem superans, ubi pudicitia in gestis in oculorum aliorumque sensuum gubernio, ubi infantilis in la-

Sen: in trag: Cte expressa simplicitas & innocentia? *Periere cuncta, concidit rerum status.* Faciem nostram interioris & exterioris hominis deturpavit & fuligine infamiæ resperxit vita deterior. Hinc mirum non est quod sumus absque fatura, quod DEO spirituales non procreemus sobolem quod nemo ex nostro aspectu ad DEUM laudandum ad virtutis amorem excitetur. Imò forsitan exemplis pravis facinus nobis bis plus filios gehennæ. *Nec hoc dico quod aut in vobis aut in sanctis viris ista formidem sed quod in omni proposito & in omni gradu & sexu, & boni & mali reperiantur malorumque, condemnatio laus bonorum sit.*

Hier: ad Ne-
potian.

Omnia igitur honeste & secundum ordinem in nobis fiant. Pulchritudinem ex duobus coalescere dixi, ex proportionem & claritate. Utrumque sollicitè curemus Divinis humanisque in ædificationem placituri oculis. Vita rationi, actio congruat nomini, ne sit nomen inane crimen immane, status sublimis, vita declivis: claritas luminis naturalis nec non supernaturalis quod donum intellectus vocatur, conspicuam nostræ conversationis semper illustret & serenet faciem. Intelligere est quasi intus legere. Intellectus est facultas intimè aliquid cognoscendi. Studemus ergo per intellectus donum nobis à Spiritu Sancto cum gratia superaddi solitum intimè penetrare bonorum & malorum spiritualium naturam ut illa amplectentes, hæc fugientes, nunquam honestatis subeamus jacturam.

A M O R



A M O R

D I S C I P L I N Æ.

P Rincipes & legum conditores supra legem esse nec vi coactivæ legis subiacere constans est & vera assertio. Regulari sanctionibus à se latis possunt Principes juxta illud: *Patere legem quam ipse tulisti*, & juxta capitulum. *Cum omnes extravagani de Constit: Quidquid juris aliquis in alterum statuit, ipse eodem jure uti debet*, regulari inquam possunt, cogi non possunt. Quis enim feret judicium condemnationis adversus Principem si contra legem agat? Christus Dominus per quem legum conditores juxta decernunt an etiam regulari ordinationibus legum creaturarum indigebat; an item Mater sua sanctissima, directione præceptorum opus habebat? minimè verò. Quippe errare non poterat ille per naturam, hæc per privilegium. Sufficiebat Christo abtq; institutionibus juris ipsa voluntas Divina cui se conformaret & secundum quam velut regulam rectissimam & fallere & falli nesciam operaretur. Suffecerat & Virgini Beatissimæ lux naturæ & gratiæ limpidissima per quam ita dirigebatur ut nullum erroris metueret periculum. Cur ergo se legi subijciunt? cur Mosaica impleturi sancita templum subintrant? Nos docent exemplò suo ut legibus, legislatoribus, Magistris, Superioribus ritè & rectè subijciamur. *Virtus cuiuslibet subditi est* (ait Doctor Angelicus) *ut bene subdatur ei à quo gubernatur; sicut virtus irascibilis & concupiscibilis in hoc consistit quod sint bene obedientes rationi*. Vis Christum Matremq; eius superbenedictam in subiectione imitari? ausculta, quomodo seu per quid possis rectè subdi illis à quibus gubernaris.

Ante festum
Purificationis
B. Virginis.

2. 2. quæ: 43.

Subiectio & disciplina nomine solùm non re discrepant ut patet ex statuto Constantinopolitanæ Synodi 7. 9. 1. ubi dicitur. *Vita Monachorum subiectionis habet verbum & disciplinatus*. ubi disciplinatus & subiectio pro eodem usurpantur & unum per aliud explicatur. Quidnamq; disciplina est nisi subiectio sui ad audienda præcepta sive literarum sive morum & ad pœnam pro transgressionibus suscipiendam. Actus legis, 4. assignantur: Imperare, vetare, permittere, punire. Quia enim in triplici sunt differentia actus humani: alij ex suo genere boni, alij mali, alij indifferentes vel modicè boni, aut modicè mali, ideo etiam alij imperantur ut boni, alij vetantur ut mali, alij permittuntur ut indifferentes & quorum malitia vel bonitas modica est. Medium verò per quod lex inducit ut sibi obediatur, est timor pœnæ atq; ideo spectat ad legem, etiam punire. Cum igitur disciplina sit subiectio ad leges discendas servandasq;, est pariter subiectio ad pœnas suscipiendas. Si ergo cupis rectè subijci, in disciplinatu oportet vitam agas. Si vis esse bonus subditus, sis bonus discipulus à discendo vel disciplina vocatus. Amor disciplinæ solus est qui te bene subditum efficere queat. Sed quia disciplina ipso suo nomine horrorem incutit, amandam eam non fugiendam ostendo & suadeo.

Disciplina
quid?

Amari disciplinam scripturæ volunt dum necessariam prædicant. *Necessitas di-* Psalmo secundo vates Regius monet: *Apprehendite disciplinam ne quan-*
disciplina. do irascatur Dominus & pereatis de via iusta. Et Salomon quod à Pa-
Eccl. 5^a tre didicerat alijs instillavit: *Fili ne deficias à disciplina Domini neq;*
fatigeris cum ab eo corripieris. Et: *Collum vestrum subijcite jugo & susci-*
piat anima vestra disciplinam. S. Augustinus de bono disciplinæ. Ni-
 bil profecto est inquit quod non disciplina aut emendet aut saluum fa-
 ciat. Hæc mores hominum irata corrigit, inflammata custodit. Absq; di-
 sciplina quid adultero castum quid furi esset non tutum, quid latroni non
 periculum? quid non præsumptio possideret nisi furorem animorum sub
 metu pena, disciplina compesteret ac nisi constitutus esset ordo vivendi
 nunquam profecto finem poneret natura peccandi. Nihil est quod non gu-
 la suadeat si gula disciplina consentiat, nihil est quod non luxuria perdat
 si amore vitiorum à te disciplina discedat, nihil est quod non cupiditate
 habendi, animas occupet nisi avaritia vitium disciplina condemnet. Tan-
 dem orationem suam insigni claudit epiphonemate: *Omnia sub metu*
discipline vitia jacent. Et Hieronymus amandæ subiectionis ac discipli-
 næ author est dum ad Demetriadem hæc scribit. *Bonum est obedire*
maioribus, parere præfectis, & post regulas scripturarum, vitæ sue tra-
mitem ab alijs discere nec præceptore uti pessimo scilicet præsumptio-
ne sua.

Omnibus quidem hominibus at potissimum Religiosis necessarium
S. Thomas 9. studium disciplinæ quorum *status, disciplina & exercitium quoddam*
186. art. 5. perfectionis, gymnasium virtutum, patientiæ & subiectionis palestra.
 Si illi rei (ait Augustinus) ad quos disciplina nunquam pervenit quid
 de illis judicandum quos destituit? Planè minor culpa non pervenisse ad
 disciplinam quàm legem disciplinæ respuisse. Ex miserabili filiorum He-
 li exitio & damnatione discite luctuosum & infelicem indisciplinatorum
 Religiosorum finem. 1. Reg: 11. Filij Heli suæ vocationis immemores,

suæ dignitatis conditionem non attendentes, sanctitatis gradum teme-
 rantes, pessimas res & gravia peccata perpetrabant. Corripiebat eos
 Pater & obiurgabat: *Quare facitis res huiusmodi, res pessimas, quas au-*
odio ab omni populo. nolite filij mei, nolite. non enim est bona fama quam
ego audio ut transgredi faciatis populum Domini. Quam quidem obiur-
 gationem sæpius repetebat. Quid autem illi? non acquieverunt eius
 monitis, nihilo meliores facti sunt, in eodem hæserunt luto. Ob id vo-
 cat eos scriptura aptissimo vocabulò filios Belial, absq; jugo, hoc est,
 absq; lege, exleges, contemptores Parentis, imò ipsius DEI, effrænes in
 omnem licentiam, disciplinæ osiores. Sed attendite quid dicat scriptura.
Non audierunt vocem Patris sui, quia voluit eos Dominus occidere. id est
 proiecit eos, reprobavit, æternæ maledictioni addixit. Dominus igitur
 eorum duritiæ Authôr? Minimè. illi ipsi sua prava voluntate & quæ ex
 prava voluntate nascitur peccandi libidine & quæ ex libidine dum ei non
 resistitur ortum habere solet consuetudine, & quæ ex consuetudine gi-
 gnitur delinquendi necessitate obdurarunt cor suum ne salutaria Patris
 monita susciperent. Qui habet aures audiendi audiat. Ecce filij Heli
 damnati decreto Divino dicuntur, quòd absq; jugo, absq; lege, absq;
 correptione voluerint esse; ut discas signum esse æternæ reprobationis
 increpationibus nolle acquiescere, in monitorem maledicta retorquere
 post cor-

Quam neces-
 saria sit disci-
 plina Religio-
 sis subditis o-
 stenditur ex
 plo filiorum
 Heli.

post correptiones deteriore fieri, dura cervice & incircumcisis auribus & cordibus Spiritui S. per Magistrum spirituales loquenti resistere. Prævidit id & prædixit Paremiastes Proverbiorum 19. *Viro qui corripientem dura cervice contemnit, repentinus superveniet interitus.*

Nec solum ex parte subditorum necessaria disciplina, etiam Prælatos si eam negligent, districta Dei manet ultio. Quia Heli lenitate Patris non auctoritate & severitate Pontificis corripuit, quia non juxta modum delicti punivit, quia ab altaris ministerio non abiecit, non suspendit, non deposuit, quia spirituali mucrone excommunicationis seu e synagoga eiectionis non ferivit, quia corporalibus non flagellavit pænis, qui per suam conniventiam complex fuerat transgressionis, complex factus perditionis. Fractis cervicibus, qui cervices filiorum frangere neglexerat, expiravit. O verè! verè periculosus est, vel ex hoc solo capite prælatorum status quod peccata corrigere, evellere, extirpare, destruere, rigorem districtæ castigationis adhibere, nihil impunitum relinquare tenentur, ne dum dissimulant, Divinæ justitiæ pro alijs reddatur rei. D. Hieronymus Sabiniano vitæ profligatæ Diacono gloriantem se ab Episcopo sancto ordinatum reponit: *Tantum abest ut te Episcopi tui justitia valeat liberare ut timendum sit, ne de solio suo corruens pereat insanabilis*, propter suam videlicet indulgentiam quâ tua peccata nutriuntur. Sed necdum hîc modum finemque ponit vindicta Dei. Etiam locum ipsum ubi vitia perpetrantur nec plectuntur, sua damnatione fulminat. Quia enim in tabernaculo Domini peccabant filij Heli, *locus ipse tabernaculi subversus est & propter vitia sacerdotum sanctuarium Dei destitutum est.* Timendum profectò ne & Asceteria & Monasteria in quibus Divinæ violantur leges nec pervicacia violatorum rigida animadversione mulctatur, ne inquam & ipsa ultricem cum peccantibus, cum conniventibus sentiant Dei manum & everfa, aut igne, nobis quidem fortuito at per Divinam justitiam destinato, in favillam & cineres redacta, memoriale fiant metuendi judicii Divini.

Indisciplinatis & pervicacibus Religiosis quomodo bonum exitum ominari possum qui iisdem perseverentiam in Religione augurari nequeo?

Religio est velut arca Noe supra tumentes fluctus in quibus mundani homines miserabili pereunt naufragio elevata & natans. Habet intus arca hæc columbas, habet & corvos. Columbina proles sunt boni, disciplinati, legibus & superioribus obtemperantes atque pænitiæ ferulam humiliter sustinentes Religiosi. Est enim columba simplicissimum animal & innocuum: non lædit unguibus nec morsu petit, cum occiditur non retrahit collum sed exporrigit; at verò corvina progenies sunt illi qui morum fuscidine denigrati emendationem ad cras & cras differunt. quodsi vel minimum in eos, feriens & paternè castigans extendatur manus, statim crocitant. De corvo tradunt scripturæ & interpretes quod emissus ex arca semper redibat antequam aquæ siccareretur; postquam siccata sunt, amplius non comparuit. Rebellantes Religiosi neque se humiliter seu ad doctrinam seu ad correptionem submittentes, tandem, tandem aufugiunt à Religione, cum commoditatem viderint cum occasionem apprehenderint, cum impedimenta apostasiæ abesse adverterint. Tunc tunc quâ data porta qua data via avo-

Quam item
necessaria ex
parte superi-
orum.

Nec non ex
parte Mona-
steriorum.

Ad Sabinianum

Religiosi indi-
sciplinati ad
apostatandum
faciles.

lant ad libertate fruendum ad cadavera depascenda ad lambendas putidas carnes, ad ingluviem ventris sectandam ad corporis curam faciendam deniq; ad faciendum id omne quod libet non quod licet. Revocate in memoriam exempla apostatarum quos vestra complecti potestis reminiscentiâ, unam hanc reperietis fuisse illis apostatandi causam quod pro suis transgressionibus superbam & toris adipeis tumentem cervicem ad correptionem humiliare nollent, aut regulares castigationes inter sævas computarent afflictiones. Præstò rei huius ex scriptura documentum. Gen: 16. lego quod fugit Agar Dominam suam, quia affligebat eam. At quomodo possibile ut Sara mulier tam sancta affligeret famulam suam in tantum ut eam ad fugam compelleret. Hoc sanctitati Saræ non congruebat, affligere, amaricare, & ita irritare suam pedisequam ut amplius pati non valens injurias, fugam meditaretur & arriperet. Lyranus in hunc locum commentatur quod non erat ista afflictio sed disciplina competens superbæ ancillæ ac necessaria quam illa per superbiam, suam afflictionem judicabat. Verba sunt Lyrani: *Non affligebat eam injustè sed castigabat & humiliabat rationabiliter quæ humiliatio erat ipsi Agar afflictio eò quod ex elatione volebat Sarai se præferre.* Si ad præxim hæc deducas (ait de Ponte) & præcipuè ad Religiosorum statum, inde educes quod multi illorum afflicti vivunt ex superiorum mortificationibus, duras has afflictiones vocantes cum non sint nisi rationabiles humiliactiones. Superbire volunt non humiles vivere: mortificationes flagella dicunt; quid mirum si in dies amplius ex illis superbientes apostatant? hucusq; ille. *Apud DEUM non attenditur diversitas sexuum sed mentium.* Ideo aptè per Agar ancillam quisq; Religiosus subditus figuratur. Certissimum est quia fugiet quia à Religione desciscet, si non amat disciplinam si correptiones humiliter non acceptat sed detrectat sed minatur sed furit & injustè se vexari concrepat.

In Math: Ca:
1x. annot: 48.

S. Hieronymus

S. August: de
bono discip:

Motiva ad
amorem di-
scipline.
à rebus inani-
matu.

à brutis.

Nemo disciplinam irrationabilè putet nemo abijciat sub qua videt omnipotentis DEI circa omnia quæ in calo & sub calo sunt stare consilium. Nunquid sine disciplina agitur cursus solis; qui quamvis diurni itineris necessitatem infatigatus impleverit ad officium tamen suum matutinus occurrat. Nunquid sine disciplina est quod tanti maris fluctus humili terrarum littore continetur & in suo sinu frequenter incitata ventis altior aggere unda concluditur. Omnia perfectò inspiens natura confunderet nisi mundum disciplina ratio gubernaret. Quid jam non esset tenebrorum quid non incompositum quid non haberetur absurdum nisi constitutis legibus cuncta starent elementa. Egregiè Doctor Angelicus deducit omnia prorsus creata subijci legi Divinæ æternæ secundum illud scripturæ Proverb: 8. Quando circumdabat mari terminum suum & legem ponebat aquis. Dat rationem insignem, quia, inquit, DEUS imprimit toti nature principia propriarum actionum & ideo omnes motus & actiones totius nature secundum hanc rationem legi æternæ subduntur in quantum nimirum moventur à Divina providentia: non autem per intellectum Divini præcepti qualiter nature rationales DEO subijciuntur. Quid porro animæ rationali atq; ad DEI imaginem factæ conveniat, facile homo potest intelligere cum videt sacratis per voluntatem DEI constitutionibus etiam elementa servire. Docent nqs & animalia servare discipli-

disciplinæ ordinem. Videmus enim quomodo mannuli tolutim incedant pedesq; ad numeros colligunt, & sub unius habenæ retinaculo ita laxari se consentiunt ut & currendi & standi modus sub quadam legum dispositione fervetur. Videmus quomodo fortia boum corpora plauastro subiacent & tumentia cum palearibus suis levi jugo colla supponunt. In Camellis quis docile non miretur ingenium dum sive flectere sive erigere genua jubeantur ita Magistri sui virgam tenentis imperio deserviunt ut ingenti illi corporeæ moli aliquid rationis inesse putes. Ursi, barri, aliq; animalia ad obedientiam aptantur jussisq; humanis obtemperare consuecunt ut cum opus fuerit, etiam armatis legionibus & telis hostilibus se obijciant. Picto quod collò delicata pardus juga sustinet, rabidæq; tygres flagello patientiam indulgent: quòd aurea lupata remordent cervi: turpes quòd trahunt effeda bisontes: & molles facere jussa choreas quòd nigro nil negat magistro bellua, quis non imputet disciplinæ? Ad verecundiam nostram & humanæ confusionem negligentia hæc dicuntur quòd tam parum apud nos proficiat magisterium, cum videamus pastorem diligentiam etiam circa bruta non frustrari. Bestiæ à natura feroces & ratione carentes cicurantur & nostris se submittunt imperijs, prompto obsequio humanæ conditionis venerando dignitatem: nos humanitatis lege ad mansuetudinem comparati ferocimus & frænos coercitionis non patimur ac si plus possit in illis naturæ instinctus quàm in nobis lumen rationis, & magis nos impediatur ab officio obsecutionis libertas quàm bestias naturalis feritas: & tamen è nobis, *nemo adeò ferus est qui non mitescere possit. Si modò cultura patientem accommodet aurem.* Ad studium disciplinæ non verecundemur item accendi ex hominibus quos nativitatis lex ad perpetuos damnavit labores. Continui illi in servitijs, in laborum instantia, in æstu & frigore, in sudoribus; ad omnia subiecti, Domino non refragantur, non recalcitrant. Fustibus frequenter tusi Dominum tamè suum agnoscunt. Ab his magistris magnus ille Arsenius eruditus, in virtutis proficiebat agone. Aliquando enim cum sene quodam Ægyptio rusticano miscens sermonem & aliquid ad instructionem spiritus exposcens, cur id faceret tantæ vir eruditionis in latina & græca lingua, miranti cuidam anachoretæ respondit: *Latinam quidem & græcam secularem scientiam nactus sum sed alphabetum rustici istius necdum didici.* Quod verò istud alphabetum? Puerorum alphabetum sunt primi literarum characteres: Colonorum ac si mastigiarum pænæ & labores. His frequenter subijciuntur, in his de die in diem exercentur. Hanc & nos nisi cognoverimus literaturam non introibimus in potentias Domini.

Finis, est una circumstantiarum quæ solent maximè declarare conditionem & præstantiam rei movereq; ad amorem eiusdem. Ideo ad amorem disciplinæ nos alliciens Doctor gentium, finem ipsius proponit. *Omnis, inquit, disciplina in presenti videtur non esse gaudij sed meroris sed postea fructum pacatissimum exercitatis per eam reddet justitiæ.* ad Hebræos cap: 12. ac si diceret: ne disciplinæ initia consideres, finem respice: principium amarum est sed jucundus finis. Incipit à fletu vel quasi fletu, desinit in vero gaudio. Seminatur in lachrymis, in exultatione meritis. Attende ad fructum pacatissimum justitiæ quem tibi conferet. O quantum æstuas animo ut uberrimos justitiæ manipu-

Ab agricolis.

In vitis SS.PP.

à fine.

los in horrea æternitatis congreges? habebis quod desideras si non oderis disciplinam. *Nolite mirari* (ait Chrysostomus) *si quum ipsa amara sit fructus tamen proferat dulciores. Nam & in arboribus cortex panè semper amarus & asper est, fructus tamen ipsi suavitate jucundi sunt.* Molestum pueris vapulare sed postea jucundum florere in seculo & excellere linguosis artibus ad honorem hominum & divitias famulantibus. Ridebantur, ut ipse testis est, Augustini ludum literarium frequentantis plagæ, magnum tunc & grave malum ipsius, ridebantur à maioribus & ab ipsis Parentibus. quare? quia sperabantur fructum copiosum parituræ. Et verè peperunt. nisi disciplina præcessisset, Augustinus non fuisset Augustinus. Si disciplina literarum procreat uberes fructus; quid morum, quid utraq;? veniet, veniet tempus quando post amara antidota dulcissimum sensum percipies sospitatis: post lachrymas in decorticatione passionum & ignaviæ tuæ fusas, poma delectabilia proferes & gustabis ipse: post putationes luxuriantium pampinorum & palmitum, uvas jucunditatis spiritualis colliges, uti colligebat D. Hieronymus, qui in disciplina linguæ Hebraicæ quid laboris insumpserit, quid sustinuerit difficultatis, quoties desperaverit, testem appellat conscientiam tam suam qui passus est quàm eorum qui secum vixerunt, omnis pressuræ postmodum oblitus propter jucunditatem scientiæ quam nactus erat atq; ideo dicebat: *Gratias ago Domino quòd de amaro semine literarum dulces fructus carpo.*

Ad Rusticum.

De bono disciplina.

Imperium & superbia ubi nam?

Typotius.

Sed aies disciplinam duris legibus constitutam, præcepta gravia esse, superiorem plus justo rigidum, cuius mandatum imperium sit, qui animò superbo & potestate dominante præcipiat, tyrannico plectat pectore. Iudicem aut prætorem putes qui vix ante se fasces non curet portari & buccinam inflari. Quoties eum aspexero ollam furoris accensam & virgam vigilantem arbitror me videre. Respondet D. Augustinus: *Loquantur ista miseri quos ad omne facinus diabolus auctor mortis invitat, quorum mentes varia vitiorum genera captivas possident. Dulce onus est disciplinæ bonis & virtuosis & leve jugum Domini quod non gravat nisi aut perditos aut perituros. Multi sunt qui disciplinam imperium esse judicant & rationabilem castigationem superbiæ assignant cum non sit imperium nisi ubi aliquid jubetur injustum, nec sit superbia nisi ubi negligitur disciplina.* Vide igitur an non tu superbus qui superbū judicas Prælatum dum disciplinam metuendus imponit. Oppones iterum. Regula non vult nos esse sicut servos sub lege. Scimus ista, junge quod præcessit: *Donet Dominus ut observetis hæc omnia tanquam spiritualis pulchritudinis amatores non sicut servi sub lege sed sicut liberi sub gratia constituti.* quibûs monet ut leges omnes nostro præscriptas statui non ex servili timore sed filialis; non metu pænæ sed culpæ; virtutis amore non formidine pœnitentiæ observemus. Quodsi pertinaciter libertatem obtendis, audi, libertatem non debere esse absque metu. quò si careat, ad præcipitium & non dubiam ruinam inducet. Franciscus Donatus Venetorum Dux pro hierographia habuit equum cursu incitato absq; sessore currere visum, cum lemmate. *Libertas sub metu.* Docuit eiusmodi ænigmate, libertatem quæ metu careat, vel in servitutem commutandam vel exitiò ultimo Cives involuturam, uti caballus libertatem adeptus dum excusso sessore per campos hinc inde gyrat,

pyrat, tandem luporum faucibus fit præda. Libertas absq; metu licentia est, malorum omnium occasio est. Liberos ergo voluit nos legislator sed libertate quâ à Christo donati sumus, libertate ordinata, libertate metum filialem non excludente sed urgente.

In disciplina igitur perseverate. *Tanquam filijs vobis offert se Deus. quis enim filius quem non corripit Pater? Quodsi extra disciplinam estis cuius participes facti sunt omnes, adulteri & non filij estis.* verba sunt Apostoli gladio ancipiti acutiora. Quis pater est, qui filij sui ulcera non curet secari, ut virus pestilens in cutem exeat? *Pars sanitatis velle sanari;* tu si cicatrices tuas nec modicè tangi finis, quomodo curari potes? *Putrida carnes ferro curantur & cauterio.* Putorem volo & quod emortuum est clementi rescare correptionis ferro, tu me quasi freneticus morsu laceras. Crudelem vocas qui miser sum, qui tuis doleo vulneribus, qui horreo infirmitatem quam tu qui pateris non horres ipse. Ergo crudeles omnes Chirurghi spirituales secantes vitia peccatorum & ad penitentiam cohortantes. Crudelis Phinees Hebræum cum meretricis gladio confodens. Crudelis Petrus Ananiam & Saphiram morte mulctans & in pœna duorum omnes instruens. Crudelis Paulus tradens Corinthium Sathanæ in interitum carnis. Crudelis demum Christus ipse flagello funiculorum eiciens templi profanatores. Atqui hoc est opus superiorum ante DEUM, ut improba subditorum studia coerceant, malitiam expungant, innocentiam custodiant, & ad hoc potestatem habent percutiendi terram omni plagâ quotiescunq; voluerint, Apoc: 12. qui locus auctore Pannonio ostendit Prælatos Ecclesiæ libere posse uti plagis etiam atrocioribus in fontes pro varietate & modo culparum. *Perversi enim difficile corriguntur* ut habetur Ecclesiastici 2. Unde discite, si tu difficile corrigeris, perversus es. Scito itaq; non crudeliter sed misericorditer tecum fieri si palpentur tua vulnera; noli indignari si ulcus tuum iudicij scindatur novacula. Crudelitas ista pietas est. Non omnis qui parcit amicus est nec omnis qui verberat inimicus, meliusq; est cum severitate diligere, quàm cum lenitate decipere. Qui phreneticum ligat & qui letargicum excitat, ambobus molestus, ambos amat: sic & Superior molestus quidem est si te phrenesi iracundiæ & aliarum passionum furem liget, si letargo ignaviæ soporatum excitet, sed te sic faciendo amat. Non ex rancore ligat non ex odio excitat at ex paternæ officio dilectionis. Quis potest nos amplius amare quàm DEUS & tamen hic non solum docere suaviter verum etiam salubriter terrene non cessat. Fur nonnunquam avertendis pecoribus pabulum spargit, pastor autem aliquando pecora errantia fuste aut loro revocat: dic mihi quis horum tibi videtur misericors an fur pascens an pastor percutiens? Ad rem Ambrosius. *Non semper Pater osculatur filium sed aliquando castigat. Ergo quando castigatur qui diligitur, tunc circa eum pietas exercetur.* Dulcior itaq; sit nobis Religiosa castigatio quàm blanda remissio. Dicamus cum David. *Corripiat me iustus in misericordia oleum autem peccatoris non inpinguet caput meum.* Non sumus de numero eorum qui illud obgannunt: *Omnia mihi licent & ego sub nullius redigar potestate.* Idem disciplinæ Franciscum cognomento Pium imitemur qui jam in culmine Generalatus existens si forte ex familiaribus joco vel serio corripere ad instar rei errorem confessus aiebat:

Kk

Mea cul-

Ad Hebræos
cap: 12.Superiores
sunt chirurgi
spirituales.S. Hieronymus
Ad Bonasum.Disciplina nō
ex odio sed ex
amore imponi-
tur.Annales no-
stri lib: 2. c. 19.

Mea culpa, mea negligentia, mea levitas, mea obtusitas in causa est. Amemus disciplinam, simus sapientes & caveamus eam abijcere. Sic rectè subdemur eis à quibus gubernamur pro subiectione huiusmodi supra multa constituendi & in gaudium Domini intraturi.



H O N O R

A L I I S E X H I B E N D U S.

NOn diu absq; officio erga homines latuit post conceptum DEI Filium Virgo Beatissima. Illa totius perfectionis Idea, virtutum omnium epitome, thesaurus gratiarum cælestium, vitæ sanctioris norma omnis complementum justitiæ exurgit & proripit se in montana. Pergit Regina ad ancillam, Domina ad servam, DEI Mater ad hominis parentem, MARIA ad Elizabeth. Venerabilis toti mundo humilem cognatæ suæ impendit venerationem, adorata & adoranda ab Angelis, hominibus in domo Zachariæ submissam exhibet servitutem. Prævenit honore quæ præveniri debuerat & quæ nuper à Beatissima Triade honorificentissimo salutata nuncio, Zachariam, Elisabetham & Joannem celeri ac officioso non dedignatur salutare accursu. Exemplum dedit nobis ut quemadmodum ipsa fecit & nos faciamus: nobis, qui à Spiritu DEI concepimus: nobis, qui in montana Religiosæ perfectionis assurgimus, qui ad excelsa virtutum luctamur fastigia. Dum Virgo properò gressu ad honoris & observantiæ præstandæ proficiscitur obsequium, ego præeuntem volentibus in hoc virtutis studio stadiòq; sequi, calcar addere contendam.

Honor quid?

Honor juxta D. Thomam & Philosophum, est exhibitio reverentiæ in testimonium virtutis seu in testimonium excellentiæ. Ille enim qui volunt honorari, testimonium suæ excellentiæ quærunt ut habet Philosophus 8: Ethic. porrò testimonium redditur coram DEO vel hominibus. Coram DEO quidem qui inspector est cordium testimonium conscientiæ sufficit; ideoq; honor quantum ad DEI notitiam potest consistere in solo interiori motu cordis ut si aliquis recogitet vel DEI vel hominis cuius-

Quotuplex?

piam coram DEO excellentiam. Sed coram hominibus non potest testimonium ferri nisi per signa exteriora vel verborum, ut cum aliquis alterius laudes ore celebrat vel factorum ut inclinationum, obviatorum & huiusmodi vel quarumcunq; exteriorum rerum ut cum munerum oblatione, imaginum erectione & similibus, alterius protestamur amplitudinem. Hinc claret duplices esse honoris actus, internos alios, alios externos; illi coram DEO in secreto conscientiæ, hi coram hominibus in propatulo, ut ad notitiam deveniant exercentur. At qui nam

Qui honorandi.

sunt ij quos honore prosequi debeamus? Non hic de DEO ter optimo maximo cui soli honor & gloria neq; de Cælitibus quos utpote amicos DEI nimis honorificatos esse Propheta canit, res mihi est, sed de hominibus solis quibuscum nobis ut vita communis ita communis moriendi neces-

di necessitas. Occurrit D. Petrus aitq; omnes honorate. & Paulus Apostolus honore invicem praevenientes. Doctor Angelicus 2. 2. q. 107. art: inquit an honor solis propriè debeat Superioribus & resolvit ita esse honor enim est exhibitio reverentiæ propter excellentiam alterius. Qui autem excellit, superior est in eo in quo excellit. neq; tamen oportet, verba ipsius sunt, quòd ille qui honoratur sit excellentior honorante sed vel quibusdam alijs vel etiam ipso honorante saltem quantum ad aliquid. Idcirco omnes omnino honorandi homines quia ut ait idem Doctor in quolibet invenitur aliquid ex quo possit eum alius Superiorem reputare juxta illud ad Philipen: 2. In humilitate Superiores invicem arbitantes. Potissimum tamen honorandi Superiores secundum strictioris vocabuli proprietatem accepti. Stringimur ad reverendum eos præcepto Decalogi: *Honora Patrem tuum*. Persona enim providentiam circa nos gerens, peculiari modo tenet proprietatem patris; quia sicut Pater est principium generationis, educationis, disciplinæ, & omnium quæ ad perfectionem humanæ vitæ pertinent, ita fascibus admotus est principium gubernationis in aliquibus rebus ut Proconsul in rebus civilibus, dux exercitus in rebus bellicis, Magister in disciplinis. Eo igitur honore colendus est Rector quilibet qui Parentibus debetur. Deinde ad eos qui regimen tenent, pertinet gubernare subditos; gubernare autem est movere in debitum finem, unde nauta, quia navim ducit ad portum, dicitur eam gubernare: omne porro movens habet eminentiam quandam & virtutem supra id quod movetur. Quare in omni eo qui est in dignitate positus duo, oportet, considerentur: status videlicet excellentiæ vi cuius debetur honor, & gubernationis officium, vi cuius debetur cultus quò vicem beneficijs pro suo modulo rependit subditus. Quia igitur Superiores gubernant nos, movent nos ad debitum finem, ad professionis vitæq; Religiosæ scopum, (ut hîc de solis loquar Superioribus nostris regularibus) quia nos ad portum salutis æternæ ducunt, debetur eis honor, debetur & cultus juxta illud 1. ad Timoth: 5. *Qui bene præsunt duplici honore digni habentur*. Honor præmium virtutis est: jam vide sis quomodo præ reliquis fidelibus præmiet Deus præsidet. Centuplum pro mercede assignavit communi vulgo credentium & mandata Dei custodientium; *at præsistentibus duplicatum servatur vita æternæ præmium*. Ducenti his qui custodiunt fructus eius. Si ita à Deo ipso, qui bonorum nostrorum non eget, honorantur Prælati, quali à nobis dignandi sunt cultu cum in nostram tota eorum auctoritas, tota jurisdictio redundet utilitatem? Huc respexit D. Hieronymus quando Nepotianum & in eo unumquemq; Religiosum monuit: *Præpositum Monasterij timeas* (honores, colas) *ut dominum; diligas ut Parentem*. Neq; id arroganter dictum putes. Homo enim, si fides Doctori Angelico, *contrahit quandam similitudinem Divini domini ex eo quod habeat potestatem super alios homines vel super quascunq; creaturas*. Assentabatur Cæsari Martialis: *Numen habet Cæsar, sacra est vis, sacra potestas*. Absq; blandimenti lenocinio & citra adulationis notam id de quovis legitimo Superiore usurpare possis, Numinis præsentiam & vicariam finitimamque Dei in ipso recolendo potestatem.

Honorandi item peculiari modo Sacerdotes sæculares. Hi enim juxta Triden: sunt Vicarij Christi, sunt præsidet & judices populi: vi ministerij

Honorandi omnes homines

Item Superiores quia sunt patres nostri

Quia nos gubernant:

Quia honorantur à Deo, duplicato premio.

Pannon: in Cantica.

Quia habent similitudinē Divini domini.

Item Sacerdotes sæculares.

quia ministerij sui, Curati præcipuè, habent ordinariam curam & potestatem
 Vicarij Christi baptisandi & prædicandi, ligandi ac solvendi, pænitentiam imponendi,
 orationes publicas instituendi, benedictionem impertiendi, sepeliendi,
 cæteraq; Ecclesiastica munia exercendi, ultra potestatem conficiendi Cor-
 poris & Sanguinis Domini. *Ut multis noti multis sunt auctoritati ad
 salutem & multis præeunt secuturis.* Episcopis ordine & officio pares,
 S. August. in Confess. solam si excipias introductam consuetudine auctoritatem. Dicit enim
 Gratianus ex Hieronymo d. 14. *Olim idem Presbyter qui Episcopus. &
 infra: Sicut ergo Presbyteri sciunt se ex Ecclesie consuetudine ei qui sibi
 prepositus fuerit esse subiectos, ita Episcopi noverint se magis consuetudi-
 ne quam dispensationis dominica veritate Presbyteris esse maiores & in
 communi debere regere Ecclesiam.* Et in Concilio Carth. 4. dicitur *Episco-
 pus in Ecclesia in confessu Presbyterorum sublimior sedeat, intra domum verò
 collegam se Presbyterorum esse cognoscat.* in quo etiam Concilio cavetur
 ne Episcopus in quolibet loco sedens stare Presbyterum pariat. Et
 quamvis Religiosi Presbyterio insigniti recensita munia demptis mere
 Parochialibus obire queant uti defacto obeunt, id tamen non ex officio
 neq; de jure ordinario sed per dispensationem cum illis in utilitatem
 Ecclesie factam præstant, quod claret ex decretali Gregorij Papæ sic
 sonante: *Ex Apostolico huius decreti moderamine & pietatis officio à no-
 bis constitutum est, Sacerdotibus Monachis Apostolorum figuram tenentibus
 licere prædicare, baptizare, communionem dare, pro peccatis orare, pæni-
 tentiam imponere atq; peccata solvere.* ubi ex verbis illis, *moderamine,
 Apostolico & pietatis officio constitutum est,* benigna concessione & dispen-
 satione indultam regularibus Ecclesiasticas functiones peragendi facul-
 tatem intelligis. quæ dum allego, nolo suffragari ijs qui monasticum
 statum ex natura sua contrariari officijs Ecclesiasticis opinantur quos re-
 futat Doctor Angelicus cuius ego doctrinam ut hîc quoq; veneror & am-
 plector. D. Hieronymus Presbyter simul & Monachus, in tantum præ-
 tulit gradum ministerij Sacerdotalis monastico proposito, ut scribere
 non erubuerit ad Heliodorum: *Alia est causa Monachi alia Clerici. Cle-
 rici oves pascunt ego pascor; illi de altari vivunt, mihi securis quasi ad
 radicem infructuosa arboris ponitur, si munus ad altare non defero. Mi-
 hi ante Presbyterum sedere non licet; illi si peccavero, licet me tradere
 Sathane in interitum carnis ut spiritus salvus fiat.* Unde idem summo
 honore summa reverentia prosequatur Episcopos, Presbyteros, aliosq;
 inferioris ministerij Clericos & non nisi sancta nonnisi honestissima de
 illis loquebatur ut protestatus est ad eundem Heliodorum: *Abstine ut de
 his quidquam sinistrum loquar qui Apostolico gradui succedentes, Corpus
 Christi sacro ore conficiunt, per quos & nos Christiani sumus: qui claves
 Regni Celorum habentes, quodammodo ante diem judicij judicant: qui
 Sponsam Domini sobria castitate conservant.* Ad Rusticum verò: *Non
 est, inquit, humilitatis mea neq; mensura judicare de Clericis & de Mi-
 nistris Ecclesiarum sinistri quidpiam dicere. Habeant illi ordinem & gra-
 dum suum.* In instructione Nepotiani magnificam texit panegyrim Ec-
 clesiasticis. *Sancti, inquit, sunt Clerici & omnium vita laudabilis. Ita
 ergo age & vive in monasterio ut Clericus esse merearis.* Nec contentus
 sua erga Ordinem Clericalem observantia, alijs eam quoq; ingenerare
 studet dum sugillationes censurasq; sæcularium Prælatorum à Monachis
 factas

factas perstringit: *Pudet dicere! de cavernis cellularum damnamus Orbem: in sacco & cinere volutati de Episcopis ferimus sententiam.* Si omnes retroactorum temporum revoluam historias, semper debitum honorem sacerdotio impensum advertam: quod solum ad nos attinet, commemoro. Princeps instituti nostri Divus Paulus, honoris (juxta Cæsaris Baronij ad annum Christi C. C. C. X. L. III. observationem) & propensionis suæ erga Athanasium Episcopum, causâ pallium ejusdem tegendo suo corpusculo expetivit. S. Antonius omnes Ecclesiasticos, Clericos, usq; ad ultimum gradum ante se honoris gratiâ compellebat orare, Episcopis atq; Presbyteris quasi humilitatis discipulis ad benedictionem submittens caput. Pachomius ipsum Christum se in Sacerdotibus in Ecclesiæ throno cernere deprædicabat. Plura taceo exempla cum cuivis facile possint occurrere.

Honorandi insuper quicunq; Religiosi tum confratres tum extranei & vel maximè quorum propositum ornatur sacerdotiô & sacerdotium propositô. Honorandi Inquam. *Si enim ut ait Nierembergius de gratia, theca mortuis sanctorum referta cineribus tanto in honore est, si frigida ac sicca sanctorum mentium spolia tantopere honorantur; quo deest honore prosequi vivas Christi domos, spirantia Divinitatis sacraria, pulvinaria Augustissima Trinitatis? Anima sancta est DEI hospes, veneratio calitum, amenissimus Sponsæ hortus, ac mille facibus suaviter fulgurans thalamus, Triados summæ prætorium sole ac Cælo capacius, Divinarum aula, solium & ara personarum.* Hinc est quod Religiosis viris præfulgentes potestate sæculari Principes sua plerumq; submittebant capita & quos totus adorabat Orbis, humili vultu monasticum venerabantur schema. Purpuræ ad saccum erubescabant: Coronæ cucullis humiliabantur: sceptrâ ligonibus aut scipionibus Eremiticis substernebantur. Constantinus, quo cultu Antonium magnum dignatus sit, continuata sæculorum celebrat memoria. Arsenium quâ veneratione aula Honorij & Arcadij habuerit, fama hucusq; per veridicos scriptores traducta buccinatur. Theodosius invisit Ægyptium Monachum ad Constantinopolim in cellula inclusum, cum eo familiarissimè collocutus, pane sicco & aqua jucundissimè refectus & non nisi post impendiô honorificam salutationem ipsi impertitam ab eo egressus. Imò, ut scribit S. Damascenus in vita Barlaam, Rex quidam obvios habens duos Religiosos statim è curru desiliens atq; humi prostratus eos adoravit ac deinde surgens amicissimè complexus est, ut taceam de honorificentissimis peregrinationibus Melaniæ, Paulæ, Rufini aliorumq; millenorum ad Ægyptios Eremiticolas invisendos ab Urbe Romana institutis. *Hoc pretium virtus intaminata tulit.* Non mediocre honoris mutui in Monasterijs tuendi tenendiq; incitamentum ex D. Hieronymi ad Heliodorum gradatione sumitur. *Ubi, inquit ille, honor non est ibi contemptus est: ubi contemptus ibi frequens injuria: ubi autem injuria ibi & indignatio: ubi indignatio ibi quies nulla: ubi quies non est, ibi mens à proposito sæpè deducitur: ubi autem per inquietudinem aliquid aufertur ex studio, minus fit ab eo quod tollitur: & ubi minus est, perfectum non potest dici.* Ex hac supputatione illa summa nascitur, Monachum qui honorem non habet, perfectum esse non posse cum tamen in perfectionis sit statu & ad eam tendere obligetur.

Quia àss. v. r. y. s. æstimati eximie sunt.

Item Religiosi

Quia sunt v. i. va tēpla Dei

Quia Principibus venerabiles.

Nec non v. r. y. s. hominib; peregrè ad eos venientibus.

Religiosi absq; honore per se esse non possunt.

Deniq; omnes
fideles,
Quia honorā-
tur à Deo pro-
pter imaginē
suam.

Quia sunt e-
lecti ad glori-
am ut pie crea-
dendū de sin-
gulis.

In Duce pec-
catorū lib: 1.
part: 1. Ca: 6.

Deniq; omnes generaliter homines honorandi præsertim verò domesticæ fidei. Quare rogo DEUS propter hominem tot tantaq; creavit, cælum, terram, aërem, aquam & omnia quæ in eis sunt? Omne quod graditur in terris, quod natat in aquis, quod volitat per aëra, quod splendet in Cælo, quod vernat in floribus, rutilat in gemmis, blanditur, in pupis, Omnipotentia DEI non superior in Angelis nec inferior in vermiculis, produxit propter hominem. Tam varia genera, tam varias species, individua prorsus innumera, non modò ad necessitatem, verum etiam ad voluptatem hominis condidit. Cur ita liberalis in hominem DEUS? *Honorat scilicet in homine imaginem & similitudinem suam* ut ait D. Augustinus in solil: Cap: 20. In testificationem excellentiæ nostræ, quod ad imaginem suam formati simus, tantis mundum propter nos instruxit bonis, tantis auxit muneribus. Si ita est, cur nos non honoremus imaginem DEI in proximo? Filij principum gestant præ pectore bullas aureas sicut gestavit quondam filius Tarquinij Prisci ob rem in bello Sabino adhuc dum puer esset præclare gestam bullâ aurea, & prætexta à Patre donatus. Bullæ hæ, ut Macrobius ait, antiquitus solebant esse in figuram cordis formatæ, & aliquando, parentum imaginē præferabant. Bullâ aurea in cordis figuram efformata unumquemq; hominem decoravit altissimus Princeps, idemq; pijsimus omnium Pater, decoravit inquam corde rationali seu animâ usûs rationis, virtutum naturalium & supernaturalium, gratiæ gloriæq; capaci. Per hanc paulominus minoramur ab Angelis, per hanc à brutis infinito secernimur intervallò ideoq; propter hanc unicuiq; homini officiosum honoris & reverentiæ debemus pensum. Quantus verò est ad exhibitionem proximo nostro convenientis observantiæ impulsus si consideremus eum esse è numero electorum uti piè credere debemus. Si enim in peccato viderimus quempiam, non ideo protinus damnandus est, sed brevi surrecturus & ad finem usq; in gratia vitam producturus, honorifico reputandus iudicio.

Eques aut Senator quiscunq; si ad Regni vel cuiusvis amplissimæ dignitatis possessionem inaugurandus proficiscatur, quo occursum turbarum quo plausu varij Ordinis statusuè hominum, quibus gratulationibus excipitur? Regni cælestis candidatus est quem lacernis videmus nunc vestitum, quem alpha penulatorum vocamus, inter Principes stolâ immortalitatis indutos numerabitur; ex hara, quam nunc inhabitat, ad aram thronumq; DEI assumetur; quidni igitur honoremus quidni revereamur, quidni officio & beneficio devincire nobis satagamus? Pio calamo & affectu Ludovicus Granatensis censet talis hominis cuius nomen scriptum est in libro vitæ, osculanda vestigia, benedicendos gressus, lambendum pulverem, umbram etiam corporis eius reverenter colandam. Faciebat id D. Antonius Patavinus qui per revelationem edoctus quemdam Civem vitæ deterioris pro fide quandoq; glorioso agone occubiturum, profundissima inclinatione & exotica quadam veneratione, quoties obvium sors offerret, salutabat usq; ad bilis in cive illo commotionem. Ingentes certè hi sunt ad exhibendam cæteris reverentiam stimuli: quid si ponderatio præmij accesserit. Vis scire quid dabitur viro alios honoranti? incunctanter respondeo: honorabitur. Verissimum enim est effatum Chrysostomi: *vis amari ama, vis primis potiri*

potiri partibus, prabe illas prius alteri. Insuper honorabit eum coram Angelis Pater Cælestis. dabitur ipsi in cælo armilla honoris, diadema decoris de manu DEI, gloria & honore coronabitur.

Imitemur itaq; Virginem Beatissimam quàm qui fuit imitatus non potuit non esse salvatus. Honoremus quos Rex Regum & ipse honorat & à nobis vult honorari. Honoremus in nobis DEUM invicem cuius templa facti sumus. Honor hic non excludit amorem, compatitur dilectionem; imò ex hoc ipso promanat fonte. Fallitur Poëta aliter sentiens.

Honor non excludit amorē

vis te, Sexte, coli volebam amare.

Parendum est tibi quod jubes coleris.

Sed si te colo, Sexte, non amabo.

Martialis.

Officium honoris apud Christianos stat cum amoris studio. Fædere indissolubili binæ hæ junguntur virtutes, ubi amor est ibi & honor, ubi sincerus nec pseudopoliticus honor ibi & germana nec fucata charitas. Qui igitur dilectionis studemus officijs, etiam reverentiæ certemus fulgere insignijs. Præveniamus invicem honore, superiores invicem arguitremur, reverentiam ad invicem præstemus, & pro reverentia,

Ecclesiæ 32.

accedet nobis bona gratia.



FERVOR SPIRITVS.

Sacratissimum quadragesimæ tempus, acceptabile, dies salutis ingredimur. Nec sine Duce. Præit enim sequentibus Christus, docetq; sequaces suos certa & secunda imprimere vestigia. De eo Evangelium sequentis Dominicæ: Ductus est Jesus in desertum à Spiritu. Quid est quod ducitur ille qui est dux peregrinationis nostræ? ducitur ille qui est via omnibus in patriam cælestis Jerusalem pergentibus? Non tamen ita ducitur ut extraneo & alieno egeat subsidio. A suo Divinissimo ductus est Spiritu, quia ut habet translatio Siriaca, à Spiritu sanctitatis. Ubi Mathæus Evangelista ponit: *Ductus est Iesus in desertum à Spiritu*, Lucas alijs verbis utitur: *IESUS autem, inquit ille, plenus Spiritu Sancto regressus est à Jordane & agebatur à Spiritu in desertum*. Marcus autem sic ait: *Et statim Spiritus expulit eum in desertum*. Diversa phrasi idem sensus exprimitur, Christum videlicet eo fervore post acceptum à Jordane baptisma in desertum perrexisse, acsi agi, acsi pelli à quopiam videretur. Species tibi Christiane, tibi Religiose datur; forma præscribitur quam debeas æmulari. Nostræ id instructioni fecit dux & magister omnium JESUS ut discamus, nos ad desertum ab Angelis prævaricatoribus cælum, toto quidem vitæ tempore at potissimum intra quadragesimam agi & pelli à spiritu debere, hoc est, cum fervore spiritus omnia ad statum nostrum, ad officium nostrum, ad salutem nostram quocunq; modo spectantia exercere.

Luce 4.

Marci 1.

Fervor porro spiritus, est quædam animi alacritas in bene operando. si rem spectes, fervor spiritus. seu quod idem est fervor charitatis aut

pietatis, est ipsa charitas Divina non utcunq; tepens sed ardore incallescens. Eius proprietates aut affectus recenset D. Augustinus. *Amor tenebrosa illuminat, clausa referat, frigida inflamat mentem asperam & irascibilem & impatientem mitigat, vitia fugat, reformat & renovat spiritum. Hac omnia facit amor cum presens est; cum vero abscesserit, ita incipit anima jacere languida, ac si cacabo bullienti subtraxeris ignem.*

Causa efficiens
fervoris.

Hanc charitatem ferventem seu fervorē charitatis parit efficitq; in nobis gratia Spiritus S. testante Apostolo: *Charitas DEI diffusa est in cordibus nostris per Spiritum S. qui datus est nobis.* Hic agebat pellebatq; Christum Dominum ut omnia in summo fervore, in summa alacritate, in summa intentione operaretur quacunq; ex voluntate Patris ad redimendum genus humanum operabatur: hic Virginem Beatissimam cum festinatione abire fecit in montana: hic Apostolos ita fervidos reddidit ad magnalia DEI prædicanda ut musto madidi crederentur: hic omnes servos DEI quoscunq; inhrabitat ita inflamat, ut naturalis obliti tarditatis currant imo volitent ad Divina. Rectè quidam: *Fervor charitatis est signum inhabitantis Spiritus Sancti & filiationis Divina juxta Apostolum ad Romanos 8. Quicunq; Spiritu DEI aguntur ij sunt Filij DEI.* Ex-

A Ponte in
Mat. sup. C.

Causa conser-
vans, seu nu-
trimentū fer-
voris oratio-
nes ejacula-
toria.

tinguitur ignis, si desit pabulum. Et fervor à spiritu Sancto in cordibus nostris excitatus tepescet nisi nutriatur. Quod autem est nutrimentum ipsius? Cito dico, eloquia Domini, tessera ex scripturis sacris, orationes breviusculæ quas eiaculatorias vocamus. His alitur, his fovetur in nobis ignis Divinus. Propter hunc finem Magistri spirituales orationum eiaculatoriarum frequentem commendant usum. Propter hunc eundem finem D. Augustinus manuale ex elegantioribus Sanctorum Patrum dictis contexuit quod semper secum haberet & ex cuius lectione quoties tepesceret, in DEI amorem accenderetur.

In præf. ad
Manuale.

Inductiva fer-
voris.
Primum ulti-
mus finis no-
ster.

Innumerata sunt quæ torpentem & remissum animum excitant ad fervorem è quibus principem locum tenet finis ultimus noster, beatifica DEI fruitio quæ quanta bona quos voluptatis torrentes quam castarum ubertatem deliciarum complectatur nec oculus videre nec auris audire, nec cor hominis valet comprehendere. Nullius pretij est quod nullo acquiritur labore & propterea quod pretiosum est! magno quoq; debet redimi. In boni alicuius transitorij cura, papæ! quantum sudatur & si plerumq; spes consequendi vana sit & labor inanis. Si tanti vitrum, quanti margaritum! Si tanto studio auri argentiq; diviti- as, honorem temporalem & imperandi ac superandi potentiam, amicitiam carò nodò dulcem, variasq; vitæ præsentis illecebras humana sectatur cupiditas, quo æstu flagrare debet charitas ut bonum illud assequatur in quo est plenitudo & indeficiens copia incorruptibilis suavitatis, divitiarum affluentia perennium, honoris & imperij infinita amplitudo! Habent & hæc ima delectationes suas sed non sicut Deus noster qui fecit omnia & ipse est deliciæ rectorum corde. Pulchra sunt & decora sed præ bonis superioribus, & beatificis abiecta & jacentia, ideoq; ab illis averti debet animus ne pervertatur, ad beatifica toto conatu, tota converti fortitudine. Vladislavus Polonus Hungariæ Rex usus pro symbolo, pyramide in cuius fastigio erat corona ad quam genius repebat, adiecta Epigraphe *vel sic enitar, ostendens hoc hieroglyphico se*

S. August. lib.
2. Conf:

Typotins.

phico se ad consecutionem coronæ Bohemicæ omnem movisse lapidem, omnem curam adhibuisse. Corona æternæ gloriæ eos meretur sudores, eos conatus ut quamvis per obeliscum à terra ad cælos pertinentem claviss; confixum ferreis rependum esset, justum foret sic ad eam eniti; quid verò si levioribus parari potest studijs, si faciliori apprehendi modo?

Et fervor novitius magnum est animi nostri ad spiritualem agilitatem incentivum. Certè nemo è nobis in prima conversione statusq; Religiosi professione resolvebatur tepore, nemo socordi languebat circa divina otio sed tam interius corde quàm exterius fervebat opere. Credo ego quod nullus sit qui tunc satiaretur dulcedine mirabili considerare altitudinem divini consilij super salutem generis humani, nullus qui satiaretur fletu in hymnis & canticis suave sonantis Ecclesiæ. Principio igitur medium & finis respondeant. Hoc motivò languentem & tepidum animum in Episcopo Ephesino excitavit prioriq; restituit fervori Christus scribens & dicens illi per Joannem Apostolum Apoc: 2. *Habeo adversum te pauca, quòd charitatem tuam primam reliquisti. Memor esto itaq; unde excideris & age penitentiam & prima opera fac.* ubi se statim explicat quid nomine primæ charitatis vocet. Primam ergò charitatem prima opera dicit quæ in Episcopo cæpta erant in ardore spiritus tam in DEUM quàm in proximum: in DEUM quidem præter pios affectus erant in eo jejunia, orationes assiduæ, vigiliæ, contemplationes aliq; idgenus exercitia bonorum operum: in proximum, provisio corporalis, eruditio, spiritualis consolatio & alia in quibus fervor spiritus solet exerceri. Meminisse igitur primæ charitatis, fervidæ scilicet & in fervore operantis, insigne est ad virtutes virtutumque opera alacritèr perficienda hortamentum. Unde Abbas Agatho cum adolescens quidam ingressurus Monasterium instrui peteret, quomodo Religiosam vitam in fratrum contubernio acturus esset, saluberrimum hoc & quod Magistris spiritualibus nunc est usitatissimum, dedit consilium. *Observa præ omnibus hoc, ut qualis primo die ingredieris ad ipsos, talis reliquum peragas tempus.*

Sed exempla fortius urgent uti agnovit in semetipso quem sæpius memoro D. Augustinus sub initium conversionis suæ: *Exempla fervorū tuorum*, inquit ille, *congesta in sinum cogitationis nostræ urebant & absumebant gravem torporem ne in ima vergeremus & accendebant nos valde.* Jam ante insinuavi quanto Christus fervore opera exercuerit omnia, sed quia venerabile mihi est & præcordijs meis reverendissimum (verbis utor præsulis Hipponen:) *de Filia DEI linguam sermonibus occupare*, ideo hîc etiam pauca adijcio. Apoc: 1. Joannes Apostolus vidit in medio candelabrorum aureorum similem filio hominis cuius caput & capilli erant tanquam lana munda, oculi tanquam flamma ignis, & pedes eius similes aurichalco sicut in camino ardenti. Angelus hic erat personam Christi gerens, & qui in persona Christi varia Joanni de statu Ecclesiæ futuro annuntiaturus apparuit. De capite oculisq; ad præsens mitto quærere, de pedibus velim scire cur similes aurichalco & cur in camino ardenti visi? Per pedes signantur affectus Christi chalcobano metallo pulcherrimo, & pretiosissimo similes eò quòd sint mundissimi & pretiosissimi; vel certè per pedes humanitas Christi signifi-

2. fervor no-
vitiu.

Pannonius in
Apoc: C: 2.

In vitis PP.
libro 7.

3. exempla.

Confess: lib: 9.

De Assumpt:

catur sicut per Caput Divinitas; dicitur autem similis aurichalco in camino ignis ardentis quod ardentissimo amore, inflammatisimis aestuaret desiderijs ad opus redemptionis nostræ perficiendum. Nonne pedes Christi, affectus Christi, totaq; *Deificata*, ut eam vocat Nazianzenus orat: 36. humanitas ardebat velut in camino ardenti quando Christus nostram operabatur salutem, quando in oratione pro nobis pernoctabat, quando vicos castella urbes integrasq; peragrabat regiones, fatigabatur ex itinere, prædicare, miracula patrare etsi convitijs & contumelijs impeteretur, imò etiam si propter excessivum ut ita dicam fervorem pro malè sano & emotæ mentis homine haberetur, non desistebat. Corpus & sanguinem suum ante passionem sub speciebus sacramentalibus, Ecclesiæ suæ in perpetuum ultimis quasi tabulis consignavit: ad passionem oblatus est quia voluit; & tandem amore nostri victima simul & victor in ara crucis occubuit. O verè pedes Christi similes aurichalco in camino ardenti.

Ex lib: gratiarum Spirituum S. Mechtildis.

Sancta Virgo Mechtildis, cum se aliquando post preces matutinas ad dormiendum composuisset, vidit Christum Dominum in sublimi sedentem folio positus in scabello pedibus dicentemq; audivit: *Hic supra pedes meos inclinata recumbe.* recubuit illa atq; illico de vulnere pedis Christi audivit sonitum quasi aquæ in fidelia feruentis. Interrogat Christus: *Quem dat sonum olla coquens?* cumq; Mechtildis cogitaret se nescire, respondit: *olla coquens sonitum dat, ac si dicas: Curre Curre.* Sic & me Amor cordis mei instigabat, urgebat, ut currerem de labore ad laborem, de civitate in civitatem, de prædicatione ad prædicationem donec omnia salutis humanæ necessaria consummarem. Nonne hoc est in camino ardenti pedes habere? Quid memorem Virginem Beatissimā quæ ut pote plena Spiritu Sancto non poterat in bonis torpere operibus. *Nescit enim tarda molimina Spiritus Sancti gratia.* Noster certè institutor & Antesignanus D. Paulus Eremita primus non valuisset in eremo ut monstrorum ita, & tentationum feraci diu persistere nisi à Spiritu Sancto in desertum actus pulsusq; fuisset, eodemq; impellente fervidè suis orationibus meditationibus contemplationibus lectionibus operiq; manuali institisset. Num modicus ille in Antonio Magno spiritualis ardor, quò sub ipsa statim suæ vocationis primordia, proprias singulorum fratrum hauriebat gratias: huius continentiam, jucunditatem illius sectabatur; illius lenitatem, illius vigilantiam, alterius legendi æmulabatur industriam; istum jejunantem, istum humi quiescentem mirabatur; alterius patientiam, alterius mansuetudinem prædicabat omniumq; bona in se nitebatur exprimere: & cum adversum neminem moveretur, ea solùm flamma egregio viro crescebat in pectore ne secundus cuiquam in bonis operibus videretur. D. Bernardus ferventissimus & ipse in tantum amavit in tantum æstimavit diligentiam & alacritatem in agendo ut cuidam fratri in æstu solis impigrè operanti in agro, prophetico dixerit spiritu: *Age mi frater, polliceor, posthac purgatorium ignem nullum senties.* Ante dies me deficeret quam c. piofum retexerem indicem insignioris saltem ardoris quò sancti Dei ad profectum ad virtutes & varia pietatis exercitia rapiebantur. Generatim indubitatum est neminem argentem tepentemq; spiritu pervenisse ad arduam virtutum palmam raro appetitore pretiosam, neminem sine sudore consecutum

D. Atha: in Vita S. Antonij M.

secutum esse coronam gloriæ & diadema decoris de manu Dei. Quippe non coronabitur nisi qui legitime certaverit. Legitime certat cuius certamen victoria consequitur; vincit autem nemo qui languide & remissis pugnat brachijs. Hos omnes figurant animalia apud Ezechielem quæ propter agilitatem non modò pennata esse perhibentur sed etiam ire redireq; in similitudinem fulguris coruscantis. Hos repræsentat Sponsa Cant: 3. dicens: *Inveni quem diligit anima mea tenui eum & nec dimittam.* Hebraica versio legit: *Tenui eum nec lentesciam super eum.* Nimirum vult dimittere & periculo se exponit d. mittendi Caristum qui lentescit super eum. Qui lentè tenet aliquem eo ipso dimittit.

Taceo hîc ego stadiodromorum, mercatorum, agricolarum, opificum diligentiam quorum antelucana industria vinci se dolebat & erubescibat Demosthenes. Taceo maximum in minutis creaturis Dei apibus & formicis fervorem dum illæ summo mane ex alvearibus erumpendo, hic inde per fragrantia tyro rura volitant ut suas collecto nectare distendant cellulas; hæ verò pigerum & desidiosum hominem velocissimo cursu & recursum ac intra subterranea horrea sarcinularum futuræ hyemi comportatione condemnant. Omnia hæc adversum nos clamant ne in bonis segnes simus operibus sed quodcunq; operatur manus nostra, instanter operemur.

Universa quæ dixi, eò tendunt ut quæcunq; facimus seu ex mandato, seu ex instituto in flagrantissima charitate & in alacritate animi faciamus, ad quam præterea operosa cum têtationibus permovet lucta. Salvator noster invincibilis licet & qui gentes avernales quæ bella volunt, unico nutu dissipare poterat, obarmavit se fervore spiritûs ad pugnam cum sathana. Nobis eiusmodi armatura omnino necessaria. Auctore Rufino dixit quidam senex: Sicut ad succensam cucumam muscæ non appropinquant, cum verò amoto igne tepuerit, involant eam & ligurientes conspurcant; ita Monachum flagrantem igne amoris Divini fugiunt demones, tepidum autem illusionibus remorsu conscientiæ varijsq; peccatorum lacerant & fædant punctationibus. Ad profectum ergò nostrum ferveamus, simus diligentes & vigilantes in Dei servitio & cogitemus frequenter ad quid venimus & cur seculum reliquimus. Pudeat pigritate ubi in præmium laboris corona immarcescibilis gloriæ est proposita, ubi fervor noster novitius & sanctorum exempla nos stimulant, urgent, excitant. Memores simus horrendæ comminationis Divinæ adversum tepidos: *Quia tepidus es, incipiam te evomere ex ore meo.* Quod commentans cælicus Cælius exclamat: *Quis non expavescat in negotijs regni DEI tepidus ac piger esse? Tepidos evomet Christus & adhuc tibi in ignavia places? Excute socordiam, quoniam non somnolentis obvenit regnum DEI sed vigilantibus sed strenuis sed impigre agentibus.* Quisquis igitur eiusmodi intentatam à Christo metuis electionem & abjectionem, vigila super te ipsam, excita te ipsum, admone te ipsum & quidquid de alijs sit non negligas te ipsum. Tantum proficies quantum tibi ipsi vim intuleris. *Remissio seu tepor est via quadam ad extremam perniciem. Sicut enim ignis sensim extinctus in favillam deniq; ac cineres residet ut ultra ignis non sit sed favilla & cinis; sic & charitas ubi paratur igni virtute remissa sit atq; à primo fervore tepesacta quem dederat spiritus.*

Quartū eva-
sio tentionū
diabolicarum.

In vitis PP.

Thom: à Kem-
pis lib: 1. C. 25

Pannonius.

Fervidus com-
paratur igni.

Sanctus in cor hominis, lentescit ac deficit. Languens ac tepescere incipiens animus, brevi morituræ charitatis principium est. Ignem Christus venit mittere in mundum, ignem misit in corda nostra, illum ergo retineamus. *Lapide Asbesti* Conservetur ardore, nutriatur operationibus & orationibus, nunquam sit otiosus. Simus velut lapis Asbestos cuius proprietas accendi semel, ardere semper; simus velut sphaera in plano posita levissimo motu imò flatu ipso mobilis; non sicut onusta navis etiam vehementissimo vix cedens impulsui, qua similitudine Ludovicus Granatensis fervidos à tepidis distinguit. *Sphaera.* *In Concione de B. V.* *Homo fervidus & diligens,* inquit Thomas à Kempis, *ad omnia est paratus:* sphaera est rotunda perfectè, ideoq; facile mobilis; non est necesse illum urgere stimulis, stringere præceptis, comminationibus terrere, pænis compellere. Insinues tantum quæ facta velis & sufficit. Sed in fine sermonis iterum exorsus *Ad Iovinianum & Chrom.* sum? Amor id fecit. *Amor* teste Hieronymo *ordinem nescit.* O Amor! qui semper ardes & nunquam extingueris, dulcis Christe bone Jesu lumen æternum & indeficiens accende nos & magis magisq; inflamma igne tuo amore tui dulcedine tua delectatione tua desiderio tui charitate tua jucunditate & exultatione tua pietate & suavitate tua ut toti *Ex manu S. Augusti; Cap. x.* dulcedine amoris tui pleni, toti flamma tuæ charitatis vaporati dum tempus habemus operemur bonum.



L Æ T I T I A

S P I R I T U A L I S.

S. Leo.

SALVATOR noster dilectissimi natus nobis est gaudeamus. Neq; enim fas est locum esse tristitia ubi natalis est vita. Una cunctis letitie communis est ratio. Quis nolit gaudere, præsertim dum cælum ipsum gratioso Angelicæ buccinæ concentu gaudium annuntiat? Omnes quidem suoapte ingenio gaudere volunt homines sicut omnes beati esse naturali desiderant appetitu, at non omnes conveniens & verum appetunt gaudium. Conqueritur Augustinus de sua tenebricosa adolescentia: *Exhalabantur,* inquit, *nebula de limosa concupiscentia carnis & scatebra pubertatis. atq; obfuscabant cor meum ut non discerneretur serenitas dilectionis à caligine libidinis.* Idem in nobis fumosæ æstuantium cupiditatum præstant nebulæ ut lumen auferant ne serenitatem & claritatem gaudij veri à falso dignoscamus. Orta est lux quæ illuminat omnem hominem venientem in hunc mundum: huius beneficiò, quod sit verum gaudium demonstrabo & in eius amorem animos inflammare contendam.

In Confess.

Gaudiū quid?

In Manuali Cap. 27.

Gaudium latius patens quàm delectatio atq; in solis creaturis intellectu præditis locum habere capax, est quies appetitûs rationalis in bono convenienti. Unde secundum diversitatem boni, etiam diversum numeratur gaudium. D. Augustinus eleganti divisione triplex assignat: aliud iniquitatis, aliud vanitatis, aliud veritatis, seu Spiritus S. *Gaudium.*

Quadruplex 9.

Quod verum
gaudium.

2. 2. q. 28^a
art: 2.

Gaudium de
Deo duplex.

Gaudium de
trāsitorijs mū
danis rebus,
cor non afficit

*Mendoza in
Cant: Anna.*

Et certè quomodo verum gaudium potest esse quod solum externè corpus circumfluit, in cor autem non illabitur; in externa sistit superficie, ad internam mentis sedem non pervadit. Gen: 17. describitur risisse Abraham, risisse & Sara. Sed huius risus reprehenditur, illius non. Quare? quia Sara risit in ore suo: Abraham in corde. nam in quibusdam biblijs hæc verba habentur: *Risit Abraham in corde*. Nimirum lætitia illa quæ in solo natat ore, tanquam fallax & adulterina reprobat; quæ verò è corde nascitur, vera esse & germana censetur. Imò Sara risisse se negavit, ut discas, externam lætitiā tam inanem esse ut nulla reputetur ac proinde qui ea perfunctus ridet, negare se possit ridere & qui exultat, exultare. Cordis porro lætitia tantopere solida est ut non modo negari nequeat sed nec occultari quidem. E corde in frōtem emicat & intus inclusa, erumpit foras. Non risi, inquit Sara, hoc est veram solidam & ab omni mæstitudine defæcatam lætitiā non concepi quamvis aliquod eius signum visa fuerim ore prætulisse. Non risi, neque enim in ore sedet vera sinceraq; lætitia, intus, intus in corde conservatur. Lætitia quæ in rebus externis sentitur non cordis sed oculorum, vel aliorum sensuum lætitia est; non est autem, si credimus scripturæ, oblectamentum super cordis gaudium, id est nullum illud aut sanè modicum

Nn

modicum

modicum oblectamentum quod foris in corpore commoratur, ad cordis ima non penetrat; sensus illecebroso scalpit pruitu, animum delectatione non implet. Quia igitur gaudium mundanorum & omne illud quod non est de DEO, exterius duntaxat titillat hominem, cor non afficiendo, verum gaudium nullatenus dici potest. Hinc est quod plerumque exhilarato ore tristatur animus. *Risus dolore miscetur & extrema gaudij luctus occupat.* In hebræo legitur. *In risu dolebit cor & extremum gaudij dolor.* En vides quomodo mundana tripudia risus nomine nuncupata non pertingant ad ima pectoris, imò verò illis forinsecus blandientibus intus cor dolore lancinetur.

Bonitas Divina in se speculata causat in nobis latitudinem.

Gaudium de DEO diximus pullulare ex amore bonitatis Divinæ jam in se, jam nobis beneficæ. Bonitas igitur Divina quoad utrumque hunc respectum amata à nobis ac per amorem quodammodo possessa nostrum ad spirituales exultationem percellit animum. Cant: 1. gloriatur sponsa se abunde & regia liberalitate tractatam: *Introduxit me Rex in cellaria sua, exultabimus & letabimur.* Quid est Sponsa? etiam ne DEUS habet cellaria in quibus amicis suis pleno poculo proinet vinum? Etiam, etiam. sed quæ illa cellaria? Cellaria vocantur à celando, eò quod in illis vinum aut alia vitæ sustentandæ necessaria occultentur. Cellaria ergo DEI, sunt profunda eiusdem mysteria quæ alibi potentiarum nomine indicantur sicut scriptum est: *Introibo in potentias Domini,* hoc est, perfectiones & attributa DEI considerabo. In his cellarijs mens subducitur, affectus ad spiritualia trahitur, jucunditas & exultatio generatur, amoris Divini recordatio excitatur. *Exultabimus & letabimur in te memores uberum tuorum,* hoc est, juxta fontem hebraicum, *Amorum tuorum.* Quam verè spiritualis quidam asseruit: Latititia vera

Albertus Magnus in libro de adha: Deo

est consolari in his quæ in DEO sunt. Materia enim omnis gaudij in DEO est, scilicet potentia, sapientia, bonitas, largitas, pulchritudo, beatitudo, misericordia, justitia, veritas, nobilitas, sanctitas, fidelitas ac cæteræ perfectiones. Unde eadem Sponsa confitetur: *Oleum effusum nomen tuum.* Nunquid verò unum tantummodo nomen DEI? Censeo ego, nomen Domini DEI esse quaecumque perfectionem eiusdem, & quot perfectiones, tot nomina. Unum tamen dicitur quia omnes perfectiones una sunt natura Divina & quia omnes perfectiones sunt unica in reali sensu perfectio. Hæc omnia nomina seu hoc unum nomen oleum vocatur effusum, oleum latititæ, plenum suavitate, plenum odoris fragrantia, amabile, afficiens, attrahens, delectabile. Expertus D. Augustinus qui in meditatione Divinæ essentia clamabat: *Te volo justitia & innocentia pulchra & decora honestis luminibus & insatiabili satietate. Qui es est apud te valde & vita imperturbabilis. Qui intrat in te intrat in gaudium Domini sui & non timebit & habebit se optime in optima.* Sicut omnis creaturarum perfectio eminentissime in DEO est ita omnium creaturarum, omnium sensuum latititia ac delectatio eminentissime in eodem reperitur. Per sensuum & illis respondentium oblectationum gradus, ascendebat ad delectabilitatem Divinam ille qui dicebat: *Cum DEUM*

Per sensus ascendunt ad bonitatem & delectabilitatem Divinam.

meum quero, quero quandam lucem quæ est super omnem lucem quam non capit oculus: quandam vocem super omnem vocem quam non capit auris: quandam odorem, super omnem odorem, quem non capit naris: quemdam dulcorem super omnem dulcorẽ quem non capit gustus: quandam amplexum super

super omnem amplexum quem non capit tactus. Ista lux quidem fulget ubi locus non capit: ista vox sonat ubi spiritus non rapit: odor iste redolet ubi flatus non spargit: sapor iste sapit ubi non est edacitas: amplexus iste tangitur ubi non divellitur. Hic est Deus meus, & non estimabitur alius ad illum. conceptoque ex hac contemplatione cordis jubilo, in gaudiosas amoris raptus extases: Sero, aiebat, amavi te pulchritudo tam antiqua & tam nova. Serote amavi. Tu intus eras ego foris & ibi te querebam & in ista formosa quæ fecisti ego deformis irruebam. Gaudere & nos si volumus in Divinarum perfectionum maiestuosam jucunditatem & jucundam maiestatem mentales intendamus oculos. Si frigeat animus, si devotio torpeat, si in infimis hæreamus, saltem per sensus scalam nobis ad libandos voluptatis Divinæ torrentes faciamus. Jucunda oculis regina colorum lux perfundens cuncta quæ cernimus & multimodo allapsu blandiēs nobis aliud agentibus & eam non advertentibus; sed ô quanto jucundior fons ipse lucis! musica vocesq; seu artificioso seu naturali formatæ concentu delectabiles auditui; at infinities delectabilior increata Divinarum perfectionum ac relationum harmonia! olfactum flores unguenta atq; aromata inirriticè recreant sed magis recreat author odoris Deus! gustum mella manna aliaq; palato arridentia dulcorant sed ô quanto dulcior omni mellea suavitate Creatrix dulcedo! amplexui magnam voluptatem procreant mollia & ad tangendum amabilia, sed quid castis amplexibus amabilius eò qui corpus ipsum formatq; omnes convenientissima membrorum proportionem & congruentia produxit.

Non minus fertilem gaudiorum spiritualium campum exhibet Divina bonitas sui ad nos diffusiva quòd nimirum nobis in creatione vitalem suæ essentia portionem dedit: quòd humanam naturam ita sibi univit Verbum ut Deus dicatur homo & homo Deus: quòd nos redemit: quòd carnem humanam in dextera Patris collocavit. Hoc stimulo se ad jubilos spirituales excitabat, quem sæpius adduxi, Hippo-nensis Præsul: *Est enim, inquebat, in te DEO & Domino nostro IESU Christo dulcissimo & benignissimo atq; clementissimo uniuscuiusq; nostræ & portio & sanguis & caro. Ubi ergo portio mea regnat, ibi me regnare credo: ubi sanguis meus dominatur, ibi me dominari confido: ubi caro mea gloriatur, ibi me gloriosum esse cognosco.* Accedit, quod ultra innumera alia beneficia, certificavit nos Deus de futura æterna beatitudine nostra per promissâ legis & Prophetarum, per privilegia 4. Evangeliorum, per pignus Spiritus Sancti in baptismo acceptum, per arrhâ id est prægustationem æternæ gloriæ in devotione, per obsidem qui est Christus unigenitus Dei filius nobis in augustissimo Eucharistiæ Sacramento relictus. quis non gaudeat, quis non exultet hæc mente ruminans? *Gaudete, exclamat Christus ipse, quoniam nomina vestra scripta sunt in celis.* & Esaias non tam Propheta quàm Evangelista annuntiari iusto voluit: *Dicite iusto quoniam bene quoniam fructum adinventionum suarum comedet.* Bene iusto in rebus naturæ: bene in gratiæ ordine: bene ô quam bene in statu gloriæ! quoniam fructum comedet adinventionum suarum, meritorum suorum, industriad suarum in custodia mandatorum DEI, in profectu spirituali. fructum comedet, quem illum? quem nec oculus videre, nec mens valet cogitare. Comedet

Divina bonitas nobis se communicas, causat item letitiam in nobis.

absq; fastidio, absq; nausea, cum jucunditate & dulcedine inexplicabili. Quis non exultet tali nuntio à Deo exhilaratus, quis non tripudiet imò verò quis non præ exuberanti gaudio exiliat, in sanctam quandam ver-
sus insaniam, ut D. Franciscus certior factus de sua prædestinatione insanire visus saltitabat nec aliud nisi, *Benedictus Deus, Benedictus Deus*, aliquot horarum spatio repetebat.

Sed inquires, quale gaudium mihi qui remorsum conscientiae angore-
resq; internos ob peccata patior? Peccasti: ad pœnitentiæ asylum con-
fuge. Amaror pœnitentiæ spiritualem non excludit delectationem. quin
etiam, si fides B. Cypriano: *Dulciores sunt lachrymæ pœnitentis quàm*
S. Leo.
gaudia theatrorum. Exultet Sanctus quia appropinquat ad palmam; gau-
deat peccator, quia invitatur ad veniam. De lachrymis habetur in con-
fessionibus D. Augustini, quòd tristitiam minuunt, & gaudium loco mæ-
roris inducant; quam materiam tractat quoq; S. Thomas. Si tale pri-
De passioni-
bus.
vilegium communibus lachrymis, multò maius illis quas amor Dei ve-
lut pretiosos uniones cordis doloribus medentes exprimit. Memoria
peccatorum præpedit gaudij spiritualis accessum? dic: *Non possum ter-*
S. August. in
Manuali.
rereri multitudine peccatorum meorum si mors Domini in mentem meam
venerit quoniam peccata mea illum vincere non possunt. Clavi & lancea
clamant mihi quòd verè reconciliatus sum Christo si eum ama vero.

At musica in luctu importuna narratio? In tribulationibus quas
sive à diabolo impugnante, sive à mundo persequente, sive à carne ti-
tillante, seu à linguis rodentibus, aut undecunq; patior, quomodo gau-
dere possum qui vix vivo! *Mortis habet vices, lentè cum trahitur vita*
Seneca in
Thrag:
gementibus. Qui hæc obtendis, auscultes velim quid loquatur Aposto-
lus: *Communicantes Christi passionibus gaudete ut & in revelatione glo-*
ria gaudeatis. Eo ipso quod pateris, amplissimus tibi lætitiæ spiritu-
alis panditur sinus, quia videlicet nomen tuum scriptum esse in libro
vitæ, certissimum habes argumentum. *Certa atq; secuta est expectatio*
promisse beatitudinis ubi est participatio Divina passionis ait D. Leo. Gra-
tulare tibi & exulta animam tuam subarratam & desponsatam esse DEO.
Patientia enim est pretiosus & præclarus annulus quo DEUS animam
sibi desponsat teste Ludovico Blofio.

Quando cum multis gaudetur, in singulis uberius est gaudium, quia
fervere se faciunt & inflammantur ex alterutro. Quot porro & quanti
sunt qui interna perfusi dulcedine, in externam quoq; exundant læti-
tiam! Tot socios habemus gaudij quot conservos. Nolo hîc Davidem
cum cythara, Salomonem cum Canticis, Apostolos eorumq; succeda-
neos Sanctos Patres adducere cum spiritualibus nablijs: etiam defacto
consolationibûs Divinis abundat in terris sanctitas, etiam nunc spiran-
tia tripudiorum internorum exempla nos circumdant. Quodsi vetera
magis placent, recale mente atq; arbitrare te in Apollonij quingento-
rum Monachorum Rectoris degere Monasterio, ubi mira in omnium
cordibus & ex his in vultus evibrata vernabat lætitia. *Supra modum,*
August. Conf:
lib. 8.
Multitudo spi-
ritu gauden-
tium excitat
in nobis simile
gaudium.
ut author est Rufinus, *læticia & gaudium inerant in eis & tanta exulta-*
tio quanta haberi ab ullo hominum non possit in terris. Nullus in eis
In vitis PP.
tristis omnino inveniebatur sed & si aliquis visus fuisset aliquantulum
mæstior statim Pater Apollonius causam mæsticia perquirebat. Monebat
ergo eos, pergit idem Author, non oportere prorsus inesse tristitiam his
quibus

quibus salus ex DEO est & spes in regno calorum. Tristentur, aiebat, gentiles, lugeant Iudæi plangent sine cessatione peccatores, justi verò latentur. Nam si hi qui terrena diligunt, super fragilibus & caducis rebus latentur; nos qui tantæ gloriæ spem & æternitatis habemus expectationem, cur non omni exultatione latentur? En quot quantivè sunt ex quibus ad spiritualis gaudij inflammamur amorem!

Ergò gaudete in Domino semper, iterum dico gaudete. Gaudete propter Divinæ naturæ cum humana unionem, gaudete propter assecuratam æternæ beatitudinis promissionem. Fructum charitatis dixi gaudium. Vis gaudere semper? semper in amore Divino persistas. *Secura mens jube convivium.* Vis fortem & virilem animum ad assaultibus diabolicis resistendum? gaude spiritu. *Nemo fortior est ad diabolicas acies conterendas quàm qui spirituali exultatione obarmatur, juxta illud apud Esdram: Gaudium Domini est fortitudo nostra.* Vis dæmonem hostem tuum non modò vincere sed & flagris cedere? gaude spiritu. *Quoties enim in Domino gaudemus, toties diabolum flagellari asserat* Origenes hom: de Elcana. *Vero frui non superbus gaudio.* Vero inquam, non adulterino non falso non inani quod foris tantum suo lenocinio & risu fatuos palpet sensus sed quod cordis interiora sua repleat suavitate: non illo ad quod mundanos & perversos mundanus & perversus ipse invitat Poëta: *Frangere toros, pete vina, rosas cape, tingere nardo;* sed ad quod adhortantur Angeli Nativitatis Dominicæ præcones. Sacra gaudia, spiritualia, ex amore Divinæ bonitatis tam in se consideratæ quàm nobis se communicantis profluentia, hæc ama, his frui, hæc ambabus manibus complexuq; affere toto.

Mendosa in
Can: Annæ.

Mart: lib: II

Martialis.

P A X C O R D I S.

Mira etiam in DEO non quidem secundum essentiam sed secundum efficientiam (usitata Magistro Sententiarum utor distinctione) mira inquam metamorphosis. DEUS ultionum Dominus factus est Pater misericordiarum & DEUS totius consolationis: ille à cuius signis turbabantur gentes & timebant qui habitant terminos terræ, benevolentix & charitatis signa explicat: ille cui millia millium ministrabant cum ancipitibus gladijs ad faciendam vindictam in nationibus, nunc conterens scutum gladium & bellum, pacem ubiq; buccina cælesti proclamari & prædicari jubet. Pacificus sanè Christi in terras ingressus! Ab orbe enim condito non fuit usque adeo pacatum seculum quàm sub eius Nativitatem. Quippe toto mundo in pace composito apparere voluit ut jure sibi profanus tunc Orbis profano illo carmine gratulari potuerit: *Nulla ducum feritas, nulla est insania ferri. Pace frui certà letitiâq; licet.* At præstantiorem longè Author & Princeps pacis hominibus pacem attulit, quò bona interiora exterioribus, supernaturalia naturalibus præstantiora, pacem videlicet cordis, requiem animi, tranquillitatem conscientix, qua habitâ non nocent pressuræ mun-

In Pervigil:
Nativit:

di, non terrent Tyrannorum minæ, non quævis machinæ & impetus Avernales metum incutiunt. Pax, inquiunt præcones cælestes gaudium magnum evangelizantes, *pax hominibus bonæ voluntatis*; per quod, qualem pacem velint nobis, satis liquet. Cuius ut amore inardescamus, dignitatem ac necessitatem eiusdem paucis volo depingere lineamentis.

Platonem ac Demosthenem confociare, hoc est, rerum pondera, philosophica dogmata ac Theologica sacramenta rhetorum studijs & scholastico flore depingere difficillimum esse censet Hieronymus. Idem, disputanti de scripturis sanctis non tam necessaria esse verba quàm sensus affirmat, ad Tulliumq; legendum, eloquentiæ mendiculos remittit. Ideo sic prælusi ne & à me verborum expectentur lenocinia quoniam profundiores sensus ex intimis Theologiæ disciplinis scrutor, cum aliunde infantissimus sim & tam sermone quàm scientia imperitus.

2.2. q. 29. ar.
2. & sequen-
ribus.

Pax interna.

Non potest esse nisi cum Deo. quia solus is vere bonus & quia centrum nostrum est.

2. Augustinus.

Præstantia pacis internæ.

Intra suam amplitudinem considerata pax importat juxta Doctorem Angelicum, & appetituum unius appetentis & appetituum diversorum appetentium unionem. Non modo autem appetituum ex cognitione procedentium, verum etiam naturalium coniunctio, ad constituendam concurret pacem. Unde universa, etiam inanima pacem expetunt in quantum videlicet omne appetens appetit tranquillè & absq; impedimento pervenire ad desiderij sui consecutionem. Quare ad mentem eiusdem Doctoris pacem cordis sic effigiare integrum: *Est propriorum appetituum inter se & cum DEO unio.* Inter se quidem ut una inclinatio alteri non repugnet; cum DEO autem, quia cum pax consistat in quietatione & unione appetituum, si motus omnes appetitivi conquiescant in bono quod verè bonum est, erit pax vera; si in bono apparenti, pax apparens & fucata constituetur. Cum itaq; solus DEUS verè bonus sit, per suam videlicet essentiam, omnia autem creata per participationem non nisi à DEO bonitatem, illud sequitur, non possit pacem germanam & sinceram nobis obtingere nisi nostræ appetitiones cum DEO uniantur, cum rebus verò creatis secundum DEUM coniungantur. Et sanè, quoniam pacto quiete animi gaudere valemus absq; DEO, cum is centrum nostrum sit. Hæc in ipsis etiam inanimatis rebus natura & modus quotidie à nobis conspicitur ut non quiescant donec loca sua ad quæ naturali feruntur pondere, attingant & obtineant. Ponderibus suis aguntur omnia, loca sua petunt. Ignis sursum tendit, deorsum lapis: oleum intra aquam fustum, supra aquam attollitur: aqua supra oleum fusa, infra oleum demergitur. ponderibus suis aguntur, loca sua petunt. Cum ergo requies nostra, finis locusq; noster, sit DEUS nisi eidem pondere amoris uniamur, nequaquam suaviter repausabimus. *Fecit enim nos ad se & inquietum est cor nostrum donec requiescat in ipso.*

Præstantiam atq; utilitatem boni, quod prædico, ipse Christus Dominus evulgavit quando illud tanquam actum perfectæ virtutis nempe charitatis inter 8. beatitudines posuit. *Beati inquit, pacifici, quoniam filij DEI vocabuntur.* Quam sententiam ventilans atq; edisserens Augustinus ait: *Pacifici sunt qui omnes animi sui motus componentes & subijcentes rationi carnalesq; concupiscentias habentes edomitas fiunt regnum DEI in quo ita ordinata sunt omnia ut quod est in homine praeceptum &*

puum & excellens imperet ceteris quæ sunt nobis bestiisq; communia atq; id ipsum quod excellit in homine id est mens & ratio subijciatur superiori quod est ipsa veritas filius DEI. Idem est dicere: Pacifici sunt in quibus carnales concupiscentiæ & passionēs non pugnant contra spiritum & sensualitas tota obtemperat DEO, ad instar beatæ in cælesti regno pacis.

Apostolus item 12. fructus charitatis recensens, in numero aliorum pacem tanquam finale quoddam bonum, spirituales habens dulcedinem memoravit. Magistri spirituales & quicunq; sacrarum literarum tractatores non pigmentis verborum fucisq; puerilibus sed fortibus solidisque ut debent, condecorant eam laudibus ex eo vel maximè quod sit præambulum & initium quoddam vitæ æternæ quæ visio pacis appellatur & cuius fines juxta Prophetam DEUS posuit pacem. Quædam enim prælibatio gloriæ æternæ est, quando mens nostra in jucunda serenitate & serena jucunditate eò perfruitur per fidem quò tandem fructura est per speciem. Pax perfecta & consummata non nisi in cælo est ob plenam fruitionem summi Boni, per quam omnes appetitus ununtur quietati in DEO: huius imago & inchoatio quædam in nobis sentitur, si sensuum passionumq; motus, animæ non rebellent & anima motibus suis in DEO conquiescat, quamvis interea multa intus & extra nostræ repugnant voluntati ideoq; nos inturbant. Quod pax interior initia & prægustationes voluptatis cælicæ afferat quis ibit inficias quando instructi Divinarum scripturarum veritate novimus omnes, DEUM suavitatis authorem amabilissimam in corde pacato habere mansionem testante ipsemet: *In pace in id ipsum dormiam & requiescam.* Et Psalte: *In pace factus est locus eius.* Apostolo item: *Pacem habete & DEUS pacis erit vobiscum.* Ex quo etiam capite quis non videat summè necessariam nobis esse, cum absq; ea nemo sanctuarium DEI, nemo templum Spiritus Sancti fieri possit.

Necessitas.

Pax cordis necessaria ad orationem.

Quid si dixerō nec orationem quotidianum salutis nostræ præsidium absq; ea exaudiri à DEO? Equidem turbatum cor & passionum procellis involutum aut non orat aut si orat non ita suaviter ut DEUM inflectat. Ad quod probandum accommodata est Caietani versio super illum Genesis locum de sacrificio Noe ubi Dominus dicitur odoratus esse *suavitatem odoris.* pro quo Caietanus legit *odorem quietis.* Utrique & sub tempus diluvij & ante orabat sæpius ac sacrificabat Domino Noe, cur ergo de nulla alia oratione & sacrificio testatur scriptura: *Odoratus est Dominus odorem suavitatis?* Quia ante diluvium turbabatur zelo & indignatione contra impios, odio scelerum nefandorum, impænitentia & obduratione malorum: sub tempus diluvij alterabatur metu judiciorum DEI, horrore tantæ poenæ qua universus Orbis deletus concutiebatur: incertitudo quoq; cessationis aquarum anxium reddebat, ideo non videbatur tunc suavis odor orationum & sacrificiorum eius utpote ex turbato corde procedentium; at postquam sublatis motivis justæ indignationis, siccato post illud purgati baptisma mundi diluvio, extincta hominum cum ipsius hominibus malitiâ, serenata orbis facie quietem cordis animiq; serenitatem nactus sacrificavit, tunc Dominus suavitatis odorem odoratus, quia odorem quietis. Alium ad rem, scripturæ passum accipite. Joram Israeliticus Monarcha adscitis in belli societatem

4. Reg. 3.

cietatem Rege Juda & Rege Edom, post factam Principi Moab clari-
gationem movebat adversus eundem utpote fœdifragum vasallum. Per
desertum Idumæ euntibus ipsi & socijs ac exercitibus mandrisq; eorū
aquæ nullæ suppetebant. In ea angustia quærit Josaphat Rex Juda: est
ne hic aliquis Propheta Domini? accepit responsum, esse Elisæum. Igi-
tur ad eum tres simul descendunt, exponunt adventus sui Oratore Re-
ge Israel causam, ut subveniat per suas apud Dominum orationes, pre-
cantur. Erat porro Rex Israel & Edom idololatra, Rex autem Juda or-
thodoxus. Propheta insolito excandescens fervore invehitur in Regem
Israel; *Quid mihi & tibi? Vade ad Prophetas Patris & Matris tue.*
Vivit Dominus exercituum in cuius conspectu sto quod si non erubescerem,
vultum Josaphat Regis Iuda non attendissem quidem ad te, nec respexissem,
nunc autem adducite mihi Psalterium. Jam ad quid amabo vocatur Psal-
tes? Non profanum choraulam qui indoctum aliquod carmen & sua-
ve bibenti nosset occinere sed unum de Levitis qui Psalmos Davidis con-
sonè ex officio canere soleret accersiri jussit vates. At cui bono? Nem-
pe turbatus erat vehementer, fervebatq; suis circum præcordia san-
guis: ex alia parte orationem ad Dominum fundere in gratiam Re-
gis Josaphat decreverat, ut ergo sua deprecatio accepta Deo fieret, pri-
us beneficio musicæ animum suum serenari tranquillari & pacari studet.
sonorum enim concordia discordia suaviter in aures animumq; influen-
tium ea vis est ut de pectore, mæroris omnisq; perturbationis nebu-
las depellant, quieti restituant spiritum, & ut Cassiodorus ait: *Incorpo-*
ream animam corporaliter mulceant. Tantum valet serena & quieta
mens ad inflectendum DEUM! tam necessaria est ut absq; ea etiam san-
cto orationis operi sese accingere non ausit Propheta!

Apud Aponim
Mat. de Orat.

Pax cordis ne-
cessaria neces-
sitate præce-
pti.

Quod si hæc parva cuipiam videantur necessitatem tranquillitatis
intranæ adstruentia, audiat, necessitate præcepti nos urgeri ad eam quæ-
rendam & custodiendam. *Memento, inquit Dominus, ut diem Sabba-*
thi sanctifices. Quid rogo præcipit hoc loco Dominus? nunquid ut
externo duntaxat feriemur otio? Minimè verò, sed ut spiritualiter ob-
servemus Sabbathum, non quomodo Judæi observant carnali otio, qui-
bus solemne est in festivitatis vacare ad nugas atq; luxurias suas:
Melius perfectò faceret Iudæus in agro suo aliquid utile quàm in theatro
seditiosus existeret & melius esset si famina eorum die sabbathi lanam fa-
cerent quàm tota die in Neomenijs suis impudicè saltarent, ut ait D. Au-
gustinus de decem chordis. Potissimum ergo tenore huius mandati
juxta eundem D. Doctorem præcipitur tranquillitas mentis, sabbathum
videlicet spirituale quia propter hoc requies ab opere servili est indi-
cta & per legem Divinam inducta. Hic mihi occurrit quod in vitis Pa-
trum libro 5. legi à sene quodam junioribus narratum & perpetuæ con-
signatum memoriæ. Tres juvenes quos inter erat tenera & dulcis a-
micitia cocta fervore parilium studiorum, abdicato sæculo vitam Mo-
nasticam amplexi sunt. E quibus unus elegit litigantes ad pacem re-
ducere, alter ægrotos invisere, tertius in solitudine quiescere. Primus
in labore suo, dum non posset pro voto irenarcham agere, tædio victus
invisit alterum quem etiam sui laboris pertæsum animoq; deficientem
invenit. Ambo igitur ad tertium iverunt cui cum suas exposuissent
anxietates quantum ipse in proposito profecerit, quem gustum in suo
vivendi

viuendi instituto habeat rogarunt. Reticens ille aliquantisper, misit in scyphum lutulentam & turbidam aquam ac interjecto modici temporis spatio, aspice, ait, aquam illam: limpidam mediusfidius cognoscetis. Obtemperantes aspexerunt & in ea velut in speculo vultus suos viderunt. Ita ergo, subiecit ille, ita se habet omnis qui inter strepitus mundi existens varijs animæ perturbationibus velut fæce terrena contenebratur, ita inquam se habet sicut aqua turbida: at quietem cordis in solitudine possidens est velut purissimum speculum vel fons limpidissimus in quo & seipsum ad imaginem Dei efformatum videat & à cognitione sui ad suauissimam diuinitatis contemplationem ascendat. Hic solus vacando videre potest quam suavis sit Dominus & in eiusdem suauitatis dulci contemplatione immorando præ lætitia cordis jubilare!

Qui bonum aliquod consequi desiderat, impedimenta ab affectione eius retardantia rimatur, ut cum ea sciverit, cautus studiosè vitet. Præcipuum porro tanti boni impedimentum est amor seculi. Hic namq; anxius est & perturbatus. Animas quas ingreditur, quietas esse non patitur. semper enim suspicionibus perturbationibus varijsq; timoribus sollicitat eas. Phantasmata item, quæ nihil aliud sunt quàm imagines corporum per sensus in imaginativa potentia formata, vel, ut placet ingeniorum apici D. Augustino, de specie corporis corporeo sensu attracta figmenta, vehementer pacem cordis interrumpunt. Quia dum eiusmodi imagines animo obversantur in multa vanissimo labore mens distrahitur & ab uno necessario, contemplatione nimirum & amore DEI elongatur. Unde monet vim suauitatemq; salutaris otij affectus eandemq; nobis imprecans Propheta: *vacate & videte quoniam ego sum Deus. Agite otium*, exponit quem toties nominavi Interpres, *agite otium, non otium desidie sed cogitationis ut à locis & temporibus vacetis. Loca offerunt quod amemus, tempora auferunt quod amamus. & relinquunt turbas in anima phantasmatum quibus in aliud atq; aliud cupiditas incitetur. Ita fit inquietus & erumnosus animus frustra tenere à quibus tenetur exoptans.* Qui ergo suauitatem DEI gustare cupit qui in Deo suo dulciter repausare, qui tranquilla potiri mente, omni diligentia sensus suos & præcipuè visum custodiat per quem vel maximè imagines & phantasmata rerum, locorum personarum in animo nostro generantur.

Modus acquirendæ pacis præstò est Isaiâ indicâte: *Opus iustitiæ est pax. Fac iustitiâ & habebis pacem.* Si non amaveris iustitiâ, pacem non habebis, quia duæ sunt amicæ iustitiâ & pax quarum alia absq; alia non invenitur, ait Augustinus. Et ne quis hæreat in quo vis ipsius iustitiæ consistat, planum sit cuiq; eam infide & observantia mandatorum DEI communium & specialium positam. Iustitiâ enim est quasi juris custodia ut scilicet jus Divinum non violemus, sed omni studio integrum conservemus. Ideo expressius alio loco idem Isaiâ: *Utinam inquit attendisses mandata mea, facta fuisset sicut flumen pax tua.* Quos textus non ita capere oportet quasi pax directè à iustitiâ proveniat, cum sola speciosissima virtutum omnium forma & ræcundissima spiritualium fructuum parens charitas pacem enitatur, sed quod iustitiâ removeat pacis obices peccata nimirum quæ vel maximè pacem impediunt ac tollunt ut non sit pax impijs & ut cor improbum velut mare continuis tempestatum fer-

Impedimenta
pacis internæ

D. Augustin.
libro de vera
Religione.

Pax fructus
charitatis.

Peccata pacis
interioris ob-
stacula.
Etia iustitiæ.
& quomodo?

veat procellis ac indefinentibus externorum internorumq; fluctibus motuum concutiatur. Medium proinde pacis convenientissimum, immunitatem à peccato habere conscientiam. Murus aheneus nihil conscire sibi nulla pallefcere culpa. Cur enim verò in periculis formidamus! *In culpa est animus qui se non effugit unquam.* E contra *justum & tenacem propositi virum, si totus illabatur orbis impavidum ferient ruina.* Finem jungo principio & quod initio sermonis dixeram repeto, omnes extrinsecus favientes tyrannorum & quarumcunq; adversitatum impetus nihil nocere quieti internæ; tantaque eam soliditatis esse ut nulla eam queat vis temerare, nulla cuiuscunq; brachij valeat violare ferocia. Pennas in fascem collectas & colligatas ventus quacunq; tandem violentia afflans perturbare nequit: esto enim vehementiâ spiritus inclinentur nihilominus illico ad suum redeunt locum & ordinem. Unde mysta quidam penicillo artificioso expressis, eiusmodi adiecit tesseram: *vi nulla invertitur ordo.* Potentiæ hominis pennæ sunt, quia se per eas securiori quàm Dædaleo volatu in altum librat. Hæ igitur si unitæ fuerint si convenienti modo ligatæ secum, nulla vi earum ordo invertetur & quod illaturus sum, nulla ratione pax quæ D. Augustino est tranquillitas ordinis interturbabitur; hæc autem tranquillitas in eo juxta Doctorem Angelicum sita est quod omnes appetitivi motus in homine uno conquiescant.

Hyporim.

S. August. in Confession.

Tenemus præstantiam, necessitatem, modum consequendæ internæ pacis: impedimenta nobis detecta: quid superest nisi ut ad sanctum ipsius nos excitemus, stimulemus & urgeamus amorem. Toto igitur mentis affectu, tota voluntate adhæreamus DEO & quieti erimus. *Ex creaturis autem laudemus DEUM Creatorem sed in illis non infigatur anima nostra glutino amoris per sensus corporeos. Eunt enim quo ibant ut non sint, animam vero conscindunt desiderijs pestilentiosiss.* In solo DEO locus est quietis imperturbabilis, ubi non deseritur amor si ipse non deserat, ubi nemo amittit nisi qui dimittit. Ecce in rebus creatis alia discedunt, succedunt alia ut omnibus suis partibus constet infima universitas: solus DEUS nunquid alio discedit cui non succeditur? in eo ergo figamus mansionem, in eo commendet quidquid habet anima nostra salutem fatigata fallacijs, in eo recondat suum intellectum, suam voluntatem, suam memoriam, imaginativam facultatem, quidquid deniq; est totum in eo reponat & nihil deperdet. Cæterum omni custodia servemus cor nostrum & caveamus ne quid nos à dulci sopore quietis secretioris & sacrationis suscitet. Caveamus ne amor seculi, hostis internæ pacis occupet cor nostrum, caveamus ne phantasmata rerum corporearum volitent in memoria nostra; abigamus eâ manu prudentiæ tanquam muscas & cyniphe Egyptiacas miseros Egyptios ubivis instantes. Quomodo corpus humanum à muscis affligitur ita cor inquietorum qui sabbatum spiritualiter observare noluerunt diversis cogitationibus inquietatur & compungitur.


S. August. de Conven. 10. præceptorum

S. Hieronym. ad Rusticum.

Ne ergo demus locum in nobis eiusmodi muscis inquietantibus & perdentibus suavitatem orationis, contemplationis, pacis internæ. *Non vagetur mens nostra perniciosus cogitationibus & instar fornicantis Ierusalem omni transeunti divaricet pedes suos.* Caveamus præcipuo studio ac diligentia peccata, ex quibus tumultus bellorum ac seditionum in regno animæ nostræ oriuntur.

In pace

In pace IESUS imperat quæ omnem sensum superat. Hanc nostra mens desideret & ea frui properet. Fiat itaq; pax in virtute tua, ô Princeps pacis! qui pacem nobis in ortu Nativitatis tuæ per cælestes tubicines annuntiasti, fiat pax in virtute tua, & abundantia pacis fiat in turribus tuis, potentijs nostris.



P A X C V M A L I I S

S E U C O N C O R D I A.

TRansiturus de hoc mundo ad Patrem æternus DEI Filius non absq; solatijs absentia suæ nos relinquere voluit. Inter alia amoris insignia & mæroris lenimina pacem bonorum omnium epitomen obtulit nobis. *Pacem relinquo vobis pacem meam de vobis.* Quæ ut stabili apud nos permaneret statione, Sacramentum instituit eiusdem non modò significativum sed & causativum. Præcipuus namque Eucharistia fructus est, uti cum DEO ita ad invicem unire fideles. *Et propterea sicut etiam ante nos hoc intellexerunt homines DEI* (loquor verbis D. Augustini) *Dominus noster IESUS Christus Corpus & Sanguinem suum in eis rebus commendavit quæ ad unum aliquid rediguntur ex multis. Namq; aliud in unum ex multis granis conficitur, aliud in unum ex multis acinis confuit: ut videlicet ex ipsa materia, effectus Sacramenti non difficili coniectura deprehendi possit. Imò verò tantopere amicum est Sacramentum hocce pacis & unitatis animorum, ut nonnisi à pacato subiecto dignè recipiatur & non nisi ubi pax unitasq; est, suos abunde præstet effectus Divinissimos; aliàs iudicium damnationemq; iustissimam recipienti operatur.* Post buccellam intravit Judam Sathanas. Cur ita? cur non ante? *quia instrumentum pacis non pacatus accepit,* ait Petrus Damiani. Repudiat Christus omnem insensum animum ab altari velut indignum & pessimè ad Divina dispositum Math: 5. *Vade prius reconciliari fratri tuo & tunc veniens offeres munus tuum.* *Va mihi misero,* exclamat S. Hieronymus, *ne dicam & tibi, qui tanto tempore aut non obtuli munus ad altare aut ira permanente sine causa obtuli.* Hic mihi quisquam dixerit, quonam modo Eucharistia pacem, unitatē, & dilectionem inter fideles operatur cum eam inveniat & nonnisi ubi unanimitas est, ipsa suos salutares fructus faciat? Si pacem efficit cur prærequirit? aut quomodo facit, ubi iam est facta? Respondeo: Actus quidem dilectionis seu reconciliationis tanquam dispositio legitima & necessaria requiritur in nobis ad corpus Christi fructuosè manducandum; habitum tamen pacis & dilectionis fraternæ imò plenitudinem quandam eiusdem confert nobis ipsa manducatio. Porro quia nemo est qui pacem non amet: omnia enim secundum D. Augustinum appetunt pacem. & secundum Maronem: *Pacem te poscimus omnes.* non mihi nunc per spatiosa encomiorum pacis prata ducendus est rivulus, nec laborandum ut pulchritudinem boni istius ostendam, totum quod apprehensa quasi manu insinuare vobis cupio est, ut vitia tran-

In Festo Cænæ Domini.

Ad Castrinam

quillitati opposita Lybicus, periculosiora Syrtibus noveritis & fugiatis, non aliter eum cui in pace factus est locus, dignè sub speciebus Eucharisticis suscepiuri.

Hier: ad Rust:

Quid sit persequi pacem in bonam partem?

Persecutores pacis in malam partem.

Quærit S. Thomas an pax idem sit quod concordia, resolvitq; latius patere pacem quam concordiam dicendo quod ubicunq; est pax, ibidem concordia refulgeat non tamen è converso. Concordia enim propriè est ad alterum utpote plurium cordium seu voluntatum in unum consensio; pax autem ultra hoc, unionem seu nexum appetituum unius appetentis importat. Duplex proinde unio pacem componit, quarum altera proprios jungit appetitus unanimesq; & concordies reddit, altera proprium cum alieno velle concatenat: utraq; autem, esse suum in acceptis refert charitati. E regione, bina statuitur dissensio: alia hominis ad seipsum, alia hominis ad alterum. In quatum ergo pax concordiam sonat, hic in medium producit. Hanc itaq; *Simonides noster, Pindarus & Alcaus, Flaccus quoq; Catullus & Serenus*, Davidem intelligo, qui *Christum Regem pacificum, Iyrà personat & in decachordo psalterio ab inferis excitat resurgentem*, hanc, inquam, pacem summo studio quæri præcipit. Inquire pacem & persequere eam. ac si diceret: non sufficit quærere nisi inventam fugientemq; summa contentione persequamur. Vis scire quisnam fugientem persequitur pacem? ille qui læsus non lædit, offensus non offēdit, maledictis & cōvitijs appetitus non maledicit non cōvitiatur sed propter bonum pacis sustinet, condonat, ignoscit; ille qui non resistit sed cedit improbitatibus curans vincere in bono malum; ille demum qui non quærit occasionem garriendi contra fratrem suum, & contra filium matris suæ ponendi scandalum. Hic certè pacem persequitur, uti è contra qui ad minimam offensam totus excandescit, qui mordentes remordet, & genuinum læsus infigit dentem, qui fœnum habet in cornu ut longè fugiendum sit, valere profectò jubet pacem permittitq; eam lubens à se pennato avolare gradu. Hocmodo patientes ac pacificæ sunt ipsæ bestię & reptilia. Scorpio tactu non provocatus acum virosam continet, tangitur? cauda quamprimum ferit: ita plurimi silent non læsi; si tangantur, ignes vomunt & venena. Hæ mihi quot genera hominum sunt, qui monitum hoc Davidicum, satius Divinum, surdis excipiunt auribus! bilinguis & susurro quærigne pacem, persequiturne fugientem? minime. quin etiam firmatam debilitat & turbat, etiam stantem evertit, etiam manentem fugat. *Maledictus susurro & bilinguis: multos enim turbavit pacem habentes.* Eccl: 28. Proprium namq; susurronis est discordiam inter fratres & amicos seminare dum audita ab uno, animo contentionis & odij inter convenientes procreandi refert ad alterum augetq; & addit de suo ut eò citius flammam excitet: mendacijs nonnunquam suam narrationem aspergit ut audientem gravius in alterum inflamet. Bifidæ quoq; linguæ officium est, aliud coram, aliud clanculum dicere, præsentem mulcere laudibus, absentem rodere convitijs & pipulo differre. Bilinguis eximie novit præsentibus abblandiri, arridere, amplissimis laudibus suffragari: de absentibus pessimè loqui, dictis prioribus omnia contraria dicere, atq; ita ex eodem ore calidum & frigidum efflare, eumque mordaci sale carpere, quem paulo ante largiter dilaudaverat. Ranis non absimiles sunt bilingues; harum clamor absonus de longe auditur, si ad paludem propius ac-

pius accedas, conticescunt. Pestes hæc ex omnibus domibus ac potissimum religiosis quam longissime fugandæ, utpotè quæ pacem amicam Dei, gaudij spiritualis matrem, arrabonem beatitudinis cælestis, ex loco quem insederint exterminant ipsumque authorem & amatorem pacis excludendo, diabolum omnis odij & discordiarum patrem introducunt. E classe turbantium pacem sunt & detractores. Hi enim dum famam alterius coram altero obtreptione sua minuunt, minuunt simul & affectum audientis ad illum cui detrahitur. Si namque ob famam bonam aliquem diligimus, postquam eam apud nos perdidit, necesse est ut odium aut certe imputationem dilectionis incurrat. Quare cum detractoribus ne miscearis (Proverb. 24.) quoniam repente veniet perditio eorum & ruinam utriusque quis novit? tam videlicet eius qui obloquitur quam qui audit obloquentem. Persecutores pacis hos omnes rectissime dixeris. Persequitur pacem susurro, persequitur bilinguis, persequitur detractor; at alio modo quam Psaltes iusserat: *Inquire pacem & persequere eam.* voluit ille ut persequendo comprehendamus, comprehendens teneamus, tentam foveamus nec unquam dimittamus. Illi porro persequuntur ut fugent, ut à se exulem & remotissimam faciant, ut à sedibus suis ad fines mundi abigant tanquam videlicet *turba gravis paci placidaque, inimica quieti.* Sunt & alij persecutores pacis quos nosse juvat ut tanto remotius nos ab eis elongemus ne vitijs eorundem implicemur. Discordes, contentiosi, schismatici, belligerantes, rixosi jurati sunt hostes beatæ pacis. Angelicus enim Doctor hæc peccata contraponit pacato animo: discordiam, contentionem, schisma, bellum, rixam, seditionem. Discordia consistit in disunionem motuum voluntatis. quam disunionem facit inanis gloria. Contentio secundum D. Ambrosium est impugnatio veritatis cum confidentia clamoris. quamquam etiam falsitas est mente Aquinatis contentiose impugnatur. In eo discrepat à discordia; quia hæc contrarietatem in voluntate, illa contrarietatem in locutione significat. Contentionem esto falsitatis impugnatrice non mortalem reputat esse, quem sapius honoris causâ memoro, Theologorum Princeps, si tanta inordinatione fiat ut exinde spiritualis aliorum generetur ruina, juxta illud 2. ad Timoth. 2. *Noli verbis contendere, ad nihil enim prodest nisi ad subversionem audientium.* Nomen schismatis à scissura animorum tractum est; scissio autem unitati contrariatur. unde peccatum schismatis illud voco quod directe & perse contravenit unitati quam efficit charitas quæ non solum alteram personam alteri, nodò sanctæ dilectionis colligat verum universam quoque Ecclesiam in unitate spiritus constituit. Et idcirco propriè schismatici appellantur illi qui sponte & ex proposito se ab unitate Ecclesiæ separant, cum hæc unitas præcipua & principalis sit ad quam particularis fidelium adinvicem adunatio ordinatur, sicut compositio singulorum in corpore naturali membrorum ad totius refertur compagem corporis. Ecclesiæ porro unitas in duobus attenditur, scilicet in mutua membrorum Ecclesiæ secum coactione & in eorundem connexionem cum uno capite quod Christus est, cuius vices gerit in Ecclesia Summus Pontifex. Bellum est mutua inter duas multitudines per arma impugnatio. Rixa, unius cum uno vel paucorum cum paucis impugnatio factò aliquò. Seditio est præparatio ad impugnationem unius multitudinis contra aliam in eadē

Martialis.

Vitia paci opposita.

Civitate, vel regno, vel congregatione. Alij, tumultum vocant ad pugnam. Vitia hæc illisq; irretitos homines rectè Scyllæos canes vocavero quibus latrare adversum innoxios, frendere ac faucibus suis eosdem absorbere volupe. Excetras appellabo sibilantes & veneno inflicientes. dicam gladios versatiles quibus arctissimus unitatis & unitatis fraternæ nodus dissolvitur. Cum summo animi dolore audiebat Apostolus maia hæc inter Corinthios regnare: *Audio inter vos scissuras esse & ex parte credo.* & inter Galathas. inter quos affectu paterno cupiebat abscindi omnes simultatum & dissidiorum seminatores: *Ultinam & abscindantur qui vos conturbant.* Atq; horum omnium Coryphæo iudicium comminatur: *Qui autem conturbat vos, portabit iudicium quicumq; est ille.* Nimirum tantum bonum est pax ut comparationem non habeat, ut non sit pretium eius in terra!

*Motiva ad vi-
s: a paci oppo-
sit: a fugienda.*

Pacem amabimus si vitia ei repugnantia horreamus ad quorum detestationem & fugam persuadendam sufficit illud Apostoli rudem Ecclesiam instruientis capitulum in quo opera carnis recenset atq; inter ea dissensiones, contentiones, æmulationes ponit, subiiciens quod qui talia agunt regnum DEI non consequuntur. Nequicquam Religiosi, fallaciter sancti, fæcto nomine spirituales vocabimur si discordes simus, si contentiones, si schismata & seditiones inter nos fuerint: hæc enim, opera carnis non fructus spiritus sunt; quia bella & lites ex concupiscentiarum carnalium utero velut ex equo Troiano procurrunt. Animo ab alijs averti, contentiosum ducere funem, & pertinaci verborum litigare, scissiones facere ac seditiosorum instar unum adversus alterum commovere, carnalis affectus germina sunt in inferni ignibus arsuræ non in cali refrigerijs mansura. *Quoniam qui talia agunt Regnum DEI non consequuntur.*

Et verò iosa bruta animalia suo monent nos exemplo ut in congregatione jurgia cæterasq; claustralis societatis pestes fugiamus. Elephantæ cum Elephantibus concordî incedunt passu. Vacca & oves in suo armento vel grege unâ pascuntur. Volucres eiusdem naturæ simul volitant. Grues unam interdum sequuntur ordine literato; de nocte pro alijs una excubias agit. Formicarum apumq; concordia nota omnibus. Inter feras ipsas inter quas naturæ similitudo intervenit, aut rara aut nulla feritas. Leones placido ore ludunt haud tantum cum scimnis suis verum etiam cum paribus leonibus, nec sitim pascunt propriæ speciei sanguine. Tygris ab hyrcano gloria rara iugo, cum tygride non præliatur: aper apro non est infestus. Lynces cum Lyncibus bellum non gerunt & quæ aut fugaces capreas aut timidum cervos animal sub frondente arboris ramo captare ac rabido desuper ore dilaniare solent, inter se nullam penitus exercent feritatem esto alioqui venter vacuus siccum fame guttur exasperet. Quid multis? ipsi etiam maligni spiritus omnis nostræ dissensionis authores fædus inter se tuentur & de communi consensu tyrannidem in homines patrant. Ad ruborem nostrum imo ad nostram hæc narrantur institutionem ut à bestiis saltem & dæmonibus discamus quod ipsa humanitatis ratio nobis iniecit.

A natura namq; ad pacem comparati sumus. Cunctis enim animantibus nativitas ad pugnandum arma contulit: Equis ungulas, tauris cornua, api-

nus, apibus aculeos, avibus ungues & rostra usq; ad pulices & culices ipsos offensivis pungendi mordendiq; spiculis instructos descendendo. Solus homo nascitur inermis & nudus ne quid habeat quo laedat. Considera igitur quàm sit naturæ tuæ dissonum cum alijs quos non solum nativitatis lex sed & juratæ fraternitatis conditio tibi copulavit non convenire? voluntate ac verbo dissentire? quàm contrarium dignitati tuæ belligerare, schismata ac seditiones inter fratres excitare, viperinis orbibus ac dentibus pumicatis contubernales carpere & de capite alterius comiria celebrare. Si hæc non flectunt animum nostrum ad prosecutionem pacis & fugam dissonum, saltem amore diuturnioris & ad votum fluentis vitæ moveamur, quam promittit infallibili oraculo vates: *Quis est homo, qui vult vitam, diligit dies videre bonos? inquire pacem & persequere eam*, ac si dicat: Dierum nostrorum longitudo ac prosperitas à pacis pendet prosecutione; illam habebis, si hanc inquiris.

Difficile est, inquietis, concorditer vivere ubi offensæ crebra occasio: ubi vel à Superiore vel à fratribus frequentes porriguntur causæ aversionis & dissonis. Ita sanè est. Concedo lubens difficile id esse sed carnalibus sed animalibus quales sumus: non spiritualibus, non rationalibus, quales esse debemus. Si spiritu vivimus, spiritu opera carnis mortificemus, atque ita ad omnes offensas, insensibiles reddemur. Abbas Anub: in perenni concordia fratres sibi subiectos conservare desiderans tali usus est artificio. Per unam hebdomadam singulis diebus accedens ad statuam lapideam quæ in templo sui monasterij erat, manè faciem statuæ percutiebat, vespere autem ab eadem veniam petebat dicens: ignosce mihi. Cum transisset octiduum, occurrunt ei fratres causam illius facti requirentes. Quibus Anub: Rem hanc propter vos ego feci. Quando vidistis quod faciem statuæ tunderem, num locuta est, num indignata, num excanduit? minime, responderunt illi. Quibus iterum Anub: Quando item veniam precabar, quando ipsi humiliabar, nunquid turbabatur, nunquid contra me fremebat? minime, responderunt: Et nos ergo (subiecit Abbas) qui sumus septem fratres si volumus in pace in quiete simul habitare, imitari statuæ huius insensibilitatem debemus ut ad nullas contumelias ad nullas turbemur offensas. Fecerunt optimi Patris consilium boni filij ideoq; ut sonat stylus historix, transiverunt omne tempus vitæ suæ in quiete & pace. Verè hi ex instructione patris sui quærebant & fugientem persequabantur pacem in eaq; locum habitatori Deo adornabant. Quorsum hæc omnia? nisi ut nos quoq; pacem quàm nobis reliquit Dominus habeamus, colamus, & si à nobis abscessit, studiosè inquiramus ac persequamur profugam. Augustissimum Eucharistiæ Sacramentum non modò Symbolum pacis est sed etiam reconditorium, aula, & thronus eiusdem. Verissima enunciatio est: ubi pax ibi Deus & è converso ubi Deus ibi pax. Ergo cum speciali modo sub specibus Eucharisticis inhabitet Deus, pacem quoq; sub iisdem stabili incolatu permanere, minime dubitandum. Ducas manus calicem tenentes quidam pinxit adiungendo epigraphen: *Æterna concordia*. Nimirum calix Eucharisticus ligat stipulatq; manus ac corda nostra æternæ mancipat concordia. Ante Summum Pontificem, longum iter peragentem in signum pacis solemniter Sanctissimum

Prolepsis.

In Vitis PP.
auth: græc

Typotus.

SACRAMENTUM gestatur quod Clemens VIII. Ferrariam tendendo observavit. Ad illud igitur ferventes accedamus pacem cum alijs fructibus spiritualibus ex eo reportaturi, accedamus tamen reconciliatis prius animis ne iudicium nobis manducemus & bibamus. Provocet nos tanti dignitas SACRAMENTI ad mutuam dilectionem, provocet exemplum Christi, provocet jurata in professione fraternitas. Communio vocatur tanti Sacramenti perceptio hoc est communis unio animorum, hanc nobis infallibili omine conferet ille qui dilexit nos usque in finem; modo reconciliari, & cum sancto pacis osculo accumbamus. Nostrum deinceps erit hoc pretiosissimum caelestique margaritum diligenti studio custodire & totis viribus in id niti ut nunquam redintegratam scindamus charitatem nunquam fraternitatis dilectionem rumpamus nunquam donatam nobis repudiemus pacem. Meminerimus, quod Christus pro crucifigentibus deprecatus est, ut dum affligimur, pacifici simus nec talionem reddere noverimus. Recurrat nobis sæpius in memoria quod jure baptismi, jure sacerdotij, jure professionis fratres vocamur, nomina pietatis gestamus, ideoque *non est laus si nos diligimus; scelus est si oderimus*. Proponatur menti nostræ frequenter tribunal Christi ante quod in brevi reconciliata seu scissa concordia aut præmium recuperabit aut pænam. Ruminet sæpè intellectus noster, fugiat semper affectus noster pestilentissima vitia susurrationis, bilinguositatis, detractionis aliorumque pacis inimicorum criminum ut nunquam eorum locus reperitur in nobis. His considerationibus obdurescet animus noster adversus omnes molestias quæ ipsum bono pacis privarent & velut insensibilis statua factus non frangetur ullis adversis, non turbabitur vexationibus, non inflammabitur confusionibus, semper unus, semper idem velut sol intra nebulas absque ullo lucis detrimento mansurus. O si hoc fiat! o si hoc contingat! quomodo tunc jubulare licebit præ exultatione cordis: *Ecce quam bonum & quam jucundum habitare fratres in unum*. O si exaudiatur vox nostra! *Domine pacem tuam da nobis, omnia enim dedisti nobis, pacem quæ exuperat omnem sensum, pacem quæ exultet in in cordibus nostris, ut tu Deus pacis & dilectionis sis semper nobiscum*.

S. Hieron. ad
Castrinam.



D E V O T I O

A D P A S S I O N E M D O M I N I.

Ante Domini-
cæ Passionis

S. Leo serm. de
Passione D.

DEsiderata nobis dilectissimi & universo optabilis mundo adest festivitas Dominicæ passionis quæ nos inter exultationes spiritualium gaudiorum filere non patitur. *Difficile quidem est, ait S. Leo, de hac solemnitate dignè apteque differere: non licet tamen in tanto misericordiæ Divinæ Sacramento subtrahere sermonis officium, cum ipsa materia ex eo quod est ineffabilis fandi tribuat facultatem*. Adsumt dies peculiari modo honori patientis Christi consecrati, dies recolendo nostræ redemptionis mysterio in Cruce consummato per ordinatissimam Ecclesiæ dispositionem deputati. De tanto loqui mysterio temeritas & præ-

& præsumptio videtur esse; sed tacere ingratitude est. Quamvis igitur laboremus sensu, hæreamus ingenio, deficiamus eloquio, enitendum est & aliquid supra vires audendum. Bonum est si etiam impar explicandis misericordiæ Divinæ operibus infirmitas nostra mutuis sese exhortationibus ad Dominicæ passionis cultum ac devotam rememorationem excitet, per quam humanum genus vinculis mortiferæ prævaricationis absolutum.

Devotio ad Passionem Domini prompta est voluntas faciendi id omne quidquid pertinet ad cultum eiusdem passionis. Actus ipsius sunt: meditari, loqui, contemplari de Christo patiente, signum crucis adorare, Missam memoriale Dominicæ passionis rite & rectè celebrare, expansis orare manibus, & millenæ aliæ in memoriam honoremq; Viri dolorum Salvatoris nostri imperatæ aut elicitæ actiones. Gratissimam Christo esse & scripturæ & traditionis fidelia convincunt testimonia. Luc: 24. historia sacra memorat qualiter duo discipuli tertia post mortem Domini die iverunt in Emmaus mæsto animo de eadem morte conferentes. Dum fabularentur, ecce tibi non lupo sed Agnus in fabula, specie peregrini junxit se Jesus euntibus socium itineris. Quærit quasi necius quidnam ad iuvicem conferrent, quidvè causæ haberet eorum ex animo in vultum effusa tristitia? Cui unus ex discipulis: Tune inquit, cum ipse sis peregrinus, ignoras ea quæ facta sunt diebus istis in Jerusalem? Christus urget: Quæ, quæ illa? Mirum est quod studiose interroget, *Quæ?* gestorumq; explicitam petat enarrationem, cum ille ipse fuerit de quo loquebantur, ipse passus, ipse crucifixus, ipse mortuus. Qui delectatur alicuius rei recordatione, narratam sibi iterum iterumq; retexi jubet historiam; sic & Christus, *quia gaudet rememorari passionem suam, præbet narrandi occasionem.* Jucundissima est Redemptori nostro confabulatio in qua non Milesiæ fabellæ, non testamentum Grunniij Corocottæ à pueris cachinnantibus decantari solitum, non mimorum & Lentulorum dicta gesta; scurrilia miscantur sed mysteria passionis Dominicæ devota narratione percurruntur. Sancta Mechthildis ex revelatione accepit, in eo maxime sibi complacere Christum Dominum si homo cum magna gratitudine perpendat & jugi memoria revolvat suorum operum exercitia, suorum cruciatuum, injuriarum, mortisq; amarissimæ atrocitatem amore animæ humanæ toleratam. Et in libro qui *speculum humane salvationis* intitulatur legimus quod vir quidam religiosus cupiens divinitus doceri quodnam servitium vel quæ devotio foret servatori nostro acceptissima, in pijs exauditis orationibus ac suspirijs vidit aliquando Dominum Jesum ad se venientem cum crucis ingentis pondere dicentemq; audivit: Non poteris mihi gratius præstare obsequium quàm si juves me in portanda onerosa cruce. Cumq; modum juvandi devotus ille rogaret respondit Christus: In corde portabis crucem meam per crebram recordationem & compassionem. In ore per devotam gratiarum actionem. in auribus per avidam pænarum mearum auditionem. In dorso per carnis tuæ assiduam mortificationem.

Quod Domino nostro gratum, nobis non potest non esse utile. Stupendas olim nec unquam in ordine cursuq; naturæ auditas mutationes operata est mors Christi. Terra insolitis concutiebatur motibus: petra vix fortibus malleorum fissiles ictibus sponte sua scindebantur: sepulchra

R r

ultrà

S. Leo ubi sap.

Quàm grata
Christo devo-
tio hæc?Avacinna in
Medit.Lib: 1. Sp: Græ
S. Mechth.Utilitas eius-
dem.

ultrò aperiebantur viamq; prodigioso officiò ad resurgendum pandebant mortuis: deniq; velum templi nullius violatoris attactum manu divisum est in duas partes. Recenset hæc miracula D. Mathæus cap: 27. *IESUS autem iterum clamans voce magna emisit spiritum. Et ecce velum templi scissum est in duas partes à summo usq; deorsum & terra mota est, & petra scisse sunt, & monumenta aperta sunt.* S. Bernardus author est passionem Christi Domini usq; ad hanc diem facere ut terra tremat, lapides confringantur, aperiantur sepulchra, & templi velum scindatur. Nam, inquit ille, qui in ea meditantur, si terra sunt ob terrenas affectiones, tremunt sancto DEI in filium suum iustitia timore commoti & ad inordinatos affectus deferendos excitantur; si lapides ob duritiem cordis, emollescunt & confringuntur præ magnitudine doloris; si sepulchra causa ob pudorem manifestandi suas culpas, aperiantur confessione. Omnibus deniq; scinditur velum quod dividebat inter DEUM & nos ut possimus juxta Apostolum revelata facie gloriam Domini & abyssum caelestium eius secretorum contemplari. O verè nobilissimi mortis Dominicæ per meditationem cum pijs affectibus ruminatæ fructus! rigorem animi tollit & facit hominem saluari timore percelli; duritiem aufert & cordis compunctionem donat; pudorem vitiosum ac damnabilem amovet ut per confessionem è sepulchro vitiorum redivivus exurgas; demum cæcitate mentis ablata, quæ inter effectus reprobationis numeratur, quasi quodam velo inter DEUM & homines dividente rupto, ad speculandam Divinæ celsitudinis claritatem inducit. Quis maiora his suspiret bona? Cui quæso altiores in animum venire possunt gratiæ? Hinc jam verum esse nemo dubitabit quod Albertus magnus asserbat, simplicem videlicet passionis Christi meditationem plus utilitatis afferre homini quàm si integro anno in pane & aqua jejunaret, flagellis se quotidie ad sanguinem usq; caderet, psalterium totum quavis die recitaret. Hæc enim exercitia esto bona sint ac laudabilia, fructu nihilominus eo carent quo multiplici pollet attenta ac devota dolorum mortisq; Christi recogitatio. Extat liber antiquus concionum de Passione Domini in cuius præfatione leguntur ista: *Qui magnas opes exiguo labore consequi & fulgentem coronam tuto ac nullius periculi certamine mereri cupit, is dedat se exercitio meditandi vitam ac mortem & doctrinam & merita Salvatoris IESU Christi. In ea meditatione si ad finem usq; perseveraverit, gratiam DEI tam certo sibi promittat ac si pignus certum in sua potestate haberet.*

S. Tho: 2. 2. q.
79. arti: 4.

Adamovius in
præf: ad Me-
dic: de Passi-
one Domini.

Oportebat Christum pati, & ita intrare in gloriam suam. Et nos oportet passionem eius percolere in eiusq; contemplatione immorari ut in eandem gloriam intrare liceat. In via qua ad regnum cælorum itur infinitæ insidiæ. Ubiq; infernales circumvolitant accipitres ut miseram animam discerpant, dilanient. Actum de ea nisi in vulnera crucifixi meditationibus, orationibus, pijs affectibus quasi quibusdam pen- nis involet. Cant: 2. Amorofo dilectam suam solatur affatu Sponsus cælestis: *Columba mea in foraminibus petra in caverna maceria.* Hebræi locum hunc intelligunt de populo Israelitico à facie Pharaonis velut cuiusdam rapacis alitis fugiente ad desertum ibiq; in montium & petrarum speluncis latitante. Catholici expositores per columbam allegorico sensu Ecclesiam; per foramina petræ, vulnera & protectiones Christi;

Necessitas.

Christi; per cavernas maceræ, scripturæ sacræ mysteria nobis à Christo referata, clausa verò ante adventum ipsius signari docent. Et rectè. Ecclesia enim grandes sustinuit persecutiones, inprimis à Judæis incredulis, deinde à Tyrannis & Principibus idololatri; tandem ab Hæreticis qui vel maxime & supra modum persecuti sunt Ecclesiam, columbam speciosam argenteam nitidam macula omni carentem. Et quis, ait Pannonius, *per censere queat ab initio qualia bella hoc infame hominum genus adversus hanc candidam & immaculatam columbam excitavit, quam perniciem intulit, quàm fæda sui oris sanie candorem polluere tentavit? sed quid ipsa interim fecit? memor foraminum petra, memor & cavernarum maceræ sese subito illapsu eò recepit unde & vires colligeret & tutius se ab infestatoribus protegeret.* Bene ergo, peregit idem Author, *Columba in foraminibus petra inq; cavernis maceræ describitur quia dum acrius bella insurgunt non adeo aliud refugium requirit Ecclesia quàm IESUM Christum Dominum nostrum, qui & vulnera pro nobis suscepit tanquam foramina in quorum fide se tutius abscondit.* Moraliter per columbam animam intellige. Habet & hæc insensissimos hostes qui eam à volatu ad supernas sedes præpedire imo crudeli tyrannide dilacerare conendunt. Mundus, Caro, Diabolus, falcones sunt Acheronte qui huic columbæ absq; ulla intermissione insidiantur. Periculo se aliter non subducet nisi in foramina petra, vulnera Jesu Christi, in cavernas maceræ, textus videlicet scripturæ de Passione Domini sonantes involet ibiq; mentis & cordis devotione immoretur. In his foraminibus se tutatur & circumvolitantem intrepida intuetur milvum. De his dicebat Augustinus: *Tuta & firma requies est infirmis & peccatoribus in vulneribus Salvatoris. securus illic habito. patent mihi viscera per vulnera. Longinus aperuit mihi lancea latus Christi, & ego intravi & ibi requiesco securus.* En columbam in foraminibus petra securo refugio latitantem! Vide mihi & aliam in iisdem fiducialiter exultantem: *Tanto illic securior habito,* inquit Bernardus, *quanto ille potentior est ad salvandum. Fremit mundus, premit corpus, diabolus insidiatur; non cado quia fundatus sum supra firmam petram.* Metuis & tu rapaces ac sanguinolentos ui gues? En foramina in petra, illuc confuge, illuc te abde & tutò conquiesces. Libidinis rostro pungi & lacerari pertimescis? ad hæc foramina advola. *Nullum tam potens remedium contra ardorem libidinis quàm mors Redemptoris nostri.* Siti ariditatis usq; ad mortem cruciaris? *per has rimas licet tibi sugere mel de petra, oleumq; de saxo durissimo,* id est, gustare & videre quoniam suavis est Dominus. Times ultionum Dominum eò quod atrore peccati candorem in baptismo acceptum touies conspurcaris? *en patet arcanum cordis per foramina corporis. patet illud magnum pietatis Sacramentum. patent viscera misericordie DEI nostri in quibus visitavit nos oriens ex alto!* Nudus es inops pauper miser & miserabilis ideoque convivio Regni cælestis ineptus? en arca DEI aperta in qua omnes thesauri Divinitatis absconditi, non clavibus sed clavis referata. *Accede, accipe quantum placet. Clavis referans, clavus penetrans factus est tibi.* Aliter certè damnationis non evademus discrimen nisi in receptacula vulnerum Christi per devotam compassionem recondamur. Æternæ perditioni obnoxium reor quiscuis non communicat passionibus Christi, non compatitur Salvatori patienti,

In Cantica:

In manuali:

S. Augustinus:

S. Bernardus:

flenti, non agit pro tam copiosæ redemptionis beneficio gratias, nec curat frequenti recordatione tantum recolere mysterium. Pensanda sunt verba Redemptoris nostri & memoriæ imprimenda quæ in revelationibus S. Birgittæ contra quandam damnandam animam loquitur: *Ecce, inquit, illa anima non est mea. De vulnere quippe lateris mei & cordis non plus compassa est quàm si perforaretur clypeus inimici eius. De vulneribus manuum pedumq; mearum tantum curavit ac si pannus gracilis rumperetur.* Deinde converso sermone ad reprobam illam animam subdit: *sic ego tanto pretio tanta amaritudine te redemi sicut aliquem sanctorum meorum licet tu modicum curasti. Verùm sicut puer abortivus non habet dulcedinem de uberibus maternis, nec consolationem de verbis neq; de pectore calorem: sic tu nunquam habebis dulcedinem meam.* Cuiusnam carnes non configant timore verba hæc? cuiusnam indevotum ad passionem Dominicam animum salubri metu non concutiant?

*Exempla de-
votionis huius*

Manu duces fortasse desideras qui tibi ad foramina petrae, ad cultum amoremq; vulnerum Christi ac totius passionis viam aperiant? præsto sunt. S. Paulus Apostolus ultro se ad tam sanctum ingerit obsequiū cum ea protestatione quod non putet se aliquid scire nisi IESUM Christum & hunc crucifixum. Offert se & beatus Andreas devotissimus ille crucis Christi discipulus. Turmatim Sancti alij ad huius officium ministerij sese offerunt. Stephanus Cænobij Eliotarum Presbyter teste Joanne Moscho à tribus Religiosis complura interrogatus constanter tacuit. Urgentibus autem illis dicentibusq; nihil ne nobis respondes Pater? nos ideo venimus ut aliquas præceptiones spirituales à te accipiamus. respondit: *Ignoscite mihi, non attendi quid mihi hætenus loqueremini. Verùm quod habeo vobis dico. Ego diu noctuq; nihil aliud aspicio nisi Dominum DEUM nostrum IESUM Christum in ligno pendentem.* An non & illa vox Palæmonis flagrantissimum amorem devotionemq; erga IESUM crucifixum spirat? *Dominus meus crucifixus est & ego oleum comedam.* Nimirum in solemnitate Paschatis ad manducandos cum oleo cibos invitatus flere ubertim cæpit prolataq; quam dixi aspiratione noluit acquiescere ut manducaret. Q si vivam & nos Domini nostri de trabe fatali pendentis, confossas manus pedesq; habentis, sitientis, impropria variorum statuum patientis, inter summos internos externosque dolores, angores, amaritudines expirantis imaginem in mente cordeq; gestaremus, nullius equidem boni creati caperemur amore, nullius voluptatula inescaremur lenocinio. Diceremus: Dominus meus crucifixus est & ego sensus meos delectationibus deliniam? Diceremus cum D. Bonaventura: *Dominus meus pendet in patibulo cruci clavis suffixus & ego voluptati operam dabo?* Beata Paula dum terram sanctam pia peregrinatione obambulare, prostrata ante crucem quasi pendentem Dominum adorabat. Ingressa sepulchrum, resurrectionis osculabatur lapidem quem ab ostio monumenti amoverat Angelus & ipsum corporis locum in quo Deus jacuerat, quasi sitiens desideratas aquas, fidei ore lambebat. Quid ibi lachrymarum, quantum gemituum, quid doloris effuderit, testis est cuncta Hierosolyma, testis est Dominus ipse quem rogabat. Euphrasia infantula Antigoni Senatoris Romani filia in Ægypto cum Matre visitans quoddam Monasterium sacrarum Virginum atq; interpel-

*In vita S. Pa-
chomij.*

*S. Hier. in vi-
ta eiusdem.
In vita eius-
dem*

interpellata vellet ne ibi manere? volo, respondit, monstratamq; sibi Crucifixi imaginem osculata: Ego, inquit, Christo me devoveo & amplius hinc exire nolo. Pudeat ab infantibus & lactentibus in devotione ad passionem Domini superari. Ecclesia ipsa universalis dum hoc Paschali festivitati contiguo tempore circa venerationem passionis Dominicæ occupatur, nobis imitandi præbet exemplum. Quid enim ceremoniarum lugubres, quid planctus luctuosus, squalor & nuditas in templis, ligni Crucis adoratio, Passionum decantatio, sepulchrorum erectio, Sacrificiorum intermissio, silentium musicæ & campanarum, quid inquam hæc omnia indicant nisi Matrem nostram absorptam esse in vulnera Jesu Christi ipsiq; morienti velle commori. Mundus totus, generatim loquendo, post DEUM incarnatum atq; in carne nostra crudeli ac infami supplicio morientem abiit: abiit non pedibus sed affectibus non corporis gressu sed religiosæ ac venerabundæ mentis incessu. Passionem Christi eiusq; resurrectionem, ait Hieronymus, cunctarum gentium voces & literæ sonant. *Taceo de Hebrais Græcis & Latinis quas nationes fidei sue in Crucis titulo Dominus dedicavit. Bessorum feritas & pellitorum turba populorum qui mortuorum quondam inferijs homines immolabant, stridorem suum in dulce Crucis fregerunt melos, & totius mundi una vox Christus est.* Dicam amplius, neq; enim sermonem conceptum continere valeo. Etiam gentiles illæ fatidicæ Virgines, Sibyllas vocant, & cum his Poëtæ mortem Salvatoris suo venerati sunt vaticinio. Virgilius cecinit: *Unum pro multis dabitur caput.* Et: *Talia perstabat memorans fixusq; manebat.* quem versum applicat Christo Domino D. Hieronymus in Cruce verba ultima proferenti.

In Epitaph:
Nepot.

Ad Paulinum
in Epist. quæ
incipit: Fr. Ambrosius.

Hæc ideo perstrinxi ut Christus formetur in nobis, Christus funibus, verberibus, flagellis, spinis, sputis; ligatus, contusus, attritus, terebratus, deformatus, in Crucem deniq; actus, in eaq; pro nobis ad Patrem suspirans & tandem inter immensos dolores expirans. Hoc ipse desiderat, hoc in tanti memoriæ & gratitudinem amoris postulat. Typotius hierographias suas à Symbolo Crucis auspicatus, initio voluminis visendam exhibet Crucem in cuius fastigio pelicanus pullos sanguine nutritiens. Medio Crucis inscriptionem inseruit: *Pone me ut sigillum super cor tuum.* His verbis ex Cantico Canticorum desumptis compellat nos Redemptor noster, ac si diceret: Pro eo quia dilectam animam meam salutis tuæ causâ in ligno posui, quia factus sum tibi non fictitius Pelicanus sanguine meo te vivificans, quia inter brachia Crucis velut in pyra quadam amore tui exustus sum, nihil aliud requiro nisi, *Pone me ut signaculum ut sigillum super cor tuum.* me tui Creatorem, me tui Redemptorem, me tui talem ac tantum amatorem. *Signa me ipso tali & taliter amante cor tuum & non solum cor tuum sed etiam brachium tuum ut toto corde tota fortitudine memineris me rediligere.* In brachia enim fortitudo intelligitur.


Pannonius in
Cantic.

Attende itaq; & vide ô homo qui transis per viam mundi huius, attende & vide si est dolor similis sicut dolor eius. Justus moritur; tu recogita corde. Sol justitiæ eclipsatur obstupefce & contremisce. Et verò quis non obstupefcat cum supremi Spiritus tantum cernentes opus pietatis quadam sancta extasi ac tremore correpti fuerint. Ipsa natura stetit attonita & omnes creaturæ ab officio suo fuere suspensæ.

Ss

Inspice

Inspecte & considera vulnera pendentis, sanguinem morientis, pretium redimentis. attende & vide caput inclinatum ad osculandum, cor apertum ad diligendum, brachia extensa ad amplectendum, totum corpus expositum ad redimendum. Hæc quanta sunt cogita, hæc in statera cordis appende ut totus tibi figatur in corde qui totus pro te fixus fuit in Cruce. Pro te in specie & in individuo. Ita enim mortuus pro omnibus ac pro singulis & unumquemq; ita ante oculos præsentem habuit ac si solus redemptione indigeret. O altitudinem charitatis! ô profunditatem immensæ humilitatis! ô magnitudinem misericordiæ! ô abyssum incomprehensibilis bonitatis! Quis non natabit in exoticæ admirationis pelago? in tantæ bonitatis oceano quis non demergetur? Si tanta tibi debeam Restaurator mi pro eo quod me redemisti quid non debeo pro modo quò redemisti. Omira! semperq; miranda semperque amanda Divinæ propitiationis benignitas! Quo nate DEI quo tua descendit humilitas, quo tua flagravat charitas, quo processit pietas? Ego iniquè egi tu pæna mulctaris: ego crimen edidi tu torturæ subijceris. Utinam amorem amore, humilitatem humilitate, passionem rependam compassione. Utinam clavis sacratissimos pedes manusq; terebrantibus configar ad Crucem tuam. Utinam mihi mundus per te crucifixus sit & ego mundo. Tu solus in me ô Jesu Crucifixe vivas & ego in te. Mater dolorum Virgo Beatissima adesto votis. Sancta Mater istud agas, Crucifixi fige plagas cordi meo valide.



DEVOTIO ET AMOR

ERGA CHRISTUM IN SS. EUCHARISTIA EXISTENTEM.

Post gloriosam Paschatis festivitatem, admirabilem Ascensionis triumphum, Divinissimum Sancti Spiritus in Apostolos illapsum veneranda sacratissimæ Eucharistiæ celebritas perseverentiam nobis exhibet gaudiorum, ut inter cognatarum solemnitatum vicina Sacramenta fervor fidei & exultationis vigor non tepescat. Et bene post festa Pentecostalia à cunctis solemnifatur fidelibus, ut illo specialiter tempore institutionem eius recolamus, quò Spiritus Sanctus corda discipulorum illuminavit ad plene cognoscenda tanti mysteria Sacramenti & quo Sacramentum hocce à credentibus frequentari cæpit. Neq; puto magnificentius maioriq; pompâ ac devotione festum quodpiam celebrari quàm hodiernum. Quando enim aliàs tam solemnes tamq̃ue publici circuitus, tam gloriosæ per plateas urbium, civitatum, oppidorum, pagorum, Sacrosanctæ hostiæ circumductiones, altarium erectiones, Evangeliorum in vicis ad extemporaneas aras decantationes fiunt? Splendor ornatûs in Clero ac Laicis, floræ coronæ capita cingentes, ardentium lumina cereorum, labara & variorum insignia vexillorum, suavissimus vocalium atq; instrumentaliũ symphonicorum jucundis certantium modulis concentus, campanarum sonori fragores, triumphalia tormentorum

*S. Thomas in
Opusc: 57.*

torum tonitrua, puellorum Angelici instar ordinis scenicè ornatorum seu in portandis armis Christi passi, seu in declamandis eiusdem laudibus ministeria, pegmata statuas, ac imagines sacras circumferentia, viâ floribus frondibus perinframantibus strata, populi suspirantis & præ cordis gaudio illachrymantis conglobatio, omnia hæc augustissimam festivitatis huius ultra morem aliarum componunt scenam. Adimplet nimirum Ecclesia quod adhuc in Prophetis ac Patriarchis existens promiserat his verbis: *Dabo tibi poculum ex vino condito & mustum malorum granatorum.* Poculum ex vino condito juxta Pannonium est SACRAMEN- *In Cantica.* tum Corporis & Sanguinis Christi. De solo autem poculo fieri mentionem ait ille, ut intelligeres tam perfectè in una confici quàm in altera specie & non plus in utrisq; quàm in singulis. Dabo ergo tibi, ait sponsa, poculum ex vino non herbis sed verbis Divinis confectò & saporato, transubstantiato in sanguinem vivificantem quo reficiuntur credentes. Et mustum malorum granatorum, id est, fervidam credentium devotionem quæ non sine spiritus dulcedine est. Duo ut vides appromisit: litationem sacrificij in Sacerdotibus, & devotionem, quæ per mustum significatur, in reliquo populo. Respexit citra dubium Sponsa ad tempus hoc octavæ Pentecostes conterminum quando nimirum peculiari modo poculum Eucharisticum Sponso suo offert, quâ in sacrificijs quâ in cõmunionibus; mustum item ex malis granatis, hoc est, flagrantissimam populorum uno charitatis cortice, unâ fidei coronâ rectorum religionem. In tantis devotissantis totius mundi flammis quis tepescat? Omnes & vel maximè Religiosos tanquam ignem spirantes Leones hanc mensam circumdare oportet. Quia tamen inter varias necessitatum curas atq; ipsius instabilis animi vicissitudines mox frigescit spiritus & à nobilibus cæptis deficit, suggeram stimulos qui torpentem nostram excitent & resuscitent devotionem ac dilectionem.

Proximam devotionis causam esse dilectionem Author est D. Thomas. Fieri enim nequit ut se Deo promptè, non subdat, qui eundem dilectione ardenti complectitur. Porro nihil nos fortiore vi ad DEUM diligendum trahere valet quàm consideratio amoris quo ipsemet nos sibi adstringit. Magnes amoris ut communis fert parœmia, est amor. Non potes esto è duris cautibus horrentis Caucaſi vel Hyrcanis Tygribus sis genitus, non potes non redamare si penitus amantem recogitaveris. Cum verò causa omnis ex effectibus perspicua reddatur, DEI amorem quem nobis in Sanctissimo SACRAMENTO testatur, effectus commonstrent. Hos 4. recenset Doctor Angelicus: Unionem, mutuam inhæſionem, extasim, & zelum. Unionem quidem seu præſentiam realem, effectum amoris esse clarum est. amantes enim ab invicem separari renuunt: quod si separentur, tædio & mærore gravantur donec optatissimæ præſentiæ liceat potiri complexu. In Augustissimo Eucharistiæ Sacramento unitur nobis JESUS secundum præſentiam suam, fideliter adimplens quod amanter promiserat: Ego vobiscum sum usq; ad consummationem sæculi. Fuit nobiscum semper quoad Divinitatem triplici illo solemni modo: per essentiam, per præſentiam, per potentiam; at hoc non suffecit amoris; effecit in Christo quod discessurus ad Patrem, etiam humanitatis conspectum miro sed vero modo nobis reliquerit, arcanis modis carnis ac sanguinis sui vitalem substantiam ad spe-

cies sensibiles panis & vini illigando ita ut totus & integer Christus sub panis specie & sub quavis speciei parte, totus item sub vini specie & sub eius partibus existat.

Præsentia re-
alis Christi in
Eucharistia
mōstratur ex
veteri testa-
mento & Ra-
binorum ex-
positionibus.

Præsentiam realem Christi sub accidentibus panis & vini scriptura-
rum ac Rabinorum veterum oracula, Conciliorum, SS. Patrum, & to-
tius Ecclesiæ inconcussa fides adstruit. Non hæremus, non dubitamus,
formidinem non admittimus, illud cum Matre Ecclesia concinentes:
Verbum Caro panem verum verbo carnem efficit fitque sanguis Christi
merum, & si sensus deficit, ad firmandum cor sincerum sola fides suf-
ficit; libet tamen etiam testimonia suffragantia rimari ut hinc ignis a-
moris & devotionis exardescat in nobis. Gen: 49. Israël benedicens

filio suo Judæ excurrit, quod solent Prophetæ omnes, ad proferendum
de Christo vaticinium: *Ligans ad vineam pullum suum & ad vitem*
o fili mi asinam suam, lavabit in vino stolam suam, & in sanguine
uvæ pallium suum, Pulchriores sunt oculi eius vino & dentes eius
lacte candidiores. Prophetiam hanc à Jacob de Domino nostro

J E S U Christo pronunciatam esse liquet ex textu qui præcesserat:
Non auferetur sceptrum de Iuda & Dux de femore eius donec ve-
niat qui mittendus est & ipse erit expectatio gentium. Rabbi Catho-

Apud Viegam
in Apoc. c. 2.

na, verba: *ligans ad vineam pullum suum*, sic legit; *ligans ad vitem Ci-*
vitatem suam. Exponit deinde hoc modo: hæc verba, inquit ille, *li-*
gans ad vitem Civitatem suam, ostendunt sacrificium futurum in quo

vinum transmutabitur in substantiam sanguinis Messiae. Quod autem
sequitur: Rubicundiores sunt oculi eius vino & dentes eius lacte can-
didiores, significat, quod in eodem sacrificio panis adhibitus velut lac

albus convertetur & ipse in substantiam Messiae corporis. Psal: 71. ubi
vulgata editio habet: *Erit firmamentum in terra in summis montium*,

in Hebræa legitur: *Erit placenta frumenti vel frustum frumenti in ca-*
pite montium. seu juxta Chaldaicam versionem *in Capite Sacerdotum.*

Rabbi Barachias nomine Isaac sic locum interpretatur: *Sicut Redemptor*
primus id est Moyses fecit descendere manna de celo ita Redemptor ultimus
id est Messias erit placenta frumenti in terra. Malachiæ 1. *Non est mi-*
hi voluntas in vobis dicit Dominus exercituum & munus non suspiciam

Prophetia
Malachiæ de
sacrificio al-
tari exponi-
tur.

de manu vestra. Ab ortu enim solis usq; ad occasum magnum est nomen
meum in gentibus & in omni loco sacrificatur & offertur nomini meo obla-
tio munda. Locus iste ad adstruendum novæ Legis sacrificium adeo

celebris est ut vix ullum ex Doctoribus sacris invenias qui eum ad hoc
propositum non adducat. Rabbi Simeon filius Johami passum hunc

scripturæ commentans scripsit: *Hoc est sacrificium quod postquam vene-*
rit Messias facient Sacerdotes coram DEO sancto & benedicto. Tunc enim
cessabunt omnia sacra quæ prius fiebant; facient autem ex pane & vino.

Apud Povo-
do de sacrificio
Missæ.

Tunc DEUS misericordia implebitur & virtute ingenti verborum sancto-
rum quæ ab ore Sacerdotum manabunt, illud & omne sacrificium quod in
unaquaq; ara celebrabitur, in corpus Messie convertetur. Et verò quis

non videat impletam esse & defacto impleri Malachiæ Prophetiam. Non
enim in una duntaxat Civitate, non in uno altari sed per totam Eccle-

siam ab ortu solis ad occasum longe lateq; porrectam ubivis locorum
sacrificatur & offertur DEO altissimo oblatio corporis & sanguinis Domi-
ni sub panis & vini speciebus. quæ oblatio sic est munda ut exterius

nullum

nullum habeat cruoris horrorem & interius sive invisibiliter mundet
 cruentam omnem peccati pollutionem. Sic est munda ut nulla malitia
 & indignitate offerentium inquinari possit; sic munda ut sacrificia le-
 galia esto duntaxat mundorum animalium mactatione & varijs lavacris
 ac purificationib9 prævijs perficerentur, immunditiæ respectivè ad eam
 reputentur. Munda ex parte sui, quia ipsissima caro & sanguis eius qui
 peccatum non fecit; munda ex parte offerentium, qui cum peccati
 mortiferi conscientia non audent tantum tractare mysterium suspirantq;
 prius antequam comedant panem cælestem ac probant seipsos ex moni-
 to Apostoli, quæ probatio in eo est, ut nullus conscius peccati mortalis
 quantumvis sibi contritus videatur absque præmissa Sacramentali con-
 fessione ad sacram Eucharistiam accedat. Hæc ergo mundissima hostia
 in omni loco sacrificatur. Neq; enim hæc inter se pugnant ut ipse Sal-
 vator noster semper ad dexteram Patris in cælis assideat juxta modum
 existendi naturalem, & ut multis nihilominus alijs in locis Sacramen-
 taliter præsens suâ substantiâ nobis adsit ea existendi ratione quam etsi
 verbis exprimere vix possumus, possibilem tamen esse DEO, cogitati-
 one per fidem illustratâ assequi possumus & credere constantissimè debe-
 mus. Erubescant jam Judæi & vel confundantur vel convertantur, ma-
 nifestè videntes impletum Malachiæ oraculum & planè manu palpan-
 tes cessasse jam Sacerdotium secundum Ordinem Aaron & vigere Sa-
 cerdotium secundum Ordinem Melchisedech quod in æternum duratu-
 rum Propheta David cecinit. Salvator ipse in novo testamento non
 obscuris non perplexis sed disertis & perspicuis verbis præsentiam sui
 sub speciebus Eucharisticis asseruit & credendam proposuit dum dixit:
Caro mea verè est cibus & sanguis meus verè est potus. Et panis quem
ego dabo Caro mea est. In ipsa institutione huius Sacramenti ac sacri-
ficii accepit panem & gratias agens fregit & dixit: Accipite & man-
ducate. Hoc est enim corpus meum quod pro vobis tradetur. Similiter
accipiens Calicem gratias egit deditq; discipulis dicens: Accipite & bibite
ex hoc omnes: hic est enim Calix Sanguinis mei qui pro vobis effundetur.
 Ubi tam ex antecedentibus quam ex consequentibus realis Christi Do-
 mini infertur præsentia. Si namque non tropice, sed verè realiter ac
 propriè accepit panem & vinum, gratias egit, benedixit, oculos in cæ-
 lum levavit, Apostolis porrexit; certè neq; tropice locutus est dicen-
 do: Hoc est corpus meum. Hic est sanguis meus. Deinde non per
 metaphoram aut quemcunque alium tropum locutus verba hæc:
 Quod pro vobis tradetur: qui pro vobis effundetur. Non igitur & ista:
 Hoc est corpus meum, Hic est sanguis meus, ex quibus illa pendent.
 Sanè præfatorum verborum: Hoc est corpus meum. Hic est sanguis me-
 us, non alium genuinum sensum adducere possis quàm hunc: *Hoc quod*
videtis in manibus meis non est amplius panis usualis sed est corpus me-
um, non alterum, non alterius, sed meum. non permutatum, vel noviter
Creatum sed illud ipsum quod pro vobis tradetur, quod pro vobis cruci-
figetur, quod pro vobis morietur. Hic est sanguis non bovis aut arietis
non agni, aut cuiuslibet hominis, sed meus. non alius vel nova Creatione
productus sed qui pro vobis fundetur flagellis provocatus, clavis extortus,
lanceâ excussus. Nolo hic ego producere veritatis huius assertores SS.
 PP. & veteres & recentiores, & græcos & latinos. nolo ad constituen-
 dam ca-

Ruper: apud
 Hosium de Sa-
 cramento Eu-
 charistiæ.

Trident:

Trident:

Monstratur
 eadem præ-
 sentia ex novo
 testamento.

Petrus Abbas
 Cluni: apud
 Hosium.

dam castrorum aciem adversus hæreticos evocare Arnobium, Cyprianum, Augustinum ex Africa; Irenæum, Remigium Antisiodorensensem ex Gallia; Ambrosium, & Aquinatem ex Italia; Chrysostomum ex Thracia; Theophilactum ex Mæsia; Hieronymum & Damascenum ex Syria; Cyrillum ex Ægypto; Eusebium ex Palestina; Lantfragium ex Anglia; Epiphanium ex Cypro; Amalaricum, Rabanum & Rupertum Tuitiensem ex Germania; Gerardum, & Cælium Pannonium, ex Hungaria; demum S. Adalbertum S. Stanislauum ad aras cæsum, Hosium Cardinalem ex nostra Orthodoxa Polonia: qui omnes unanimiter senserunt, prædica-verunt, literis consignaverunt atq; ad nos transmiserunt, vicissim à nobis in posteros transmittendam doctrinam de reali & substantiali Corporis & Sanguinis Domini sub panis & vini speciebus post factam consecrationem præsentia. Sufficiat ex generalibus concilijs robur dictis addere quæ quia universam Christi Ecclesiam repræsentant, nec fallere nec falli possunt præstatq; eorum autoritas omnium doctorum auctoritati ut diserte asserit Doctor Angelicus, 2. 2. q. 10. ar. 12. In primo & antiquissimo Nicæno Concilio hic Canon reperitur: *Pervenit ad sanctum Concilium quoddam in locis quibusdam & Civitatibus, Presbyteris Sacramenta Diaconi porrigant. Hoc neq; regula neq; consuetudo tradidit ut ij qui offerendi sacrificij non habent potestatem, his qui offerunt, Corpus Christi porrigant.* Ex Ephesino vero scribunt ad Nestorium Patres Concilij sic: *sicut secundum carnem mortem unigeniti filij DEI id est IESU Christi & resurrectionem eius & in calos Ascensionem pariter conficentes incruentam celebramus in Ecclesijs sacrificij servitutem sic etiam ad mysticas benedictiones accedimus & sanctificamur participes sancti corporis & pretiosi sanguinis Christi omnium nostrum Redemptoris effecti.* In Lateranensi hæc habentur. *Verum Christi Corpus & Sanguis in SACRAMENTO altaris sub speciebus panis & vini veraciter continetur transubstantiatis pane in Corpus & vino in Sanguinem potestate Divina.* Novissima Tridentina Synodus docet & aperte ac simpliciter profitetur in almo Sanctissimæ Eucharistiæ SACRAMENTO post panis & vini consecrationem Dominum nostrum JESUM Christum verum DEUM atque hominem verè realiter ac substantialiter sub specie illarum rerum sensibilem contineri. Hæc est doctrina Christi, hæc fides Ecclesiæ, hic sensus Patrum, hæc traditio Apostolorum. Taceant ergo Hebræi neque suum illud: *Quomodo obganniant.* Quomodo potest nobis Dominus parare mensam in deserto & quomodo potest hic nobis carnem suam dare ad manducandum? Fides non habet meritum, ubi humana ratio præbet experimentum. Quid sibi speciale quid proprium reservaret incomprehensibilis illa maiestas si semper comprehendere posset sapientia humana cælestium altitudines Sacramentorum. Quid haberent superna pretiosum si nostræ familiariter scientiæ subiacerent. Excedit Divini opificij dignitas humanæ mentis angustias. Divinis rebus admiratio quidem adhibenda est, sed credulitas non abneganda. Credant Judæi & intelligent. *Dixit Dominus & facta sunt omnia mandavit & Ambrosius. creata sunt.* Nimirum operatorius est sermo Domini & eo quidem magis si benedictionem in se contineat; cum benedictione etiam natura ipsa mutetur. Sic virga Moysis in serpentem mutata. Sic virga Aaron arida & à radice præcisa nullumq; habens vitalem succum, rutilanti-

Item ex Concilijs.

Quomodo
Hebræorum
refellitur.

tilantibus virentium florum vestita gemmis. Sic petra aquas produxit. Quodsi tantum valuit benedictio humana ut naturam converteret, quid dicemus de consecratione ubi ipsa Domini verba operantur? Et si tantum potuit sermo Eliæ ut ignem de cælo deponeret, non poterit Christi sermo species mutare elementorum? Quodsi non cessas Judæe tuum illud *Quomodo* succlamare, dico tibi: claudere oculos tuos & percipies. Patres tui dum manna colligerent, propter candorem nimium segregativum visus non poterant illud fixè aspicere ideoq; clausis oculis ne cæcutirent colligebant. Ita Philo vester & alij. Figura fuit nostri Sacramenti & sacrificij. quanto magis in hoc voluerit aliquis figere lumen rationis, tanto magis cæcutiet. Claudas ergo oportet rationis tuæ lucernam; mitte discursus naturales & soli virtuti Divinæ effectus supernaturales attribuendo agnosce DEUM aliquid posse quod non capis. Sileant & hæretici & omnis iniquitas opilet os suum. non audent hircere quasi in hoc SACRAMENTO sit imago rei non res ipsa, umbra Corporis & Sanguinis Domini non corpus & sanguis ipse. *Indignissimum enim flagitium est verba Christi perspicua: Hoc est corpus meum quod pro vobis tradetur. Hic est sanguis meus, qui pro vobis effundetur, ad fictitios & imaginarios tropos quibus veritas carnis & sanguinis Christi negatur, contra universæ Ecclesiæ sensum detorqueri quæ tanquam columna & firmamentum veritatis hæc ab impijs hominibus excogitata commenta velut Sathanica detestata est, grato semper & memori animo beneficium hoc recognoscens.* Nos viva fide tantam erga humanum genus profiteamur & adoramus bonitatem. O vere magna circa nos tuæ pietatis dignatio! o inæstimabilis dilectio charitatis! Plane Salvator institutione huius admirabilis SACRAMENTI morem secutus amantium, qui dum peregre profecturi ad invicem divelluntur modo quo possunt relinquunt se sibi hoc est in signis quibusdam ut imaginibus, annulis, literis. Quod naturæ nunquam valuit facultas hoc Divina in Christo prævaluit potestas ut transiturus de hoc mundo ad Patrem seipsum nobis relinqueret hunc ipsum qui discessit, qui ad dexteram Patris consedit, relinqueret autem sub signis visibilibus invisibilem propter fidei nostræ amorisque experimentum & de sua contristatis absentia solatium singulare. Pausanias in Laconicis refert, post celebratas inter Ulißem & Penelopen nuptias ortam fuisse litem inter sponsum & sponsæ Patrem. Sponsus volebat in patriam suam abducere sponsam. Pater verò Icarius nomine apud se eam retinere certabat. Res arbitrio Penelopes commissa. Illa inter cogitationum fluctus pendula nequivit se determinare. hinc pietas erga patrem inde amor erga maritum instabat. demum inops consilij detraxit velum albicans de capite illoq; vultum obdixit dicens: In hoc velo velut in charta pugnanres inter se mentis meæ cogitatus legite. Nam cum uno discedere, cum altero remanere cuperem. His auditis concessit Pater ut sponsum comitaretur, sibi verò vivam sui effigiem cum peplo illo relinqueret. Artis igitur Phidiacæ toreuma clarum filiæ suæ mirabili cælatura expressivum una cum flammeo consecutus Pater, sponsam cum Sponso dimisit. Non ego hæc ad Divina mysteria explicanda transferre præsumerem, profanis sacra & gentilismi fabulis fidei Sacramenta polluere verendo nisi me erigeret Beati Hieronymi autoritas fusè in Epistola ad oratorem Magnum deducens salu-

Hæreticorum
error perstrin-
gitur.

Trident.

Salvator præ
sentem se no-
bis relinque-
do morem se-
cutus aman-
tium.

briter sæcularium literarum exempla spiritualium tractationi inseri, modo prius quod sine sensu & vita est, scilicet quod turpitudinem vel errorem redolet, abradatur. Itaq; filius DEI Naturæ humanæ sponsus postquam unionis hypostaticæ nexu in perpetuum eam sibi copulasset & in mundo inter homines triginta tribus, annis commoratus laborasset destinavit tandem in Patriam suam movere. Jam quale hîc dum abitionem parat, amoris certamen? Homo naturam humanam verbo Divino conjunctam retinere ardentissimis exoptat votis; sponsus juris sui prærogativam obtendens, in gloriam Regni sui abducere velle perseverat. Diremit litem Deificata Christi humanitas. Accepit de capite hoc est de plenitudine potestatis Divinæ candidum accidentium panis velamen eoque faciem suam seque totam occuluit. sicque velatam se reliquit mundo, in sua verò specie & absque ullo velaminis umbraculo, ad perenne sponsi sui regnum peregrè profecta est.

Alterum amoris effectum dixeram esse mutuam inhæSIONEM quasi
Mutua inhæ- scilicet intus hæSIONem. Amor facit ut amans sit intra amatum & vi-
so contingit cissim. Hoc verò ut explicat Doctor Angelicus contingit dupliciter, ni-
duplicatur. mirum secundum vim apprehensivam & secundum vim appetitivam. Se-
 cundum illam quidem, quando amans singula quæ ad amatum pertinent
 nititur intrinsecus disquirere, non contentus superficiali apprehensione
 amati & sic quodammodo ad interiora eius ingreditur. Secundum
 hanc amans dicitur esse in amato in quantum si amet amore concupi-
 scentia non requiescit in quacunque extrinseca adeptione seu fruitione
 amati sed quærit perfectè illud habere & quasi ad intima illius perve-
 nire. Si verò amet amore amicitia tunc inesse amato dicitur in tan-
 tum in quantum bona & mala amici reputat sicut sua & voluntatem
 amici sicut suam ut quasi idem factus sit cum amico. Inde est quod
 amicus vocatur alter ego & dimidium animæ. Inde illud manavit axi-
 oma: Amans transit in amatum. Et: Anima magis est ibi ubi amat quàm
 ubi animat. Effectum hunc accenset amorî Augustinus in manuali ubi
 ait: *Amor facit unum spiritum de duobus. Amor facit idem velle &*
idem nolle. Cicero de amicitia cap: 1. *Amicus amico anima una, una*
voluntas. Idem lib: 1. *de officijs: Nihil amabilius nec copulatiùs quàm*
morum similitudo bonorum: in quibus enim eadem studia sunt, in ijs
eadem voluntates, ut aquè quisq; delectetur altero ac seipso. Hanc in-
Exempla ipsius. hæSIONem videre licet in Jonatha cuius anima conglutinata fuit animæ
 David, ut quasi in unam ambæ coaluerint; hanc in principibus terræ
 Apostolis qui sicut in vita se dilexerunt ita & in morte non sunt sepa-
 rati; hanc in primæva Ecclesia, quando omnium credentium cor unum
 fuit & una anima. Videre item in Augustino qui post abreptum sibi
 fati inclementiâ amicum lugebat amarissimè nec in amænis nemoribus
 nec in ludis atq; cantilenis nec in suaveolentibus locis nec in convivijs
 apparatis neque in voluptate cubilis & lecti non denique in libris atque
 carminibus requiem aut solatium capiendo. Sentiebat nimirum, quod
 ipsemet in Confessionibus fatetur, animam suam, & animam illius unam fu-
 isse in duobus corporibus & ideo ipsi horrore erat vita quia nolebat dimi-
Mutua inhæ- dius vivere. Eandem amoris efficaciam admirata est antiquitas in Oreste &
so in Christo Pylade de quibus traditur, si non fingitur, quod vellent pro invicem vel
& nobis virtu
te Eucharistiæ simul mori.

simul mori. Quis verò adeò lippus cæcusque est internè qui non ad-
 rat Christum per hoc Sacramentum nobis inhærere nosque vicissim illi.
 Qui manducat meam Carnem, & bibit meum Sanguinẽ in me manet & ego
 in eo. Quid clarius, quid expressius verbis istis: In me manet & ego
 in eo. Tanta est, ait Hosius Præses Tridentini, tanta est huius cibi vis ut
 si quis eum digne manducaverit, non spiritali modò coniunctione ve-
 rum etiam naturali quadam & ea certissima Christo copuletur particeps
 effectus verè vivificatricis quæ verbi propria facta est carnis & preti-
 osi Sanguinis Christi: quæ sumpta faciunt ut & Christus in nobis sit &
 nos in Christo, non animum tantum reformante sed carnem etiam no-
 stram ad vitam, incorruptionem, & immortalitatem præparante sicut
 & ab Hilario & Cyrillo ante mille ducentos annos traditum legimus.
 Overè manet in nobis! & nos in ipso quando esu carnis suæ sacratis-
 simæ nos Christificat dum nos Christiferos, ut Cyrilli phrasi utar, facit:
 vel ut cum Chrysostomo loquar, nos unum corpus & unam secum carnem
 efficit. In alijs cibis alimentum vertitur in substantiam aliti; at ali-
 mentum Eucharisticum creatrice potentiâ nos in se convertit. quotquot
 enim receperunt eum in hoc Sacramento, dedit eis potestatem filios DEI
 fieri. Augustinus Dominum ipsum ad se talia dicentem introducit: Ci-
 bus grandium sum cresce & manducabis me nec tu mutabis me in te
 sicut cibum carnis tuæ, sed tu mutaberis in me: quam metamorphosim quis
 non desideret? quis rationabili haud expetat votorum ambitu ex homine,
 DEI Filius; ex mendico, cæli hæres; ex materiali spiritalis; ex terreno cale-
 stis, ex filio mulieris peccatricis, Filius MARIE Virginis fieri? Redeo
 ad amorosissima illa Christi verba: Qui manducat meam carnem in me
 manet & ego in eo, ampliusque eorum mysticam intelligentiam assequi
 desiderans interpretem assumo D. Hilarium. Hic præfata verba expen-
 dens fuseque discutiens infert: *Quod autem in eo per SACRAMENTUM*
communicata carnis & sanguinis simus ipse testatur dicens: Ego in Pa-
tre meo, & vos in me. & ego in vobis. quibus alijsque sequentibus ver-
 bis deducit S. Doctor, ad eam cum Christo unitatem per sacram com-
 munionem nos pertingere quam ipse habet cum Patre suo. Porro quæ
 maior potest esse unitas quam inter Patrem æternum & filium coæter-
 num, quorum eadem omnino & indistincta essentia ut prorsus unum sint.
 Ut igitur nos quoque unum simus cum Christo sicut ille unum est cum
 Patre, sub speciebus panis & vini semetipsum nobis immiscuit & cor-
 pus suum in nos contemperavit. Id ipsum luculenter exprimitur in eo
 quod corpus & sanguinem suum sub signis earum rerum commendavit
 quæ ad unum aliquid rediguntur ex multis, ut discamus sicut ex pluri-
 bus granis panis conficitur & ex pluribus acinis vinum confluit ita Chri-
 stum & nos virtute Eucharistiæ in unum corpus convenire. Quis jam
 hic non obstupescat? quis attonitæ admirationis abreptus impetu ex-
 tra se non rapiatur si videt se in DEUM quodammodo mutari & in unam
 cum Christo coire personam? O plusquam paterna nostri Redemptoris
 viscera! O nullis cognitum opinatumvè matribus amorem! o sanè po-
 sitos nos in superbiam sæculorum & regum mamilla lactatos! Nescie-
 bat has artes natura? Amor humanus solummodo per intellectus &
 voluntatis actus in interiora amici facit amantem illabi: at Christus
 mirabili invento etiam quoad rem ipsam tanquam cibus in nostra se

Uu

insinuat

*In Eucharistiæ sumptio-
 ne illam uni-
 ratem cum Chri-
 sto imitatur,
 quam ipse ha-
 bet cum Patre*

insinuat viscera absque ullo nausæ vel horroris naturalis offendiculo. Non erat contentus quacunq̃ue nostri possessione & fruitione nisi perfectè secundum suæ potentix & sapientix dispositionem nos possideret ad intima nostra pervadendo. Sed & quantum ad affectum attinet, manet in nobis vi huius Divinissimi Sacramenti dum bona & mala nostra reputat tanquam sua, voluntatem nostram tanquam suam. Bona quidem nostra verissimè bona ipsius sunt: mala verò nostra reputat tanquam sua. Nam qui semel pro ijs in ligno passus est, hîc infinities immolatur non quòd iterum moriatur sed quod in isto passionis memoriali merita mortis suæ pro nostris quasi proprijs offerat delictis. Quotidie ergo in locis innumeris pro salute nostra moritur immortalis, immolatur inviolabilis, frangitur immutabilis ut quotidie delinquentibus semperq̃ue infirmitati ac morti spiritali obnoxij, jugiter salutem operetur. *Mortuus ille semel licet ultra non moriatur. Idem quotidie sine vulnere sacrificatur. Nam quia peccantes medicina semper egemus hanc pro peccatis medicinam semper habemus.* Inter hierographias Crucis dominicæ visitur Crux cuius trabs longior ad terram acta transit per medium libonem panis. Author ænigmate hoc significare voluit quòd Eucharisticus panis indivisibilis sit à Cruce semperq̃ue Crux sibi inhaereat ut sciamus fructum passionis Christi Domini nobis in hoc Sacramento applicari & quoties cæleste epulum manducamus, ita planè rem se habere, ac si toties Christus mactetur pro nobis. Quia enim semel mortuus jam non moritur, modum Divina sua adinvenit sapientiâ, quo absque mortis iteratione idem præstat quod præstaret iterum iterumq̃ue sanguinem fundendo. O Divini excessum amoris! o verè mala nostra tanquam sua reputat dum talem curandis quotidie, providit medicinam.

Hilbertus apud Hosium.

Typotius.

Ecstasis duplex.

Ecstasis seu positio sui extra se, inter effectus amoris relata contingit pariter & secundum apprehensivam & secundum appetitivam facultatem. Secundum illam dicitur aliquis extasim pati quando ponitur extra cognitionem sibi propriam vel quia ad superiorem elevatur ut dum quis sublimatur ad comprehendenda aliqua quæ sunt supra sensum & rationem; vel quia ad inferiora deprimitur. puta cum aliquis in furiam vel amentiam vertitur. Secundum appetitivam dicitur ille in ecstasi esse, cuius appetitus fertur in alterum, exiens quodammodo extra seipsum. Amor enim directè facit ut extra nos exeamus. & amor quidem amicitix simpliciter id ac perfectè efficit quia per hunc amans vult & operatur amico bonum, gerens curam & providentiam amici propter ipsummet amicum: amor verò concupiscentiæ, quia fertur in bonum amici non propter ipsum amicum, sed propter amantis personam, non facit simpliciter ut amans extra se exeat sed in ipsomet amante concluditur. Non hîc de ecstasi intellectus sed voluntatis sermo mihi est.

Cap. 4. de Divinis Nom.

Th. 1. 2. q. 28. art. 3. ad. 3.

Idem in opusculo 57.

D. Dionysius asserit quod Deus ipse propter amorem sic ecstasim passus. at ubi passus? utiq̃ in Cruce, respondebit memoratus Doctor. Fateor, fateor in Cruce DEUM ecstasim passum. *Si enim amans in tantum exit extra se in quantum vult & operatur bona amici,* quod ait Aquinas: quomodo non exivit extra se Christus in ligno fatali, quando quidquid de nostro assumpserat, totum nobis contulit ad salutem; dum corpus suum pro nostra reconciliatione hostiam obtulit DEO Patri, sanguinem

guinem suum fudit in pretium simul & lavacrum: quibus quæ rogò maiora bona nobis velle & operari potuit? Nec tamen minorem in augustissimo SACRAMENTO propter amorem passus ecstasim: quæ enim & quanta bona hic vult atq; operatur nobis amicis suis, non ulla necessitate vel utilitate quæ ipsi exinde obveniat; bonorum siquidem nostrorum non eget, sed merè propter nos ipsos & ut nobis bene sit? Joel: 2. appositum scripturæ passum ad præsentem invenio tractationem. *Ecce ego ait Dominus, mittam vobis frumentum & vinum & oleum & replebimini eis & comedetis vescentes & saturabimini & scietis, quia in medio Israel ego sum & ego Dominus DEUS vester & non est amplius.* Alimonia Eucharistica hoc loco appromittitur in qua nimirum frumentum electorum & vinum germinans Virgines necnon oleum donorum S. Spiritus offertur convivis. In hac est nobiscum semper, imò in medio nostri, non tantum per præsentiam deitatis sed per præsentiam quoq; humanitatis, nec solum manendo in templis, aut domibus, sed ad interiora quoq; nostra per modum cibi descendendo. At quid vult sibi particula illa: *Et non est amplius.* Equidem non videtur cohærere cum antecedentibus nec conjungi cum sequentibus. Sensus est, quòd ita divitias suas per eam effusurum se in nos pollicitus sit ut non sit amplius quod nobis largiri queat. Et profectò quid habet Divinus thesaurus quod in hoc sacramento non acceperimus. Non habet, non habet quod ultra offerat. Audenter id assevero fultus D. Augustini assertionem qui tract: 84. in Joannem sic ait: *DEUS cum sit omnipotens plus dare non potuit, cum sit Sapientissimus plus dare nescivit, cum sit ditissimus plus dare non habuit.* Unde aptissimè Hieronymus appellat ditissimum hominem sacrosanctæ Eucharistiæ instructum epulo. Alludens enim ad morem primitivæ Ecclesiæ ait: *Nil illo ditius qui corpus Domini in canistro vimineo, sanguinem portat in vitro:* quid enim ditius eo dici possit qui universas cæli possidet divitias? qui eum complectitur in quo omnes deitatis thesauri absconditi? Habet Christus esse Divinum, personalitatem Filij DEI, habet carnem humanam, animam rationalem, merita passionis suæ, dona Spiritus Sancti, fructus eiusdem 12. beatitudines 8. habet actualia auxilia motiones ac illustrationes supernaturales, virtutes quasvis, gratiam deniq; sanctificantem & gloriam æternam, præter universa naturæ & fortunæ bona. Hæc ideo habet in Sanctissimo SACRAMENTO ut nobis conferat nec est ultra quod habeat & non dederit nobis in eodem, ideoq; calix Eucharisticus rectissimè vocatur calix testamenti. Testamentum est instrumentum continens ultimæ voluntatis nostræ testimonium. seu juxta Ulpianum, est voluntatis nostræ iuxta sententia de eo quod post mortem nostram fieri volumus. Quia enim mors ultima linea rerum separat corpus ab anima, & quod sequitur, res omnes à nobis aut verius nos à rebus ut post mortem nihil possimus nisi bestias & vermes juxta Ecclesiasticum hæreditare; filijs & quos in charorum numero complectimur, bona nostra omnia ultimis codicillis consignamus possidenda. Eucharistia ergo testamentum Christi est, quia nihil habet quod donet quàm quod in ea continetur. In ea omneseius divitiæ, omnes thesauri. hæc crumenam ipsius exhaurit. Quà etiam de causâ sub symbolo vituli saginati Luc: 15. describitur. *Adducite,* ait Pater familias ad servos excepturus Convivio filium prodigum,

Christus passus ecstasim in Eucharistia.

Joelis loc9 explicatur: Et non est amplius.

Ad Rusticum.

Eucharistia testamentum.

Cult?

Eadem Vitu- adducite vitulum saginatum & occidite ut manducemus & epulemur.
lus saginatus. Quis etenim iste vitulus est nisi, juxta glossam ordinariam, Eucharistiæ
Hom. in cap: SACRAMENTUM Christum continens immolatum. Dicitur autem sagina-
15. LUG: tus, hoc est ut ait Eusebius Emisenus, *omni gratia & virtute plenus de*
Patriarcharum & Prophetarum armento sumptus qui toties occiditur &
à fidelibus comeditur, quoties in altaris ministerio immolatur. Et ne
apparatus convivij huius cælestis ad ornatum duntaxat formatus vide-
atur, ipse Salvator noster invitatores agit: *Accipite, inquit, & man-*
ducate. Bibite ex hoc omnes. Comedite amici, bibite & inebriamini cha-
rissimi. ac si diceret: ideo ex me ipso bonisq; meis lautissimum vobis
instruxi convivium ut me ipso bonisq; meis impleamini, sicut cibo ille
qui cibatur impleri solet. Et sicut qui bibit ad ebrietatem, non unum
evacuat trientem sed multo se obruit vino donec à mente alienetur &
vaporibus è stomacho ad cerebrum ascendentibus soporetur ita vos dul-
cedinem spiritus, & deliciarum donorumq; cælestium ambrosiam usq;
ad sanctam ebrietatem avidis potate labris donec obliviscamini rerum
temporalium & sopore spirituali deliniti illud cum sponsa per somnum
qui rationem non ligat pronuntietis: Ego dormio & cor meum vigi-
lat. Cedat huic convivio pretiosissimum Cleopatraz poculum in quo
Antonio suo unionem centies centenis millibus sestertium hoc est ducen-
tis quinquaginta millibus aureorum æstimatum propinavit. Apage mi-
hi portentosissimos Caligulæ luxus qui novum balneorum usum ac in-
audita ciborum cænarumq; genera commentus margaritas aceto liquefa-
ctas sorbebat, conuivis ex auro panes & obsonia apponebat, aut frugi
hominem oportere esse dictitans aut Cæsarem. Apage Clodij admiran-
da sympòsia qui experturus quantum saperent concharum nuclei sin-
gulos uniones comessatorum sorbitioni exhibuit. Facebant omnes ad-
ventitiæ & nepotinis sumptibus præparatæ cænæ. In his enim damna-
bili prodigalitate se suaq; in amicos aut verius in parasitos profunde-
bant Principes non modo extra se sed & extra orbitam liberalitatis ac
rationis exeuntes, quanquam extra se exisse dicendi non sint qui po-
pularem auram & inanem adulatoriæ laudis quærebant fucum, luxuq;
illo bonum suum mercabantur. At verò in hac sacratissima Cæna di-
vitiis amoris sui in nos effudit Christus, omnesq; nobis largitus the-
sauros nostrum duntaxat attendendo bonum non prodigus in dando
quia nihil deperdit donando; non ditior servatis, non pauperior dona-
tis quamvis & sanctè prodigum vocare liceat atq; cum Guericò Ab-
bate exclamare: O D E U M si fas est ita dicere, prodigum sui! Spicas 7.
triticeas cum culmis eminentibus ad designandum SS. Sacramentum
pinxit Typotius adjecto lemmate: *Quid facundius.* Triticum est Eu-
charistia non tantum quia ex triticeo pane conficitur sed etiam quia il-
lum continet qui est panis verus, panis vitæ, panis cor hominis con-
firmans; ille inquam panis qui floruit in lege, adolevit in Prophetis, ma-
apud Hofum. turuit in Cruce, manducatus post resurrectionem. ille panis qui in statu
legis naturæ fuit in fide Patrum velut in spica, in statu legis scriptæ fuit
in doctrina Prophetarum velut in simila, tandem post assumptam huma-
S. Tho; 1. 2. 9. nitatem formatus à Spiritu Sancto panis perfectus, atq; in clibano uteri
virginalis pistus, in Cruce verò velut in craticula assus. Hoc igitur
tritico in multiplices gratiarum aristas calamosq; non vacuos sed pin-
gue dine

guedine & medulla spiritualium donorum plenos exuberante quid facilius? Augustam hinc honorum omnium messem sperare licet. Ideo namq; sub triticei panis velaminibus sese posuit Creator noster, ut uberima bonitatis suæ fecunditate cordium nostrorum horrea impleri faciat. Vult ergo & operatur nobis bonum Divina in hoc Sacramento pietas sui quodammodo oblita & extra se egressa quando tam sumptuosum nobis in universo mundo apparat convivium *in quo totum quod ipsa est & habet, nobis in summo contulit* nihil penitus sibi reservando. S. Tho: Opusc: 63.

Zelus tandem ultimus amoris effectus, est motus animi quo amans resistit repugnantibus sibi in amore alicuius. Affinis huic definitio illa quam glossa super versiculum illum; *Zelus domus tuæ comedit me*, adducit: Est bonus fervor animi quo mens pro defensione accenditur eo quod quælibet prava quæ videt corrigere satagit; si nequit, tolerat & gemit. Ex amore zelum prodire claret. Cum enim amor sit motus quidam in amatum, intensus amor quærit excludere omne id quod sibi in prosecutione amati repugnat. Aliter tamen hoc evenit in amore amicitiae, aliter in amore concupiscentiae. Isto namque si quis æstuet, bonum sibi concupiscit ac refragatur illis quæ consecutioni ac frustrationi quietæ boni adamati adversantur: & hæc refragatio zelus invidiæ vocatur. Jam verò in amore amicitiae cum non proprium sed amici quærat commodum, si amor sit ferventior, facit amantem moveri contra omne quod amico eiusq; bonis obsistit. Secundum hunc dicitur aliquis zelare, verba recito D. Thomæ, *quando quæ dicuntur vel fiunt contra amicum homo repellere studet.* & hoc in repellendo studium est genuinus amoris zelus quem etiam Deo scripturæ appingunt dum zelotem prædicant propter *nimum* ad existentia *amorem*. Eximium Christi Domini amorem erga nos in Augustissimo Sacramento calentem jam perspeximus. Hic ergo quia inæstimabilis, quia intensissimus, movet eundem ad resistendum omnibus quotquot ipsi in amore nostri repugnant. Viderat id secretiore oculo Propheta Regius ideoq; canere auditus: Parasti in conspectu meo mensam adversus omnes qui tribulant nos. Restat amanti qui tribulat amicum, quem nimirum desiderat illè nullis afflictionum pungi aculeis, nullis anxietatum offendi scrupulis. Zelo igitur accensus amicus armat se ut à fido sibi pectore infestos adversantium avertat assultus. Proh quantos patimur inimicos! quanta ubiq; tribulationum seges! & plurima mortis imago? Premit mundus, premit corpus, diabolus insidiatur & tot tantisq; malis sibi invicem succedentibus vita nostra constringitur ut jam vivere tædium sit. Actum de nobis nisi Dominus tutanum se obtulisset. Parasti in conspectu meo mensam adversus non aliquos sed omnes, qui tribulant nos. quam mensam? equidem Eucharisticam quæ figurabatur in manna Israelitis concessio quod in modum valli ac muniminis castra per circuitum cingebat. mensam pane subcinericeo designatam qui ad castra Madian voluebatur eaq; subvertit. Zelat nimirum pro nobis Christus in hoc Sacramento nihilq; mali patitur evenire ulli nostrum. Ipse pro nobis pugnat, ipse vincit, ipse hostes nostros prosternit. Apocalyp: 12. mirabilis describitur visio. Mulier subnixa alis duabus fugit in desertum, in locum sibi præparatum à Deo alenda ibi per tempus & tempora & S. Dionysius. Zelus Christi in Eucharistia adversus hostes nostros. Probatur ex David. Item ex Apoc: calyp.

pōra & dimidium temporis, à facie serpentis: postquam fugientem misit serpens ex ore suo aquam tanquam flumen ut eam faceret rapi à flumine & adiuvit terra mulierem arsobuitq; flumen quod misit draco de ore suo. Seriem visionis audivimus, mysterium requiramus. Mulier Ecclesia est semine verbi Divini fecundata. hæc post ascensionem Christi à dracone diabolo Principes & Hæreticos ad persecutionem Ecclesiæ instigante infestata concito motu subduxit se ad desertum, scilicet ad interiorem cordis solitudinem vel certe gentium multitudinem, densissimam veluti sylvam relicta Judæorum ingrata natione. Duabus nitabatur alis quia bino charitatis præcepto velut geminis elevabatur pen- nis, sicq; duplex amor fugam salutarem meditati addidit alas. Fugit porro alenda ibidem pabulo spiritali per tres & semis annos hoc est ad usq; finem mundi, à facie serpentis. Sed vide quomodo fugientem Ecclesiam vel ad vastissimam gentilium eremum vel ad interiorem pecto- ris recessum infectatus draco. Misit post eam ex ore suo aquam tan- quam flumen ut eam fluminis impetu rapi faceret & sinuosis aquarum implicari vorticibus. Vim gravissimæ persecutionis aqua hîc denotat, ex qua emergere cupivit ille qui dicebat: Salvum me fac Deus, quoniam intraverunt aquæ usque ad animam meam. Torrente hoc abrepta Ec- clesia periisset nisi terra adjuvisset. quænam terra illa? Principes mun- di ab aliquibus intelliguntur at Constantinus & alij Christianam fidem amplexi Imperatores qui impressionum adversus Christianos violentiam represserunt. Ego cum Haymone per terram carnem Christi Domini intelligo elementaribus terreni panis ac meri velatam accidentibus. Terra hæc superbenedicta os aperuit flumenque absorbit, quia omnes persecutionum inundantes fluctus compescuit & conjuratos ad demergen- dam Petri naviculam fugavit ventos. Quid enim verò in illo sævien- tium Neronum & Diocletianorum furore roborabat quid adjuvabat Ecclē- siam ne periret? profectò Sanctissimum SACRAMENTUM, quo seu in cry- ptis & subterraneis testudinibus; seu in privatis ædibus inter devota su- spiria communicabantur imò communiebantur fideles. unde & ex Ora- torijs secum asportare sacram Synaxim integrum erat ut ingruente Ty- rannidis procella præsentissimum haberetur tutamentum. Et felicissimo prorsus habebatur eventu, quia etiam imbecillus sexus, etiam infirma æ- tas, nec pridem nata corpora, inter flammæ & secures invictam servan- do fortitudinem, mundum fidei orthodoxæ in virtute Divinissimi cibi subiugarunt. Testem appello D. Augustinum qui ait: SACRAMENTO Corporis Domini subiugatus est mundus. Sopitam Tyrannorum trucu- lentiam advertens draco, per hæreticos infames impugnare cæpit Spō- sam Christi & ex ipsorum imò suo, quia ipsorum ore teterrimum menda- cij flumen & feculentum blasphemiarum lacum evomere ut rapido gur- gite mulierem obrueret ac in putentem doctrinæ corruptionem raperet. Sed adiuta à carne Christi speciebus Eucharisticis vestita, etiam hanc superavit tempestatem. Devicit ac protrivit universos Ecclesiæ adver- sarios Vatiniano odio in innoxiam furentes sacratissima hostia: *Hosti- bus à domitis hostia nomen habet.* Proinde nunc in signum victoriæ solemni pompa & apparatu deportatur publicis in circuitibus augustum novi Salomonis ferculum ut palam fiat Orbī per quid Ecclesiæ & Tyran- ni & Sectarij in triumphum cesserint & ut inimici nostri in conspectu tanti

Haymo apud
Pannoniis in
Apocalypsim.

Ovidius.
Cur in proces-
sionib; defer-
tur ss. ho-
stia.

tanti splendoris & in tanta universi orbis orthodoxi lætitia positi vel debilitati & fracti tabescant vel pudore affecti & confusi aliquando resipiscant. Nec tibi subrepat, tutamen istud ex Eucharistia toti credentium cætui non singulis fieri credentibus, non inquam id suprebat tibi. Christus namque ita singulos atque omnes complectitur nec minor ipsi de unoquoque nostrum cura ac de omnibus nec minor pro uno zelus ac pro universis. Ut sol non minus unum speculum quam mille illustrat, æque idem indivisus in exhaustus in singulis atque in omnibus; ita Christus in circulari specierum sensibilibus figura velut in cælo quodam resplendens, amoris sui beneficiorum & protectionum radios non modo in pulcherrimum lunæ mysticæ Orbem sed & in quavis seorsim accepta sublunaria evibrat. *Sumit unus sumunt mille quantum isti tantum ille nec sumptus consumitur.* O vere ingens amor erga nos Redemptoris nostri! o vere fortis ut mors dilectio! dura sicut infernus æmulatio. Mors & infernus tam durus est ut quos absorbit non sinat eluctari nec ullum redemptionis admittat lytrum pro ijs quos glutivit: Sic Christi dilectio nostris dura est hostibus, quia eorum hostilitati ad erebum protrusæ regressum & redemptionem interdixit. Blandiemur igitur nobis ex tanto Divini amoris pro nobis zelo? absit, absit. Etiam contra nos ipsos, si ei in amore nostri repugnemus dura zelabit æmulatione, & velut lampas ardentissima accendetur si amans ipse non inveniat redamantes. Calculus sacrosanctæ Eucharistiæ qui vincenti candidus pretiosus salutaris & in vitam suffragatorius æternam, idem fiet asper durus & gravissime lædens atque conterens si in certamine succumbas, si vitijs scateas, *si invidus, iracundus, iners, vinosus, amator existas.* Manna absconditum continens in se omne delectamentum & deserviens omnimodæ uniuscuiusque iusti voluntati, fiet grando perpetuam afferens calamitatem. S. Augustinus author est ibi manna generatum aut ministerio Angelico formatum esse ubi nix & grando generatur: porro locus in quo nix & grando producit, vocatur armamentarium Dei: *Nunquid ingressus es thesauros nivis aut thesauros grandinis aspexisti quæ preparavi in tempus hostis in diem belli & pugna,* Dominus percontatur Jobum. Unde liquet quod quemadmodum grandinem & nivem signavit Deus in thesauris suis contra hostes ita & sacratissimum novæ Legis Manna. Eadē mensa ad quam anima lautius nutritur, si conscius sceleris accumbas, sagittas emittet & fulgura; eadē mensa ad quam suaviter deliciarum & voluptuosè vesceris, iudicii & damnationis grandinem, nisi reciproco æstues amore, jaculabitur. Intra sacratas solemnitatis huius ferias representabantur alicubi scenicè sub tempus processionis tres abaci: Mundi, Carnis, & Christi. In primo artocrea clauderat columbarum vivarum par, quæ apertis panis ergastulo avolarunt; inscriptio supra visibatur: *Hic deficit.* In secundo bombardulæ inter artolaganos latebant cum adiecta epigraphe: *Hic interficit.* In tertio Salvator intra fontem aquæ vivæ stabat; superscriptio legebatur: *Hic reficit.* Hos ego effectus & inscriptiones rectè ad mensam Christi Domini accomodavero. Reficit enim iustos. deficit tepidis quoad virtutem Sacramenti. interficit peccatores. In Alemmanica lingua frustum panis eadem voce effertur qua tormentum: peccatoribus bolus Eucharisticus idem omnino est quod tormentum non solum ex quo globus, pyrii pulveris ignisque

Zelus Christi
in Eucharistia
etiam adversus
nos.

Horatium.

potentiâ cum horribili fragore eijcitur sed etiam quod cuiusvis tortura inflictionem significat. Expertus Judas quem post buccellam intravit Sathanas ingentium malorum examen in miseram proditoris inducens animam breviq; eam ad lernam infernalem malis & quibusvis atrocissimis refertam pœnis deformi fato protrudens. Expertus miser ille Vdo cui hostiæ sacræ quas inter fœtores luxuriæ sumebat damnationem aeternam accerserunt. Et Presbyter ille, de quo in vitis Patrum, non levi experimento didicit rei quam tracto veritatem. Lascivijs hic & subatationibus deditus, non emūdata per exomologesim conscientia ad altaris accessit ministerium, ideoq; horrida fœdi morbi infectus lue, naribus in putredinem versis, corrosa totius vultus pulpâ, dentibus & capitis ossibus prominentibus planeq; toto cranio apparente spirans cadaver & monstrum informe factus, sed demum D. Macarij Alexandrini prodigiosa curatione pristinae integritati redditus ea cum pactione ne amplius tremendum offerre sacrificium præsumeret. Si talis putor extra, qualis putas interius fuerat? Si ea corruptio in corpore, quæ & quanta animâ infederat? Experientiæ huius magna pars sunt infelices Sacerdotes qui propter indignum ad aras accessum, sua ante tempus prægestant funera & ante fatum præmortui justas improbitatis suæ exoluunt pœnas. Quæ verum est quod prædixit Apostolus: Ideo inter nos multi infirmi & dormiunt multi. Quia nimirum propter sacrilegam communionem & multo magis sacrificij litationem infirmitatibus varijs malorumq; & morborum iliade ac demum morte inopina obruimur. Sol, vitæ licet auctor sit, alias tamen plantas ut quæ radici cohærent, vivificat; alias quæ recisæ sunt, arefacit. Panis hominem alit, accipitrem necat. vinum ægris & lippis venenum est. Unde Poëta: *Phryx vinum, oculus bibit venenum*: & Eucharistia mors est malis vita bonis vide paris sumptionis quam sit dispar exitus.

*Agritudinū
& præcociis
mortis Sacer-
dotum quæ
causâ.*

Martialis.

Sed nimius sum seraq; coronide longus. Materix nimirum magnitudo placitam modernis brevitatem exclusit. Contraho protensa effusi sermonis vela, & transuadatis quæstionum scopulis fragilique inter canas spumeis fluctibus cautes deducta ad littus cymba, epilogi celeuma latantium more nautarum cantare incipio. O incomprehensa Divinæ dilectionis magnalia! O SACRAMENTUM! O clibanum flammæ erga nos exæstuantis! *Potestne æstimari quale vel quantum sit hoc sanctum sanctorum, Sacramentum Sacramentorum, amor amorum, dulcedo dulcedinum! Hic sunt verè vitalia fercula justorum & Sanctorum. hic bibuntur in loco uberi torrentes lactis, flumina mellis, liquores balsami celestis. hic efficitur una caro Sponsa cum Sponso, unus spiritus sancta anima cum Christo. Hic dulcissimus Jesus præsentiam suam nobis communicat, hic in nobis manet velut in templo Deus, velut in throno Rex, velut in thalamo sponsus, velut in cathedra Doctor. hic omnia sua, vult & impartitur nostræ indigentix bona, hic zelantissimum se nostri defensorem exhibet. denique hic ex omni parte decoraris, cingeris, atque protegeris. & ornamento tibi sunt & tutamini cælestia margarita corporis & sanguinis Domini: gemmæ vertuntur in scuta. Quid retribuam Domino? quomodo tanto amoris respōdebo in redhibendo amore? Si me totum effudero, quantillum id erit ad Divinæ profluvium charitatis? quæ cōparatio lucis ad tenebras? Creaturæ ad creatorem, amoris humani ad Divinum*

S. Bernardus.

S. Augustinus.

Divinum? tamen si ex me toto dilexero, nihil deerit ubi totum erit. Amat DEUS ut ametur: solusq; amor est ex omnibus animæ motibus in quo potest creatura, & si non ex æquo, mutua creatori rependere vicem. Quid enim non faciam si DEUM toto corde tota virtute redamavero. Amor negotiosus est non otiosus. Anima amans fertur votis, trahitur desiderijs, ferventi spiritu opera intexit operibus. nescit tarda molimina. Amans ita est devotus, ita cantat, ita legit, ita in omnibus actionibus est providus ac circumspectus quasi DEUS adsit præsens ante oculos eius sicut revera adest: ita orat quasi sit assumptus & præsentatus ante faciem maiestatis in excelsa throno. Nimirum musicam docet, devotionem docet amor. O dulcis Christe! cuius ignis in Sion hoc est in Eucharistia ex qua velut specula nos contemplaris: & cuius caminus in Jerusalem cælesti, fac ut hic tanquam ignis ardeam, arsurus demum in cælo ut quoddam vastissimum heliocamini incendium. O voluptas cordium! ô lux serena animarum! ô fax inflammatissima mentium! accende me, inflamma me. Audi o lumen oculorum meorum, & sicut desidero, sicut tota mente peto, da mihi amorem tui sanctum & castum qui me repleat, teneat, totumque possideat ut nihil in posterum me possit separare à te ut continuo in te maneam per charitatem, tibi velim & operer quidquid volo & operor, demum zelus honoris tui semper comedat me.



D E V O T I O

ERGA BEATISSIMAM VIRGINEM.

Triumphus Assumptionis Beatissimæ Virginis MARIÆ in cælum cum anima & corpore toti mundo festivissimus. Terra quidem devotis abeuntem Virginem prosequitur studijs, celebrat cantilenis, encomijs extollit, revocat suspirijs: at cælum quò terraqueo globo altius, eò altioribus adorat Dominam suam officijs. *Non credo ait D. Hieronymus unquam in calo solemniorē processionem fuisse, quamvis enim magna fuerit in Christi ascensione, ista tamen videtur fuisse solemnior.* S. Bernardus gloriam Assumptionis interiori contemplans oculo exclamat: *Quis cogitare sufficit quàm gloriosa hodie mundi Regina processit, quanto devotionis affectu tota in eius occursum caelestium legionum prodijt multitudo, quibus ad thronum gloriæ deducta Canticis?* Quid putas gaudij quid honoris ac devotionis fuit in venerando Patriarcharum Prophetarumque Senatu quando Jacob mysticam illam scalam aspexit quam aliquando in somnis viderat: quando David virgam ex radice Jesse ortam adoravit: quando Isaias intemeratam illam Virginem intuitus quam prædixerat DEUM & hominem parituram: quando Ezechiel portam soli Principi perviam, alijs clausam demiratus est: quando demum parens generis humani mulierem contemplatus quam serpentis infernalis caput contrituram ex ore Divino didicerat. Sed

Y y

infinities

infinities excellentior in Christo erga Matrem suam honorificentia. Ille qui legem venerat non solvere sed adimplere, legem de honoranda Matre oppidò implevit quando secundum corpus ab omni putredinis fœtore præservatam, triumphali curru ad cælos deportatam, filiali dignatus reverentiâ ad dexteram suam collocavit. Deas aliquando variorum animalium aviumque in sui vectura usas ministerio, damnabilis superstitioso commento finxit antiquitas. Ægypti Regem 4. deviati Reges in carpento trahebant: Josue cum suis Ducibus capita debellatorum calcabat Principum. Elifæus in epirhedio igneo & equis igneis in aëra vectus. Parva sunt hæc si cum pompa qua cælum Virgo petit conferantur. Bene est, abunde est Cælicolis, quod tam pretiosum thesaurum, eximium universi terrarum Orbis decus, ornatissimum DEI templum & cælo augustius domicilium, solatium mundi, inæstimabilem margaritam obtinuerint: at nos tanto orbat bono quid agemus, absq; Patre absq; Matre pupilli facti? Num recedis Virgo & tuos deferis filios? num misericordiæ Mater miseros derelinquis? Quis nutriet infantes? quis servabit servos tuos? Non exuit materna viscera erga nos: quin imo in tantæ gloriæ ingressu & consecutione, Matrem se nobis pulchræ dilectionis exhibet, omnes in consortium sui triumphi, suivè gaudij invitando. Vidit aliquando S. Philippus Benitius, dum orationi ferventius instaret, Virginem Beatissimam in cisis splendidissimo cuius rotæ sedesq; aurum purissimum erant pretiosis lapidibus segmentatum, vidit inquam vehi cum ea allocutione: *Philippe adjunge te ad currum istum.* Hæc nos, progrediens ad thronum Cælestem compellat, & Materna vocat suavitæ. Quomodo vero nos curru Augustissimæ Reginæ nostræ adjungemus? quomodo in societatem Marianæ gloriæ pertingemus? Devotio est quæ nos associat Vigni Beatissimæ, devotio ad MARIAM nos suæ gloriæ facit participes: ad quam proinde varia hodie è sacris fontibus derivo incitamenta & Religiosis auribus animisq; instillo, gratiæ Divinæ & favori Virginis Matris innixus.

Devotio juxta S. Thomam est voluntas prompta tradendi se ad ea quæ pertinent ad DEI famulatum, seu est voluntas prompte faciendi quod ad DEI servitium pertinet. Devotio igitur ad MARIAM erit voluntas promptè faciendi quicquid ad servitium eiusdem spectat. Hinc liquet non modò in eo esse devotionem erga Dominam nostram quod quis orationes vocales frequentet, quod rosaria recitet, quod sacrificia celebret; illud enim totum devotionis est quicquid alacri animo in nostri famulatus testimonium operamur. Loqui, legere, audire sancta de Virgine MARIA, obedire, virtutesq; imitari, misericordiæ opera exercere, omnia hæc ad DEI & Matris suæ servitium attinent, ideoque à virtute devotionis imperantur. Virtus hæc si cui statui certè Religioso apprimè conveniens & necessaria. In hac præcellere debent Religiosi & suo exemplo alios inflammare homines. Devotio enim est actus religionis quæ juxta S. Augustinum de doctrina Christiana, nomen suum trahit à religando eò quod nos religet uni Omnipotenti Deo, vel juxta Romanum Oratorem à relegendo & retractando ea quæ sunt cultus Divini: porro vitam regularem professi peculiari modò insistant debentq; insistere religioni, quia arctiori professionis vinculo religantur & adstringuntur ad servitium cultumque Divinum & quia retractant ac rele-

In vita eiusdem lib. 1. c. 5.

2. 2. q. 81. ar. 1.

Devotio vel maxime Religiosa cōvenit.

ac relegunt Divini famulatûs officia. Tota namq; vita eorum in spiritualibus exercitijs in retractatione ac meditatione Divinorum. Unde & Religiosi antonomastice vocantur quod excellentius & frequentius religionis operentur actus. Cum ergo Religio Christiana primario quidem DEI cultum ac servitium; secundario sanctorum ac præsertim Matris Divinæ imperet, præcipuo quodam modo ac peculiari titulo Religiosi ad latræam erga DEUM & hyperduliam erga Deiparam obligantur. Non æstimat Religiosum S. Franciscus Borgias, qui MARIAM non amat. Vilipendit Novitium Justus Lansbergius Carthusianus, qui MARIÆ devotus non est. Explodit Bernardus Monachum qui MARIÆ servus esse dedignatur. Indignum denique censet Religiosi nomine Bonaventura & Thomas à Kempis, eum quisquis se suaq; omnia in manus MARIÆ non consignat. Compertum namq; afferunt, eum qui MARIAM sæpius non salutaverit eiusq; se cultui non impenderit, esto Religiosa veste contactus sit, nihil tamen probitatis in animo, nihil Religiosæ conversationis in operibus præferre.

Eggerer in Anathemate Mariano fo: 7

Suffragatur sacra litera Religiosos in laudibus & devotione MARIÆ Principes esse debere. Post accuratam Sponsæ Christi per singula membrorum lineamenta descriptionem subdit Divinus codex græcæ versionis: *Viderunt eam filie & beatificabunt eam Regina, & concubina laudabunt eam.* Passim hunc scripturasticum passim de Beatissima intelligunt expositores. Triplex est hominum genus in Ecclesia DEI: Regina, concubina & adolescentulæ. *Sexaginta sunt regina octoginta concubina & adolescentularum non est numerus.* Pannonius per reginas, progeniem Abrahæ, per concubinas progeniem Noë, per adolescentulas multitudinem gentium ad fidem vocatarum vult designari, ea ratione, quia concubina est ancilla viro in concubitum absq; scripto & subarratione & legitimis carimonijs addicta: porro progenies Noë nullo scripto nulla subarratione fidei expressæ de Christo nullis legitimis carimonijs erat addicta DEO, solaque naturali lege dirigebatur. At verò genus Abrahæ aliter. Nam & lege scripta & solemnitatibus legitimis & authoramento promissæ benedictionis interveniente, DEO se in servitium tradidit & in conjugium spirituale. Gentes autem dicuntur adolescentulæ, quia quasi postea nati gentiles ad cognitionem unius DEI pervernerunt. Ruperto Abbati Tuiciensi Reginae sunt animæ illæ quæ perfecta charitate Christum diligunt cum contemptu bonorum temporalium. Concubinae sunt quæ timore servant nec ea perfectione polleant ut super præceptum velint addere consilium. Adolescentulæ sunt quæ necdum ad timorem DEI profecere. Franciscus Venetus per reginas notat eos qui bene se regunt & vincunt maligna; per concubinas peccatores pœnitentes; per adolescentulas, infantes baptisatos. Ad idem collimant hæ expositiones, Religiosos videlicet sub reginarum specioso nomine indicant, qui nimirum speciali lege, ritibus peculiaribus initiantur nedum ad famulatum, sed etiam ad secretiorem amicitiam & amplexum Divinum. Vera progenies Abrahæ: Abraham enim ex vi nominis est Pater multitudinis, nulla autem est Religio quæ non gaudeat suo Patriarcha, suo Patre multitudinis. Ut Regina à concubina ita status regularis differt à seculari: seculares, servi tantum sunt, regulares amici & familiares; Regularibus in vim dotis offertur à Christo cen-

Cantic. 6.

Religiosæ principem locum tenent in cultu MARIÆ.

Apud Pan: in Cantica.

cuplum in hac vita, non item secularibus; Regulares solemnī Sacramento tradunt se DEO, non item seculares præterquam in baptismo. Ut igitur gradu præminent ita & devotione erga Beatissimam: primas namq; partes tribuit illis sacra pagina ad glorificandam Virginem. De filiabus quidem Jerusalem seu de adolescentulis ait: *viderunt eam*, hoc est, solū in eam oculos intenderunt admirantes deprædicatam eius à sacris præconibus pulchritudinem, sed ad laudes & encomia aliq; devotionis actus non proruperunt, oculos non est secutum officium, visum non secutus affectus & effectus; at Reginæ & post has concubinæ laudaverunt & beatissimam prædicaverunt. Eo sermonis ordine primū reliquit locum Religiosis ad devotionem erga Beatissimam Divinus codex. Ipsa eadem, Prophetico spiritu beatificandam se & speciali cultu honorandam ab ordinibus religiosis prædixit: *Beatam me dicent omnes generationes*. Quanquam enim generali omnium generationum vocabulo comprehendantur ab interpretibus omnes homines & Angeli; non desunt tamen qui per generationes velint Religiones intelligi. Quippe ne unicum quidem è sacris ordinibus reperire est à quo per viros sanctitate celebres non fuerit vel beatitudo MARIÆ deprædicata, vel laudata humilitas, vel in cælos usq; elata castitas, vel deniq; misericordia in humanum genus centum linguis, mille calamis divulgata.

Devotionis
causa.

Bonitas MARIÆ.

S. Ambrosius
de laudibus
Virginis.

Eggeret in
Pharmacopœa Cælesti.

Mantuanus
Baptista.

Duplicem devotionis causam assignat D. Thomas: extrinsecam unam, intrinsecam alteram. Illa DEUS est, *hic enim* ut ait S. Ambrosius super Lucam, *quos dignatur vocat & quem vult Religiosum facit & si voluisset Samaritanos ex indevotis fecisset devotos*; hæc verò, est consideratio bonitatis & beneficiorum DEI. Devoti esse erga Virginem sacratissimam si cupimus, implorandus est DEUS à quo omne datum optimum; sed & ipsi excitare animum nostrum recogitatione bonitatis Marianæ debemus. Porro bonitatem MARIÆ, quis explicare, quis beneficia percensere valeat? *Tanta est huius Virginis misericordia ut in eius enarratione omnes halbutiant lingua, cecutiant omnes intelligentia, deficiant omnes parabolica similitudines*. Ubi mare illud eloquentiæ Tullianæ ubi torrens fluvius Demosthenis? nunc profectò muti essetis ambo & vestra lingua torpesceret! Inventa est res quam nulla eloquentia explicare queat. MARIÆ bonitatem experiri possumus, non effari. Omnibus illa sinum beneficentiæ aperit: nemo est, qui se à calore amoris sui abscondat. Tot prodigiis in locis ut Laureti in Italia, Czesstochoviæ in Polonia, apud Cellas Marianas in Styria, Ottingæ in Bavaria, Monserati in Hispania, Thall in Hungaria, Rhemetæ in Croatia atque alibi affixa anathemata, vota, tabellæ, fulcra quid aliud sunt quam benevolentia & pietatis Marianæ testimonia. Hic præceps è turri collum & crura fregisset nisi MARIA succurrisset; hic è sclopo traijciendus erat nisi globum avertisset, ille naufragio mergendus fuerat nisi natandi imperitum sustinuisset. Ubi estis vos cæci qui collyrio Marianæ pietatis oculos inunxistis & visum recepistis? venite claudi, qui sustentaculo Marianæ fiduciæ innixi crura roborastis? adeste infirmi ac moribundi! fateamini an non ex hoc solo cælesti pharmacopœo desperatis rebus omnibus, Hypocrate & Galeno stupentibus vires & sanitatem receperitis? Rectissime dixit Ricardus à S. Laurentio. *Pietate habet repleta ubera MARIA, quæ alicuius miserie notitiâ tacta statim lac fundunt misericor-*

sericordia nec potest miseras nostras scire & non subvenire. Etiam antequam invocetur, præsentaneo adest auxilio.

Ante preces etiam & necdum obsecrata favores
Donat, & ad miseros maternas explicat ulnas.

Communia hæc sunt atque ad omnes promiscuè derivata beneficia. Erga Religiosos effusior est MARIA. Matrem pientissimam, Patronam beneficentissimam, Tutricem & protectricem faventissimam se singulis exhibet ordinibus religiosis. Cum enim sit primipila & fundatrix Religionum omnium, specialibus gratijs non potest non fovere, quas genuit, quas plantavit, quas primo Religiosissimæ vitæ ac votorum suorum fundavit exemplo. Abigail est Virgo Sacratissima; ideo famelico exercitui Davidis in deserto commoranti ampla cum annonæ provisione occurrit. Janua cæli est; proinde clementissimus Deus eam aperit & sæpe sæpius populo electo in solitudine religiosa peregrinanti pluit per eam manna ad manducandum. Sareptanam mulierem dixeris quæ cuivis Elisæo, cuivis religioso cænaculum, lectum, mensam, sellam, candelabrū id est necessitates & commoditates omnes apparat ut ingenuè fateantur ac prædicent sacri ordines, totum quidquid habent debere se favori Mariano, totum à Deo per manus Mariæ accepisse, quod ex ore & mente omnium religionum protestatur Bernardus de Nativitate B. V. *Nihil nos DEUS habere voluit quod per Mariæ manus non transisset.* Omne certè honoris sui punctum, omnem Ecclesiæ thesaurum, nitorem monasteriorum, sustentationem personarum uni Virgini referre debet unaquæque Religio in acceptis. Taceo profusam in alias liberalitatem, in nostram specialiter insinuo. Esto pauca admodum comparatione aliorum ordo noster possideat, nihil tamen vel frumentorum in campis, vel piscium in stagnis, vel vinearum in montibus vel ornatus Ecclesiastici in templis vel Monasteriorum in diversis locis possidemus quod a liberalissimis fundatoribus per manus Mariæ non acceperimus. Lustrentur literæ fundationales super Monasteria, prædia, villas, latifundia, indeque clare patebit uni Virgini nos debere quidquid sacri patrimonij vel aliquando tenuimus vel etiamnum pleno jure retinemus. Videbitur in ijs literis nihil frequentius ingeminari quàm hoc ipsum: *Ob spem & devotionem quàm ad Beatam Mariam habemus, damus, conferimus.* &c. Documento nobis hæc sunt quòd Deus nihil nos habere voluit quod per manus Mariæ non transisset. Non absque mysterio D. Patriarcha noster in solitudine ex palma victum, amictum & productam ad annum 113. vitam sortitus legitur. Palma Virginis hieroglyphicum est: *Quasi palma exaltata sum in Cades.* Quemadmodum ergo B. Paulus Pater noster à palma victus vestitusque rationem obtinuit ita ordinem ab ipso fundatum, à MARIA palma mystica corporalibus vitæ necessarijs sustentandum confidimus. Neque id caret arcano quod idemmet nostri instituti Princeps à corvo sit pastus. Avis hæc exclusis ovis, parentis naturam exuens, pullos deserit nihil de eorum educatione sollicita. Dominus porro naturæ author & generalis creaturarum omnium procurator non sinit perire corui relictam progeniem sed rore matutino benignissime alit Propheta id ipsum attestante: *Qui dat jumentis escam ipsorum & pullis corvorum invocantibus eum.* Aluerat corax Fundatorem nostrum Paulum Thæbeum 60. annis: nutritij officio probè fungens quotidie

Beneficentia
Mariæ erga
Religiosos.

Eggeret in
Anathemate;

panis dimidium Deo datore attulit: exclusus interea velut ex ovo. Ordo noster cœnobiticus anno reparatæ salutis 1215. jam nullus amplius advolare corvus, nullus per aëra panis apportari visus: Pauli soboles à corvo penitus derelicta! suscipit itaque ministerium coracinum DEUS atq; rorem Paulinæ imo Corvinæ immittit proli nutritivum. Quis verò ros ille? interroga Germanum Constantinopolitanū Patriarcham audiesq; per rorem adumbrari MARIAM. Hæc nos pupillos & orphanos per tot jam secula alit benignissimè, pascit sufficiētissimè, fovet misericordissimè. Universæ planè foundationes, universa legata & cuncta beneficia quæ nobis potissimum intuitu, ut jam dixi, Deiparæ offeruntur, quid aliud sunt quàm roris Mariani guttæ, quid aliud quàm gemmæ de sinu MARIAE depluentes? Jam verò in particulari unusquisq; examinet se & videbit, quanta pietatis Marianæ insignia reportarit, quibus quantifvè fatus sit per eam à puero beneficijs? Certe quilibet fatebitur pridem se Libitinæ victimam futurum fuisse nisi MARIA servasset: in illo & illo periculo periturum, nisi MARIA sospitatrix adstitisset. Amanda igitur & devotis mentibus jugiter colenda. Quot enim eius in mundum beneficia, tot amoris illicia. *Qui suæ salutis symbema MARIAM nominat & non amat, vota sua fallit, vanus adulator non laudator sincerus.*

*Vespertinus in
Officina Emb:*

*Exempla de-
votionis ad V.
Beatissimam.*

Devotionem dilectionemq; erga MARIAM, beneficia eius nostro ingerant animo: sed & varia eiusdem devotionis in alijs visa specimina, non segniter nostrum irritant studium. Ipse DEUS incarnatus subditus fuisse huic Matri legitur, reverentiam exhibuisse & quidquid insinuasset, adimplesse. Legite Canticum canticorum & nihil in eo videbitis nisi devotionem amoremque Christi erga Virginem. Ibi tota pulchra, ibi absq; macula, ibi amica, columba, & mille amorosi affectus in laudem Virginis dicuntur nomina. Angeli Reginæ suæ quæ non impendunt officia? In ortu genethliacum carmen occinunt, in Annunciatione devotissimè salutant per Gabrielem, in Assumptione triumphali applaudunt concentu; ut jure exclamet D. Athanasius in Evangelia de Deipara: *Beatam te prædicant omnes Angelorum & terrestrium Hierarchia.* O verè beatam prædicant terrestres Hierarchiæ! Quis enim è Sanctis fuit aliquando qui non speciali devotione afficeretur, qui non insignibus encomijs efferret Virginem: plurimi etiam libros, etiam tomos integros venerationi eius consecrarunt. Prætereo Partheniorum Doctorum nubem, Academiarum juramento se honori Mariano obstringentium frequentiam. Taceo totius Ecclesiæ Catholicæ devotionem quæ à S. Petro Principe Apostolorum in liturgiam Romanam, commemorationem MARIAE inferente, fundamento cultûs Mariani accepto, tot festivitibus, tot vigilijs jejunijsque, tot confraternitatibus, tot præcandi formulis tantaque imaginum suarum veneratione percolit Deiparam hyperdulæ eam honore dignando quam DEUS ipse supra omnes voluit honorare Creaturas ad maternitatis suæ evectam gradum. Hoc tacere nequeo, quòd ipse etiam gentilismus, eximias habuit ad Virginem Beatissimam devotiones. Refet Salvaticus, in Catalonia quondam idololatrias magnam venerationem impendisse imagini Virginis infantem bajulantis: qui interrogati cur singulis annis imaginem illam honorificentissimè per plateas circumducerent, responderunt, se in honorem facere Virginis quæ Virgo manens peperisset. Auctor item scholasticæ histo-

*Apud Carth.
hom: 7.*

riæ me-

riæ memorat Ægyptiacas fæminas solitas fuisse iconem puellæ cuius u-
bera infans sugerat, cultu religioso venerari. Cuius rationem postulan-
te Ptolomæo Rege, ab antiquissimo, aiebant, tempore eam inolevisse
consuetudinem jam inde a Jeremiæ Prophetæ in Ægypto exilium sube-
untis prædicatione quâ Virginem parituram fatidico spiritu prædixerat.
D. Antoninus tradit, in locis Turcarum non semel effigies MARIÆ vi-
sas fuisse adorari, thure adoleri & blasphemos in eam digno puniri sup-
plicio. Judæos quoque & hæreticos in huius theatrum sermonis addu-
cere non esset difficile si expediret. Eò hæc tendunt ut quod præstat
superstitio, præstet vera religio. Quod si pudet Gentiles in sancto se-
qui opere, non pudeat Christum, Angelos, SS. Patres, Doctores, ple-
bemque Catholicam imitari. Probri plena res quòd dñm Religiosi in
secularibus mira devotionis erga MARIAM oculis auribusque hauriunt
argumenta; ipsi nihilominus in amore eius frigeant, in devotione tor-
peant, nec quicquam heroici actûs in gratiam Dominæ suæ exercent.
Negavit olim Iulianus Apostata populo illi evenire posse prospera qui
Cybelem Deorum Matrem non honoraret. Nec ego felicia Religioni
Religiosoque illi eventura credo qui DEI genitricem cultu debito non
prosequitur. Magnetem conversum ad stellam polarem pinxit quidam
adiecta epigraphe: *In te una quiescam.* Stella polaris est Virgo Be-
atissima: nos magnetes decet esse. MARIAM respiciamus, ad MARIAM
suspiremus donec spirare licet. in ea una nostram post DEUM collocemus
quietem. Utinam spiritum D. Augustini habeamus cui ut fatetur ipse,
venerabile semper erat & præcordijs suis reverendissimum loqui de Ma-
tre Filij DEI & de ea linguam sermonibus occupare. O si Hieronymi
in nobis erga MARIAM resplendeat devotio! ô si tot præcedentia exem-
pla præeant secuturis! Discamus saltem à Poëtis Ethnicis cultum MA-
RIÆ quorum unus præfago spiritu eam adorans, lusit: *In freta dum
fluvij current dum montibus umbra, semper honos nomenq; tuum lau-
desq; manebunt.* Alter dum apem electro inclusam describit, visus est
MARIAM pompa solemnî sepulchro conditam celebrasse: *Dignum tanto-
rum pretium tulit illa laborum. Credibile est ipsam sic voluisse mori. Et:
non potuit fato nobiliore mori.* Totis igitur medullis cordium, totis
præcordiorum affectibus MARIAM veneremur, MARIAM salutemus, quia sic
est voluntas eius qui totum nos habere voluit per MARIAM. Sic fiet
quod ei associabimur, in currum gloriæ suæ nos excipiet, admittet in
confortium gaudij honorisq; cultores servosq; suos. Sic illud filij sui
oraculum adimplebit. *Qui mihi ministrat me sequatur & ubi ego
sum illic & minister meus erit.*

De Assumpt.

Virgilium.

Martialis.



D E V O-



DEVOTIO

ERGA VIRGINEM BEATISSIMAM

Ex consideratione Coronationis ipsius.

Adest festivus toti mundo Deiparæ in Cælos assumptæ dies. Dies quo Christus non permittens Matrem suam videre corruptionem, eandem cum corpore & anima in Regnum Patris sui transtulit perennaturam. Implevit legem hodierna luce de honoranda Matre Salvator noster quando ab opprobrio humanæ conditionis alienam fecit, quod opprobrium putredo est & vermis. Hodie fovere se carnem suam monstravit quando genitricis suæ corpus ad immensas exaltavit delicias. *Caro nimirum IESU est caro MARIE.* Liberalem jam maternæ pietatis exhibet se remuneratorem, in amplissima cælorum orchestra Parentem suam præmijs coronando, coronis præmiando. Evocavit Cant: 3. Divino afflatus spiritu vates ad gloriosum spectaculum filias Jerusalem: *Egredimini filia Hierusalem & videte Regem Salomonem in diademate quo coronavit eum Mater sua in die desponsationis illius & in die lætitiæ cordis illius.* Animæ credentes invitantur Cantico hoc ad egressum è curis temporalibus ut contemplantur Christum à Matre sua diademate carnis humanæ coronatum in die incarnationis suæ quæ eidem summæ lætitiæ dies fuit. Ornatissimum profectò est diadema Christi, caro eiusdem. Pulcherrimum spectaculum in hoc diademate videre Messiam! quis non festinaret ad illud? Alia hodie aperitur scena in cælis omni magnificentiæ apparatu instructissima. Matri suæ redhibet honorem filius DEI, coronam pro corona refert, diadema diademate compensat. *Egredimini filia Hierusalem & videte Regis pacifici Matrem in diademate quo coronavit eam filius suus in die Assumptionis eius & in die lætitiæ cordis illius.* Quis non extra se egrediatur, quis non exiliat ad visionem hanc magnam videndam? Huc, huc ad videntem gloriæ Marianæ theatra adeste omnes quotquot in mystica militantis Ecclesiæ Hierusalem computamini. quotquot signum magnum sanctæ curiositate cernere gestitis, & quotquot nosse desideratis quo honore Matrem suam unigenitus DEI Filius ornarit quæ corona ille, qui omnipotens & omniscius est Genitricem suam decorarit? At tantæ gloriæ lumen quis irretorta valebit tueri palpebrâ, quis non cæcutiet si visum figere velit in splendorem fulgidissimum? A longe igitur, quod licet, per dioptram seu speculum scripturarum festiva coronationis Marianæ magnalia consideremus & miremur, magnum inde ad perseverentiam, quæ sola unumquemq; bene operantem coronat, momentum habituri.

Non ex improvviso nec absque prævijs Prophetarum oraculis hodiernus obtigit triumphus peraugustæ Virgini Matri. Pridem Propheti-
cæ, buccinæ inthronizationem Deiparæ mundo publicarunt universo. Regius vates entheata mente prævidens prædicensque ad thronum Regni cælestis subvehendam, sic festivissimus cecinit: *Asitit Regina à dextris tuis*

*S. August. de
Assumpt. V.M.*

Pann. in Can:

*Vaticinium de
tyñpho V. M.*

tris tuis in vestitu deaurato circumdata varietate. ubi indicare voluit MARIAM Virginem in cælos assumptam omnimoda varietate decoris circumdandam & omnigeno coronarum, laurearum, adorearum, sertorum & fidereis floribus in orbem ductorum schemate absq; numero exornandam. Hoc declarant præfati textus aliæ & aliæ versiones. Theodotion enim legit. *In diademate aureo de Sophir.* Paraphrastes Chaldæus *In vestibus diversarum figurarum.* Hieronymus *in scutulatis.* Originale Hebræum: *in vestibus auro celatis indumentum eius.* Ex quibus diversis expositionibus colligis non posse viribus creati ingenij & necdum lumine gloriæ clarificati magnitudinem decoris Mariani comprehendine dum describi: sed si millia sint interpretum gloriam Reginæ cælestis speculantium, novos semper titulos, novas prærogativas, novas producent coronas: nunquam qui ultimus sit honoris gradus assequentur; ultimam coronam, decus ultimum non attingent.

Apud Vesper-
tinum in officio.

Expressius aliquid ex literis quibus vocabatur ad coronas discemus. Tenor literarum iste. *Veni de Libano* id est de saltu mundi huius *Soror mea sponsa, veni de Libano. coronaberis de capite Amana de vertice Sanir & Hermon de cubilibus leonum de montibus pardorum.* Quanquam ænigmati similis videtur hæc epistola non tamen ita est, imò verò præcipuè plena sapientiæ. *Amana* significat angustiam: ideoque caput *Amana* denotat principalem angustiam quæ fit ex persecutione gladij. *Sanir*, significat lucernam per quam intelliguntur Philosophi lumine naturali veritatem indagantes. *Hermon* idem est quod græcis anathema, & designat hæreses ab Ecclesia anathemate percussas. *Cubilia leonum* sunt regna mundi quin & regna infernalium: nam in scriptura non soli Principes terræ, sed & Principes tenebrarum veniunt nomine leonum. *Montes Pardorum* imperia sunt Orbis & Angelorum. Angeli namque propter multicolorem virtutum tam supernaturalium quam naturalium varietatem, item propter suam velocitatem rectissime pardi vocantur. Ad coronam ergo de principali angustia vocatur Virgo Beatissima quia ipsa principalem sustinuit angustiam sub tempus passionis Filij sui, omniumq; Martyrum acerbis cruceis doloris sui excellentia & intensione superavit. Internos dolores acriores esse externis Galeni docent scholæ. Quia igitur gladius Tyrannorum in corpora duntaxat sæviebat fidelium, jam verò Matris Divinæ animam pertransivit, hoc est omnem confodit interiorem potentiam, nullam reliquit intactam facultatem, (sicut qui spatium aliquod extensum pertransit, totum gressu suo permetitur) graviolem, intensiorem, & ut verbo dicam, principem fuisse passionem Virginis MARIÆ inter omnes pro Christo toleratos ab initio mundi usq; huc agones firmissimè teneo & nullatenus dubito. Coronanda de Sanir vocatur quia ipsa gentiles philosophos à callida argumentatione ad fidei simplicitatem tum per se tum per Apostolos deduxit: de vertice Hermon quia cunctas hæreses in universo mundo interemit: de cubilibus leonum & montibus pardorum quia ipsi supra omnia mundi regna atque imperia necnon supra erebi atq; Olympi vastissima dominia sceptrum paratum est ut in nomine MARIÆ omne genu flectatur cælestium terrestrium & infernorum. Prima corona martyrij, secunda sapientiæ, tertia fidei, quarta Regni supra principatus mundi & infernorum, quinta imperij supra Angelos & homines

Literæ vocā-
tes Mariam
ad coronas.

Ad quas co-
ronas.
Pannonius in
Cantica?

Testimoniū S.
Ioannis de co-
ronatione Vir-
ginis.

beatos. His redimita est in hodierno cælestis Capitoli j ingressu Regi-
na mundi: his ornatam adoravit cælum, expavit infernus, salutavit
reverenter Filius, Sanctissima TRINITAS complexa est. Fidissimus MARIE
Achates & Virgo Virginis cliens imo tutor utpotè qui eam in sua re-
ceperat, augustæ huic meruit interesse coronationi. Ipse splendorem
triumphi referat qui spectavit. *Signum inquit ille magnum apparuit
in calo mulier amicta sole & Luna sub pedibus eius & in capite eius co-
rona stellarum duodecim.* hoc idem est dicere: Vidi signum magnum,
mulierem quæ tota erat in coronis, sol circulo suo fulgidissimo totam
ambiebat, luna hemicyclo pedes, cingebat, caput sidera coronabant. In
singulis Apocalipseos verbis multiplices latere intelligentias dixit Hie-
ronymus: unde & allatus ex eadem textus mysticus est, arcanosq; gerit
sensus sub cælestium typo luminarium. Sol iste mulierem vestiens, Chri-
stus est MARIAM radijs divinitatis suæ circumquaque contegens. Luna
mutabilitium huius mundi rerum signatrix testatur, ita amorem cupidi-
nemque ipsarum calcata a Virgine ut a nemine sic potuerit calcari &
contemni. Duodecim stellæ quæ in capite fulgurant, insignia sunt vir-
tutum quibus præstat in cælestibus. Caput igitur Virgineum ornatum
est siderea virtutum omniumq; prærogativarum corona ita ut omnes lau-
reolæ, coronamenta, privilegiaq; universa, quæ divisim singulis sanctis
data sunt, in præmium decusq; unius cesserint. Corpus totum deitate
velut pallio circumamictum. Pedes sacra ti rerum caducarum contemptu
soleantur: quanquā dicere possim dicamq; lubens quod verum est ad co-
ronandas MARIE plantas Ecclesiam lunam mysticam se subiecisse totumq;
suum ornamentum totum nitorem calcaneo substravisse Mariano. Gloria
hæc Ecclesiæ est quod ipsa quoque ad plenitudinem gloriæ Marianæ
suos conferat splendores, nusquam serenior nusquam formosior aut orna-
tior quàm sub pedibus Marianis. Hic tota pulchra, tota nitida,
tota candida, maculam nullam prorsus habere cernitur. Non poterat
ornari magis quàm dum mulieris huius ornat vestigia. vilior fuisset nisi
se ad calcem MARIE posuisset. Allatis negotiator quidam ex India in
Lusitaniam lapidibus pretiosis ad quos ardent & insaniunt studia fami-
narum, cum omnes intra modici temporis lapsum divendidisset smarag-
dis folis eò quod postponderentur sibi remanentibus, eiusmodi usus astu.
Aureo ferto curavit Smaragdorum illorum luculentiores intexi, donoq;
offerens Isabellæ Reginæ petijt ut gestare in capite dignaretur. Fecit
Regina, statimq; Gynæceum & nobiliores totius Regni matronæ gem-
mas in pretio cæperunt habere moxq; distaxerunt. In luna mystica
velut in aureo segmine plurimi lapides pretiosi & vel maximè smarag-
di hoc est castitatis professores tunc potissimum æstimari, tunc clarescere
visi, quando sub stellatis Marianis pedibus collocati. Gloriosius nimi-
rum tantæ Dominæ suppedaneum est quàm inæstimabiles omnium Re-
gum regnorumvè coronæ. O quis mihi det! ut inter uniones Eccle-
siæ, quibus vestigia Divinæ Genitricis calceantur, unus ego sim? quis
mihi det ut intra spiritualis Cynthiæ orbem manens calcari merear ab
illa, quæ quidquid calcaverit aut rosam aut lilium facit.

Viso S. Mech-
tildis.

Ex lib: spiri-
t: grat: Sanctæ
Mechtildis.

Etiam S. Mechildi Divinarum vasi revelationum datum est calorū
Imperatricem à Filio suo coronatam conspici. Vidit hæc in capite
Mariano coronam cuius flores inclinati terram respicerent. In pallio
quod

quod rubrum erat plenumque corollis aureis, quot coronæ tot inscriptiones visebantur. vidit & alteram quæ humeros instar Epomidis operiret literasque in ea exaratas legit: *Mater DEI & hominū.* Tertiam in pectore advertit cui hæc insculpta erant lemmata: *Regina Angelorū. Gaudium sanctorum omnium. Solamen miserorum. Refugium pauperum. Consolatrix vivorum & mortuorum.* Inclinatorum ad terram coronarum significabat quod ipsa cum omnibus donis & gratijs sibi à DEO collatis ad filios hominum propendeat. O gaudium! ô consolatio nostra! si totum decoris sui apparatus Virgo pretiosissima ad nostram refert salutem? Acceptis hisce de tanta Dominæ nostræ sublimatione nuntijs, constitutam super omnem Creaturam prostratus adoro, secutusque sententiam Arnoldi Carnotensis, Filij cum Matre gloriam non tam communem judico quàm eandem. Nihil certius encomio illo quo MARIAM celebravit Mantuanus:

Quæ data sunt illi, nunquam mortalibus ullis

Antea concessit nec post concedet Olympus.

Fidem fortasse denegas internuntijs quos audisti eo quod varient, aliisque aliam gloriæ majestatem, alius alium coronarum enarret numerum & modum? Sed crede mihi ita est indicibilis Mariani amplitudo decoris ut nullo explicari eloquio, nullo valeat percenseri sermone. Si mille & millies mille cælitus lapsos auscultares Mercurios de gloria MARIÆ perorantes; nova à quovis perciperes, semperque superesset quod ad augem celsitudinis Marianæ accenseri deberet. *Enim verò quantum gratia in terris adepta est præ cæteris, tantum & in cælis obtinet gloria singularis,* & sicut in gratia virtutibusque superavit totam Ecclesiam militantem ita in gloria & coronis triumphantem præcessit. Hic universos Angelorum Ordines & sanctorum choros revisens velim perpende quot in cælis laureæ quot æviterni Regni insignia? Si in terris ubi famulorum non nisi regio nec nisi servitutis status, jam imperatoris coronæ, jam regalia diademata, jam Ducales mytræ, Pontificiæ tiaræ, Doctorales bireti, muliebria anademata, cidares Persicæ aliaque id genus honorifica gestamina visuntur; quot quantivè pretij sunt in cælo, ubi lætantium & regnantium omnium habitatio? In singulis Angelorum hierarchijs aliæ & aliæ radiant, in singulis Sanctorum tribubus aliæ & aliæ coruscant: imò verò multi multis insigniuntur dum unus idemque Sanctus & martyrij & virginitatis & Apostolatûs aliorumque meritorum multiplicem præfert coronam. *Has habet & superat* Virgo Beatissima ut mirum non sit si nulla lingua explicare nullus intellectus capere sufficiat decoris Mariani sublimitatem. *quisq; Mariano cadat labor amphiteatro.* Emmanuel Philbertus Dux Sabaudia pingi sibi fecit coronam ex lauri frondibus cum baccis suis cuius extremitates in superiori parte necteret rosa ex unionibus gemmam circumdantibus. apposuit epigraphen: *Instar omnium.* Docere voluit victricem laurum sibi esse instar omnium coronarum quæ olim in præmium heroicæ virtutis conferebantur, instar obfidionalis quæ dabatur obsidionem passo Duci. Civilis, quæ Civem liberanti. Navalis, quæ primò navem insilenti. Muralis quæ primò scandenti mœnia. Castrensis, quæ castra occupanti tradebatur. instar demum triumphalis, quæ victori celebrem consecuto victoriam offerebatur. Unius corona MARIÆ ex lauro immarcescibili ex cælestibus unionibus ex rosa paradisiaca instar omniū est quæcunq; non dico in terris sed quæ in cælis absq;

Prolepsis.

Typotus.

Bernardus de
Busti.

Corona sym-
bolum perse-
verantie.

S. Thom: 2. 2.
. q. 88.

numero computantur. Angelorum, Patriarcharum, Prophetarum, Apostolorum, Evangelistarum, Martyrum, Religiosorum, Confessorum, Virginum, & quicunque in superna Patria sunt Ordines, omnium horum insignia & trophæa in MARIA includuntur, diademate. *Nulla fuit tanto mulier redimita decore!* Jam credo & cum D. Hieronymo devotissime profiteor Virginem Beatissimam in cælos assumptam non decoratam amplissime sed decus ipsum effectam. *Sanè creda, ait ille, quod Virgo MARIA tota fuit fides in credendo, tota oculus in cognoscendo, tota charitas in diligendo, tota virtus in operando, tota candor in concipiendo, tota splendor in pariendo, tota decus in ascendendo.*

At quid ego linguam meam sermonibus occupo circa gloriam Virginalem de qua dignum aliquid sterilis concipere cogitatio aut ineredita non valet locutio parturire. Temeritas est effari velle ubi linguæ balbutiunt Angelicæ: potius quid ad morum nostrorum informationem facit gloria Virginis indagemus. Non enim sola ipsius vita in statu merendi existens, sed & gloria eiusdem nos ad salutem erudit. Corona Symbolum perseverantie est. *Non coronabitur nisi qui legitime cerverit*, legitime porro nemo certat nisi qui ad finem pugnæ constantissime præliatur. Unde etiam derivato vocabulo coronis appellatur quicunque rei exitus. Ad perseverantiam adhortatur Dominus ipse his verbis: *Esse fidelis usque ad mortem & dabo tibi Coronam vitæ*, id est beatitudinem æternam quæ corona vocatur, quia perpetua est, & quia omnium bonorum aggregatione perfecta: dicitur autem corona vitæ per allusionem ad flores vividos & recentes, semper enim vitalis erit Sanctorum decor. Hoc igitur gloriæ immortalis decus quicumque consequi desiderat, fidelis sit ad mortem usque. Ad fidelitatem hominis pertinet ut solvat faciatque id quod promissit. unde secundum D. Augustinum fides vocatur ex hoc quod sunt dicta. Abrenunciasti diabolo & pompis eius, promissisti servare mandata DEI, vinculo consiliorum Evangelicorum te obstrinxisti, serva fædus quod pepigisti, imple quod promissisti. *Displicet DEO stulta & infidelis promissio.* Quod seu in baptismo, seu in ordinum sacrorum susceptione, seu in religiosa professione vovisti, serva non per unum mensem, non per unum annum, non per trieteridem, aut decadem annorum, sed per omnes vitæ tuæ soles, ad mortem usque. Quid namque prodest fides & fidelitas probata si deinceps perfidiâ commutetur? quid juvat mandata DEI exactè custodisse, si postea turpis succedat prævaricatio? quid juvat amabilem Domini fuisse cum Salomone, si in fine depraveris. quid confert bene cursum incepisse cum Galatis, si demum fascino irretitus deficias. quid denique laudis est domum inchoasse, postmodum verò per inertem ac infamem pigritiam pendentia opera interrupta minasque murorum relinquere? Judæ etiam laudantur exordia sed quia exitus proditione damnatur, laus illa majoris opprobrij facta ipsi artifex. Si omnia fecerimus non tamen perseveraverimus in bono ad usque ultimum halitum, nihil nobis inchoata proderit justitia. Tota illa bonorum operum scena evanescet. Dixerat Hieronymus ad Rufinum scribens: *Amicitia quæ desinere potest, vera nunquam fuit.* dicam ego: Justitia, quæ potest desinere, vera nunquam fuit. Supplicemus Vigni Beatissimæ ut eius intercessione bonum certamen certemus, cursum consummemus, fidem servemus quoadusque spiritus in naribus nostris, quò nobis a iusto Iudice corona justitiæ.

SERMO

D E V O T I O

A D V I R G I N E M B E A T I S S I M A M

Ex Consideratione Immaculate Conceptionis eiusdem.

Reveris, sed exactus in laudibus MARIE symmistes Christi Matthæus, omnem & totam ipsius excellentiam quinque vocularum complexus est circuitu: *De qua natus est IESUS. Tetigit hic originem Carthagenæ ac fecundam illam venam, è qua omnia celestia charismata ac Divina beneficia, portentosaq; privilegia Beate Virgini divinitus collata ortum habuere.* Maternitas DEI, prorsus fons est, è quo immunitas à peccati originalis labe (ut de hac sola prærogativa in præsentiarum loquar) scaturivit. Scripturarum mos est, dum aliquid non vulgaribus extollunt laudibus, & insignem quandam exprimere volunt rei cuiuspiam pulchritudinem, paradiso assimilare. Sic regio Sodomorum antequam in favillas redacta esset, *quasi paradysus Domini* appellata est. Et Ecclesiastici 40. timoris Domini dignitas, ac species ita pingitur: *Timor Domini sicut paradysus benedictionis.* MARIA Virgo quia lignum vitæ protulit, quod est Christus Dominus; quia ratione maternitatis Divinæ eximiam, singularem, ac infinitam quandam nacta est excellentiam, quin vocetur paradysus Domini? Paradysum vocat sponsus cælestis, in uno omnia coacervans encomia vocabulo: *Emissiones tue paradysus.* Paradysum vocat Jacobus Apostolus in sua liturgia, quam sexta probavit synodus. Eundem titulum Virgini Beatissimæ Sancti Patres, Augustinus, Hieronymus, Ambrosius, Damascenus, Bonaventura, Robertus, & alij innumeri tribuunt, appropriatius ei & convenientius nomen invenire haud valentes. Si MARIA ob maternitatis Divinæ prærogativam & per consequens ob incomparabilem decoris magnitudinem, paradysus Domini: ergo absque originali labe concepta. Paradysus enim magnas habet analogias, & convenientias ad Immaculatam Conceptionem, quas in digitum refero, eâ ipsa suffragante *de qua natus est IESUS.*

Hortum voluptatis, primum primorum parentum domicilium ingressurus, ante vestibulum ipsius monstrum immane conspicio ore diducto sibilans, ignem evomens, linguam trifurcam exertans, aculeatam in spiras colligens caudam, longoq; & sinuoso membrorum tractu viam paradisi occupans, ac transitum præcludens. Ad ipsius aspectum cohoresco quidem; iuvat tamen illud fixius intueri & considerare. Peccatum originale hoc ænigmate intelligo. De eo D. Thomas 1. 2. q. 72. art. 3. inter multa pronuntiavit: *Originale est quadam inordinata dispositio proveniens ex dissolutione illius harmoniæ, in qua consistebat ratio originalis iustitiæ: sicut etiam ægrotudo corporalis est quadam inordinata dispositio corporis secundum quam solvitur æqualitas, in qua consistit ratio sanitatis.* Unde quemadmodum ægrotudo, non est mera sanitatis privatio: ita primigenium crimen non esse meram privationem, sed habitum corruptum eumque nec infusum, nec acquisitum, sed per viatam originem innatum, docet idem Author. Porro harmonia, &

Natura peccati originalis.

*Iustitia origi-
nalis triplex
constituitur.*

*Peccatum o-
riginale tra-
ducitur in po-
steros Adæ.*

*Estne de fide
in omnes ho-
mines traduci
peccatū Adæ.*

*3. 27. art. 2.
in*

*h. 2. q. 83. ar.
1. in*

*Peccati origi-
nalis quod in-
strumentū ē
quod subiectū*

*Paradisus in
sublimi loco.*

Martialis.

tenor originalis iustitiæ in eo perstabat, quia voluntas hominis erat subiecta DEO, & exinde potentia omnes partesque inferiores subiectæ voluntati ad bonum. Ad iustitiam ergo originalem tria hæc concurrant: donum supernaturale, subiectio voluntatis ad DEUM, consensus omnium virium animæ cum voluntate ad bonum. Ex allatis Doctoris Angelici præceptionibus colligit formatque hanc peccati originalis definitionem Caietanus: *Est habitus concupiscentia constans ex inordinata virium anima dispositione, & privatione originalis iustitiæ.* Quod connaturale crimen traducatur in posteros, de fide est. Ait enim sacrum concilium Tridentinum. *Si quis Adæ prævaricationem sibi soli, & non eius propagini asserit nocuisse, & acceptam à DEO sanctitatem & iustitiam quam perdidit, sibi soli, & non nobis etiam eam perdidisse, aut inquinatum illum per inobedientia peccatum mortem, & penas corporis tantum, in omne genus humanum transfudisse, non autem & peccatum quod est mors animæ: anathema sit.* An verò omnes omnino homines derivati ex Adam, contrahant originale peccatum, non spectat ad fidem, sicut ad eandem non spectat an omnes moriantur nec ne? universalis propositio Apostoli tam de peccato originali, quam de morte sufficienter verificatur per hoc quod universi & singuli homines necessitatem seu debitum peccandi moriendique incurrerint. Ita Cajetanus interpretes Divi Thomæ: qui etiam persuadere nititur hoc sensu locutum esse S. Thomam lib: 2. q. 72. art: 3. in o. Quousque manet embrio, quousque caro anima rationali non informatur, eo usque non afficitur naturali hac infectione. Cum enim sola anima rationalis sit susceptiva culpæ, ante infusionem ipsius proles non est obnoxia culpæ ait S. Doctor. cuius etiam illud est. *In semine corporali est peccatum originale tanquam in instrumento eò quod per virtutem activam seminis traducatur in prolem cum natura humana, sed sicut in subiecto, nullo modo peccatum originale potest esse in carne, at solum in anima. Quidquid pervenit de corruptione primi peccati ad animam, habet rationem culpæ: quod autem pervenit ad carnem, non habet rationem culpæ, sed pena.* Quia verò peccatum quod propagatione contrahimus, proprie naturam respicit, recte peccatum naturæ, languor naturæ, & febris totius generis humani gravans massam, appellatur.

Sed iam monstrosam hanc prætervolantes hydram, paradisum intremus. Paradisus voluptatis ab hebræo Pardes quod hortum, seu pomarium significat dictus, ad orientalem plagam in loco admodum sublimi in altissimis montibus situm positionemque habet, ita quidem ut plane lunarem suam celsitudine attingat globum. Veritatis huius assertor est D. Augustinus qui sic Orosio scribit: *Paradisus in oriente situs est, interiecto Oceano, & à nostro orbe longè remotus, in altissimo loco constitutus, pertingens usque ad lunarem circulum.* In eandem jurarunt sententiam Lombardus, D. Thomas, & multi alij: quanquam nonnulli hyperbolicam in eo locutionem volunt, quod altitudo paradisi ad lunæ cælum se porrigat. Horto suo fallaciter blanditus est qui dixit: *Purus leniter admoveatur astris.* Elevationi paradisi veracius hæc quadrat inscriptio. Paradisus est Virgo Beatissima ut prætexui. Fundata igitur in conterminis cælo montibus. *Fundamenta eius in montibus Sanctis, canit Solymanus Rex & Vates.* At quæ fundamenta sunt hæc? qui montes? con-

tas? Conceptio Virginis MARIE & animatio sunt primi quasi lapides
 domus & structuræ. Ubi verò lapides hi collocati, ubi initia horri
 mymici posita? In montibus Sanctis. Mons in Sacris literis iustitiæ ty
 pus est: tota autem iustitiæ nostræ summa in fide stat, & charitate. Gra
 tia sanctificans, & habitus virtutum Theologicarum sunt præcellē olym
 pi cælis æmuli, imò cælis ipsis supereminentes. In his verè Sanctis
 montibus inchoatum est habitaculum novo Adæ: in his scripto est.
 Triadis Sacratio fundamenta posita. Ne iussisse potius quàm necesse fuisse
 ratione dixisse videar, pondus dictis attendo ex Doctore Angelico 2. 2. q.
 p. 9. 27. art. 1. hæc habet. *Rationabiliter creditur, quod illa quæ ge
 nuit unigenitum à Patre plenam gratia & veritatis præ omnibus alijs
 maiora privilegia acceperit.* Hic ego, pace S. Doctoris subsumpserim:
 Atqui Adam & Eva producti sunt in sanctitate & iustitia: Hæc itaq;
 idem primigeniæ sanctitatis donum & MARIA; alioquin in donis divi
 tijs interior Eva fuisset.

Hortus deliciarum in picta illa flosculis herbiq; oderiferis terra,
 nullum noxium proferebat germen: non horrebat tribulis, non armaba
 tur vepribus, non quicquam inutile ac venenosum germinabat. Insa
 florum Regina, hororum gratia, oculorum nariumq; voluptas rosa
 purpureos gemmeosq; explicabat caliculos, absq; spinarum echino: nul
 lis sepiebatur rubis in paradiso, ut Auctor est Ambrosius in hexam.

*Absq; spinis &
 sentibus.*

Paradisus est Virgo Sacratissima. Nullum itaq; sentem, nullum pa
 lium protulit. Spina, peccatum dicitur cuius punctionibus cruciatus
 David suspirabat: *Conversus sum in ærumna mea dum conspicitur spina.*
 hoc est: Conversus sum in ærumna mea ad DEUM, dum cor. vana spe
 ris malegestorum pungeretur aculeis. In hoc nostro paradiso nihil le
 thale, nihil noxium, nihil spinis obductum fuisse ait Censur in sermo
 ne de Beata Virgine. cum sententiam sequens firmabit dicens: *Et in
 matris cuiuspiam hominis esset eligere sibi matrem, haud dubiè, eam
 sibi eligeret, cui nulla labe aspersa esset & quæ nulli nobilitate generis,
 opum ignorantia, formæ venustate, decencia morum, maturitate præ
 dentia, eloquentia uberrate secunda esset.* Eam sibi assumeret matrem,
 quæ Helenæ pulchritudinem, Lucretiæ pudorem, Penelopæ gravita
 tem, Minervæ sapientiam, Cleopatræ divitias & honores possideret: & ut
 de sacra quoque literatura aliquid delibem, Esther formam, Judith cor
 titudinem, Abigail suavitatem, Rachelis gratiam, Rerix Saba sci
 entiam & opulentiam in futura sua percuireret genitrix; decum ea sibi
 adscisceret parentem, quæ omnes aulici corporisq; dotes in alijs di
 versas matronis sola collectim teneret. Cum proinde in potestate filij
 DEI fuerit egerere imò formare matrem suam: qui fieri potuit, ut eli
 geret formamque talem quæ maiore dedecore ac probro affecta aut
 afficienda esset? qui fieri potuit, ut non pulcherrimam, purissimam, no
 bilissimam eligeret conderetque. Speciosus erat filius DEI, aut rectius
 fons increatus omnis speciei: Sanctus erat, quin imò sanctitas ipsa: ne
 erò indecens fuerit ei, assumere sibi genitricem veteris Adæ lutatam
 sordibus! Eiusmodi reflexiones facit Ludovicus Granateus in sermo
 ne de Immaculata Conceptione. Redundè exiveram. Profectò si Pa
 radisus spiritualis MARIA, spinam tulisset peccati, spina hæc ipsum eri
 am MARIA Filium sauciasset, nisi falsum sit ignominiam Matris in Fili

um redundare. Pensate initium salutationis Angelicæ, literasque eius paulisper immutato ordine disponite & invenietis oraculum seu testimonium pro veritate quam tracto: *Pura ignoravit sentem macula Adami.*

Paradisus junci
& herbarum
viventium
ferax.

Paradisus, credo ego, inter nitidas ac sereniores crystallo undas juncum germinabat. Nimirum ad ornatum paradisi spectabat ut vada ipsius gramineis calamis ad lenia flamina huc illuc fluitantibus virent. Scirpei in paradiso canneti meminit nisi fallor Sedulius in sua pœsi sacra: *Ibi flore perenni gramineus blanditur ager nemorumq; voluptas irriguis nutritur aquis.* Sed & nos quod Latinis juncus odoratus dicitur, hoc vernaculæ linguæ sono, herbam paradisi vocamus. Juncus seu scirpus herba est enodis, glabra; nullam scabritiem, nullum eminentem callum habet, ut proinde proverbium emanarit: *Nodum in scirpo quaeris*, qua paræmia in rebus apertis dubium aut in planis & securis scrupulum facientes perstringuntur.

Paradisus est MARIA. Inter uberes ergo gratiarum Divinarum scatebras, nobilem semperq; viridem spiritualis junci producebat herbam. Dicam plus nec dixisse pœnitebit, ipsamet Virgo fuit quædam teges scirpea, vel si mavis, canistrum quoddam aut fiscella juncea. Sic eam vocat D. Ambrosius, qui locum illum Exodi 2. de Moyse infantulo ad aquas in fiscella scirpea exposito, allegorice reddens, per Moysem Christum; per fiscellam scirpeam, MARIAM intelligit. At quamobrem precor, alveolus ille gramineus Virginis Deiparæ simulacrum erat? Scirpus ut dixi enodis ac geniculorum experts herba est; & Sacratissima Virgo ignara nodi; nodi videlicet illius quem digito quasi monstrat Ecclesia in oratiuncula: *Hec est virga, in qua nec nodus originalis, nec cortex actualis culpa fuit.* Et meritò tali nodo carere debuit quæ fiscella seu armariolum Filij DEI futura erat. Expediebat namque speciosissimum esse atque ex plana minimeque aspera materia ac strue phaselum naviculaturo Filio DEI servitutum; alioqui portandæ huic sarcinæ inidoneus haberetur, ut demonstro. D. Thomas 3. p. q. 27. art. 4. ait; *Quos DEUS ad aliquid eligit ita preparat, & disponit ut ad id, ad quod eliguntur, inveniantur idonei.* Beata autem Virgo fuit electa Divinitus ut esset Mater DEI; & ideo non est dubitandum quin DEUS per suam gratiam ad hoc eam idoneam reddiderit. Non fuisset autem se peccasset aliquando, quia sap. 1. dicitur; *In malevolam animam non intrabit Sapientia, nec habitabit in corpore subdito peccatis.* quia item ignominia matris in filium redundasset; quia demum Christus ex redundantia peccati materni ad se, conventionem aliquam ad Belial habuisset. Quod Doctoris Angelici theorema non modò convincit omnis peccati actualis expertem fuisse Virginem sed convincit quoque ab immanitate originalis immunem extitisse: si enim deliquisset originali peccato, non fuisset æque idonea ad suscipiendam in uterum suum Patris Æterni sapientiam; labes matris filium infecisset; & sagenæ dæmonis irretita mater filium quoque ad eandem traxisset nassam. Conclusum itaque sit MARIAM virgam & virginem junceam absque nodo originalis culpæ formatam esse, quia idonea fuit unigenito Æterni Patris portando fiscella, idonea Mater.

In paradiso
aura lenis.

In paradiso erat aura lenis, omnes Etesias Favoniosq; sua vincens suavita-

suavitate. Illic *dulcis compositis spirabat crinibus aura*: legere enim est *Virgilius lib: 4*
 in Genesi quod post pravaricationem protoparentum deambulabat *Georg:*
 Dominus ad auram post meridiem. Quæ ista deambulatio fuerit, non
 vacat hic examinare. suffecerit nosse auræ mysterium. Aura hæc Spiritus
 Sanctus est, qui etiam alio scripturæ loco, *sibilus aure tenuis*, nuncupatur. *3. Reg: 19.*

Paradisus est MARIA. Igitur aura Spiritus Sancti ab ipsis statim
 primordiis in hoc spirabat paradiso. *Fuit in paradiso*, inquit Bernar-
 dinus de Busti *aura tenuis gratum refrigerium: illud autem refrigerium*
fecit in Beata Virgine Spiritus Sancti gratia. At quale quæso refrigerium
 in Virgine Beata operatus est Spiritus divinus? à quo æstu MARIAM
 almi flaminis tuebatur Zephyrus? Vidimus supra, peccatum originale esse
 concupiscentiam & febrem quandam totius naturæ humanæ: ab hoc
 igne Spiritus creator Virginem perbeatam tutatus est. nec permisit in-
 cendio hominibus connaturali aduri, fumo ac fuligine omnibus molesta
 tenaciterq; adhærente denigrari, graveolentissimo perusti Adæ nidore
 affari. Lenis blandusq; ventus in horto deliciarum, non satis est, quod
 gratissimo fovebat corpora refrigerio: etiam folia arborum distringendo,
 dulcem harmoniam, melosq; periucundum auribus suavissimo procrea-
 bat susurro. In mystico horto Spiritus Sanctus itidem non refrigerij
 tantum verum & admirabilis concentus ac harmoniæ author fuit, har-
 moniæ nimirum illius in qua vis originalis justitiæ consistebat. Quam
 pulchra gratiosa jucunda fuit hæc harmonia! *Iacet oratio in qua*
verba tantum laudantur, ait quidam. Verbis itaque succedat ratio quæ
 declaret atq; emedollet, in Virgine Sanctissima refrigerium & harmo-
 niam eiusmodi non defuisse. Augustinus lib: de Nupt. & concup: *libido*,
 inquit, *transmittit peccatum originale in prolem*. Et in alijs locis idem
 S. Pater eandem repetit confirmatque propositionem. Porro Beatif-
 si na Virgo non est concepta ex libidine, at ex charitate nutuque Dei cõ-
 planè modò quo in statu innocentia fuissent propagati homines: quo in
 statu fuisset quidem sexus permixtio, at sine cupiditatis admixtio-
 ne, atque idcirco, quia tunc actus connubialis nihil de fæda con-
 cupiscentia habuisset, etiam erubescerentiam haud sensisset non secus
 ac nunc cibi sumptio latebras non quærit, rubori non obnoxia. Non
 esse ex libidine conceptam Deiparam, nequaquam mei commentum ca-
 pitis est: graves id tradiderunt Authores. & quod pondus rei est, ipsa-
 met id Sanctæ Birgittæ revelavit in hæc verba: *Conjugium matris*
meæ, & patris mei tanta DEUS castitate conjunxit, ut tunc non inveni-
retur castius. Pro certo dico tibi quod ex charitate Divina, & ex ver-
bo Angeli annuntiantis convenerunt carne, non ex concupiscentia aliqua
voluptatis. Et sic ex semine eorum per charitatem caro mea compagi-
nata est. His pensatis neminem arbitror inficias iturum Virginem MA-
 RIAM absque originali conceptam esse peccato, quod per cæcam & indom-
 itam concupiscentiam velut per limosum defluit rivum in posteros.

Obtendes non esse necesse ut ad transmittendum originale adfit a-
 ctualis libido: quia dato quod aliquis ex virtute Divina nullam inor-
 dinatam sentiret in actu connubiali tentiginem, nihilominus inquinata
 conciperetur proles: sufficere ad pravam hunc effectum, habitualement
 libidinem *in quantum appetitus sensitivus non continetur sub ratione*,
soluta vinculo justitiæ originalis. Sit ita quod ad traductionem corvæ
 nobis

S. Thomas.

nobis culpæ, habitualis sufficiat cupido, scilicet appetitus sensitivus fræno rationis solutus; etiam hanc, firmissimè teneo in Conceptionem Virginis non influxisse. Neque enim prius Parentes eius convenire decreverunt quàm intellectus imperaret; intellectus non prius imperavit, quàm Angelus annuntiaret; Angelus non prius annuntiavit, quàm autoritas jubentis Dei accederet. Quemadmodum protoparentes nostri, quia summam pacem, summam consensionem virium inferiorum cum ratione & voluntate habuerunt in paradiso, non convenerunt, sed ad id expressum Divinæ voluntatis præstolabantur mandatum: ita Joachim & Anna dum appetitio sensualis, quieta pacataque in eis quasi dormiret, divinæ evidentiam voluntatis opperiebantur: qua demum ex ore internuntij cælestis cognita, absque pruritu carnis, absque deformi voluptate, absque contenebratione rationis, jugali sanctæ conjunctionis munere functi sunt, calientissimos amoris Divini actus interea elicientes natura stupente. Liquet id ex revelatione adducta, liquet ex S. Damasceno his in rem Mariæ perorante: *Natura gratia cedit, ac tremula stat, progredi non sustinens. Quoniam itaque futurum erat, ut Dei genitrix & Virgo ex Anna oriretur, natura gratia fatum antevertere minimè ausa est, verum tantisper expectavit dum gratia effectum produxisset.* Quæ verba, nisi desipis id sonare intelligis quod in Conceptione Virginali natura gratiam venerata sit, primas partes relinquens gratiæ omnesque vires suas victas & subactas eidem substernens ut non corrupta facultas, non caro rationi refractaria, non sanguis cupidine bulliens; sed gratia, sed amor Dei, sed maiestas mandantis Numinis, penes sanctam & intellectui undequaque subjectam conjunctionem tabernaculum filio Divino fabricaret.

Paradisus regia protoparentum.

Paradisus, regia erat protoparentum. Illic dignitatis regis fulgebant insignia. Reges quippe fuere habitatores paradisi Adam & Eva, ab ipso Deo electi & uncti. Forma quæ creabantur, recitatur in Genesi: *Dominamini piscibus maris, & volatilibus celi, & universis animantibus quæ moventur super terram.* Mox à cunctis suo subditis sceptro animantibus acceperunt homagium jubente Deo & cuncta ad Adæ pedes adducente. Sanè Rex regum Adam, cuius ad imperium totus orbis expeditus erat, Cælum cum volucris, aqua cum natatilibus, tellus cum animalibus iussa Adæ præstolabantur. Pardi absque jugo sua submittebant colla, tygres & cameli absque flagello flectebant genua, leo placidus positus per armos jubis, caudaque blandiens lambebat plantas; oryx humanis sese supplex & roganti similis adsternebat poplitibus. Non erat necesse lupatis cervos, capistris ursos, equos frænis & popynate domare: universæ bestię, quæ nunc formidabiles sunt, & non nisi multo canum hominumque constant sanguine, tunc instar dorcadis aut oviculæ cicures ad delictum simul & obsequium præstò erant. Par ingenium atque obedientia in piscibus. Unusquisque ad vocem Dñi sui venisset citatus. mulli, murenæ, scari, mugiles, Gobij, lupi, squillæ, omnes denique sive ex genere ostreorū sive ex genere concharum, iussi ex suo profuissent diaphano domicilio. Sed & alites de aëre ad manum, quoties libuit, venissent dulcescè querelas & concentus edidissent. Felicem Adamum atque omnibus beatiorum regibus, si honorè quem dederat conditio, mox subsecuta non eripuisset prævaricatio! Incomparabilis Adæ dignitas, nisi brevem culpa fecisset!

Paradi-

Paradisus est Virgo Beatissima. Regalis itaque insignia celsitudinis tenuit. Fallerer forsitan nisi ipsammet fatentem audirem: *Ab aeterno coronata sum.* sic enim locus ille Ecclesiastici: *Ab aeterno ordinata sum.*, Deiparæ ab Ecclesia attributus, in alia versione redditur. Et profecto ab aeterno coronata quia ante secula in Matrem DEI, & quod sequitur, in reginam totius mundi prædestinata & electa. Maternitati namque divinæ, dominium supra quasvis debetur creaturas. Si ab aeterno coronata, si ante mundi constitutionem regina cælitum, terrigenarum ac inferorum electa, fierinè decebat ut servituti primigeniæ subiaceret? ut compedes ab Adamo communis nostræ miseriæ fabro cufas portaret? In Sicilia quanquam omnes arborum fructus exactioni subiecti sunt, po-
ma nihilominus punica exempta, eò quod coronæ regalis similitudinem referant. Ergonè unum apyrinum felicius nobiliusvè erit MARIA? ergo corona umbratilis maiorem merebitur venerationem quam corona solida, archetypa, regalis in MARIA? legesnè creatæ plus bonitatis ac indulgentiæ habebunt quàm divinæ? poterit lex terrena penes exemptionem salva esse, divina non poterit? D. Bernardus ser: 72. in Cantica infamiam quam ex profligatis parentibus contraximus, dulci quo solet stylo persecutus, hæc addit: *Portamus omnes impressum nobis cauterium conspirationis antiquæ.* Cauterium hoc loco accipitur pro nota ferali frontibus mancipiorum aut maleficorum inuri solita. Decensnè obsecro erat, ut destinata Mater DEI, electa genitrix Verbi Divini, cæli terræque imperatrix constituta, ignominioso & tristi stigmate notaretur? decensnè erat caractere mancipiorum dæmonis eam signari quæ libertatis nostræ vindicem atque assertorem sinu virgineo gestatura fuit? Refert Baronius ad annum Christi 274. Zenobiam Reginam orientis devictam ab Aureliano Imperatore ductam fuisse in triumpho velut captivam: dein verò inter summos honores in urbe consensuisse. Credo ego quòd quanquam toto deinceps vitæ tempore honorificentissimè habebatur, labes tamen ac probrum semel subitum, nitorem posterioris funestabat gloriæ. Æqua ratione Virgo Gloriosissima semel saltem triumphata, semel sub jugum missa, & captivitati mancipata diabolicæ, in universis posthac honoribus, præeminentijs, & dignitatibus, ingentia decoris tulisset damna.

Inter Apinas tricasque fortasse refers has quas adduxi narrationes historicas? theologica requiris pondera? Pareo votis atque monitum te desidero ne patiaris tibi subrepere futurum fuisse quòd Virgo Sacratissima non egeret redemptione Christi, nisi telæ quam orditus est primus parens in universam stirpem suam ipsa quoque fuisset implicita, non patiaris inquam id tibi subrepere. sufficit enim, aio cum Caietano, ad indigentiam redemptionis obnoxium esse originali quantumvis actu non incurratur. *Redemptione*, verba sunt Caietani, *non solum eget captivus, sed etiam obnoxius captivitati.* Quia itaque Virgo beatissima captivitati obnoxia erat, quia debito incurrendi originale gravata fuit, indiguit redemptione, estò fuerit re ipsa immunis ab eodem. Nisi gratiâ redemptoris fuisset præservata: nisi lytro sanguinis Christi occisi in decreto divino ante mundi originem, in antecessum fuisset redempta, ipsa quoque sub duro Acherontis genuisset dominatu.

*Fidelis in Con-
cr: de Immac:
Concep: Virgi-
nis MARIE.*

Refero pedem ad paradysum non sit precor tædiosum paulisper commorari in voluptatis loco.

Paradysus Di-
vinæ compla-
centiæ objectū

Ovid. 1. me-
ram.

Paradysi regionem, divinæ objectum complacentiæ jure dixero. Ibi enim DEUS amabilissimam creaturarum collocavit: ibi mundum pedibus ADA subjecit: ibi post insatiationem protoparentū nostrorum inter dulces arborum gratissimam porrigentium umbram deambulabat sibi: ibi *flumina iam lactis, jam flumina nectaris ibant*. Locus hic deliciarum nunquam DEO displicuit: diris ut reor nunquam devotus. Censuerim ego quod ista duntaxat terra divinæ fulmen maledictionis senserit, quam laboriosus rei rusticæ operator ADAM culturus, proscissurus, tertiaturus, sarculis & rastris pastinaturus erat, ut victum sibi ex eius visceribus in sudore vultus erueret; ista inquam terra quæ densas carduorum segetes inter pauca salubria gramina, zizaniorum copiam inter raras frumenti spicas, uvarum acerbarum & duracinarum plurimam vindemiam inter aliquot dulciores botros procreat.

Paradysus est Virgo Sanctissima. semper igitur fuit DEO placita. Indignationem divinam pertulit nunquam. Benedictioni semper, maledictioni nullo instanti pervia erat. Quod dico, jam pridem Regius Vates in sua ad DEUM apostrophe enuntiavit: *benedixisti Domine terram tuam*. Terra quam calcamus, terra nostra est: quæ quia nos alit, vestit, portat, & in suo post fata servat fovetq; gremio, mater communis hominum congruè appellatur. Terra autem Domini non alia, quam MARIA Virgo: hæc enim quantumvis intacta, ex suis visceribus protulit Dominū, eundemq; gestavit, verè mater! Hanc itaque terram suam benedixit Dominus quando maledictionē & captivitatem toti fatalem humano generi ab ea avertit: *Avertisti captivitatem Jacob*. Gratulatur sibi ipsamet eam felicitatem dum inquit: *Dominus possedit me in initio viarū suarum*. quod sic, licet, intelligas; semper ego quasi fundus divinus in possessione Domini fui. illicò ab initio operum Domini, Dnuñ hæredem & possessorem nacta sum. infernus nihil unquam ad me juris, nihil proprietatis habuit, nunquam me apprehendit. Possessio vocatur a pedum positione: in terra Domini vagus Diaboli pes, nullo temporis puncto stare potuit: pedibus illa divinis, affectibus divinis servabatur. Franciscus Venetus notavit quod ubi nos in vulgata legimus: *Plantaverat Dominus paradysum voluptatis à principio*, in hebræis codicibus legatur: *Plantaverat Dominus paradysum in voluptate*. Mystico congruit paradiso lectio hæc. Prima statim plantatio ipsius, amores traxit divinos, delicias supremæ maiestati procreavit: ut tunc jam cæli canticum illud ad MARIAM à deitate directum audiverint: *Ecce tu pulchra es amica mea, ecce tu pulchra es*.

in Cantica. Canticum hoc (ait noster Cælius) celebratur de Deipara per appropriationem, in qua nec originalis nec actualis macula fuit, ut puriores Theogi cantant. Decuit quippe summe puram esse quæ candorem lucis æternæ intra viscera gestatura foret. quæ singulari gratiâ præservata fuit, ut non penetraret ad eam labes illa connaturalis, quando corpus afflatu Spiritus consecratum suscepit animam in plenitudine gratiæ creatam quod citra altercationem potuit DEUS facere, & fecit. alioquin non tantum honorasset Pater filium, si Matrem aliquando infamiæ malum subijisse passus esset.

Dum lenocinantibus mihi unde quaque jam Floræ jam Pomonæ fructibus, & ad ampliores virgineas laudes trahentibus, atque uberem materiam

teriam messetq; honori immaculatæ Marianæ Conceptionis ministrantibus ex paradiso exeo, ecce tibi impingo in obicem quo non pes cruciatur, sed mens feritur! Utique perpetratum à Protoplastis in paradiso crimen: quod illis quidem actuale ac personale fuit; nobis, dum totam generis humani vitiat propaginem, originale. Non igitur ex omni parte infert immunitatem ab originali nævo Paradisus. Fateor in paradiso admissum esse peccatum quod in nos propagatione refunditur. Sed Eva, ipsa suæ & nostræ infelicitatis artifex, ipsa magistra: ad primum personati dæmonis conspectum, ad primos eius sibilos, familiaris cum eo egit, confabulationes miscuit, argutis credidit consensitq; strophis. Haud ita sacratior Eva MARIA: à suo protinus conceptu inimicitias cum ceraste Acheronte duxit, caputq; eius victrici protrivit pede, juxta prædictionem ore divino inter ipsa mundi exordia factam: *Inimicitias ponam inter te, & mulierem. Ipsa conteret caput tuum. Mater Domini nostri IESU Christi*, ait B. Cyprianus, *in illa re promissa est muliere. Hac inimicitijs opposita est serpentis.* Eiusdem intelligentiæ fermè omnes catholici interpretes. At verò quodnam caput istud, cuius meminit scriptura? Anguis tartareus non est ad modum reptilium terrestrium capitatus: non enim constat ex corpore membrorumq; structura. quid igitur per caput eius, sacer codex indicat? Per caput in scripturis intelligitur principium aut primatus, sicut per caudam finis. Caput igitur hydræ stygiæ sunt primæ suggestiones, & tentamina, quibus primos parentes impetijt, percussit, occidit. *Caput serpentis vocatur initium male suggestionis*, ait D. Thomas. Has suggestiones & primæva dæmonis molimina protrivit, devicitque Virgo Beatissima, virtute meritorum Christi futurorum, quia virtute eorundem servata est, ne voluntas eius cum voluntate Adæ ad esum mali pessimi conveniret. *Revera pactum Adami non ligasti Evam, scilicet Mariam*, anagramma est ex initio salutationis Angelicæ concinnatum. Ex eodem initio aliud in rem præsentem eruitur: *Ruat anguis amarè. immane caput elido.*

Lib: de testimonijs adversus Iudæos. c. 16.

2. 2. q. 165. art: 2. ad 4.

Anagrammata Agnensis de immaculata Concept: Virginis.

Myſta quidam Apellea arte pingi fecit hortum in loco sublimi, valatum undique ac munitum. Serpens extra hortum jacebat interemptus. aderat epigraphe: *Horti nunquam temeravit honorem.* Ænigmatica imago hæc absq; dubio Immaculatæ Conceptionis typus est. Non potuit coluber Avernalis in divinissimum irrumpere paradisum utpote duplici benè firmatum clausurâ: *Hortus conclusus. soror mea sponsa, hortus conclusus.* Prius elisus, prius ruptus & comminutus quàm intraret fædaretque. Fabulatur more suo Poësis quòd Hesperides sorores pomarium habuerint in quo aureæ arbores aurea ferebant mala; draco autem jugibus hortum tuebatur excubijs. Virgo Sacratissima extra omnem fictionem hortus est aureo prædives fructu, & quod magis mirere, draco Erebi factus est horti istius custos. Tantum prævaluit virtus Omnipotentis Dei, ut bestia thesauro originalis justitiæ inhians, furtisque eiusdem sacrilegis velut pinguibus offis, aut turundis infarcinata, semper nihilominus esuriens, inæstimabilem sanctitatis primigeniæ gazam custodiverit.

Ingenita fuit Herculi fortitudo, quia in cunis adhuc elidebat serpentes. Quocirca Martialis canit:

D d d

Elidit

*Elidit geminos infans nec respicit angues;
Iam poterat teneras hydra timere manus.*

Mereatur fidem figmentum istud apud eruditæ amatores vanitatis; miretur Alcidem suum gentilismus: nos fideles non Poëtarum fabulis, sed scripturarum tabulis intellectum captivamus. MARIAM nonin cunis at in ipso conceptu suo, eo viguisse robore quod infernalem eliserit colubrum, veritas est sacris consona scripturis.

Sed jam nativæ sibi habeat delicias terrestres paradisos dum me divinior rationalis hortus ineffabili sua rapit pulchritudine. O MARIA! ô paradisos divinæ voluptatis! ô cælo jucundissimum viridarium! quis jam hæreat conceptum tuum beatum sanctum intaminatum fuisse: beatum exemptione, sanctum justificatione, intaminatum prævaricatione. Lex incurrendi originale pro omnibus sed non pro te. Omnes in iniquitatibus concepti sumus sed non Tu. Totam stirpem in se tanquam in radice Adam peccando vitiavit atque morti & damnationi obstrinxit, sed non Te. Tu in montibus sanctis originalis justitiæ fundata. Tu flos absq; spina. scirpus absq; nodo. Te increatus Auster inter ipsa statim plantationis tuæ initia perstabat, & æstum arcens & jucundissimam efficiens harmoniam. Tibi regalia ab æterno oblata & collata insignia, quæ nullis posse te patere insidijs, nulli te posse subijci captivitati clamabant. Demum tu divinæ terminus complacentiæ & benedictionis. Quare id? quid ultra quæro? Tota & omnis ratio in eo est, quia ex te natus est JESUS, qui vocatur Christus. Maternitas divina Achilleum est pro Immaculata Conceptione argumentum. Maternitas divina fons est è quo immunitas à labe originali præter innumeras alias prærogativas scaturivit. *Quid ultra quaris, quid ultra requiris*, aio cum Thoma Villanovano, *sufficit tibi quod Mater DEI est.* *Quenam obsecro pulchritudo, qua virtus, qua perfectio, qua gratia, qua gloria Matri DEI non congruit?* Nonne & Tridentinum Concilium dum Sess. 5. in decreto de peccato originali declarat non esse suæ intentionis comprehendere sub hoc decreto Beatam & Immaculatam DEI Genitricem, ex maternitate divina Immaculatam Virginis videtur tacitè inferre Conceptionem. O ergo *munda à macula per merita Iesu gnati!* gloriosa dicta sunt de te Civitas DEI, paradise DEI! Omnia tibi bona venerunt cum Maternitate divina: & nobis si Mater nostra sis, bene erit, abunde erit: fiet anima nostra velut hortus irriguus universis è cælo instructus opibus. Igitur monstra te esse Matrem, sumat per te preces, qui pro nobis natus tulit esse tuus.



M U N D I

C O N T E M P T U S.

*In pervigilio.
Nativ: Dñi.*

Apparuit gratia Salvatoris nostri DEI erudiens nos, meum ex Apostolo hodiernum ordior sermonem. Apparuit gratia gratis & sine ullis prævijs meritis nostris data, Nativitas nimirum Domini nostri:

nostri: apparuit gratia, hoc est, graciosus ille speciosusque præ filiis hominum in terris visus est: ille qui posuit tenebras latibulum suum, qui lucem inhabitat inaccessibilem, manifestum se in forma hominis humano exhibuit generi, statimque in ipsis apparitionis suæ initijs erudire nos aggressus: prius re quam ore nos instituere cepit. Quæ verò summa doctrinæ ipsius in sua nativitate nobis tradita? ut scilicet abnegemus omnem impietatem & sæcularia desideria id est ut quidquid sæculum aut sæculi homines desiderant hoc totum abnegemus, respuamus, contemnamus. verbo ut mundum cum suis concupiscentijs aspernemur. Quam cælestis magistri doctrinam quò alacrius sequamur, mundi inanitatem & nihilum ostendere Divino nixus auxilio proposui. Sententia cuiusdam magistri spiritualis est: *Si mundus aperiretur cultro veritatis, statim dignosceretur esse vanus & falsus.* Eum proinde acie veracium scripturarum aperiā ut ipsius vacuitas vanitasque innotescat.

Didaci stella.

Nomine mundi non elegantem hanc ornatamque universi machinam à DEO artifice constructam intelligo sed ea quæ in mundo sunt possuntque obstaculo esse ad æternam beatitudinem consequendam; opes nimirum, honores, voluptates: quam bonorum mundi partitionem B. Joannes Apostolus adstruit dum triplicem ponit concupiscentiam: *Quidquid est in mundo, ait ille, aut est concupiscentia carnis, aut concupiscentia oculorum, aut superbia vite.* Prima ægritudo voluptates, secunda opes, tertia honores appetit. Cuivis enti appingit Philosophia tres proprietates unius, veri, boni, videamus an bona mundi his gaudeant appendicibus, quòd si ijs carere deprehendantur, nullo negotio ea contemnemus.

Fusè disputat Divus Augustinus libro de vera religione, pulchritudinem omnem in rebus creatis provenire ex eo quòd earum partes similes sibi sint & ad unam quandam convenientiam redigantur, in tantumque rebus pulchritudinem inesse, in quantum & unitatem habent. Contendit autem quòd nulla penitus res creata habeat unitatem nisi tantummodo eumentiam ideoque fallamur specie rerum creatarum. Verba recito S. Doctoris: *Si propterea nos fallit rerum visibilium pulchritudo, quia unitate continetur & non implet unitatem, intelligamus si possumus non ex eo nos falli quod est, sed ex eo quod non est. Omne quippe corpus verum corpus est sed falsa unitas & tamen nec corpus ipsum esset nisi utcunq; unū esset. Porro utcunq; unum esse non posset nisi ab eo quod summè unum est, id haberet. Idem eodem libro paulo ante sic philosophatur: Cum in omnibus convenientia placeat quā una salva & pulchra sunt omnia, ipsa verò convenientia aequalitatem unitatemque appetat vel similitudine parium partium, vel gradatione disparium; quis est qui summam aequalitatem aut similitudinem in corporibus inveniat audeatque dicere cum diligenter consideraverit quodlibet corpus verè ac simpliciter unum esse cum omnia vel de specie in speciem vel de loco in locum transeundo mutantur & partibus constent sua loca obtinentibus per quæ in spatia diversa dividuntur. Ita ille. Liceat ex Philosophiæ adytis hac de re veritatem scrutari. Unū apud Philosophos est indivisum in se & divisum à quovis alio. Quid autem in rebus creatis corporeis indivisum in se cum quodlibet alijs atque alijs constet partibus: & si ut propositum est de bonis mundanis loquar, hæc quia continua successione mutantur atque instar aquæ flu-*

Unitatis defectus in bonis mundi probatur ex D. Augustino.

Item ex natura unius.

unt & præterfluunt, vix unitatis vocabulo gaudere possunt. *Præterit*, ait Apostolus, *figura huius mundi*. Ideo *præterit*, explicat Ambrosius, *quia quotidie senescit nunquam fixus & in uno statu permanens nec sibi constans*. Quò aliquid magis unum est, eò fortius eò solidius stabiliusque est; ex opposito, quò aliquid in plura divellitur, eò languidius debiliusque operatur. Collectus animus vivax est & solerter intendit rebus, collectus sensus solerter sua exercet officia; è contra distractus & pluribus intentus minor est ad singula. Jam quid solidum, quid stabile in mundo? Cuncta infirma, cuncta prætereunt veloci passu. vix parent dum disparent, vix affluunt dum effluunt. primò advenerunt, & jam transiverunt. Propone ante oculos mentis omnia sæculi refrigeria; & nisi desipis, dictis subscribes meis.

Veritatis defectus in bonis mundi.

Natura veritatis.

Bona mundi non satiant.

Quare?

1. 2. 9. 3.
art: 8.

Vitia veritatis opposita omnia in mundo seu eius bonis reperiuntur

Veritatem in mundi muneribus frustra quæsieris. Apparentiam quandam fulgoris & lenocinii habent at non veritatem. Veritas juxta Doctorem Angelicum capitur primò pro quadam æqualitate intellectus & signi ad rem intellectam aut signatam, vel etiam rei ad suam regulam: secundò pro veracitate per quam verum dicitur. An utramque hanc aut saltem alterutram sæculi bona complectantur, periculum faciamus. Concipit ea intellectus noster tanquam expletiva appetitus humani atque idcirco voluntati proponit prosequenda, verum non adæquant intellectum nostrum, quia non satiant appetitum. *Omnia*, ait Ecclesiastes, *desideraverunt oculi mei & non negavi eis nec prohibui cor meum quin frueretur omni voluptate & oblectaret se in his quæ praparaveram & ecce vidi in omnibus vanitatem, & afflictionem spiritus*. Cui quæso abundantius affluebant fortunæ & gaudia mundana quàm huic qui dictam protulit sententiam, & tamen inter tantas divitiarum & deliciarum scarebras siti & ariditate vexabatur. Porro cur nequeant terrena omnia humanum satiare pectus, cum autoritate adduco rationem: quia fecit nos Deus ad se non ad res creatas ideoque inquietum est cor nostrum donec in illo ipso requiescat ait S. Augustinus in Confessionibus. Doctor Angelicus ulteriorem assignat causam. Obiectum voluntatis, inquit ille, est universale bonum sicut obiectum intellectus est universale verum. Nihil ergo potest quietare voluntatem hominis quæ est appetitus humanus nisi solum universale bonum. hoc autem non reperitur in ulla creatura, sed in solo DEO. omnis namque creatura participatam habet bonitatem. Unde solus Deus potest perfecte hominis appetitionem saturare juxta illud: *Qui replet in bonis desiderium tuum*. Si itaque ex bonorum mundanorum usu non sedatur desiderium, non percipitur requies animi, sed magis afflictio sentitur; liquidò patet quod æqualitatem non habeant cum nostra cognitione vim satiandi in eis apprehendente & per consequens, quod non habeant veritatem.

Veritati contrariantur sequentia: mendacium, falsitas, simulatio, hypocrisis, jactantia & ironia. Mendax mundus in bonis suis quia contra mentem loquitur. Cogitat hominem affligere, torquere, occidere & interim pacifica occinit. Falsus fallaxque est, quia in eo totus ut decipiat. Planè mangonem agit dum colorem fuco, robur inani sagina in rebus suis mentitur ut ad earum amorem fatuos alliciat negotiatores. Simulator, externa specie felicitatem præferens; intus mortis innumera gerens instrumenta quibus perimat. Hypocrita, sanctitatem fingens.

figens cum sit pelagus quoddam scelerum. Salaco, jactat se universis abundare bonis dicens illud ad imprudentes: *In me divitiæ, in me delitiæ, in me honores cum nudissimus & inanissimus sit.* Deprimit etiam se aliquando & nequiter humilitat ad instar lupi pecoribus insidiantis. Quæ igitur in mundo mundi que opibus ac illecebris veritas si omnes veritatis inimicas continet nequitas. Mundus itaque quod inferre licet, Labanus est: promittit pro servitijs Rachelem substituit Liam; sectatoribus, ut stipulati sunt, pollicetur delectationes, jucunditates, vitam; largitur dolores, anxietates, funera. Mundi bona sunt falsi testes Jezabel per quos morti adiudicamur; sunt falsi Prophetæ misero Achabo imponentes quibus Michæas, hoc est, remorsus conscientia se se opponit fallacias dolosq; eorum detegens: sunt velut virides arundines quæ aspectum hyali colore recreant, sed si frangantur, nihil præter vacuitatem claudere deprehenduntur. Incantatores & Nigromantici ostentant hortum cum fructibus & floribus quos si carpere volueris, non invenies: vacuum illus retrahes dexteram. Merissimus nigromanta mundus est, delectabili specie ludit oculos nostros; manus animumq; non implet.

En talis mundanæ prosperitatis veritas! bonitatem indagemus. Bonum illud vocatur quod appetibile est, seu convenientes appetitui. Quæ autem appetibilitas quæ convenientia ad appetitum in bonis turmas innumerabilium miseriæ ducentibus? Honores invidijs curis laboribus periculis intricati: opes timoribus, sollicitudinibus, insomnijs, inquietudine plenæ, ut meruerint spinæ à Christo Domino appellari: voluptates factoribus, morbis obscænis, infamia, tædijs, conscientia remorsu, metu temporalis & æternæ mortis aliorumque malorum circumdantur examinibus. Tria principaliora suppliciorum genera in inferno fingunt Poetæ: sitim ravidam quæ Tantulum fugientibus ab ore suo aquis pomisque excruciarî comminiscuntur; remorsum cordis, Tityum enim alligatum petrae in corde à vulture rodi tradunt; continuum laborem, qui in Sisiphi saxo in sublime portando ac reportando suscipitur. Miseri mundani homines adhuc in sæculo præsentî viventes supplicia memorata patiuntur. Divitiarum avidi siti arescunt. Unde Horatius:

Defectus bonitatis in rebus mundanis.

Triplex supplicij genus bona mundana comitatur.

Tantalus inter aquas sitiens fugientia captat
Flumina. Quid rides? mutato nomine de te
Fabula narratur. congestis undiq; saxis
Indormis inhians & tanquam parcere sacris cogitis.

Avidi voluptatum mordentur in pectore. Vultur cor eorum rodens *rostrisq; immanis obunco immortale jecur tondens* est peccatum. Avidi *Virg: 6. Aeneid:* honorum, saxum onerosum in sublime portant, & quia eluctatis ad celsa fastigia elabitur, iterum sudant, iterum Herculeos labores imò Sisipheos suscipiunt. Jam quæ appetibilitas potest esse in felicitate talibus maritata supplicijs. Nec sufficit mūdo ingentibus hominem obruere malis: eoque insidiatur donec eundem morti tradat. Jachel est quæ dum Sisaram excipit hospitio lactatque, simul interficit. Sanguinem totum pro modico lactis haustu exigit feralis commutatrix. *Ne bibas de lacte delectationis eius, nec dormias sub fiducia ipsius nisi velis mala morte perire. Si te lactaverit ne acquiescas ei.* Dalila est in sinu fovens, incautum quemque omni robore & mascula virtute privatura, ad ignominiam

Didac9Stella

miniam per decaluationem deductura & tandem Philistæis infernalibus traditura illudendum excæcandum interimendum. Meretrix est Babylonica quæ ex vase aureo propinat venenum. Est Judas in osculo ad necem exponens. Et ut vulgaribus quoque utar similitudinibus, est velut simia quæ dum infantem complectitur, suffocat. Est sicut virgo instrumentum mortis in quibusdam regionibus sic fabricatum ut complexu suo hominem vulneret occidatque. Est sicut mulier à teneris annis viperarum serpentum aliorumque venenatorum insectorum carnibus pasta quæ ipso suavio homines necabat. Possis ipsi adscribere: *Amando perimit.*

His ita se habentibus concludere licet cum Nisseno: *Omnia quibus in hac vita mortalium cura destinantur, inanis quadam opinio sunt nihilque subsistens.* Licet exclamare cum Persio: *O curas hominum! o quantum est in rebus inane!* Inanitatem mundi diuturnâ experientiâ cognoscebant gentiles ideoque post præstigiæ atque officiarum eius agnitionem, serò tandem sapientes eum contemnebant. Diocletianus & Maximianus vanissimum mundi fastum fastidientes abdicarunt se imperio. Demosthenes & Themistocles è duabus vijs altera ad vitam vitæque illicia, altera ad mortem & mortis prodromas adversitates ducente, hanc præ illa elegerunt. Abijcienda spernandaque mundana bona suadebant & Poëtæ. *Quidquid in altum fortuna tulit, ruitura levat.* hoc ad honores spectat. *Gemmas & lapides, aurum & inutile summi materiam mali Mittamus scelerum si bene penitet.* hoc ad opes. *Sperne voluptates nocetempta dolore voluptas.* hoc ad carnis illecebras. *Ista idcirco attexui ut discamus quid nos facere conveniat si gentilis superstitio ad eam perfectionem contemptumque mundi se perurgebat.*

Seneca.

Horatius.

Habent quidem & hæc ima delectationes suas, habent passionem entis transcendentales; sed si penitus inspicias, tota ipsorum unitas veritas bonitasque nihil est nisi portio & participatio Divini esse ideoque solus Deus in ipsis amandus colendusque.

Scimus ista, credimus ista, & tamen prohi dolor cæco affectu, mundo inhæremus immundo. Quis ergo nos sepebat à perversa charitate ipsius si tam clara cognitio bullatæ vanitatis nequit nos ab eius avelere complexu? Jesus Christus Salvator noster in similitudinem hominum factus & habitu inventus ut homo. Natus voluntariè ex paupere Virguncula, in via, in stabulo, pannis involutus, inter jumenta repositus, à frigoris asperitate minimè tutus. Procul à cunis eius factus omnis, procul auri argenti que fulgor & omnis divitiarum apparatus. Quæso si Dominus cæli & terræ in cuius manu sunt omnium potestates & jura regnorum, ita humilis, abiectus, pauper, in duro præsepis lecto, in straminea culcitra apparere voluit, tunc opulentam delicatam ambitiosam vitam degere optabis? Gen: 24. Postquam Rebecca adveniens ad ædes sponsi peditem eundem à longe conspexit, confestim pallio vultum operiens profiliit de camelo, & reliquum itineris pedes absolvit. Cur quæso vultum operuit? scilicet puduit ipsam quod federet cum interea sponsus pedestre ambularet. Sanè maiori verecundia suffundi digni qui in tumente mundi dorso velut in quodam ephippiato camelo sedent cum interea Dominus noster convenienti careat subsidio & commoditate. Noluit Urias ire domum ad indulgendum voluptatibus manente Joabo

Domino

Motivum
conemptus
mundi.Nativitas
Christi.

Domino suo super faciem terræ: en Dominus noster super faciem terræ in spelæo Bethleemítico friget, tremit, vagit. ergone voluptati operam dabimus? Clamant ipsius panni, clamat stabulum & præsepium vana esse mundi bona, creaturæ usum fallacem, mollitiem & luxum luxuriamq; damnabilem, vanam omnem mundi superbiam. Tomētum illud Circensi durius in quo recubuit, condemnat delicias mundi. stabulum monstrat quam sint vani honores. viles fasciæ quibus Divina maiestas involuta fuit satis ostendunt, quales sint huius sæculi divitiæ. *O ingentem S. Bernardus abusum! si vilissimus terra vermiculus velit esse magnus cum Dominus Sermon: imò de maiestatis sese tam parvum fecerit. Intolerabilis profectò impudentia, Nativitate. si ubi exinanivit se maiestas, vermiculus infletur & intumescat!* execrabilis malitia si dum riget tremulus Jesus frigore membra tenella constringente, homo super extructum plumis lectum lasciviat, & dum ille totus in asperitate tu in delicijs & delectationibus sensualibus cupias esse. Ingens dementia, cum Christus nudus in præsepio jacet, te divitijs & pecunijs velle ornari? Certe cum omnium bonorum auctor sit DEUS & à fidelibus suis quæri & diligere bona quæque præcipiat, si mundana bona, vera bona essent, nec ipse quidem contemneret, nec suis sequacibus contemnere præciperet.

Quæretis fortasse quâ mercede hæc & ipse contempsit & nobis contemnenda mandavit? mercede regni cælestis. *Omnia inquit Apostolus 1. ad Corinthios 9. qui in agone contendit, ab omnibus se abstinere, & illi quidem ut corruptibilem coronam accipiant nos autem incorruptam.* Corona hæc meretur, quatenus propter eam capeffendam omnia mundi relinquamus blandimenta. Respondebitis: Ecce reliquimus omnia & secuti sumus Dominum: exivimus Deo propitio de medio Babylonis: mundum cum suis immundicijs deseruimus: satellites voluptatum divitias abieciimus. Gratia igitur, replico, agendæ Deo qui contemptum mundi pectoribus nostris immisit & de sæculo ad sequelam sui nos invitavit. Attendendum autem & toto virium conatu curandum, ne è deserto religionis aspiremus ad Ægyptum, ne retro ad ardentem Sodomam (per Sodomam & Ægyptum, mundum intelligit S. Hieronymus ad Marcellam scribens) respiciamus. Omnia cum Apostolo velut stercore reputemus. Crebro in nos ipsos reflectamus rationis lumen cur unde & quo venerimus penitantes. Vilis tunica contemptum sæculi probet. Capillorum depositio admoneat nos factæ abrenuntiationis mundanorum bonorum. In camelauchio seu caputio reminiscamur dulcis jugi spiritualis cui mancipati sumus. Vincula votorum nos ab amore honoris, pecuniarum, voluptatumque arceant. Status noster totus est ad sequelam Christi comparatus: relinquamus itaque nubem qui solem quærimus, deferamus fumum qui lucem sequimur, abnegemus mundum sicut nos erudit gratia Salvatoris nostri. abnegemus sæcularia desideria, concupiscentiam carnis, concupiscentiam oculorum & superbiam vitæ; ut per mundi eiusque desideriorum contemptum ad regna cælestia duce & auspice Christo pertingamus.

Aliud motivum gloria cælestis.

Tertium motivum status & habitus religionis.



Ecc 2

CAR-



C A R N I S

M O R T I F I C A T I O.

F Vangelium hodiernum plenum est mysterijs. Non enim frustra memoratur fatigatus ex itinere Jesus ad puteum Jacob resedisse famelicus ac sitibundus. Singula hinc comprehensa indicare nobis volunt aliquid. Quid autem illud? & fatigium Salvatoris nostri, & e-suries sitisque eiusdem & vocabulum Jacob quod luctatorem sonat mortificationem Christi loquuntur. Fecit quod faciendum admonet magister noster & nos exemplo suo ad carnis invitat macerationem.

& Thom: 2, 2.
q. 141. art. 4

Hæc porro, actus est temperantiæ, nobilissimæ virtutis ad moderationem ac refrænationem concupiscentiarum & delectationum sensualium inclinantis. Materia proinde ut temperantiæ ira & mortificationis sunt corporeæ delectationes, nec quæcunque illæ, sed maximæ & quibus non dantur vehementiores. Sicut enim fortitudo est circa timores atque audacias maximorum malorum quibus natura extinguitur & hæc sunt pericula mortis; ita temperantia oportet quod sit circa concupiscentias maximarum delectationum. Et quia delectatio consequitur operationem naturalem, tanto aliquæ delectationes sunt maiores, quanto magis naturalibus actionibus annectuntur; maximè autem convenientes naturæ animalium actiones sunt sumptio escæ potusvè, quia per hanc individuum conservatur: & coniunctio maris ac fæminæ, quia per hanc species ipsa perennat. Atque idcirco temperantia potissimum versatur circa delectationes ciborum potuumque necnon circa voluptates venereas refrænandas. Et hæc ipsa refrænatio vocatur à magistris spiritualibus carnis mortificatio.

Hoc quasi vestibulo sermonis præmissis Apostolum exhortatorem adduco qui ad Colosenses tertio ait: *Mortificate membra vestra qua sunt super terram*, ubi per membra concupiscentiæ intelligit Doctor Angelicus. Quid verò est quod dicit, *mortificate*? idem est ac si diceret: Appetitum vestrū sensitivum ita tractate ut non prævaleat rationi, ut fractus debilitatusque suum non possit explicare robur, ut planè mortuus videatur. At quæso cui bono! & quam ob causam ingenitas nobis appetitiones sic hostiliter tractare debemus?

Regina Hester interpellavit aliquando Assuerum: *Obsecro dona mihi animam meam pro qua rogo*. Obstupuit Assuerus statimque poposcit quis esset & cuius potentiæ qui Reginam auderet persequi mortemque eius quæreret. *Hostis*, reponit illa, & *inimicus noster pessimus iste est*, qui nobiscum convivatur, Aman. Ad quæ verba excandescens Rex, illico in sublimi furca Amanum suspendi præcepit. Aman juxta nominis sui interpretationem conturbatorem significat, ut optimè carnem nostram seu appetitum designet sensitivum qui continuo turbat regnum animæ nostræ, turbat potentias interiores ut propterea mare quoddam procellosum continuis jactatum fluctibus mens nostra vocari debeat. Hoc auctore

auctore jam irascimur, jam placamur: modò tripudiamus, modo tristamur: ira ubi quievit, timor insurgit: amorem odium subsequitur: deniq; in uno eodemque homine diversa animorum facies sola concupiscentia duce. Hic itaque Aman hostis est & inimicus noster pessimus. Intestinos motus ac bella jugiter in nobis concitat, reginam rationem vult opprimere, vult de solio regali deturbare imò occidere; reginam, cum ipse sit servus & emptitijs; reginam, cum ipse sit fimetu inquilinus. Digno itaque plectendus supplicio: suspendatur in patibulo sed patibulo mortificationis. Decretum hoc contra ipsum tulit Princeps Regum terræ atque per suum præconem Apostolum promulgavit: Crucifigatur cum vitijs & concupiscentijs.

Appellavi rationem reginam, jam Regem appellabo; nec abs re quidem, cum sexus nesciat diversitatem. In profanis historijs proditum est quòd Semiramis regij vernaculi ancillula in connubiale regis Nini consortium adscita, petijt à marito ut unico saltem die plenissimam regnandi indulgere sibi facultatem dignaretur. Indulsi ille nullum subodoratus dolum. Ecce verò nequissima mulier primum quidem leviora mandat, mox graviora præcipit, tandem regem ipsum comprehendit jubet, vinciri, interfici; comprehensus, vinctus, interfectus. Sicque ex diurno diuturnum principatum maritali sanguine quæsitum possedit. Ancilla est caro nostra quam rex animus in societatem vitæ sibi adscivit & arctissimo nexu copulavit. Heu me quoties hæc Regi insidiatur, quoties satellites suos hoc est voluptates conspirare facit in necem eiusdem, quoties funibus constringit peccatorum, quoties denique adimit vitam gratiæ. Sapientis igitur est blanditias istius Semiramidis respuere imò & prævenire occisuram. Crucifigatur cum vitijs & concupiscentijs suis. Crudeles nos ne putemus exinde: crudelitas ista, pietas est. *Qui Christi sunt*, ait Apostolus, *carnem suam cum vitijs & concupiscentijs crucifixerunt*. Quod dicit istius modi est: Qui carnem suam ita macerant ut non possit ad quidquam rationi legique Divinæ contrarium se movere, sicut cruci affixus neque manus neque pedes neque aliam corporis structuram movere potest, hi discipuli sunt Christi, Christi milites sunt, Christi corpori inserti sunt. Igitur, inferre licet, qui non macerant non crucifigunt carnem suam, sed perditè nutriunt, poliunt, foveant, & quasi victimam faginant, diaboli sunt: membra sunt dæmonis cum eodem in inferno arsuræ. *Difficile*, verba recito D. Hieronymi, *imò impossibile est ut & presentibus quib; & futuris fruatur bonis, ut & hic ventrem & ibi mentem impleat, ut de deliciis transeat ad delicias*. Qui in vita sua cum Epulone recipit bona sepeliatur in inferno: qui mala cum Lazaro, in sinum Abrahamæ per Angelos deportabitur.

Ad Iulianum.

Necessitatem mortificationis carnis non tantum scripturarum paginæ, sed & crebra pericula, imò quotidianæ ruinæ ex carne provenientes clamant. *Piget dicere*, exclamat memoratus Doctor, *quot quotidie Virgines ruant, quantas de suo gremio Mater perdat Ecclesia, super qua sidera inimicus superbus ponat thronum suum?* ubi sub nomine Virginum uterque sexus comprehenditur. Quis non tostus in sartagine in qua rex Babylonius senes sceleratos frigit? quis fornacem Nabuchodonosor sine adustione ingressus? cuius adolescentis Egyptia Domina pallium non tenuit? Urimur ah omnes & cæco carpimur igni! *Infelix*

Ad Eusebium.

S. August. de honestate. libido malleus est universa terra qui quidem post adventum Christi per

Pannon: in expositione regul:

*universa Monasteria Monachorum, & clericos vel etiam laicos castitatem servantes quasi confractus videtur: tamen multo plures sunt, qui ab hoc malleo quotidie confringuntur quàm illi, qui de ruina collisionis illius liberantur. Tam frequentis porro lapsus & collisionis causa est, quia in nobis ipsis gerimus unde certamina toleramus. Gerimus in nobis fomitem & hunc vivacissimum qui in carne relictus ita cum carne vires accipit ut si paulò liberius pasta sit ipsa caro, sartago fomitis amplius incendatur. Contra hoc ingenitum nobis malorum incentivum, quasi vim patiens vociferatur Apostolus: *video aliam legem in membris meis repugnantem legi mentis meae*, ideoque ait, *castigo corpus meum & in servitutem rediga*. Tanta est potentia, tanta vivacitas stimuli carnalis ut etiam inter pallores squaloresque jejuniorum inter flagella & supplicia titillet, quid faciet in carne dapibus ac mero inflammata? quid faciet in corpore molliter ac delicate nutrito? Si vas electionis & vir segregatus in Evangelium Christi macerabat corpus suum ac servituti subiebat & tamen cornebat naturalem ardorem suæ repugnare sententiæ: tunc securus eris, confidesque te transire posse absque lapsu & vulnere qui diligentius indulges corpori? Hieronymo Hilarioni alijsque sanctis lyrida pallebant ob inedia ora & nihilominus mens cogitationibus æstuabat ut verum sit illud gentilis Poëtæ: *Naturam pellas furca tamen usque recurret*. Nimirum, quod ait Stridonensis Orator, *libido insita à Deo ob liberorum procreationem quadam lege natura gestit in coitum erumpere*. Quo igitur pacto victoriam & securitatem nos audebimus polliceri nobis, qui in cute curanda plus æquo operosi sumus?*

Respondēbitis. Si per abstinentias varijsque rigores sancti Dei non poterant reprimere aculeum carnis, quid ergo nos in vanum laboremus? Minimè verò in vanum laborabimus. Non enim dico nihil prorsus proficere afflictiones corporales adversus legem in membris nostris manentem, sed quòd tantarum sit lex ista virium ut etiam inter famem sitimque aliasve sentiatur asperitates. Aliud est titillari, aliud obrui voluptatibus. In mortificata carne scintilla libidinis sublucescens nritur quidem reviviscere, incendium tamen non potest suscitare, & quasi ignis in viridibus lignis suffocatur: in virente vigenteque corpore libidinum incendia bulliunt.

Intemperantia vitium puerile.

Vide S. Thom:

Et hæc quidem suffecerant nobis exstimulandis ad macerationem corporis: ut tamen multiplici nomine tituloque in eandem trahamur, è re multum erit nedum temperantiæ virtutis cardinalis dignitatem ac pulchritudinem, sed etiam intemperantiæ ac immortificationis pensare indignitatem & deformitatem. Nimirum intemperantia puerile vitium est propter similitudinem sui cum pueris. primò quidem, quia & puer & concupiscentia effrænis, ad rationis legem non attendunt: secundò, quia sicut puer si suæ relinquatur voluntati crescit in petulantia sic & appetitus sensualis postquam ei satisfeceris, maius robur accipit: tertio, quia quemadmodum sceptrum pædagogorum, virgas ferulas scuticasque intelligo, puerilem compefcunt insolentiam, emendaturque puer per hoc quòd verbis ac verberibus ubereque virginēdiā coercetur: ita pariter appetentia sensitiva reducitur ad debitum honestatis modum dum ei resistitur. Accedit quod irrefrenatio appetitionum nostrarum maxime sit expro-

fit exprobrabile crimen & summè dehonestet hominem cum insigniter adversetur excellentiæ humanæ eas sectando delectationes quæ nobis & brutis sunt communes & in quibus minimum quid apparet de lumine rationis à quo tota pendet claritas ac pulchritudo hominis,

Sed & vivas temperantiæ ac mortificationis imagines juvat intueri ut ex aspectu ad simile studium inflammemur. Neque hîc ego volo in theatrum sermonis inducere antiquos Monachos, qui etiam languentes aquâ frigida utebantur & coctum aliquid accepisse luxuriam ducebant. Nolo aboriginum nostrorum longum texere cathalogum de quibus stupenda potius quàm sequenda voluntariæ macerationis narrantur exempla. Certè Virgo ipsa Beatissima absque insigni jugique corporis sui sacratissimi mortificatione non fuit, uti ipsamet teste Divo Bonaventura cuidam piæ Virgini revelavit in hæc verba: *Dico tibi filia, quod nullam gratiam donum vel virtutem habui à DEO sine magno labore, continua oratione, ardenti desiderio, profunda devotione, multis lachrymis & multa afflictione corporis.* Adiecitque: *Pro firmo scias quod nulla gratia descendat in animam nisi per orationem & corporis afflictionem.* Christus Dominus cuius vita morum nostrorum disciplina, inedia, siti insomnijs, itineribus, laboribus carnem suam theandrisatam macerabat nos ad imitationem sui provocando, ad extremum patibulo crucis eandem acclavari passus ut nos quoque carnem nostram cum vitijs & concupiscentijs, juxta quod superius dixi, crucifigamus.

Nulla gratia
obtinetur à
Deo nisi per o-
rationem &
mortificatio-
nem.

Tacita fossan cogitatione me quispiam reprehendet delicatumque vocabit magistrum eò quod pleno ventre de jejunijs disputem. Cui ego. non legisti: *Quacumq; dixerint vobis facite, opera autem eorum nolite facere.* Et Athletæ suis incitatoribus fortiores sunt & tamen monet debiliior ut pugnet ille qui fortior est.

Nemo, inquires, carnem suam odio habuit sed nutrit & fovet eam. Nec ego volo ita eam odio habeas ut eneces ut civem interficias ipse tuum. Non mortem sed mortificationem suadeo. Nolo ita assumes macerationem ut abicias discretionem. Omnino domanda caro jejunijs, abstinentiâ escæ & potus, sed duntaxat quantum valetudo permittit. Regula juxta quam temperantia servanda sit, necessitas est vitæ præsentis. Omnia enim quæcumque usibus nostris deserviunt, ad necessitatem velut ad finem referuntur. Adjuventa nostris necessitatibus sunt iumenta: volucres cæli & pisces maris & fructus terræ ad reficiendum nobis impensi: medicinæ de terra propter singulas corruptelas creatæ: denique nihil est in mundo quod necessitati nostræ non famuletur. Hæc autem duplex statuitur, alia absoluta qua aliquid ita necessarium ut sine illo res nequeat subsistere, qualiter cibus animalî necessarius; aliâ convenientiæ qua aliquid ita necessarium ut sine eo commodè & convenienter res non possit esse. Utramque respicit moderatio appetitionum nostrarum non tantum scilicet attendens quid corpori sed etiam quid officijs, facultatibus, & vel maximè honestati expediat. Quocirca Philosophus in 3tîo Ethicorum ait, temperatum in delectationibus quibus utitur non solum considerare ut non sint impeditivæ sanitatis ac habitudinis corporalis sed etiam ut non sint præter bonum hoc est contra honestatem.

Regula tem-
perantiæ &
mortificatio-
nis est neces-
sitas vitæ præ-
sentis.

Et honestas.

Moderatricis impetuum corporis nostri virtutis est præter cohibi-

tuum ordines qua muscas, formicas culices aliaque minuta animalia, magis de corpore quam de nomine nobis nota creavit; idem eadem facilitate Lazarum quatrduanum qua nunc primum extinctam virginem vitæ restituit. Quid igitur indicat motus iste exoticus & Christo inusitatus? Scio Redemptorem nostrum in humanis actibus Divina gessisse mysteria & in rebus visibilibus invisibilia exercuisse negotia omni que motu ac gestu suo docuisse quid credere & quomodo vitam componere debeamus. Turbavit itaque semetipsum Dominus ut veram humanitatis naturam se induisse monstraret, insuper ut nos monitos redderet quatenus affectiones humanas rationis gubernio subijcere adnitamur quemadmodum ipse suæ potestati omnimode subiectas tenuit. *Habemus nos ait Aug: de Civit: Dei 14. cap: 9. humanas affectiones ex infirmitate conditionis humane non autem sic Dominus IESUS. cuius & infirmitas fuit ex potestate.* Textum quoque prædictum hodierni Evangelij exponens: *Turbaris, inquit, tu nolens. turbatus est Christus, quia voluit. In illius potestate erat sic vel sic affici vel non affici.* Plura hîc congererem Sanctorum Patrum testimonia contra Calvinum quasi Christus æquè passionibus subiectus esset ac cæteri homines blasphemantem; sed mei non est propositi hæreses nunc confutare at mores instruere. Sufficit mihi imò in eo totus in præsentiarum sum ut quod Salvator habuit ex potestate, hoc ex virtute habere curandum suadeam, scilicet ut motus animi nostri, rationis moderamini subigere studeamus.

Motus animi, græci pathos, nostri autem, sicut Cicero perturbationes: quidam affectiones vel affectus: quidam verò expressius passiones vocant. Hæ porro pressè & in stricta significatione receptionem important quæ fit cum abiectione alterius atque idcirco nunquam contingunt nisi secundum transmutationem corporalem ut proinde animæ non conveniant nisi accidentariè in quantum nimirum integrum compositum patitur. Quando tamen huiusmodi transmutatio fit in deterius, magis sibi vocabulum remque passionis vendicat quàm quando in melius. Unde tristitia appropriatius passio est quàm lætitia, timor quam audacia. Receptaculum earum appetitus isque sensitivus est qui cum geminus sit concupiscibilis & irascibilis, uterque proprias sibi accenset affectiones. Enimverò quæcunque irrestrictè respiciunt bonum vel malum sensibile, pertinent ad concupiscibilem ut gaudium, tristitia, amor, odium, concupiscentia & opposita ei passio innominata habens se ad malum eo modo quo concupiscentia ad bonum: quæ verò respiciunt bonum vel malum sensibile quatenus arduum est & quod nonnisi cum difficultate acquiri aut vitari queat. ad irascibilem referuntur ut audacia timor spes desperatio ira. & hæc nullum habet contrarium nisi cessationem à motu. Quare undecim passiones, si & innominatam comprehendas, numerantur. Hæc ex disciplinis moralibus prætexenda duxi ut prænotitia affectionum nostrarum nos ad earum frænationem disponat.

Binam potissimum in Scripturis passionum nostrarum ad res alias invenio assimilationem. Primam eruo ex illo scripturistico textu: *Et ecce motus magnus factus est in mari ita ut navicula operiretur fluctibus.* Motus iste magnus à ventis excitatus est. Mystico sensu passiones venti sunt in procelloso mundi pelago naviculam nostram agitantes & nunc sursum nunc deorsum jactantes. Et rectè quidem passionibus nomen ac

G g g

proprie-

S. Aug: lib: 9.
de Civit: DeiNatura, sub-
iectum, divi-
sio & nume-
rus passionū.Passiones vē-
tis comparā-
tur.

1.2. q. 24. ar.
2. ad 3tium.

proprietates ventorum attribueris. Quatuor hi sunt si principales recenseas: quatuor etiam primores passiones supputantur. Absque ventis nequit esse mundus: & microsmos absque passionibus. Potentissima vis inest ventis ut annosas quercus altissimis firmatas in terra radicibus, turre domosque perennitatem pollicentes, quidquid demum validi firmique est impulsu suo absque mora deiciant: passiones quoque etiam constantissimum & solidissimum a recto proposito dimovere valent animum & ad terram hoc est ad terrena negotia prosternere. Denique quod a ventis elementaribus periculum, idem a spiritualibus imò maius, cum ab his & animæ & corporis mors immineat. Animæ quidem: quia si sint præter ordinem rationis, inclinant ad peccatum. Occidit animæ amor, occidit odium, occidit concupiscentia, delectatio & tristitia, spes & desperatio, timor, audacia atque ira. Omnia ista animæ exitium afferunt nisi mortificentur. Testimonium in scripturis, scrutari super hac re non expedit. Satis superque est quod cuncta hæc vocentur morbi & perturbationes animæ juxta D. Augustinum de Civitate Dei, (quod intelligendum de passionibus absque rationis moderamine debachantibus) ex morbis autem ac perturbationibus mors consequitur & quò maior morbus eò velociorem generat interitum. Corporis item corruptionem imminere ab affectionibus perspicuum est. Genuinus namque ipsarum effectus corpus alterare, sicut ventorum commovere turbareque liquidum elementum. Istam porro alterationem, vitæ nostræ perniciosam esse experimur, non æqualiter tamen omnibus ad perniciem hanc concurrentibus passionibus sed alijs minùs alijs magis. Cum enim duplices sint, scilicet prosecutivæ boni & declinativæ mali: priores non nocent secundum naturam suam valetudini, nocent tamen aut nocere possunt secundum excessum, quia non repugnant motui à corde in alia membra sese diffundenti per quem omne vivit animal, quanquam ipsum adaugent ultra convenientem bonæ habitudini mensuram: at verò posteriores vitali motioni adversantur non modò quantum ad mensuram verum etiam, quantum ad speciem motus, hoc est non solum ultra præfinitam ac congruentem naturæ mensionem plures vitali motui addunt aut detrahunt gradus sed planè ipsum impediunt & tollunt ac propterea simpliciter semperque noxiæ sunt. Talis est timor & desperatio, talis & præcipuo quidem nomine tristitia quæ videlicet aggravat animum ex malo præsentis cuius fortior impressio quàm futuri: qui nimò metus ipse, (sicut & ira) non aliunde nocentissimus homini quam ex permissione tristitiæ propter absentiam eius quod cupitur. Claret itaque à tristitia alijsque exitialibus passionum flatibus mortem animæ & corporis festinare.

Item equis.

Alteram in sacris literis passionum nostrarum comparisonem invenio per quam conferuntur ferocibus equis. *Posuit me currus Aminadab* Cant: 6. Quod commento suo morali edisserens D. Gregorius ait: *Rektor noster Christus est, anima currus. Si currus est, habet equos bonos & malos: boni virtutes sunt; mali, passiones.* Aminadab vel juxta lectionem Pannonij *Hammi Nadib* sonat populi principem, eo videlicet mysterio quòd simus cantherium Christi Domini, qui est princeps totius Ecclesiæ. Gradarij rhedæ seu cantherij istius hoc est passiones nisi freno rationis domentur ad præcipitium & collisionem animamque corpusque

pusque deducunt. Profecto equi sunt passionēs. Sicut namque hi trahunt essedum aut aliud quodvis vehiculum ita passionēs animam. Nam si fides Doctōri Angelico, *passionis nomine importatur quod patiens trahatur ad id quod est agentis*. Ecclesia igitur de semetipsa occidit: *Posuit me Dominus sicut currus Aminadab*, id est fideles singulos qui in me computantur, fecit quasi petorita & pilenta quædam quorum gubernium sit penes rationem vel Christum populi electi principem. Felix currus quisquis hoc auriga regitur: felix quisquis huic rectori suos committit flectendos succursōres. E contra & rotæ & manni præcipitio lacera-buntur si rectorem è sua sede excusserint. Suus eos occidet impetus, covinumque hinc inde raptatum distrahet ac discerpet.

Et hoc ipsum est quod nos fortiter urget ad mortificationem affectuum. Amor enim vitæ vel maximus creditur stimulus ad prosecutionem eorum quæ conferunt ad vitam & ad fugam noxiorum. At ultra id motivum alia insuper occurrunt quæ nos ad eiusmodi impellant mortificationem. Nimirum hæc pacem interiorem, quæ est peculiaris beatitudo viæ, operatur Augustino teste pacificos illos dicente qui omnes animi sui motus componentes & rationi subijcientes fiunt Regnum Dei.

*Inductiva ad
passiones mor-
tificandas.*

Deinde initium & fundamentum perfectioris ac sanctioris vitæ est cognitio nostri ut Theologis ac spiritualibus magistris conclusum; hanc autem in turbulentia passionum habere nequimus. Rectè quidam magister spiritus: *Quemadmodum, inquit, in aqua limpida omnia obiecta videntur usque ad arenam minutissimam quæ in fundo est, quod in turbida fieri non potest; sic anima nostra liquido cognoscit quid in se habeat cum quæta & serena est, si autem motus passionum eam obscurent atque turbent, neque se neque quid aliud videre potest*. Equidem in aqua quæta potest quivis seipsum velut in speculo aut clarius tueri secundum illud Poëtæ: *Nuper me in littore vidi cum placidum ventis staret mare; at ubi aqua ventis commota, ubi terra pontusque commixtus, nec se nec quidpiam in aquis videre queas*. Idem & in nobis ipsis contingit quando passionibus commovemur. Obscitant & obscurant lumen rationis in nobis, donum intellectus ligant impediuntque, ut non possimus bona supernaturalia imò & naturalia dignoscere, nec sit nobis in promptu judicare: *Quæque sequenda forent & quæ vitanda vicissim*.

*Ludovic9 Gra-
naten.*

Nobilitas præterea virtutis quæ imperante reguntur passionēs, insignis est languentium licet animorum ad coercendas easdem incitatio. Quanquam enim verò moderatio singularum ad singulas spectet virtutes morales ut concupiscentiæ ad temperantiam, timoris ad fortitudinem, iræ ad mansuetudinem: attamen generaliter loquendo omnibus omnino magnanimitas frænum iniicit. Nimirum juxta inclytum Oratorem lib. 1. de officiis *magnanimi est neque perturbationi animi neque homini neque fortune subjacere*. Authoritati accedit ratio. Passionēs namque si fiant præter ordinem rationis, non leviter dedecorant ac dehonestant hominem & in belluinam deformi metamorphosi transmutant speciem per effrænam libidinem in hircos porcos & equos, per iram in urfos ac leones, per meticulositatem ac tristitiam in lepores humanæ convertendo dignitatem naturæ: qua dehonoratione nulla maior excogitari valet. Hanc autem præcavet atque avertit magnitudo animi: cuius nimirum

officij est honorem intendere quærere & tueri atque humanæ maiestatem rationis in suo culmine conservare.

Remedia generalia ad-
versus passio-
nes.

Passionibus domandis & in universali & in particulari varios Magistri spirituales præscribunt modos. Ego universim contra cunctos appetitus sensitivi motus corporalem transmutationem inducentes, fugam amoris inordinati suadeo. Ex hoc namque omnes aliæ nascuntur affectiones. Siquidem qui amat aliquid, in concupiscentiam quæ est appetitus boni delectabilis exardescit, assurgit in spem boni quantumvis ardui, spirat tragicum satis & quidlibet audet ut desideratis potiatur, irascitur ac vehementer tristatur si rem quæsitam obtinere nequeat. Denique amor cunctorum fons est & origo affectuum. Fugam item otij suadeo. *In desideriis est omnis otiosus*, ait Ecclesiastes. Et Satyricus: *Si non intendas animum studiis & rebus honestis, Invidia vel amore vigil torquebere*. Insuper generalissimum æquæ ac præsentissimum contra omnes animi ægritudines remedium probatur fuga cogitationum malorum. Abbatem Sisoï frater quidam interrogavit: Quare non recedunt à me passiones? Respondit Abbas, quia vasa earundem intra te manent. Enigmatica responsio ista non facilem habet intelligentiam. Credo ego quod vasa passionum sint cogitationes & apprehensiones. Sicut enim liquor in urceo ita passio servatur in cogitatione. Cur ira diu efferuescit? quia cogitatio injuriæ retinetur. Cur concupiscentia calet? quia boni delectabilis apprehensio fovetur. Cur ingravescit tristitia? quia præsentis meditatio mali non abijcitur. Vasa hæc cum vario sapore portabat aliquando dæmon, Macario Abbati in lacerna foraminibus plena ex quibus pixides variæ varijs impletæ syrupis penderent visus, quærentique cur tot narthecia deferret, ad gustandum, inquebat, fero fratribus in Eremito commorantibus: idcirco autem plura porto, ut si non placuerit una promulsis, porrigam aliam atque aliam donec occurrat placitura. Cogitationes signabantur malæ in quibus multiplicem gustum servis Dei propinabat Acheronteus pharmacopola dum his quidem lasciviam, illis blasphemiam, alijs torporem alijs alia vitia & affectiones in malignis cogitationibus ceu in quibusdam offerebat poculis. Vasa ergo hæc abijcienda, mens alio avocanda ut passiones evanescant.

Alia ad duplices perturbaciones accomodata.

At secundum duplicem perturbationum classẽ duplex itidem generale propono antidotum. *Tristatur quis*, ait Jacobus in sua Canonica, *oret: a quo animo est, psallat*. Perturbationes animi alias dixi quæ fiunt cum prosecutione boni, alias quæ fiunt cum fuga mali: hæc sub tristitia comprehendi possunt, cum revera omnes ex permissione maioris in amaritudine exuberent; illæ sub æquo animo, utpote naturæ & motui vitali convenientes. In tristitia igitur & similibus orandum est: in cæteris psallendum. In vitis Patrum Palladio & Rufino authoribus habetur quod mulier quædam magicis artibus in equam versâ visâ fuerit, sed demum à S. Macario Ægyptio oratione ac oleo benedicto à fascinatione illa quam ob peccatum contraxerat, liberata. Si passionibus ducimur, tantum abest ut ab equis discrepemus ut potius eis simillimi reddamur personæ aut veriùs formas belluinas ex vitio nostro nobis superinduentes in dispendium ac præjudicium imaginis ac similitudinis Divinæ ad quam conditi sumus. Nisi oratio & oleum lætitiæ spiritualis,

ritualis succurrat, à fūco turpis alienæ similitudinis ad veritatem nativæ formæ non reducemur.

Mala, quo plura eis remedia adhibueris eò sanantur facilius. Itaq; contra affectiones cum fuga, utpote extremè nocivas non piget ampliores medendi monstrare vias. D. Thomas tractans de passionibus in particulari & quærens an per fletum minuatur tristitia, sic ait: *Omne nocivum interius clausum magis affligit, quia magis multiplicatur intentio animæ circa ipsum. Sed quando ad exteriora diffunditur tunc animæ intentio ad exteriora quodammodo disgregatur & sic interior dolor minuitur & propter hoc quando homines qui sunt in tristitijs, exterius suam tristitiam manifestant vel fletu, vel gemitu, vel etiam verbo, mitigatur eorum tristitia.* Doctrinam hanc Angelici Doctoris ad alias quoque passionum admittam sibi mæsticiam habentes trahere possis ut ad timorem ad desperationem ad iram. Omnes enim hæ intus clausæ, magis affligunt; si prodantur, minuuntur. Mitigatur quoque tristitia per quamcunque delectationem. Hæc enimvero ita se habet ad tristitiam sicut in corporibus habet se quies ad fatigationem. Sicut ergò lassas fatigio corporeas vires reparat somnus ita angustiato spiritui medetur delectatio. Cumque in contemplatione veritatis ac bonorum operum exercitio, potissima sentiatur voluptas, si veritatis æternæ contemplatores simus studiique & bonarum actionum exercitatores operosi, suavissimè cor nostrum in gaudio requiescet. Species tristitiæ (ne quid omittam quod ad complementum materiæ præsentis desideretur) sunt acedia, achos seu anxietas, misericordia & invidia zelum ac nemesis sub se complectens. Ex his vel maximè anxietas premit animum ita quidem ut nullum permittat misero refugium, nullum solamen. Sine causâ plerumque affligit hominem, dum ob quamcunque obreptitiam & cui deliberata non adhæsit ratio cogitationem turbatur homo, angitur, seseque gratis emaciat. Multi equidem sunt qui esto contra dictamina Dei nihil in animo concluderint, jam tamen se in bestias degenerasse credunt, si vel ex dæmonis impressione vel ex infirmitate naturæ vel ex volubilitate phantasiæ aliquid in mentem eorum perversi irrepserit. Oleo spiritualis lætitiæ abigenda alijsque specificatis medelis curanda hæc fascinatio. *Dum stulti vitant vitia in contraria currunt.* Certè stultum est ita ad suggestionem aliquam cavere consensum, ut nimia anxietate teipsum conficias, ut tristitiâ tabescas, ut antequam pecces, jam te peccasse arbitreris.

Impossibile, inquit cum Hieronymo ad Salvinam, perturbationum, initijs carere eo quod in meditullio nostram incentiva vitiorum habeamus procliviusq; sit cor hominis à pueritia ad malum & inter opera carnis ac spiritus, quæ Apostolus recenset; media animâ fluctuet nunc hac nunc illa cupiens. Veritati huic nunquam contradixi nec contradico. Non sum tam demens ut cum Pelagio velim apathiam id est imperturbabilitatem tenere. Hoc solum contendo, perturbationes ubi primum advertuntur debere rationi subigi ut bonitatem moralem exinde nanciscantur, aliàs malitiam habituræ dum ratio advertit eas ebullire nec tamen reprimere curat. Nimirum propinquior est appetitus sensitivus iudicio & voluntati quam exteriora membra quorum tamen motus & actus regulantur à ratione atque idcirco boni sunt moraliter: mali autem si

H h h :

tem si

Contra scrupulos.

Horatium.

tem si non regulentur, multo itaque magis appetitus in suis motibus ordinandus moderandusque à principe ac nobilissima animæ facultate.

Igitur ut finem verbis faciam, non permittamus passiones peccatorum regnare in mortali nostro corpore, servitutis ac subiectionis suæ nunquam excedant terminos. Non simus naves quæ omni vento affectuum circumferuntur. Caveamus ne passionum spiritus invalescat & vehementior factus conterat carinas animarum nostrarum? quodsi incipiamus operiri fluctibus quodsi venti motuum interiorum nos mergant, auxilium Divinum invocemus: *Domine salva nos, perimus.* Qremus cum Augustino: *Dulcis Christe bone IESU veni & ingredere super fluctus cordis mei ut tranquilla & serena fiant omnia mea quatenus unum bonum meum amplectar te & dulce lumen oculorum meorum contempler te sine tumultuantium cogitationum caca caligine.* Excitemus nos ad eiusmodi preces illo poetico:

*O Navis, referent in mare te novi
Fluctus! o quid agis! fortiter occupa Portum.*

Portum videlicet Orationis ac invocationis Divini adjutorij. Teneamus in fræno feroces bestias nec unquam petulcis effundamus habenas ne in præcipitium cum illis veniamus, ne cum curribus & equis Pharaonis mergamur in æstuante inferni Oceano. Frænum quidam pinxit adiecta tesserâ: *vigilijs & moderatione.* Scilicet passionibus compescendis nullum frænum melius fortiusve esse potest quàm vigil moderatio. *Animum rege,* inquit Satyricus, *qui nisi paret. Imperat, hunc franis hunc tu compesce catena.* Huic si obsecundaverimus doctrinæ non jam turbabunt nos passiones sed ipsi ad instar Salvatoris turbabimus nosmetipsos secundum exigentia n salutis nostræ aut alienæ, moderate affectibus nostris utentes: quod nobis concedat Christus Dominus cui honor & gloria cum Patre & Spiritu S. in sæcula sæculorum.

T I M O R

D O M I N I.

SANCTUM DEI Evangelium imminentis Dominicæ res nimium formidabiles comprehendit. Abominationem desolationis scriptam in Daniele Propheta, fugam habitatorum Judææ, tribulationem talem qualis non fuit ab initio mundi, obscuracionem luminarium cæli, commotionem virtutum cælestium, planctum universæ terræ & cætera horribilia. Cur autem Christus Dominus hæc prædixerit causam non aliam existimo nisi ut timore salutari configeret carnes suorum auditorum. Sciebat enim optimè, non posse eos ad sublimiorem perfectionis philosophiam pertingere nisi per timorem Domini velut per quandam isagogen disponerentur & quasi manu ducerentur. In Lyceo Christi & nos sumus: disciplinas altiores & sapientiam cælestem discere nequaquam

quaquam possumus nisi prius initium sapientiæ addiscamus. Igitur *venite filij audite me timorem Domini docebo vos, & ad ipsius studium convenientibus incitabo stimulis.*

Timor est motus appetitus sensitivi refugiens malum imminens arduum, cui scilicet de facili resisti non possit. Dividitur in mundanum, servilem, filialem, & initialem. Mundanus est quando quis propter mala quæ metuit recedit à DEO: & hic semper criminofus est. Servilis ille per quem timetur malum pænæ. Filialis ille per quem timetur malum culpæ. Initialis demum ille per quem timetur utrumque. Partitio hæc servit timori quæ virtuoso aut vitioso: nam naturalis timoris bonitatem aut malitiam moralem prævenientis & ut mere passio est, alia statuitur à Divo Damasceno scissio, in sex videlicet species: segnitiam, erubescantiam, verecundiam, admirationem, stuporem, agoniam, de quibus S. Thomas 1. 2. q. 41. art. 4. De timore quem servilem vocamus illud hic opportunè insinuo, quod quantumvis à Spiritu S. præstetur sicut & filialis, nihilominus in septenario charismatum almi flaminis choro locum non habet, quia potest cum voluntate letaliter peccandi commanere quam dona Spiritus S. non compatiuntur secum utpote individua societate charitatis gaudentia.

Timor quidē
quotuplex.

Timoris natu-
ralis species.

Præambulum hoc memoriæ nostræ commendantes Beatum Paulum Doctorem gentium audiamus, qui Philipppensium congregationem & in ea universam Ecclesiam sic exhortatur: *Cum timore & tremore salutem vestram operamini.* Ubi secundum adversionem Divi Chrysostomi non simpliciter dixit cum timore, sed addidit cum tremore qui quidem augmentatio timoris est. D. Thomas deducit tremorem esse effectum timoris. In timore enim fit contractio caloris ab exterioribus ad interiora & ideo exteriora frigida remanent proindeque corripuntur tremore, qui causatur ex debilitate virtutis continentis membra, hanc autem debilitatem maximè efficit defectus caloris, qui est instrumentum quo anima movetur, ut dicitur secundo de anima. In summa, ex timore contractio, ex contractione debilitas, ex debilitate tremor oritur. Suadet itaque Apostolus ut operantes salutem nostram vivamus in timore & non qualicunque, sed vehementi & tali, qui faciat nos ipsos tremere. Quare verò id: salutem suam studiosè procurans cur vereatur? cur ultrices reformidet pænas, qui pro suis laboribus coronam expectat iustitiæ? Dat rationem dicti Apostolici D. Chrysostomus. *Nequit enim, ait ille, fieri ut qui sine timore vivit generosum quid & celebre attentet.* Prosequitur idem Doctor: *dic mihi quis literas absq. timore didicit. Quis artis cuiuspiam peritus factus est absq. timore. Si vero ubi nihil insidiatur diabolus, sed sola socordia interturbat tanto nobis timore opus est ut solam naturalem desidiā vincamus: ubi tantum bellum est, tanta impedimenta, quomodo fieri poterit ut unquam sine timore salvemur?* Concedo libens metum ad omnia generaliter negotia tractanda necessarium esse idque ideo, quia ut infra diceretur, sollicitos nos id est solertes & citos reddit. At quid causæ obsecro ex parte nostra est ob quam in negotio salutis specialiter pavidi esse debeamus. Primo Machabæorum 13. Simon ad sepulchrum fratrum suorum insigne erexit mausoleum, columnas septem circumposuit, super columnas arma, & iuxta arma naves sculptas appendit. Per columnas atque arma citra dubium fortitudinem ac bellicositatem

Timor Domini
ni necessarius
ad salutem.

gositatem fratrum testatus; per naves autem quid intellexit? Navis Symbolum est instabilitatis & fragilitatis humanæ. Esto igitur fratres sui erant bellicosi ac fortes nihilominus casui & fato subiacebant: id navium simulacro notabatur. Monumenti huius ratio & figura non tam ad præteriti temporis gratiam quàm ad totius posteritatis eruditionem spectat. Plurimos recensere possis, qui in Ecclesia Dei columnæ videntur esse, qui tamen naves sunt quæ tentationum & passionum vento huc illucue jactantur. Naves in fluctibus crebro demergi contingit nisi pondere gravi immobiles reddantur; sic & nos nisi timore Dei saburrati simus, infigemur in limo profundi. *Quemadmodum navis sine saburra securi non est: jactatur enim quovis vento nunc hanc nunc in illam partem cum magno periculo; ita periclitatur anima quæ saburræ seu onus timoris Divini non habet*, ait Ludovicus Granatensis auream illam subiiciens sententiam: *Universaliter omnibus timendum est; peccatoribus, quia peccaverunt. justis ne peccent.* Quæ fortior fuit columna Angelò, & tamen hic ad instar myoparonis submersus in profundo lacu infernalis: Adamo? & tamen hic ad unicum flatum, *eritis sicut Dii*, eversus & in Oceanum malorum omnium præcipitatus cum sua universa sobole. David columna fuit; dicebat enim: *non movebor in æternum*, navem nihilominus se probavit ingemiscendo: *Tempestas demersit me.* Petrus, columna: quo etiam encomio in Epistola ad Galatas honoratus & tamen hic etiam naufragium passus. Ad hoc igitur in nobis requiritur timor Domini ne qui nimium instabiles fragilesque sumus, in procelloso vitæ præsentis mari tentationum passionumque vortice absorbeamur & in interitum veniamus.

in Duce peccatorum.

Aliam memoratæ assero necessitatis rationem. Absque operatione salutem adipisci non valemus. Fides enim sine operibus mortua. Quocirca & Doctor gentium ut salutem nostram operemur juxta præmissa præcipit. Metus porro, quia causat sollicitudinem, oppidò movet ad operandum & juvat in operando. Libet hîc Angelicum Aquinatis audire discursum: Operatio hominis exterior causatur quidem ab anima sicut à principali movente, sed à membris corporeis sicut ab instrumentis. Contingit autem operationem impediri & propter defectum instrumenti & propter defectum principalis moventis. Ex parte igitur corporis, timor, quantum est de se semper natus est impedire exteriorem operationem ob caloris abscessum è membris externis: sed ex parte animæ si moderatus sit nec multum rationem perturbans, confert ad bene operandum in quantum causat sollicitudinem quandam & facit hominem attentius consiliari ac operari. Sanè timor Dei facit nos consilia recta inire ad salutem, media conquirere, nec tantum conquirere, sed & exequi. Timor Dei facit nos castos pios sobrios & virtutum omnium studiosos cultores. Quid quæso in fidelibus primitivæ Ecclesiæ illū pietatis nutriebat & conservabat fervorem? timor Dei. Quid eos impavidos ante truces tyrannorum vultus reddebat? timor Dei. quid orationi instātes faciebat? profectò timor Dei. nos ipsos quid aliud traxit è seculo nequam ad securam religionis stationem? equidem timor Dei. Si ergo opera bona ad salutem necessaria sunt, etiam timor Domini omnino necessarius est utpotè summè conducens ad operandum rectè.

Causa timoris Dñi, fides.

Quæsierit aliquis quonam pacto comparatur timor Domini? Respondeo cum

deo cum Doctore Angelico comparari causariq; per fidem ita ut fides informis per quam fit apprehensio de malis pœnalibus quæ justitia Divina irrogare solet, sit principium timoris servilis; filialis autem principium sit fides formata per quam cognoscimus Deum esse quoddam immensum & infinitum bonum à quo deficere extrema sit miseria. Stabilitur responsio hæc in eo quod omnium appetitionum & consequenter timoris fons & origo sit apprehensio boni & mali. Ad hanc Doct: Angelici sententiam aliæ aliorum reducuntur. E quibus Ludovicus Granatensis censet timorem Domini infundi cum charitate, augeri autem & conservari ex consideratione operum justitiæ Divinæ: Alcuinus ex incertitudine judiciorum DEI: Divus Chrysostomus ex consideratione præsentis Divinæ docent procedere eundem.

Alia itē particularis causa timoris Domini.

Opera justitiæ divinæ sunt peculiaris motivum timoris Domini.

Varia pœna Angelis & hominibus irrogata opus sunt justitiæ Dei.

Permissio peccati est opus justitiæ Divinæ.

Peculiare certè motivum timoris Domini sunt opera justitiæ Divinæ. Quis enim tota mente atque artibus non contremiscat recogitans qualiter Deus Luciferum, cui omnis lapis pretiosus ornamentum erat, ob unū superbium cogitatum ad inferos detraxit nunquam amplius in gratiam admittendum: qualiter Adamum cum toto humano genere ob unicum similiter arrogantis peccatum multavit, diluvio totum mundum delet, quinque Civitates igne sulphureo concremavit, Judæos murmuratores peremit. Quis non contremiscat perpendens quomodo in ipsum Filium DEI pro nostris flagitijs Divinus animadvertit rigor. Si hæc in viridi quid fiet in arido. Inter opera justitiæ Divinæ arcem tenet permissio peccati. Non enim major est indignatio Dei quàm si permittat peccare. Idcirco David ob maximum nefas Christicidij non aliud supplicium imprecatur aut verius comminatur Judæis præter maiorem cumulum iniquitatum: *Appone iniquitatem super iniquitatem eorum.* Apoc: 2. pro eo quod Jezabel & ipsa peccaret & alios seduceret impœnitens: *Ecce ego ait Dominus, mittam eam in lectum.* Lectus est peccandi consuetudo. sapè enim, ait Pannonius, justo DEI judicio propter antea facta facinora nec sequenti pœnitentia deleta ruunt in graviora impij: dumque sine metu audacter peccant, quasi in lecto pravæ consuetudinis cubant tradente eos Deo in ignominiam passionis suæ. Quàm vero crebra in mundo peccata sunt, quàm frequens relapsus ac recidivatio? Inprimis enim infidelitas longe lateque diffusa: grex Christianitatis pusillus: ipsam Christianitatem hæreses & schismata repleverunt. Inter catholicos orthodoxam Romanam fidem Apostolico laudatam ore tenentes, crimina sine fine, sine numero. Percurre Civitates Oppida pagos tabernas loca publica privataque & nihil frequentius videbis ut Divinæ offensam majestatis. *Circuite vias Ierusalem & aspiciete & considerate & quarite in plateis eius virum facientem judicium & quærentem fidem & propitius ero ei Ieremiæ 5.* Sane ex tripode videtur esse illud vatis Venusini:

Seditione dolis scelere atq; libidine & ira

Illicos intra muros peccatur & extra.

Ubique locorum: *gens humana ruit per vetitum nefas.* Paucitas quo-

Ex tam crebra porro peccatorum permissione sequitur alius Divinæ justitiæ effectus nimirum paucitas salvandorum. Interrogarunt Dominum discipuli Lucæ 14. *si pauci sunt qui salvantur?* respondit: *Intrate per angustam portam, quia lata & spatiosa via est, quæ ducit ad perditionem & multi sunt, qui intrant per eam. angusta autem porta & arcta via*

que salvandorum opus justitiæ Divinæ.

qua ducit ad celum & pauci inveniunt eam. In veteri testamento multa leguntur paucitatis salvandorum signa. Sub tempus diluvij octo nonnisi homines servati quod figuram fuisse exigui salvandorum numeri afferit B. Petrus in sua Epistola Canonica. Sexcenta millia virorum exceptis parvulis & mulieribuseducta in desertum, & duo tantum terram promissionis ingressi: sicut se habent duo ad sexcenta millia, sic raritas proborum ad multitudinem reproborum. Isaïas pauculis olivis in oliveto remanentibus aut botris finita vindemia lectis comparat electos. *Quomodo si pauca oliva excutiantur ex olea & racemi cum fuerit vindemia finita: hi levabunt vocem suam atq; laudabunt cum glorificatus fuerit Dominus.* Isaïæ 24. sensus est: Ij qui post glorificationem sui levabunt vocem ad laudandum & magnificandum Dominum non plures erunt quàm paucæ olivæ post excussionem in olea relictæ aut certè pauci botri post vindemiationem remanentes. Ex his alijsque comparationibus intelligis veras omnino esse historias quæ passim circumferuntur de minuto salvandorum computo respectu damnandorum. Alijs prætermisissis unam in medium affero ex Doctore Jacobo Carthusiensi excerptam. Eodem instanti quo Divus Bernardus vitam hanc in meliorem cōmutavit, triginta millia hominum fati cesserunt. Ex his duæ animæ beatitudinē cælesti statim præmiatæ, altera Divi Bernardi, altera Decani cuiusdam Longioviensis: tres in purgatorium relegatæ: reliquæ omnes ad infernum præcipitatæ. Onimium formidanda DEI judicia! ex triginta millibus quinque animæ duntaxat salvæ? cui hæc audienti ambæ non tinniant aures? Etiam gentilis Poëta credo equidem instinctu Spiritus Sancti afflatus conformem Evangelio numeris Poëticis inclusit protulitque sententiam:

Pauci quos æquus amavit

Iupiter atq; ardens evexit ad sidera virtus!

Quid igitur inde? scilicet si numerus esset par horum atque illorū magna nobis subesset metuendi ratio: quid dico par? imoverò tanta sunt inferni supplicia ut si unicus tantummodo homuncio ad ea detrudendus esset, adhuc omnes horrere & formidare deberemus; nunc vero cum infinitus sit stultorum numerus, prudentium verò id est secundum rationis legisq; Divinæ regulam viventium tam modica declaretur quantitas; in utramque dormimus aurem, & securi ac à perturbatione timoris quieti vivimus. Demus quòd maxima multitudo hominum in campo esset & vox de nubilo cælo audiretur unum ex multitudine illa hominem fulmine mox feriendum, certè tunc præ timore tabescerent universi: quid verò si mediam partem hominum fulmineo ictu prosternendam audirent? quid item si tertia tantum pars remansura superstes proclamaretur? O nostram malefanam præsumptionem! o fatuam securitatem! en vox ipsius æternæ veritatis detonat paucos admodum ultimi fulminis evasuros impetum, paucos salutis æternæ consortes fore & tamen non magis timore percellimur quàm si carmen aliquod musicum audiremus? an verò nobis infernus levior videtur fulminis ictu, an literæ securitatis à metu gehennæ arcentes nobis singillatim divinitus datæ? an diploma salvationis obtinuimus singuli? cælinè exultaverunt dum quis nostrum nasceretur? itanè verò judicia DEI invertentur & tenor Evangelij, propter te aut illum immutabitur? & demum, nunquid vox de nubi-

de nubibus intonans plus habet de veritate quàm verbum Christi?

Incertitudo iudiciorum DEI facit similiter ut formido & pavor salutaris occupet mentes nostras. *O altitudo sapientia & scientia DEI! exclamat Apostolus, quam incomprehensibilia sunt iudicia eius & investigabiles viae eius.* Augustinus quoque admirabundus & in mentis extasim abreptus: *Magna sunt inquit, iudicia tua Domine & inscrutabilia & profunda quae cum considero contremiscunt omnia ossa mea.* Quo praemisso pergit enarrare iudiciorum Divinorum arcana: *Vidimus multos Domine ascendisse primitus usque ad calos & inter sidera nidum suum collocasse postmodum autem cecidisse usque ad abyssos & animas eorum in malis obstupuisse.* *Vidimus stellas de calo cecidisse ab impetu ferientis cauda draconis & eos, qui jacebant in pulvere terrae à facie sublevantis manus tuae mirabiliter ascendisse.* *Vidimus vivos morientes & mortuos à morte surgentes & eos qui inter filios DEI ambulabant in mediolapidum ignitorum quasi lutum ad nihilum defluxisse.* *Vidimus lucem obtenebrasse & de tenebris lucem processisse, quia publicani & meretrices praecedunt incolae in regno caelorum. filij autem regni eijciuntur in tenebras exteriores.* hucusque Augustinus. *Si & tu (cum quodam magistro spirituali sub fumo) iudicia DEI videres quae nunc sunt in Ecclesia, cernereres stellas de calo cadere, cedros Libani ruere, puriores porphirite tetriores fieri carbonibus.* Videres non unum amabilem Domino Salomonem ad horrendas devolui abominationes. Sanè nemo nostrum scit an amore, an odio dignus sit sed omnia in futurum reservantur incerta; hoc autem non ob alium finem nisi ut serviamus Domino in timore & exulemus ei cum tremore. Nemo scit nostrum an sit vas in honorem an verò in contumeliam sempiternam, an sit de numero electorum, an de numero reproborum quibus omnia cooperantur in malum & ipsa oratio vertitur in peccatum. Quare sicut architectus esto artis suae peritissimus non est securus in sublimi tecto, sed in eo cum metu sua peragit; ita & quicumque nostrum culmen perfectionis attigisse videtur sibi, videat ne eadat, nunquam sit sine formidine.

Iudicia Dei timorem Domini incutiunt.

Lud. Gran.

Insuper ex apprehensa praesentia Divina permovemur ad timendum DEUM. *Dic mihi, ait Divus Chrysostomus, si tibi semper proxime Principem standum esset nonne cum timore adstares.* *Quando comedis vel quidpiam facis cogita praesentem DEUM, adest enim, si cogitationem istam semper habueris, semper in timore eris ac tremore tanquam si prope Regem adstes.* Canticorum 2. assimilatur Dominus capreae, *similis est dilectus meus caprea.* Quare? forsan ob pernecitatem? etiam. Cur item? *Caprea, inquit Pannionius in hunc locum, animal silvestre est quam Graeci vocant Dorcani à dorin græco vocabulo id est à videndo quod perspicacissime videat alijque visum reddat humore quodam intra viscera sua contento.* Capreas tradit Plinius noctu non minus quàm interdiu cernere. *Time, exclamat praefatus author, time oculos capreae.* *Time illum qui per Prophetam dicit: Scutabor Ierusalem in lucernis.* Acuto visu est, nihil inscrutatum relinquit oculus eius. De eo Ecclesia canit: *Speculator adstat desuper, qui nos diebus omnibus actusque nostros prospicit à luce prima ad vespertum.* Et Hipponensis Praeful: *Magna nobis, ait, indita necessitas juste recteque & timorate vivendi, quia cuncta facimus ante oculos iudicis cuncta cernentis.*

Præsentia Divina ad timorem Domini provocat.

In soliloquijs.

Obtendat aliquis: si in continuo metu iudiciorum Dei, in continuo metu pænæ & culpæ essemus; Oreste aut Pyandro timidiore fieremus vitamque nobis ultro abbreviarem. Respondeo cum S. Ambrosio in Psal: iis. Serm: 5. quod non debeat esse irrationabilis timor & quod sicut sapientia spiritualis non est absque timore ita timor sine sapientia esse non debeat: quia nisi secundum scientiam sit tantum abest ut proficiat aliquid ut potius obsit plurimum. Timorem virtuosum non vitiosum suadeo & qui rationem sequatur, non antecurrat nec perturbet. De tali Proverb: 10. dicitur. *Timor Domini apponet dies.* Talis pavor scilicet ratione regulatus ita est necessarius homini sicut anhelitus: ita est necessarius animæ sicut lucerna obscuro cubiculo: ita demum est necessarius cogitationibus malis arcendis sicut ignis arundineti comburendo.

Ergo timete DEUM omnes sancti eius, omnes videlicet servi eius quos fides, quos religio, quos Christiani professio nominis, quos demum sublimior perfectionis status sanctos facit. Timete Dñum, quia Pater est, timete, quia iudex est. Patrē timete amando: iudicem timete pœnas metuendo. *Oderunt*, inquit Satyricus, *peccare boni virtutis amore oderūt peccare mali formidine pœna.* Utrumque nobis congruit ut & formidine pænæ & virtutis amore peccata vitemus. *Nunquam antecedentem scelus deferuit pede pœna claud.* Quia igitur multipliciter peccavimus, impendentem vereamur ultionem & amplioribus eam provocare delictis cessamus. Justo iudicio suo permittit nos DEUS in tot crimina labi, incertum an pœnitentiam acceptavit, ignotum quando filum vitæ abruptet, præsens semper adstat ad vindicanda scelera: o nostram insensibilitatē si hæc pensitantes non expavescimus! *Dij me terrent, & Iuppiter hostis.* quidā Ethnicus furijs agitatus clamabat. Ecce veraciter terret nos Dñus tantis nostris in peccata recidivationibus, terret incertitudine iudiciorum circa nos, terret præsens potentia suæ ad ulciscendum paratæ, terret insuper in Evangelio iudicij sui appropinquantis exponens seriem. Quin itaque contremiscimus? Quod si asperum videtur timere Dominum, quā iustus est, amemus quā bonus est: & charitas velut sardius lapis pellet foras ex corde nostro timorem gaudiumque & exultationem inducet, ut cum universæ tribus terræ pavebunt, nos respiciamus & levemus capita quoniam appropinquavit redemptio nostra.



A B N E G A T I O

P R O P R I E V O L U N T A T I S.

UTi nullum verbum otiose in sacris, ponitur Evangelij, ita & in hodierno non frustra hybemi temporis exprimitur circumstantia. *Facta sunt Encania Hierosolymis & hyems erat.* Frigida hinc Judæorum tanguntur corda quæ calore fidei & amoris in Christum, nullatenus potuerunt, quia noluerunt exardescere. *Frigidi erant*, inquit Augustinus, *& ad ignem divinum accedere pigri erant*: ubi per accedere intelligit credere. At quid quæso Judaicos ita infrigidavit animos imò quid ita

quid ita obstinatos reddidit ut nequaquam ad focum penes quem sacratori flamma incaluisse, voluerint accedere? Non aliud nisi voluntas eorum propria propter quam non erant de ovibus Christi. Oves quippe Christi vocem eius audiunt & sequuntur eundem, non suam sed Pastoris attendunt implentque voluntatem, eò pergunt quo Pastorminat, illud manducant quod pastor apponit, denique tondendæ non se retrahunt, nec balatu vim sibi inferri testantur, sed coram tondente se obmutescunt. Ideò ergò frangebant hoc est non credebant Judæi, quia non erant ex ovibus Christi, ideo non erant ex ovibus Christi, quia non audiebant vocem eius: ideo non audiebant vocem eius, quia suam non Christi quærebant & intendebant voluntatem. Ne & nos ex caula & grege ovium Christi segregemur ob voluntatis propriæ amorem, ad abnegationem ipsius utpotè ingentium malorum authricis adhortabor.

Voluntas, quæ & rationalis appetitus, vocatur propria dum quid ex proprio peculiari & privato motu affectuque appetimus non attendentes quid DEUS quid finitima DEO potestas, quid nostra requirat salus, sed solum, quid nobis libeat. Hæc quantum pernitiōsa sit, docebit voluntatis natura, docebit & scriptura.

Philosophorum oraculum est: *Omne quod quandoq; est in actu quandoq; in potentia, indiget moveri ab aliquo agente.* idcirco cum facultas volitiva eiusmodi sit, omnino eget impulsu extraneo. Movetur itaque ab intellectu proponente sibi obiectum sub ratione boni vel mali: movetur ab appetentibus sensitivis; quia hæ immutant alterantque corpus, & per consequens ipsum animum qua stante alteratione aliud videtur intellectui placetque voluntati quam alias videretur placeretque. Movetur à se ipsa. Quia enim vult finem, impellit seipsam ad requirenda ea quæ conducunt ad finem. Porro motores hi suspecti, imò nimium culpabiles sunt. Intellectus multis obseptus tenebris, materialitati immersus, nihil valens cognoscere nisi quod cognoscendum sensus ingesserit. Plerumque pro reipsa umbram, pro veritate falsitatem, pro bono malum, pro reali apparens repræsentat. Appetitio sensualis nihil suadet præterquam quod sensui conveniens ac delectabile creditur. Sensualibus desideriis ac passionibus perturbata mens est quasi speculum convexum inversas rerum imagines exhibens. Si in splendentis cochlearis inferiori parte speculatus teipsum fueris, faciem deorsum, pedes sursum totamque corporis structuram situ inconvenienti videbis stantem: sic & in animo sensitivis æstuante appetentibus quidquid videris, inversum videbis: malum apparebit bonum, id quod omitti debet, agendum videbitur, quod nocivum est velut salutare repræsentabitur. Ipsa voluntas, quia libera, quia domina suorum actuum, propter naturæ lapsæ corruptionem, potius ad malum quam ad bonum nata est seipsam movere. Et licet ei intellectus dono Spiritus Sancti fultus & scripturis illustratus recta proponat, nihilominus eligit illicita ut vix inveniri inter homines queat qui non ingemiscat: *Videō meliora probōq; deteriora sequor.* Ancillam dominari & dominam ancillari magna abusio est: hæc tamen abusio frequens in homine dum ratio subter voluntatem non voluntas subter rationem jacet. Hi sunt motores facultatis nostræ electivæ: his solis adiuta voluntas & altiori firmiori regimini se non submittens, est sicut navis absque gubernaculo inter fluctus: est sicut puer absque pæda-

Natura voluntatis.

Kkk

gogo in-

gogo inter petulcos: est sicut arundo absque fulcimento inter ventos. Navis carens gubernaculo mergitur fluctibus: puer absque pædagogo colliditur insolentiâ coævorum: arundo ventorum flatu in hanc & illam partem flectitur nisi pedamento alligata sit. Pariter & voluntas nostra nisi ad DEI voluntatem velut ad gubernaculum regulam & statumen se referat alligetur, mergetur in passionum fluctibus, collidetur in temptationibus, nunc hanc nunc in illam flectetur instabilis partem in electionibus. Sed ad scripturam veritatis firmamentum inoffenso pede transeamus.

Judicium 4to: Debora imperatorios ducendi exercitus adversus Sisaram Principem Jabin detulit Baraco fasces his affata accersitum: *Præcepit tibi Dominus. Vade & duc exercitum in montem.* Barac metum oneris an reverentiâ Deboræ tergiversari, reluctari, frontem fricare: ac tandem promittit se pariturum, sed nonnisi ea lege si simul & Debora sequeretur castra. *Si venis, inquit, mecum vadam. si nolueris venire non pergam.* Cui Debora: *Ibo quidem tecum, sed hac vice victoria non reputabitur tibi.* Hebraica & Chaldaica versio habet: *Vere tamen non erit gloria in via qua graderis.* Abulensis pro gloria ponit pulchritudo. Cur verò ô Debora Baracum à Deo ductorem populi electum excludis à victoria? cur gloriam cladis hostibus jam jamque inferendæ alteri adscribis? Ergone Barac indignus triumpho? ille, ille dux populi israelitici: ille cuius vestigia, tuo ipsius post victoriam præana canentis testimonio, Duces Isachar secuti sunt: ille qui quasi in præceps ac balthrum sese discrimini dedit: ille demum qui Sisaram insecutus, plane manu sua interemit nisi Jahel prævenisset. Quid quæso gloriam & pulchritudinem ex fuis in arena martiali hostibus eripuit Baraco? quid triumphale ipsius caput lauro coronari vetuit? Iachelnè Sisaræ temporata clavo terebrans? atqui jam ad internecionem deleta fuit hostilis potentia: jam Sisara ipse infami fuga sua victum se fatebatur antequam per muliebrem occubuisset manum. Aliud est quod Baraco in tanta gloria & pulchritudine aspersit labem; nimirum voluntas propria. Si incunctanter obedivisset Deboræ, si remoras & condiciones non adhibuisset; victor, triumphator gloriosus fuisset proclamatus. Sed quia non alienam at propriam fieri institit voluntatem, nolens aliter ad bellum proficisci quàm comite Debora; idcirco splendorem triumphi non meruit. *ideò Barac victoria non adscribitur, quia propriam admisit voluntatem.* ait quidam. Ubi vulgata habet. *Non reputabitur tibi victoria.* 70. transtulerunt. *Non erit tibi felix successus.* ad rem sanè. *Quæ enim ex propria voluntate sunt, plerumq; exitus infelices habent.* Hic mihi in mentem venit quod Joannis 21. scribitur. Discipuli tota nocte laborantes nihil prendiderunt. quare? nunquid tenebræ nocturnæ impediabant? at serenissima splendentis lunæ claritas piscantibus favebat. Nimirum non missi, non jussi: sed ex proprio libitu se ad piscationem receperant. Quod porro ex obedientia fit, ait Maldonatus, prospere fit: quod autem proprio judicio, propria voluntate, successum non habet.

Quid hæc inquietis ad nos? Multum profecto. Debora quæ & apis, religionem significat. Barac quia fulgur, mysterio nominis sui subditum religiosum designat, qui scilicet velut fulgur velox esse debeat ad mandata

Voluntas propria non habet gloriam.

Joannes Freire

Nec prosperos successus.

mandata Superioris peragenda. Si itaque Debora, si religio in superioris persona injungit aliquid: si jubet, vade: tu verò neccis moras, conditiones apponis, excusationes obtendis, scito quia quæcunque tandem feceris esto heroicis tibi videaris fecisse actus, tamen nulla tibi inde victoria, nulla gloria, nulla pulchritudo, imò verò magna confusio & macula superveniet. Quam enim laudem, quod decus speres, si Superior præcipit vade: tu sedes aut decumbis? si superior mandat: perge cum reliquo exercitu Divino cum alijs commilitonibus ad montem ad chorum ad laudes DEI; tu interea aut expatiaris, aut fingis tibi ex proprio cerebro occupationes? quis inde tibi honos, si præpositus hoc vel illud officij, aut negotij imponit: tu neglecto eo quod impositum erat, ea arripis quæ propria suadet voluntas? Nosce Barac, quia ex tuis quæ ductu motuque proprio operaris exercitijs non lucraberis gloriam æternam, sed nec temporalem quidem; pulchritudinem palmæ cælestis non acquires, sed & rebus tuis reflabit fortuna. Justè reprehenditur Barac, justè exuitur gloriâ omni, quia tantum suam exequitur voluntatem non Debora, non Religionis, non Superioris, non DEI, ac si plus saperet alijs, acsi cæteri omnes errori obnoxij essent, ille non.

Tolerabilior esset voluntas propria, si tantum gloriæ deflorationem successusque infelices secum duceret, nisi & aliorum plurimorum malorum examine stiparetur.

2. Ad Timotheum 2. Apostolus præfago spiritu vaticinium edidit eiusmodi: *Erunt inquit, in novissimis temporibus homines seipso amantes cupidi elati superbi blasphemi parentibus non obedientes immites sine benignitate proditores protervi tumidi voluptatum magis amatores quàm DEI habentes speciem quidem pietatis, virtutem autem eius abnegantes.* Novissima tempora sunt ea ipsa in quæ devenimus. Homines seipso amantes sunt, qui sibi ipsis bene volunt, suo indulgent genio, propriam voluntatem in nihilo lædi patiuntur. Amor proprius & voluntas propria aut idem sunt aut unum sine altero reperire non est. Si amor Domini in custodia mandatorum eius consistit: amor itaque sui ipsius in observatione ac executione imperiorum propriæ voluntatis erit. Jam quantas hoc monstrum parturit pestes! Cupiditas, elatio, superbia, blasphemia, inobedientia, ingratitude, morum profligatio, inhumanitas, bella, criminationes, incontinentiæ, iræ, durities cordis, proditio, protervia, tumiditas, voluptatum amor, demum hypocrisis, ex voluntate propria velut ex fonte rivi scaturiunt. Quare iste vel iste cupidus, quare elatus, superbus, blasphemus, inobediens, ingratus, scelestus, quare sine pace, quare criminatorem durus protervus tumidus voluptatum sectator? in promptu causa est, quia sui & suæ amator voluntatis. Hoc unicum fundamentum est, cui tota iniquitatis structura quam ob oculos posui, nititur. Tolle fundamentum & muri corruent Hierichontini. Nec mirum si voluntas propria tanta progerminet mala cum obicem ponat Divinæ bonitati nè salutiferos in corda nostra roret influxus. Tempore eclipsis, quia inter solem & lunam terra interponitur, plurima in sub-lunaribus causantur mala. Voluntas propria inter solem justitiæ & hominem instar lunæ varijs subiectum mutationibus mediam se interponit: quid mirum proinde si salutare radij ad nos non pertingant & per consequens pessima ac nocentissima vitiorum seges in nobis exuberet. *Voluntas*

Stipatur multis vitijs.

Quia dividit inter Deum & hominem.

luntas hominis murus est areus dividens inter ipsum & DEUM, aiebat Abbas Pastor in vitis Patrum. Et quidam Magister spiritus: voluntas, inquit, media est inter te & DEUM, quanto vicinior es tibi tanto longius à DEO distas per amorem tui ipsius. Jam itaque miraculum non est si velle proprium factus fatentissimos ab Apostolo enumeratos producat, cum obstaculo sit ne DEUS derivet in nos gratiarum suarum munera. Cur verò appetentia nostra dividat inter nos & DEUM, autoritate non contenti rationem ut video exposcitis. Præsto est ex Doctore Angelico: Velle Divinum, quia primò & per se respicit supremam bonitatem DEI quæ est ultimus finis noster, mensurat regulatque voluntatem nostram: quod enim primum est in aliquo genere, habetur pro mensura omnium, quæ sunt eiusdem generis. Porro voluntas propria non conformatur huic mensuræ, sed potius seipsam statuit sibi pro fine pro mensura pro regula: atque idcirco nihil rectitudinis in se continet. quandoquidem unumquodque bonum & rectum constituitur per hoc quòd propriam attingat mensuram. Ad rem: voluntas propria, non regitur, non mensuratur voluntate Divina. igitur non jungit hominem cum DEO; satis dividit inter utrumque. Si dividit, impedit influxus Divinos; hoc autem si impedit, innumeris miseram animam involuit peccatis. Qui itaque sui ipsius suarumque amans fuerit inclinationum, necessario erit cupidus elatus, superbus, blasphemus, inobediens, incontinens, rixosus, denique non sceleratus, sed scelus erit, non vitiosus sed vitium.

Si monita hæc mea quantumvis scripturarum robore stabilita parum movent, audiatur D. Hieronymus, qui Rusticum & in eius persona unumquemque instruens Monachum has tradit præceptiones. Nulla ars absque Magistro discitur. Etiam muta animalia & ferarum greges ductores sequuntur suos. In apibus principes sunt. Grues unam sequuntur ordine literato. Imperator unus. Judex unus provinciarum. Singuli Ecclesiarum Episcopi, singuli Archipresbyteri, singuli Archidiaconi & omnis ordo Ecclesiasticus suis rectoribus utitur. In navi unus gubernator, in domo unus dominus, in quamvis grandi exercitu unius signum expectatur. Et ne plura replicando fastidium legendi faciam, per hæc omnia ad illud tendit oratio ut doceam te non tuo arbitrio dimittendum, sed vivere debere in Monasterio sub unius disciplina Patris confortioque multorum, ut ab alio discas humilitatem, ab alio patientiam: hic te silentium, ille doceat mansuetudinem; non facias quod vis: comedas quod juberis: vestiare quod acceperis: operis tui pensum persolvas: subijciaris cui non vis: lassus ad stratum venias: dicas psalmos in ordine tuo: servias fratribus: hospitum laves pedes: passus injuriam taceas: Præpositum Monasterij timeas ut Dominum, diligas ut parentem: credas tibi salutare quidquid ille præceperit, nec de maiorum sententiâ judices. Egregia sanè instructio quæ singuli claustralium actus ordinate digeruntur & potissimum voluntatis propriæ abnegatio commendatur.

Audiantur & Aborigenes nostri antiquiores. Anachoretæ, qui in Capitulo suo illud placitum condiderunt: Si videris juvenem voluntate sua in cælum ascendere, tene pedem eius & projice in terram, quia non ita expedit ei.

Uno pede cælum altero infernum petere: uno oculo sidera altero terram tueri impossibile: sic impossibile & Divinæ & propriæ famulari voluntati.

Alciatus

*D. Hieronymus
suadet clau-
stralibus abne-
gationem vo-
luntatis pro-
priae.*

*Suadet & an-
tiqui Anacho-
ritæ.
In vitis PP.*

Simile.

Alciatus juvenem formosum pinxit, qui sinistrâ alatus cælos scandere tentaret: manu verò dextra tenens lapidem gravaretur deorsum. Subscripsit distichon:

*Dextra tenet lapidem, manus altera sustinet alas.
Ut me pluma levat: sic grave mergit onus.*

Hieroglyphicō

Nullum gravius onus quàm proprium arbitrium: esto jam cælos attigisse & inter sidera nidum collocasse videaris deijciet te & ad tenebrosam inferni abyssum præcipitabit. Nimîrum opus omne ex proprio placito elicitum, tantum abest ut elevet hominem ad cælum, ut potius ipsum ad infernum deprimat, esto ad apparentiam videatur homini penas quibus sursum evolet applicare.

Voluntati Divinæ non conformari impium est, inquires: at voluntatis creatæ cum hæc plerumque exerret non est cur imperia rejci nequeant? Itaque quidem, sed Superiorum voluntas, interpretis est voluntatis Divinæ. Deinde si Præpositus errat, suo non tuo errat malo. tuum semper est obedire ad quem spectat illud: *Audi Israel & tace.*

Præoccupatio

Valentiora forsitan ex nobis ipsis ad abnegationem voluntatis propriæ accipiemus illicia.

Non possumus aliter vocationi nostræ respondere nisi velle nostrum abnegemus. *Qui sequitur me*, ait Christus, *abneget semet ipsum.* Non sua sed seipsum, hoc est judicium proprium & voluntatem propriam. Sequela Christi absque hac nequit esse abnegatione. Cum itaque vestigijs Christi insistere vitamque eius æmulo studio in nobis exprimere & conformes fieri imaginis ipsius juraverimus, voluntatem propriam oportet eiuremus. Deinde votum obedientiæ quod inter cætera principem tenet locum, absque præfata abnegatione nunquam implebitur. Cui enim cuncta ex animi sui sententia libet agere, illi aliena surdis excipit imperata auribus. Insuper discipuli crucis sumus & in gymnasio patientiæ studemus: non proficiemus, si voluntatis propriæ prædominio impediamur. hæc enim verò nihil nos finit adversitatis æqua sustinere mente, nihil convitij pati, nihil molestiarum tolerare. Omnis scilicet amator sui velle, cupit esse delicatus Martyr & sub spinoso Capite molliter ac tenerè tractari. Accedit, quia passiones frænare ac rationi subjugarestrarum partium est nostræque militiæ peculiare officium: porro epireasmus hoc est impedimentum propriæ voluntatis atrocissimam iræ passionem vel maximè excitat: abnegata itaque illa non tantopere ad stomachandum propendebimus. Sed & ab alijs affectionibus præcipuè ad fugam mali natis, remotiores erimus. Non enim quidquam timebimus aut dolebimus, si indifferentes atque in alterutram partem resignati simus.

Inductiva ad
abnegationē
voluntatis pro-
priæ.

à statu Reli-
gioso.

Caret tibi pectus inani


*Ambitione? caret mortis formidine & ira:
somnia, terrores magicos, miracula, sagas,
Nocturnos lemures portentaq; Thessala rides.*

Denique qui ad perfectiorem ideoque securiorem vocati sumus statum, non aliter extra periculum damnationis æternæ vivemus nisi singularitatem appetitus nostri rationalis abdicemus. *Si cessaret propria voluntas cessaret infernus*, ait Thomas à Kempis. Berovius de quodam Religioso ad annum Dñi 1566. refert quòd in articulo mortis constitu-

tus monitusque ut Sacramenta perciperet: nil opus est inquit: non feci quàm quod volui. hæc est causa damnationis meæ.

Igitur si de hostibus nostris triumphare, si prosperos experiri progressus, si deformium vitiorum expertes esse cupimus: si quis amor professionis: si quod studium perfectionis: si qua laus disciplinæ & patientiæ: si qua salutis cura, nudemus voluntatem nostram à proprijs applicationibus. Sic nudata, erit velut tabula rasa cui divinos Spiritus S. inscribet characteres: erit velut concha vacua cælestibus apta irrorationibus: erit velut aurum pretioso charitatis Divinæ unioni recipiendo peridoneum: demum, ut simpliciter loquar, erit nota per quam vera ovis Christi designetur. Signat pastor oves ut cognoscat suas. Nulum aliud in nobis convenientius signum dari potest esse nos de ovibus Christi, quàm si non nostram voluntatem faciamus, sed Christi voci obediamus. Vota Religiosa si ad anagramma trahas, reddent sententiam: *Ovis ore ligata*. Qui vota Religiosa Domino vovimus, sumus velut oves ore ligatæ: nec solum ore, sed & voluntate, ut ad ea quidem quæ

dulcis vox Magistri & Servatoris nostri imperat expediti stemus; ad ea verò quæ propensionibus nostris placent, vincti jaceamus. Hinc cognoscemur esse oves Christi ab hædis in die judicij segregandæ & in loco pascuæ cælestis collocandæ.



PARS



P A R S III.

IN QUA RELIGIOSORUM VIRTUTES
COMPREHENDUNTUR & SUADENTUR.

P Æ N I T E N T I A

Nihil certius est quam statum Religiosum, statum esse pœnitentiæ. *Adversus V. Monachus, officium, inquit S. Hieronymus, non doctoris sed plangentis habet.* Albertus Magnus in libello de adhærendo D E O postquam definivisset pœnitentiam esset abstinere à licitis cum de illicitis venia postuletur, subiicit statim: *Ideo unaquæq; Religio est status & locus pœnitentiæ, quia in eo Religiosi reram etiam licitarum usum sibi interdiciunt ut carnum, vestium mollium, pecuniarum, conversationis, damnantque seipsos & castigant jejunijs, disciplinis, humicubationibus, cilicijs, silentio & idgenus alijs mortificationibus.* In decretalibus quoque, Ecclesiasticus excessivus ad Monasterium velut ad locum pœnitentiæ detrudi jubetur. Cum igitur omnes fideles ad pœnitentiam his ante Natalem Christi prævijs diebus frequenti admonitione urgeantur: *Fratres hora est jam nos de somno surgere. Agite panitentiam. facite fructus dignos panitentia;* nos regulares nunc vel maximè in ea virtute exercitari tenemur. Accedo votis Ecclesiæ & qui Lazarus sum in sepulchro vitiorum fætens, officium Joannis ad pœnitentiam exhortantis implere cum DEI auxilio exopto.

Pœnitentia, virtus ad detestationem peccati movens duo requirit, præterita peccata plangere & plangenda non committere. Hinc rectè confertur cum Jano bicipiti, qui inter inirium anni sequentis & finem antecedentis positus eodem vultu tempus utrumque respiciat, præteritū & futurum. Ita enim & verà pœnitentia præterita æquè ac futura peccata prospectat, illa ut acri dolore emendet, hæc ut diligentissime caveat. Falsa aut nulla pœnitentia est si cum dolore propositum vivendi integrè, haud fæderetur. Vix pœnitentiæ nomen, fructum certè nullatenus sortiri potest dolor ille, qui brevè excipitur imò expellitur à peccato. *Qui baptizatur à mortuo & iterū tangit mortuum, quid prodest lotio illius?* Inanis est pœnitentia quam sequens coinquinat culpa: nec profunt lamenta si iterentur peccata. Vocatur secunda post naufragium tabula eò quod sicut naufragus absq; ministerio tabulæ: sic lapsus omnis absq; adminiculo pœnitentiæ salvari nequit. Necessitatem eius clarè adstruit scriptura: *Nisi pœnitentiam egeritis omnes simul peribitis.* Et Eccle: 2. *Si pœnitentiam non egerimus incidemus in manus Domini & non in manus hominum.* Achab Rex impijssimus postquam cum Jesabele non tam conjugio sibi quàm crudelitate conjuncta, vineam Nabuthæ cruore possedisset, mox Helix increpatione corripitur in hunc modum: *Hæc dicit Dominus, oc-*

Ludov: Gran:
Dmca 31a.
Adventus.

Necessitas
panitentia.

cidisti & possedisti: & iterum: In loco in quo linxerunt canes sanguinem Nabutha ibi lingent sanguinem tuum & carnes Iesabel canes comedent ante muros Iesrael. Quod cum audisset Achab, scidit vestimenta sua & posuit saccum super carnem suam jejunavitque & dormivit in cilicio. Factusque est sermo Domini ad Eliam dicens: Quoniam reveritus est Achab faciem meam non inducam malum in diebus eius. Unum scelus
Ad Rusticum. *Achab & Iesabel (ait Hieron:) & tamen conversi ad penitentiam Achab pena differtur in posteros & Iesabel in scelere perseverans presenti iudicio condemnatur: ac si diceret: Non potuit Iesabel poenam comminatione Divina decretam evadere, quia non poenituit. si poenituisset, evasisset. Achabum servavit poenitentia, impoenitentia Iesabelem damnavit. Nisi & Ninivitarum poenitentia egissent, dispeream si non perissent. Inde est quod impoenitentes tanquam desperati & qui sibi ipsis impossibilem fecerunt salutis consecutionem planctu amaro utpote mortis æternæ mæcipia desunt in scripturis. Plangebat Samuel Saulem, quia superbix vulnera poenitentia medicamine non curabat. Lugebat Paulus Corinthios, quia fornicationis maculas lachrymis delere volebant. Flevit Christus ipse super Civitatem Hierusalem quod non egisset poenitentiam. Plangit & Hieremias populum in duritia cordis perseverantem, dicens: Quis dabit capiti meo aquam, & oculis meis fontem lachrymarum, & plorabo populum istum per diem & noctem. Cur autem plangat & desolat sequenti sermone demonstrat: Nolite flere mortuum neque plangatis eum. flete planctu, qui egreditur quia non revertetur ultra. Super quæ verba ait Doctor maximus. Nequaquam igitur gentilis plangendus est & Iudeus, qui in Ecclesia non fuerunt & semel mortui sunt, sed hi, qui per scelera atque peccata egrediuntur de Ecclesia & nolunt ad eam reverti damnatione vitiorum. Michæas quoque lamentatur: Super hoc plangam & ululabo, vadam spoliatus & nudus faciam planctum velut draconum & luctum velut struthionum, quia desperata est plaga populi mei. Ezechiel librum devorat scriptum intus & foris: carmine, planctu, & væ. Carmine, super laude iustorum; planctu, super poenitentibus; Væ super his de quibus scriptum est: Cum venerit peccator in profundum malorum, contemnit. hoc est super desperatis & impoenitentibus. Væ talibus scriptum est, æternæ damnationis inevitabile decretum contra eos digito DEI exaratum. Salutis nulla spes, ubi poenitudinis nulla res.*

Triplex tempus & locus poenitentia.

Triplex tempus & locum assignavit Divina providentia in remunerandis bonis actibus larga, in puniendis malis iusta, triplex inquam assignavit tempus & locum castigandis peccatoribus. hic, in purgatorio, in inferno. Qui ergo hic per spontaneas satisfactiones & poenalitates peccata sua abolere non studuerit, illa infallibiliter vel in purgatorio si parva vel in inferno si gravia, infructuosa satisfactio compensare necesse habebit. Asserti huius evidens in Davide argumentum. Peccavit hic quod solent Reges, peccavit fastuosa exercitus supputatione: dirigitur ad ipsum vates cum nuntio tali: dat tibi Deus optionem ut quam malis eligas poenam, aut 7. annis famem aut tribus mensibus vindictam inimicorum, aut tribus diebus pestilentiam. Per septennium famis signatur infernus, in quo septem plagis novissimis quibus consummata est ira DEI, afficientur damnati; & septē phialas plenas iræ DEI effundent nec effundere cessare cess-

dere cessabunt Angeli in damnatos. Denique & S. Hieronymus dicit abolum habere *septem hebdomadas ad perditionem*, (hebdomada perinde est coram DEO atque annus) quos Dominus observari jusserat ad salutem. Per trimestre bellum, pœnæ purgatorij figurantur quod ad eas destinantur illi qui quidem pro peccatis suis condignam non exegerunt pœnitentiam, perstiterunt tamen in professione Sanctissimæ Trinitatis & trium theologicarum virtutum exercitio, ideoque harum merito ad tres solum pœnarum menses deputantur. Per triduum pestilentia designatur præsentem temporalis afflictio vel immissa à DEO, vel voluntariè juxta confessarij impositionem adimpleta. Necesse est ergo unumquemque puniri pro suis peccatis vel in inferno, vel purgatorio. vel tandem hic, ubi solum est locus pestilentia obnoxius, hoc est, morbis contagionibus infectionibus varijs tam physicis quam moralibus: vel hic inquam per tres dies, spatium utique brevissimum & per quod ob fidem formatam in Sanctissimam Trinitatem possimus ad quartam seu octavam cælestis beatitudinis pervenire lucem. Quis verò tam demens, qui non eligat brevissimum ad peragendam fructuosè quia liberè pœnitentiam tempus? qui non eligat punire in se momentaneo temporis lapsu quod æternis cruciatibus vindicandum esset.

Ad Demetri-
adem.

Inductiva.

Ad pœnitentiam forti nos urget impulsu & explicata eiusdem necessitas & alia nimium ponderosa incitamenta. Infinita inprimis Divinæ maiestatis inhonoratæ dignitas. *Pescare*, inquit S. Augustinus de contritione, *est DEUM inhonorare quod homo facere non debet etiam si necesse esset perire id totum quod DEUS non est.* Tormentorum item peccatis debitorum immanitas ac diuturnitas de quibus percontatur Isaias. *Quis poterit de vobis habitare cum igne devorante aut quis habitabit ex vobis cum ardoribus sempiternis?* Et verò quæ aut quanta tormenta illa quæ ipsa increata iustitia per ministros dæmones in perpetuas æternitates irrogabit? *Pœnas dabunt*, inquit Apostolus, *in interitu æternas à facie Domini & à gloria virtutis eius.* Pœnas inquit, dabunt damnati quales illas? æternas in interitu. O pœnæ! heu quantæ? quam magnæ? hoc solo nomine infandæ, quia æternæ? quid verò quod æternæ in interitu? quod à virtute Domini, ab ipsa omnipotentia DEI in maledictos exercitæ? *Pones eos*, ait Propheta, *ut clibanum ignis in tempore vultus tui.* In tempore vultus Divini, scilicet iracundi, erunt iniusti omnes ut clibanus ignis partim à confusione quam subibunt, partim ab igne quem patientur. Ignis ex filice aut ligno excussus quantam vim habet, ut eò tormentum maius inveniri non possit? Quid verò ignis à DEO ipso procedens, ignis à furore Domini accensus? devorabit impios, in æternum tamen eos vorabit. Neque vero peccatum à tergo duntaxat habet pœnas in futuro nimirum seculo sustinendas: habet insuper anteambulones suos scilicet supplicia vitæ præsentis quæ passim perditis & facinorosis hominibus infliguntur absque nostro quidem periculo, sed non absque nostro documento. Monemur enim quanta sit peccati atrocitas cui exquisitos cruciatus etiam creatæ rigor iustitiæ imponit. Huc illud Lyrici:

2. Thessalon: 1.

*Te semper anteit sæva necessitas
Uncos trabales & cuneos manu
Gestans ahena: nec severus
Uncus abest, liquidumvè plumbum.*

M m m

Accedit

S. August. de
Contr:

Ad Marcum
Presbyt. Ce-
leden:

Exempla.

Ad Eustochiū.

Accedit peccati feditas quæ sola si cætera deessent sufficeret ad absterrendos nos à reatu culpæ incurrendo. *Mors & tormenta qualibet non sunt comparabilia cum peccato. Tormenta enim in se facta non sunt at peccatum in se habet feditatem & cum hac trahit eternam infelicitatem. Magis ergo vitanda est peccati feditas quam tormentorum immanitas quia homo in peccando fadissima perversitate preposuit se Creatori suo quo nihil iniustius, sed in tolerando tormenta, ordine præpostero subiecit se creatura Creatori suo quo nihil justius.* His motivis retrahebat se à peccato & iniustitia solidabat David propter quod aiebat: *Abyssus abyssum invocat*, hoc est, abyssus feditatis peccati ducit ad abyssum & inscrutabilem quandam voraginem ac barathrum tormentorum. Taceo innumeros alios ad pœnitentiam impellentes stimulos, qui à magistris spiritualibus copiose recensentur. Nos certè Religiosos ipse pœnitentiæ status in quem conceptis verbis juravimus, ipse pœnitudinis habitus quem assumpsimus & capitis per tonsuram quædam decalatio perimovere debet ad continuos ejusdem virtutis actus. *Catena sordes & coma non sunt signa diadematis sed fletus*, ait S. Hieronymus, per hoc innuens unumquemque Monachum ideo vestitu vili & catenulis loco cinguli circumdari barbamque promittere ut sciat se in luctus non in gaudij manere domo, nec Regum jucunditatibus, sed parentantium mærori & squalori studere debere. Quid si ante oculos nostros tot sanctorum ponamus historias, qui in rigore pœnitentiæ membra sua quæ sunt super terram sine ulla intercapedine mortificabant? Divi Institutoris nostri vita quid nisi continua fuit pœnitentiæ disciplina: imò continuum martyrij genus quem asperitas mueronatae vestis usque ad sanguinem cruciabat. Principem propositi sui secuti omnes longo ordine Anachoretæ omniaque Eremitarum examina è quibus in multis eo usque ascendit vitæ austeritas, ut alij in sepulchris jejuni, insomnes, & ante fatum præmortui clauderentur ut D. Antonius: alij in columna excelsa diebus ac noctibus in pluvij cælique quibusvis injurijs, rodentibus etiam atque de exeso ac putrido corpore bullientibus vermiculis stupendum Orbi spectaculum steterint ut Stylites: alij inaudito stratagemmate truncum quercinum excavatum sepibus cinctum & paliuris atque arundinum aculeis confixum coronâ lignea quaternis lapidibus hinc inde pendentibus gravata onerati inhabitarent ut Zoerardus. Quid memorem Vadium, à cuius nomine in Pannonia condita Civitas, de quo vetusti annales nostri testantur eum toto vitæ tempore omnibus pretiosis & delicatioribus abstinuisset ac in arctissima pœnitentia permanisset. Quid D. Hieronymum? quem præterire nequeo, cuius de seipso testimonium auscultare libet: *Sedebam*, inquit, *solus qui amaritudine plenus eram.* Horrebant sacco membra deformia & squalida cutis situm Æthiopica carnis obduxerat, quotidie lachryma, quotidie gemitus, & si quando repugnantem imminens somnus oppressisset nuda humo vix ossa harentia collidebam. De cibo verò & potu taceo cum etiam languentes Monachi aqua frigida utantur & coctum aliquid accepisse luxuria sit; subditque quod ob metum gehennæ tali se carcere damnaverit. Nolo in medium producere densissimam extra Eremiticum institutum, Professorum admirabilis pœnitentiæ nubem, ne dum emulationem suadeo, fastidium generem. Claudat agmen sexus infirmior. Fabiola nobilissima Romanarum,

narum mulierum è vetusta Fabiorum gente procreata, quia iustis de causis separata à marito alteri per ignorantiam legis, fœdere connubiali se copularat ita pœnituit ut sacco induta publicè errorem fateretur: & tota Urbe spectante ante diem Paschæ in basilica quondam Laterani staret in ordine pœnitentium Episcopo Presbyteris & omni populo collachrymantibus: sparsum crinem, lurida ora, squalidas manus, sordida colla submitteret. Aperuit cunctis vulnus suum & decorem in corpore cicatricem flens Roma conspexit. Tanti dux fœmina facti! Taidem quoq; si placet ut speculum pœnitentię inspiciamus. Hæc in arctiori inclusa cellula nec in cælum oculos levabat, nec ulla alia precatiuncula utebatur præterquam illa: *Qui plasmasti me miserere mei.* tota in lachrymis, tota in luctu; quo pretiosissimum thalamum & inexplicabiles delicias in regno cælesti consecuta. Qui exoptamus præmium, imitemur exemplum. *Tempus lugendi, tempus ridendi,* dixit Ecclesiastes. Quanquam verò totum vitę nostrę spatium sit lugendi tempus, potissimum tamen hi dies quibus veneranda Natalis Christi festa prævenimus. Non modo Ecclesiæ sanctæ adhortatione verum & Religionis nostrę monitis ad peculiare pœnitentię movemur actus dum nobis jejunia, vigilię nocturnę, disciplinę, mortificationes publicę & privarę, stricti silentij custodia, psalmorum ad pœnitentiam spectantium devota recitatio vi statutorum commendantur. Faciamus ergo dignos pœnitentię fructus: dignos hoc est proportionatos peccatis nostris. Peccasti carne, carnem macera; superbia intumuiisti, humilitatem sectare; linguam in sermones otiosos, detractorios, maledicos, lasciviam resipientes solvisti, strictissimo eam condemna silentio: inobediens ac in tuo sensu pertinax extitisti, captiva intellectum & voluntatem tuam in obsequium. Denique contraria curentur contrarijs, graviora gravioribus plectantur pœnis. Impudicitiam, detractionem, criminationem, contemptum profectus spiritualis, socordiã in Divinis unicã precatiunculã velle abolere non est dignus pœnitentię fructus. Agamus igitur, repeto quod jam monui, agamus dignos pœnitentię fructus, dignos ob acerbitatem doloris, dignos ob firmitatem propositi, dignos ob æquam satisfactionis mensuram. Ficum quidam misit alteri cum adiecto Laconico epistolio: *Mitte non promitte.* Ficus vix folia emittit, cum coctana generat; non spem fructuum, sed fructus ipsos producit. Perstringuntur hoc symbolo, qui pœnitentiam & rectè agendi studium in aliud atque aliud differunt tempus cum ignorent, quid superventura pariat dies. *Sera nimis vita est crastina, vive hodie.* Cras, cras, & cur non hodie finis turpitudinis meę, dicamus cum Augustino. Laxemus cum eo habenas oculis nostris in secreto anguli ut prorumpant flumina lachrymarum. Voce fletu gravis & singultibus verba frangentibus Davidicum miserere non tam promamus quam gemamus: *Miserere mei DEUS secundum magnam misericordiam tuam, dele iniquitatem meam; amplius lava me Domine & à peccato meo munda me.* Ego vero non tantum fugiam deinceps vias pravas, sed etiam docebo iniquos vias tuas ut impij ad te convertantur. Heu peccatum, nomen horrendum, res detestabilis, nullo modo comparabilis. Domine mi esto ego admisi unde damnare potes tamen tu non amisisti unde salvare soles. Conscientia quidem mea meretur damnationem pœnitentia non sufficit ad satisfactionem, misericordia tamen tua superat omnẽ

In vita eiusdẽ

S. August. de
cordis contrit:
& pluribus in
locis.

offensionem. Parce ergo supplicanti. Latro sum, utique latronem exau-
disti: hostis tuus sum, utique pro hostibus oravisti: peccator sum uti-
que in amplexus peccatorum brachia tua in cruce expandisti. Sic, sic
pœnitentibus, sic instar columbæ gementibus aderit ac suffragabitur im-
maculata columba Virgo pijsima nostrosq; gemitus promovebit. Quam-
quam enim hæc dum de peccatis agitur non est memoranda nec unquam
Lazari scopa eguit, *nihilominus peccatores non abhorret sine qui-
bus nunquam foret tanto clara filio.*



H V M I L I T A S.

CRastina festivitas quam Deo propitio celebrabimus, humilitatis ma-
gisterium est. Virgo purissima (quod recolemus) tota pulchra,
tota munda, inter immundas se sistens mulieres ritu veteris le-
gis se purificandam exhibet. Salvator ipse velut peccator, velut obno-
xius legi redimitur; redimitur autem non divite oblatione, sed paupe-
re & vili duarum columbarum munusculo. Primus discendi ardor no-
bilitas est Magistri. Quid porro nobilius Dei Matre eiusque Filio Chri-
sto Domino? Ergo ferventer discamus quod illi profitentur. Et ne quis
doctrinæ cœlestis obscuritatem obtendat, facem præfero & doctrinam
humilitatis à Christo verbo vitaque ipsa laudatæ & prædicatæ aperio.

Humilitas, est virtus inclinans hominem ad elationem animi repri-
mendam. Duplex autem est elatio seu superbia. Carnalis altera, altera
spiritualis. Prior est intumescencia de bonis externis: posterior de bonis
internis. Per illam intumescit, quisquis de possessionibus, prædijs, domi-
bus, vestibus pretiosis & alijs fortunæ muneribus gloriatur ideoque cæ-
teros despiciendo contemnit: qualis erat Epulo Evangelicus, qui indue-
batur quotidie purpura & bysso & epulabatur splendide, Lazarum men-
dicum ante propylæum palatii sui spernens jacentem; per hanc super-
bit, quisquis opera bona dotesque internas ac talenta Dei suis viribus
arrogat. Prima quidem illa non adeò frequens est in monasterijs, neq;
enim quidquam proprii in particulari habemus quod possidentes cæte-
ros despiciamus: posterior tamen eò frequentior quò frequentiora in
domibus Religiosis bona opera quibus illa insidiatur ut pereant. *In so-
litudine sito* inquit S. Hieronymus ad Nepot: *subrepat superbia & si pa-
rumper jejunaverit, hominemq; non viderit, putat se alicuius esse momē-
ti, oblitusq; sui unde & quo venerit, intus corde lingua foris vagatur,
judicat contra Apostoli voluntatem alienos servos, nullum veretur, omnes
inferiores se putat.* Habes sanctitatem? ecce tibi superbia à tergo ad-
est blandiens & applaudens. habes scientiam? hæc maximè inflat. A-
ctivitate & industria polles? illico mens superba tibi insufurat cæteros
à laboribus tuis pendere & quod fame perirent nisi tu succureres. Ac-
ceptus si sis hominibus, miraculum te mundi arbitraris. Denique nul-
lum exercitium tam sanctum cui arrogantia non insidietur. Utraque
nimium

Superbia re-
primitur per
cognitionem
nostri.

nimum quantum nociva est, utraq̃ue periculosa: sed spiritualis eò pe-
riculosior quo occultior. Ambas frēno cognitionis suiipsius compescit
humilitas. Contraria namq̃ue contrarijs curantur. Et ut de sola spiri-
tuali quæ potissimum proposito nostro inimica est verba faciam, hæc non
magis nec efficacius vincitur quàm per nostri ipsorum cognitionem. Ad
hanc porro adipiscendam necessarium est, authore D. Augustino *de spi-
ritu & anima*, ut cognoscamus quales simus ad malum & quales ad bo-
num. Proni sumus ad malum, invalidi ad bonum. Proni ad malum:
quia in quodcunq̃ue tandem vitium caderemus in eoq̃; perseveraremus
nisi misericordia DEI nos retineret aut lapsos erigeret. Invalidi ad bo-
num: nam ex viribus arbitrij nostri nihil penitus boni operari imò nec
velle quidem, ne cogitare quidem possumus, sed omnis sufficientia no-
stra ex DEO est. Hanc utramq̃ue cognitionem sui habuit Abraham cum
diceret: *Loquar ad Dominum meum cum sim pulvis & cinis*. Pulvis quo-
cunq̃ue ventus impellat, huc illuc jactatur, ex una in aliam aream pro-
ijcitur ibiq̃ue manet donec alius assurgat ventus: sic & homo ad cuius-
cunq̃ue tentationis flatum huc illuc in omnem partem in omne vitium
prolabitur in eoq̃ue hæret donec misericordia DEI affulgeat. Cinis ste-
rilis est nec profert germen ex se, susceptumq̃ue semen præfocat. Sic &
homo ad omne bonum sterilis est infructuosus est nulliusq̃ue virtutis
fructum absq̃ue DEO misereunte proferre potest. Hoc modo pulvis & ci-
nis reputatur unusquisque homo pronus ad malum invalidus ad bonum.
Quisquis in veritate ita se cognoscit, humilis est coram DEO & hominibus.
Quod docuit, hoc in se implevit D. Augustinus. sic enim confitetur
Domino: *Domine confiteor ut docuisti me. nihil aliud sum quàm univer-
sa vanitas & umbra mortis & abyssus quedam tenebrosa & terra inanis
& vacua quæ sine tua benedictione nihil germinat, fructum quoque non
facit nisi confusionem, peccatum & mortem. Si quando steti per te steti, sed
quando cecidi per me cecidi & semper in luto jacuissem nisi tu me erexis-
ses, semper cæcus fuisset nisi tu illuminasses.* Peregit in sua hac pijsima
confessione. Sic, sic semper Domine sic semper gratia & misericordia tua
prevenit me liberans me ab omnibus malis, salvans à præteritis, suscitans
à presentibus, muniens à futuris, præcogens etiam ante me laqueos pec-
catorum & tollens occasiones & causas, quia nisi tu hoc mihi fecisses ego
omnia mundi peccata fecissem. Quoniam scio Domine quod nullum pec-
catum est quod fecerit homo unus quod non possit facere alter homo si
Creator desit à quo factus est homo. Et vere ita est. Licet enim sis o-
ptimè constitutus in anima, licet comparatus ad omnem virtutem, quan-
tumvis DEO tuo firmissimè adhæreas; nullum tamen peccatum est, nul-
lum crimen & scelus horrendum in quod non rueres nisi DEUS forti bra-
chio suo sufflaminaret, nisi efficaci auxilio suo retineret. Sed ut in ore du-
orum stet omne verbum, attexo alterius viri sanctissimi humile de sei-
pso testimonium. Hic Hieronymus est, qui ad Chromatium & Jovinum
scribens Bonosumq̃ue in sui comparatione pulchra dissimilitudine lau-
dans sic concludit: *Ego in scelerum meorum sepulchro jacens & peccato-
rum vinculis colligatus dominicum de Evangelio expecto clamorem: Hiero-
nymè veni foras.* quasi diceret: Ego in peccatis meis velut in quodam
sepulchro positus nequaquam viribus meis resurgere valeo nisi me Chri-
stus ipse suscitet, nisi valido clamore nisi valido robore erigat & absol-

In soliloquijs.

In vitis PP.

vi à peccatorum vinculis faciat. Idem alibi de seipso: *Ego ita sum quasi à cuncto grege morbida aberrans ovis, quòd nisi me bonus Pastor humeris suis ad stabula reportarit, lababunt gressus & in ipso conamine vestigia concident assurgens.* Alijs verbis diceret: Ego sum errabunda ovis quam nisi Christus Jesus Pastor bonus humeris suis impositam reporteret ad caulam suam non tantum progredi, sed ne quidem velle, ne quidem conari poterit ut progrediatur. in ipso conamine statim concidet. Nimirum hi sancti cognoscebant seipso, quales forent ad bonum, quales ad malum. Intelligebant se ad malum pronos, ad bonum invalidos; noscebant se abyssum quandam caliginosam esse omnis in essendo & in operando defectibilitatis. E contra cæcus erat cæcitatemque interioram amabat Eremita ille de quo B. Joannes anachoreta Palladio eiusque socijs talem narravit historiam. Fuit, inquit ille, in eadem Eremita frater quidam nominatissimus, in proposito monastico exercitissimus, conversationis optimæ, virtutibus omnibus conspicuus, denique vir perfectus imò perfectionis exemplar. Hic latus successibus spiritualibus caput præsumere in sequè tantum justo confidere, sanctitatem quam coleret suis viribus & non Deo misericordie attribuere. Magis magisque intumescens malis artibus aggreditur diabolus, facilem aditum sibi pollicendo ubi initium radicemque peccati omnis advertebat. Assumit itaque speciem formosæ mulieris, fingit se ad vesperam circa gurgustiolum eius oberrare, pulsat fores, implorat misericordiam & per multas obtestationes arte compositas, aperiri sibi ne moribus bestiarum discerpatur postulat. Motus iniqua commiseratione solitarius ille aperit, admittit, locum quieti designat & ut officiosus videretur, sermonem familiaris miscet. sequuntur risus, joci, & alia morituræ virginitatis principia. Quid multis? consentit in peccatum, in obscænos se inclinat amplexus, inter quorum attentata initia, phantasma illud velut umbra elabatur moxque in aëre cum caterva aliorum dæmonum cachinnando delusum irridet: vah! qui supra sidera nidum tuum collocabas, qui te supra cælos exaltabas, quam turpiter in terram deiectus es! Nec hic finis ruinæ eius. Desperata namque salute sua vadens in seculum abiit in reprobum sensum, seque tradidit omni impudicitie utinam non finali. Hac finita narratione divertit sermonem ad auditores B. Joannes. *Rem hanc ideo narravi vobis filij mei ut vel in primis humilitatem exerceatis, sive in parvis, sive in magnis esse videamini.* Primum enim est quod recensens beatitudines Salvator ait: *Beati pauperes spiritu, quoniam vestrum est regnum celorum; ubi paupertas spiritus, humilitas vocatur.* Ad nos directum sermonem intelligamus: nobis hæc dicta esse credamus. *Quacumque enim scripta sunt, ad nostram doctrinam & utilitatem scripta sunt.* Primum itaque in humilitatis exerceamur virtute. Discamus teneamusque agnitionem nostri quæ humilitatis mater est & magistra. noscamus & sapius recogitemus quales ad bonum quales ad malum simus. Persistis in virtutum exercitio, fecisti bonum aliquid, sanctum & Deo placitum obsequium incepisti & perfecisti, dic, feci quod facere debui servus inutilis: dic cum Propheta: *Domine tu omnia opera nostra operatus es nobis.* Hæc est doctrina Cælestis quam Salvator noster (cuius in cælo cathedra est, schola autem in terra) tradidit nobis; ego autem ex Sanctis Doctoribus cum auxilio

S. Augustinus.

auxilio eius exposui. Hanc discamus amemus opereque impleamus ut veri eiusdem discipuli esse & dici possimus.



H V M I L I T A S.

IN Annunciatione Incarnationis Dominicæ certamen quoddam inter DEUM & MARIAM recognosco & demiror. DEUS Virginem per Archangelum honorare dignatur, Virgo se contemni desiderat: hic eam exaltat, illa se humiliat: ad maternitatis divinæ invitat maiestatem, quæ se ad ancillarum abiicit servitutem. Angelus præmissis salutationis officio antehac in terris inauditò, exponit Divinæ tenorem voluntatis: *Ecce concipies & paries filium & vocabis nomen eius IESUM. hic erit magnus & filius Altissimi vocabitur.* illa reponit: *Ecce ancilla Domini.* Vide, ait D. Ambrosius, humilitatem, vide devotionem. Ancillam se dicit Domini quæ Mater eligitur, nec repentino exaltata promisso est. Et hæc credo virtus unigenitum æterni Patris de sinu eiusdem ad sinum Virginis fecit descendere. Nardus humilitatis MARIE, filium DEI de accubitu paterno traxit. Virginitate sacratissima hæc Virago placuit, humilitate concepit. Et nos ad maternitatis Divinæ invitamur prærogativam infallibili oraculo: *Qui fecerit voluntatem Patris mei hic frater meus & Mater mea est.* Tantum honorem non consequemur nisi cum MARIA humilemur. Porro ad humilitatis exercitium ex monito ascetico opus est scire quid sit humilitas quos gradus quos stimulos habeat. Operæ igitur pretium existimemus si hæc prædiscamus, verba demum in opera, speculationem in praxim reducturi.

In pervigilio
Annūtiat:

lib. 2. in Luc:

Teretius in
Idiota cap. 4.
§ tertio.

Humilitas itaque jam alibi alijs verbis, sed non alio sensu à me explicata, est virtus moderativa appetitus excellentiæ propriæ. seu expressus: Est virtus per quam quis reprimit seipsum ne feratur in ea quæ sunt supra se. Ad hoc autem quod quis seipsum hoc pacto reprimat necessarium est, ut cognoscat in quo deficit à proportionem alterius excellentioris: atque ideo cognitio proprii defectus spectat ad humilitatē tanquam regula directiva appetitus. In eo à damnatissimo superbiæ vitio vel maximè discrepat, quia humilitas attendit ad legem rectæ rationis dictantem ab uno quoque de se haberi debere veram æstimationem; è contra superbia maiora quàm sint, falsò de se existimare præcipit homini cecutienti amore perverso propriæ celsitudinis.

2.2. q. 161 ar. 2

Gradus, aut si mavis, actus humilitatis 12. numerat D. Benedictus: corde & corpore semper humilitatem ostendere defixis in terram aspectibus: pauca verba & rationabilia loqui non clamorosa voce: non esse facilem aut promptum ad risum: taciturnitas usque ad interrogationē: tenere quod habet communis regula monasterij: credere & pronunciare se omnibus viliorē: ad omnia indignum & inutilem se credere & confiteri: confessio peccatorum: per obedientiam in duris & asperis patientiam amplecti: cum obedientia se subdere maiori: ut voluntatem propriam quis non delectetur implere: ut DEUM timeat & memor sit omnium quæ præcepit. Ad hanc recensitorum actuum seriem omnes

Actus humi-
litas.

alios reducit Doctor Angelicus. Ubi observandum, aliquos hic numerari gradus qui aliarum sint proprij virtutum. Sicut enim unum vitium oritur ex alio ita naturali ordine factus unius virtutis procedit ex actu alterius. Observandum item quod absque omni falsitate possit aliquis se credere & pronunciare omnibus viliorum secundum defectus occultos quos in se recognoscit, & secundum dona Dei quæ in alijs latent; sicut etiam ad omnia indignum & inutilem se esse quantum ad proprias vires, ut tota sufficientia nostra in Deum referatur. Quapropter, quemadmodum vetusta accepimus traditione, perfectissimi illi Anachoretæ, cum superba cogitatione latenter bonis operibus insidiantes propter laetos & admirabiles perfectionis successus extolli inciperent, a misericordiam Domino nolente cuiusquam perditionem ad homines seculares morum ut videbatur abiectionum dirigebantur eo fine ut vitam eorum rimarentur & sibi æmulandam proponerent. Rimabantur, investigabant, explorabant ceu quidam sanctæ curiositatis amantes corycæi, cognitisque virtutibus ac donis Divinis ubi nunquam sperabantur absconditis, humiliati ac impendio ædificati redibant.

In vitis PP.

Pondus & lumen his accedit ex Divi Thomæ doctrina decedentis hominem unicuique debere se per humilitatem subicere idque propterea: quia, inquit, in homine duo possunt considerari scilicet id quod est DEI & id quod est hominis. Hominis est quidquid pertinet ad defectum: DEI verò quidquid pertinet ad salutem & perfectionem. Cum ergo gratiæ donaque Divina preponi debeant humanis defectibus, consentaneum est quemlibet hominem suos pensantem novos debere se submittere alteri cuius homini secundum quod habet munera Divina seu apparentia seu latentia.

Ne cessitas
humilitatis.

Necessitatem virtutis huius ad salutis consecutionem, clangunt & evulgant buccinæ Evangeliorum. *Nisi*, inquit Christus: *efficiamini sicut parvuli non intrabitis in regnum celorum.* Quid est parvuli? nunquid necesse est maturo corpori ad puerilis redire staturam ætatis? nunquid solis pusionibus aula regni celestis patebit? *parvulus* intelligit humiles. Arcta nimirum & angusta porta est quæ ducit ad vitam. Non intrat per eam fastu arrogantiaque tumidus longurio, non Polyphemus aliquis aut grandiori mole superbarum actionum velut obesitate quadam corporis monstrosus Agag aut portentosus Goliath. Angiporus celestis vesco tenui ac depresso pumilionum corpori transitum concedit: cyclopeæ impenetrabilis magnitudini. Procul ite superbi: hæc pueris via sola patet.

Rursus idem Magister & Salvator noster: *Discite*, ait, *à me quia mitis sum & humilis corde.* Cur quæso tantopere humilitatem mansuetudinis comitem & custodem commendat discendam, id est imitandam? Superbia obstruit viam salutis, virtutes demoliendo, vitia implantando, Deo se quasi aperto Marte opponendo. *Ut ergo Dominus impedimentum auferret salutis, exteriorem celsitudinem contemnendam monstravit per humilitatis exempla.* D. Augustinus præfata Christi vera explanans fundamentum totius iustitiæ Christianæ ducta ab ædificio similitudine appellat humilitatem. Cogitas, inquit, magnam fabricam construere celsitudinis? de fundamento prius cogita humilitatis. Cur autem spiritualis structuræ fundamentum vocetur, ratio est. Quia sicut fundamentum pri-

S. Thom. 2. 2.
q. 161. art. 5.

tum primò jacitur in ædificio; ita id quod est primum in acquisitione & comparatione virtutum fundamento comparatur. Humilitas porro permodum removentis prohibens, primum locum tenet in virtutum acquisitione, in quantum scilicet evacuando inflationem superbiæ reddit hominem subditum & patulum ad suscipiendum influxum divinæ gratiæ. Ascetæ quoque pro fundamento vitæ & perfectionis Christianæ ponunt cognitionem DEI & nostri ipsorum, ut ex una parte vilipensionem contemptum odiumque sui concipiat unusquisque, ex altera amorem æstimationemque Divinæ maiestatis. Sicut itaque domus absque fundamento nequit consistere. submoto eo ruit tota tectorum & parietum moles; ita altissima iustitiæ columna ex qua cælum conscendimus, absque humilitatis spira aut stylobate stare nobisque ad gloriam æternam ascensum parare non valet. Et hoc ipsum est insigne ad humilitatem sectandam calcar quòd sit necessaria ad regni cælestis consecutionem utpotè basis iustitiæ Christianæ, quid si consideremus non esse jucundiores Christo locum ad manendum & quasi ad exspatiandum amœniorem quàm ubi amethistinæ submissionis vernant violæ. Paradisus quidam voluptatis divinæ, est pectus humile. Cant: 6. Requisita à filiabus Hierusalem Sponsa quonam dilectus suus declinaverit, respondit: *Dilectus meus descendit in hortum suum ad areolam aromatum.* Hortus Christi Ecclesia est, areola vel areolæ, sunt Ordines & status in Ecclesia distincti. Sunt autem areæ in hortis loca pura, nuda, soli obambulationi seu conculcationi relicta. In talia ambulacra descendit Sponsus animi gratia ut discas quòd cuiuscunque sis in Ecclesia status cuiuscunque ordinis, descendet in te sponsus ut spatietur ut delectetur ut in medio tui jucundetur si sis areola, si terra nuda, probè subacta soli conculcationi apta & pervia. si talem te geras, talem existimes, Christum ad te ex accubitu suo attraxisti. Nec tantum spationis, sed & suavissimæ quietis delicias parat Domino nostro humilitatis virtus. S. Mechthildis nocte quadam sacre Quadragesimæ visa sibi in deserto cum Christo manere, ubinam noctis illius conticinio pernoctaturus esset, interrogavit. Cui Dominus miræ pulchritudinis monstrata arbore medium affabrè excavatum habente, *hic*, inquit, *pernoctabo*, edocens internè Mechtildem, arborem illam humilitatis esse virtutem. Taceo cætera quibus tanti boni studiū in nobis accendatur & nutriatur: ut quòd oratio humiliantis se penetrat nubes, quòd submissio hominis animum reddit apertum ad recipiendam dona Spiritus Sancti, quòd item non modo à DEO impetrat omnia, at hominibus etiam citius persuadet quàm quacunque fluiditate sermonis pruriens auribus oratio: quòd demum ubi humilitas adest, argumentum planè certissimum habetur plenum quoque virtutum omnium chorum ibidem reperiri. Gaudet ibi innocentia morum, floret castimoniæ virtus, rubet patientiæ meritum, pallescit verecundiæ laus, ardet devotionis studium, denique quidquid cælo dignum est, sub una humilitatis custodia conservatur. Hæc inquam reticeo ut breve per exempla iter arripiam. Christum Dominum tanquam exemplar humilitatis Philippensibus imò nobis omnibus proponit Apostolus: *Hoc enim sentite in vobis quod & in Christo IESU, qui cum in forma DEI esset non rapinam arbitratus est esse se equalem DEO, sed semetipsum exinanivit formam servi accipiens in similitudinem hominum factus & habitu in-*

Inductiva ad
humilitatem.

Grat: spir: lib:
2^o cap: 24.

In vitu SS. PP.
lib: 5.

Eggerer in a-
nathemate.

Exempla hu-
militatis.

Ad Antonium

ventus ut homo. Exinanivit se, formam servi accepit, factus in similitudinem hominum. omnia hæc summam quandam ad ima deiectionem sui loquuntur. Hieronymus doctrinam Christi & opera commemorans, nos ad humilitatis impellit devotionem sequentibus. *Dominus noster Magister humilitatis discipulis de dignitate discrepantibus unum apprehendit è parvulis dicens. Quicumq; vestrum non fuerit conversus sicut infans non potest introire in Regnum celorum. Quod ne tantum docere nec facere videretur, implevit exemplo, dum discipulorum lavat pedes, dum traditorem osculo excipit, dum loquitur cum Samaritana dum ad pedes sibi sedente Maria loquitur de regno celorum dum ab inferis resurgens primum mulierculis apparet.* Et profectò quis non amore humilitatis inardescat si penset natales Dei Incarnati cunas, subiectionem Matri & Josepho, pedum lotionem, discipulorum rudium vocationem, cum parvulis ac simplicibus blandam colloquutionem, modestissimam ad calumnias & convitia quibus appetebatur responsionem, submissam ad varia tribunalia comparitionem. Nascitur inter jumenta: Vivit inter peccatores & piscatores: moritur inter latrones. Apostoli Magistrum suum imitati nihil studiosius coluerant quàm voluntariam sui abiectiorem. Unde mirantibus turbis super eorum miraculis & nominatim super sanitate clauda collata: *Quid nos, aiebant, intuemini quasi virtute & potestate nostra fecerimus hunc ambulare?* Nos iisdem quibus vos malis obnoxij homines sumus: de eodem facti luto; iisdem compacti exordijs. An non vox humilitatis illa est. *Tanquam purgamenta facti sumus omnium peripsēma usq; adhuc.* Peripsēma, sordes sunt quæ conspuuntur conculcantur & tandem scopis in unum collectæ foras eijciuntur. Sic & Apostoli vasa electionis, templa Spiritus Sancti, mundi Principes iudicesque conculcandos conspuendos eijciendos se offerebant ac si strigmenta & retrimenta hominum essent. *Damones expellebant & tamen tantopere seipso deprimebant.* Nos, verò miseri & calamitosi neq; culices expellere valemus ne dum damones: neq; unum hominem juvare possumus, taceo universum orbem, & tamen tantopere superbimus quanto ne diabolus quidem ipse.

S. Chrysost. in
Epist. ad Philip:
2.

Spiritu Sancto, (inquies,) pleni erant quem in festis Pentecostalibus per signa visibilia acceperunt: ideo non mirum si tam prodigiosa humilitate se demittebant sicut nec mirum si aristæ granis plenæ toto capite tota staminis inflexione inclinentur. Ergo extra Apostolos humilitatis tibi produco insignia. Nec volo perfectissimos quosque viros memorare, ne & horum miranda potius quàm imitanda facta replices. Sylvanum S. Pachomij discipulum ut erat initio suæ conversionis imperfectus, tibi adduco. Hic Monasterium ingressus nullis disciplinæ regulis poterat coërceri quin salutis negligens dies suos vanitatibus & ridiculis actibus in petrauro prius exercitiis occuparet. Tandem post varias admonitiones, instructiones, orationes Superioris ad meliorem reductus frugem, in omni loco & in omni negotio flebat planctu amarissimo, ne tunc quidem cum cibum caperet à lamentatione & lachrymis temperans. Volebat, ut fatebatur ipse, singultus & fletum abrumpere sed non valebat. Requirentibus verò continui ploratus causam fratribus, respondit. Non vultis ut plangam cum videam me foveri multis obsequijs Sanctorum fratrum quorum pulvis ipse pedum mihi venerandus est

In vita S. Pa-
chomij.

dus est, & quorum contubernio nequaquam dignus sum. Quin ergo
 plagam, cum scenicus nuper ludio, infamis chironomus & histrio mul-
 tarum artifex nequitiarum, officia tanta percipiam! timeo valde ne fi-
 cut Dathan & Abiron, me quoque profanum hiatu suo terra deglutiat.
 Illi namque impijs ausibus manibusque pollutis, sancta contrectare ten-
 taverunt, ego verò post tantam cognitionem Divini muneris, animæ
 meæ salutem desidiosa conversatione neglexi. Ideo ista recolens, non
 erubescō flere coram omnibus, utpote multorum mihi conscius flagiti-
 orum. Quod si ipsam miseram animam meam, per lamenta diffunde-
 rem, nihil facerem magnum, quia nullum par factis meis supplicium re-
 perire est. Unde Pachomius eximio tantam humilitatem honoravit e-
 logio in suorum cætu discipulorum. *Sylvanus, inquit, ita prostravit*
inimicum & à suis sensibus effugavit ut nusquam coram eo comparcat
altæque humilitate eum per omnia superavit, quanto fortius pugnat, tanto
se deteriorem omnibus judicans & ex tota mente totaque virtute inutilem
se & reprobum pronuncians. Diabolum autem nihil reddit ita invali-
dum sicut humilitas de corde puro cui tamen correctionis opera probantur
adiuncta. Intignis equidem humilitas! discere eam & à plebeio seculari
 homine tanto magis confundendus, quanto vilioris personæ magisterium
 tibi proponitur. D. Antonius ex instinctu divino veniens ad quemdam
 Coriariū Alexandrinum petijt quæ vita quæ opera ipsius? respondit ille:
 nescio me unquam aliquid boni fecisse ac propterea ex cubili mane sur-
 gens antequam ad mei pensum laboris me collocem dico: Tota hæc Ci-
 vitas cum universis incolis ingreditur regnum cælorum propter justiti-
 as suas, solus ego propter peccata ad infernum pœnas luiturus sempiter-
 nas præcipitabor. Hoc prima luce nocteque corde & ore confiteor.
 Miratus ac veneratus tantam humilitatem Antonius laudavit Dominum
 quod sibi heroicæ virtutis in illo homine monstravit exemplum. Con-
 fundit tumorem nostrum & Frater ille, qui cum fortuito ad quandam
 agapen venisset mensæque cum cæteris manducaturus assedisset, indi-
 gnantibus quibusdam ac exire jubentibus egressus, ab alijs mox revoca-
 tus cum quænam sic tractatus volueret in mente sua cogitationes ro-
 gatus esset, respondit: *Posui in corde meo quod sim aequalis cani, qui*
dum pellitur fugit, dum vocatur revertitur. Forsan se us infirmior ci-
 tius nos compunget & ad imitationem provocabit. S. Euphrasia Vir-
 go Senatoris Romani Licæ Præfecti Antigoni nomine filia sanguine, Cæ-
 sareo creta, in Monasterio quodam inferioris Thebaidis degens, nunquam
 præ reverentia aliarum sororum sedere visa. Omnibus famulatum ex-
 hibebat, vilissima quæque ad instar mediastinæ subibat munia. Eadem,
 cum Germana Monialis obscuris orta natalibus, convitijs & criminatio-
 nibus affecisset innoxiam ambitionisque occultæ & calliditatis insimu-
 lasset, prostravit se ad pedes suæ persecutricis dicens: *ignosce mihi Do-*
mina & ora pro me. Vide jam & fac secundum exemplar quod tibi
 monstratum est.

In vitis PP.

In vita eiusdē

At humilitas, inquires, potest nonnunquam scandalo esse atque alie-
 næ detrimentum salutis afferre; imò plerumque tumore superbix infi-
 citur. Hinc D. Hieronymus monet Eustochium: *Nec satis religiosa ve-*
lis videri, nec plus humilis quam necesse; ne gloriam fugiendo quæras.
Plures enim paupertatis misericordia atque jejunijs arbitros declinantes,
hoc ipso

In Epitaph:
Tabul:

hoc ipso cupiunt placere quod contemnant. Et mirum in modum laudum vitatur, appetitur. Quid igitur facto opus ne tanta virtus vel alijs noceat, vel in nobis ipsis propter coniunctionem arrogantiae pereat? responsum accipe. Humilitas sicut & quævis alia virtus potissimum in interioribus actibus & in electione mentis posita est. Secundum hos nemo alteri ruinam spiritualem accersere potest. fictionem nesciunt, superbiam non admittunt. unde idem Hieronymus: *Celata, inquit, virtus & in conscientia fata secreto DEUM solum iudicem respicit.* Externi porro actus fictionem habere possunt ut dum quis gestu compositione & reverentia humilitatem simulat, animo autem vel dolos nociturus fovet vel gloriam ambitione latenti aucupatur. Quare in externis actibus moderatio juxta dictamen rationis adhibenda ne vergant in detrimentum salutis alienæ juxta quod monet D. Augustinus Superiores non debere veniam à subditis petere ne dum nimium servatur humilitas regendi frangatur autoritas. Quod si aliquo faciente quod debet, ceteri sumant occasionem peccati, non curandum nec inde aliqua in animum admittenda anxietas. Tunc enim quamvis operans non scandaliset, alius imprudenter scandalifatur.

Alterat.

In vitis PP.
libro 5.

In Epistolâ ad
Philip:

Contemnar, ais, si humilis ero? hoc ipsum debueras appetere & toto desideriorum sinu anhelare. Contemni, nauci haberi, dishonorari, conculcari, nisi ex corde cupias, perfectionis culmen non attinges quod olim docuit Zacharias Anachorita detracto de capite cucullo eodemque conculcato aiens: *Nisi ita conculcatus fuerit homo, non potest Monachus esse.* Quod si contemptum horres, audi quid aureum illud os loquatur. *Non putemus nos delapsuros à nostra dignitate si nos ipsos humiliaverimus. Tunc enim meritò magis exaltari poterimus, tunc magis celebres fieri.* Aeternæ veritatis propositio est: *Qui se exaltat humiliabitur.* Humilitas palma est symbolica, inclinata resurgit, quò profundius in terra radices agit, eò altius attollit ramos. Quò magis humiliatur, eo magis elevatur.

Thomas à
Kempis.

in soliloquiis.

S. Bernar: ser:
36. in Cant:

Humiliemus igitur animas nostras sub manu DEI, quia humiles spiritu salvabit & exaltabit. *Exardesce contra te, o homo! o religiole! nec patiaris tumorem in te vivere, sed ita subiectum & parvulum te exhibe, ut omnes super te ambulare possint & si ut lutum platearum conculcare. Humiliatio tua in medio tui.* Si naturam spectes, cadaver es putridum, vas fætidum, esca vermium; si mores, cibus nunc ignium concupiscentiæ, futurus cibus ignium gehennæ, nisi misericors Deus præservet. Quidquid boni est in nobis sive parvi, sive magni donum DEI est, nostrum verò non nisi malum. Unde igitur gloriabitur omnis caro; nunquid de malo? hæc non est gloria, sed miseria. Nunquid de bono? *Tuum Domine, est bonum tua gloria, qui de bono tuo sibi gloriam quarit, hiofur est & latro & similis est diabolo, qui voluit furari gloriam tuam.* ait D. Augustinus. De sui cognitione Mater salutis humilitas oritur. Nosce ergo te ipsum. Nosce te abyssum tenebrosam, filium iræ, vas aptum in contumeliam, genitum per immunditiam, viventem in miseria, moriturum in angustia. Nosce te implicatum multis erroribus expositum mille periculis, mille timoribus trepidum, mille difficultatibus anxium, mille necessitatibus calamitosum, proclivem ad vitia invalidum ad virtutes. unde ergo tibi extollentia oculorum, unde levare caput?

Proprij

Proprij defectus cognitio ut dixi ex S. Thoma, regula est nostri appetitus ne altiora se querat. Cum igitur senseris cor tuum elevari, reduce peccata tua praesertim maiora in memoriam & sic venenum veneno pelles quae medicorum industria est, sic pavonum more respiciens in te quae sunt turpiora rotam vanitatis dissipabis. Cum criminationibus, convitijs, maledictis & quibuscunque offensis impeteris, reflecte te in te ipsum & dic: *Quid sordide peccator potes contradicere exprobrantibus tibi qui toties DEUM offendisti & infernum multoties promeruisti.* Simia horret speculum ne videat turpitudinem suam. Camelus turbat aquam ne gibbum advertat. E contra tu frequenter speculum cordis tui introspicere debes, ut scias, quid desit tibi, ut videas deformitates tuas abominationes tuas ex quarum intuitu & consideratione te ipsum contemnas & contemni appetas; alios honores, aestimes & magnificias. Humiliemur itaque iterum iterumque moneo, sub potenti manu Dei humiliemur vera & cordiali humilitate. *Verus humilis* authore Bernardo *non querit humilis predicari, sed vilis reputari*, non querit sibi placere sicut nec Christus sibi placuit, sed impropriū expectavit cor eius & miseriam. Absit, absit à nobis illa ad speciem humiliatio, rectius hypocrisis quam carpit scriptura: *Est qui nequiter se humiliat interiora autem eius plena sunt dolo.* Talis humilis lupo est ovina pelle contextus. Dæmon est in Angelum transfiguratus. Non est discipulus Christi humilis, sed Apostolus superbi Antichristi cum eodem dignam damnationem incursum. Expectat eum gehenna debitis armata supplicijs. Veram, veram humilitatem, cordis humilitatem hanc amemus, super aurum & topazion diligamus, discamus studiosissime, exerceamus frequentissime ut ad maternitatis divinae dignitatem & tandem ad aeternae gloriæ felicitatem exaltemur.

Tho: à Kemp:



M A N S V E T V D O.

In Cena Domini.

Mansuetissimus Dominus, semper quidem, speciali tamen modo in transitu suo mansuetudinis reliquit insignia. Cum discipulis ad mensam amicè accubuit, suavissime collocutus, Judæ hosti & proditori suo panem porrexit intinctum imò etiam sacratum, eidem jam in horto osculum præbuit, Malcho persecutori amputatam restituit auriculam, militibus se captivandi facultatem tribuit. Magna sunt hæc divinæ in Christo bonitatis indicia, sed illud maximum quod eo tempore dum ipsi toto virium conatu, tormenta opprobria, virgas, cruces parabat mundus, ipse non ultionem at amorem immensum, beneficium beneficiorum, gratiam gratiarum, reposuit Sanctissimum Eucharistiæ SACRAMENTUM instituendo. In hoc omnes thesauros suos occuluit; hic divinitatem, hic humanitatis merita, hic animam, hic corpus recondidit, omnes suas perfectiones attributa miracula hic signavit ea liberalitate ut cui placuerit, quantum placuerit de hoc cælesti gasophilatio accipere valeat si purus sit à peccati mortiferi labæ & à rancore iracundiæ. *Venite, inquit, ad me omnes, qui laboratis & onerati estis & ego reficiam*

P p p

vos, re-

vos, refectione videlicet sacramentali. sed prius *discite à me, quia mitis sum & humilis corde.* Solis mitibus, qui & humiles corde solent esse esca Eucharistica conceditur, solis mitibus hoc divinitatis aperitur ararium. Mansuetudo ergo disponit nos ad dignam mensæ divinæ communionem [ac uberem meritorum Christi ex ea participationem]. De qua proinde instituendis disponendisque animis dicere aliqua proposui.

Natura & actus mansuetudinis. Mansuetudo est virtus inclinans hominem ad moderandos juxta dictamen rationis iræ motus. Graphice describitur in Glossa super Mathæum mite ingenium: *Mitis est quem mentis asperitas seu amaritudo non afficit, sed simplicitas fidei ad omnem injustitiam patiendam instruit.*

Mitis est, qui non irritat nec irritatur non nocet nec nocere cogitat, deum mitis est, qui malis moribus dominatur. ubi actus mansuetudinis perspicue datur intelligere: ne tamen unus confundatur cum altero, expressius eos libet ponere. Primum ex Sancto Ambrosio hunc assigno,

Apud Lauren- temperate ex causa irasci. *Prudentis est, ait ille, ira motus temperare, a Ponte in nec minus dicitur virtus temperate irasci quàm omnino non irasci, estq; Mathæum. plurimum hoc levius illud fortius.* scilicet multo fortius est habita iusta

causa irasci cum moderamine, quàm non habita iusta, sed tantum apparenti, vel levi causa penitus non irasci. Alterum ex Doctore Angelico,

Apud eundem. *etiam ex iusta causa non irasci.* Verba sunt S. Doctoris: *Ille est mitis, qui non irascitur, hoc autem potest fieri per virtutem ut quis non irascatur nisi ex iusta causa, sed si habeas etiam iustam causam & non provocaris, hoc est supra humanum modum.* ac si diceret: *eximium & heroicum opus est, si quis etiam Iesus etiam appetitus convitijs, aut quacunque rationabilem ansam habens irascendi non provocetur ad iracundiam.* Jansenius mansuetudinis vult esse inprimis adversus Deum non indignari nec murmurare propter felices perversorum successus aut proprias adversitates. Deinde erga homines ita se gerere, ut vel taciturnitate, vel placida responsione vel malorum illatorum patienti tolerantia humana superetur improbitas. Neque enim ad mitem pertinet solum, vindictam non querere, sed etiam placida exterioris hominis suavitate utilem se & comem omnibus exhibere ut non modò non vincaris à malo sed ipsum quoque malum in bono vincas.

Arduitas mansuetudinis. Excellentia virtutis de qua loquimur, vel ex ipsa claret obiecti arduitate, versatur namque circa iræ moderationem, quæ est maxima & effrenatissima passio faciens hominem à se alienum imò hominem lumine rationis præditum commutans in bestiam furore percitam. Unde S. Thomas inter omnes virtutes pravis resistentes affectionibus primatum attribuit mansuetudini ideo, quia hominem maximè facit sui compotem.

Christus ad mansuetudinem exemplo suo invitat. Elevat eandem ad præminentia fastigium Magistri dignitas. Glossa super illud Math: *Discite à me, quia mitis sum.* huius, inquit, virtutis quasi magna Magistrum se fecit Dominus quod non fecisset nisi una summa perfectionis hæc esset virtus. Tanti Magistri quàm sana & sancta doctrina! ideoq; avidissimo intellectu & affectu haurienda cum præsertim

magnum eam audientibus & implentibus proponatur premium: *Beati mites, quia ipsi hereditate possidebunt terram.* Quam terram? illam credo de qua in Psalmo dicitur: *spes mea es tu portio mea in terra viventium.*

S. Augustinus. Significat enim terra, in sacris literis quandam soliditatem & stabilitatem hereditatis perpetua, ubi anima per bonum affectum tanquam promittitur. in loco

in loco suo requiescit, sicut corpus in terra & inde cibo suo alitur sicut corpus ex terra. Ita certe possidebit omnis mansuetus terram illam promissionis quam fundavit Deus super stabilitatem suam non inclinabitur in seculum seculi: possidebit tanquam hereditatem propriam, sed olim post peractam hanc peregrinationem, nunc verò in tempore incolatus mundani possidebit terram cordis sui juxta illud Proverb: 15. *qui acquiescit increpationibus possessor est cordis*; quia ut dixi ex S. Thoma Aquinate, *mansuetudo maxime facit hominem sui compotem.* Sed & terrena bona hereditario jure possidenda sub typo terræ promittuntur mitibus. Benignis enim justum est ut tellus in concessione fructuum sit benigna. Et verò nemo rectius vocari potest possessor bonorum terrenorum quàm mansuetus. Mitibus suffragatur illud: *Tanquam nihil habentes & omnia possidentes.* ac si dicatur: videntur quidem nihil habere, revera tamen omnia possident. Mansueto homini totus mundus divitiarum est, totus mundus patria est totq; locis habet fundum quot locis reperit amantes evangelicæ mansuetudinis atq; ex omnibus, quæ habet mundus voluptatē & fructum capit; cum è contra immitis & ferox nec hoc possideat quod habet. Audèter dico: Immiti tam deest quod habet quàm quod non habet. Quia licet multa habeat, plura tamen invidet & circa suas facultates ringitur, turbatur, rumpitur, plura & plura, appetit appetendo, congregat congregando, laborat sudat non quiescit omni egeno pauperior omni misero miserior, quia si quid non ad votum suum eveniat furij agitatur & atra Tysiphone. Quàm verò validum est ad amorem huius virtutis incentivum cordis requies quæ est quedam beatitudo viæ, prægustatio æternæ jucunditatis pignus & arrha futuræ in cælo pacis. Porro cordis requies certissimum est mansuetudinis in hac vita præmium. Nam ut dixi mansuetus est possessor cordis. Et veritatis æternæ promissio fallere nequit. *Discite a me, quia mitis sum, & humilis corde & invenietis requiem animabus vestris.* Ad rem Hugo Cardinalis. *Mansuetudo, inquit, est mollis in lecto conscientie culcitra ubi molliter & suaviter anima requiescit, quæ etiam lapides contumeliarum detractionum & injuriarum quarumcunq; sibi inflictos amplexatur & sine læsione recipit.* Quantum insuper est illud quod Deus singularem quandam benevolentiam & amorem frequenter in sacra scriptura contestatur & pollicetur mitibus: *Beneplacitum est Domino in populo suo & exaltavit mansuetos in salutem. dulcis & relictus Dominus diriget mansuetos in judicio docebit mites vias suas. Abominatio est Domini omnis illusor ipse deludet illusores mansuetis autem dabit gratiam.* Insuper divina pietas eum qui iræ dominus fuerit hominibus reddit amabilem & gratiosum. *Fili mi in mansuetudine opera tua perfice & super gloriam hominum diligeris.* Tandem rigide zelat, severè vindicat omnes mitibus illatas injurias justitia Dei. Numerorum 12. MARIA soror Moyfi propter uxorem eius Æthiopissam murmuravit, quod solent religiosæ mulieres imò & religiosi viri, contra Moysem contemnensq; illum, dicebat! *Num per solum Moysen locutus est Dominus? nonne & nobis similiter est locutus?* Tacuit Moyses licet forte contumelia in aures & per aurium organa in cor intrasset. *Erat, enim inquit Sacer textus, vir mitissimus super omnes homines, qui morabantur in terra.* Impunè igitur abivit Mariæ stulta illa indignatio & exprobratio? minime. Surdus erat & elinguis Moyses ad detracti-

Quæ terra?

Iansenius a-
pud à Ponte.Requies cor-
dis propria
mitibus.Apud à Ponte
in Mathæum.Mites Deo &
hominibus a-
mabiles.

Psal: 149.

Psal: 24.

Proverb: 3.

Eccl: 3.

Deus ultaria
iniuriarū mā-
suetis irrogat-
tarum.

onem suo honori, suę famę impactam, non surdus nec elinguis DEUS. Statim namq; vocavit Moysen & Aaron & Mariam ad tabernaculum fœderis, ibiq; in ipso introitu in facie Moysis, Aaronē & Mariam durissimē corripuit: *Quare non timuistis detrahere servo meo Moysi?* iratusq; contra eos abiit & ecce Maria tanti mali dux fœmina apparuit candens leprā quasi nix. Cumq; deprecaretur pro ea Moyses: *obsecro Domine sana eam,* tanta constantia tuebatur honorem mansuetissimi servi ut absq; pari pœna & confusione noluerit eam sanitati restituere: *Si Pater eius spūisset in faciem illius nonne debuerat saltem septem diebus rubore suffundi. Separaretur ergo septem diebus extra castra & postea revocabitur.* Hinc elucet, ait à Ponte, quantum persecutores mansuetorum timere debeant. Nam quod ipsi ad contumelias surdescant, DEUS eas audit & in iudicium se accingit dum ipsi victoriam non in percussione, sed in passione reponunt. Pręsto sunt & domestica rei huius exempla. Annales nostri memorant fratrem quemdam iniquas conglomerantem cogitationes contra Superiorem tandem & verba in eum furoris plena mordacęque comminationes fulminasse. Bilem contra bilem non evomuit offensus, placido pectore excepit ictum suavia aliquot in suę charitatis testimonium reponendo verba. Aderat spectans ab alto DEUS & vindictam adversus iniuriosum parabat quę & brevi consecuta est. Nam furibundus ille dum pessimum non reprimeret affectum imò in pectore suo velut in fornace babilonica æstum nutrebat iracundię, die altera guttā capitis percussus in medio fratrum corruit semianimis, mutusq; deinceps quoad vixit manens, manifestum ultionis divinę pręstulit posteris refrenandę linguę maledicę argumentum. Inde forsā est quod quia DEUS, cui in pace factus est locus, in mansuetorum corde velut in suo sacrario suavissimē quiescit, & quia mansuetorum est tutor ac vindex zelosus, inde inquam est quod mites de monibus terrori sint uti fuit Isidorus Abbas quem monstris infernalibus formidabilem dum mirarentur fratres atq; admirationi interrogationem apponerent, respondit ille:

In vitis PP.
lib: 4. author
Pelagius.

Ex quo factus sum Monachus statui apud me, ut iracundia extra guttur meum non procederet & ideo timent me dæmones.

Confes: lib: 9.

Quod si dixeris: Ergo ne irascendum nunquam? utiq; Psaltes permittit irasci: *Irascimini & nolite peccare.* Ad hoc ego. Non laxare iubet frēna iracundię Propheta Domini dum ait: *Irascimini,* sed peccatis irasci mandat ut de cetero non peccetur. Ita exponit D. Augustinus & ex ipso contextu veritas expositionis liquet: S. Hieronymus id interpretans, *irasci,* inquit, *hominis est, iniuriam non facere iracundiam non fovere, Christiani.* Idem ad Caltrinam hæc expressa habet: *Irascimini,* inquit David & *nolite peccare.* Hoc quid velit intelligi Apostolus plenius interpretatur: *Sol non occidat super iracundiam vestram. Quid agemus nos in die iudicij super quorum iram non unius diei, sed plurium sol testis occubuit?* Peccatis ergo irascendum, aut certe si fervor passionis in iram exarserit, sine mora & non expectato mali incremento comprimendam eam esse monet vates Regius. Quare omnibus omnino compescendi iracundię motus, omnibus in frēno tenendi. Nemini adversus alterum deliberatē irasci licet, nisi cui ex officio incumbit defectus corrigere, evellere vitia, pravas consuetudines & inolitas inobservantias destruere, disperdere torpentem in servitio divino ignaviam, machina-


machinationes & quascunque dolosas artes pacis fraternæ turbatrices dissipare; hic certe irasci debet, *si dolor & bilis si justa cogerit ira.* iusta autem, imò iustissima erit quoties in præfatis officij sui partibus rigorem exercere continget. Neque id extra mansuetudinis fiet orbitam. Moderata namq; efferuescentia qualem non modo honestam, sed & necessariam in potestatem habente adstruo, maioris fortitudinis maiorisque meriti est quàm omnimoda iræ coercitio.

Quorsum hæc omnia? scilicet *ut veteri rancore deposito mundum, pectoris Deo paremus habitaculum,* aio cum S. Hieronymo ad Matertem: & ut qui frequentes ac fermè quotidiani sumus in usu sanctissimi SACRAMENTI, eam discamus virtutem sine qua quisquis mensæ accumbit Angelicæ iudicium sibi manducat & bibit. Non absque mystica causa SACRAMENTUM hoc in latina Ecclesia conficitur in pane asymo haud in fermentato. Fermentum rancorem animi significat. sicut enim hoc totam cui iniicitur farinæ massam acescere & commoveri facit, ita iræ passio acidam inspidam amarulentam reddit animam & nimium commovet. & ideo quem ira videmus alteratum, in fermento esse dicimus. Fermentum ergo excluditur à materia Sacramenti huius, (quamquam in græca alio mysterio adhibetur.) ne in fermento malitiæ & nequitiae, ne in amaritudine animi sumatur. Agnus est, qui manducatur mansuetus, & manducantes esse agnos convenit. Arcetur à nuptiali epulo ac repotijs toga lacera lutulenta corrosa à blattis: nec ad divinum convivium admittitur, qui sordibus infectam & à tineâ conscissam portat conscientiae vestem. Quid similius tineæ quam ira? tineâ ex illo ipso panno quem rodit nascitur: & ira ex nobis ipsis gignitur quos tamen rodit imò consumit non solum animam perforando, sed etiam vitam temporalem absumendo. *Ira enim & zelus imminuent dies,* ait Ecclesiastes. Solis mansuetis panem hunc manducare integrum est: *manducaverunt & adoraverunt omnes pingues terræ,* hoc est pingues spiritu possessores terræ, qui mansueti sunt juxta dicta. His solis concessum manducare & quod manducaverunt adorare non communem utique panem, sed eum cui cultus latræ ob intro contentam divinitatem debetur. Vitis in ulmo cum duobus botris quos duæ manus in calicem exprimunt cum lemmate: *Infontibus,* est ænigmatica representatio Sanctissimi SACRAMENTI. Quid est infontibus? Innocentibus, mansuetis, qui nimirum juxta Glossam ad initium relatam non nocent neque nocere cogitant, his solis calix Eucharisticus ex duobus botris, botro corporis & sanguinis confectus offertur, his solis simpullum cum vino non herbis, sed verbis condito præparatum est. Cibus in cholera sumptus toxicum est, vinum venenū est: & epulum poculumque Eucharisticum aconitum est bilioso & felle amaritudinis obvoluto homini ut agnovit Judas, qui buccella accepta intoxicatus ira intumuit ut crepare debuerit. Seposita itaque omni ad invicem simultate, reconcilitatis animis toti ad mansuetudinem compositi toti in agnos desiderabili metamorphosi commutati accedamus ad mensam divinā nobis propositam. nec hodie solum sic instructi, sic dispositi, sed semper accedamus. Promisisti Domine mitibus terram, en supplices tibi prosternimur non iram non minas non furorem spirantes, sed placido animo, oblivioso injuriarum pectore, redintegrata charitate: da igitur quod promisisti, si nos fecimus quod jussisti. da terram, sed terram san-

*Cur in azymo
pane Eucharis-
tica conficitur.*

Typotius.

etiam, sed terram benedictam, terram promissionis lacte & melle cele-
 stium consolationum manantem, tuum videlicet corpus sacratissimum de
 terrena formatum materia, sumptum de Virgine Beatissima de terra illa
 quam benedixisti & à qua captivitatem Jacob avertisti. Quod si necdum
 in corde nostro propter aliquam amaritudinem dignum reperis habita-
 culum tu prepara, perfice, exorna. *Exelle à nobis animi rancorem &
 da mitis mentis dulcedinem.* fac ut in mansuetudine servemus animas
 nostras & demus illis honorem secundum meritum suum. Nos vero
 benedicemus te Dominum in omni tempore, semper laus tua in ore no-
 stro. In Domino laudabitur anima nostra: audient mansueti
 & letabuntur.



MAGNANIMITAS

E T S A N C T I T A S.

S. Thomas

S. Chrysost.

Immensa Divina largitatis beneficia exhibita populo christiano inesti-
 mabilem ei conferunt dignitatem. Unigenitus siquidem DEI Filius
 factus est homo ut homines Deos faceret. Frater noster fieri voluit,
 carni & sanguini propter nos communicavit: vicissim ipsam carnem &
 sanguinem, per quæ cognatus noster factus est nobis in cibum & potum
 tradidit. Communis hæc dignitas, est omnium prorsus corona fidelium.
 Quid dicam de Sacerdotibus? qualem & quantam in ipsis venerabor sub-
 limitatem? illis hodie dictum: *Hoc facite in meam commemorationem.*
Et: Hac quotiescunq; feceritis, in mei memoriam facietis. Quibus ver-
 bis personæ suæ eos surrogavit Christus, omnipotentes quodammodo
 effecit, communicata ipsis conficiendi corporis & sanguinis sui potestate,
 ministros & dispensatores mysteriorum suorum creavit, mediatores &
 sequestros inter DEUM & hominem constituit. *Salvator noster aliquan-*
do nos sermonibus aliquando operibus admonet, quia ipsa eius facta præ-
cepta sunt. Quid ergo monet per hoc quod nos ad tanti fastigium sta-
 tus sublimavit. Monet ut sicut dignitate, ita & vivendi sanctimonia
 ceteros præcedamus. *Videte, inquit Apostolus, vocationem vestram.*
 ac si diceret: nunquam vita adequabitur vocationi nostræ, nunquam
 mores congruent statui nisi sæpe sæpius recogitetis ad quantum gratia
 divina vos provexit honorem? Quod si densa vitiorum caligo ita in-
 tellectum nostrum terrenis immersum obtenebravit ut neque nos ipsos
 hoc est nostri excellentiam statum nosse valeamus, verbum Dei ex scri-
 pturis & Sanctis Patribus desumptum fiet nobis lucerna ad cognoscen-
 dam initiationis nostræ sacerdotalis eminentiam & ad accendendum in
 pectoribus nostris amorem sanctitatis.

Dignitas sa-
 cerdotalis ma-
 ior regali &
 imperatoria
 dignitate.

Divus Chrysostomus eximius Sacerdotij præco querit quoto in ordi-
 ne collocandus sit Presbyter. *Cum sacrificium,* verba sunt Doctoris præ-
 fati, *horrore & reverentia plenissimum perfecit communi omnium Do-*
mino, assidue manibus pertractato, quero ex te quoto illum in ordine
colloca-

collocabimus? Supremus in humanis ordo est Imperatorum & Regum. Dicerem ego hoc in ordine ponendos Sacerdotes & aliquid magnum me dūisse arbitrarer, nisi D. Ambrosius obsteret qui ait: *Si regum fulgore & Principum diademati sublimitatem compares Sacerdotum, longè erit inferius quàm si plumbi metallum ad auri fulgorem compares, quippe cum videas regum colla & Principum submitti Sacerdotum genibus.* Si imperialis celsitudo sacerdotali ancillatur prerogativæ, profectò hæc nullam in terris nancisci potest sublimitatem æmulam. Ad cælum ergo parilis inter creatas dignitates excellentiæ quæsiturus conditionem ascendam. Isaïæ 6. visio mirabilis describitur. *Volavit ad me* (ait Propheta) *unus de Seraphim & in manu eius calculus quem forcipe tulerat de altari & tetigit os meum & dixit: Ecce tetigit hoc labia tua & auferetur iniquitas tua & peccatum tuum mundabitur.* Quot verba tot sacramenta. Calculus hic ignitus seu ut volunt 70. carbunculus, est Sacratissima Eucharistia ardentissimos divini amoris eiacularans radios, cuius videlicet effectus proprius auferre iniquitatem & peccatum nostrum mundare. Altare Christus in quo & ex quo hic accipitur carbunculus. Forceps instrumentum ex duobus ferreis dentibus secum connexis ad aliquid firmissimè stringendum, designat intellectum & voluntatem facultates secum unius vinculo substantiæ coherentes. His firmissimè stringit Seraph calculum & sua actione velut manu quadam ad labia Isaïæ quodammodo eum communicans applicavit. Sed quare Seraph ad huius ministeriū officij adhibetur? quare non ex inferiori choro Angelus? ut nimirum discas, te qui de altari carbonem ignitum sacrosanctæ Eucharistiæ accipis & tuo vel alieno ori applicas, te inquam non de quocunq; ordine Angelum sed unum de Seraphim esse. Visionē visio consequatur & altera firmet alterius veritatem. Apoc: 22. hoc est ultimo capite oost factam sibi revelationē futurorū eventuum in Ecclesia Christi, voluit B Joannes gratum testificaturus animum humili gestu & religioso dulci cultu adorare Angelum interpretem mysteriorum quæ videbat. *Cecidi ut adorarem ante pedes Angeli.* Cecidi, id est consensi, decrevi eum adorare. Angelus recusat honorem: *Vide ne feceris.* Cur id? certè Angelus hic ex supremis spiritibus fuisse censendus est, cur ergo detrectat ab homine quam ab inferioribus acceptaret reverentiam. Nunquid novum nec unquam usitatum cælestibus genijs divinos ab hominibus excipere honores? Illos & minimè quidem renitentes prostrationibus aliove id genus culto Abraham Loth Josue ac ceteri viri pijsimi venerati. Mirum sane quod ab eiusdem venerationis officio Joannes impediatur. S. Thomas opusculo 8. dicit adoratos olim ab hominibus Angelos & non è contra, id est, propterea quia maior erat Angelus homine, maior propter dignitatem, maior propter familiaritatem cum DEO, maior propter plenitudinem splendoris gratiæ divini. Quia itaq; à Joanne, adorari renuit Angelus, eò ipso fatetur se non esse majorem Joanne, sed parem: *Conservus tuus sum.* At quid illud quæso est, quod Patrem vatem cælitæ æquavit spiritui? Equidem non communio in servitio DEI, quia etiam Gedeon alijque Patres antiqui communicabant cum Angelis in famulatu divino & tamen hi tanquam maiores religiosissimè ab illis colebantur. Reminiscor sanctissimum hunc vatem initio lux Apocalypsis gratias egisse Christo pro Sacerdotij munere: *Fecit nos regnum & sacerdotes DEO & Patri suo ipsi gloria & imperium in sæcula sæculi.*

Par Seraphi-
nis & supre-
mus Angelis.

Apocalypsis 2

la seculorum Amen. quod non de spiritali, sed de ordinario & Sacramentali Sacerdotio intelligi volunt plerique Expositores. Hoc igitur est quod coequavit Beatum Joannem supremo spiritui: hoc supra hominem extulit & parem Angelico prestitit ministerio. Jam si, ut claret ex adductis, sacerdotum autoritas par dignitati mentium supernarum, videntur merito in illarum ordine collocandi. At hic etiam est, qui se opponat. Bernardus mellifluus audet præferre maiestatem Sacerdotij imò maior. omni Angelicæ sublimitati. *Opræclara!* ait ille, *o veneranda potestas vestra Sacerdotes!* Certe non est potestas post DEUM sicut potestas vestra. Quantam dignitatem contulit vobis DEUS, quanta est prerogativa Ordinis vestri? Prætulit vos DEUS Regibus & Imperatoribus, prætulit ordinem vestrum omnibus ordinibus, imo ut altius loquar prætulit vos Angelis & Archangelis Thronis & Dominationibus. Sicut enim non Angelos, sed seminem Abrabæ apprehendit ad faciendam redemptionem: sic non Angelis, sed hominibus solisq; sacerdotibus Dominici corporis & sanguinis commisit consecrationem. Cui ergo comparabo te vel cui assimilabo te regale Sacerdotium? Prorsus incomparabilis maiestas tua si verum est quod asseruit Ambrosius: *Honor & sublimitas sacerdotalis nullis poterit comparationibus adequari.* O venerandam! o superexcellentem dignitatem nostram! & quæ nullum ordinem in quo sit reponenda invenire valet.

Cur ista replicaverim sequens sermo monstrabit. Grandis dignitas Sacerdotum, sed etiam grandis ruina si peccent. Cui plus datum, plus ab eo exigitur. Terribile est illud quod D. Chrysostomus ait: *Non arbitror inter Sacerdotes multos esse qui salvi fiant, sed multo plures, qui pereant.* statimque dat rationem: *quoniam res excelsum requirit animum.* idem est dicere: Meo iudicio plures damnabuntur Sacerdotes quàm salvabuntur idque propterea, quia ob status sui sublimitatem, ob sacrificij quod offerunt infinitam maiestatem, ob vicariam divinitatis potestatem cum deberent se ad magna, sancta, cælestia erigere & pro vocationis suæ qualitate vitam ducere angelicam, illi gerris jocisque puerilibus, ac rebus indignis, quæ etiam hominibus de trivio pudori essent sese occupant & immergunt. Excelsum ergo animum, verbo, magnanimitatem habeat necesse est, si dignè iuxta vocationem suam ambulare Sacerdos velit. Necessaria illi virtus quæ aut magnos facit aut invenit: virtus inclinans ad ea quibus eximius honor debetur: virtus cuius proprietas hominem movere ut se gerat secundum donorum divinatorum quæ habet eminentiam, utque dedignetur eos qui gratijs divinis abutuntur. *Magnanimi enim est non ita appretiare quempiam ut in eius gratiam quidquam indecens faciat.* ad instar illius de quo Psaltes: *Ad nibilum deductus est in conspectu eius malignus.* Neque excelsa hæc virtus cum humilitatis pugnat conditione, cum virtutes omnes quasi ansulis quibusdam sibimet annexis concatenatæ sint. Illa namque respicit dona DEI & secundum ea hominem æstimat; humilitas verò proprios attendit defectus. Humilis igitur simulque magnanimus ille erit qui se ad alta urget, semper tamen indignum ac inutilem se credens atque confitens. Nec tibi subrepat ex eo quod dixi magnanimitatem ea sectari quibus magnus honor debetur, non inquam subrepat tibi quasi virtus hæc honores quadam deordinatione accipetur sicque in ambitionem quæ est

Statûs Sacerdotalis sublimitas, requirit magnanimitatem.

Magnanimitas quid?

S. Thomas 2.2. q. 129.

Non pugnat cum humilitate.

quæ est appetitus inordinatus honoris degeneret. Enimverò honorem qui ab hominibus impenditur, tanquam instabilem & plerumque fallacem & fucatum generoso contemnit spiritu, à Deo qui solus virtutem sufficienter honorare & premiare valet condignam expectando remunerationem. Unde & Philosophus 4. Ethic: de magnanimo asserit quòd non sit ei cura ut laudetur, magisque veritatem quam opinionem curet, & quòd dehonorationes tanquam indigne sibi illatas flocci pendat nec eis frangatur. Hæc docendi causa prolocutus sum ne in excelsi animi studio errare contingat.

Hic mihi quispiam ad alia properanti occurrat rogans quænam amabo sunt illa magna ad quæ nos extendere debeamus? Mundum fabricare, visibilia & invisibilia creare, in ipso mundo mirabilia facere & mortuos suscitare, magna sunt, excelsa sunt; at non nostræ potestatis non nostræ activitatis. creatrix omnipotentia, hæc in suis signavit thesauris. Nec ego ista magna somnio. de alijs mihi sermo est ad quæ nobis facultas concessa. Levitici 21. Sacerdoti lex posita: *De sanctis non egredietur & non polluet sanctificationem DEI sui.* Ego inquit Hieronymus, *si fecero, si dixerò quidpiam quod reprehensione dignum est, de sanctis egredior & polluo vocabulum Christi in quo mihi blandior: quanto magis Pontifex & Episcopus quem oportet sine crimine esse, tantarumque virtutum ut semper moretur in sanctis & paratus sit offerre victimas pro populo sequester DEI & hominum & carnes Agni sacro ore conficiens.* Idem, ornatum summi Sacerdotis & tintinnabulorum à fimbrijs vestis hiacynthinæ dependentiam ad mores applicans, ait: *Talis debet esse scientia & sanctitas Sacerdotis DEI ut gressus eius & motus & universa vocalia sint. Quidquid agit quidquid loquitur sit doctrina populorum.* Hæc sunt magna quæ prosequi obligamur, hæc sunt excelsa ad quæ niti tenemur: de sanctis nunquam ingredi, nunquam aut verbo aut cogitatu, aut opere nomen & statum polluere sanctitatis, omnibus actibus, motibus, ipso denique gressu gloriam amoremque DEI resonare, de sanctis nunquam egredi. hoc est, nunquam creaturis rebusque terrenis misceri sed soli Deo firmissimè inherere quæ duo ad sanctitatem requiruntur. sanctitatis nimirum est natura, ut mentem nostram Deo firmiter applicet, quod non faciet nisi prius eandem à rebus inferioribus abstraxerit. Et hæc abstractio mundam mentem nostram reddit. Quælibet namque res ex immistione deterioris, sordescit & maculatur. Sic videmus argentum ex admistione plumbi, vilitatem & deformitatem contrahere; aquam limpidam ex admistione terræ sordidari; aërem purum ex admixtione fumi obnubilari, oleum per amurcam, vinum per fæces commotas & quemvis perspicuum liquorem crassioris agitatione sedimenti turbidum reddi. Quare munditia & firmitas duo hæc, sanctitatis complent perfectionem; munditia collocatur in obiectione terrenorum, firmitas in adhesionem ad Deum, stabili & perpetua. Munditia significatur per græcum vocabulum *agios*, hoc est sine terra, firmitas per latinum. sanctum enim & firmum pro eodem à latinis sumitur: munditia res terrenas sordibus & feculentis plenas à quibus animum segregat, respicit; firmitas Deum tanquam ultimum finem & primum principium, quæ sunt maximè immobilia. In hoc ergò excelsum animum exigit dignitas sacerdotum, ne se amore creaturarum rerum contaminent

*Ad quamam.
magna debet
se extendere
sacerdotij sta-
tus.*

S. Thomas.

*Sanctitatis cō-
stitutiva.*

verum id totum quidquid est infra DEUM magno spiritu abijciant & soli Creatori mundissima mente coniungantur. Quod ipsum plenius planiusque demonstrant suadentque scripturae.

Sanctitatem
Sacerdotibus
suadent scri-
pturae.

Exodi 3tio Moyfi visuro ardentem nec deficientem rubum atque ad visionem hanc magnam appropinquare paranti precipitur ut deponat calceamenta de pedibus. *Solve calceamentum de pedibus tuis.* Cur ita? Tutius erat Moyfi calceatis ire ad rubum pedibus ne pungeretur; tutius ad ignem, ne adureretur. Per pedes, affectus animae designantur, quia quemadmodum corpus pedibus ita anima movetur affectibus. Per calceamentum designatur sensualitas nostra: sicut enim pedes teguntur calceamentis ita anima vestitur & contegitur sensualitate & sicut pes totus in ocrea, sic tota anima immersa materialitati ut omnis eius motio omnis operatio pendeat à sensibus. Calceis sordes & pulveres adherere solent: nec minus animalitas nostra & appetitus sensitivus maculas consuevit trahere. Appropriaturus ergo Moyse rubo ardenti deponere jubetur perones hoc est, ait Ambrosius, *detrita & popularis vita pulverem abijcere.* seu, verbis Apostolicis loquendo, *hominem veterem* nimirum animale *cum actibus suis exuere.* Idem Moyse datum accepit à Domino ut montem cum Sacerdotibus ascenderet, populus autem deorsum staret. Quorsum ista? scilicet ut noveris, te qui ad rubum ardentem Sanctissimae Eucharistiae sepius accedis, qui ad ignem consumentem quotidie appropias, debere exui carnem cum vitijs & concupiscentijs suis, animalitatem cum inquinamentis suis. Doceris praeterea ut cum Moyse montem ascendas contemplationis, montem perfectionis, montem in quo cum DEO jungaris à populi contubernio seunctus. Vides, D. Ambrosij verba sunt, *vides in Sacerdote nihil pleberum requiri, nihil popolare, nihil commune cum studio atque usu & moribus multitudinis. Sobriam gravitatem, seriam vitam, singulare pondus dignitas sibi vindicat sacerdotalis. Quomodo enim observari potest à populo, dispar à multitudine? Qui etenim in te miretur si tua in se recognoscat? si nihil in te aspiciat quod ultra in se non inveniatur, si qua in se erubescit, in te quem reverendum arbitratur offendit?* En conspicias qua & quali sanctitate nitere & eminere debent sacerdotes dum jubemur calceamentum ponere, in carne non secundum carnem ambulare, mentem suam à terrenis, à sensualibus actibus & cogitationibus velut quibusdam mortuorum animalium pellibus abstrahere, dum jubentur à vulgo segregari & Domino in monte firma charitatis compage uniri. Sanctitatem dile-

Canticorum.

cti sui commendans sponsa eboris utitur similitudine: *Venter tuus eburneus distinctus saphiris.* Per ventrem mens intelligitur ab interpretibus. Et rectè. sicut enim venter cibos demissos colligit, ita mens notitias rerum recipit, digerit venter & secernit purum ab impuro, substantiale à non substantiali, faeces & excrementa emittit: pari modo mens dijudicat rerum substantias, sanam doctrinam retinet, falsam abijcit. Quare autem mens Christi eburnea appellatur? In ebore duo sunt: candor, unde quidquid candidum est eleganti metaphora eburneum vocatur, eburnea manus, eburnea colla, eburneum corpus. *Talis eras,* canit Poeta, *modò tonse Pelops positique, nitebas crinibus ut totum Sponsa videret ebur.* soliditas: nam ex ebore, dente nimirum Elephantis variae pyxides, variae dolandi artificio formantur figurae. Mens ergo Christi Domini eburnea

Martialis.

eburnea dicitur ad ostendendam ipsius puritatem simulque firmitatem in predicatione veritatis ac in operibus redemptionis. Querit Pannonius an hæc nobis etiam convenient, respondetque affirmative. Enimvero qui naturam in se divinam morum imitatione assumere nituntur, mentem oportet habeant eburneã. subscribo & ego. Sancti sumus, sanctificavit nos Dominus manibus Episcoporum ad sacrificia sibi offerenda, ad interpellandum pro populo, ad ligandas solvendasque humanas conscientias, unxit nos oleo Spiritus Sancti, fecit vicarios Unigeniti sui. sicut proinde hic ventrem possedit eburneum, ita nos munditiem cordis & firmitatem in conjunctione ad DEUM, eboris imitati naturam servare necesse habemus.

Etiam in veteri testamento mundum cor ad ministerium arcæ non habere, exitiale fuit. Bethsamitæ videntes Arcam Domini timuerunt valde dicebantque. *Quis poterit stare in conspectu Domini DEI sancti humani?* Oseas quia eandem calcitrantibus bobus ne decideret fulcire volens non satis mundus tetigit, mortuus est. Ophni & Phinees libidinosi sacerdotes ad eandem ministrantes misere perierunt. Philistæi ob curiosam inspectionem subitanea interitione deleti. Quare id? ut discamus quanti piaculi simul & periculi res sit, indignè tractare aut sumere sacratissimum Christi corpus in hostia salutari, cuius typum sic DEUS magnificavit, sic sublimavit, sic vindicavit. *Væ sacrilegis manibus, væ immun-* Thomas à Vil-
dis pectoribus, *immundorum sacerdotum à quibus tam insolenter quotidie la nova Conc.*
tangitur & suscipitur? si talis ultio in umbra qualis fiet in veritate? Quam- 3. de Euchar-
propter pij monitoris officio clamat Apollolus: *Probet seipsum homo & sic de pane illo edat.* quasi dicat: *Examinet se sicut examinatur aurum, probet sicut probatur aurum.* per ignem probatur aurum num sit purum an forte alicuius inferioris metalli admittance adulteratum; sic & homo examinare se debet in foco divinæ dilectionis an non sit aliquid quod de terrenis quisquilijs suæ cohereat menti?

Multas causas habent Sacerdotes, quæ in ipsis requirunt excelsum animum, non exiguam sanctitatem, puritatem summam; at sufficit sacrificij incruenti maiestas ad quod celebrandum unctione Episcopali, verius divina ordinati sunt. Sive enim expendamus supremam offerentis Christi dignitatem, sive ipsius mysterij magnitudinem hostiæque oblatae excellentiam, sive illam cui offertur DEI Maiestatem, sive illius quæ offertur actionis inæstimabile pretium, sive illorum pro quibus offertur necessitatem ac fructum incredibilem, omnia prorsus in hoc mysterio summa excellentissima dignissima sunt ut Angelicam magis quam humanam puritatem sanctitatemque exigere videantur. *Quo non oportet esse puriorem,* ait Chrysostomus, *tali fruente sacrificio, quo solari radio non splendidiorem manum carnem hanc dividente, os quod igni spiritali repletur, linguam quæ tremendo nimis sanguine rubescit?* Qualis putas inquit idem, in Sacerdotibus puritas spiritus, devotio mentis, reverentia animi & corporis requiritur intra sacrificium, ubi Christus ipse adest, Christus immolatur, ideoque per id tempus & Angeli Sacerdoti adstant & celestium potestatum universus ordo clamores excitat & locus altari vicinus plenus est Angelorum choris in honorem illius, qui immolatur. Miratur Asceta quidam quomodo homo sanæ præsentisque mentis hoc in loco officioque, torpere possit aut cum levi etiam imperfectione maculave non vereatur ad hoc mysterium accedere. Ad ineffabilem oblationis di-

Exempla veteris testamenti.

Thomas à Vil-
la nova Conc.
3. de Euchar-
stia.

Causæ moventes seu motiva sanctitatis in sacerdotibus.

Masenius in
Exerc. spiri-
tualibus.
2dum.

Ad Rusticum.

In vita Pelagiae.

Cassianus
Coll: 4.In vitis PP.
lib: 5.

gnitatem respiciebat D. Hieronymus instruens Presbyterum eiusmodi cōmonitione. *Ad altare Christi quasi virgo de thalamo procedas.* Virgo antequam de thalamo in publicum prodeat multum tempus infumit ad speculum ornando comendo crispando seipsam, nativum adstititio auctura decorem; polire faciem purpurisso, cerussa ora depingere, ornare, crinem & alienis capillis turratum verticem struere tota illi cura est. Adhibet ornatui candorem, gemmarum rubri maris profunda testantium, adhibet pretiosa monilia & graves censibus uniones. Assumit vestimenta sine ruga, soccos crispantes & peregrini muris olentes pelliculas. Huius porro laboris pretijque non alius finis nisi ut oculos & suspiria trahat post se adolescentū. O si ex consilio Hieronymi imitemur, quanto fructuosius divinis placeremus oculis! Hei mihi quod olim mulieres stabunt in tremendo Dei iudicio contra nos, quia illæ ut humanos ad se attraherent obtutus prudētiore & studiosiores erant in cultura corporis, quam nos in cultura cordis! Fundebat uberes lachrymas B. Nōnus Episcopus ex occasione Pelagiae quam viderat ornatissimam dicebatque gravida fletu voce: *Ignosce mihi Domine IESU Christe, quia unius diei ornatus meretricis superavit ornatum animæ meæ. Va mihi quoniam ante altare tuum assisto & non offero pulchram animam qualem expetis à me. Illa promisit placere hominibus & fecit. Ego promisi placere tibi & mentitus sum propter pigritiam meam.* Si sanctissimum virum confudit mundus muliebris pretiosus & exquisitus copiosas attonito excutens lachrymas; profecto nos iustiori titulo in lamenta & singultus prorumpere debemus. eò quod videamus mulieres cum tanti jactura temporis seipsas polire & ornare propter cordis humani aucupium atque oculorum fascinationem, nobis ut in Dei oculis gratiam inveniamus, cultum animæ negligentibus. Non sumus pueri illi non à Nabuchodonosor, sed ab omnipotenti Numine in ministerium suum assumpti ut adstemus in conspectu eius. Nos animæ illæ Gynæcei celestis quæ non uno anno at toto vitæ tempore venustati studere atque pigmentis & suaveolentibus virtutum aromatibus pulchritudinem conquirere jubemur in gratiam supremi terrarum celorumque Principis ad cuius complexum toties admittimur. Nos Reginae a dextris divinis assistentes. Quanto igitur studio in id intendendum ut non modo nulla in nobis appareat macula, verum etiam omni ornamentorum spiritualium apparatu & gratiosa varietate circumdati in vestitu deaurato, charitatis semper fulgeamus. Quid B. Franciscum ne sacerdotio fungeretur deterruit nisi summa puritas, quam in Sacerdote requiri visione edoctus angelica. Angelus namque de statu Sacerdotali amplectendo deliberanti monstravit ampullam crystallinam liquore plenam limpidissimo, dicens: *sic purus esse debet, qui sacra celebraturus est.* Et ut antiquiora memorem quid causæ fuit quod Daniel Abbas Presbyter alioqui ordinatus nunquam liturgiam fecerit, nisi debita tanto sacrificio ab omni prorsus labe immunitas? Quid Isaacum de quo Rufinus, impulit ut honorem Presbyterij varijs sese abdens latebris fugeret donec mirabiliter proderetur? quid Theodorum Diaconum ne in suo ordine ministraret? Equidem rara & insignis sanctitas ad altaris ministerium necessaria. Mattheois quoque factus Presbyter nunquam ausus oblationem consecrare quippe qui diceret eorum id esse officium qui sine querela vivunt. Pachomius vir ille sanctissimus, ne ab Athanasio ordinaretur inter-

tur inter Monachos sese occuluit. Longum esset aliorum retexere indicem qui sacris initiari noluerunt ordinibus ne aliquando indignè tremendum tractantes mysterium grandem incurrerent damnationem.

Universa hæc ideo dicta ac repetita sunt ut quia vocati sumus à Deo tanquam Aaron, puritatem vitæ & morum sanctimoniam indefesso quaramus & custodiamus animo: ut induamur iustitiam: ut sancti, innocentes, impolluti, segregati à peccatoribus & ipsis excelsiores fiamus cælis. Verum quidem est quòd necesse sit de mundano pulvere etiam religiosa corda sordescere, laborandum nihilominus ut ubi primum aliquid in pectoris nostri sacrario de terrenis immunditijs adverterimus, protinus eiiciatur. Quod quidem certò certius nos curaturos & Deo propitio obtenturos spondeo, si modo quod initio monui, vocationis nostræ sublimitatem & tremendi sacrificij ad quod offerendum initiati sumus maiestatem frequenter recolamus. Aaronem depictum cum thurribulo adiecta admirationis tessera: *Quo sum vocatus?* non picta exprimebat imitatione Joannes Medices Presbyter Cardinalis eo Symbolo ad splendorem morum se perurgendo. Idem nos identidem mente oreque revolvere non gravemur *quò sum vocatus*, ad quàm sublimem statum, ad quàm excelsum officium, ad quàm formidabile ministerium, si sanctitatem quæ nostram deceat dignitatem, combibere gestimus.

Typotius.

Cogita ergò ô Sacerdos DEI altissimi quali sis insignitus honore quali mensa fruaris? *Agnosce dignitatem tuam & in veterem vilitatem degeneri conversatione redire noli.* Considera Sacerdotium tuum regno venerabilius maiusque esse: quanto anima corpore nobilior, tanto dignitatem tuam Imperatoria amplitudine excellentiorem: perpende ipsis etiam cælorum sublimitatibus celsitudinem tuam sublimiorem, nec prorsus esse vel in cælo vel in terra cui tua valeat exæquari prerogativa. Et ex hac consideratione excellum concipe animum, virtute magnanimitatis ad augusta ad paria statui tuo te extende ut magnis, perfectis, sublimiter sanctis te dignifices; viles porro & agrestes animas quæ ranarum instar illud coaxant: *Mibi terra lacusq; averferis* neque in gratiam earum quidquam indecens facere inducas in animum. *Nolo habeas* illarum consortium, *disce in hac parte superbiam sanctam, scito te illis meliorem.* Magna sublimitas, magnam debet habere cautelam: grandis honor grandiori debet solitudine circumvallari. Memento te è Sanctis nunquam egredi debere, nunquam sanctificationem tuam polluere. Sancta anima tua, quia sacrarium Dei; ne ergo polluas! Sanctū corpus quia templum Spiritus Sancti; ne inquines! Sanctificatæ manus tuæ per consecrationem & per attactum Christi; cave illas sordidare! *parce pias scelerare manus.* Sanctificatum os tuum per basiationes & manducationes filij Dei; ne ergo illud obscenorum verborum, detracti-
onum, murmuris scurilitatis & omnis quicunq; ad rem non pertinet sermonis eructatione commacules! *Disce verecundo sanctius ore loqui.* Denique totus es sanctificatus per introsumptionem cælestis alimonix, attende ut sanctificationem custodias, ne si incautus amittas, pro benedictione & sanctificatione maledictio sicut oleum intret in interiora tua. *Sit procul omne scelus tam sancto à munere cura.* Quare si quando amor terrenæ dulcedinis te titillet, dic: ad maiora natus sum, ad maiora vocatus sum, sanctificatus sum, quàm ut mancipium corporis mei fiam. Sic

Hieronym. ad
Eustochium.

Virg:

Martialis.

Masenius.

fiet quod quemadmodum prælatione ita & actione; quemadmodum status sublimitate ita & morum dignitate; ut gradu honoris ita & gradu virtutis ceteros præcedemus.

ABSTINENTIA.

Matth. 11.

INtra festivos & specialiori devotioni consecratos Adventus Domini dies proponit nobis in exemplum vivendi Sancta Mater Ecclesia Dominum Joannem Baptistam. Nam & sacrosancta de ipso leguntur Evangelia, & in officio divino frequens *vocis clamantis in deserto* commemoratio celebratur. Vita præcursoris Domini nihil aliud fuit nisi continuum jejunium & quoddam abstinentiæ & inediæ theatrum. Unde & veritas ipsa de eodem protestatur: *Venit Ioannes non manducans nec bibens*, ac si diceret: tam modici cibi potusque fuit ut plane nec manducasse nec bibisse videretur, ideoque & nos ad imitationem eius in jejnijs & abstinentiâ præstolari adventum Domini eique viam preparare debemus.

Abstinencia porro (ut eius naturâ cognita facilius actus suos exerceamus) est virtus moderans juxta dictamen rationis appetitum edendi & bibendi. Opponitur è diametro gastrimargiæ seu gulæ. cuius quinque species à Doctore Angelico numerantur & brevi, memoriæ causa, comprehenduntur versiculo: *Præpropere, lautè, nimis, ardentèr, Studiosè*. In omni enim esu & potu duo interveniunt, nimirum cibus ipse, qui comeditur aut liquor qui bibitur, deinde actio bibendi & edendi. Quantum ad substantiam escæ & potus; circa eam delinquitur per *lautè, nimis, Studiosè*. *Lautè* comedimus dum cibos delicatos ac pretiosos manducamus & qui antea vix milio & cibario pane rugientem ventrem saturare potuimus nunc simulam & mella fastidimus: *nimis*, dum stomachum cibus infarcinamus & potu ingurgitamus: *Studiosè*, dum rariores saporibus embammata & condimenta varia conquirimus, genera & nomina concharum indagamus, saporeque avium provincias discernimus. Quantum ad actionem ipsam; circa illam delinquitur duplici modo: *præpropere & ardentèr* cum nimirum horam refectionis antevertimus atque avido appetitu involamus in escas non tam manducantes quàm vorantes.

Nobilissima virtus hæc suffecerat quidem dignitate sua vultuque sereno nos ad amorem sui pertrahere, non desunt tamen in sacris literis ad eius curam & studium incitamenta. Num: 25. Phinees Sacerdos Domini, luxum & lasciviam Israelis repressurus, intravit quoddam prostibulum & ventrem scorti Madianitidis pugione confodit. Cur ita? cur non caput amputavit, cur non transverberavit pectus, cur non cæsim mediam illam divisit pellicem? Respondet S. Hieronymus: *Venter receptaculum ciborum in scorto Madianitide pugione sacerdotali confixus universos hominum labores, momentanea gula blandimenta stercoris sine condemnat & ostendit mentibus consecratis DEO, totum quod voramus in secessum projici*. Eundem astum adhibuit ad domandam populi sui idolatri-

Iolatriam Moyses. Peccavit Israël, adoravit vitulum conflatilem, exacerbat & in iram concitavit Altissimum. Quid ergo Moyses? accepit vitulum illum, & confregit, contrivit, comminuit in pulverem, eumque in potione bibendum præbuit idololatri. Quare id? *ut discerent contemnere quod in secessum viderant projici.* Nec nos ventrem nostrum ciborum officinam imò coquinam nimium fovebimus, non ei cultum & amorem tanquam idolo impendimus si consideraverimus escarum nostrarum finem; si sordes quibus illæ terminantur munda mente tractaverimus, gloriam certe in confusione nostra non collocabimus. Apostoli vox est: *Esca ventri venter escis DEUS autem & hunc & has destruet.* In contemptu nobis erit universa gutturis & ventris voluptas si fædam eius escarumvè & liquorum corruptionem & destructionem penitius & sæpius trutinemus. Sed à pueris quo imbecillior eorum ætas eo fortiora virtutis incentiva. Danielis 1. Eliguntur ex captivitate Judaica pueri ceteris venustiores & corpulentiores qui in conspectu Regis ministrarent. Annona alendis designatur. decernitur ut nonnisi regalibus vescantur cibus: ipsi nihilominus petunt à suo Præposito ne polluantur de mensa Regis sed solis oleribus sustententur. Impetraverunt desiderata & quidem eo effectu ut exactis diebus 10. ceteris pueris regiis, qui delicatius nutriebantur apparuerint vultus eorum longè formosiores, longè corpulentiores. Abstinencia illa quæ in conspectu Dei eos quoad animam gratiosos reddiderat, etiam in conspectu hominum quoad corpus gratiosos reddidit. Times forte pallorem, maciem, & infirmitatem corporis ex frugalitate victus: attende quid in istis ephebis operata sit. Tantum abest ut noceat animæ vel corpori ut potius & corpus curet vitiosos aqualiculi concoquendo humores & animam Deo reconciliet. Et quia olerum feci mentionem, in his etiam moderatio adhibenda. *Inde enim est,* ait D. Hieronymus, *quod nonnulli vitam pudicam appetentium in medio itinere corruunt dum solam abstinentiam carniū putant & leguminibus onerant stomachum quæ parce & moderate sumpta innoxia sunt.* Esau hucusque damnatur concupiscentia non in gallinæ aut attagenis seu quorumcunque mattiorum esu sed in vilis lenticulæ manducatione. David non propter vini generosi concupiscentiam, sed propter aquæ desiderium seipsum graviter in facie Israëlitis reprehendit. Ipse quoque Salvator noster post jejunium quadragesimale non de carnibus sed de panibus tentatus est. Hoc ideo dico ne quia carnibus non vescimur, in horum fructibus turbucinandum nobis arbitremur. *Delicia qualibet,* ait S. Augustinus, *si absq̃ desiderio sumantur non efficiunt, & cibi viles delectabiliter vel appetenter accepti perfecta abstinentia impediunt virtutem.* Non immunditia obsonij (omnia enim munda mundis) sed immunditia cupiditatis timenda est. In potu quoque sumendo sobrios nos esse & continentes expedit. Noverimus nos esse Sacerdotes Domini ad quos lex illa: *Qui altari deserviunt vinum & siceram non bibant.* Siceram habreo nomine omnis potio nuncupatur quæ inebriare potest, sive illa quæ frumento conficitur, sive pomorum succo, sive dum favi coquantur in dulcem & barbaram potionem aut palmarum fructus exprimentur in liquorem, coctisq̃ frugibus aqua pinguior coloratur. Quidquid inebriat & statum mentis evertit fuge similiter ut vinum ut venenum. Nec hoc dico quod Dei à nobis damnetur creatura cum & Dominus noster

Ad Furiam.

Ad Nepotianum.

potator vini appellatus sit & Timotheo dolenti Stomachum modica sorbitio relaxata sit: sed modum pro aetatis & valetudinis & corporum qualitate exigimus in potando. Alloquitur nos exhortatorio sermone *De Ebrietate.* Sanctus Pater & Legifer noster Augustinus: *Ebrietatis malum velut inferni foveam vitetis.* ubi etiam Martyrem appellat qui huic resistit vitio, & ob hoc ipsum aliquid vexationis ab ebriosus patitur. Verba ipsius sunt: *Si ille qui ebrietati resistit cum Dei adiutorio perseverare voluerit & pro ea ipsa re aliquas tribulationes pertulerit, omnia ei Dominus ad Martyrii gloriam computabit.* Demum per tremendum diem iudicii nos adjurat ut malum hoc fugiamus & in eius turpitudine gentibus & paganis similes esse verecundemur. Inter alia verba salutis dixit Abbas Pæmon fratribus suis: *Nisi Nabusardan princeps cocorum intrasset in Ierusalem, templum Domini non arisset igne.* Hoc est ut idem explicat: Nisi vitium gastrimargiæ animum occupaverit, non succendentur sensus nostri impugnatione diabolica. Hoc est quod alius Magister in spiritualibus monet: *frange gulam frange inordinatum edendi & bibendi appetitum, & reliqua vitia facilius superabis.*

In tentationibus igitur quotidianis positi certemus adversus edendi & bibendi concupiscentiam. Frænos gutturis temperata relaxatione & constrictione teneamus. Quod saluti satis est, delectationi parum est. Non delectationis ergo sed salutis respectum habeamus: ubi non voluptaria cupiditatis fallacia ministerium petit sed necessaria corporis cura subsidium suppetit succurramus, si beati Joannis præcursoris austeram vivendi rationem pro modulo nostro æmulari cordaque nostra Domino præparare cupimus, denique si desideramus *ut quos expulit è Paradiso saturitas, reducat esuries.*



P A T I E N T I A.

S. Cyprianus de bono patientie. **I**nter omnes disciplina celestis vias, nullam invenio vel utiliore ad vitam vel expeditiore ad gloriam quam ut qui preceptis Dominici obsequio timoris ac devotionis innitimur, patientiam tota observatione tueamur. Festiva omnium Sanctorum sub una celebritate memoria, coronæ beatorum in cælis triumphantium, imò & expressa Christi verba in Evangelio currenti posita probant quod dixi. *Beati,* inquit Salvator noster, *qui persecutionem patiuntur, quoniam ipsorum est regnum celorum & beati estis cum maledixerint vobis homines & persecuti vos, fuerint & dixerint omne malum adversum vos, mentientes, propter me gaudete & exultate quoniam merces vestra copiosa est in calo.* ac si diceret: nunquam certiore & cumulatione gloriam sperare potestis quam si amore Dei & justitiæ patiamini. Gestit animus, ardet pectus, anhelant viscera & totus spiritus ad promissæ mercedis suspirat consecutionem. Sed labor præcedat necesse est si merces expectatur. Per angusta ad augusta itur, per patientiam ad regna cælestia tanquam per angustum callem.

lem ad spatiosos deliciarum campos pervenitur. De ea ergo locuturus unde primum incipiam quam quod nunc quoque ad audiendum, patientiam vestram video necessariam? *Tunc enim demum sermo & ratio salutaris efficaciter discitur si quod dicitur, patienter audiatur.*

Patientia secundum D. Augustinum est virtus per quam mala æquo animo id est absque perturbatione tristitiæ toleramus. Tullius in suis Rhetoricis eam honestatis aut utilitatis causâ rerum difficilium & arduarum voluntariam ac diuturnam perpeffionem appellavit, quæ descriptio etiam longanimitati convenit ex mente Doctoris Angelici. Ex definitione claret, patientiam versari circa tristitias propriumque illi esse, bonum rationis conservare contra tristitiam ne ratio mærori succumbat in adversis.

Apud S. Thomam 2. 2. q. 136.

Frequentissime divino in sacris literis commendatur calamo. Proverb. 14. *Patens vir, multum prudens; qui autem pusillanimis est, vehementer inspiens vocatur.* Ubi quia pusillanimitas patientiæ con-

Laus patientiæ ex Scriptura Sacra.

traponitur, magnanimitatem patientiæ sororem discas esse, cum magnanimitas pro nihilo ducat adversa, vilemque reputet qui eis frangitur. Jacobus Apostolus patientiæ opus perfectum attribuit, in adversis tolerandis uti exponit D. Thomas. Christus ipse insigni eam nobilitavit encomio dum cultores illius beatos & consortes regni cælestis nuncupavit: *Beati qui persecutionem patiuntur, propter justitiam, quoniam ipsorum est regnum celorum.* Verba hæc Salvatoris nostri mira sunt audientibus, vera intelligentibus. Ergone sola patientia januam aperit regni cælestis? Ergone sola beatificat? nunquid & fides ad salutem necessaria, quia sine fide impossibile est placere Deo. Et sine charitate tanquam veste nuptiali ad nuptias Agni admittetur nemo. Ita sane, nec sine fide, nec sine spe, nec sine charitate quisquam beatitudinem æternam consequitur: sed fidelem nosse nequeo nisi patientem videro. *Patientia namque palam facit omnibus verè credentem & quod dignus sit retributione tanquam athleta fortis & constans & fidelis.* Nec spem credo inesse nisi ubi patientiâ demiror, quia patientia probationem, probatio spem operatur. Nec charitatem suspicari queo, nisi ubi adverto patientiam: *Charitas enim patiens est, omnia suffert, omnia sustinet.* Recte quidam patientiam Lydium lapidem virtutum omnium nominavit; quia sicut Lydius lapis indicat venam auri & quantum puritatis insit eidem, scrupulari differentia ostendit: ita patientia Fidem, Spem, Charitatem, aliasque virtutes in nobis probat ac demonstrat. Quando igitur Christus regni cælestis remunerationem adiunxit patientiæ, in patientia etiam virtutes Theologicas inclusas intellexit: ac si vera patientia non possit esse sine Fide & Charitate in Deum uti revera non potest quod docet & deducit Aquinas. Ergo *beati qui persecutionem patiuntur propter justitiam.* Beati quia fidem, quam profitentur, non abnegant in adversis, sed fortiter asserunt. beati quia spes quæ æquanimiter mala tolerant non eos confundet. beati quia charitas eorum in adversis velut aurum in fornace probatur puriorque & fragrantior redditur. O verè ipsorum est regnum celorum! quod vel ex ipsa regni cælestis dispositione & symbolo videre est. Regnum cæleste sub typo civitatis novæ Jerusalem in sacris literis describitur. Porro muri parietes & mansiones Civitatis non possunt construi ex lateribus & lapidibus

Pannoni: in Apocalip:

Lauren: a pōte in Cap: 5. Matthæi.

dibus nisi illi prius in camino exurantur, hi ex petra excindantur malleis findantur & vario artificum labore ad ædificij compagem adaptentur. Similiter & supernæ illius urbis structuræ accommodari nequeunt saxa rationalia nisi prius ictibus persecutionum & adversitatum tundantur & poliantur. Unde canimus: *Scalpri salubris ictibus & tusione plurima fabri polita malleo hanc saxa molem construunt aptisq; juncta nexibus locantur in fastigio.* Persecutores, latomi sunt, qui viva marmora variè secant & ad ædificium cæleste nescientes licet adaptant. Igitur *nisi tundaris ut saxum non pertinebis ad Sion cælestem. Qui fugit persecutiones non vult habitare in Ierusalem.* E contra si persecutiones æquanimiter amore Dei & iustitiæ toleras, scito te esse unum ex vivis & electis lapidibus è quibus superna consurgit Ierusalem. Quare si persecutionem pateris, ait quidam, *ne agreferas sed age gratias Deo, quia iam es ex electis Dei.* Quàm ergo vera est Christi Domini sententia: *Beati qui persecutionem patiuntur propter iustitiam, quoniam ipsorum est regnum celorum.*

Didacus Stella de contemptu mundi.

Idem.

Laus eiusdem ex SS. PP.

Inductiva ad Patientiam.

Primum.

Sanctorum Patrum mirus in prædicanda hac virtute fervor & sancta concertatio. D. Cyprianus Demosthenem aut Tullium nobis in eius laudibus representat. Gregorius radicem & custodem virtutum omnium appellat. Ludovicus Blosius pretiosum & præclarum annulum quo Deus animam sibi desponsat: Laurentius de Aponte coronam virtutum omnium & nobilissimum stemma animæ perfectæ: Cælius Pannonius unicum in omnibus tentationibus afflictionibus infirmitatibus variisque adversæ fortunæ assaultibus refugium & medicinam quam si sustuleris omnis virtus concidere necesse habeat.

Via desideriorum, ait B. Augustinus libro de patientia, *facit tolerantiam laborum & dolorum & nemo nisi pro eo quod delectat, sponte suscipit ferre quod cruciat.* S. Thomas, *tristitiam inquit & dolorem secundum se abhorret animus, nec unquam eligeret illum pati propter se sed solum propter finem.* Finis porro patientiæ positivus, est consecutio beatitudinis æternæ; negativus; evasio tormentorum inferni. Et quia magis movent mala ad fugam quam bona ad prosecutionem saltem per accidens ut deducit Angelicus Doctor, ideo patientiam in adversis servare volentes continuo tormenta inferni tam intellectus quam imaginationis apprehensione tenere opus habemus. Cur etenim sancti tantopere patientes fuerunt nisi quia cruciatus gehennæ sæpissimè ob oculos versabant mentales? D. Joannes Apoc: 14. inducit Angelum voce magna dicentem: *Si quis adoraverit bestiam & imaginem eius & acceperit characterem bestie in fronte aut manu, bibet de calice iræ divina & cruciabitur igne & sulphure in conspectu Angelorum sanctorum & in conspectu Agni.* statimque subiungit: *& ascendit fumus tormenti in sacula seculorum nec requiem habebant die ac nocte qui adoraverunt bestiam & acceperunt characterem nominis eius.* Post hæc exclamat: *hic est patientia sanctorum qui custodiunt mandata Dei & fidem Iesu.* Singula verba imò singulæ penè syllabæ cælestia spirant sacramenta. Bestia diabolus est: imago eius, Antichristus: character, peccatum seu malignitas per quam improbi à probis secernuntur: frons mentem denotat: manus operationem. Sensus ergo est: quòd si quis peccatum characterem videlicet diabolicum impresserit menti suæ aut etiam ad opus deduxerit, bibet de vino iræ

iræ divinæ ad æternam protrusus damnationem & cruciabitur igne & sulphure. Sulfur ad ignem pertinet, ignis ad ustionem: quorum alterum quamvis ad cruciandum malos sufficere possit, utrumque tamen redundat ut infelices damnati justo Dei judicio & ardorem sustineant & fixtorem. Post hanc quasi in tabula depictam suppliciorum inferni historiam exclamat ut jam dixi Pathmæus vates. *hic est patientia Sanctorum*. At nunquid patientia Sanctorum sita est in perpessione tormentorum infernalium? nunquid sancti bibunt fæces æternæ damnationis de calice iræ divinæ, nunquid igne & sulfure cruciantur in facie cæli & Agni? absit ita sentire, impios manet hæc procella. Quo igitur mysterio post exaggeratas tanta emphasi damnatorum pœnas dicit Prophetæ: *hic est patientia Sanctorum*? nimirum patientia Sanctorum nascitur ex consideratione cruciatuum infernalium. Leve videtur ipsis omne tormentum mundi cum æterno comparatum. *In æterna damnationis reprobatorum consideratione*, ait cælicus Cælius *sancti sese patientiâ premuniunt pensantes, quia pro temporali afflictione æternam sunt evasuri*. Et verò quis nolit ad horam cum Laurentio in candenti craticula torreretur ut perpetuum gehennæ effugiat supplicium: quis non eligat ad breve tempus in equuleo extendi, pulsantem lividas carnes & sulcantem latera ungulam pati: carceres, numellas, virgas, secures, flammæ experiri quàm per sæcula sæculorum in rogo à virtute divina extructo & accenso coram sanctis & Agno cruciari? Hoc stimulo ad patientiam se urgebant sancti. *Hic ure hic seca modò in æternum parcas* dicebat Augustinus. Hieronymus ob metum gehennæ ultro se atroci solitudinis asperrimæ damnaverat carcere. Senex quidam stupentibus hospitibus atque interrogantibus quomodo rigorem summum in laboribus & afflictionibus voluntariis sustinere valeret, respondit: *Totus labor temporis mei quem hic sustineo non est idoneus comparari ad unum diem tormentorum quæ peccatoribus in futuro sæculo preparantur*. Hoc eodem stimulo excitat ad tolerantiam magnus ille Magister in spiritu Thomas à Kempis: *Quid, inquit ille, sordide peccator potes contradicere exprobrantibus tibi qui toties DEUM offendisti & multoties infernum meruisti?*

In Apocalyp:

In vitis P.P.
lib: 5. fol: 558

Motivum hoc imperfectorum quales sumus, servit ingenio: qui verò perfectiores sunt, positivæ beatitudinis reminiscencia, omnium adversitatum cuneos penetrabunt securi. 2. ad Corinth: 4. ait Apostolus: *Id quod in presenti est momentaneum & leve tribulationis nostra supra modum in sublimitate æternæ gloriæ pondus operatur in nobis*. Dicere voluit Apostolus: quidquid tribulationis patimur in presenti, & momentaneum & leve est; nihilominus supra modum, supra mensuram, supra captum in sublimitate status beatitudinis æternæ gloriæ pondus, prægravantem, si fas est ita dicere, gloriæ cumulum operatur. Felix tribulatio quæ immensam eamque immortalem generat felicitatem! Sane afflictio in sæculo presenti materia præmiorum est. Hoc perfectorum incentivum est. sed & imperfectis ad maiora pedetentim progressum facientibus, ab illa tormentorum gehennalium recogitatione ad gloriæ æternæ contemplationem ascendere licet ut hoc duplici munimine contra universas adversitatum armentur impressiones. *Is qui transit per aliquem sinum profundum maris ne capitis vertiginem patiatur, flebit*

Secundum.

Didacus Stella

oculos versus terram. Neq. tu respicias ad turbidam & verticosam persecutionis aut tribulationis aquam sed ad terram viventium quisquis nunc navigas per mare tempestuosum huius mundi.

Tertium.

Ultra finem, suaves nobis reddit adversitates ille qui nostro bono virgâ nos flagellat æquitatis. Quis non excipiat flagellum à Patre paterne corripiente? quis non patienter amaram bibat potionem à Medico porrectam? quis chirurgus secanti vulnus irascatur? Joannis 18. Petrum evaginato gladio milites in horto Getsemani aggredientem corripuit Christus: *Calicem, inquit, quem dedit mihi Pater non vis ut bibam illum.* quasi dixisset. calix hic passionis à Patre mihi missus est cur ergo non bibam illum? Pater mihi propinavit & ego rejiciam? si ab alio offerretur, posses impedire, sed quia à Patre porrigitur, oclusis oculis epotandus cum omni angustiarum & amaritudinis mixtura. Adhuc in veteri lege patientissimus ille ac mansuetissimus David non personam persecutorum, sed Domini benigne castigantis attendebat voluntatem ut colligere est ex verbis illis dulcedine plenis ad Saulem hostem suum prolatis: *si Dominus incitat te adversum me odoretur sacrificium.* & ad Semei: *Dominus precepit illi ut malediceret David.*

*Quartum
Exempla.*

Calcar ad patiendum addunt exempla patientum: Certè enim discemus ex aliorum exemplo non esse tantas afflictiones & cruces quas patimur quantas apprehendimus. D. Hieronymus enarratis malorum examinibus quæ patiebatur Julianus cui consolatoriam scripsit Epistolam, ut quod duas virgunculas filias junctis penè extulerit funeribus, quod pudicissimam ac fidelissimam conjugem Faustina in qua sola post amissos liberos acquiescebat subita dormitione subtractam doluerit, quod ingentia rei familiaris damna sit passus, atque in communi totius Provincia à barbaris depopulatione privatarum possessionum ruinas, abactos armentorum ac pecorum greges, vinctos occisosque servulos viderit, enarratis inquam hisce malorum examinibus subjicit: *Hic est catalogus tentationum tuarum hæc cum Iuliano tyrunculo Christi pugna hostis antiqui. Quæ si ad te respicias, grandia sunt si ad bellatorem fortissimum, Iobum videlicet, ludus & umbra certaminis.* Graves & nobis videntur afflictiones quæcunq., quia in earum perpeffione nos ipsos respicimus. At si respexerimus fortissimos Christi seu in veteri testamēto seu in novo nobis in patientiæ exēplar propositos bellatores, imò etiam extra scripturæ campum multos seu quos vidimus seu de quibus audivimus athletas, nostram afflictionem risum putabimus. Videbimus non totis adversum nos ut remur certari cuneis. Tota vita Christi Crux fuit & martyrium & nos ad requiem & gaudium in mundo hoc habendum aspiremus? Sanctissima eius Mater gloriam multis tribulationibus sibi comparavit; nos per delicias nobis obventuram somniabimus? Vide mihi Davidem inter persecutiones Saulis, imo & filij, inter linguas maledicas, inter grassantem pestilentia lue. Vide Iobum inter funera natorum, inter convitia & maledicta uxoris, inter infirmitates corporis vermesque e corpore scaturientes. Vide Tobiam in exilio, in cecitate, in orbitate, in subsannationibus conjugis aliorumque malorum lerna. Vide alias varias patientiæ imagines: & ludum umbramque certaminis tuas censebis pressuras. Quid est quod ad modicam tentationem, quod ad modicam lesionem tui vel per linguam vel per extrinseca elementorum molestamina-

mina statim tristaris, ingemiscis & querulo ore injuriam exaggeras vel impatienti pectore æstum concludis! adversus culicis morsum delicatus, martyr effervesces? nimirum non pensas quæ alij passi sed quæ tibi pati fors concessit adversa. Intuere Paulum in laboribus plurimis, in carceribus abundantius, in plagis supra modum, in mortibus frequenter: lapidarum, naufragum, in profundo maris noctu diuque excubantem, in itineribus continuis, in periculis creberrimis, in labore & ærumna, in jejunijs multis, in frigore & nuditate præter instantiam quotidianam & sollicitudinem omnium Ecclesiarum. Alter Paulus nominis & virtutis Apostolicæ heres, Author & Magister noster in solitudine, in fame, & siti, in frigore & æstu, in aspero vestitu in chaumenijs absque ullo solatio absque ullo humano subsidio centum circiter vixit annos. Beissatior quadraginta noctibus in senticeto vigil hæsit. Eulogius elephantiacum convitiosum quindecim annis curavit, ut de aliorum stupenda penes infirmorum curam alijsque in occasionibus fileam patientia. Et infirmior sexus in adversis firmus. S. Paula testimonijs Sacra Scriptura quasi armatura Dei contra invidiam sævientem se instruebat & patiendi injurias furorem rabidi alieni pectoris mitigabat. Monialis quædam Monasterij Tabennesiotarum teste D. Basilio pro obsessa & fatua habita à contubernalibus jam ictus frequentes jam purgamentorum immundicitias & exquisita ludibriorum genera patientissime toleravit, studiosissime interim vilibus universarum intenta ministerijs quousque sanctitatem eius B. Pitirion non evulgavit. Fœmina hæc viros religiosos confundet in judicio, qui patientes videri, non esse volunt: qui in sinu Abrahamæ requiescere affectant, prius tamen cum Lazaro ad januam humilitatis abijci & ulceribus imperfectionum notari detrectant: qui cum Jobo prospera & fortunata expectant, prius tamen cum illo in sterquilinio sedere flagella & opprobria ferre recusant: qui sequuntur Christum usque ad fractionem panis non usque ad calicem passionis: aurum apparere volunt, probam in fornace adversitatum non sustinent: triticum se jactant sine lolio vitiorum, tribula & cribra refugiant: milites Christi vocari volunt, & boatus tormentorum audire non possunt: in Monasterio velut patientiæ gymnasio semper discunt nec unquam ad scientiam veniunt. Appage cum eiusmodi stolonibus. Non ex gymnasio solum sed tota rerum naturâ eliminandi sunt. Quis enim in Orbe universo sine miserijs?

Vivit in hoc mundo Caesar, Rex, rusticus: omnes

Lege perennali quod patientur habent.

Petes forsitan in quibus patientia servanda sit? breviter respondeo, in omnibus adversis & malis tibi repugnantibus atque te contristantibus serva patientiam. Si linguæ rodant si morbi affligant si tentationum impetus quatiant si externæ ab elementis & cælo inclementiori asperitates afficiant, si defectus & indigentia rerum necessariarum premat, si demum mala quæcunque sæviant, æquo esto animo.

Durum est verbum istud, inquires. Virulentias mordacium linguarum, incommoditates & defectus in necessitatibus vitæ, ægritudines varias, variasque molestias quis æquo ferre possit animo? planè insensibilis & omnis expers passionis ille esset qui in medijs non alteraretur malis, nec transmutationes sentiret corporales. Fateor non illubens, durum esse.

Uuu

sed

In viris PP.

S. Hieron: in vita Paulæ.

Eggerer in anathem: Mariano.

Prolepsis una

Secunda.

Lucanus.

sed gaudet patientia duris. Circa dura, aspera, injuriosa exercetur patienti at non sine gaudio. Carolus Neapolis Rex hierographiæ loco habuit petram fera divisam, in fastigio petræ erat Crux, in cruce rosa, in patientia suavitas. Patere tu quoque & maiorem referes lætitiā ac suavitatem quam si tuam millies ultus esses injuriā. Quod patientia sʒavis sit & esto plus fellis quam mellis habere interdum videatur non sit ramen abiicienda, docuit Christus insigni revelatione facta S. Mechtildi. Vidit hæc aliquando stantem ante se in veste sericea conchyliata Christum Dominum dansque osculum manui eius quia sensit nimiam mollitiem & levitatem vestimenti cogitabat quid hæc significaret. Dominus ad cogitationem respondit: *Sicut sericea vestis levis est & mollis sic omnis pena & tribulatio anima Deum verè amanti est sʒavis.* Sancta: *Hoc quidem, inquit, in principio ita est cum animam tribulatio invaserit in affectu tenero divini amoris existentem, at cum pena invaluerit, oppidò gravis erit.* Dominus respondit: *verum est, sed sicut coccinum ex hoc quod lapidibus pretiosis ornatum & oneratum est non abijcitur quin imo tanto carius habetur; ita fidelis anima penam propter gravitatem ipsius non recusabit quia omnes virtutes eius inde nobilitantur & meritum in infinitum augetur.*

In Gratijs Spi:
S. Mechtildis.

Durum est & gravè adversa perpeti, sed fructuosum. Quod palea grano, lima ferro, ignis auro, hoc tribulatio homini iusto. Ipsa rerum natura testis est quem fructum operetur virtus sustinentiæ. Vitis putatione fecundior: incensum in igne redolentius: crocus attritus melior: ignis crescit spirantibus auris: aqua inter præcipitia vires acquirit eundo: venti aquas maris turbantes & fluctus elevantes, turbant sed extollunt: rosas spinæ circumdantes vallant non violant: scutum Achil. lis dum lædit medetur: malleorum ictus ferro dant formam: mola agitatilis ex turbine lucrum generat.

Tertia.

S. Hieron:

At difficile est pressam malis innocentiam non dolere & in hoc ipso si de non periclitari quod se videat iniuste sustinere quod patitur? Ad hoc ego: dic mihi sodes quid fecit Christus? quid alij? nonne innocens Abel occiditur, bonus Joseph venditur, Elias S. in exilium pellitur, Daniel innocuus ad leones damnatur, optimus Tobias cæcitate punitur, sceleris purus Baptista in vincula trahitur. *Multa, scilicet, tribulationes iustorum. & omnes qui pie volunt vivere in Christo, persecutionem patientur, nec unquam deerit tribulatio persecutionis si nunquam desit observantia pietatis.* Difficile est innoxium si angarietur & injurijs appetatur non tristari. concedo sanè difficile esse sed audi quid dicat B. Petrus: Si, inquit, *bene facientes tribulationes patienter sustinetis hæc est gratia apud Deum: in hoc enim vocati estis.* Quasi dicat hanc esse peculiarem Dei gratiam, hanc præcipuam professionis Christianæ partem, hanc vocationis Christianæ obligationem pati propter iustitiam, pati innocenter. Difficile est. at ista est nota veri Christiani, character, stemma, signum filij DEI. Aliter iustitia tua non patebit, aliter probitatem non manifestabis præterquam si patiaris insons. Uti naclerum tempestas, athletam stadium, Ducem pugna, magnanimum calamitas; ita Christianum patientia probat. Et arbor fructu grava innocens est quantumvis lapidibus & perticis, uncinisque impetatur; neque tamen illa

illâ felicior sterilis & omni fructu vacua quæ nec percutitur nec lapidatur excindenda ad ultimum & in ignem mittenda.

Ad omnes quidem quicumque Christiani nominis professione censentur sermo pertinet, potissimum tamen ad eos quos cura nostra completitur. Hos rogamus hortamur & obsecramus ut nobilissimæ huic & ore divino deprædicatæ consuecant virtuti. In schola patientiæ estis, pudeat si regulas patiendi nesciatis: in loco & arena certaminis, pudeat ad quemcunque ictum acceptum flere, quiritari, & instar puerorum suas misérias contracto vultu singultibusque testari. Agere & pati Romanorum est dixit nonnemo: dicam ego, Christianorum & Religiosorum est. Apud Christianos & potissimum Religiosos non qui patitur sed qui facit injuriam miser est. Nec minus malum est referre injuriam quam inferre. *Omne ergo quod tibi applicitum fuerit accipe & in dolore sustine & in humilitate tua patientiam habe quoniam in igne probatur aurum & argentum, homines verò receptibiles in camino humiliationis* monet Ecclesiasticus. Monet & Poëta: *Æquam memento rebus in arduis servare mentem.* Addo ego: memento Religiose, memento perfectionis studiose, memento Crucis discipule. Si magnitudo mali obversetur menti tuæ teque ad tristitiam trahat, cogita quantillum id est respectu majorum inferni, cogita non esse condignas huius temporis passionem ad futuram gloriam, cogita non ab homine tibi venire vexationem sed à Deo probationem. Pater est, qui tibi propinat calicem passionis, quid dubitas bibere? qui tibi amaricatum porrigit poculum, Pater est, accipe. *Exercet nimirum ille purgatque nos medicinalibus molestiis in tempore ut nos sanos & sine ruga & macula servet aternitati.* Fatigat te lacescitque malitiosus frater, lingua, gestu, sannis modisque alijs affectatis; æquam memento servare mentem. *Quisquis enim non tolerat malos ipse sibi per impatientiam testis est quia bonus non est.* Et Abel esse renuit quem malitia Cain non exercet. Imo verò in homine, in fratre te persequente, Domini venerare voluntatem & dic cum David: *si Dominus incitat te adversum me, odoretur sacrificium.* quæ verba cuius etiam ægritudini, cuius molestiæ, infortunio & nocumento dicere, summi erit meriti. Dolores & amatores tuos confer cum Christi eiusque sequacium doloribus & aut nulli aut certè leves videbuntur. Dices tunc cum Hieronymo: *Quotam partem angustiarum perpeffus sum qui cruci milito, id est: quid hæc sunt quæ patior? nondum usque ad sanguinem decertavi, nondum flagellis atrocibus concisus sum, nondum in crucem actus sum: modica patiendi causa oggeritur mihi & non patiar? & fremam? & furore concitus vindictam spirabo aut tristitiâ animum deiciam, ego qui cruci milito, qui Christi patientis castra sequor, qui Ducem sanguine proprio rubentem & vulneribus lividum nactus sum? modicum est quod patior: plura & plura pati desidero.* Dices cum Sancta Tereffia: *Domine aut pati aut mori.* Non pigeat igitur imitari quod celebrare delectat. & si volumus gaudere cum Sanctis, tribulationem mundi non gravemur sustinere cum iisdem.

Horatius.

S. August: lib:
de doct: Chri:
stiana.

S. Gregorius.

Ad Asellam.



MODESTIA.

Sancta Mater Ecclesia sollicita de profectu filiorum suorum varijs temporibus ad varias nos adhortatur virtutes. Jam ad poenitentiam, jam ad fervorem pietatis, jam ad rigorem jejunij, ad continentiam, aliaque spiritualia studia prout fert circumstantia temporis, crebra nos commonitione impellit. In adventu Domini speciali modo virtutem modestiæ sectandam proponit dum illo Apostoli Capitulo ad nos frequentius utitur: *Fratres gaudete in Domino semper; iterum dico gaudete. Modestia vestra nota sit omnibus hominibus.* Ne verò quis dubitet in quo sit posita, & ne quis declinet os suum in verba malitiæ ad excusandas excusationes in peccatis, breviter quid sit, aperio & ad eius studium manuduco.

Actus Modestiae.

Modestia est virtus inclinans hominem ad moderandos juxta dictamen rationis motus externos. Hi porro ita ordinari & temperari debent ut non modo nobis seu statui officioque nostro, sed etiam locis ac personis in quibus & cum quibus agimus convenient. Idcirco Doctor Angelicus duo in compositione exteriori considerat: convenientiam ad personam & convenientiam ad ea quæ circumstant. Synopsis actuum virtutis istius, (quanquam in vastas diduci possit tabulas,) paucis comprehendo lineis: nimirum, ut cum quidpiam respicis, non nimium defigas oculos in rem conspectam, utque procedens in publicum non circumspicias, sed demissis paulisper in terram oculis progrediaris: cum familiariter colloqueris, manus aut caput non agites: cum rides, sine dissolutione & effusis cachinnis risus fiat: quando incedis, gressus juxta monitum D. Ambrosij *sit probabilis, in quo species auctoritatis gravitatisque pondus ac tranquillitatis vestigium*, absque tamen affectatione appareat ne mollioribus in incessu tarditatibus, pomparum ferculis similis esse videaris: si sedes aut inniteris, membra sint decenter composita, nec pedes decusses aut indecore tibiam tibiæ supponas. Stando rectum corporis situm custodias ac divagationem & instabilitatem pedum manuumque à tergo tentionem caveas. Denique ad eum modum universos gestus motusque admetiaris ut decorum ac honestum, neque ad nimiam urbanitatem, neque ad rusticitatem declinando, observes. Et quia unicum fatigatae intensae operationibus animæ remedium in delectatione situm est, utpotè quæ est quedam quies animi vires interiores ad instar somni refocillans, delectatio autem queritur in ludis & jocis: ad modestiam ultra recensitas partes spectat cavere, ne delectatio queratur in ludis jocisque aut turpibus aut nocivis; ne item gravitas animæ ridiculis rebus seu verbis totaliter resolvatur; insuper ut ludicra dicta factaque congruant personæ temporis & loco, atque secundum alia adiuncta debite ordinentur. Ex hoc capite, quod ab immoderantia ludorum refrenet modestia, rectè eam titulo Eutrapeliæ donaveris: Eutrapelia autem latinis sonat jucunditatem. Ad extremum lex, modestiæ cultum exteriorem attemperat,

genus

genus vestimenti grossioris vel subtilioris pro ratione status aut officij cuiusvis præscribendo.

Dignitas virtutis huius, unius è duodecim fructibus Spiritus Sancti, ipsa sibi laudi est nec humani præconij eget suffragio. Ea est quæ nos Deo amabiles & hominibus reddit gratiosos. Ea est quæ omni impietati oppilat os suum ne conversationem nostram dente canino carpat. Ea est quæ homines pios & timoratos ad spirituales jubilos & laudes Dei celebrandas excitat juxta quod dicit David: *Qui timent te videbunt me & letabuntur.* ac si diceret: Quicumque timens Deum viderit me, viderit meam compositionem, meam in factis gestibusque exterioribus maturitatem & honestatem, exultabit & Dominum inde glorificabit. Sed vel maximè inde promicat fulgor & decus modestiæ quod sit electionis ad gloriam non obscurum indicium. *Induite vos* ait Apostolus ad Coloss: 3. *sicut electi Dei & dilecti viscera misericordia, benignitatem, humilitatem, modestiam.* ac si diceret: Quia electi Dei estis, vestiamini sicut vestiri solent electi: vestimentum porro electorum est virtutū ac potissimum modestiæ ornatus. Ex vestimento, hominis conditio agnoscitur. Paludamentum Cæsarem, purpura Regem, sagum militem, latus clavus Senatorem, prætexta adolescentem, mastruca nequam Sardum prodit. Similis ex vestitu spirituali conjectatio habetur. Si gratiosa modestiæ epomide quempiam indutum videris, electum Dei, sanctum Dei judica. Ex candida toga dignoscebantur olim competitores ad magistratus alicuius consecutionem aspirantes, qui etiam candidati appellabantur: puritas coloris eligendos indicabat. Non eligendi sed jam electi sunt ad cælestem magistratum quos candidissima modestiæ chlamys circumdat. Quem in niveo modestiæ amictu albere conspexeris, gloriæ æternæ & immortalitatis felicissimæ candidatum puta.

Dignitas Modestiae.

Et hoc ipsum inflamat animos nostros ad studium virtutis huius. Quis enim tam pretioso operiri vestimento non desideret quo nonnisi Filij Dei nonnisi electi Dei ornantur? sed & inde amor eiusdem virtutis nostro pectori ingeneratur quod famam, pretiosissimum margaritum, bonum quo non præstantius ullum, custodiat nobis & conservet; ad cuius boni amorem frequentissima in sacris literis habemus adhortamenta. Eccl: 39. *Obandite me* (inquit sacer textus) *fructus divini & quasi rosa super rivos aquarum plantata fructificate: quasi Libanus odorem suavitatis habete: florete flores quasi lilium & date odorem & frondete in gratia.* Ubi per odorem, odor bonæ famæ designatur. Alludit Apostolus: *Christi bonus odor sumus DEO in omni loco.* Diceret aliter fusiori sententia: Omnia opera nostra omnes actus gestusque nostri sint odoriferi, Christum redoleant, Christum spirent ut proximi nos intuentes Christum in nobis olfaciant. Eundem bonæ famæ odorem & SS. Patres commendant nobis. S. Augustinus: *Omnis, inquit, vita religionis professa, integritatis famam debet curare ne quem expectat corona virtutis, pudoris damno pereat.* Et paulo infra: *Magnum est quidem & gloriosum & usq; ad calum omnium ore proferendum nunquam malis actibus locum dedisse sed multo fortius est nunquam falsis suspicionibus, (id est pravis de te opinionibus) laborasse.* S. Hieronymus ex incauta conversatione etiamsi, inquit, conscientia criminis vulnus non habeat habet tamen fama ignominiam. Sciendum namq; est duas res esse quas

Bona fama inducitur ad modestiæ præcipuum.

De bono discipline.

Ad Matrem & filiam in Galias.

S. Aug. de vi-
ta & moribus
Clericorum.

in vitæ huius curriculo maximopere curare & custodire necesse habemus: conscientiam & famam. *Propter nos conscientia nostra sufficit nobis: propter proximum fama nostra non pollui sed pollere debet.* Hinc est quod Sancti quique nihil magis quam famæ suæ maculam abhorruerunt. Laudatissima illa in sacris literis mulier Judith ita erat boni nominis studiosa ut de ea sacra scriptura reliquerit testimonium: *Erat hæc in omnibus famosissima quia timebat valde Dominum nec erat qui de ea loqueretur verbum malum.* David inter omnes adversitates & tribulationes nullam maiorem habuit quam existimationis bonæ lēSIONEM dum factus est in parabolam & contra eum psallebant qui bibebant vinum. Machabæi potius vitam profundere quam crimen gloriæ suæ inferre maluerunt. Quid loquar de Sanctis novi testamenti quorum omnium vita rectè vivendi norma est. Huius igitur tanti boni custodem virtutem quanta virium contentione curare, quanta diligentia custodire debeamus conspiciamus. Quod autem famam nostram tueatur modestia, inde est quia motus exteriores sunt signa interioris dispositionis quæ præcipue attenditur secundum animæ passiones. Sicut enim ex indice facile est colligere quo pacto se intus habeat horologium & sicut ex accidentibus ut volunt Philosophi cognoscitur substantia ita ex motibus exterioribus humanis interior hominis innotescit constitutio. Unde Eccl: 19. *Ex visu cognoscitur vir & ab occurso faciei cognoscitur sensatus.* Item: *Amictus corporis & risus dentium & ingressus hominis enuntiat de illo.* Si igitur compositum externè quempiam vident homines, probum quoque & sanctum judicant ac non nisi recta de illo opinantur, atque si quid sinistri de eodem audiverint, non facile credunt.

Cantic. 4.

S. Aug. lib: 2.
de doctrina
Christiana.

Scribanus in
Medico Relig:
lib: 3. cap: 23.

Ad moderationem exterioris hominis stimulat etiam hoc quod beneficio dictæ moderationis non modò integritatem famæ conservabimus sed & à periculo scandali cuius gravitatem horrenda Christi maledictio intonat remotissimi erimus: imò verò modestiæ & exempli boni efficaciam multiplices Christo spirituales filios procreabimus. *Erimus sicut greges tonsarum ovium quæ ascenderunt de lavacro, omnes gemellis fatibus. Et sterilis non est in eis,* ut qui onera secularia tanquam vellera deposuimus ablutique sumus in lavacro baptismi & poenitentiae, non tantum duplo sed etiam decuplo plures fetus gemina charitate pollentes producamus: quatenus nullus nostrum sit sine fœtura, nullus qui salutari exemplo non procreet Deo & cœlo spirituali generatione filios. Et certè dici non potest quantum sive ad imitationem sive ad persuasionem religiosa morum compositio valeat, vultus totius modestia ac maturitas, decens omnium membrorum constitutio, frons serenior, oculi modicum dejecti & verecundiam signantes, os genæque pudorem testantes, manuum totiusque corporis seria maturitas, ut vel hæc sola ingentia non semel incitamenta fuerint vitæ melioris. Nec mirum: facta namque potentiora verbis sunt plusque potest morum locutio quam fecundissima verborum flumina divite quocunque fonte manantia. Longum nimirum est iter per præcepta, breve per exempla. Hoc pacto Antonius magnus plurimos ad Christum & sanctioris vitæ institutum attrahebat de quo S. Athanasius testatum reliquit quod *quicumque ad eum accurrebat, & animæ puritatem agnoscebat ex vultu & per speculum corporis gratiam sanctæ mentis intuebatur.* De Sancto Luciano proditum legimus quod ad eius aspectum

spectum multi Ethnici Deum laudabant qui à tanto viro coleretur & baptismo se initiari curabant. S. Franciscus Seraphicus non aliter efficacius concionabatur quam modestè per urbis compita & vicos incedendo. Eandem externæ compositionis gratiam in Virgine Beatissima depredicat D. Ambrosius: *Nihil torvū in oculis, nihil in verbis prolixum, nihil in actu inverecundum. Non gestus fractior non incessus solutior, non vox petulantior: ut ipsa corporis species simulacrum fuerit mentis, figura probitatis.* Modestia Virginis Beatissimæ, ait quidam Marianus encomiastes, tam erat insolens & admiranda toti mundo ut omnes sano iudicio præditi qui eam à tenera ætate aspexissent, faterentur nunquam patrem creaturam in hunc mundū prodijisse. Vultus eius honestus, membrorum compositio, omnium motuū decor planè cælestis erat, ad ruborem sanè eorum Religiosorum quorum motus & gestus nil nisi discolam mentem pandunt, quorum motus inquam & gestus nil nisi sæculum sapiunt, ex quibus haud immeritò curiosioribus inferre licet quid in animo gestent. Hęc igitur quæ proposui exempla & quæ passim nobis occurrunt, sequamur, hęc imitemur: ut in nobis refulgeat species castitatis & forma virtutis. *Nemo inveniat ex nobis male vivendi occasionem: nemo circa*

Eggeret in anathemate.

August. de bono discipl.

Hieronymus.

*Vultus indue tu magis severos
Quàm coniux Priami nurusq; maior.
Mimos ridiculi Philistionis
Et convivia nequiora vita
Et quidquid lepida procacitate
Laxat perspicuo labella risu.*

Martialis.

Si hęc in Ethnicis propter gloriam auramque popularem fuerit maturitas; nobis potior est servandæ in externa compositione honestatis finis, *glorificatio nimirum DEI & proximi edificatio.*

Agrestes, inquietis, & duros nos vis esse. Minimè verò. Novi utiq; virtutem in modo medioque sistere & tam per defectum quàm per excessum in vitium desinere. Alijs se onerosum exhibere, puta & nihil delectabile facere dicereque, & honestas familiarium impedire delectationes, æquè vitiosum dissonumque rationi iudico ac effundi in risus Megaricos lususque indecoros. Amplector Senecianum illud: *Sic te geras sapienter quòd nullus te habeat tanquam asperum nec contemnat quasi vilem.* Sicut molliculum & infractum, aut vocis sonum, aut gestum corporis, ita agrestes & rusticos non probo mores. Moderationem, non morositatem sacræ profanæque eruditionis suadeo testimonijs. Desipiam si injucundos fastidiosos & echino asperiores vos voluero. Nolo inter festivos & hilares quisquam Areopagita sit, nolo tragicum tueatur, nolo Atreum, qui serenitatem aliorum torvo ac terribili funestet aspectu, quànquam fateri cum Principe Oratorum debeo, ad severitatem

potius & studia graviora quàm ad ludum jocumvè nos à natura generatos: & cum Principe Philosophorum, parum de delectatione sufficere ad vitam ficut parum salis sufficit ad cibum, ideoque excessum in jocis vitiosorem esse quàm defectum, quod probat Angelicus Aquinas.

Honestè igitur ambulemus ad eos potissimum qui foris sunt, nemini dantes ullam offensionem ut non vituperetur ministerium nostrum; ut omnis qui ex adverso est vereatur nihil habens malum dicere de nobis. Monitum regulæ hæreat semper in mentibus nostris: *In incessu statu habitu in omnibus motibus vestris nihil fiat quod cuiusquam offendant aspectum, sed quod vestram deceat sanctitatem.* quod si observare studuerimus, modestiam nostram mundo notam faciemus, Dominumque qui propè & jam in januis est, dignè in cordium nostrorum sacraria excipiemus.



PERSEVERANTIA.

Misericors & miserator Dominus in omnes calamitosos suas explicat miserationes. Proprium quippe illi est misereri semper & parcere: & sicut solem suum oriri facit indifferenter in bonos & malos ita clementissimis misericordiae radijs fovet indiscriminatim universos, justos ne pervertantur injustos ut convertantur. Quid igitur specialiter erga turbam cuius crastinum meminit Evangelium moveri se misericordiâ constitetur coram discipulis? Nimirum quia hæc per triduum Christo adheferat non solitudinis tedio, non victus necessitate, non domus & familiæ cura, abstrahi sese sinens à Salvatoris sequela. Triduum est totum vitæ nostræ spatium. Quantumcunque enim vixerimus tempus, non nisi modicum dici debet. Per diei cursum alibi designatur vita nostra ab ortu ad occasum velocissimo impetu festinans, hic per triduum propter fidem Sanctissimæ Trinitatis quam profiteamur. Epaminondas magnus ille Argivorum Dux dictitabat ita breve esse vivere hominis ut non nisi 3. verba homini quantumvis ad usq; decrepitam senectam degenti dici possint: in infantia ave, in inventute ades, in senectute vale. Trifariam divisit Princeps iste vitam hominis in tres quasi dies ita ut unus sit infantia & pueritia, alius adolescentia & juvenus, tertius senilis ætas. Hospitem agit homo in mundo in quo ultra triduum hospitari non permittitur. Per hoc igitur triduum si sustineamus Christum in deserto mundi huius, firmissimè perseverantes in adhesionem ad ipsum, misericordiam in oculis eius inveniemus, in loco pascuæ æternæ ab ipsomet collocandi. Ad hanc sustententiam seu perseverentiam stimulat exemplo suo turba devota sed & sermo noster dabit aliquid emolumenti.

Natura perseverantia. Tullius perseverantiam sic descriptam voluit: *Est in ratione bene considerata stabilis & perpetua permansio.* D. Thomas in eo naturam ponit perseverantiæ quod sit virtus ordinans hominem ad insistendum bono alicui.

no alicui usq^{ue} ad consummationem vite vel operis. Unde etiam adversus duplicem esse: aliam scilicet operis, finalem aliam. Idem eandem specialem deducit esse virtutem. Cum enim virtus secundum Philosophum: 2dò. Ethic: sit circa difficile & bonum, quia in insistendo diutius alicui difficili specialis reperitur arduitas, speciale quoque agnoscitur virtutis insigne. Si rem spectes, convenit cum constantia, differt nihilominus in fine. Utraque enim intendit persistere in aliquo bono. sed perseverantia facit firmiter persistere in bono hominem contra difficultatem quæ provenit ex diuturnitate actûs; constantia verò contra difficultatem quæ provenit ex quibuscunque alijs exterioribus impedimentis in diuturna difficilium & laboriosorum tolerantia.

Laus ergo perseverantiæ inde est quòd aliquis non recedit à bono. Instabilis enim & mollis animi nota est si de facili propter aliquam arduitatem, ab eo quod rectum & honestum est, resiliat. Nam molle dicitur quod facile cedit tangenti. non autem judicatur molle quod fortiter impellenti cedit; quia & parietes cedunt machinæ percutienti, & Philosophus in 7. Ethic: judicat ei qui à fortibus & superexcellen-
tibus delectationibus vel tristitijs vincitur non esse exprobrabile sed condonabile.

Laus eiusdem

Laus item eiusdem in eo est quia non invenitur quicquam in mundo tam arduum & difficile ad quod non pertingat perseverantia divinæ subsidio gratia suffulta. Quod enim ædificium tam excelsum & magnū est quod non absolvatur, paulatim lapidem lapidi superaddendo. Quæ via tam longa quæ non perficiatur si quotidie aliquantum non dico grallatorio, sed testudineo incessu progrediamur. Litoglyphus, qui vult marmoreum aliquod saxum excavare aut urnarium facere & si singulis ictibus modicam scobem de saxo auferat, si tamen laborem continuat, post non multos dies supremam operi imponet manum. Age itaque cum tantum possit perseverantia sine gratia, quid non poterit illi coniuncta?

Ad hanc boni operis virtutem salutari monitione Eccl: 10. adducta unusquisque nostrum invitatur: *Si spiritus potestatem habentis ascenderit super te locum tuum ne dimiseris.* D. Hieronymus ad Demetriadem scribens hac præfatum textum amplificat oratione: *Quasi in procinctu & in acie stamus semper ad pugnam. Vult nos loco movere hostis & de gradu decedere sed solidanda sunt vestigia & dicendum: statuit supra petram pedes meos.* Ita profecto est, militiam esse vitam nostram experimur. In arena sumus, descriptus nobis certaminis locus: si extra circulum excesserimus, in hostilem potestatem redacti sumus. Cavendum igitur ne gressus nostri è loco, à via mandatorum divinorum moveantur. Cavendum ne stationem virtutis deferamus, memores firmitatis Ecclesiæ in amore & amplexu Christi Domini. Cant: 3. Sponsa amissum sponsum cum tandem invenit: *Tenui, inquit, eum nec dimittam.* figuratur
allegoricè Ecclesia quæ nec verbositate Philosophorum nec cavillationibus hereticorum nec gladijs persecutorum potuit aut poterit aliquando separari à charitate quæ est in Christo JESU. S. Patriarcha Jacob colluctans cum Angelo, non dimittam te, ait, nisi benedixeris mihi; hæc autem non sic, rejicit omnem conditionem, quia nec pro benedictione quidem vult eum dimittere quem tenet. *Tenui eum nec dimittam.*

Eccl: 10:

Pannonius in
Cant:

En talis est Mater nostra? si veri filij sumus, gloriam Matris paribus vitæ lineamentis exquiramus: filijs Abrahæ opera Abrahæ facienda: Ecclesiæ filijs, constantia Ecclesiæ tenenda. At nos imitamur ne? pro dolor degeneres sumus! levi occasione & quidem non pro dono aliquo cælesti, non pro benedictione, sed potius pro peccato, pro exigua delictiuncula, pro crepundijs pro crustulis puerilibus quem tenuimus dimittimus, similes non Matri Ecclesiæ, sed novercæ synagogæ. Judæi namque cum ipsis Moyse attulisset & retulisset mandata Divina uno ore clamarunt: *Cuncta quæ locutus est Dominus faciemus*, & tamen ad quamcunque occasionem mandata Dei violabant, ad idola toties quoties resuebant sedifragi & impij Jechovæ desertores.

Inductiva ad
Perseveran-
tiam.

S. Cyprianus.

Fortitudinis & constantiæ lumina in mystico sacre scripturæ celo tot resplendet ut numerari nequeant. Quis non miretur Jobum, qui tot in adversis & sannis protestabatur: *Donec deficiam non recedam ab innocentia mea*. Quis non prædicet Machabæos, qui maluerunt truncari, torrerī, laniari quàm legem Dei deferere? quis heroicum Susannæ non magnificet spiritum quæ elegit incidere in manus hominum quàm peccare in conspectu Dei sui. Nec vero possibile cruces gladios rotas ignes & innumerabilia mortis genera narrando percurrere quibus sancti in statu legis gratiæ extensi sunt, secti sunt, contracti sunt, cremati sunt. *Tolerarunt usq; ad consummationem gloriæ durissimam questionem nec supplicijs ipsis sed ipsis supplicia cesserunt. Inexpugnabilem fidem ac charitatem superare non potuit sapiens diu plaga repetita quamvis rupta, compage viscerum in servis Dei non iam membra torquerentur sed vulnera. Sic dimicarunt adversus peccatum sancti. sic & laborando fortiores & moriendo victores effecti sunt.*

Induct. speci-
ale.

S. Aug. de vi-
ta Christiana

Ut persistamus in bono usque ad consummationem non modò exempla sanctorum spectare, verum etiam hoc nos sentire convenit, tamdiu unumquemque patientiâ Dei sustineri quamdiu nondum peccatorum suorum terminum finemque compleverit, quo consummato reum illico percipi nec illi ullam veniam amplius reservari. Esse autem certum peccatorum modum mensuramque, ipsius Dei testimonio comprobatur, & quia unusquisque vel celerius vel tardius prout peccatorum suorum modum expleverit judicatur, evidentissimè quidem demonstratur quando de Sodomorum & Gomorrhæorum interitu ac incendio, qui sua jam peccata repleverant, ad Abraham Deus loquitur dicens: *Clamor Sodomorum & Gomorrhæorum repletus est & peccata eorum magna vehementer repleta sunt*. De Amorrhæis verò quos post multos annos quàm supradictæ Civitates crematæ sunt, constat esse deletos, dicit: *Nondum sunt repleta peccata Amorrhæorum usq; adhuc*. Quo exemplo manifestissimè instruimur & docemur singulos secundum peccatorum suorum plenitudinem consummari & tam diu ut convertantur sustineri, quam diu cumulum delictorum suorum non habuerint consummatum. Jam quis tibi revelavit, numerum peccatorum tuorum haut integrum? à quo certificatus es multum deficere ad implendam delictorum tuorum mensuram? quis literas securitatis dedit te si semel adhuc peccaveris, necdum ad prævaricationes tuas ultimam appositurum. Scimus equidem multos dum adhuc benignam permittentis Dei promittunt sibi conniventiam inopino fato in ipso peccandi actu extinctos. Scimus multos post expletam maliti-

am, clau-

am, clausam sibi agnovisse misericordiae januam. Her & Onan filij Judae subita & horribili morte à Dæmone Asmodeo propter masturbatio-
 nes occisi sunt. Septem viri Saræ dum minimè rentur, à dæmonio in-
 terfecti. Ex Hebræis 24. millia ob fornicationem subito interempta.
 Exhorruit Antonius Magnus & quis cum illo non exhorrescat quando
 accepit per revelationem, monachum cui antea onagri ceu prodigioso
 mulioni obtemperabant lapsum esse breviq̃ue non obtentis ad peniten-
 dum quas desiderabat inducijs, mortuum. Nescis heu nescis, te quoq̃ue
 si semel peccaveris simul condemnandum? Nescis unum, ultimum fo-
 re tibi erratum. Scalæ variæ sunt aliæ maiores, minores aliæ; hæ
 paucioribus, illæ pluribus nectuntur gradibus, quis scit in quoto gradu
 es ad infernum? quis docuit quòd peccatum si illud expleveris non ex-
 tremus ad gehennam progressus fiet? De Pica cuiusdam Tonforis nar-
 rat author Hagiophilæ quod humanas voces expedite proferebat, re-
 citabat Symbolum Apostolorum, Litanias Lauretanæ, Orationem Domi-
 nicam; quæ tamen ad unum tubæ in vicina domo clangentis sonitum
 terrefacta totius suæ latinitatis & devotionum oblita, nullo labore ad
 loquacitatis pristinæ redire potuit argutias. Pica, pica mansit naturali
 relicta garrulitati: nullum ex oblivione sensit damnum, quia nullum ex
 devotione retulerat meritum; at nobis æterna labe nec reparabile da-
 mnum fieret si post nostras industrias spirituales, post varias ad servi-
 dum Deo adinventiones alicui mundano lenocinio aurem præbentes to-
 tum illum deperderemus spiritum nunquam deinceps ad nostras devo-
 tiones ad nostros virtutum actus redituri. Neque enim in nostra po-
 testate est reducere nos lapsos ad statum pristinum, sed in Dei miseren-
 tis gratia, qui cuius vult miseretur, quem vult indurat.

In ritu PP.

Efficax & illud perseverantiæ motivum est, quòd carere Deo extre-
 ma sit miseria & quidam terrestris infernus. Sicut namque homo ju-
 stus propter suam cum Deo conjunctionem, inchoatam possidet beatitu-
 dinem; ita in peccatum prolapsus, propter Dei amissionem infernales
 incipit expetiri ærumnas. *Timentis Dominum beata est anima eius ad
 quem respicit & quis est fortitudo eius!* Et verò quomodo beata non
 fit cui Dominus ipse *protector potentia, firmamentum virtutis, tegimen
 ardoris & umbraculum meridiani, deprecatio offensionis & adiutorium,
 casus, exaltans animam & illuminans oculos dans sanitatem & vitam
 & benedictionem.* Sub tali protectore sub eiusmodi firmamento quam
 formidabit potentiam? à qua sibi timebit virtute? quis sub hoc tegimi-
 ne aduret ardor, sub tali umbraculo quis decolorabit æstus? nulla læ-
 det offensio Domino deprecante, nullus affliget casus Domino adiuvan-
 te. Si conspirent adversa, ipsaque Erebi molimina ad humiliandam a-
 nimam, Deus exaltabit. Si Cimmerijs tenebris oculos mentis involu-
 ere Sathan tentaverit, ipse illuminabit. Infirmas vel aberit vel non
 oberit, eo medente in cuius pennis sanitas. Vita aderit præsentem eo qui
 est vita. benedictio tota se infundet ubertate ubi fuerit ille, qui aperit
 manum suam & implet omne animal benedictione. Porro Deo desti-
 tutus peccator quid faciet in medio Principum & potestatum inferni
 contra se pugnantium? quo tegimine utetur in tribulationum ardori-
 bus? in æstu persecutionum quo confugiet, in casibus & adversa infor-
 tuniorum forte quis depressum eriget, quis ad tenebras detrusum luci

In instruct:
Idiotæ.

Gaudier:

In medi: C.39

In tabula e-

xempl: dif: 9.

Exempl: 162.

restituere, quis infirmum fovebit, mortuum resuscitabit, maledictum benedictione restaurabit? Homo sine Deo est miles inter hostium manipulos absque armis, est ovis inter lupos absque opilionis & canum excubijs, est hortus in medio pecorum absque sepimento & ut loquar teretissimi Teretij verbis: est arbor à radice præcisâ; manus sine capite, infans absque Matre. est, ut Christus ipse in revelationibus S. Brigittæ asseruit, inferior catulo illo qui recens natus matri suæ adeptus, cæcus in foveam projicitur ubi querit ubera aut aliquod matris solatium nec ullum invenit. Da mihi hominem destitutū omnibus huius vitæ bonis, da oppressum omnibus malis, da ab omnibus desertū, si tamē Dei amicus sit, is certe beatissimus re ipsa est. Da contra Principem da Regem da Imperatorem vitæ huius bonis quibusvis ad satietatem usq; pro arbitrio abundantē, fac tamen eum destitui gratia Dei & illum coram tribunali Dei statuere, nonne merito infelicissimum putabis. Sanctissimè proinde ac rectissime Augustinus dicebat: *Melius est mihi non esse quam sine Iesu esse: melius est mihi non vivere quam sine vita vivere.* quæ tessera millies singulis horis geminari & ruminari digna. Ad rem facit illa Varronis pictura qua peccato mortali innodatam animam effigiavit. Pinxit ille Reginam in habitu lugubri continuè trementem. in circuitu Reginæ visebantur tres imagines: prima Dei, secunda diaboli, tertia hominis; ad unamquamque imaginem regina gerebat chartam protensam. In ea quæ dirigebatur ad Deum, scriptum fuit: *Salvatorem meum misera perdidici & omnes Angelos eius. Va va mihi ad quid nata sum?* Charta ad diabolum directâ hanc ostendebat scripturam: *Diabolo & Angelis eius homagium feci* quando in peccatum per consensum incidi. In charta ad hominem porrecta eiusmodi inscriptio: *Omnia mala omnis horror omnis tribulatio finis meus & omnis pena, ut si quis dilexit me, hæc sibi innotescant.* Quis ista perpendens adeo temerarius imo fatuus fuerit ut eligat absque Deo esse & sic in omnium malorum gurgitem sese præcipitare.

Perseverantiam in bono & merces æterna suadet. *Ne verearis usq; ad mortem justificari quia merces Dei manet in æternum* Eccl: 18. Age dic sodes si præmium tanto tempore sit duraturum cur tu servitium vis esse momentaneum? Si merces non finietur quamdiu Deus in cælo regnabit, cur tu non vis ut servitus duret saltem quamdiu vivis in terra? ut præmium labori sic labor præmio respondere debet. Non piguit Jacobum pro Rachele obtinenda continuos septem servire annos. Septem anni post quos octavus æternæ beatitudinis sequitur, universam figurant vitam nostram; his continuè laborandum ut delicatissima & pulcherrima perpetuæ felicitatis Rachele potiamur. Videre est in veteribus historijs, quosdam lustrasse provincias, novos adiisse populos, maria transisse ut eos quos ex libris noverant, coram quoque viderent. Ad Titum Livium lacteo eloquentiæ fonte manantem de ultimis Hispaniæ Galliarumque finibus quosdam venisse nobiles legimus & quos ad contemplationem sui Roma non traxerat, unius hominis fama perduxit. Apollonius sive ille Magus ut vulgus loquitur, sive Philosophus ut Pythagorici tradunt, intravit Persas, pertransiit Caucasum, Albanos, Scythas, Massagetæ, opulentissima Indiæ regna penetravit & ad extremum latissimo Physon amne transmissio pervenit ad Brachmanas ut Hiararcham in throno sedentem aureo & de Tantali fonte potantem, inter paucos

paucos discipulos de natura & motibus siderum ac dierum cursu audiret docentem: inde per Elamitas, Babylonios, Chaldaeos, Medos, Assyrios, Parthos, Syros, Phœnices, Arabes, Palæstinos reversus Alexandriam, perrexit in Æthiopiam ut gymnosophistas & famosissimam solis mensam videret in sabulo. Si tantus tam diuturnusper tot terrarum mariumque discrimina susceptus labor ut videretur & audiretur ad horam aut dies aliquot, ad summum ad annos aliquot vir eruditus Hiarchas in throno aureis laminis fulgurante disputans, solisque mensa conspiceretur: si integrum vitæ spatium consecrabant sæculi homines curiosæ ad modicum tempus visioni; vilior erit perpetua regni cœlestis beatitudo, throni divini maiestas, Sapientia increata revelans mysteria parvulis, Mensa Solis iustitiæ perenni beatitate accumbentes satians? vilior inquam erit quàm ut eius visioni ac fruitioni in secula duraturæ numerum dierum totamque peregrinationem nostram eamque sat brevem devoveamus? Si tanti vitrum quanti margaritum? Ut hyeme bene sit tibi, tota æstate sudas: Ut exiguo vitæ circulo egestatis evadas calamitates, non cessas opes congregare: ut verò per æternitatem in perennibus vivas delicijs, tantillum temporis quod vita tua est, labori non impendes? Si quando igitur languet animus & ad deficiendum proclivis est, erigendus recordatione mercedis æternæ.

Peculiare tenendæ perseverantiæ medium invenio frequentem firmi propositi innovationem. Nimirum propositum nunquam grauter peccandi est fundamentum vitæ spiritualis, basis charitatis, est cubus perfectionis. Quamdiu in eo anima persistit, tamdiu permanet in charitate & statu salutis; at ubi resilierit, subito deletur de libro vitæ atque in volumen perditionis refertur & ad regnum tenebrarum transportatur. Quamdiu sanctum hoc decretum fixum firmumque durat in anima, immota stat substantia virtutis ceu scapus in basi. submoto illo, protinus & hæc corrui non secus ac manente ædificij fundamento etiamsi ex parietibus abradantur crustæ & picturæ non solvitur domus; diruto fundamento, omnia quæ structuram perficiebant solo æquantur. Homo igitur cui amicitia divina cordi est quive in eadem perseverare desiderat, animum nunquam divinam bonitatem offendendi stabilem & immobilem habere curet. Hoc eius sit studium: hoc obiectum in omnibus actionibus motibusvè: hoc petat à Deo in omni oratione: hoc colligat ex concionibus, ex piorum librorum lectione, ex fabrica mundi & creaturarum omnium constitutione: hoc demum conquirit ex passionem Christi & sacramentorum perceptione. Quemadmodum enim, qui parieti clavum vult infigere, non est contentus unum duos aut tres ictus marculo dedisse sed eo usque pulsât donec clavus immotus hæreat; ita spiritualis profectus studioso sat esse non debet si qualemcumque firmitatem propositi habeat verum conari & laborare quotidie debet ut ex omnibus rebus quas videt quas audit legit aut cogitat, occasionem eruat quo magis in eo crescat amor Dei & odium peccati.

Proposito eiusque frequenti renovationi jungere Orationem. Probata namque Theologorum sententia est justos homines per preces Numini suas obtinere posse apud Deum ut in gratia eius persistent vitamque finiant. Et sumitur doctrina hæc ex Doctore Angelico cuius sunt ista: *Perseverantia donum aliquis petendo impetrat sibi & alijs.* Quodsi Ora-

Media perse-
verantia.

Lud. Granar:
in Duce peci

Z z z

tionem

1. 2. q. 114.
art. 9.

Teretius in
Idiota.

tionem tuam acceptandam diffidis, ora ut pro te oretur. Legimus utiq; in historijs Ecclesiasticis alienas preces magnum momentum alijs contulisse ad perseverantiam & salutem. Proficient sine dubio in salutem animæ tuæ aliena suffragia, modò & ipse fructum eorum inerti desidia non impedias.

S. August. de
honest.

Dices. Semel tantum peccabo ut experimentum sumam delectationis & postea poenitentiam agam. Quid dicis qui ista profers? ita plane est ac si dicas: Confodiam me modò gladio & postea vadam ad medicum. Heu miser homo nescis quòd unius horæ puncto vulnus accipitur, sed vix longo tempore in cicatricem obducitur. Deinde qui dicis te exempli gratiâ post procax libidinandi flagitium poenitentiam acturum, fieri potest ut apoplexia vel alio affectu correptus, repentino exanimeris fato, pereatque tibi dilatio & succedat æterna damnatio. Quid dicis: semel peccabo. cum peccatum præcipuè carnis ad quod vehementissimi solent esse impulsus, maximæ sit adherentiæ & difficile possit homo ab eo eripi. Insatiabilis est delectabilis appetitus nec unquam dicit more inferni sufficit, semperque quavis hirudine tenacior & crudelior clamat *affer affer*. Luxuriosi enimverò licet amittant pecuniam famam & cum ingenio alijsque animi dotibus valetudinem, nunquam tamen satiari possunt donec passione tanquam vento urente exsiccati pabulum fiant ignis infernalis. Et tametsi minus dulcedinis quam deceptoris titillatio obrudit, ex fædo actu se in deterius mutante referant, quin potius quandam animi amaritudinem sentiant, nihilominus sicut ignis oleo perfusus esto aliquantum mitescat, brevi tamen in maiorem confurgit flammam; ita illi laxatæ libidinis graviore impetu acti, cæco

Ludovic. Gra:
in duc. pec. 1.
parr. 3. pag:
574.

mentis affectu in maiora ac maiora scelera prorunt. Quis unquam præ Salomone expertus est plura genera deliciarum, ludorum, venationum, Canticorum, Conviviorum & tamen cum omnia periclitatus esset non alium fructum percepit quàm meram inanitatem & afflictionem spiritus uti fatetur de semetipso, cui omnino credendum est, neque enim loquitur ex theoria, sed ex praxi. non ea quæ audit narrat, sed quæ vidit & palpavit. Cur ergo tu probare vis quod jam probatum est? Antiquum mundus obtinet. Ne tibi persuadeas invenire te posse quod alius non invenit. Noli putare quòd sitim concupiscentiæ sedabis sterili racematione quam Rex memoratus vindemia tam abundante restinguere non poterat. Peccabo, inquis, moxque agam poenitentiam. At nostine quid ferus vesper vehat? quis, ut jam monui nec semel monuisse contentus sum, quis inquam revelavit concedendum tibi spatium poenitentiae, quis assicuravit seriam & veram poenitentiam te acturum? quis scit an etiam post poenitentiam perniciosus argutiarum diabolicarum strophis ad complacentiam non tradueris seductus? Quam multi enim sunt qui solo mortis metu pro peccatis doluerunt cum Antiocho & Juda, illaque confessi sunt nec tamen justificati? quàm multi legitime sumptis sacramentis poenitentiae & sacrosanctæ Eucharistiæ, ferme in ipso puncto mortis ex habitu perverso in antiqua mala per complacentiam ludificante diabolo misere relapsi atque damnati sunt. Maximè etenim in fine laborat diabolus, quod Christus revelavit S. Birgitæ, ut anima versutius & imposturis eiusdem averruncetur ab intentionis rectitudine, iuste id permittente Deo, quia anima cum deberet, renuit vigilare. unde multi in

Teretius in
Arma lucis.

ti in occulta desperatione moriuntur, juxta Drexelij annotationem.

Ergo obturemus aures ad has diabolicas suadelas, ad hos sibilos infernales, claudamus filias carminis. Radicemus in nobis ex omni occasione firmum, nunquam Deum, pro totius mundi lucro omniumque voluptatum experimento, offendendi propositum, radicemus & nutriamus donec ad illam crescat perfectionem ut possimus cum Apostolo dicere:

Quis nos separabit à Charitate Christi. Væ his qui perdidērunt sustinentiam & dereliquerunt vias rectas & diverterunt in vias pravās. Quid facietis cum inspicere ceperit Deus?

Ecclesiast. 2.

O desertores! o rebelles! o fædifragi! quid facietis cum severitatem ceperit in eos exercere qui ceciderunt, in eos autem bonitatem qui perstiterunt in bonitate. Væ nobis, væ tempori illi quo Deum non amavimus, quo sustinentiam perdidimus non persistentes in bono immobiliter, sed illecebris cedentes muliebriter! Polypus ea firmitate adheret petræ ut se non sinat avelli, priusque patitur minutim conscindi quam ab amplexu rupis abstrahi: si nihilominus stilla mellis desuper in os eius mittatur, ultrò petram deserens labitur. Polypis fortiores nos convenit esse ut non modo adversitates pungentes, sed nec voluptates blandientes possint nos à Petra Christo sejungere.

Non est enim consentaneum, qui metu non frangatur cum frangi cupiditate & qui invictum se à labore præstiterit, vinci à voluptate.

Cicero lib. 1. de officijs.

Probri & risus plena res, qui inter gladios & ignes inter mortis pericula invictam animi servasset fortitudinem, eum ubi imbelli voluptati resistendum, ignaviter instar pathici mollescere: & qui ignitas saragines pro Christo superasset, muscarum aculeis cedere. Alphonsus XI. Rex Castellæ & Legionis pro Hierographia habuit mustellam in medio arborum in Orbem euntium & fumo circumfusarum depictam cum adiecto lemmate: *Malo mori quam fadari.* Mustella mori malle dicitur quàm transire ea quæ fuligine inspersa sunt ne pellem inquinet. Ita credit Jovius. Mustellæ mysticæ simus, potius mori quàm aliquo crimine pellem nostræ conscientiæ fedare eligamus. Frequenter illam D. Casimiri Candidæ Religionis nostræ Candidissimi Patroni repetamus tesseram: *Malo mori quam fadari.*

Typotius.

Dicamus jugiter cum Psalte: *In aeternum non obliviscar justificationes tuas, quia in ipsis vivificasti me.* Et S. Thomas 1. 2. q. 114. art. 9. *quia solus DEUS gratis perseverantiæ bonum largitur cuicunque, illud largitur,* rogemus continuis & indefessis precibus ut nos sanctificet per omnia

ut integer spiritus noster & anima & corpus sine querela in adventu Domini nostri Jesu Christi servetur. Fidelis est enim qui

1. ad Thessa. 5.

nos vocavit, qui etiam faciet ut post constantem sustinentiam, ad vitales æternæ gloriæ epulas admittamur.

MISERICORDIA.

Sequentis Dominicæ Evangelium proponit nobis misericordiam Domini decem millia talentorum servo debitori dimittentis: necnon duritiam servi exiguum debitum conservo relaxare nolentis atque

Zzzz

ob id

ob id iustam indignationem ac increpationem incurrentis: *Serve nequam nonne & te oportuit misereri conservi tui sicut & ego tui misertus sum.* Quod Christus Dominus nudis ac simplicibus verbis monuerat dicens: *Estote misericordes sicut & Pater vester celestis misericors est;* hoc idem sub parabola commendat, quatenus quod per simplex præceptum teneri ab auditoribus non poterat, per narrationem parabolicam teneretur. Nec id satis erat, adhibuit & exempla vitæ sanctissimæ quibus nos ad sectandam suam doctrinam pertraheret. Tota namque vita ipsius circa misericordiæ & beneficentiæ occupabatur actus. Pleni sunt Evangeliorum libri, plenæ scripturæ omnes, qualiter tempus universum impendebat sanandis languoribus, mortuis resuscitandis, pauperibus evangelizandis, peccatoribus justificandis & quibusvis defectuosis sublevandis. Superiores vicariam Christi in terris tenent potestatem, atque idcirco ore & re ipsa sequi præeuntem obligantur. Igitur & ego si non exemplo, saltem verbo imitaturus Christum Dominum, ad amplexandam & exercendam misericordiæ virtutem adhortabor, ut vel minimum in regno cælesti gradum obtinere valeam juxta promissum Salvatoris: *Qui docuerit & non fecerit minimus vocabitur in regno cælorum.*

Ita legit S. Hieronymus in Epistola ad Rufinum.

Misericordiæ natura.

Nobilitas.

Misericordes misericordiâ consequentur

Misericordia juxta D. Augustinum 9. de Civit. Dei *est aliena miserie in corde nostro compassio, qua utiq; dum possumus, subvenire compellimur.* Inter effectus interiores charitatis post gaudium & pacem ponitur à Doctore Angelico ut triadem effectuum charitatis interiorum perficiat: sicut charitas perficit triadem virtutum Theologicarum.

Ex omnibus quæ proximum respiciunt virtutibus potissima princepsque est, quia potioris actûs: nam alijs se effundere defectusque aliorum sublevare, superioris meliorisque partibus accensemus. Supra ipsam etiam religionem secundum externos suos actus & litationes acceptam extollitur. Osæ enim 6. & Matthæi 12. præfertur & præligitur sacrificio: *Misericordiam volo & non sacrificium.* Neque enim verò colimus Deum per sacrificia exteriora propter ipsummet Deum, qui nullus boni nostri eget; sed propter devotionem in nobis excitandam & propter proximorum nostrorum utilitatem à nobis ea vult sibi offerri. Cum itaque misericordia propinquior sit ad inducendam proximorum utilitatem, præ omnibus externis holocaustis gratior habetur Deo.

Christus Dominus inter octo beatitudines misericordiam collocavit: *Beati, inquit, misericordes, quoniam ipsi misericordiam consequentur.* Idem est ac si diceret: Beatitudinem hinc quidem imperfectam & inchoatam habent at in cælis consummatam habebunt, qui misericordes sunt. Esto enim ultio divina inveniet in eis quod plectat, nihilominus in ipsorum causa misericordia superexaltabit iudicium. Misericordiam consequentur: quia non permittentur mala morte perire. Dicit enim Hieronymus: *non memini me legisse mala morte mortuū, qui opera charitatis exercuit,* ubi charitas ad proximum, hoc est beneficentia intelligitur. Misericordiam consequentur: quia à gravioribus præservabuntur delictis aut saltem in ijs non sinentur perseverare juxta illud Ecclesiastici 24. ubi enumeratis multis atrocibus flagitijs subdit sacer textus: *A misericordibus hæc auferentur & in delictis non volutabuntur.* Misericordiam consequentur; quia pro peccatis ex infirmitate humana commi-

sis cor-

sis corripientur quidem, non tamen clementia auferetur ab eis, juxta glossam Ambrosij quæ sic habet: *Omnis summa disciplina Christiana in misericordia & pietate est, quam aliquis sequens, si lubricum carnis patitur, sine dubio vapulabit, sed non peribit.* Quam glossam sic intelligendam Princeps Theologorum tradit, quòd per opera pietatis ille qui lubricum carnis patitur, liberatur à perditione æterna in quantum per huiusmodi opera disponitur ad hoc ut gratiam consequatur per quam poeniteat; & in quantum per huiusmodi opera satisfacit de lubrico carnis commisso. Non autem ita intelligendam vult quòd quis in lubricis peccatis perseverans finaliter absque poenitentia, per opera pietatis liberetur à damnatione.

Scripturarum veritas fideli historiarum comprobatur relatione. S. Joannes Patriarcha Alexandrinus Eleemosynarius cognomento dictus de semetipso hæc referebat: Cum essem in Cypro annorum circiter 15. vidi una noctium in somnis puellam sole formosiorē ornatamque supra humanum morem, & coronam de ramis olivarum in capite gestantem, cumque me in latere pulsasset expergefactus in rei veritate assistentem conspexi, factoque crucis signo quænam esset & quomodo ad me dormientem introire ausâ interrogavi. Illa ut erat hilari vultu talia respondit subridendo: Ego sum prima filiarum Regis. si me possederis, ducam te in conspectum Regis. Ego verò reversus in me, intellexi compassionem esse atque idcirco ramis olivarum redimitam. Visionem consecuta veritas. Nam horâ obitus Patriarchæ, Monachus quidam Alexandrinus, nomine Sabinus, in excessu mentis vidit Antistitem præfatum quasi eunuchō quodam cubiculario eum ad Imperatorem vocante de proprio episcopio inter numerosam cleri cerea portantis manum egredi & mox ultra januam progressum (quod significabat exitum è corpore) à puella solis pulchritudinem superante ac ferto oleagino coronata, blando complexu suscipi: & hæc misericordia fuit plurimum adamata Divo isti, quæ revera duxit illum ad Imperatorem in cuius manu sunt omnium potestates & jura regnorum.

In annalibus quoque nostris proditum est, quendam præfectum castri Socles propter opera misericordiæ fratribus nostris affatim impensa, cum jam defunctus ob peccata damnandus esset, interventu Divi Pauli institutoris nostri niveo candore fulgentis ac multitudine fratrum circumvallati ad vitam poenitentiae agendæ causâ rediisse, & ea triginta diebus in monasterio nostro, prodigioso rigore impletâ, obiisse. Facilem se exhibuit ad miserendum & parcendum misericordi piissimus Deus cum pro illo preces & regnantium in cælo, & adhuc in terris viventium atque corpus demortui cum Beato Luca Nostrensi viro Thaumaturgo circumdantium fratrum funderentur. Contrarium legimus de quodam aspero & crudo homine, qui miserorum gemitus subterfugiens, se elongabat ab eis. Cum enim iusta pro anima eius exolverentur vidit Episcopus intra missæ sacrificium quòd crucifixi simulacrum in ara consistens aures ambabus manibus obturaret ne preces pro defuncto factas audiret. Quod alijs præstitit miseratio, etiam nobis præstabit, nosque non permittet infelici fato decedere, non permittet ob admissos ex fragilitate naturæ defectus damnari; sed ducet in conspectum supremi Imperatoris æternaliter visione ipsius beatifica gavisuros: secus si asperi

durique simus & ad gemitus pauperum claudamus aures.

Motivum mi-
serendi, defe-
ctus aliendus.

Impulsus ad miserendum est defectus alienus velut noster apprehen-
sus. Ait enim Doctor Angelicus: *Semper defectus est ratio miserendi, in
quantum aliquis defectum alicuius reputat suum, vel propter unionem
amoris vel propter possibilitatem similia patiendi.* Vis alterius misereri,
vis scilicet duriores animum erga proximum emollire? miseriam eius,
tuam aestima. Conspicis morbos alterius? noli spiritu pharisaico pec-
catis adscribere patientis, sed statim cogita quis sit qui patitur, quod
tuus proximus, tuum in corpore Christi commembrum. Cogita quod
forsan duriora patieris ipse. Si videris diversas hominum calamitates,
capita alopecia & porrigine sedata, truncas nares, effossos oculos, semiu-
stos pedes, luridas manus, tumentes aluos, exile femur, crura turgentia
& de exes ac putridis carnibus vermiculos bullientes, si morbo regio
& pedore confecta membra adverteris, reputa tuum esse quod alius pa-
titur: considera tuam in alio naturam corpusque tuum torqueri & quod
qui nunc incolumis es, mox maiori pedore conficiendus & consumen-
dus sis. His stimulis ad exercendam miseris beneficentiam urget D. Hie-
ronymus in Epitaphio Fabiolæ verbis sequentibus: *Ille quem despiciamus
quem videre non possumus, ad cuius intuitum nobis vomitus erumpit,
nostri similis est, de eodem nobiscum formatus est luto, iisdem compactus
est elementis: quidquid patitur & nos pati possumus, vulnera eius existi-
memus propria: & omnis animi in alterum duritia clementi in nosmeti-
psos cogitatione frangetur.*

Miseria ex-
perientia in-
citatur ad mi-
serendum.

Et verò quare rogo permittente Domino varijs necessitatibus, mor-
bis, & calamitatibus crebrò obruimur nisi ut non ignari malorum mi-
seris succurrere discamus. Populus Judaicus non sine causa nec sine
providètia divina ex natali solo in Ægyptum fame generali mundum gra-
vante migravit. Ea id factum ratione ut populus ille electus, in exte-
ra patria captivitatis & peregrinationis miseras laboresq; edoctus, fa-
cilius postmodum misereri peregrinantibus & laborantibus nosset. Ne-
mo enim peregrino & advena tam libenter miseretur quàm qui peregrina-
tionis exitus novit. Nemo libentius hospitem in suum introducit hosi-
tium nisi qui ante tecto indiguit alieno. Nemo ita alacriter esurientem
cibat, sitientem potat, quàm qui sitim esuriemve perpeffus est. Nemo tam
facile nudum suis operit vestimentis quàm qui nuditatis & frigoris no-
vit asperitatem. Nemo sic tribulato & misero succurrit quàm qui tribu-
lationum & miseriarum casus expertus est. Merito ergo Deus misericor-
dia & pietatis magister, qui misericordia & pietatis precepta erat tradi-
turus populo suo, prius eum omnes pressuras tribulationes & angustias
in terra perpeti aliena voluit quòd facilius posset talia patientibus misereri.
Ob hanc causam Hebræos afflictionibus pressos fuisse ex ipsius Domini
liquet mandatis: *Advenam non vexabitis nec tribulabitis, fuistis enim
& vos advena in terra Ægypti.* Et iterum: *Profelytis & orphanis &
vidua date panem & vestimentum.* *Diligite profelytum, quia & ipsi
fuistis in terra Ægypti profelyti.* Non modicus & ille ad miserendum
stimulus: quòd pauperes ac calamitosi homines inter varia fortunæ ful-
mina & potissimum inter pressuras ægritudinum constituti, esto contem-
pribiles videantur, sunt nihilominus lapides pretiosi ex quibus superna
construitur Jerusalem. Macarius Presbyter anachoreta virginem quan-
dam

Item pretiosa
in conspectu
Domini mise-
rorum conditio.

Hieroglyphicō.

Castellanus quidā inter antepagmēta arcis suæ hos versus inarari curavit:
In spec. exem: Decretum detur ne dormiat aut epuletur

Hic gens villana sed Achilles, Plato, Diana.

Quo disticho significavit non nisi nobilissimis sapientibus ac formosis hospitibus in castro suo locum dandum. Hic in visione tractus ad iudicium cum ob metum iudicis totus tremaret, à Virgine Beatissima in spem erectus opera misericordiæ iussus est exercere, & priori inscriptione deleta hanc superliminari domus suæ insculpere:

Muta decretum, sanctorum suscipe cetum,

Nudum Martinum, Lazarum, Iacobum peregrinum.

Plurimos & nunc reperias, qui tantummodo Platonem Achillem Dianamque suo excipiunt hospitio & convivij ac repotij tractant amplissimorum patrimoniorum absumptivis: Lazaros porro Jacobosque atque id genus egentes fastidiunt & reiiciunt, aut si aliter importunitatem quæstorum stipis non liceat declinare, per pseudotyrum se domo subducunt. Mutent hi decretum, sanctorum suscipiant cetum nisi velint in extremo die, remotā misericordiā iudicari. Quid nos, aletis, ad opera misericordiæ stimulas, qui nihil proprii quod in refrigeria miserorum tribuamus habemus. nobis ipsis vix suppetunt necessitatis subsidia, nihil superflui ad erogandum possidemus. Fateor quod nemo nostrum quidquam proprii in particulari possidet. Fateor quod quilibet è nobis *pauper inopsq; paterni & laris & fundi est.* Sed in vobis alios quoque erudio. Deinde memineritis obsecro illius pauperculæ mulieris quæ duo minuta æra mittens in cystam templi, testimonio Salvatoris liberales divitum superavit eleemosynas: & nostræ profectò quantumvis exiguæ oblationes cum superioris potissimum benedictione factæ, gratissimæ Christo erunt copiosissque Regum præferentur thesauris. Inf. per si opera misericordiæ carnalia non valeamus præstare, spiritualia certè in promptu nobis est exercere. Septem hæc numerantur. scilicet docere ignorantem, consulere dubitanti, consolari tristem, corrigere peccantem, remittere offendentem, portare onerosos & graves, orare pro omnibus. quæ universa sequens versiculus comprehendit:

Consule, castiga, solare, remitte, fer, ora.

ubi sub eodem vocabulo consilium & doctrina capitur. Totidem censentur carnalia subiecto expressa carmine:

Visto, poto, cibo, redimo, tego, colligo, condo.

Ut ergo de solis loquar spiritualibus, ab his nemo nostrum excusatus est. Docere, consulere, corripere, solari, offensas remittere, alter alterius onera portare, deprecari pro invicem & pro omnibus alijs, nostri officij est nostræque vocationis. Sed & corporales beneficentiæ salubriter exercentur à Religiosis præcipue ijs qui dispensandi bona temporalia ministerium tenent. Sanè si seculares culpantur dum sunt adversus miseros duri: maiori reprehensione digni religiosi, qui magis manus rogantium spectant quàm vultus: & qui cum norint beatius esse dare quàm accipere, utramque nihilominus manum collectam habent ad dandum, aperta n ad accipiendum. Ut igitur 10. millia talenta quibus ob transgressionem decalogi gravati sumus, dimittantur nobis à Domino, confessorum nostrorum misereamur: quatenus doctrinam Christi exemplaue imitatione sedula in nobis ipsis exprimamus.

RELI-



R E L I G I O.

Solennis legatio Judæorum ad Joannem Baptistam in sequenti Evangelio Dominicali describitur. Veniunt Oratores Jerosolymitani ad Joannem in deserto commorantem & turbas populorum baptizantem, hisque eundem compellant: *Tu quis es?* Arbitror ego non ex devotione aut aliquo ordinato fine id fecisse & quesivisse Israëlitas, sed ex mera curiositate ob quam meruerunt à Christo redargui: *Quid existis in deserto videre?* Sumus & nos in deserto vitæ monasticæ ad instar Joannis. Sæculi homines circa vitam regularium curiosiores crebro inquirunt de singulis nostrum: *Tu quis es?* Imò conscientia etiam ipsa hanc sæpe obtrudit nobis questionem. Quid ergo respondebimus? dicemus Religiosos nos esse. Et rectè: sic enim vocamur. An verò re ipsa simus, & ut simus, præsentì monstrabo & hortabor sermone.

Religionis natura & actus.

Religio est virtus quæ debitum cultum Deo affert. Quocirca omnes qui Deum colunt, communiter vocantur religioni: at specialiter illi qui totam vitam suam servitio divino devovent, votis ceu nexibus quibusdam ad id servitium se adstringentes. Finis illius non alius nisi ut per eam Deo subijciamur & copulemur. Ut porro mens nostra supremæ naturæ jungatur, indiget sensibilibus rerum manductione, per quas ad invisibilia Dei cognoscenda atque amanda ascendat. atque hinc est quod in Divino cultu aliquibus corporalibus utatur, ut ijs velut signis aut tesseris quibusdam animus noster ad spirituales actus per quos proximè & maxime unimur cum Deo, excitetur. Duplices igitur sunt religionis actus: interiores & exteriores. Interiores, devotio & Oratio. Exteriores in triplici classe statuuntur: alij per quos corpus nostrum divinæ venerationi impendimus uti est adoratio; alij quibus aliquid de rebus externis Deo offerimus ut sacrificia & oblationes; alijs quibus divinum quidpiam assumimus veluti sacramenta, & nomen Domini, quod quidem in juramento, in adiuratione, in oratione assumi solet. Et ne quid desit ad intelligentiam materiæ præsentis, superstîtio religioni opponitur per excessum, non quòd plus exhibeat ad cultum Dei quàm vera religio, sed quod non ei cui debet nec eo modo quo debet, cultum ac ceremoniam Deo afferat. Partes superstitionis hæc ponuntur. primò cultus indebitus veri Dei, secundò idololatria, tertio divinationes, quartò observationes. Singularum naturam & distinctionem in promptu quilibet habet apud authores. Hic enim ego, mores instruo non intellectum; neque scholastici Doctoris Cathedrâ teneo, sed catechistæ; quamquam moribus informandis etiam lumen ex Theologicis disciplinis mutuare opportunissimum ducens, doctrinas salutes præceptionibus jungo moralibus, uti alibi, sic & in præsentiarum. His itaque prolusionis instar præmissis, jam scrutemur scripturas & quid Dominus circa venerationem sui jubeat videamus.

Superstîtio quid & quoruplex.

Deuteronomium secunda lex, & quædam Evangelicæ legis præfiguratio

Bbbb

inter

inter alia præcepta moralia ut taceam de ceremonialibus ac judicialibus quæ cum veteri testamento evanuerunt, id potissimum, sexto & decimo capite inculcat: *Dominum Deum tuum timebis & illi soli servies.* seu quemadmodum Christus Dominus author universæ legis Matthæi 4. præfatam scripturam diabolo honores divinos expetenti opponens locutus est: *Dominum Deum tuum adorabis & illi soli servies.* Mandato hoc sat manifesto cavetur ne quis cultum & servitutem exhibeat alicui alteri præterquam supremo Numini. Sed in scirpo offert se nodus. hoc est: in plana & aperta sententia difficultas occurrit. Quomodo soli Deo serviemus, qui & Regibus honorem impendere, & mutuam inter nos reverentiam fervare, & Dominis nostris fideli obsequio famulari jubemur non tantum propter timorem, sed & propter conscientiam. Sanctos quoque homines Ecclesia Catholica religioso observat cultu. At quantumvis omnes Superiores revereri debeamus, non tamen par omnibus exhibenda reverentia, sed aliquid speciale summo Deo debetur qui singulari ratione universas excellit res creatas. Si enim juxta Tullium de natura deorum, *justam habet venerationem quidquid excellit*: profectò DEUS, cum omnibus rebus superemineat, specialem & supremam habere debet: & istud est patriæ cultus. Hunc Deo soli convenire variæ religionis acceptiones loquuntur. Religio enim sive à religando, sive à relegendo, sive à reeligendo, sive dèum à relinquendo suam trahit appellationem. DEUS autem solus est primum & indeficiens principium cui alligari debemus: solus dat nobis gratiam & gloriam atque opportuna his duobus consequendis media, ut continuo retractare & relegere magnalia bonitatis divinæ teneamur: solus est finis noster ultimus à quo si avertimur, iterum ad eum converti necesse: solus est ultima & perfectissima morum nostrorum regula, cui proinde quidquid contrariatur, omnino relinquendum. Devotio quæ habetur ad sanctos Dei mortuos vel vivos, non terminatur, nec sistit in ipsis: sed in ministris Dei, ipsum Deum veneramus. Et sanè dum sanctos memoramus, quid colimus, nisi omnipotentiam bonitatem & sapientiam Dei servis suis se communicantem? Quare *honoramus sanctos propter imitationem non adoramus propter religionem. honoramus charitate non servitute; nec eis sed DEO in vera religione sanctis suis mirabili templa construimus.*

At quid quæso ex nostra veneratione divinæ accedit amplitudini? magnitudinis eius non est finis. gloria Dei infinita est. ut minui sic & augeri nequit. Nullum prorsus religio nostra supremæ illi naturæ quam divinam vocant præstat beneficium, nobis duntaxat ipsis suffragatur. Deo enim reverentiam, & honorem exhibemus, non propter seipsum, quia se ipso est gloria plenus cui nihil à creatura adici potest, sed propter nos; quia videlicet per hoc quod Deum reveremur & honoramus, mens nostra ei subijcitur & in hoc eius perfectio consistit. *Qualibet enim res perficitur per hoc quod subditur suo Superiori, sicut corpus per hoc quod vivificatur ab anima, & aër per hoc quod illuminatur à sole, verba sunt Doctoris Angelici.*

Generalem de servitute Dei ventilavimus præceptionem, deinceps ad specialiora eiusdem servitutis officia consideranda transeamus. Apoc: 3. Beatus Joannes vidit in cælo sedem positam & in ea mirifici fulgoris sedentem. In circuitu sedis erant sedilia viginti quatuor, à toride n senioribus,

Soli Deo deberi supremum cultum ostenditur ex etymologia religionis.

2-2-9. 81. an. 7

nioribus occupata. erant & animalia quatuor, quorum primum simile leoni, secundum vitulo, tertium homini, quartum aquilæ volanti. Et hæc requiem non habebant die ac nocte dicentia, Sanctus, Sanctus, Sanctus, DEUS Omnipotens, qui erat, qui est, & qui venturus est. Cumque darent gloriam & honorem & benedictionem sedenti super thronum, procidebant viginti quatuor seniores adorantes viventem in sæcula sæculorum mittebantque coronas suas ante thronum dicentes: *dignus es Domine DEUS noster accipere gloriam & honorem, quia tu creasti omnia & propter voluntatem tuam erant & creata sunt.* Hæc est secunda principalis Apocalyptica visio quæ, si occidentem literam sequaris, videbitur tibi vel figmentum de mimo vel Attellanarum ludicra: quod si typicos intellectus perquiras, cælestia sub verborum & figurarum involucris reperies sacramenta. Quia cælum sedes Dei est, per cælum & sedem, unam eandemque rem hîc capias, scilicet Ecclesiam cui præsidet Christus divinam humanamque naturam in personalitate verbi subsistentem complectens. Fulgor smaragdinus miserationes eius super omnia opera eius commendat. Seniores viginti quatuor, sunt universi iudices sive sæculares sive Ecclesiastici: sunt & fideles omnes qui nimirum invicem se superiores arbitrari debent: & si fideles cuncti juxta eiusdem Apocalypseos initium sunt Reges ac Sacerdotes, cur non seniores? Per mare vicinum throno baptismus intelligitur per quem ad Ecclesiam & regnum cæleste Spiritu Sancto afflante remigamus. Quatuor animalia, quatuor sunt Evangelistæ: quibus absque requie dantibus Deo gloriam, seniores quoque adorare ceperunt viventem in sæcula. *Quia nimirum* (ut ait Pannonius ex quo mysticâ hanc interpretationem depromo) *ubi fidei sacramenta per sanctos Evangelistas pervulgata sunt, omnium genua supremæ maiestati curvantur.* Per quadrigam hanc aptissimè figuratur ipse Dominus noster Jesus Christus, qui fuit in nativitate homo, in passione vitulus, in resurrectione leo, in ascensione aquila. & hic nunquam requiem habuit, quin daret gloriam Deo Patri suo. Figurantur item universi, qui Christi sunt. Omnis namque servus Dei in quantum rationabiliter vivit, homo est; in quantum adversa mundi æquanimitè tolerat, leo est; in quantum se mortificat, vitulus; in quantum se per contemplationem elevat, aquila. Atque hinc unusquisque non obscura electionis suæ habet indicia si videlicet quatuor memoratorum animalium similitudinem modo præfato in se exprimat. tunc enim procul dubio ad Christi regnum pertinebit; sicut è diametro ad synagogam sathanæ spectabit si imagini moribusque dictorum iumentorum vitam suam non studuerit conformare. Quaternarij numeri illud mysterium est, quod è quatuor mundi partibus aggregentur ad Ecclesiam homines: qui quidem pleni oculis debent esse, hoc est circumspecti circa suam & proximorum salutem: ut nisi Argi centoculi sint ad custodiam sui suorumque excubantes, perire necesse habeant. Horum itaque animalium sicut & seniorum officium est dare gloriam, honorem & benedictionem viventi in sæcula sæculorum. Enimvero gratitudo postulat, ut quia electi accipiunt à Deo gloriam honorem & benedictionem; benedictionem in rebus naturæ, honorem in donis gratiæ, gloriam in præmijs felicitatis æternæ, gratitudo inquam postulat ut pariter gloriam honorem & benedictionem in acceptis eidem referant.

Elucidatur locus Apocalyp: de Senioribus 24. & animalibus quatuor.

Quatuor animalia quid figurant? In Apocalip:

Quorsum ista tam alto repetita principio? nimirum ut quia peculiari nomine per hæc animalia ac seniores throno Dei assidentes intelligimur, studiosius etiam actibus religionis insistamus. Equidem nobis quadratissime convenit nomen resque ipsa quadrigæ prædictæ, nobis inquam, qui religiosam professi sumus vitam. Homines tenemur esse per actionum nostrarum cum amussi rationis conformitatem: leones per fortitudinem in adversis ac magnanimitatem: vituli per mortificationem: aquilæ per contemplationem. In quo quaternione hic non reperitur, frustra religiosi jactat vocabulum. Nomen & habitum externum religionis portat, sed non rem ipsam, intus Nero, foris Cato, totus ambiguus: turpis introrsum, speciosus pelle decora. In medio etiam Ecclesiæ inter seniores positi sumus, quia ad ordinem presbyterij & ad statum regularem cui Dominus judiciariam potestatem appromisit, vocati. Igitur in confessione veræ sempiternæque deitatis in triade personarum subsistentis immorari, sanctitatem eius aliæque attributa venerari perpetuo, gloriam honorem & benedictionem viventi in sæcula sæculorum absque requie dare, humili non modo affectione mentis, sed etiam corporis gestu eundem adorare, nostrum debet esse servitium, nostra indefessa actio; quatenus devotio nostra circa ea quæ sunt divinitatis principaliter occupetur, ut ne quidem in ipsa Salvatoris humanitate sistat, sed ulterius ad maiestatem deitatis ascendat.

S. Thomas hic.

Hic nos ipsos viritim oportet interrogemus? *Tu quis es?* Esne homo, leo, vitulus, aquila? vereor ne in perversum quadrent nobis horum vocabula animalium ut simus homines ad peccandum, leones ad irascendum, vituli ad insolescendum, aquilæ ad superbiendum. *Tu quis es?* esne unus è senioribus assessoribus throni divini? *At cani hominis prudentia eius.* Canities spiritualis nihil est aliud quam sapientia & prudentia: tu verò virtutes has intellectuales non modò non possides, sed & ignoras forsàn. *Ætas senectutis vita immaculata:* tu verò si penitus examines conscientiam tuam, multos nevos multas maculas in animo tuo reperies. Quid de te ipso dicis? es ne indefessus in laudibus divinis? dasne jugiter gloriam honorem & benedictionem viventi in sæcula sæculorum? non habesne requiem à veneratione sanctitatis divinæ? an certe cultus divinus requiem habet à te vigili ad frivola & ludicra, somnuculofo ad seria & divina.

Ad Religionem
mover alio
neglectus di-
vinorum.

Præcepta & ideas religionis in scripturis velut in speculo vidimus, ulterius nisi tædet, inductiva ad exercitium eiusdem commoventia perquiramus. Nullius, si non fallor, sceleris severiorem lego in sacris literis vindicem Deum quam neglectus divinorum. Aggeus Propheta iram Dei prohibentis celos ne darent rorem, prohibentis item terram ne daret germen suum, omnesque hominum labores & sudores inutiles ac infructuosos reddentis, in nullam aliam Judæorum culpam refundit nisi in hanc quòd corda eorum ita refrixerant ad Deum ut ei templum ædificare noluerint, ubi funderent orationes, & sacrificia peragerent. Percurrite 4. Evangelia; ubique Dominum Jesum suavem & mitem invenietis: at cum violatio templi cultusque divini prætermissio punienda erat, zelo zelatum esse & in vindictam manus suas armasse flagellis, utique legistis. Et Poëta ex oraculo dixisse videtur: *Dij multa, neglecti dederunt Hesperia mala luctuosa.*

Videamus

Videamus verò quemadmodum providentia divina munus suum circa nos implet, ne & nos officio nostro in serviendo ipsi, desimus. Omnia humanis subiecit pedibus ut solus homo se ei subijceret. *Pulchritudinem celi, ordinem siderum, candorem lucis, dierum & noctium vicissitudines, lunæ menstrua curricula, anni quadrifariam temperationem quadripartitis elementis congruentem, tantam vim seminum species numerosq; gignentium, & omnia in suo genere modum proprium naturamque servantia.* Corpori nostro adhuc corruptibili & ignobili ut videat dedit claritatem celi; ut spiret, largitus est aëris puritatem; ut audiat, sonorum varietates; ut odoret, odorum suavitates; ut gustet, saporum qualitates; ut contrectet, corpulentorum omnium dedit grossitates. Adjumenta nostris necessitatibus dedit jumenta. Animantia & terrestria & aquatilia & amphibia & volatilia ad usum concessit nobis. Medicinas de terra propter quasvis corruptelas creavit. Solatia singulis malis obviantia præparavit. Communia sunt ista & quæ omnibus incessanter ac indiscriminatim hominibus divina impertire solet bonitas: nobis vitam Ecclesiasticam & regularem amplexis specialius manum suam aperit.

Item generalis providentia divina circa omnes.
S. Augustinus
Solil: Cap: 20.

In sudore vultus sui vescuntur alij pane suo, nos absque labore & lassitudine subsidia vitæ per manus fundatorum desuper habemus. Placenter manna pluit nobis de cælo non secus ac Judæis in deserto. Quidni volatilia celi nuncupemur, quæ non serunt neque metunt & tamen Pater cælestis abunde pascit illa? Sæculi homines publicis creberrimè gravantur oneribus dum quæ Cæsaris sunt Cæsari reddere jubentur, & sæpe militari executioni, sæpe carceribus, sæpe fisco subijciuntur: miseri vix plerumque in suis spirant ærumnis, inter cuneos variarum curarum tabescunt, imo conficiuntur. Extra has gravaminum compedes in tranquillitate pacis, in sufficientia victus atque amictus per Dei gratiam vivimus: quare id? ut impedimentis servitij divini carentes eò ferventiùs expeditiùs stabiliùsvè Domino famulemur. Hem quantum divinæ maiestati rei sumus, si tam beneficam agnoscentes, quod nostra interest, facere pigritamus. Arbitri cuiusdam sententia est: *Si frigida curarum fomenta relinquere posses quo te cælestis sapientia duceret ires.* Cum itaque fomenta sollicitudinum longe sint à nobis, magnam prorsus opportunitatem cælestis sapientiæ ductum sequendi tenemus, ut proinde grande nefas atque ingentem reatum incurramus si dum alij quod operosius est, in rem & commodum nostrum faciunt, arando, seminando, metendo, militando; nos quod debemus quodque facilius est, in rem & emolumentum nostrum facere prætermittamus, non querendo regnū Dei & justitiam eius, divinam maiestatem pro nobis ipsis & pro illis quorū manducamus peccata non exorando, non colendo, non celebrando.

Peculiaris erga religiosos.

Horatius.

Et quanquam sæculares varia distrahuntur anxietate jam domui suæ, jam principibus, jam militibus, jam sacerdotibus obligati, videas tamen plerosque fervere in famulatu divino, prolixiori spatio flebis poplitibus terram lambere, reverenter sacrificio ac divinis interesse, ad divini nominis ac sanctorum mentionem tremere devoteque suspirare, ut hinc erubescant & confundantur cassa regularium nomina qui insignia sanctitatis & religiositatis gestant, nihil minus curantes quam opera sanctitatis, monstris marinis cucullatis perfimiles, in quibus mireris coronam, habitum, caputium; at oratio nulla, devotio nulla, sacrorum operatio nulla. Proh dolor? quot sæcularium in die judicij statuentur

Item fervor devotionis in secularibus.

In Ecclesia-
sticis.

In nostris reli-
giosis.

Movet item
totius mundi
religio.

S. Hieronymus

Demum mo-
vent ipsa ir-
rationalia.

contra nos, nosque condemnabunt. vae nobis & iterum iterumque vae nobis si multis ab oriente & occidente devotis regnum caeleste intrantibus nos filij regni in tenebras exteriores projiciemur. Nepotiano illud inter alia honorifica texuit elogium Hieronymus: *Ubiunque eum quaereres, in Ecclesia invenires*. Non unius laus haec Nepotiani. multi sunt à Clero seculari quibus idem debeatur encomium. Verum ab alienis atque extraneis exemplis non facile quisquam admonuerit, ut ait Divus Chrysostomus in Epist. ad Philip: 2. Domestica affero, nec volo per singula longo currere ordine, sufficiet in universali testimonio particularia includere nomina. Carolus Rex Pannoniae literis suis testatus est se erga religiosos viros Ordinis nostri maximo affectu tangi, quia secularibus negotijs se non ingererent, sed jugi meditatione oratione seduloque labore manuum se occuparent.

Si haec frigiditati nostrae non sufficiunt incentiva, totius mundi ad nos accendendos adduco fervorem. Notus duntaxat antea in Judaea Deus. in Israel solo magnificabatur nomen eius. Nunc plenus religione orbis. Auratum squallet Capitolium. fuligine & araneorum telis omnia delubra Romae cooperta sunt imò pridem diruta sunt nec nisi fabulam sui reliquerunt: & inundans populus currit ad martyrum tumulos. ubi plurimum erat superstitionis, plurimum nunc devotionis. Dij quondam nationum cum bubonibus & noctuis in solis culminibus remanserunt. Jam à tot seculis Aegyptius Seraphis, Christianus factus est. Marnas Gazae luget inclusus & everfionem templi à tanta retro æternitate deslet. Deposuit pharetras Armenius & eiculatorijs consuescit orationibus. Hunni discunt psalterium. Scythiae frigora fervent calore fidei. Getarum rutilus & flavus exercitus, Ecclesiarum circumfert tentoria. Et quamvis multi ex eodem Evangelij semine & Christi nomine procreati, pravis opinionibus ad falsa dogmata conversi, à vera desciverint religione; nihilominus ubique terrarum veræ fidei & devotionis calat officia.

Etiā ipsa insensilia atque rationis expertia nos ad religionis invitant actus dum vestigia Sanctissimæ TRINITATIS ex mente Theologorum praeferunt, imò & vestigia Passionis Domini. Accepi nuper quod non procul à nostro Oporoviensi monasterio in ipso meditullio annosum quercus bipennibus fissæ, stupentibus ad rei novitatem spectatoribus, inventa sit crucis Christi impressio, una quidem arboris parte crucem, altera clavorum profunditates referente. In vita Macarij Romani volatilia quaedam in ramis arborum hærentia nomen Domini perhibentur articulata voce invocasse, si tamen vera & non apocripha traditio haec: verius illud est quod narrat D. Hieronymus in vita S. Patris nostri, nimirum portentum quoddam intelligibili & blando inter horrentia festis ora eloquio testimonium de Christi divinitate elicuisse, ad quod stupefactus Antonius baculo quo artus seniles sustentabat, terram percussit, *vae tibi*, aiebat, *Alexandria, quid nunc dictura es? bestiae Christum loquuntur, & tu pro Deo portenta veneraris?*

Magna sunt hæc & valida ad religionem hortamenta. saxei sumus si non compungimur: glaciei similes, si non incalescimus. Scrupulus fortasse alicui oboritur inde quod Deus spiritus sit ac proinde in spiritu & veritate adorandus: ut quid igitur initio sermonis tot externi in medium adducti actus, per quos divinam revereamur & veneremur celsitudi-

studinem? Elido scrupulum. Vero quidem verius est, Deum Spiritum esse atque idcirco in spiritu principaliter & primario adorandum hoc est per internos actus, qui principem in cultu divino tenent locum. Secundario tamen etiam per exteriorem reverentiam supremum debere adorari numen nemo negaverit. Nimirum ex duplici natura compositi sumus, intellectuali & sensibili. Congruum proinde imò necessarium ut duplicem adorationem, spirituales quæ consistit in mentis devotione; corporalem quæ nititur in externa humiliatione, offeramus Deo, quanquam dicere possim libenterque dico fretus autoritate Aquinatis, quod etiam corporalis adoratio, exempli gratia, genu flexio, prostratio sui, capitis inclinatio, in spiritu fiat; quia ex spirituali devotione procedit & ad eam ordinatur.

Insuper causabitur quispiam, supra vires nostras esse à laudibus & cultu divino pausare nunquam, requiem habere nunquam. Beatorum in cælis regnantium non mortalium ista felicitas est. aliàs insomnes nos oporteret fieri. Egemus fateor requie corporis, sed verissimum est illud Hieronymi: *Sanctis ipse etiam somnus oratio est.* Si devotè nos ad dormiendum componamus, si in affectibus pijs soporemur, etiam sopitis somno sensibus cor nostrum ad Deum vigilabit.

Religet ergo nos uni Omnipotenti Deo religio quæ nec in confusione paganorum, nec in purgamenti hæreticorum, nec in languore schismaticorum, nec in cæcitate Judæorum stationem habet, sed apud eos solos, qui Christiani Catholici, vel orthodoxi nominantur id est integritatis custodes & vera sectantes. Religet nos Deo devotione, oratione, adoratione, sacrificijs, oblationibus, votis, Sacramentum usu & administratione, invocationibus divini nominis & si quæ sunt alia divini cultus officia. His ceu arctissimis vinculis supremo alligemur Numini. Firmet nodum status noster, secularium fervor, munificentia providentiæ divinæ, ipsaque irrationalium natura. Pænè omiseram quod dicturus sum. Alexander Carettus S. R. I. Princeps pro gentilitio stemmate hydram 7. capitum habuit cum nota eiusmodi: *Vi & Religione.* Quid Princeps voluerit, meum non est indagare. Nos non aliter hydram infernalem septem capitalibus vitijs horribilem superabimus nisi vi & religione. *Nisi tibi vim feceris vitia non superabis,* ait quidam. Porro absque religione vis nulla in spiritualibus valet esse, cum omnis sufficientia nostra ex Deo sit. Religione triumphabimus de inferno, religione à terra in cælum sublevabimur. Hæc enim

Negatâ ad cælum tentat iter viâ:

Catusq; vulgares & udam

Spernit humum fugiente penna.

Tota itaque cura nostra sit servire Deo. (latria & servitus idem sunt) sollicitudo nostra omnis eo tendat ut demus gloriam honorem & benedictionem viventi in sæcula sæculorum: nulla requies, nulla feriatio sit nobis à SS. TRINITATIS laude & confessione. Nullum labatur tempus quo aliqua oblatione divinæ maiestati non litemus supremumque eius dominium non profiteamur. Sic haud solo nomine religiosi erimus, dumque curioso agnoscendæ vitæ alienæ ore & more interrogabimur: *Tu quis es?* ipsa vita nostra respondebit servos nos Dei esse, religiosos nos esse, præcones laudum divinarum nos esse, denique esse nos voces in deserto mundi humanius atque in claustrali eremo jugiter de Deo resonantes.



P A R S IV.

S E R M O N E S

CONTRA VITIÀ QUÆDAM CONTINENS.

CONTRA SUPERBIAM.

S. Augustinus
lib: 10. Conf:

2. 2. q. 80.
art: 1.

Apud D. Tho-
mam.

Christus Dominus cuius vita morum nostrorum disciplina est, non modò quas virtutes discere, sed etiam contra quales tentationes animum parare munireque debeamus, suo exemplo docuit luculenter. Sacram peragens quadragesimam, tentari se à maligno spiritu permisit: stimulos superbix dignatus est in suo illo quadragesimali jejunio divinisque exercitijs pati; ut nos instrueret, nobis quoque inter jejunandum orandum meditandum & quicquam boni operis agendum arrogantix tentationem insidiaturam. Vicit, qui vinci non poterat; vicit non tam sibi quàm nobis, & circulum naribus Dæmonis imponendo, fiduciam vincendi unicuique nostrum præbuit. Superatus à Redemptore nostro satanas, quia solum coercita & restricta, non penitus adempta sibi nocendi potestas, non desistit mille dolis artibusque circumvenire homines ut eos à bono abducant, ad malum pertrahat. Potissima cura ipsius est amorem excellentix propriæ gaudiumque de ea nobis ingerere, quando ubiq; spargit in laqueis euge euge, ut dum avidè colligimus, incautè capiamur; utq; nos sui similes factos secum habeat non ad concordiam charitatis, sed ad consortium supplicij. Infallibile est quòd sacro hoc & acceptabili tempore nostris quoque laqueos arrogantix parabit pedibus ad incuruandas animas nostras: laqueos ponet in jeunijs, laqueos in mortificationibus, orationibus, meditationibus, solitudine omnibusque alijs spiritualibus exercitijs contendens ea inania infructuosa informia reddere, imò efficere, ut fiant nobis in peccatum. Qua igitur arte astum diaboli elidemus? S. Thomas docet quòd diabolus non possit internè movere voluntatem hominis ad peccatum, sed solum externè, proponendo videlicet vel offerendo ei obiectum aliquod sensui appetibile vel certe persuadendo rationi aliquid esse bonum quod in re non est bonum. Ne ergo eiusmodi propositione nos supplantet, quantum malum & quàm grave in omnibus suis speciebus sit superbia, Dei humilia respicientis & alta à longe cognoscentis ope satagam indicare.

Superbia, appetitus inordinatus propriæ excellentix, quatuor è mente D. Gregorij habet species: Cum videlicet superbi bonum à semetipsis habere se astimant: aut si sibi datum desuper credunt, pro suis meritis accepisse putant: aut cum jactant se habere quod non habent, aut despectis ceteris singulariter appetunt videri habere quod habent. ubi
actus

actus arrogantiae compendiario collectos vides. Gravititas & enormitas portenti huius, nedum vitij, spectatur vel maximè in aversione à Deo quæ directè & ultrò per superbiam intenditur. In quovis enim peccato duo concurrunt: conversio ad bonum commutabile & aversio à bono incommutabili. Ex parte ergo aversionis maximam præfert gravitatem superbia, quia in alijs peccatis homo à Deo avertitur, vel propter ignorantiam, vel propter infirmitatem, vel propter desiderium cuiuscunque creati boni; at superbiendo, ideo duntaxat avertitur, quia non vult Deo & eius regulæ subijci. Unde Boëtius dicit: *Cum omnia peccata fugiant à Deo, sola superbia ei se opponit propter quod etiam peculiari modo resistit superbis.* Nec levis inde eiusdem gravitas, quod ubi insederit, virtutes omnes demolitur universamque dissipat justitiam. Superbia, ait Gregorius M. *nequāquam unius virtutis extinctione contenta, per cuncta animæ membra se erigit & quasi generalis ac pestifer morbus corpus omne corrumpit.* Isidorus ruinam eam appellat virtutum omnium. Augustinus: *Qui, inquit, superbiam habet, sine causa habet alias virtutes imò eas non habet, sed videtur habere. Qui enim, habet hoc quod Deo contrarium est, quomodo potest habere aliquid quod Deo amicum sit.* Testimonia hæc scripturistico firmantur discursu: Summus in mundo hoc velut in hypodromo. omnes ad bravium æternæ beatitudinis contendimus. At quis victor? quis comprehensor? quis cælum absoluto subintrat gloriosus agone? In ludicro certamine necessarij pernices pegasi. Equorum velocitas coronam parat victoriæ. Idem & in certamine spirituali. si biga ferveat, si pennato passu ad metam feratur, triumphabis. Intueamur duos celebres agonotheas Phariseum & Publicanum duorumque exemplum sit doctrina omnium. Phariseus suo currui junxit justitiam & superbiam; publicanus peccatum & humilitatem. Vix iter orsi, ecce tibi hic volare, ille præpediri: sub huius curru rotæ fervere, ille prætervolantis terga vix cernere: Phariseus casto conatu luctatur pergere, in loco immotus hæret, imò petulco phaleratæ bigæ saltu retrocedit; publicanus felicissimè, arenis aspectū cæli eripientibus obseptus, ad metam allabitur. Cur ita? *Geminas bigas, (ait S. Chrysostomus) mihi accomodes, alteram quidem superbiam & justitiam, alteram verò peccati & humilitatis & videbis peccatum pervertens justitiam non proprijs, sed humilitatis vincere viribus: aliud verò videbis devictum non fragilitate justitiæ, sed mole & tumore superbiam.* ac si diceret: sit ex una parte humilitas cum peccato, ex altera justitia cum superbia, certè humilitas vi contritionis devincet peccatum nec se præpediri sinet in cursu ad immarcescibilem æternæ coronam gloriæ: è contra superbia intumescentiæ suæ mole opprimet, franget, ac prorsus inutilem reddet justitiam omnium licet virtutum aggregatione perfectam ut ne quidem unicum ad cælum passum facere possit, ad infernū potius dum pondere suo prægravatur, ruitura. En claret quomodo factus virtutes omnes totamque justitiam universarum satellitio stipatam virtutum evertit ac prostrernit, nec in loco ubi vexilla suæ cæperit dominationis explicare, patitur consistere. Nec quiescit exterminatis ex animæ regno virtutibus, nisi vitiorum peccatorumve tenebricosas inducat phalanges. *Ipsa vitiorum Regina superbia, verbis loquor D. Gregorij, cum devictum plenè cor ceperit, max illud septem principalibus vi-*

Gravitas superbia ex directa aversione a Deo.

It ex eo quia virtutes totamque justitiam dissipat & inutilem reddit

De obed: & humil.

Pharisei & Publicani comparatio

rijs quasi quibusdam suis ducibus devastandum tradit ex quibus vitiorum multitudines oriuntur. Idem asseverat Chrysostomus: Quod semper dico, ait ille, malorum omnium istud causa est. Necessario qui arrogans est, & contumeliosus est, & percussor & iracundus & amarulentus & tristis: bestia magis quam homo. Doctor Angelicus omnia prorsus peccata duplici modo ex superbia oriri posse demonstrat. Uno quidem per se, si nimirum peccata ad finem quem intendit superbia hoc est ad excellentiam propriam dirigantur; altero quasi per accidens, scilicet removendo prohibens, in quantum nimirum homo per fastum, divinam contemnit legem per quam à peccando retrahimur. Hinc est quod vitium hoc execrabile non computetur inter capitalia, quia est supra omnia, fonsque ipsorum etiam capitalium.

Item gravitas Enormitatem & reatum eiusdem aggravat, quod Deus in remedium *superbiae ex* ipsius, abyssali iudiciorum suorum consilio arrogantem in carnis luxuria *eo quia in re-* am atrociorum crimina labi permittit. *medium eius* Sicut enim, verba sunt D. Thomae, *permittit Deus* *hominem gravibus peccatis inmodari.* *Probatur ex* *S. Thoma.* Enormitatem & reatum eiusdem aggravat, quod Deus in remedium ipsius, abyssali iudiciorum suorum consilio arrogantem in carnis luxuria am atrociorum crimina labi permittit. Sicut enim, verba sunt D. Thomae, medicus sapiens in remedium maioris morbi patitur infirmum in leviora incidere ita etiam peccatum superbiae gravius esse ostenditur per hoc quod pro eius remedio permittit Deus homines rueri in alia peccata secundum Apostolum ad Romanos: 1. ubi quidam propter elationem cordis traditi dicuntur in reprobum sensum ut ea facerent quae non conveniunt. Sit licet quis sanctissimus, sit perfectissimus, si fastum ad ima pectoris admitterit, cadet tanto graviore lapsu, quanto ascensus erat sublimior, cidet inquam Domino in remedium elationis uti dixi permittente. Huius ipsius asserti robur accipe ex sequentibus. Canticum: 1. appromiserat dilectae suae Dominus monile vermiculati operis ex auro bracteolatum.

Ex Cant. 1. c. Murenulas aureas faciemus tibi vermiculatas argento, & sine dubio promissum executus. Quaesio hic ego: cur externo hoc ornamento, ornatissimam aliunde & pulcherrimam donet Sponsam? quid inde accessit decoris ineffabili illius pulchritudini? Ut nulla lux claritatem solis, ut candorem lilij nullus extraneus color, ut pavonis adverso sole millenos referentis colores nullum penicillum augere potest gratiosam pompam; ita, crediderim, nullus mundus nullus ornatus extrinsecus adveniens, venustatis accessionem facere poterat in sponsa Dei. Non ad augendam gratiam decoremve obtinuit catenulas aureas punctis argenti insertis phrygiatas, sed ad reprimendam elationem. Fastus inest pulchris sequiturque superbia formam. Ne ergo ex prodigiosa pulchritudine intumesceret, aptantur collo pectorique eius murenulae vermiculatae, hoc est,

Vieg: in Apoc. comp. 4. sect. 1. quibusdam quasi vermiculis celata quod videlicet Sponsa habens semper ante oculos illas vermiculorum imagines, nequaquam de sua altitudine & specie superbiret, sed intelligeret se nihil esse aliud quam vermiculum, id est abiectissimam tandemque in vermes commutandam. Ut porro vermiculatum hoc segmentum semper à Sponsa praegestaretur atque inspiceretur, praemisit in eodem capite duram comminationem Sponsus: Si ignoras te o pulcherrima mulierum egredere & abi post vestigia gregum tuorum & pasce haedos tuos. Ergo ne pulcherrima mulierum ad pasturam lascivi & fatentis ibit pecoris? quomodo illa post mandras se conferet, ubi nonnisi ejectamenta conspiciuntur? quomodo ad sordidos viarum camporumque perget recessus succerdis & varijs pecorum pecudumque retrimenti pedes commaculatura, quae lota passum unum

unum pedis facere per pavementum onyche stratum & unde quaque mundissimum recusaret? Non absolute ad pascendos hædos & vestigia gregum relegenda amandatur, sed si seipsam ignoraverit. *Si ignoras te, opulcherrima inter mulieres egredere & abi post vestigia gregum tuorum & pasce hædos tuos:* sensus est. si blando pulchritudinis cæcata fulgore, tuæ ignara & immemor facta fueris conditionis: si murenulas vermiculatas tuo pectori applicitas oculisque subiectas non attenderis: si non recogitaveris te vermem, putredinis concham, bullam vanitatis, sed è contra cor tuum elevaveris, extento collo erectoque supercilio cunctos & cunctas despexeris, tibi non Deo nitorem formæ bonaque cætera retuleris; tunc, tunc ad hædos id est ad vagos & petulantes corporis sensus pascendos dimitteris, tunc ad immundos procorum aut verius porcorum greges sectandos abitura repelleris, justo equidem iudicio ut quæ de pulchritudine à Deo habita ampullabaris, ad turpitudinem devoluta discas non altum sapere sed timere. Sub Sponsæ typo unusquisque nostrum intelligitur. Quod enim de toto corpore Ecclesiæ dicitur, etiam membris singulis applicari potest. Sit fidelis, sit religiosus quiscunque sponsa Dei, amica Dei, soror Dei, pulchra, bis pulchra & interna videlicet gratiæ sanctificantis ac virtutum venustate & externa morum ac conversationis honestate: si ad hoc perveniat quod se ignoret; si quid fuerit, quid est, quidve futurus sit non penset; si de talentis muneribusque divinis velut de proprijs gloriatur; certissimum est, proijciendum à Deo & à familiaritate amoribusque divinis ad hircos pascendos, à voluptuosa Dei mensa ad stercora amplexanda iustissimo permittentis Dei decreto retrudendum. Non credis? probatissimum veridicæ historiæ testimonium te convincat. Ad sanctissimos viros Palæmonem & Pachomium excitato igne noctu vigilantes supervenit quidam frater spiritu inflatus superbiæ. Hic inter verba ultro citroque collata: Qui, inquit, ex vobis fidelis est stet super ignitis carbonibus istis & sensim lenteque orationem Dominicam pronunciet. Commouit eum B. Palæmon ne desiperet, neve talia in posterum loqueretur. At ille maiori post admonitionem turgens elatione super ignem cucurrit, caputque audacter stare nullo sibi imperante: eratque videre quomodo cooperante dæmone ignis attactu minimè adurebatur. Ausus deinde post illud diabolica arte patratum prodigium sanctissimis illis Patribus improperare & exprobrare: ubi est fides vestra? Exitum auscultemus. Post non multum temporis sciens diabolus eum superbiæ vento distentum ad omne scelus facilem tractabilemque fore, transfiguravit se novus imò vetus Protheus decipiendis hominibus formas se mutans in omnes, transfiguravit inquam se in mulierem formosam mundo muliebri adornatam pulsansque ostium cellæ, clamabat: Obsecro recipias me. A creditoribus vexor nec habeo unde exoluam. Deus me ad te direxit: tu respondebis si repuleris & vitæ discrimini afflictâ obieceris. Admissa mulier illa personata in casam admissa in animum & concupiscentia. Illicitos & quasi muliebres petivit miser amplexus, sed ab immundo spiritu atrociter elusus sibi que dein restitutus, coram beatissimis illis quos memoravi anachoritis de suo typho pœnituit moxque occulto divinitatis iudicio & metuendo superbis exemplo in amentiam versus, in caldarium bullientis aquæ sese præcipitem dedit. Hic finis

D d d d 2

præsum-

*Ex historia.**In vita S. Pachomij.*

Ex Magistris
spiritualibus.

præsumptionis, hic exitus ambitiosæ superbiæ. Quàm vere Rupertus
asseruit: *Superbiam mentis comitatur ignominia carnis.* Et Climacus
gradu 15. *His qui rudes imbuuntur, lapsus corporis ex delicijs maxime
feri solet: in mediocribus verò etiam ex elatione animi: porro in his
qui perfectioni proximiores sunt, solummodò ex condemnatione contem-
ptuq; proximi.* Et noster Teretius: *Deus arrogantiam & elationem
animi panire solet luxuria ut qui se injuste reliquis hominibus antepo-
nit, belluis quodammodo irrationalibus supponatur.* Quis jam audiens
hæc, non perhorrescat? quis letiferam præsumptionis pestem non fu-
giat cui Deus immanium flagitiorum medetur permissu, si remedium
non proficiat, gehennalibus expiaturus flammis.

In libello Ar-
ma lucis.

Media repri-
menda super-
biæ.

Sed plerumque latens est superbiæ motus, quomodo ergo vitari po-
terit? Voluntas enim neque per actus prosecutionis neque per actus fu-
gæ fertur in aliquid nisi quod intellectus sub ratione boni vel malico-
gnovit. Audi Doctorem Angelicum tibi hac in parte satisfaciensem:
*Si motus superbiæ latens sit, non habet gravitatem antequam iudicio ra-
tionis deprehendatur; sed ubi deprehensus fuerit, facile evitatur tum
consideratione propria infirmitatis secundum illud Eccl: 10. Quid superbis
terra & cinis. tum consideratione divina magnitudinis secundum illud Job:
15. Quid timeat contra Deum spiritus tuus? tum demum consideratione
imperfectiōis bonorum operum nostrorum juxta illud Isaia 64. Quasi
pannus menstruata omnes justitia nostra.*

Superbia pe-
culiariter in
religiosis de-
restabilis.
Eggeret in a-
nathemate.

Ad Rusticum.

S. Chrysost: in
Episto: 2. ad
Philip.

Eggeret.

Omnes quidem hic tangit sermo, at peculiariter nos, qui in subie-
ctionis manentes statu humilitatem Christi discere & sectari tenemur.
Pauperem superbum odivit anima Christi veri Salomonis. *Quis pauper
iste superbus nisi religiosus, qui reiectis facultatibus vitam proficitur pau-
perem; in sua tamen cuculla & sacco quem ut humilitatis insigne præse-
fert, sic follicantes dilatat simbras inceditq; ut Cardinalem putes in sua
purpura triumphantem. Apage mihi cum tali religioso. Simia est si-
mia etiamsi aurea gestet insignia.* Ridemus pueros cum elatos ac ja-
ctabundos videmus, latera gyrantes, brachia insipientes, vultum eri-
gentes. Multo graviore digni cachino Monachi, qui ut ait D. Hiero-
nymus sublati in altum humeris & intra se nescio quid cornicantes
stupentibusque in terram oculis tumentia verba trutinantur, ut si præ-
conem addideris, putes incedere præfecturam. In serico superbire ar-
rogantia est: in sacco, risu & explosione digna fatuitas. *Arrogantia,
puerilis animi est & mentis imperfecta ac vilis: in puerorum igitur vi-
tia defluimus, quoties nobis fastuosi placemus, quò magis puerilis æ-
tas à nostra non modo ætate, sed & status dignitate distat, eo maiori
sanno illudi merentes.* Superbus religiosus ut quidam non inepte defi-
nit, est *stabulum deauratum, asinus leoninis clarus exuvijs, truncus martia-
libus indutus insignijs, uno verbo monstrum & ipso mōstro monstrosius porten-
tum suæ religionis abortivum.* Equitem in hippodromo à meta ad
carceres currentem cum lemmate: *Agnosce dole emenda,* in suis hiero-
graphijs exhibet Typotius. At quare à meta ad carceres? Certe quem-
admodum secundo flumine facilius labitur carina, ita à carceribus ad me-
tam decurrere festivius. Equus arrogantiae Symbolum est. Huius equi
fessor non ad metam regni cælestis, sed ad gehennales carceres, ad pa-
tentem atri Ditis januam præceps ibis. *Agnosce igitur, dole, & emenda.*

Agnosce

Agnosce intellectu, dole affectu, emenda humilitatis actu. Agnosce *Nihil est un-*
unde superbias. ex generis nobilitate? *sed nobilitas sola est atq; unica* de *superbia-*
virtus. Aliena laudat, qui genus jactat suum. Profecto omnes fumus
eiusdem consortes naturæ, ex iisdem compacti elementis, pulpa & ru-
bra constantes sanie. Ex pulchritudine? cornicum ista jactantia est.
Equidem non es pavone pulchrior sive in eo virorem sive pennas inspe-
xeris. Ex fortitudine? sed leo te confidentior, aper robustior: vix cu-
lex dici potes ipsis comparatus. De opibus habitis & contemptis su-
perba jactantia gloriaris? atqui & latrones & homicidæ & meretrices
& qui in metallis operantur, aurum argentum lapidesque pretiosos pos-
sident. Quod ergo damnatorum labor est, ex eo tu possesso vel con-
tempto gloriaris. Vocis gratia excellis? at cygno & luscinia canere
suavius non poteris. Artes varias calles? apis unius peritiam nun-
quam assequeris. Quis artifex adeo varius, quis pictor, quis geometra,
huius opera imitari poterit? Et in velocitatè pedum & in visus cla-
ritatè, sagacitate olfactus, sanitaris vigore, solertia in victu quærendo à
brutis & avibus superaris. Non ergo pudebit te superbire de ijs in qui-
bus nobiscum communicant bruta, volatilia, servi, homicidæ, latrones,
tumbarum perfossores. Quodsi de internis dotibus ac virtutibus tanquã præ-
sumptionis materie tibi blandiris, de his vel maximè humiliari, non inflari
debueras. Non legisti in Deutoronomio quòd solus Deus det fortitudinem
facere virtutem. Non legisti in Evangelio: *Sine me nihil potestis facere.*
Non legisti in Apostolo: *Non sumus sufficientes cogitare aliquid ex no-*
bis quasi ex nobis, sed omnis sufficientia nostra ex Deo est. Agnosce er-
go soli Deo deberi gloriam & honorem ex omnibus bonis nostris in-
ternis & externis. Dole, si superbiam in sensu tuo dominari permisisisti.
Emenda, ne omnibus reddaris odiosus. *Odibilis enim coram Deo & ho-* *Ecclesiast: 10.*
minibus superbia. Emenda, ne velocem Dei ultionem in te accersas:
Sequitur superbos ultor à tergo Deus. Emenda, ne in mortis articulo *Sen: in Trag:*
dirissimis angoribus torquearis: *Cor durum*, oppositum videlicet con-
trito & humiliato, *male habebit in novissimo.* Emenda denique ne ma-
ledictionibus & finali damnationi involuaris: *Initium omnis peccati est*
superbia: qui tenuerit illam adimplebitur maledictionibus & subvertet
eum in finem. Ad quem textum conformiter ait S. Gregorius signum
evidens reprobationis esse superbiam.

Monstravi malitiam & gravitatem superbiæ ex sua ipsius natura, & ex
eo quod virtutum omnium sit hostis, vitiorum auctrix, atrocium pecca-
torum, Deo in remedium vel pœnam permittente, causa: omnibus & vel
maximè religiosis execrandam, cum nihil suppetat unde gloriari aut in-
tumescere possimus, docui: reliquum est ut doctrinam traditam com-
mendemus memoriæ, ea pro armis contra dæmonis usuri assaultus. Mi-
nus timebimus præscientiæ muniti clypeo. Veniet tentator malignus,
contraria menti nostræ proponet, hoc vel illud bonum ex nostra virtute
& potestate processisse callida instillabit suggestionem, non gratuito mu-
nere, sed pro nostris meritis hoc illudque bonum nos à Deo acce-
pisse insinurrabit: stimulat ut nos de divinis muneribus quasi in alio-
rum ædificationem, re ipsa in contemptum jactemus. Nos præmoniti
ac præinstructi, facile cognoscemus has à superbo diabolo proficisci sug-
gestionem, infernalis serpentis hos esse sibilos, à pessima arbore fructus si-

miles nobis obijci: ideoque eos protinus detestando, humili pectore ad Dei opem confugiemus exorantes ne veniat nobis pes hoc est affectus superbiæ & manus peccatoris diaboli ne moveat nos de statu salutis ad statum damnationis. Nec dubium quin oratio humiliantis se animi nostri penetrabit nubes. Aderit auxiliator Christus nostrumque propter net adversarium ut post victoriam triumphale carmen illud victori Christo possimus occinere: *Cantemus Domino gloriosè enim magnificatus est, Equum & ascensorem, superbiam eiusque sessorem Sathanam deiecit in mare, mare igne & sulphure ardens. Fortitudo mea & laus mea Dominus & factus est mihi in salutem.*



C O N F R A H Y P O C R I S I M.

In pervigilo
Nati: Bea-
tissima.

Maria liber.

Pannon: in
Apocalyp:

ORtum vitamque Salvatoris nostri descripturus Matthæus Evange-
lista sic orsus est: *Liber generationis IESU Christi.* Per librum
hunc sine dubio integrum intellexit Evangelium quod de na-
tivitate vita morteque Domini nostri literis consignavit. Mysticè liber
hic juxta sensum sanctorum Patrum est superbenedicta Virgo. MARIA quæ
à S. Ephrem, *charta divinissima*: à Damasceno. *liber novus*: ab Andrea
Cretensi *liber vivus vivifico Spiritus Sancti calamo scriptus* vocatur. Li-
ber hic ab ipso autore Deo compositus, digito divino exaratus, in cæ-
lesti censura approbatus, in lucem publicam hodie ex sacramento S. Annæ
utero velut prælo quodam editus. Libri materia sunt arcana cæli, vir-
tutes, gratiæ, prærogativæ Virginis. Hic scientiarum universitas, hic
encyclopedia diviniior. Scripturam Dei legere nemo, nemo interpre-
tari novit nisi entheatus sit, uti ænigma illud in palatio Balthasar Regis,
quia divinum fuit, nullus inventus est Oedipus, qui legeret atque solveret
nisi spiritum Domini habens Propheta. Nec arcanos libri de quo tra-
ctamus characteres quisquam, aut legere, aut percipere valet nisi aut
Deus ipse, aut divino afflatus spiritu interpres. Apocalyp: 5. Vidit B.
Joannes in dextera sedentis super thronum librum scriptum intus & fo-
ris signatum sigillis septem quem nemo poterat, neque in cælo, neque
in terra, neque subter terram respicere, multominus aperire. Per codi-
cem hunc à D. Joanne visum communiter intelligunt expositores, scri-
pturam sacram. Verè enim hæc est liber scriptus intus & foris, quia
habet internum & externum sensum, mysticum & historicum seu litera-
lem. Librum hunc solus Christus respicere & referare potuit, quia so-
lus mysteria scripturæ sacræ, tum dictis, tum gestis aperuit, præclarissime
ea intelligens respiciensque. Septem porro sigilla sunt fortis admodum
clausuræ typus, quia namque septem sigillis res aliqua fortissime clau-
ditur, magna & fortis clausura seu absconditio, septem sigillis figuratur.
Sanè ad literam nihil potest congruentius per librum hunc denotari
quàm scriptura sacra; sed allegoricè per eundem convenientissimo ty-
po ad-

po adumbratur Virgo Beatissima. Hæc enimverò liber est scriptus intus & foris; signatus figillis septem, quia fortissima clausurâ; quem nemo nec in calo nec in terra multominus subtus terram respicere & aperire possit; quia neque è sanctis in cælo, neque ex incolis terræ potest quis plenè virtutes Virginis MARIE, gratias eiusdem, merita & gradus meritorum assequi absque Deo peculiariter revelante. Solus Christus respexit, aperuit, legit, qui solus composuit. Quis hîc non fleat multum eò quod sacerrimi voluminis istius videre & legere scripturam nequeat? Aperi Domine Jesu & solve signacula ut saltem titulum libri videre & intelligere possimus. Tu qui habes clavem David, aperis & nemo claudit, præsta facultatem penetrandi mytheria Sanctissimi MARIE Nominis ut salutarem ex tam divino libro doctrinam eruamus.

Titulus à Titane hoc est Sole suam trahit derivationem. idque ideo quia sicut sol mundum illuminat ita inscriptio quam titulum vocamus, quasi præmissio lumine, libri sequentis introitum aperit. Titulum qui bene noscit, facile totius notitiam libri ex sententia Augustini consequetur. Porro mystici de quo agimus libri non alius titulus est quàm sacratissimum MARIE Nomen. Variæ sunt apud SS. Patres huius nominis expositiones. Alij enim ad hæbraicam attendentes notationem, guttam maris, myrrham maris, seu mare amarum interpretantur ut S. Epiphanius cum multis alijs Doctoribus: alij dominam, exaltatam, spem. Ita enim Benedictus Fidelis in sabbatho Dominicæ tertiæ Quadragesimalis suam de nomine hoc augustissimo panegyrim incipit: *Quisquis sacratissimum Deipara semper Virginis MARIE Nomen attenderit, tres inibi admirabiles prerogativas resplendere comperiet quæ magnam hanc Dominā ceteris altius honorant ac celebrant. MARIA namq; in latino sermone idem sonat quod Domina, exaltata, spes.* Alij stellam maris, illuminatam, & illuminatricem. Fusus facundusque est, ut solet, in hac expositione Bernardus studiosissimus MARIE cultor. Demum D. Ambrosius hoc cæleste vocabulum idem sonare ait quod Deus ex genere meo lib: 1. de Instit: Virginis. Aliæ si quæ sunt paraphrases, ad has in quadruplicem classem digestas reducuntur.

Rupertus Abbas in Gen: lib: 1. Cap: 2. S. Augustinus in Psalm: 53.

Hom: 2. super Missus.

Nomina sunt rerum notæ, ait Princeps Romanæ eloquentiæ: & Aristoteles nominis appellationem deducit à notificando. Quod igitur Virgo Beatissima vocatur Maria id est gutta maris, profundissima ipsius indicatur humilitas, qua substantiam suam tanquam nihilum ante Deum judicabat. Gutta namque comparata Oceano ferme nihil est. Unde Eccl: 8. *numerus dierum nostrorum quasi gutta maris*, hoc est quasi nihil reputatur. Quod ex vi nominis nuncupatur myrrha maris seu amarum mare, per hoc ostenditur Mariam ut ait, *Esgobar totius asperitatis & amaritudinis epilogationem fuisse & non tam obseptam afflictionibus & doloribus quàm afflictionem ac dolorem ipsum extitisse.* juxta quod S. Epiphanius non dubitavit illam in abstracto crucis nomine appellare: *Appellabo, te, inquit, thronum, calum, simul & crucem.* Elegans metaphora hæc per quam mare amarum Virgo Beatissima nominatur, hoc demonstrat, quod sicut nulla aquarum copia cum mari conferri potest; ita nullus dolor, nulla hominis passio cum Virginis compassione: & sicut omnia flumina sunt instar guttæ respectu maris ita omnes dolores respectu Mariani: sicut item nulla in mari stilla est, quæ amara non sit, ita

MARIA gutta maris & mare amarum.

nullus in pectore Mariano vacuus amaritudine locus. Dicite quæso si Deus in vase unico integrum concluderet pelagus illudque alicui propinaret nonne ingentem & inexplicabilem amarorem ille cui propinatum, epotaret? Hoc contigisse Matri dolorum ex eius discimus nomine. Locum illum scripturistico *Magna est velut mare contritio tua*, septuaginta sic efferunt: *Magnificatum est poculum contritionis tua*, quod sub tempus passionis Domini nostri Virginem dolorosissimam ad fundum usque exhaustisse credimus. In mari aliam item conspicio qualitatem, quia nimirum in littore stans quispiam & prospectans, videt quidem hispida liquidi elementi terga at latitudinem & profunditatem eius videre nequit. Mari ergo assimilatur, imò mare vocatur Maria, ut noverimus, dolores ipsius videri posse, comprehendere non posse. Quare sicut per hoc quod gutta maris denominetur, designatur eius abyssalis humilitas; ita per maris amari nomenclaturam incomprehensibilis signatur patientia. Placet aliquibus quod nomen hoc cælestibus significationum sacramentis plenum juxta hæbraismi etymum idem significet quod mare amoris: quæ intelligentia docet, Mariam uti in cognoscendo Deum tota fuit intellectus, ita in amando totam, ardorem fuisse & quendam inflammatissimum amoris clibanum imò Oceanum.

MARIA Domina exaltata, spes

Aliæ, quas jam attexui sacratissimi Mariani nominis expositiones sunt istæ: *Domina, exaltata, spes*. Domina ex mente S. Bernardi derivatur à verbo domo. Datur ergo intelligi quod Virgo Beatissima domuerit Deum, qui velut ferox rhinoceros metuebatur & ad humanas preces justissimo judicio inexorabilem se præbebat. Sacrorum rituum interpretes volunt hunc titulum: *Dominus*, soli Deo deberi ideoque in petenda benedictione non Domini sed Domni usurpari vocabulum, eò quod prius soli Deo, posterius autem homini præclaro conveniat. Huius sensus erant & Gentiles ideoque Augustus Cæsar Dominum se vocari prohibuit ne divinum in se videretur transferre honorem. Quod itaque Beatissima Virgo, Domina appellatur, in partem divini domini assumpta esse liquido monstratur. Et verò quomodo Domina non sit quæ Mater effecta est, ex quo etiam honore & gradu super omnes omnino creaturas *exaltata*. Propter eandem maternitatis divinæ prærogativam *spes* nostra dicitur. Cur autem MARIA Nomen spem sonet, dat rationem D. Bernardus: *Quia, inquit, totum nos habere voluit DEUS per MARIAM*. Inde est quod Beatissima Virgo assimilatur tubo aquas usibus humanis ministranti: *Ego quasi aqua ductus exivi de Paradiso*. Aquæ ductus mysticus MARIA est quandoquidem per eam velut per quendam aureum, quia purissimum canalem ex Paradiso hoc est ex essentia Dei, in qua omnium deliciarum concluditur ubertas, universæ gratiæ divinæ tanquam salutare aquæ defluunt ut convenientissimè de seipsa loquatur Virgo benedicta: *In me omnis spes vite & virtutis*. Spei motivum est potentia & misericordia. Quid vero non possit Deipara cui Filius suus omnem potestatem contulit in cælo & in terra? Porro tam misericors est ut miserorum præveniat vota; omnibusque sinum misericordiæ aperit ut de plenitudine eius accipiant universi. Unde fiducialiter exclamat Bernardus: *Sileat misericordiam tuam Virgo beata si quis est, qui te in necessitatibus suis agnoverit sibi defuisse*. Propterea S. Ephrem eam *spem* suam & omnium Christianorum vocabat: memoratus.

ratus Bernardus scalam peccatorum, fiduciam & totam rationem *spei suae*: Philadelphus *spem* miserorum, perstreuum bello concussorum praesidium, securam fidam & sacram anchoram eorum qui tempestate jactantur, singulare afflictorum auxilium, dolentium solatium, paratum ad omnes casus subsidium, singularem salutis nostrae propugnatricem, tutissimum naufragorum portum. Denique Ecclesia Catholica Divam Virginem *spem nostram* appellat.

In anti: Salve
Regina.

MARIA stella
maris, illumi-
nata, & illu-
minatrix.

Tertij ordinis expositiones MARIAM stellam maris, illuminatam, & illuminatricem ostendunt. Mysteria denominationum istiusmodi illa ipsa quae illuminatricis nomen & rem sortita est, nobis aperire dignetur. Mare mundus est in quo sirtes & charybdes inter & pyratarum pericula densaeque noctis spiritualis tenebras navigamus. Serenissimum Sidus navigantibus providit Deus Virginem MARIAM. Hæc ergo ideo stella maris nominatur ut sciamus eam in praesentis vitae periculis unicuique lumen fidus & cynosuram esse nosque ea ductrice feliciter posse ad portum aeternae felicitatis appellere. *Ista est praecleara*, ait Lactimelleus Marianus Orator, *ista est praecleara & eximia stella super hoc mare magnum & spatiosum sublevata, micans meritis, illustrans exemplis. Si insurgant venti tentationum, si incurras scopulos tribulationum, respice stellam, voca MARIAM.* Et post pauca subiicit: *Ipsam sequens non devias, ipsam rogans non desperas, ipsam cogitans non erras, ipsa protegente non metuis, ipsa duce non fatigaris, ipsa propitia ad portum pervenis, & sic in te experieris quam merito dictum sit: Et nomen Virginis MARIA.* Pharos est in hoc procelloso mari MARIAE Nomen: lumen est viam in tenebris aperiens. Turris fortissima nomen Domini vocatur in scripturis. Nomen Dominæ turrim quoque dicere possumus, turrim David quæ ædificata est cum propugnaculis seu juxta hæbraismum ad Thelalphiot hoc est ad doctrinam seu documenta, eò quod sicut per turres tædis flagrantibus, aut pingui resinâ vel pice accensâ coruscantes docetur viator nocturnus quò proficisci debeat; ita Virgo superbenedicta facta sit omnibus navigatoribus ad doctrinam & lucem, ut ad portum & terminum ea præmonstrante feliciter unusquisque pertingat. Convenienter quoque, verbis loquor Doctoris Angelici, *Convenienter vocatur MARIA illuminata in se & illuminatrix in alios quantum ad totum mundum atque ideo assimilatur Soli & Lunæ.* Illuminata quidem, quia sole amicta: quia profundissimam divinæ sapientiæ ultra quam credi possit penetravit abyssum: quia quantum creaturæ conditio patitur, luci illi inaccessibili immersa: quia igne illo quo Seraphim accenduntur, quo Cherubim illustrantur, non veluti summatim tangi, sed operiri undique & circumfundi meruit. Inter hieroglypta Mariano honori accommodata ponitur Virgo lumine circumfusa, una parte sol equis, alterâ luna bobus retro provehuntur ad Virginis immensa luce coruscantis aspectum conniventes. Lemma: *Sol & Luna mirantur.* Nimirum luminaria cæli ad splendorem MARIAE deficiunt & eclipsantur ut possimus Dominæ nostræ occinere:

Luna suum perdit tecum sociata nitorem:

Atque comes nullum Sol tibi lumen habet.

Illuminatrix verò MARIA nominata est ut ex ipso nomine pateat MARIAM esse *lucernam Ecclesiae* quod ait D. Bonaventura in speculo: *esse*

Ffff

tenebra-

Opusculo 8.

S. Bernardus
ser. signum
magnum.

De Busi.

tenebrarum expultricem, quod ait Sergius Patriarcha Constantinopoli-
tanus: *lampadem inextinguibilem* ut vocat Cyrillus Alexandrinus: ut ex
ipso discamus nomine per MARIAM omnem creaturam idolorum errore
detentam conversam esse ad agnitionem veritatis: ut sciamus ea adju-
trice gentes venisse ad fidem & poenitentiam, per eam Prophetas illu-
minatos ventura praeuntiasse, per eam Apostolos salutem gentibus prae-
dicasse. Illuminatrix ergo vocatur, quia per exempla lucidissimae vitae
& doctrinae suae dirigebat dirigitque omnes ad salutem: illuminatrix,
quia vita eius gloriosa lucem dedit saeculo cunctasque illustrat Ecclesi-
as: illuminatrix, quia corporalis etiam non spiritualis tantum fugatrix
caecitatis. Lege fastos Marianos Domus Lauretanæ, Claromontanæ,
Tallensis in Pannonia, Eremitanæ in Ilirico aliarumque in alijs Provin-
cijs, & non poteris percensere cæcos qui collyrio Marianæ pietatis ocu-
los inunxerunt visumque receperunt.

Istæ sunt quas ex Sanctis Patribus collegi nominis sacratissimi inter-
pretationes. Ambrosianam paraphrasim, quia in cæteris continetur
imò est cæterarum fundamentum non perstringo. Primæ quidem ad vi-
tam virtutesque MARIÆ declarandas attinent; posteriores ad præroga-
tivas gratiæ gloriæque eiusdem ordinantur. At quid est quod augustū
divinæ genitricis recolens nomen, eiusque abdita perquirens mysteria,
immutor animo, stimulos sanctiores perferentio & almo Spiritu experior
me afflari ut possim canere: *Est DEUS in nobis, agitante calescimus illo*,
Nomina mera esse vocabula ad significandum non ad agendum apta atque

De doctrina
Christiana.

Mariæ nomē
& significati-
vum & cau-
sativum.

Oleo compa-
ratur.

Lib: 1. Cap: 103

S. Anselmus.

instituta novi. Nam & D. Augustinus ait verba talia esse signa quorum
totus usus in significando sit. *Nemo enim*, inquit ille, *utitur verbis nisi*
aliquid significandi gratiā. Contrariū probo in amabiliſſimo MARIÆ nomi-
ne, & significativum esse ut ex adductis claret & causativū comperio. Non
nudum video esse signum, sed variorum insuper effectuum principium.
Nimirum *oleum effusum MARIÆ nomen*. Olei virtutes variæ numeran-
tur: ut quod valeat ad medicinam infusione, ad lumen accensione, ad
vires & robur unctione, ad condimentum ciborum insperſione, ad tran-
quillationem immixtione. Tradit enim Plinius adeo tranquillam esse
olei naturam ut mare quoque rem omnium sæviſſimam tranquillet at-
que ob id urinantes, aiunt oleum ore spargere quod mitiget elementi
naturam asperam. Hinc est quod homo leni ingenio præditus oleo ap-
pellatur tranquillior. Cunctas virtutes recensitas MARIÆ operatur No-
men. Medetur; quia *velocior est nonnunquam salus invocato nomine*
MARIÆ quàm invocato nomine IESU: illuminat; ut jam audisti: corro-
borat; quia ut ait D. Bernardus, *non ita metuunt hostes visibiles quam-*
libet castrorum multitudinem copiosam sicut aërea potestates MARIÆ vo-
cabulum, patrociniū, & exemplum. Tranquillat; quia vultu quo ca-
lum tempeſtatesque serenat, quælibet nubila & fluctus cordis humani mi-
tigat ac malaciam in animum inducit ut non immerito dixerit præfa-
tus Virginis panegyristes: *Si criminum immanitate turbatus, conscientia*
feditate confusus, iudicij horrore perterritus, barathro incipias absorberi
tristitia, desperationis abisso; cogita MARIAM & in te experieris quàm
merito sit ei dictum: Et nomen Virginis MARIA. Condit demum &
dulcorat; quia secundum Thomam à Kempis, *in hoc nomine omnia a-*
maris.

maria dulcia sunt. si quis hoc probare voluerit, frequenter de MARIA cogitet, loquatur, legat, cantet, oret. O verè oleum effusum MARIE nomen, oleum longè præstantius, melius, pretiosius plusque aromaticum quam illud veteris legis ex prima myrrha cinnamomo & calamo & casia necnon oleo olivæ Deo sic præcipiente confici solitum ad sacram Regum ac Sacerdotum unctionem. Celebrat has universas virtutes in nomine MARIE, sapientissimus Idiotæ: *Hoc, inquit ille, nomen super omnia Sanctorum nomina reficit lassos, sanat languidos, illuminat cæcos, penetrat duos, ungit agonistas, jugum diaboli excutit.* Alanus item cuius verba recito: *Eleganter fama & gloria nominis MARIE oleo effuso comparatur. Oleum esurientem reficit, agrotantem sanat, membra defatigata mitigat, odorem parit, flammam nutrit; sic & in laude Virginis reficimur, exemplo eius ad virtutum medicamina invitamur, adversitatibus fessi eius patientiâ recreamur, vita eius forma illustramur.* Probavere in se quæ prædicaverunt præcones isti Mariani, probavere in alijs. Quod non modo audierunt, sed perspexerunt, sed manibus contrectaverunt, hoc nobis annuntiaverunt. O quis mihi sistat desolatos omnes, infirmos, tentationibus diabolicis pressos aut quacunq̃ue obrutos necessitate, nullum credo ex his reperiam, qui ad memoriam & invocationem sacratissimi nominis Domine nostræ non fuerit relevatus! O nomen pretiosissimum! o nomen virtutum quod Rex gloriæ imposuit, quod os Domini nominavit! utinam nunquam recedas ab ore meo, à corde meo! Utinam semper verferis in ore meo per invocationem, in corde per meditationem, in opere per imitationem. Nomina & characteres ignotos portare in collo superstitiosum est ut docet Magister Angelicus; at nomen Virginis MARIE in pectore gestare in ordine ad varios naturales & supernaturales effectus religiosissimum. Ponè præterieram quod vel præcipuè ad analogiam olei cum nomine Mariano attinet. Oleum sapientiæ symbolum est, unde virgines olei defectum passæ, in evangelio fatuæ dicuntur: & qui sapit, dicitur oleum habere in capite. Quid igitur nos nomen sapientiæ, nomen magisterij, nomen inquam MARIE docet, quid monet? Docet ut nomina rebus consona teneamus, ut quod titulo monstramus, compleamus opere. Nimirum nos quoque libri sumus. Epistola Christi sumus, ut vocat Apostolus: titulum sanctitatis gerimus, dum Christiani, dum religiosi, dum sacerdotes nuncupamur. oportet ergo ut convenient rebus nomina nostra suis. Hypocritas vocat D. Gregorius omnes, qui interiori studio & cultu virtutum non respondent nomini & exteriori habitui, dum ait: *Illi qui tenent (nomen) & habitum sanctitatis meritum verò perfectionis non exequuntur, sunt simulatores, quia nomen & exterior habitus sanctitatis, opera perfectionis significat.* quanquam absq̃ue formali simulatione (quæ ad veram hypocrisim omnino requiritur cum hæc importet defectum sanctitatis & simulationem ipsius) possit quis & soleat habitum sanctitatis exteriorem præferre, internè manens peccator. Porro hypocritæ quàm sint Deo abominabiles, liquidò ostendunt scripturæ. Monstra sunt Deo exosa. Monstruosa enim res est speciem habere columbinam & mentem caninam, professionem ovinam & intentionem lupinam, intus esse Neronem & foris apparere Catonem. De talibus Iuvenalis: *Qui Curios simulant & Bacchanalia vivunt.*

Ffff2

Hymeræ

2. 2. q. 96.
art. 4.

Moral: 31.

Hypocritarū
assimilatio-
nes.

Hymeræ sunt Philosophicæ quibus esse & non esse convenit. *Sunt namq̃*, ait Pannonius in Apocalyp: *& non sunt. Sunt fidei inani professione, non sunt autem veritatis imitatione.* Struthiones sunt: quia quemadmodum struthio volandi speciem habet, usum volandi non habet; sic hypocrita cunctis intuentibus imaginem sanctitatis insinuat, sed tenere viam sanctitatis ignorat. Cygni sunt sub candore plumarum nigerrimam habentes carnem. Typus hypocrisis cygnus est, ideoque à sacrificio Domini arcetur. Videas mihi quempiam de puritate insignia perorantem cum interim ipse teterrima luxuriæ nigredine deformis sit, q̃lorem puta. cygnus est Deo exosus & sacrificijs eius ineptus. Videas de virtutibus varijs rosas loquentem cum ipse omnium vitiorum fuscédine sit notatus, cygnus est. cantat eximie sed niger est, hunc tu Pauline, hunc tu Christiane, hunc tu Religiose caveo. Demum cadavera sunt fætida vivorum inscripta nominibus. *Nomen habes quod vivas & mortuus es.* Sic non mirum quod Deo sint exosi, quod provocent iram Dei, quod vix horrendum à Christo illis intonetur. Et sanè terribili terribilius vix jam in hora mortis suæ experiri incipiunt. Enim verò ficta sanctitas, quæ duplex nominatur iniquitas, mortem pessimam & obitum nimis horrendum adducere solet. Frater quidam ut in vitis Patrum legere est, senem interrogavit: *Nomen est quod salvat an opus?* respondit senex, *opus.* statimque talem ausculanti narrare aggressus historiam. Novi fratrem quendam, qui hac de re oravit Dominum, estque exauditus. Venit enim ad cellam eius lupus trahabatque per laciniam ut exiret. Exivit ergo & præeuntem lupum secutus usque ad civitatem, ubi à lupo relictus. In Civitatis illius suburbio erat habitatio cuiusdam nominatissimi solitarij cuius sanctitati incolæ & sui & civitatis conservationem adscribebant, parabantque lampadas & splendida exequiarum iusta decentissimæ ipsius sepulturæ; plane enim tunc fatis cedebat. Intravit mansionem hospes & divino monitus instinctu resedit agonem ultimum morientis inspecturus. Dum attonitus & meditabundus sedet, ecce tibi videt dæmonem cum tridente ignito, ad quem vox de cælis dirigitur: *Sicut anima ista me non fecit requiescere in se vel una horâ sic neq̃ tu miserearis evellens eam.* Dæmon ergo infixus in corde moribundi trifidula cuspide, sævissimè in multas horas cruciabat miserum, (visio exterior interiorem denotabat laniationem) donec tandem trifidum harpagonem infernalibus accensum ignibus profundius infigens violento nisu infelicissimam extraxit animam. Consternatus ea visione perrexit intro in civitatem oberransque per plateas advertit, Deo sic disponente, peregrinum infirmum foris jacentem nec habentem, qui sibi opem aut servitium in sua præstaret necessitate, nedum qui sibi inferias & parentalia procuraret; mansitque cum eo per diem. Nocte superveniente supervenit quoque moriendi tempus memorato peregrino destinatum. Ecce verò, o inscrutabilis iudiciorum Dei altitudo! Archangelus Michael cum Gabriele descendunt de cælo positi que unus à dextris alter à sinistris, rogabant animam ut de corpore egrederetur: quâ, propter naturalem cum corpore nexum non egrediente Gabriel Michaelem compellat: *Assume jam animam istam ut eamus.* Cui Michael: *Iussi sumus ut absq̃ dolore eam tollamus.* clamanteque Michaele ad cælum: *Domine quid vis de anima hac quoni-*
am spon-

am sponte exire recusat? venit vox desuper: Ecce ego mitto David cum lythara & omnes psallentes Hierusalem ut ad cantum ipsorum egrediatur. Resonantibus ergo in circuitu eius hymnis celestibus exilivit anima conteditque in manibus Michaëlis atque sic cum gaudio in cælum assumpta. En vides hypocritæ exitum! cernis è contra sincera pietatis coronam? Homines hi, duo libri fuerunt at unus cum titulo concordans, alter discordans; unus veritatis, alter mendacij & simulationis. hic quidem laceratus à dæmone & in ignem proiectus infernalem; ille asportatus in cælum æternaliter legendus ac diligendus à Deo. Quis non horreret si aliquem librum hac pia inscriptione: *Opera D. Augustini vel Moralia S. Gregorij* notatum videns, postea apertum pervolutando, illum præter Arii & Calvinii hæreses nihil aliud continere deprehenderet. Horret & Deus eiusmodi libros, qui pia signantur intitulatione cum interim opus dissonum sit, moreque gentilium & hæreticorum complectatur. *Equidem reatus impij est, pium nomen. magisq; damnabilis est malitia quam titulus bonitatis accusat.*

Paoletti serm.
2. de circum-
cisione Dñi.

Salvian. l. 3.

Cum igitur titulo religiosorum hoc est ad servitium divinum religatorum insigniti simus, impleamus significationem nominis nostri sicut Virgo Beatissima omnia prorsus sacramenta mysteriosi implevit nominis. Nulli characteres contrarij vocationi nostræ maneant in nobis, nulla diaboli scriptura reperiat in nobis: quod si reperitur, expungatur ut cum liber conscientiæ nostræ in iudicio aperiatur, non reprobet nos imò potius approbando dicat Dominus: *Novi te*

Exodi 31.

ex nomine & invenisti gratiam coram me.



C O N T R A

M V R M V R.

IN hodierna sancti Evangelij historia legimus quòd dæmonia Christum inclamaverint: *Tu es filius Dei*, quæ Salvator noster redarguebat & increpabat non sinendo ea loqui. Mirum est quòd Christus Dominus rem alioqui ex se bonam, laudem scilicet & confessionem divinitatis suæ non acceptet quam tantopere gratam habuit à Petro ut eum statim retaliarit beatificando: *Beatus es Simon Bariona, quia caro & sanguis non revelavit tibi, sed Pater meus*. Ratio cur confessio divinitatis quam fecerunt dæmonia sit reiecta à Christo Domino, facta autem à Petro sit admissa & cordi habita: quia lingua Petri Christum filium Dei profitentis fuit inflammata igne Spiritus Sancti, fuit ardens amore divino, confessio illa ab eo procedens ex puro & sincero amore Dei proveniebat; at verò lingua dæmoniorum ardebat odio contra Christum ut colligere licet ex verbis quæ apponuntur à cæteris Evangelistis: *Ante tempus venisti torquere nos*, quæ quid aliud nisi odiū nisi furorem spirant cōtra Christum. Lingua nostra in continuo est officio & exercitio laudis divinæ. Assidui sumus in confessione Deitatis Christi, in

G g g g

Oratio-

Orationibus, Psalmidijs, diurnis nocturnisque precibus. An tamen confessio oratioque nostra sit accepta Deo non constat nobis, certissimū nihilominus documentū habemus acceptam esse si lingua nostra cuius ministerio laudes divinas persolvimus accensa est igne Spiritus Sancti, si flagrat igne amoris in Deum & proximum. Quod si acuimus linguas nostras in detractiones oblocutiones & murmura sicut acuebant dæmones Christum Dominum suo murmure & oblocutione carpentes, certissimum indicium reprobari omnes orationes confessiones laudes nostras, invocationesque auxiliij divini minimè exaudiri: quod dum Isaia oraculo comprobo, simul inutilitatem imò damnositatem murmuris quæ tamen flammā amoris divini facile abigi possit demonstro.

Murmuratio, ut habet Caietanus in summula, peccatum est coincidens cum detractione: in eo tamen hac inferius, quia magis soni quàm vocis articulatae culpam denotat. Unde leviozem querelæ impatientis sonum murmur solemus vocare tracto à leni strepitu currentis aquæ vocabulo. Quidquid sit de nomine, indubitatum est, secundum rem detrahi illi contra quem murmuratur. Dum enim querulus quispiam frangit verba & buccis instar vesicæ inflatis trutinatur, hoc agit ut ostendat quod iniuste aut irrationabiliter se habeat vel habuerit ab hoc vel illo. Murmuris materia est omne illud quod non placet. Hinc illæ queribundorum nœnix: *Legumina ventosa sunt. Caseus stomachum gravat, lac capiti nocet. potum aqua non sustinet pectus. caules nutriunt melancholiam, cholera porri accedunt. pisces de stagno aut lutosa aqua mea penitus complexionī non congruunt.* Pestis hæc contagiosa est & ubi è fæculentis alicuius faucibus egressa fuerit, illico quos afflat, inficit. Scriptum est enim Num: 14. quod pauci murmurare fecerunt omnem multitudinem contra Moysen. Et D. Hieronymus ad Furiam scribens adducto illo Maronis carmine: *Hic aliquis cui circa humeros biacynthina lana est Rancidulum quiddam balba de nare locutus, Perstrepat ac tenero, supplantat verba palato.* Omnis, inquit, consonat chorus & latrant universa subsellia. Pannonius in explanatione regulæ: *Pessimum, ait, vitium hoc facile omnes concitat.* Tantum scilicet in perversum vales lingua improba ut fortiore vi in societatem murmuris ac detractionis rapiat auditores quàm aut Hercules aut Demosthenes Tulliusve mellifluo eloquentiæ torrente rapuerit in stuporem.

Sed iam oraculum Isaia auscultemus. Hic igitur cap: 58. exorabilem divinam clementiam profitetur ac pollicetur non tamen absq; conditione: Si, inquit, *abstuleris de medio tui catenam & desieris extendere digitum & loqui quod non prodest, tunc invocabis & exaudietur clamabis & dicet: Ecce adsum.* Sensus est: si de medio cordis tui sustuleris catenam ex varijs contextam & connexam peccatis, si cessaveris à minis, iracundijs, subannationibus & illusionibus quæ digito fieri consueverunt, demum (si quod caput rei est) desieris loqui quod non prodest, tunc Deum in orationibus & invocationibus propitium agnosces. Quid verò est loqui quod non prodest? explicat Drexelius: *Inter omnes inutiles sermones prorsus inutilissimus est querela quæ prodesse nunquam, nocere semper solet.* Sint veræ licet, sint iustæ querimoniæ, quid tum postea? quid querimonijs juvamus? bonam causam vix unquam juvant, malam semper deteriorem reddunt. Ita ille. Et bene. Quis enim ulla memoria,

Murmur nihil prodest.

memoria, suo murmure superiorem melioravit, quis non potius exulceravit, exacerbavit? Si portio non placet, attende quid dicat S. Hieronymus scribens Paulino: *Sit utilis & vespertinus cibus olera & legumina & interdum pisciculos pro summis ducas delicijs.* Tu porro etiam contra carnum cibos, etiam contra condita fercula, hoc malum est, illud macilentum, hoc exiguum, in modum urfi mel appetentis obmurmuras. Considera an pro tuo diei labore, pro tuo ministerio, pro tua diligentia imò pro tua negligentia panem & olus merueris, quid aridentes stomacho & gulæ tuæ escas. Perpende quid iterum idem Doctorum maximus ut eum Ecclesia sancta intitulat, ad Demetriadem scribat: *Servorum Dei & pauperum spiritu habeto curam, eorum, qui diebus & noctibus serviunt Domino DEO tuo: qui in terra positi imitantur Angelorum conservationem & nihil aliud loquuntur nisi quod ad laudes Dei pertinet, habentesq; victum & vestitum, his gaudent divitijs: qui plus habere volunt, alioqui si amplius desiderant, etiam his quæ necessaria sunt probantur indigni.* En vides ex tam manifesto testimonio quòd murmurare & querulatione tua etiam rebus necessarijs, etiam necessaria portione te ipsum indignum feceris. Expende emolumenta ex lingua provenientia querulatrice. Quid Maria soror Moyfi lucrata suo murmure? lepram. Quid Num: 12. tertia pars Castrorum? absorptionem sui caelesti igne? Quid Core Dathan & Abiron? absorptionem sui chasmate. quid denique populus Judaicus sequens Moysen & ad terram promissionis pergens? præventus morte terram illam lacte & melle manantem intrare nequivit. Neque tu speres cælum ingredi nisi à vitio cessaveris. Dicit enim Sanctus Gregorius: *Nullus qui murmurat regnum calorum accipit.* Ne ergo loquamur quod non prodest, imò quod multum obest. Senior quidam ut habetur in vitis Patrum fratres mentis accumbentes considerans vidit quod vnus idemque cibus alijs quidem esset mel, alijs panis, alijs fædum humani ventris purgamentum; cumque super ea re stuperet cognovit eo docente interius, qui visionem exhibebat exterius, cognovit inquam eos, qui mel comedere visi, cum devotione & gratiarum actione comedis; qui panem, non quidem cum devotione, attamen in silentio & cum gratæ mentis affectione; qui demum porcinam escam masticare visi, eos cum murmure & indignatione manducasse. Nimirum ad hoc unicum prodest obstrepere, quòd ipsa refectio fiat infectio, cibus in venenum transeat, panis in fimum commutetur, omneque esculentum reddatur fæculentum. Ad hoc item prodest murmuratio, quòd index sit defectus & vacuitatis interioris. Dolium non reddit sonum quousque plenum est; si evacuetur, resonat. Currus plenus mercibus non stridet ut inanis. Venter ipse murmure suo inanitatem signat: sic & lingua murmuratrix cassam indicat animam omni que virtute & fructu spiritali destitutam. Unde D. Augustinus: *Si, inquit, inter vos contentiones & murmura oriuntur cum conqueritur aliquis se deterius accepisse quam prius habuerat, hinc vos probate quantum desit vobis in illo interiori sancto habitu condus.* ac si diceret: Si defectum aliquem in necessarijs patientes querulos & obstreperos vos exhibetis, scitote ampliori inopiâ vos in animâ laborare.

At Superior, cogitatis, parcus est magisque Condum quam Promum

Gggg²

agit?

Multum na-
cet.

agit? Non saturatis difficile non muginari, difficile cum sufficientia negantur, impatientiæ æstus intus concludere nec ullo exteriori sono oriri prodere? Quod superior, repono, plena non tribuat manu ea quæ ab ipso desiderantur, non soluit legem sed implet. Jubetur namque vigore statutorum nostrorum parta cum parcitate dispensare. A Sancto quoque Hieronymo monetur ut *præter victum vestitum & manifestas necessitates nihil cuiquam tribuat*. Quare si necessitas tua non est manifesta præposito, frustra eum quasi inhumanum & è cautibus horrentis Caucasii progenitum convitiaris, gratis trementibus labijs impatientiam pectoris contestaris, nequicquam declinas cor tuum in verba & sonos malitiæ quibus quidem nihil Superiori nocet at tibi tuisque contubernalibus plurimum, quos sub eiusdem culpæ reatum pravo exemplo trahis. Doce itaque prius quod egeas. Contingit namque nec raro quidem eum vel maxime murmurare, qui peculio & varia supellectili abundat ditiorque est Monachus quam fuerat secularis & possidet opes sub paupere Christo quas sub locuplete & fallace Diabolo habere non potuit.

Remediū contra murmurationem.

Nihil juvat, si describat & manifestet morbum medicus nisi eidem curando salutare præscribat antidotum. Nec mihi sufficit monstrasse murmurationis malitiam. opportunum assero remedium ex Hypocratis aut verius ex mystæ cuiusdam depromptum tabulis. Cordis humani prostantem vidi effigiem. Circumdabant illud vespæ, culices, viperæ. Virgo admovebat facem ad cuius flammæ dilabebantur. Ponebatur inscriptio: *Sacris ignescite flammis*. Vespæ, Culicum ac Viperarum imagine vitia linguæ & vel maxime murmur exprimitur. In illis inconditus sonus & vis punctiva est: utrumque in murmure reperitur. Hæc ergo dilabentur nec cor nostrum lancinabunt si sacris flammis ignescamus. Admovet nobis facem Virgo Beatissima exemplis vitæ sanctissimæ nos inflammans: admovet Virgo Ecclesia quæ divinissimi spiritus descensum proponit recolendum amoreque divino reciprocum in nobis provocat amorem: admovet Virgo Religio nostra quæ pijs nos exhortationibus sanctisque institutis ad ferventem Dei dilectionem stimulat: admovet demum facem pectori nostro Virgo illa velata de qua historia Ordinis nostri memorat quod duos fratres in Conventu Romano olim residentes ad saniolem mentem, (despiebant enim quia linguas suas in murmur & oblocutiones exerebant) reduxit. Frequentes contra superiorem mussitabant & murmure in detractionem abeunte iniuriis innoxium proscindebant oblocutionibus, dispositionem residentie suæ tanquam male sani capitis partem cavillantes. Eorum uni nomen Fabianus, alteri Georgius. Hunc utrumque Monialis Romana cælitus inspirata & una quidem die Georgium, altera Fabianum præmissis insigni Eremiticæ vitæ encomio, hac frugi fecit concione: *Scitis, inquit illa, quid B. Paulus scribat, Murmuratores, detractores DEO odibiles, regnum Dei non possidebunt. Quid commisit erga vos vir ille Dei frater Petrus, Pater totius Ordinis vestri in cuius pectore Deum inhabitantem etiam Angeli venerantur, cuius notitiam licet non habeam, tamen spiritu odorem Christi bonum ex eius corde gusto, quem vos dilanatis injuste. Quiescite perverse agere, derelinquite furorem, solvite colligationes detractionum. Utilius enim esset vobis omni feria sexta carnes animalium manducare quam sanctos Dei rodere.* Cælestis equidem admoni-

admonitio & per miraculum facta, quia ignotis ab ignota & præter ullam opinionem singillatim utrique perorata, quæ permoti à simili oris vitio quoad vixerunt abstinerunt. Admovit perfectò ista cordi amborum facem cuius igne protinus omnes linguæ maledicæ fuci fugati sunt. *Omnibus geperibus hominum & exemplorum* auctore D. Augustino *ad animarum curationem, ad institutionem spiritualis populi, utitur divina providentia.* Quare & nos per eandem virginem ignito eloquio velut lampade ardente cor nostrum succendente commonemur ut cunctas murmurationum & obrectationum, manu prudentiæ à nobis abigamus cyniphe. Nobis dici putemus: Murmuratores, detractores Deo odibiles regnum Dei non possidebunt. Nobis dici putemus: Quiescite perverse agere, relinquitte furorem, solvite detractionum colligationes. Ad nos credamus directam esse orationem illam: Utilius esset vobis singulis feriis sextis, in pernisi & petasombus tuburcinari quàm in detractorios & querulos sermones labia dividere. Quicumque igitur præfatos fratres secutus es errantes, sequere poenitentes & cum illis *desine meq, tuis incendere teq, querelis.* Murmurandi nota servis propria est. Ait enim sacri nominis Doctor: *Querulum est servorum genus & quantumcunq, eis dederis, semper minus est. non enim considerant de quanto, sed quantum ipsis detur solisq, se, quod possunt, obrectationibus consolantur.* Caveamus ne mutato nomine satyra hæc adversum nos quadret ut dici possit: Querulum est Monachorum genus & quantumcunq, eis dederis, semper minus est. Non enim considerant de quanto, sed quantum detur solisque se quod possunt obrectationibus consolantur.

De vera religione.

Virgilius.

Sacris proinde ignescamus flammis, flammis illis quas Spiritus Sanctus accendit, flammis illis quibus succensì Apostoli magnalia Dei personabant, flammis illis quibus incensus Apostolorum Princeps in confessionem divinitatis Christi prorupit. Sic fiet, quòd monstrosa vitiorum linguæ examina fugient à nobis. Emundavit Seraph linguam & labia Isaia carbone ignito. Carbo ignitus est Spiritus Sanctus cuius octidualem festivitatem concludimus: rogemus, ut ipse purget linguam nostram ab omni inutili sermone & potissimum inutilissimo murmure ac oblocutione. Rogemus supplices ut linguam ignitam, ardentem scilicet amore Dei & proximi conferat nobis quò omnes confessiones laudesque divinæ quas persolvimus, Christo sint acceptæ eumque in universis invocationibus semper propitium ac præsentem agnoscamus.



CONTRA MALAS COGITATIONES.

Immensa Dei pietas multiplex ad bonitatem & artifex ad salutem, per exempla Sanctorum ac potissimum Christi Domini Matrisque suæ nostris respicit commodis. Proponit nobis imitandum Salvatorem nostrum ut sicut ille puritatis auctor in templo est præsentatus, ita nos

In pervigilio
Purificationis
Beatissimæ
Virginis.

H h h h

purifica-

purificatis mentibus conspectui divino præsentemur. Proponit Virg. nem Beatissimam quæ idcirco legi parientium faminarum se submitit, ut amplius purificaretur non quidem per recessum ab impuro, sed per accessum ad summè purum, hoc est ad Deum. Et quia singulare MARIE privilegium nemo habet, immunitatem videlicet à peccato omni omniq; impuritate, cum nemo è nobis mundus sit à sorde, necesse est nos semper purificari per recessum ab impuro, per fugam scilicet malarum cogitationum ad quam exhortatorio sermone meum vestrosque animos accensurus favere mihi Christum puritatis fontem & Matrem purissimam precor. Favete & vos linguis. Non enim profano vulgo, sed vestris sacratis & ad munditiem undequaque obstrictis mentibus carmina non prius audita cantabo.

Malitia moralis unde?

Cogitatio, hoc est, veri inquisitio sicut & quævis actio humana meritum sibi afflat ex obiecto, ex circumstantiis & ex fine ut docet Sanctus Thomas 1. 2. q. 18. Mala proinde cogitatio est, quæ illicitis immoratur: mala quando non sicut oportet, neque ubi oportet nec secundum alia adiuncta sit: mala quando indebitum finem intendit. Cogitationes, igitur in quacunque materia luxuriæ, malæ sunt respectu nostri, quia & obiectum seu res ipsa & circumstantiæ & finis nostro statui votisque adversantur.

De istiusmodi cogitationibus in præsentiarum disputaturus illud asumo Davidicum: *Beatus qui allidit parvulos Babylonis, ad petram.* Per parvulos hos intelligit Propheta initia cogitationum turpium, per petram intelligit Christum. Sensus itaque est: Beatus ille, qui persentiscens se illecebrosis pungi cogitationibus & dulci libidinum pompa concuti, confestim ad Christum convertitur & seu rememoratione vitæ passionisque eius, seu invocatione auxilij eiusdem, quantocius ab immun- dis mentem abstrahit imaginibus. Assertionem hanc firmat ratione

Divus Hieronymus, qui interpretans versiculum illum Ecclesiastici cap: 10. posuit. *Si spiritus potestatem habentis ascenderit in te locum tuum ne dimiseris, quia curatio facit quiescere peccata maxima.* sic ait: *Versiculus iste hunc habet sensum: Si in cogitationes tuas coluber ascenderit, omni custodiâ serva cor tuum & ad peccatum maximum quod opere perpetratur, nequaquam pervenies, sed incentiva vitiorum statim in mente jugulabis & parvulos Babylonis allides ad petram in qua serpentis vestigia non reperiuntur.* Subiicit deinde ille idem Doctor: *Hoc est quod alibi scriptura testatur: Peccata Patrum reddam in filios in tertiam & quartam generationem, ut cogitationes nostras mentisq; decretum non statim puniat, sed reddat in posteris id est in malis operibus & in delictorum perseverantia.* Ideo itaque ex mente Divi huius Patris beatus ille asseritur qui parvulos Babylonis id est pravarum exordia cogitationum enecat, quia ad peccatum operis, quod maximum in scripturis vocatur & quæ sequi solet, in pravam peccandi consuetudinem ac delictorum perseverantiam non labitur. Sapisset Saul beatusque fuisset si parvulis huiusce stulta miseratione & indulgentia non favisset.

Secundo Reg: 12. Saul infeliciter belli aleam cum Philistæis lustr: victusque ab eis fugiebat: cumque in fuga periclitaretur, obvium accersens militem, interrogat quis nam es tu? respondit vir: *Amalecita ego sum.* Interfice me. interfecitque Saulem. Unde quæso iste Amalecita? to-

ta? tota stirps Amalecitarum jam fuit deleta mandante Domino: *Vade percutere Amalec, & demolire universa eius interfice à viro ad usq. mulierem & parvulum atq. lactantem.* Unde ergo ille Amalecita, qui Saul occidit! ecquid fuit genius aliquis personam & nomen Amalecitæ mōtiens? an plagiarius quispiam subduxerat eum cum cæteri necarentur? respondent interpretes, quod Saul contra præceptum Domini nonnullos servarat ubera fugentes, e quibus unus postquam maturuit, vitam ademit Sauli. Si Saul pusillo non pepercisset, non fuisset à grandævo occisus Amalecite: miser & infelix, qui in suam perniciem hostem capitalem servavit nutritive. Miseri pariter & infelices ij, qui cogitationem malam dum tenera est fovēt, grandem & crudelem Amalecitē postmodum experturi. Lactentes, sunt principia perversorum cogitatum; consensus & opus peccati, grandis est Amalecites. illa si tempestivè non represseris, ab hoc sine dubio peribis. *Inimicum dum parvus est occide*, monet sacri nominis Doctor, *ne postea ubi creverit occidaris ab eo.* Beati ergo, qui parvulos allidunt ad petram, quia tanquam providi & prudentes consulunt vitæ suæ, dum consensum opusque peccati quo anima interimitur evadunt.

Sed ipse qui aperire solebat ora Prophetarum, aperiat os suum ad nos: *Beati*, inquit, *mundo corde, quoniam ipsi Deum videbunt.* Ultimata ratio beatitudinis mundorum est, quia Deum videbunt. In confesso est apud Theologos vitam æternam constitui per claram Dei visionem. Sententia hæc indubitata, in illis scripturæ fundatur verbis: *Hæc est vita æterna ut cognoscant te solum & quem misisti, IESUM Christum.* Idem igitur est dicere: *Beati mundo corde, quoniam ipsi Deum videbunt*, quod dicere: *Beati mundo corde, quoniam ipsi vitam æternam possidebunt.* Suffragatur D. Augustinus, qui unum vitæ æternæ præmium beatitudinibus à Christo annexum variè nominatum esse affirmat. Beati itaque puritatis cultotes, beati immundarum cogitationum hostes, quoniam hîc quidem vitâ animæ quæ est gratia Dei; in futuro autem vitâ potentur gloriæ: sed & inde beati, quia ipsis confertur donum intellectus per quod adhuc in via clarius & limpidius Deum præ cæteris cognoscant.

Querit S. Thomas an præmia beatitudinibus assignata, ad hanc vitam pertineant? adductisque varijs sanctorum Patrum sensis ut S. Ambrosij, quod omnia ad futuram vitam spectent: Sancti Augustini, quod omnia ad præsentē: S. Chrysostomi, quod aliqua ad futurā aliqua ad præsentem: ipse velut arbiter & sequester litis decidit, omnia præmia octo beatitudinibus attributa, perfectè quidem consummari in patria, sed interim etiam in loco peregrinationis quodammodo inchoari. Habent proinde se in hac vita præmia beatitudinum sicut primordia fructuum. Sicut enim dum hæc apparere incipiunt, spes est ad maturitatem perventuros fructus; ita dum quis incipit proficere in virtutum exercitio & præmiorum virtutibus annexorum experimento, potest sperari de eo quod perveniet ad perfectionem viæ & tandem ad perfectionem patriæ. Qui igitur mundum cor student habere, non tantum post cursum vitæ mortalis Deum videbunt; sed in præsentī quoque initia visionis huius consequentur. Unde Doctor Angelicus ait: *In hac etiam vita purgato oculo per donum intellectus Deus quodammodo videri potest.* Scitum

*Beatus item
ideo quia Deū
videbit atq.
idcirco vitam
æternam ha-
bebit.*

*In super in
præsentī vita
clari⁹ præ cæ-
teris Deum
cognoscat per
donum intel-
lectus.*

Quæ dona
quibus vitij
corraponun-
tur?

Motiva ad
munditiem
mentis.

Ex parte ipſi-
gentis quæ
cõdita ad ſu-
mam pulchri-
tudinem con-
templandam.
Ad cognoscen-
dam item ve-
ritatem non
falſitatem.

Ex parte ſta-
tus & officij
Sacerdotalis.

Theologicum eſt Deum videri non poſſe intellectu creato niſi fit per lu-
men gloriæ fortificatus & clarificatus. Si itaq̃ mundi corde adhuc
dum terram inhabitant, viſionis Dei felicitate inhoata gaudent, ſequi-
tur, eos initium aut radium quendam luminis gloriæ, donum videlicet
intellectus, adeptos eſſe. Carnales hebetes ſunt; donum autem intelle-
ctus mundis confertur adverſus hebetudinem auctore Divo Gregorio
cuius verba recito: *Spiritus Sanctus dat ſapientiam contra ſtultitiam, in-
tellectum contra hebetudinem, conſilium contra precipitationem, fortitu-
dinem contra timorem, pietatem contra duritiam, humilitatem contra ſu-
perbiam.*

Et hinc quidem peculiari ratione movemur ad curandam & cuſto-
diendam interioris hominis munditiem, quod nimirum mens noſtra
condita ſit ad ſummam pulchritudinem hîc & in cælo contemplandam;
nos verò naturæ & conditionis noſtræ invertentes ordinem, mentem
volumus convertere ad corpora, oculos ad Deum; quæ perversitas omni-
no juxta monitû D Auguſtini lib. de vera religione, corrigenda eſt. Dein-
de mens noſtra ex natura ſua veritatis eſt indagatrix non falſitatis; iſta
porro quæ nobis per imaginationem fingimus & pingimus in capite, falſa
ſunt noſque ab uno vero abducunt. *Si namq̃, una Roma eſt quam cir-
ca Tyberim nescio quis Romulus dicitur condidiſſe, falſa eſt iſta quam co-
gitans ſingo. non enim eſt iſta nec ihi ſum modo. nam quid ibi agatur,
modo utiq̃, ſcirem. Si unus eſt ſol, falſus eſt iſte quem cogitans ſingo;
nam ille curricula ſua certis loeis ac temporibus peragit, iſtum verò ego
ubi volo & quando volo conſtituo. Si unus eſt ille amicus meus: falſus
eſt iſte, quem cogitans ſingo. nam ille ubi ſit nescio, iſte ibi fingitur ubi
volo, verba ſunt Præſulis Hipponenſis, quibus nititur demonſtrare, non
res ipſas, ſed ſpecies rerum mentibus noſtris obverſari, quo fit ut dum
inutilia ac illicita cogitamus, evaneſcamus in cogitationibus noſtris di-
ligentes vanitatem & quærentes mendacium, atque juxta canis Æſopi-
ci fabulam, umbram carniū preſantes & verum cibum quem tenuimus
dimittentes. Mentis ergo noſtræ ea cum ſit ſublimis dignitas ſereniſ-
ſimam increatam contemplari lucem & nonniſi circa veritatem occupa-
ri: ad immundas, vanas, umbratilesque figuras conſiderandas cogenda
non eſt. Sed & ſtatus officiumque noſtrum ſacerdotale vi cuius carnes
agni immaculati quotidie Deo immolamus & continuas preces fundi-
mus, omnimodam exigit mentis puritatem. *Mundamini, inquit Pro-
pheta, qui fertis vaſa Domini.* Apoſtolus quoque vult coniuges ad
tempus propter orationem feriari ab opere connubiali per id inſinu-
ans, nobis qui in perenni orationum laudumque divinarum manemus
officio, candidam atq̃ eburneam mentem ſemper eſſe neceſſariam. Unus-
quiſque Sacerdos unusquiſque Religioſus *arca eſt teſtamenti intrinſecus
& extrinſecus deaurata: cuſtos legis Domini.* Sicut in illa nihil fuit
niſi manna & tabula teſtamenti, ita in nobis, monitore Hieronymo nul-
lus debet eſſe extrinſecus cogitatus. Quotidie in liturgiis ſurſum corda
habere ad Dominum proteſtamur, ſi ore diſſentiente cum factis, voce
diſſonante cum cogitatis mentiamur, ultrix nos manet dampnatio: ex-
pectat reos ſuos gehenna gravibus armata ſupplicijs. Huc facit vetus
illud diſtichon:*

*Si Deus eſt animus nobis ut carmina dicunt;
Hic tibi perpetuò ſit pura mente colendus.*

At

At difficile est, inquires, homini ex carne & sanguine constanti, carnalibus non mollescere suggestionibus: difficile & miraculo proximum, lege in membris nostris contraria legi mentis manente non captivari nos, trahi quæ violentia quadam ad illecebrosam in cogitationibus obscænis moram. Fateor difficile operosumque esse id, quod ipsi etiam Vasi electionis grave fuit: sed fortior est gratia Iesu Christi quàm natura: fortius verbum Dei, quo ignita dæmonis jacula retunduntur, quàm caro: fortior Deus quàm diabolus. Porro ad claudendam his, de quibus *Medium ad-
versus pravas
cogitationes.* ago, volatilibus muscis fenestram salutare ex Doctoris maximi epistola qua Demetriadem imò unumquemque nostrum (cum in Christo neque sit masculus neque fæmina) erudit, depromo consilium: *Unum illud tibi præq̃ omnibus unum predicam & repetens iterum iterumq̃, monebo ut animum tuum sacra lectionis amore occupes ne in bona terra peccatoris tui sementem lolij avenarumq̃ suscipias: ne dormiente patrefamilias, qui est animus Deo semper inharens, inimicus homo zizania superseminet.* Salvina quoque eadem ab eodem Magistro tradita lego præcepta: *Semper in manibus tuis sit divina lectio & tam crebra orationes ut cogitationum sagitte quibus adolescentia percuti solet, huiusmodi clypeo repellantur.* Idem medium in sancti Augustini libro de decem plagis invenio, ubi præceptum de sanctificatione sabbathi ab ijs observari probat, qui lectioni & orationi vacant, & per hoc salvari servarique eosdem à tertia plaga Ægypti, muscis nimirum inquietantibus & & in hominem molesta importunitate involantibus, quæ nihil sunt aliud quàm cogitationes malæ. Has si evitare velis *attende lectioni & doctrina* ait ille. Rectè per lectionem ac meditationem sacrarum scripturarum obstrui aditum fædis mentalibus impressionibus censent præfati Patres. Evagatio enim mentis circa illicita, filia est acedia: quocirca si huic per sacram lectionem obsistas, illi locus inter lata prætorii memoriæ tuæ non dabitur. Filia non poterit esse ubi matrem non admittis. Experientia certè ipsa probat, tunc nos vel maximè fædo pulsari cogitatu quando torpemus, quando animum nostrum lectione excolere negligimus. *Neglectis urenda felix innascitur agris.* Sarritiove & runcatione frequenti opus habet ager ne noxijs repleatur herbis: animo pariter crebra lectionis cultura necessaria est, si volumus inutilibus ipsum vitari germinibus.

Atqui nimis sunt viscosæ cogitationes malæ. quò magis illas reprimere volueris, eò tenaciùs pinguis instar resinæ adherent. dumque mentem mundare laboras, magis maculas. Bellè muscas vocasti. Pulsa enim iterum atque iterum advolant & molestissimo hominem inquietant recurfu. Etiam hîc non eo inficias. Sed nullum malum cui divina providentia bonum non opposuerit: nullus morbus cui remedium non præscripserit. In prælio castitatis juxta Apostolum atque sanctos Patres non pugna, sed fuga necessaria est. securus esse non potes nisi fugeris. Consilij huius iste est intellectus: Dum te titillant pestiferæ cogitationes, noli disceptare: noli discursus circa visâ mentis formare, sed quantocius aliò cogitatum averte, ad petram Christum, ad verbum Dei, hoc est ad aliquam scripturæ sacræ sententiam ruminandam, ad orationem te proripe: in quo suasionem Doctoris Angelici sequeris, qui ait *impugnationem peccati tunc vincendam esse fugiendo cum perseverans cogitatio auget incentivum peccati.*

Mundemus igitur ea quæ intus sunt & quæ foris sunt munda erūt. Nunquam inficitur aut corrumpitur corpus, nisi prius inficiatur corrupta-
paturve animus. Imaginationem malam mulieri menstruatae assimilat
quidam. Sicut hæc speculum ita illa intellectum & quadam necessita-
te corpus ipsum commaculat. Molendinum farinam reddit secundum ge-
nus accepti frumenti: similiter phantasia quæ instar rotæ molaris volui-
tur, si admiserit bonam cogitationē, boni operis farinam molit; malā ma-
la sequuntur opera. Chameleon, ut Radivilius testis oculatus in suo
hodapórico notavit, ad colores quos videt, conversione facillima &
veloci variatur: sic & mens nostra à rebus & imaginibus colorem spe-
ciemque quam illæ habent, trahit. Bombyces à principio sunt velut
grana synapis, quæ ligata in linteo & à mulieribus fororiantes inter mā-
mas portata postquam incaluerint, animantur in vermes. Sanè impres-
siones in animo factæ, sunt ab initio quasi grana aliqua innoxia: sed
si foveantur in pectore, si incalescant, fiunt vermes rodentes & mor-
dentes conscientiam tuam, nebuntque tibi molles operum delectabilia,
sed opicorum funes illisque te constringent.

Officina em-
blematum.

S. Hieronymus

Hortum quidam oleaginum pinxit puellisque & puellas in eo fru-
ctus colligentes. Lemma apposuit: *Procul este procaces*. Mens nostra
speciosum est olivetum: si cogitationibus castis pudicisque colatur, ube-
res dabit fructus; quodsi inhonestis fædetur apprehensionibus, sterile-
scet ignis æterni futura pabulum. Procul igitur este procaces cogitati-
ones, procul immunda diaboli semina. Anima nostra paradysus est Spi-
ritus Sancti, qui se à cogitationibus quæ sunt sine intellectu auferre so-
let. *Non vagetur mens nostra pervitiis cogitationibus neque divaricet pe-
des suos omni transeunti phantasia*. Secretum cubile Sanctissimæ TRI-
NITATIS, cor inquam nostrum nulli demus spurcitæ prophanandum. Et
ut unde inceperam inde desinam, discamus à Virgine Beatissima jugem
interioris hominis purificationem. Mense, quem inchoavimus, à Gen-
tilissimo celebrabatur festum Februorum, quia continuis duodecim die-
bus populus purgabatur: & accensis cercis Junoni Februatae sacra faci-
ebat. Superstitionem mutavit Ecclesia in religionem nobisque loco Ju-
nonis Februatae purificatam Virginem Matrem ad cultum proponens,
mandat ut exemplo ipsius non jam per duodecim dies, sed per univer-
sum vitæ nostræ tempus in mentibus nostris februemur, bonis operibus
velut quibusdam polymixis lucernis interiorē communstrantes splen-
dorem. Purificemus itaque animas nostras per recessum ab omni im-
puro: ut purificatis mentibus, divinæ maiestati & nunc in orationibus
sacris & olim in templo gloriæ æternæ, presentari mereamur.

CONTRA JUDICIUM TEMERARIUM.

Non ita pridem exposuit subiecitque conspectui nostro mentali
scenam extremi iudicii sancta Ecclesia. iterum hodie eandem re-
præsentat: *Cum venerit filius hominis in maiestate sua & omnes
angeli cum eo, tunc sedebit super sedem maiestatis sue & congregabun-*
tur ante

tur ante cum omnes gentes &c. Nimirum studiosa salutis nostræ Mater vult nos semper ultimi tribunalis memores esse: vult ut sive comedimus, sive bibimus, sive aliud quid facimus, semper tuba illa resonet in auribus nostris: *surgite mortui ad iudicium.* Ad quid verò jugem hanc extremi examinis reminiscantiam reposit à nobis Ecclesia? scilicet ut dum tempus est miserendi, rogemus ne damnemur in tempore iudicandi: utque omni studio curemus, ne intret in iudicium cum servis suis ille, coram quo non justificabitur omnis vivens. Et id quidem omnes desideramus. ut verò etiam potiamur, compendiosam evadendi iudicii extremi viam divino adiutus Numine demonstrabo.

Statutum quidem omnibus hominibus est semel mori & post hoc iudicium; verumtamen etiam ista universalis regula suam in sacris literis habet exceptionem. Matthæi 7. ait Christus: *Nolite iudicare & non iudicabimini.* Verba hæc Salvatoris nostri aperta sunt, ipsa tamen eorum planities altissima est nec proinde absq; diligenti trutina transcurrenda. Non omne hoc loco inhibetur iudicium. Qui enim ore suo sacratissimo loqui dignatus est: *nolite iudicare*, idem Deutoronomij 16. iussit constitui iudices & magistros in omnibus portis ad iudicandum populum iusto iudicio. Ad antiquum chaos & quoddam confusionis barathrum redirent omnia si è mundo iudicium excederet. Justitia & iudicium firmamentum est orbis; per hoc præmia iustis, pænæ sceleratis decernuntur; per hoc unusquisque in suorum usu & dominio conservatur bonorū; per hoc injuria omnis aut arcetur aut vindicatur. Quale igitur iudicium vetat Dominus? Variæ sunt sanctorum Patrum intelligentiæ, quas refert & sequitur Doctor Angelicus 2. 2. q. 60. S. Chrysostomus autumat mandato hoc dominico prohiberi iudicium quod non fit ex benevolentia, sed ex amaritudine animi. Sanctus Hilarius arbitratur prohiberi iudicium de rebus divinis utpote quæ cum sint supra nos, simpliciter credi debent non dijudicari. Divus Augustinus lib: de sermone Domini in monte, asserit præcepto memorato vetari iudicium temerarium quod est de intentione cordis aut de alijs incertis. Et in hanc Præfatus Hipponensis sententiam alij sancti Patres conspirant, potissimâ principemque prohibitionis Christi Domini hanc esse intelligentiam affirmantes. Dominus itaq; noster suaviter fortiterque disponens omnia, qui nihil ad prosecutionem fugamvè proposuit nobis quin simul & præteritum promiserit, iudicii extremi reatum nos evasuros pollicetur, si modo à iudicijs temerarijs abstineamus. Magnifica profecto merces atq; omnibus expetenda votis! Rigor iudicii divini cunctorum superat tribunalium humanorum severitatem: evademus, si quod minimum est, virgam censoriam in alios parcamus assumere, & universorum gesta divinæ bilanci relinquamus. Felix equidem ac terque quaterque beatus qui non iudicat quenquam, qui nullius sceleris condemnat alterum, suorum tantummodo rigidus subtilisque æstimator operum. Narrant memoriæ literis mandatæ quendam in agone vitæ constitutum serena jacuisse facie, fronteque exporrecta quasi non moriendi, sed tripudians instaret hora festivissimum fuisse. Rogatus causam lætitiæ, recordor inquit Christum promississe: non iudicabimini si non iudicaveritis; me porro non memini alicuius vitam ad proprii censuram traxisse examinis, hæc mei causa gaudij. sicque lætus non ad iudicem iratum, sed ad

Quale iudiciū
prohibetur à
Christo Dño.

Patrem placatum hæreditatem æternæ beatitudinis recepturus migravit. E regione tremendum manet eos: iudicium, qui sibi in discutiendis alienis moribus partes iustitiæ divinæ arrogant. Apocalyp: 6. *Vidi, inquit beatus Joannes, & ecce equus niger & qui sedebat super eum habebat stateram in manu sua.* Sicut per albos equos in scripturis intelliguntur Angeli boni, ita per nigros mali. Statera significat iudicium seu æstimationem. Porro hic statera in perversum accipitur, de qua scilicet illud: *Statera dolosa abominabilis Domino.* Sessores igitur dæmonis sunt omnes illi, qui tenet stateram iudicii callidi & injuriosi in manu sua in qua appendunt mores actiones gressus & progressus alienos, iudicantes, taxantes, criminantes proximum suum. Profectò hi dæmonis dorso ceu vehiculo insident Nequè aliò ut reor vehuntur nisi ad terribile Dei tribunal: ab hoc demum ad stagna infernalìa igne & sulfure redundantia deportandi. Dicitur in eodem Apocalyp: loco ad præfatum equitem: *Vinum & oleum ne laseris.* hoc est, neq; doctrinam neq; vitam alterius sive illa sit acrior ut vinum, sive mitior ut oleum, contemnas damnesve. per quod critici Deo exosi commonentur ut si nolint nigris veredis ad sedem iudiciariam Christi proficisci, parcant alienæ doctrinæ estò hæc æquo rigidior aut æquo placidior videatur; parcant alienis moribus sive hi vini asperitatem, sive certè olei mentiantur lenitatem.

Hic, quod in omni sacra lectione & meditatione sanctæ faciunt animæ, nos ipsos introspeciamus. Generalis est & qui mundum corrumpit universum, iudicii temerarij morbus. Latissimè inter Christianos serpit, ut cum Hieronymo ad Afellam scribente exclamare debeam. *Probnefas? homines Christiani prætermissa domorum suarum cura & proprij oculi trabe neglecta, in alieno festucam quarunt: lacerant sanctum propositum & remedium pene suæ arbitrantur si nemo sit sanctus, si omnibus detrabatur, si turba sit pereuntium, si multitudo peccantium.* In generali hac invektiva oratione utinam Regulares non comprehenderentur! Sed & horum non pauci negligunt domorum suarum hoc est conscientiarum suarum curam & alienas stulto rimantur examine: trabem in oculo suo non videntes, festucam in alieno contra Salvatoris monitum considerant: cæci sunt ad perspicendos nævos proprios, & aliorum defectus lynceo aut aquilino visu lustrant, curiosi ad cognoscendam vitam alienam, tædiofi ad corrigendam suam. In horum persona confitetur aut veriùs conqueritur sacri nominis orator: *De cavernis cellularum damnamus Orbem.* In sacco & cinere volutati de Episcopis ferimus sententiam; quasi scilicet perversæ eorum censuræ non sufficiant contubernales, ut illam, ad ipsa quoque Ecclesiæ columina extendant. Pannonius cantici Salomonis versiculum: *Oculi tui columbarum,* commentatione sua edisserens, per oculos in corpore Ecclesiæ promicantes intelligit Prælatos, Doctores, Iudices. *Hi enim & futura prævident & presentia dijudicant & quæ mala sunt, toti corpori cavent.* Postquam expositionem digreditur ad iudices temerarios perstringendos: *Multi, inquit ille, non habent officium ex promotione sed usurpant presumptione. Quem dabis mihi nunc ex omni numero discipulorum, qui Prælatorum opera penes se velut quodam in tribunali sedens non dijudicet, non carpat, non arguat, non castiget! Isti non possunt esse oculi membrorum, sed*
sunt

oculi oculorum. O magna confusio officiorum, gravissima presumptio animorum? Non ex theoria, sed ex praxi & experientia locutus hic sanctus Doctor. Quippe probavit ipse in Romani nostri regimine monasterij aliorumvè, totum studium quorundam subditorum circa taxationem suorum potissimè Superiorum occupari.

Ea est pessima multorum depravatio quòd ut bene de te sentiant loquanturvè, nullis efficere possis moribus. Sis vera bonus simplicitate, sis recti honestique custos & cultor, vites omnem obsceni de te rumoris fabulam: illorum nihilominus sententià versipellis es, impostor es, lubricus es. O invidia primùm mordax tui! o calliditas Sathanæ semper sancta persequens? Malignos forsitan commatis huius putet quispiam homines, ego miseros credo ut quibus placet nemo. Palpum nonnunquam tibi obtrudunt, mulcent laudibus & adulationibus: at si à tergo sequentes subitò respicias, agnosces quid de te sentiant deprehendèsq; aut ciconiarum colla post te curvari, aut manibus auriculas agitari asini, aut æstuantem canis protendi linguam. Nimirum ad sannas proclives sunt, qui furtiva censorum judiciumvè authoritate intumescunt: & quos volunt ac quomodo volunt, notant atq; è Senatu bonorum doctorumvè excludunt.

Exurget hīs aliquis illud intonās: suspicionib; cū ad tentationes humanas spectent, vita nostra nequaquā carere potest; nec per eas tanta cuipiā infertur injuria ut morte pianda sit. Fateor lubens suspicionem, quæ est mala opinio ex levibus procedens indicijs, esto semper vitiosa sit, non semper tamen mortiferam esse: sed si erumpat in judicium ut ex mera suspitione levibusq; indicijs nefastum de quopiam formetur mentis decretum, grande peccatum constituitur, ubi materia adest gravis; multò magis quando interius judicium erumpit in actus iniuriosos exteriores: ut in verba, sonos, gestusq; famæ alienæ læsivos. Notanda hīc diligenter & memoriæ imprimenda doctrina illa Angelica: *Quia justitia & injustitia est circa exteriores operationes, tunc judicium suspiciosum directe ad injustitiam pertinet quando ad actum exteriorem procedit & tunc est peccatum mortale; judicium autem interius pertinet ad injustitiam secundum quod comparatur ad judicium exterius velut actus interior ad exteriorem sicut exempli gratia concupiscentia ad fornicationem, ira ad homicidium.* Idem est dicere: Judicium pravū in actum exteriorem deductum, merissima & consummata injustitia est; judicium autē solū internè factum, quasi ex obliquo reducitur ad injustitiam. Vide hinc gravitatem judicij interioris per verba iniuriosa foras ex animo prodeuntis: Vide inquam & pensa quem merueris rigorem divini judicij, qui sedens non tantū in mente fratrem criminari, sed etiam in evidens testimonium interioris æstimationis, adversus eum loqueris & adversus filium matris tuæ ponis scandalum!

Nec tibi blandiaris licitum esse in dubijs alterutram partem sequi & dum adest ambigendi ratio, sive bonam sive malam de altero estimationem habere. Non inquam blandiaris tibi, quia ubi non apparent manifesta indicia de malitia alicuius, tenemur eum ut bonum habere, in meliorem partem interpretando quod dubium est: alias ei injuriam & contemptum nostro supercilio irrogaremus quod nefas. Et quamvis in fauorabili atq; amica alienorum progressuum interpretatione errare

K k k k

falli-

*In dubijs, acti-
ones alienæ
semper equi
boniq; accipi-
endæ.*

fallique contingat creberrimè, præstat nihilominus quòd quis frequenter exeret, habens bonam de aliquo malo homine opinionem, quàm quòd rarius fallatur habens sinistram de recto proboque homine æstimationem; quia ex hoc injuria afflatur non item ex primo.

*Interpretatio
per modū sup-
positionis.*

Neque hic ego abnuo interpretationem quæ fit per modum suppositionis, semper in deteriore partem debere fieri tunc quando cautela aut remedium malis seu nostris seu alienis adhibendum est. semper enim pro cautela & remedio id supponendum, quòd est deterius; quia remedium majoris mali sanativum minori quoque malo multò felicius faciliusque mederi potest. Solum id contendo, interpretationem ambiguum quæ fit definiendo & determinando, in judicio quidem rerum debere rebus ipsis ut sunt conformari; in judicio verò personarum in meliorem declinare partem. Et hæc regula quam bene in talibus cordis notari cupio, reddit nos justos in judicando & simul cautos prudentesque in cavendo, custodiendo, providendo. *Vi canonis istius, ait Caietanus, Prælati subditos ex dubijs factis non debent malitia arguere, aut punire, sed bonam de ijs opinionem, ut prius, habere: & tamen cautelas custodias & remedia adhibere ac si mali pro certo essent, cum ea nihilominus diligentia ne aliquid fiat quòd fama eorum derogat; hoc enim esset illos injuriari; quòd semper in dubijs vitandum est.* Hæc ideo adduxi ne cuiuspiam scrupulus generetur ex non plena materiæ præsentis explicatione.

Medium modumque pestis huius evitandæ, quia tacito voto reposcitis, suggero. Fontibus obstructis siccatur alveus: avulso capite totum emoritur corpus. Capita & fontes judicij ex suspitione proficiscētis triplici digessit distinctione S. Thomas. Primo quidem docet ex hoc sinistra oriari æstimationem quòd aliquis ex seipso malus est. Hic enim vero nullo negotio de alijs malum opinatur juxta illud Eccl: 10. *In via stultus ambulans cum ipse sit insipiens omnes stultos reputat.* Et juxta illud Senecianum: *Malus animus omnia in malum vertit, etiam quæ optimi specie venerunt.* Secundò ex hoc quòd quis non bene afficitur alteri. Qui namque contemnit vel odio habet alium aut irascitur seu invidet illi, ex modicis ac futilibus conjecturis prava de ipso in suo pingit capite: quia unusquisque faciliter id credit quòd fieri exoptat. Tertio ex longa experientia, unde Philosophus in secundo Rhetoricorum habet, senes maximè esse suspiciosos eò quòd multos variosque experti sint defectus. Hinc perspicis quòd universis iudicibus temerarijs non tam irascendum quàm potius commiserendum & condolendum sit, eo quòd suam ipsi producant & quasi digito monstrent malitiam, quòd indomitas passiones pravosque affectus in aliorum producant notitiam, dum alios judicant seipsos condemnantes.

Hi itaque fontes obstruendi, capita hæc ressecanda ut in nobis malæ de alijs opinionis moriatur nunquam revicturum vitium. Malitia è nostro expungenda animo, virtutumque ac totius justitiæ splendor procurandus: sic moribus proprijs alios metientes, de nomine quidquam perversi decernemus. Charitate fraternitatis invicem nostra jungenda pectora, bonaque & benevola affectio erga ceteros habenda: sic fiet, quòd omnes creta, neminem carbone notabimus. Quodsi in diebus vitæ nostræ processimus, multosque annos dextrâ computamus, quia quòd

vita

vita longior, eò mole peccatorum onerosior esse solet, nostra mala à nobis libranda & examinanda, aliena prætermittenda. In vitis Patrum eiusmodi narratur historia. Abbas quidam monachis vitam unius fratris eventulantibus ac carpentibus foras egressus implevit saccum arena, impletumque dorso imposuit; modicum insuper sabuli in sportulam parvam iniiciens eamque in manu ante oculos tenens, sic saburratus ad concilium illud regressus rogatur quidnam facto illo subnotaret? respondit: culeus iste arena plenus meorum significat sarcinam peccatorum, quæ ne videam, in dorso gesto: canistrum, fratris illius designat culpas quas miserabilis ego ante oculos meos verso & sollicita discussione recogito. Emendati fratres supersederunt ab illa crisi, neque in posterum ad condemnandum alienum vivendi modum faciles erant. Factum hoc senis prudentissimum etiam nos emendet, ut non aliorum manticam, sed nostram peram consideremus. Profectò in nobis inveniemus quòd arguamus, quòd castigemus, quòd damnemus. sufficiamus itaque nos ipsi nobis. Ut de omnibus alijs judicemus, cuius hoc iudicio meruimus? *Tecum habita & noris quàm fit tibi curta supellex*, monet Satyriscus. Curtam supellectilem virtutum, ingentem vitiorum struem deprehendemus in meditullio nostri, si fodiamus parietem conscientiae. Nos ipsos, (iterum iterumque pij monitoris officio cohortor,) nos inquam ipsos dijudicemus: ceteros Christo cui Pater omne iudicium dedit, qui errare & falli nequit, & cui aperta nudaque sunt abscondita cordis, relinquamus. Quis enim verò ego sum quis tu? ut alienum judicemus servum? *Periculosum est*, ait Hieronymus, *de servo alieno judicare nec facilis venia prava dixisse de rectis*. Idem Asellam laudat quod è sua mente, etiam malos, bonos putaret. *Ante tribunal Christi omnes stabimus: ibi apparebit qua mente quis vixerit*. Errat, errat sepe humana mens in suis circa alienos mores decretis. Multorum inopinata virtus in iudicio Dei coronabitur: multorum sperata pudicitia dehonestabitur. Ergo, quod monet Dominus, non judicemus & non judicabimur. Faciet Christus quod promissit, modò nos faciamus quod iussit.



C O N T R A I N J U R I A S L I N G V A E.

UTi non omnis taciturnitas laudabilis: ita non omnis loquela damnable. Si perpetuum silentium & obstinatus tacendi animus nulla ex parte vituperio subiaceret, nunquam muti hominis linguam solvisset Christus. Erravit profectò ille qui dixit: *Nunquam tacuisse nocet, nacet esse locutum*. Sanavit mutum Salvator noster: solvit vinculum linguae eius ut loqueretur rectè. *Solutum est*, inquit sacrum Evangelium Dominicæ imminentis, *vinculum lingvæ eius, qui erat mutus & loquebatur rectè*. Illud proinde silentium, illa taciturnitas Christo placet laudemque meretur, quando linguam nostram fortibus constrictam.

K k k k 2

tenemus

tenemus retinaculis, nec dimittimus nisi ad loquendum rectè. De silentio statis servando horis alibi: hîc ut locutio nostra recta sit, hoc est nemini nociva & injuriosa, non iudicis autoritate, sed patris officio commonebo.

Injurie ver-
borum quot
& quæ?

Inurias verborum 4. ponit Doctor Angelicus 2. 2. q. 71. Contumeliam, detractionem, susurrationem, maledictionem. quintam adjungit derisionem, à qua subsannatio non longo intervallo secernitur, nisi quod irrisio fiat ore & cachinnis, subsannatio rugato naso. Contumeliam belle depinges si dicas quòd sit dehonoriatio alicuius per verba coram seu ad faciem prolata. Detraçtio, expressius, *denigratio fama aliena per occulta verba*, & susurratio quæ est *discordia inter amicos per verba itidem occulta seminatio*, pares alioquin & concordēs, in eo dissident, quia detrahens intendit commaculare famam alienam verbis quæ clanculum profert, atque idcirco illa præcipuè mala effutire solet ex quibus promptum sit oriri infamationem aut saltem diminutionem famæ; susurro autem conatur amicitiam convellere ideoque ea contra alterum loqui-

Quæ ipsarum
gravior?

tur quæ possint animum audientis ab illo avertere. Quæ noxa harum gravior sit ex eo quod sequitur discēs. Inter peccata quæ adversus proximum committuntur, illud censetur gravius per quod maius nocumentum irrogatur alteri; nocumentum autem tanto maius reputatur, quanto maioris boni abrogativum est: in universis porro externis bonis arcem tenet amicitia, quia *sine amicis nullus vivere potest* ut ait Philosophus 8. Ethicorum: & *Amico fidei nulla comparatio* Ecclesiæ 6. Fama ipsa quæ per detractionem seu tollitur, seu minuitur, ad hoc necessaria ut per eam homo ad necessitudinem idoneus fiat. Honor etiam minus bonum est quàm amicitia: quia *præstat amari quàm honorari* ut habet Princeps Philosophorum loco citato. Susurratio ergo duobus memoratis supereminet vitijs. inde tamen illa suam non deperdunt nec minuunt nequitiam cum furto æquiparentur. Quis enim, nisi scarabeo nigrior & omnium scelerum maculis notissimus & notatissimus sit, famam honoremque minus amet quàm rem possessam? Maledictum vel maledictio, aliàs pronūciatio mali contra aliquem; vel imprecando, vel optando, & ipsa, si Apostolo fides, celestis regni exors, à recensitis pestibus in eo discrepat quòd per illas malum culpæ, per hanc malum pænæ & quidē imperativè vel imprecatoriè de altero enunciatur. De convitio reticui, quia ad contumeliam spectat, eandemque rem sub alio notat nomine; excepto quòd per hanc spirituales, per illud corporales exprobrentur defectus.

Oris crimina
quàm pernicio-
siosa.

Explicata oris crimina, jungendo illis turpem sermonem, quàm non modò narrantibus, se & auscultantibus perniciofa sunt, ex sacra clarebit scriptura. Apocalypsis 9. ad clangorem tubæ, quinti Angeli vidit beatus Joannes stellam de cælo cecidisse cui data est clavis putei abyssi, qua aperuit puteum abyssi, & ascendit fumus putei sicut fumus fornacis magnæ & obscuratus est sol & aër de fumo. putei. & de fumo putei exierunt locustæ in terram. Stella hæc quam è cælo lapsam advertit Patremus vates, Diabolus est ad quem illa dirigitur admiratio: *Quomodo cecidisti Lucifer?* Abyssus putei, sunt corda iniquorum hominum, tenebris errorum & immensitatibus nequitiarum plena; abyssus enim est quædam immensa profunditas cum obscuritate. Clavis putei abyssi est potestas aperiendi & claudendi impiorum ora & corda. Fumus, fuliginosa

lignosa ignis exhalatio, mysticè est improba doctrina, sermo nequam, atq; omnis prava locutio ad instar fumi interiorem perstringens imò excecans hominem, privans spiraculo vitæ spiritualis, adurens, lædens, & in vertiginem ac circuitum peccandi inducens. Locustæ ex fumo progenitæ, sunt homines pessimi similes locustis, animalibus ventrosis & abominabilib; videntia quæq; polluentibus & depascentibus. Sacramentum itaq; visionis istius in eo stat, quia Diabolus habet potestatem aperiendi & claudendi ora cordaq; impiorum: quia item quando diabolus referat os impiorum, per os ex corde exeunt, tanquam fumus, nocentissima verba, convitia, detractiões, susurrations, maledicta, lascivi sermones: quia insuper fumus hic pravi sermonis non modò obscurat solem iustitiæ ne luceat malis malorum & narratoribus & auditoribus; sed etiam fatali partu progenerat locustas, hoc est homines sceleratos, ventri & libidini servientes, depascentes speciosa quæque, id est calumniantes detrahentes maledicentes & mordaci dicitate seu famam seu vitam aliorum absumentes. Repeto quod dixi. *Cor impiorum abyssus est.* de qua illud Job: 28. *Abyssus dicit: Non est in me,* scilicet Deus per gratiam. Lingua & os puteus est. Dum itaq; audis quod hic vel ille ore infreni loquatur indecentia, quod obloquatur, quod detrahatur, quod susurret, quod maledicat: cogita linguam ipsius puteum esse, cuius clavem diabolus habet; cogita fumum esse nocentissimam locutionem talem & quidem fumum feracem locustarum. Ne appropies fumo huic: ne te inficiat, ne ex te locustam faciat. Imò verò nullius nostrum os, sit eiusmodi puteus, qui regatur à demone, qui vaporem nigrum exhalet generantem locustas, nec eas simplices at paratas in prælium, armatas ira & verbis lethiferis. harpias dixeris omnia lacerantes & fēdantes. Verum fortasse, pro dolor, non pauci fumo oris nostri denigrantur, inficiuntur, deformantur. non pauca sermo noster scelesto producit partu aculeata monstra. Qui unquam per linguam nostram conversi? qui de perverso opere nostra increpatione correpti poenitentiam egerunt, quis luxuriam ex nostra eruditione deseruit, quis avaritiam, quis superbiam declinavit? E contra quis nostris detractiōibus non peior factus? quis maledictis non scandalisatus, quis lascivis non depravatus confabulationibus. Pacificus quispiam fuit, tuis ventris susurrationibus factus est tumultuosus, rebellis, inquietus: locustam generasti. Bonam existimationem alter de proximo aut fratre aut superiore habuit, sed tuis artibus, tuis oblocutionibus eandem abiecit: locustam generasti. Pudicus modestusq; alter fuerat, sed tuo quā verbo quā exemplo frontem perfrixit: locustam generasti. Fecundus equidem sermo est malorum: at fecundus mali germinis, partusq; diaboli & talis qui non nisi nocere sciat.

Quocirca ad colloquia prava vitanda frequens in sacris literis & earum tractatoribus ingeritur nobis admonitio. *Omnis enarratio tua sit in preceptis altissimi* Eccl: 9. De omni verbo otioso reddituros homines rationem, & pro uno verbo raha aut fatue, videlicet pro irrisorijs & probrosis dictis incurrendum iudicii reatum prædixit Christus. Apostolus quoq; venenatas damnans colloquutiones, secularem versum assumpsit fecitq; ecclesiasticum: *Corrumpunt bonos mores colloquia prava.* cuius jambici metrum dum verbum servat ex verbo, nequaquam expressit latina translatio. D. Hieronymus ad Demetriadem scribens: *Nihil, ait, aliud noverit lingua tua nisi Christum: nihil possit sonare nisi quod sanctum est.* Eiusdem est illud

in epistola ad Fabiolam: *Quidquid non edificat audientes, in periculum vertitur loquentium.* Idem ad Nepotianū inquit: *Cave ne aut linguā aut aures habeas pruriētes: id est ne aut ipse detrabas aut alios audias detrahētes.*

Sed esto exisset literarum monumenta, ipsa status Religiosi ac sacerdotalis dignitas postulat ut nonnisi ea loquamur quæ decent sancto Dei; ut convitium, maledictum, criminis obiectus inter nos locum non habeat: ut immunditia omnis ne quidem nominetur in nobis. *Aut loquendum nobis est ut vestiti sumus aut vestiendum ut loquimur,* ait proximè citatus Doctor. Germanicè incedentes loquuntur germanicè: Polonus habitus polonico quadrat idiomaticè; Gallus in suo nativo vestitus gallicè, Hispanus hispanicè, Anglus sermocinatur anglicè: deniq; omnis natio pro diversitate vestimentorum dialecto peculiari utitur. Senator quædam in toga sua de regni statu, miles in sago de castris, colonus in centone de aeris disputat: miraculum igitur imò probrum fuerit, si religiosus in sua regulari compomide prophanas misceat confabulationes. Habitus sanctitatem & castimoniam pollicetur, tu scurrilibus dictariis oblectaris? habitus pacis & charitatis fraternæ indicium est, tu criminationibus eam laxdere festinas? monstrosa sane res, aliud foris indicare, aliud intus tenere.

Similitudines

Ex loquela cognoscitur cujus sit peregrinus: ex eructatione cibi aut potus cognoscitur qualitas esculenti aut poculenti indigesti: ex oris & labiorum scissura febris indicatur: ex errore campanæ deprehenditur interior horologii corruptio. Eò hæc tendunt, quòd nihil adeò nostram internam possit propalare dispositionem quemadmodum verba. Loquela nos manifestos facit. Ex ore quisvis judicatur. Terrenus homo de terra, celestis de cælo loquitur. Eò inquam tendunt quòd quantumvis Angelico vestiamur ornatu, diabolos nihilominus prodit lingua diabolica: quantumvis ovium tegamur vestimento, lupos monstrat lupinus ululatus.

Ut recte loquamur præmeditari debemus sermonem.

Ex musca elephantem fortassis alicui videor facere. Peccata enim oris levia censentur in quantum de facili ex lapsu linguæ proveniunt absque magna præmeditatione. Unde & Jacobus Apostolus in sua canonica perfectum vocat, qui lingua non offendit. Accedit: quia eutrapeliæ ac jucunditatis est nonnunquam convitium proferre. Patienter obiectionem audiui: patienter quoque responsionem audiri posco. Fateor non esse piandum morte verbum quod de facili, absque animo lesionis aut dehonationis è nostro ore excidit: fateor eutrapeli esse sale jucundo, servata circumspectione supra personas locum & tempus, aliquè conspergere. Sed tenemur aliunde præmeditari sermones nostros ne forte aut infamatorii sint aut scandalosi aut mordaces. *Diu,* monet Paulinus in Epistola ad Celantiū, *diu ante considera quid loquendum sit & adhuc tacens provide ne quid dixisse paniteat. Verba tua ponderet cogitatio & lingua officium animi libra dispenset.* Idem ut eò solidiorē suam faciat admonitionem, scripturam adducit: *Argentum & aurum tuum conflagra & verbis tuis facito stateram & franos ori tuo rectos ne fortè labaris linguā.* Multa similia apud sanctos Patres & Magistros spirituales præsto sunt monita quæ congerere operæ pretium non existimo. Non tacebo tamen quòd exemplo suo Salvator noster præviam locutioni deliberationem docere nos voluerit, quamvis linguā nequiverit labi. Cant: 5. postquam sponsus magnificas sponsæ decantasset laudes, vicem reponens sponsa & laudem laude retribuens: *Guttur, inquit, tuum sicut vinum optimum dignum dilecto*

delecto meo ad potandum labijsq; & dentibus eius ad ruminandum. Rogo quæ ista comparatio? Guttur est colli pars anterior per quam spiritus à pulmone ad os transmittitur: per eam quoque esculentis & poculentis iter natura patefacit: per eam insuper soni prodeunt. Vinū ergo trajicitur quidem per gutturis viam; at nullam penitus cum gutture videtur habere similitudinem. Clausum est hīc mysterium: non intelligemus nisi Dominus aperiat & revelet. Quia è gutture cantus vocesque exeunt, sermo per guttur intelligitur; qui quidem vino confertur nec qualicunque, sed optimo & cuius frequenti inter compressa labia dentesque versatione insignis iudicatur sapor. *Qua in re* (ait Pannonius) *prudētia sermonis sponsi ostenditur, qui scilicet nihil temerè, ut solent iusti effutiat, sed verset intra semetipsum quid loqui debeat.* Scripturarum mos est quòd in capite Christo membra ipsa aut commendentur aut instituantur. In Christo itaque laudantur sancti quique multa in loquendo prudētiā & circumspectione utentes. Nos insuper instruimur ne simus ad loquendum precipites; verūm dicenda ruminemus instar eorum qui pitissando gustant temetum, ne fortè insipida, fatua, & quorum mox poeniteat, effari contingat.

Quid, inquietis, tanta contentione vitia oris in hac nostræ congregationis concione dehortaris? quasi verò nos simus susurrone, detractores, contumeliosi, maledici? Si nobis hæc impingis crimina, temere de nobis iudicas aut falsò supponis. Vocabula ipsa horum criminum detestamur, nedum malitiam eorum. Absit ut iudicem ut supponam hæc de vobis: sed cupio, ne lingua universitas iniquitatis, malum inquietum, plena mortifero veneno in nobis suas exerat nequitias: ne lingua data nobis à Deo ad benedicendum in maledicta erumpat: ne organum laudis divinæ & eruditionis proximi vertamus in instrumentum malitiæ & iniuriarum: ne membrum illud nobilissimum voci formandæ dignoscendisque saporibus accommodatum, ad aspera & mordacia verba moveamus, cum Deus ideò ex carne totum non ex osse fieri voluerit ut per illud proferantur suavia. Verumtamen non iustificemus nosmetipsos. Virtutisne quæso an vitij actio est quando dicta unius alteri referendo, unum contra alium commovemus, sicque alios inter se committimus, nonne ista susurratio est? quid sibi vult oratio illa: iste vel iste defert nos, & culpas nostras superiori manifestat: nonne ista charitatis convulsio est? quid sapit locutio illa qua defectus alienos alienis communicamus auribus: nonne ista detractio est?

At dicetis mihi parabolam illam: *Medice cura teipsum.* Quoties à te acrioribus convitijs in objurgando perstricti sumus, cum tamen juxta scripturam *corruptio mendax sit in via contumeliosi,* & juxta Caietanum in summam D. Thomæ, *prælati abstinendum sit in objurgationibus à contumelijs ne subditi qui levius verbera quàm verba contumeliosa suscipiunt deteriores fiant non suscipientes disciplinam:* insuper juxta Tullium lib: de officijs, omnis animadversio & castigatio contumelia vacare debeat. Libens instructionem salutarem accipio. Paucula nihilominus in rem meam & Prælatorum omnium proferre liceat. Nonne Apostolus monet Episcopum ut arguat, obsecret, increpet: quatenus nihil proficiente uno transeat ad alium atque alium modum. Nonne & sancti acrius perstringebant cæteros, ut Samuel Saulem: *stultè egisti.* Jo-

Licetne verbis contumeliosis uti in correptionibus.

annes Phariseos: *Genimina viperarum*. Christus Herodem: *dicite vulpi illi*. Nonne & regula D. Augustini dum necessitas disciplinæ compellit, dicere dura verba permittit præpositis. quod explicans Cælius noster ait: *Necesse est ut prælati aliquando juxta exigentiam causa & peccantis conditionem ad reprimendos malos, durius increpationem faciant, qui forsitan si mitius agerent cum illis, non facile corrigerentur*. Doctor quoque Angelicus affirmat licitum esse prælatis ut verberare causâ disciplinæ sic & verbum aliquod contumeliosum proferre. Hanc idcirco pro Superioribus adduxi defensionem ne forte quis ex nostris scandalum sumat objurgationibus. Cæterum quod in alijs vitupero, etiam in me condeanno.

Proprijs depinxi vitia linguæ potissimum injuriosa coloribus: malitiam eorum digito quasi monstravi, malitiam inquam venenatarum feracem locustarum: ad cavenda pestifera verba quæ scripturis quæ auctoritate, quæ status & vestimentorum nostrorum ratione invitavi rectum recta loquendi consilium per prodromam locutionis præmeditationem dedi: oppositionibus ut reor satisfeci: quid superest, nisi ut frænemus linguam nostram, si totum corpus fræno circumducere volumus, ut inquam ponamus custodiam ori nostro & ostium circumstantiæ labijs nostris, ne quando in contumelias honoris læsivas, in detractiones famæ alienæ hostes, in susurrations charitatis & amicitiae demolitrices, in maledicta, in derisiones, in scuriles lascivosque sermones dividantur. Nec ea solum cura incumbit nobis quatenus ipsi linguam nostram a lycambeo carmine & quibusvis virulentis compescamus verbis; sed insuper ne alienæ linguositati suffragemur auscultando. Tantæ sunt nequitiae ut dixi crimina oris ut proferentem pariter & audientem uno velut rotatu gladij interimant. Quamvis non detrahas si detractorem audis, mortuus es: quamvis non convitiaris, si tamen libenter audis eum qui convitiis plaustra in alium effundit, periisti: quamvis non susurras, si susurrioni ultro aures applicas, venenum intro sumpisti. Si charitas DEI & proximi cordi tibi est, fuge contumeliosum & detractorem qui *qualibet in quemvis opprobria dicere solus*. Fuge derisorem & subannatorem de quo illud: *Nil præter nasum Tongilianus habet*. Fuge susurrionem qui Bioneis gaudens sermonibus & sale nigro etiam veteres amicitias conscindit. Fuge lascivum cui *absq; amore jocisq; nihil est jucundum*. Sic fiet quod & ipse loqueris rectè & alios similiter loqui facies. Finem dicendi facio appæcatione ex D. Hieronymo desumpta: Det nobis Christus ut audiamus, ut taceamus, ut intelligamus & sic loquamur. Amen.

Horatius:

Martialis.

Horatius:

Ad Iulianum.



HYDRA.

H Y D R A

SEPTEM CAPITUM GLADIO VERBI DIVINI IMPUGNATA.

S E U

SERMONES CLAUSTRALES CONTRA SEPTEM VITIA
CAPITULA.

CONTRA INANEM GLORIAM,
AVARITIAM & LUXURIAM.

MOdicam ex decantata nobis in natali Domini pace percipimus letitiam. Jam versa est cythara in luctum, pax in bellum commutata. Ecce enim ad arma undique concurritur, signa militaria explicantur obtunduntur aures tympanis, hebetantur gladiatorum fulgoribus oculi, sonant classica litur in acres certaminum curas, enses deterfa rubigine novantur, tubæ clangunt, perstreperunt litui, vexilla fluitant: scuta, loricas, miles capeffit. Herodes crudelis natum Salvatorem neci tradere gestiens repentino motu undique fulmineas evocat turmas, in ferri amorem viros incendit & cum imbelli turba bellatores veteranos congredi jubet. Exclamat furiosa voce: *Satelles j, ferrum rape, perfunde cunas sanguino.* Pridem, inquietis, peracta scena est tragici huius belli: pacata esse omnia: Herodes extinctus meritis crudelitatis luit pœnas. Imò verò ferocior Herodes armatas ex erebo eduxit phalanges ut nos, ex quibus corpus Christi compaginatur, è medio tollat. Ingentem sanè contra nos in arenam excivit exercitum quem in tres divisit turmas: primæ præficere voluit superbiam; sed hæc officium detrectavit dum mavult Regina esse omnium vitiorum quàm certarum inferni copiarum gerere præfecturam. Illi ergo maximè propinquam & ab ea immediatè procedentem inanem gloriam primæ cateruæ ducricem constituit: secundæ præfecit Avaritiam. tertiæ luxuriam. Eum ordinem præscripsit ut dextrum cornu teneat inanis gloria: medium moderetur Avaritia: sinistrum cornu regat luxuria. Actum de nostra salute, nisi per fugam nobis prospiciamus & fugientem in Ægyptum Christum ipsi quoq; veloci cursu prosequamur. Ne verò perperam suadere videar fugam; quantum à probatissimis exploratoribus id est sacris Doctoribus accepi, naturam malitiam vireſq; & arma triplicis istius hostis ab Herode Acheronteo in nostram perniciem emissi, divino fretus auxilio edisseram.

*In renovatio-
ne votorū de
vitijs que op-
ponuntur vo-
tis effentialib9*

Gloria quidē

A prima Chiliarcha nempe inani gloria meam ingredior narrationem. *Gloria*, secundum Oratorem Romanum, *est frequens de aliquo fama cum laude*. Secundum D. Ambrosium *est clara cum laude notitia*. Juxta Doct: Angelicum nomen gloriæ claritatem quandam significat. Et quia id quod clarum est, à multis conspici potest; ideo nomen gloriæ stri-
ctè & propriè acceptum importat *manifestationem alicuius boni nostri*
coram multis hominibus. Sic explicata gloria, vana seu inanis fit: primo, ex parte rei de qua quis gloriam aucupatur, puta si res non sit laude digna, quales sunt universæ res caducæ & fragiles. Secundò ex parte eius à quo gloria quæritur, nimirum ex parte hominis cuius videlicet iudicium semper est incertum ac instabile. Tertio ex parte illius

*Vnde fit vana
2. 2. q. 132.
art. 1.*

M m m m

ipſius

ipſius qui quærit gloriam dum videlicet claritatem nominis ſui quam appetit, non refert in debitum finem hoc eſt ad honorem DEI vel ſalutem proximi. Hac inapitate tumens gloria vitioſè appetitur, quotiſcunq̃ appetitur, Pſalte Regio contra ipſius amatores detonante: *Filij hominum uſquequo gravi corde? ut quid diligitis vanitatem & queritis mendacium.*

Malitia vanæ gloriæ.

S. Thomas
ibidem art. 3.
ad tertium.

Malitiam & robur ipſius ad nocendum nobis ex certiffimis deduco testimonijs. S. Auguſtinus: *Quas, inquit, vires nocendi habeat humana gloriæ amor non ſentit, niſi qui ei bellum indixerit quia etſi cuipiam facile eſt laudem non cupere dum negatur, difficile tamen eſt ea non delectari cum offertur.* Idem in confeſſionibus: *ſermo ore procedens & facta que innoſcunt hominibus habent tentationem periculoſiſſimam ab amore laudis qui ad privatam quandam excellentiam contrahit & emendicata ſuffragia querit.* S. Chryſoſtomus occultè eam ingredi aſſerit, & omnia quæ intruſi ſunt in anima inſenſibiliter auferre Doctor Angelicus huius utriuſq̃ Patris expendens ſententiam ſic decidit: *Inanis gloria dicitur eſſe periculosa non tantum propter gravitatem ſui, verum etiã propterea quod ſit diſpoſitio ad gravia peccata: inquantũ videlicet per inanem gloriam redditur homo præſumptuoſus & nimium de ſeipſo confiſdens.* Tanta eſt malitia ipſius, ut licet plerumq̃ non ſit mortalis, vim nihilominus merendi vitam æternam adimat bonis operibus. Si corpus tuum combuſtioni traderes, ſi in fruſta tyranni te concideret gladius; ſi linguſ Angelicis laudes divinas perſonares ſtudio inanis gloriæ, nihil egifti: mercedem de cælo non expectes. Cum auctoritate accipe rationem. Dicit enim Aquinas: *Nullus peccando meretur vitam æternam. Unde opus virtuoſum amittit vim meritoriam celeſtis beatitudinis ſi opus illud fiat propter inanem gloriam etiamſi hæc non ſit peccatum mortiferum.*

Superbia non eſt peccatum Capitale ſed inanis gloria.

Filiæ eius.

2. 2. q. 132.
art. 2.

Ad vires nefariæ huius imperatricis cognoscendas, operæ pretium eſt videre quam ſecum in noſtrum exitium ducit manum. Superbiam quidam ponunt inter vitia Capitalia: at rectiùs iuxta D. Gregorium in moralibus dicitur ſceptrum tenere ſupra univerſos animæ morbos, habereq̃ ex ſententia Doctoris Angelici generalem quandam cauſalitatem ſupra cuncta vitia ideò quod fines omnium vitiorum ad finem ſuperbiæ ordinentur. in omni enim crimine vitioq̃ ex bono quod appetit, intendit homo conſequi aliquam excellentiam & perfectionem. Non ergo ſuperbia, ſed ipſi maxime propinqua & proximè ab ipſa trahens originem inanis gloria, vitium Capitale cenſenda eſt. Maxime inquam propinqua: ſuperbia namq̃ eſt *appetitus excellentiæ propria inordinatus. hæc autem eſt appetitus inordinatus manifeſtationis excellentiæ propria.* Porro ex vitioſo amore huius manifeſtationis gignuntur. Inobedientia, jactantia, hypocriſis, contentio, pertinacia, diſcordia & novitatum præſumptio.

Dupliciter namq̃ progreditur aliquis ad ingerendum oculis alienis fulgorem ſuum: directè ut aiunt Theologi ac indirectè & quaſi obliquo tramite. priori modo ad clarificandos ſe procedentes utuntur verbis aut factis. ſi verbis, *jactantia eſt*; ſi factis, facta illa aut habent admirationem aliquam ſibi annexam, & ſit *novitatum præſumptio*, aut certè facta illa falſa & conficta ſunt ideòq̃ *hypocriſim* progenerant. modo poſteriori ad celebrandum nomen ſuum tendentes ſatagunt offendere ſe alijs.

alijs non esse inferiores; quod quidem quadrupliciter evenire potest. Enimverò vel conatur quis demonstrare se non esse alio minorem quoad intellectum, & sic nascitur *pertinacia*, cum nimirum quis ita proprio inhæret sensui ut alienæ nolit credere cedereq; sententiæ; vel nritur patelacere se alteri non esse secundum quoad voluntatem, & hinc provehit *discordia* dum videlicet quis ita propositi sui tenax est ut ab eo discedere nolit funemq; contentiosum malit ducere quàm cum cæteris concordare; aut in locutione non vult quenquam sibi præferri, & hinc procreatur *contentio* per quam clamorosa voce inter alterutros litigatur & æquo gradu certamina concitantur, vel demum quoad factum, neminem sibi anteferri demonstrat, & tunc oritur *inobedientia*, per quam superioris negliguntur iussa. Et hinc vides ad manifestationem propriæ eminentiæ deservire pestes recensitas ideoq; rectissime vocari filias inanæ gloriæ. Mali seminis pessimum germen. Ex probitate sobolis rectitudinem agnosce parentis! His spectris inanæ gloria debacchatur in universo mundo: hoc commilitio totum debellat Orbem. Multum valet per inobedientiam, multum per iactantiam, multum per hypocrisim atq; singulatim accepta capita: quid verò si integram turmam aliquo immiserit? nulla ibi spes salutis, ruinæ patebunt omnia. Ipsa inobedientia potentissima est ad interimendum hominem: ipsa hypocrisis væ homini quem invaserit adducit: ipsa discordia sufficiens est hominem quin etiam integras domos & societates conturbare ac evertere: quid si iunctis viribus atq; armis omnes memoratæ bestię nos impetant. Horreo reminisci quot quantosve profligavit exercitus iste! illi perfectissimi Anachoritæ, illi Thaumaturgi viri ab his percussi ferentarijs, proh dolor, turpiter ceciderunt!

Quæres quibus armis atra hæc Tysiphone & ipsa contra nos depugnet & sui commilitones? sagittis contra nos agit, imò ipsa in acutissimam versa sagittam interiora nostra penetrat. Triangulum missilis teli ferrum etiam scutatos pedites, etiam loricatos equites sapius perterebrat. Et inanæ gloria quantumvis armatas sacra panopliâ configit mentes, ut nemo sit ab eius impetu de salute securus, nemo de integritate impavidus. Unde ille quoq; bellicosus & firmissimo gratiæ divinæ munitus umbone David, timuit sibi vehementer ac proinde humiliter oravit: *Libera me Domine a sagitta volante in die*: ubi nomine sagittæ inanem gloriam bonis operibus per diem designatis insidiantem intellexit. *Hæc vanitas*, inquit Didacus Stella de contemptu vanæ gloriæ tractans, *est sagitta meridiana procedens ex luce boni operis à qua cupiebat liberari Propheta. Cave* subdit idem *ne feriaris ab hac sagitta quæ secum adfert venenosam herbam*. Pharetrata sunt inanæ gloriæ agmina, & sicut ipsa sagittandi peritissima ita perniciosam cohortem suo famulantem imperio venenatis armavit spiculis. Tertio Regum 22. cum Ahab movisset bellum contra Syriam pro recuperatione Ramoth Galaad, in ipso conflictu vir quidam ex adversa parte in incertum sagittam jaciens, casu percussit Regem Israel & sauciavit letaliter. Multi sunt qui Syriam detracta syllabâ olim Assyriam dictam fuisse scribunt. Assyria porro sonat idem quod *insidiatrix*. Superbiæ & vanæ gloriæ typus merissimus, hæc enim bonorum operum maxima insidiatrix. Israeli, populo videlicet divino insensissima est, nec desistit tum per se tum per agnæ suum vibrare adversus eum jacula. Etiam in incertum sagittas dirigit ut

*Arma inanæ
gloriæ.*

obvios quosq; aut profternat aut vulneret. Ea quidem felicitate pugnatur vix inveniatur in mundo cui vulnus non inferat. Angelos percuffos de cælo deiecit, nostros Protoparentes ictu mortifero læfit, & quod hominem in ftuporem vertit, contra ipfum quoq; Salvatorem noftrum tetendit arcum fuum dum ei præcipitium prodigiofum fuafit; fed hic redijt in auſtricem ſcelus & ſagitta excuſſa fuum confecit ſagittarium. Quis non pertimeſcat ſagittam hanc in die abſq; intermiſſione volantem, ſi Principes cæli & terræ neci tradidit, ſi in noſtrum quoq; Dominum auſa eſt caſſo licet eventu tendere! Sed iam ad enarrandam alterius Ducis malitiam & vires, me converto.

Nomen &
natura avaritiae.
2. 2. q. 118.
art. 1.

Hom: 29.

AVARITIA ex vi nominis amorem ſonat pecuniæ. Avarus enim dicitur quaſi avidus æris. Unde & in græco idiomate *philargiria* hoc eſt argenti amor vocatur. Definitivè, eſt immoderatus appetitus habendi, intellige poſſeſſiones, nomine pecuniæ, à qua ſumitur avaritiæ vocabulum, designatas. Omnes quippe res exteriores quæ veniunt in uſum humanæ vitæ ſub ratione boni utilis, nomine pecuniæ intelliguntur ſub eodemq; reſpectu à *philargiria* concupiſcuntur. D. Chryſoſtomus Apellem ſe nobis exhibuit in effigianda informi ſpecie *Empuſæ* iſtius. Depinxit eam effigie hominis tetri horrendiq; cui caput ſit partim canis, partim lupi, oculi ampli flammas de ſe quaquaverſum eiacularantes, os antri inſtar latè diductum, in ore pro dentibus ancipites & acutiſſimi gladij, de lingua exerta fons ſcaturiens veneno lethali infectus, pro brachijs utrinq; extenduntur dracones qui ore hiant & aduncis unguibus omnia obvia rapiunt, manu utraq; accenſas geſtat faces, venter & pectus inextingvilibus flammis æſtuat, denique pedes alati quibus quàm celerrimè quovis feratur & penetret. Bellè equidem & vivis adumbrata coloribus truculenta hæc bellua ſanguinis noſtri auida. Sed quia pictoribus quidlibet audendi ſemper fuit potestas, dubitet fortaſſe quiſpiam de veritate tabulæ noſtris oculis penicillo Divi Chryſoſtomi ſubiectæ; ideo certiora & clariora ex teſtimonijs omnem ſuſpicionem falſi excludentibus documenta afferro.

Malitia iuſdem.

PRIMUS qui exploratiſſimam habet Naturam malitiàmque atrociffimæ huius *Megæxæ*, offert ſe mihi B. Paulus Apoſtolus. Hic unicum illud de ea teſtatur. *Avaritia eſt idolorum ſervitus*. Brevem hanc ſed abſtruſam enuntiationem quia obtuſus ego & tam ſermone quàm ſcientia imperitus intelligere non valeo, interpretes adeo qui eam mihi ediſſerant. *Non eſt tantum* ait S. Hieronymus, *non eſt tantum in eo ſervitus idoli ſi quis duobus digitulis tburæ in buſtum ara jaciatur aut hauſtum patera poculo fundat merum. Neget avaritiam eſſe idololatriam qui poteſt triginta argenteis Dominum venditum appellare iuſtitiam. Non fateatur fraudem idololatriam eſſe ſed ſimilis eorum qui in Actibus Apoſtolorum ex patrimonio ſuo partem pretij reſervantes præſenti periere vindictâ.* Ita proſecto eſt. at propoſitionis Apoſtolicæ rationem peto. S. Thomas ideo ait avaritiam comparari ſervituti idolorum quia ſicut hæc ſubijcit hominem rebus creatis ad cultum, ita illa ſubijcit iſdem ad uſum ipſarum. Aurei oris Doctor præcavet non per hyperbolen ſed verè & propriè memoratum Apoſtoli dictum capi debere: *Sicut enim Marti Veneri, Iovi* & alio quovis fictitio nomine appellatis idolis maſtabantur victimæ, ita rebus exterioribus ut pecuinis pecunijs immolat *philargiria* non iam ca

In Epiſt: ad Ephes 6. 5.

iam capras aut oves at animas rationales. Istæ maculationes ad aram avaritiæ fiunt. Nec saturatur, nisi utriusque & immolantis & immolati animam recipiat. Notate verba signate mysteria adeo effrenis in eadem hominum hæc impiè religiosa Dira ut uno quasi rotatu gladij & avarè rapientis & illius cui fit rapina animas immolet. Quando etenim ille cui fit rapina vel cui usura, atque anatocismus toties extortus lacunam in bonis fecerunt, quando inquam maledicit, quando conviciatur, quando indignatur; animus eius immedicabilibus afficitur plagis. Progreditur ulterius avaritiæ tyrannis. Enimverò non contenta spiritus iugulare, etiam sævit in corpora. Quot namque sunt qui propter immoderatum habendi affectum seipsos in præcipitia coniecerunt, laqueum gulæ applicuerunt, enssem per guttur aut pectus transegerunt hostiæ crudeles & inhumanae! *Maledicta est avaritiæ ara*, exclamat idem Doctor. *Nam si ad illam simulacrorum aram accesseris, videbis eam caprinum aut bovinum olentem sanguinem; ad istam verò si accesseris, humanum sanguinem videbis misere & crudeliter exhalantem.* En perspicis quàm benigna hæc sit una Eumenidum infernalium ut quæ & animam & corpus interimat nulloque discrimine omnes homines infectetur! En cernis quemadmodum humano sanguine imò spirituum rationalium interfectione litat Dæmonijs.

Dices quod avaritia non omnes letaliter feriat ideoque non sit tantopere metuenda. Approbo dictum quia si non intantum crescit ut amor divitiarum præferatur charitati in Deum vel proximum, venialis erit. Verumtamen esto non omnes letifero ictu appetat omnibus tamen quos tangit, insanabile infligit vulnus. Siquidem avaritia ex mente Angelici Magistri habet insanabilitatem ex eo quod humana natura semper vergat in defectum, quò autem maior est defectus eo maior indigentia adminiculi exteriorum rerum, ac per consequens maior avaritiæ occasio. Hæc porro insanabilitas periculosiorem cæteris vitijs indicat philargiriam.

art. 5. ad
Tertium.

Vultis scire quem globum quos cuneos in stragem humanam ducat hæc inimicissima nostro capiti Alecto? Enarro. Philosophus qui ad me hac in parte instruendum sese mihi obtulit, Ethicorum 4to. dividit avaros in parcos, tenaces chimibiles, illiberales operationes operantes, de meretrizio pastos, usurarios, aleatores, mortuorum spoliatores, & latrones. Parci sunt, qui dant parum, tenaces qui nihil; chimibiles, qui dant quidem, verum cum magna difficultate, sicut chimini venditor de parvis magnam vim faciens; illiberales in operando, qui vilia & servilia opera exercent: usurarij qui lucrantur de eo quod gratis concedendum est, cum ex mutuo, & collybo rem augent propriam. Aliarum divisionum ut nomina ita significationes notæ. Ecce habes catafractos qui avaritiæ latus claudunt utrumque nec tamen in his agmen universum terminatur. A tergo eiusdem validum imminet robur ex tiliabus suis conflatum, quæ recensente D. Gregorio sunt: *proditio, fraus, fallacia, perjuria, inquietudo, violentia & contra misericordiam obduratio.* Vel enim superfluus habendi amor excedit in retinendo, vel in accipiendo. si in primo excedat, nascitur obduratio contra misericordiam, ne videlicet viscera tua molliantur miseratione ad subveniendum egenis si verò in secundo, tunc aut in solo affectu persistit ex-

Species avarorum quot?

Quot & quæ
sint avaritiæ.

Nnnn

cessus

cessus & hic inquietudinem procreat dum curas superfluas ingerit aut in effectum deducitur, & tunc avarus adhibet vim ad aliena rapienda, & per hoc committitur violentia; aut certè adhibet dolum atque ubi aperta machinatione nocere haud quivit, cuniculis agit. Dolus porro fruitur sive in verbis sive in opere: per linguam, si attestazione simplici & absque iureiurando concinnetur, fallacia est; si ad compositas verborum insidias accedat iuramentum, periurium perpetratur. Dolus in opere fraus est dum in rebus fit: proditio, dum in personis. Monstrum huc cæcæ divitiarum cupidinis partum distycho complexus quidam.

Nunquam fraude caret, semper mentitur avarus:

Ovenum.

Erga inopes surdus, ferrea corda gerit.

Arma avaritiae.

Hi sunt sacrilegæ famis fructus, hæ ex cupiditatis sinu velut ex utero equi Troiani in cladem hominum effusæ natæ, hæ auxiliares copię avaritiei tanto fideliores quanto propinquiore. Auratos olim argentatosque milites in castris meruisse scribit Livius. Singulos, quos recensui philargiæ hoplomachos, auratos argentaosque rectè dixeris quod singuli auri argentiue amore exæstuent. Gladio, ut claret ex dictis, nos impugnant, iam cæsim iam punctim vulnerantes & interimentes. Gladius in sacris literis si in bonam partem capiatur, verbum Dei est, aut certè districtum Dei iudicium; si in malam, denotat verba dolosa, mendacia, fraudulentia, & specie officij atque amicitie hostilitatem velantia, quibus dum avari frequentissimè utuntur & suas & alienas occidunt animas. *Os enim quod mentitur occidit animam.* Heu me quot hominum myriadas mucrones versatiles avaritiæ vorarunt quot cupidorum animæ in victimam dæmonij cesserunt micantibus mendaciorum, periuriorum, fraudulentiarum percussæ gladijs pereuntes pariter & perimentes! Acham, Gesi, Iudas, Ananias, & Saphira, Dives Evangelicus, dum quod avaritia dictavit agunt, miserimè egerunt animam. Non memoro cassa Religiosorum proprietatis amatorum nomina quibus paupertatis professio, avaritiæ occasio est, qui artibus & negotiationibus mundanis carere nolunt, non victum & vestitum, quod Apostolus præcepit, sed maiora quam sæculi homines emolumenta sectantes. *Et prius quidem ab adilibus, vendentium coërebatur rabies nec erat impune peccatum: nunc autem sub religionis titulo exercentur in iusta compendia: & honor nominis Christiani fraudem magis facit quàm patitur: quodq; pudet dicere sed necesse est ut saltem sic ad nostrum erubescamus dedecus, contra omnium opinionem plenis sacculis morimur divites qui quasi pauperes viximus.* Non memoro eos qui si prælationis gradum teneant, non providos dispensatores sed sollicitos custodes agunt incubando *gaze ut magnus draco quem canunt Poëta custodem scythici fuisse luci,* ideoque duriora filice pectora & ad miserendum subveniendumve necessitati fraternæ inflexibilia gerunt: si inferioris ministerij consistent loco, plerumque impudenter petunt quod recondant, aut undequaue oblata celant, fraudibus, fallacijs, mendacijs alijsve philargiæ appenditijs fidem sibi ad occultandum quod clanculum servarunt facientes. Ex his equidem non una diabolo sacrificatur hecatambe! Jam ad agmen tertium cum duce eiusdem lustrandum necnon describendum descendo.

Quid nominis
& rei luxu-
ria.

LUXURIA in ampliori significatione superfluitatem & exuberanti-
am quam-

am quamcunque denotat, ut non modò in voluptates inhonestas verùm & in molliorem vestitum lautioresque epulas profusio, luxuria vocetur: Imò plantæ quoque & agri luxuriare dicuntur, illæ cum nimia succi ubertate quodammodo lasciviunt ramos sarmentaqué iusto plura emittentes; hi cum abunde stercoreati supra modum feraces evadunt. Ingenia quoque luxuriántia appellantur quæ cum excessu quodam in rerum vagantur cognitione. Strictè autem & in propria significatione est & definitur esse inordinatus delectationum venerearum appetitus cuius exitiis mala proclive est à Sanctis Patribus discere & monstrare.

Sanctus Augustinus lib. 1. Soliloquiorum *nihil ait esse sentio quod magis deiciat ex acre animum virilem quàm blandimenta femine, corporumque contactus.* Isidorus de summo bono, *magis, inquit, per luxuriam carnis subditur diabolo genus humanum quàm per aliud quodcunque peccatum.* Doctor Angelicus deducit quod sit radix & causa desperationis. Porro desperatio quantum sit malum, vel illud unicum docere potest effatum: *Perpetrare flagitium aliquod, mors est animæ: desperare, est descendere in infernum.*

Enormitas luxurie.

1. 2. q. 20.
art. 4.
Isidorus de summo bono.

Ista quoque inferni herois numerosum ac potentem adversum nos in campum Martium producit militem quem si prima fronte inspexeris, ridiculum putabis, si attentius consideraveris formidabilem credes. Sex speciebus stipata velut quibusdam colonellis, singulis innumeram pravarum suggestionum multitudinem ducentibus, ipsa in medio progreditur, fastu typhoq; turgens ob frequentia ex hominibus erecta trophæa. Fornicationem, adulterium, stuprum incestum, raptum, peccatum contra naturam, colonellos vocavi à colo nenda sic dictos. tota siquidem pompa catervæ istius, muliebris est. in manibus pro armis Cytharæ: in pedibus pro cothurnis socci: pro ægide fascia pectoralis pro sago homicina. Caput non casside sed peplo premitur: scapulas non clypeus sed analectides tegunt: denique muliebris quoad omnia figura atque ornatus, ut prosedas putes alludentes, non hostes certamini præludentes. Verùm quo blandiores, sunt, eò crudeliores. Tranquillitas ista, tempestas est. Risus iste, Sardonicus est. Per has ad lasciviam provocantes Madianitides incautus populus Dei debellatur. Syrenes istæ ubi aditum sibi paraverint, in seivissimas mutabuntur Harpias. *Quis cladem totius mundi, quis funera fando explicet quæ Amazonides istæ ad speciem hilares & blandæ procrearunt.* A tergo sequitur agmen quod ipsamet, luxuria scelesto effudit partu. Nec imbellis progenies bellicosæ ferocisque matris. Cæcitas mentis, inconsideratio, præcipitantia, inconstantia, amor sui, odium DEI, amor præsentis sæculi, horror futuri, fectus sunt invenustæ veneris. Indubitatum namque est quòd quando inferiores, hominis potentiæ, nimium occupantur circa obiecta sua, superiores quæ sunt ratio & voluntas, languent imò impediuntur aut deordinantur in suis actibus peragendis. Cum igitur concupiscentia afficitur & immergitur delectationibus, necesse est tam rationem quàm voluntatem in suis præpediri ac interverti actionibus. Quatuor porro exercitia intellectus sunt: videlicet, simplex intelligentia apprehendens aliquem finem ut bonum, consilium de mediis ad finem requisitis, iudicium de agendo, & tandem præceptum de exequendo. ex primi prædicatione consequitur mentis cæcitas; ex secundi, præcipitantia sub-

Species eiusdem.

Filiæ eiusdem

S. Gregorius.

S. Tho: 2. 2.

q. 153.

Actus intelle-

ctus & volun-

tatis præpe-

diuntur aut

turbantur in

homine, vi

concupiscentiæ.

Nnnn2

ex quarti

ex quartæ inconstantia. Voluntatis item cum sint duæ potissimæ partes prosecutio finis & mediorum ad finem, in his per immersam lenocinijs concupiscentiam deordinatur, cum homo amorì divino amorem suipsum & desiderio futuri sæculi dilectionem vitæ præsentis præhabet stultus atque iniquus rerum æstimator: & hinc amor sui ac per oppositum, odium DEI; amor præsentis sæculi ac per contrarium, odium & desperatio secuturi enascitur. Hoc agmen passu individuo præeuntem subsequitur luxuriam, ut hic Virgilianum illud usurpare possim.

Ducit Amazonidum lunatis agmina peltis

Pentefilea furens medijs in millibus ardet.

O quot millia hominum Pentefilea isthæc suis hisce profligavit cohortibus! Apocalypsis 9. *Vidi, inquit B. Ioannes Equos & qui sedebant super eos habebant loricas igneas hyacinthinæ & sulphureas: & capita equorum erant tanquam capita Leonum: & de ore ipsorum procedebat ignis, fumus, & sulphur. Et ab his tribus plagis occisa est tertia pars hominum de igne & fumo & sulphure qua procedebant ex ore ipsorum. Potestas equorum in ore eorum est & in cauda ipsorum. Nam cauda ipsorum similes serpentibus habentes capita & in his nocent.* Equus in sacris Scripturis typus luxuriæ est. Unde Isaias luxuriosos vocat equos hinnientes ad feminas. Per equos ergo à Patmæo Vate conspectos morali sensu intelliguntur species & filia Matris Cupidinum. Sessores sunt demones, quis enim alius igneis sulphureisque vestiretur lorice? Capita equorum sunt initia vitiorum carnalium, leonina dicuntur esse propter vim & fortitudinem magnam qua primo statim impetu adoriuntur homines. Ignis, concupiscentia est: fumus, denigratio famæ: sulphur, fætor vitæ quæ ex qualibet luxuriæ parte enascuntur, & velut ex ore exhalantur: potestatem habere & in ore & in caudis memorati dicuntur sonipedes, eò quod & primæ & postremæ species ac filia parem vim ad nocendum hominibus habeant. Per os enim seu caput idem quod primum; per caudam idem quod ultimum sacrae literæ significant juxta illud Isaiæ 9. *Et disperdet Dominus ab Israël Caput & caudam,* hoc est, primos & ultimos populi. Caudas equorum similes esse serpentibus audivimus: quia sicut serpentes sinuoso tractu proserpunt & ubi caput impreserint, statim toto corpore se involvunt; ita vitia carnis ubi caput suum hoc est initium ingesserint, mox integra illabuntur secureque ad præcordia ludunt. Capitatas caudas monstra præfata gestant: quia finis unius peccati, est principium alterius; & ubi species una desinit, incipit alia. Ab his ergo occisa est tertia pars hominum. Quibus armis? igne, fumo, sulphure. Imitatur nimirum Acherontea acies Bellonæ mundanæ in belligerando modum igne fumo & sulphure potissimum furentis. Quid enim verò non deiiciant tormenta & catapulta ignem fumumque evomentes, & jam grandinem plumbeam, jam saxa ponderosa ingentesque machinas virtute nitrati pulveris eiicientes? His armis instructa felicissimè imò infelicissimè grassatur in universo mundo ab ipsomet eius exordio. Igne suo ita incenderat Orbem universum ut incendium hoc diluvio restinguere debuerit Deus: quinque civitates Sodomæ & Gomorrhæ in cinerem & favillam vertit: Sichem Civitatem concremavit: Amonem tabefecit & peremit: maritos Saræ occidit: Samsonem eacœcavit: Davidem maximis affecit damnis: vetera hæc sunt, quid si

Crebra luxuria Victoria.

quid si daretur tibi fervientis istius malitiæ videre victorias? videres totum mundum ardere flammis libidinum: videres totum mundum nihil aliud esse quàm Vesuvium flammis concupiscentiæ bullientem: & ut apertius loquar, cernereres mundum hunc esse sentinam voluptatum carnalium & ganeam libidini servientem. Vidit id interiori oculo B. Augustinus ideoque exclamavit: *Quanti & quales Episcopi & Clerici post confessionum ac victoriarum calcata certamenta, post magnalia & magna mirabilia usquequaq; monstrata, noscuntur ab hac peste superati? quantos Leones domuit una delicata infirmitas id est luxuria, qua cum sit visus ac misera de magnis prædam facit.* Quodsi contra vires & robur potentissimum prævaluit, quomodo mollis & duro capulo inasuenta manus eidem resistere valebit. Omnes nullo discrimine persequitur. Andabata est: clausis depugnat oculis. Non parcit juveni, non præterit senem. Etiam nimirum rugosa hircissat senectus. Legimus quippe in scholis pueri, & spirantia in plateis æra perspeximus, aliquem vix ossibus hærentem illicitis arsisse amoribus, & prius vita caruisse quàm peste. *In serico & in pannis eadem libido dominatur: nec regum purpuras timet, nec mendicantium spernit squallorem.* Unde Toletus nulla alia ex causa plures ad infernum præcipites agi arbitratur quàm ob luxuriam. Et B. Joannes *va intonat execratis quoniam pars eorum in stagno ardenti:*

Sermone de
verbis Dñi.

Hiero: ad Sal-
vinam.

Apocalyp: 21.

ubi per *execratos* intelligit Pannonius eos qui naturæ injuriam in proprio corpore sui eviratione inferunt, aut quoquomodo innaturalia diverticula explendæ quærent libidini. Hos scripturæ sententia condemnat & cogit in stagnum ardens igne & sulphure, magna satis ratione: qui enim ad perversa desideria ex carnis fetore nunc ardent, dignum est ut postmodum igne & sulphure puniantur quatenus ex justa pœna condiscant quid ex injusto desiderio patrabant. O nimis formidandam fuco licet illitam luxuriæ faciem! O nimis metuendum eiusdem satellitum specie quidem abblandiens at revera ignes & fulmina iaculans!

Hæc sunt Herodis diaboli in nostram internecionem instructa arma-taque castra. Hi tres eiusdem Herodis duces cum suis signis. Duces hos si triarios infernales, ad quos res adversus mundum devenit, si tres furias ex Orco contra nos evocatas, si tres Gorgones sorores non fabuloso figmento, sed vera tyrannide truculentas, si demum tria Capita Tartarei Cerberi vocaveris, à vero minimè aberrasti. Naturam, malitiam, potentiamque horum ducum cum suo exercitu edisserui & fidis auribus fidelissimè exposui: restat aut scuto aut pedibus parare victoriam. Fucere quidem multi ex Sanctis, qui tumultuarijs hisce semetipsos obijciebant satellitibus & aperto quasi Marte pugnabant cum iisdem ut Augustinus cum fortissimo primipilo id est inani gloria dimicavit, quando errores corruptionesque animæ suæ toti evulgavit mundo; ut cum avaritia decertant illi, qui ex facultatibus suis ædificant atque adornant Ecclesias nec minorem circa viva Dei templa curam gerunt qualem fu-

In Epitaphio
Fabiolæ.

In fragmine
panis lib: 2.

Contra Vigi-
lantium.

Qooo

in cer-

incerta sequi, certa dimittere. quod non solum de libidine, sed etiam de avaritia atque alijs vitijs quæ vitantur solitudine, ut est inanis gloria, intelligendum monet Doctor maximus. Squadet fugam & scriptura: *fuge*, inquit, *dilecte mi assimilare Caprea & binnulo Cervorum.* Cervi & capreae timidum animal non opponunt se venatoribus, suis utique hostibus, sed pedibus salutem querunt, in quo assimilari nos iisdem necesse. Albertus secundus Imperator in numismatibus curabat sculpi signum militare contra quod hastilia oblonga ferratis cuspidibus acuminata dirigebantur. pone aderat epigraphe: *fuga victoriam nescit.* Refert id, at non approbat Typotius, satiusque id boni ominis quam veri nominis causâ dictum scriptumve putat. Nec ego approbo, fugamque non ignominiosam, sed victoriosam in prelio spirituali autumo. Imitemur itaque Christum Dominum: fugiamus Herodis Acheronteï furem, fugiamus emissarios eius, id est omnem memoratorum vitiorum subterfugiamus occasionem. Et quoniam etiam fugientes effrenata hostium nostrorum insectatur rabies; si fortè nos adoriantur tunc, exertis pugnemus brachijs, tunc toto lacertorum conatu resistamus: ut qui paulò ante vertebamus terga, resistendo fortiter, ad fugam capeffendam diabolum cum suis apparitoribus compellamus. Quod ipsum ne absque ratione monuisse videar, Doctoris Angelici adduco verba.

2. 2. q. 93. *Peccatum, inquit ille, semper est fugiendum. Sed impugnatio peccati quandoque est vincenda fugiendo ut cum perseverans cogitatio auget incentivum peccati quod fit in luxuria: quandoque resistendo, cum nimirum cogitatio productior tollit peccati fomentum quod ex aliqua levi apprehensione provenerat.* Ut porro & celerius fugiamus & fortius repugnemus hostibus nostris, unicum obiter propono consilium. Sacramento militari nos obstringamus ad fidem servandam Duci nostro cuius militiæ auctorati sumus. & quod nunquam in partes aut luxuriæ aut avaritiæ deflectemus præstemus juramentum, votum obedientiæ, cui superbia vel maximè opponitur, votum paupertatis per quod eliditur avaritia, votum castitatis per quod luxuria abjuratur emittendo aut potius semel emissum renovando. Igitur in Nomine Domini ad hocce accedamus juramentum.



C O N T R A

G V L A M.

IN hoc sacro Quadragesimali tempore nihil frequentius auditum animumque nostrum pulsat quam commonitio ad jejunium antepaschale ritè & rectè observandum. Quavis fermè die nos adinvicem exhortamur illo Ecclesiæ hymno: *Ex more docti mystico servemus hoc jejunium.* Quavis item die imploramus gratiam divinam ut idem jejunium quod animabus corporibusque curandis salubriter institutum est, devoto celebremus servitio. Et id quidem suffecerat extimulandis nobis;

nobis; quia tamen mens nostra cito tepescit, & fragilitate carnis austerior observantia relaxatur: ne quid desit officio meo, ego quoque stimulos addam ad sacram hanc exercitationem debite peragendam & devotè. Non autem hinc predicabo jejunium, cuius nimirum crebra & copiosa præconia hucusque in divino Officio legimus, sed gulam damna-
bo. Quantum enim boni virtus habeat, vitia demonstrant; clariusque fit lumen comparatione tenebrarum.

Gula, inordinatus edendi ac bibendi appetitus, non ex materia neque ex delinquentis persona (cuius enim ingenita est cibum potumque sumendi necessitas ad quotidianam corporis ruinam restaurandam) sed ex effectibus suis & rivulis perpetua scaturigine à proprio fonte manantibus derivat gravitatem. Quod enim à Sanctis Patribus dicitur *dominante gula vitio perdi totum id quidquid homines fortiter egerunt, & dum venter non restringitur virtutes omnes obrui*, id ita intelligendum esse docet Divus Thomas quod gula virtutes auferat non tam per se quam per vitia quæ ex ipsa oriuntur. Hæc porro vitia à B. Gregorio lib: 31. Moralium numerantur: *Inepta lætitia, scurrilitas, immunditia, multiloquium, & hebetudo mentis circa intelligentiam*. Omnia hæc velut rivi ex alveo aluoque ingluviei prodierunt. Enimvero ex immoderatione cibi potusve gignitur in anima primum hebetudo mentis circa intelligentiam, propter fumositates ex ventriculo infarcinato ascendentes cerebrumque obfuscantes. Unde Hieronymus Sabiniano Diacono, qui velut victima in propriam mortem saginabatur, ne quidem comedorum & lyricorum scripta mimorumque & Lentulorum præ nimia cordis hebetudine intelligenda concedit. Gulosus quisque pistillo retusior est, minusque sapit scriptoribus dithyrambicis. Gignitur ite inepta lætitia, propter appetitus humani depravationem sopito rationis gubernaculo. Dum namque ligatur ratio, passiones prævalent ac efferantur quæ ad lætitiā aut tristitiā, vel maximè trahunt. Hinc illa temulentorum intempestiva gaudia, choreæ, cantus, tripudia varijque illepidi & insulsi lepores. Gignitur insuper scurrilitas hoc est stulta jocularitas quæ risum movere solet: quia ob immoderationem memoratam deficiente rationis gubernio, actus gestusque exteriores maturitatis & modestiæ terminos, egrediuntur ut inconditos cachinnos excitent. Quare communis fert pœmia, *vinum carere clavo*, id est ebrietatem nihil consulte, nihilque moderatè facere. Siquidem per eam opprimitur ratio, quæ clavi instar sobrios moderatur & gubernat. Tandem gignitur multiloquium, quia dum deficit rationis potestas & usus, lingua liberiùs vagari incipit. Recte Herodotus: *Subsidente vino supernatant verba*. Et Plautus: *Quando saburrati sumus, largiloqui sumus*. Sobrios namque aut metus aut pudor cohibet ne proferant ea quæ iudicium reticenda dicat: at temulentia & timorem abigit, & pudorem discutit. Inde fit quòd etiam ij, qui ad loquendum instar Grunnij testudineo incedunt passu & singultire magis quam proloqui videntur, si meraciore ac largiore potu incalescant, garrulos obstreperosque se præbent ac inter phialas Carneadum more in utramque partem & pro iustitia & contra iustitiam philosophantur. Hæc in anima depravationes ex gula rationis lucernam contenebrante eveniunt: in corpore autem immunditia & putida illuvies contingit dum innaturalis quarumcunque superflu-

Gula quid & unde gravitatem habet?

Filiæ gulæ quot & quæ?

itatum fit excretio & præcipuè titillantis humoris ex vertebra decidui emissio.

Species & motiva refræmandæ ventris concupiscentiæ alibi obiter perstricta. nec repetenda duxi quæ alio in loco vel strictim posita. Hic igitur non jam promiscuè de edendi bibendique cupiditate, sed de solo sobrietati opposito vitio sermonem persequar ut quod & frequentius sit & perniciosius, quia, ut ait Aquinas, *etiam modicus excessus in potu inebriare valente multum ledit nam impedit usum rationis magis quàm immoderatio in cibo.*

Ebrietas quid

Est autem ebrietas, si nominis etymon spectes, excessus in mensura; bria enim mensuram significat. Naturam ipsius Doctor Angelicus hac manifestam reddidit oratione: *Est inordinata concupiscentia & usus vini aut alterius potus inebriantis.* Sancti Patres ebrietatem suis depingentes coloribus, passim eam vocant dæmonium, dæmonem blandum, dæmonem voluntarium; ut proinde ebrius omnis energumeno non sit absimilis. Et profectò nunquid non credes arreptitium esse, qui potu madidus est, si sobria mente oculisvè eum attenderis. Ineptissime cachinnatur, vociferatur, ululat, malo obsessus genio: idem facit temulentus. Spumat arrepticus & plerumque immundas ejicit ex ore feculentias: idem facit temulentus. Hinc Hieronymus acri sale perstringit Vigilantium eundemque Libero Patri assimilat propter ebrietatem & cantharum ex humeris dependentem semperque rubentem faciem & spumantia labia. Agitat se arrepticus ut vix validis tenentium lacertis possit coerceri; & ebrius lymphati instar sese huc illuc jactat ac histrionum more nunc Herculem robustus ostendit, nunc mollis in Venerem frangitur, nunc tremulus in Cybelem. Risum frequenter movet dæmoniacus jam gesticulationibus jam motibus dictisvè scurrilibus: & potu plenus, scurrarum mores effingere solet, factisque & effatis procacibus risum excitat. Denique tali agitatore hoc est dæmone infestus homo, quid aliud quàm quod dæmon coegerit, lumine rationis obtenebrato operatur? motus, locutio, status, incessus, omnia dæmoniaca: similiter & vino aut sicera obrutus, excussò è sede sua judicij naturalis imperio, illud loquitur quod ad buccam ut vulgo dicitur venerit; illud cogitat quod imaginatio obtruserit; illud facit quod passio compulerit. Mens, oculus, manus, vox, obliqua omnia. Inde vides quòd sicut arbor fructum, sicut ignis calorem, sicut morbus imbecillitatem, denique, sicut causa effectum; ita ebrietas omnia alia antecellit vitia: hæc enim dæmonis sunt parturitiones; illa dæmon ipse. Sed ex scriptura sacra, quæ est firmamentum veritatis, mali de quo disputo cognoscamus enormitatem.

Scriptura contra ebrietatem.

Primæ ad Corinth: 6. buccina Apostolica concrepat: *Neque fornicarij, neque idolis servientes, neque molles, neque masculorum concubitores, neque avari, neque adulteri, neque ebriosi regnum Dei possidebunt.* Noscitur ex socio, qui non cognoscitur ex se. Videte, ait D. Augustinus, *ebrietatem cum predictis vitijs jungi.* ac si diceret: quia cum predictis sceleribus jungitur, non minoris reatus censenda est: & sicut atrocia illa flagitia non habent hæreditatem in regno Christi & Dei; ita neque comes ipsorum in bibendo luxus. Quomodo jam parvum aut nullum est peccatum comessatio ut vesana suisque nimium indulgens amoribus judicat opinio.

si in tan-

si in tantorum flagitiorum cernitur choro, si adulterio & contranaturalibus facinoribus associatur, si regni cœlestis in quod nihil coinquinatum subintrat, denunciatur exfors utpotè immunditiæ mater. Et tamen tanta facilitate quin imo tanta infelicitate inebriant se homines, quia putant ebrietatem, aut parvum, aut nullum esse peccatum.

Decreta.

Haud levem censuerunt Apostoli ebrietatis malitiam, qui rigidam hanc reliquerunt sanctionem: *Episcopus aut Presbyter, aut Diaconus alea vel ebrietati deserviens, aut desinat, aut deponatur. Subdiaconus autem, aut lector, aut Cantor, aut Laicus similia faciens, aut desinat, aut communione privetur.* Nec mirum ab Apostolis istam emanasse sententiam cum etiam Philosophus 3tio Ethicorum ebrium mereri duplices maledictiones judicaverit. In Decretalibus quoque distinctione 35. ante omnia Clericis vetatur ebrietas quæ omnium vitiorum radix & nutritrix est. Et particularia religionis nostræ sancita graves intentantia pœnas ac infamiæ supplicium, abominandam temulentiae indicant enormitatem. Non conqueramur de lege, sed doleamus quòd hanc legem meruerimus. Cauterium bonum est; quò tamen mihi vulnus ut indigeam cauterio! Provida severaque legis tam communis quam particularis cautio: & tamen nec sic nostra refrenatur intemperantia. Per varias expositiones & ex nostro profectas cerebro glossas legibus illudimus & quasi maiora sint ventris demonisque imperia quàm Christi iussu; illa facimus, hæc contempnimus.

Si non terret ipsa ebrietatis turpitudine, si non terrent scripturarum Canonumque & scitorum particularium comminationes, saltem exempla salubri metu cor durum concutiant. Ne verò longum faciam, veteres alienasque nolo replicare historias: unam duntaxat quæ in Religione nostra gesta est narrabo fabulam. Frater quidam Conversus raro mentis suæ compos, quia rarò sobrius, non semel de vitandis meri calicibus tam pœnis severè quàm verbis comiter admonitus dum nec temperat, nec obtemperat, una noctium pocenio largius hausto ad cubandum progressus, diluculo sequenti, intorta cervice subtus lecticam mortuus inventus est aspectu tam horribili ut nonnisi à demone interceptus crederetur. profanoque deinde sepulchro absque solitis Christianarum precum suffragijs intumulatus. Exemplum unius sit doctrina omnium & alieno malo sapiamus; ne simili morte madentem animam exhaelemus siti rabida in gehennæ cruciandam incendio.

Exempla.

Annales lib: 2
Cap: 34.

Hieroglyphicū

Vetustas ingeniosorum commentorum magistra ebrietatem eiusmodi simulacro effigiavit. Puerum pinxit cui facies muliebris, pectus nudum, frons cornibus asperata, caput vitta ex vite coronatum, tygris vehiculum; Bachi nomen indiderunt Poëtæ. Qui vult edere nucleum, frangat nucem. Pariter ex figmentis Poëticis, qui utilitatem desiderat capere, sub cortice literæ latentes querat sensus. Pueri forma pingitur ebrietas: ebrius enim omnis repuerascit & qui per ætatis dignitatem, censoriam in alios virgulam gerere deberet, ipse ad nuces, ad nugas, ad gerras redit pueriles. Facie muliebri: quia è virilis & masculæ mentis maturitate ad muliebrem deijcit mollitudinem. Pectore nudo; quia nullum secretum, ubi regnat ebrietas. Fronte cornuta: quia addit cornua pauperi post se neque apices Regum nec fera bella Ducum timenti. Vite coronatur: ebriosus enim in poculorum nocturnis diurnisque certami-

Pppp

nibus

nibus triumphare laborat, & in evacuandis calicibus suam commonstrat fortitudinem. Tygride vehitur: fortè ideo gestatricem hanc appinsit ebrietati antiquitas, quia *tumultuosa res vinum* & inter pocula sanguineæ suscitantur rixæ. *Cui enim va, cui suffossa oculorum, cui sine causa vulnera: nonne bis, qui commorantur in vino & student calicibus epotandis?* Propius accessero ad intelligentiam huius commenti si per tygridem, diabolum accepero. Hic namque sævissima ac velocissima bellua est portans unumquemque bibonem ad stagna infernalialia igneis redundantia lacunis ut ibi satiatur calido & sicco, qui hic frigido humidoque satiari non valuit imò non voluit. Revocate in memoriam quas audistis vel legistis historias & vera esse quæ dicuntur probabitis. Mercatoribus de immortalitate animæ inter cyathos stulta dicacitate confabulantibus apparuit institoris habitu dæmon & cum uno eorum de anima licitatus & pactus; cumque ille qui venalem animam habuit, stipulato vino imò pretio animæ suæ jam esset plenus, raptus à diabolo est atque in infernum asportatus: dicite an non tygride vectus hic potator? Sedit ad multam noctem hilarisque frequentes epotabat amnistides, *invectus manè est mortuus Andragoras*: dicite si non in tygride ad regna Acherontea equitavit? Alius dum Lapitharum more jurgia suscitavit, inter sanguinem uvæ meracissimum, suum profudit sanguinem: tygride vectus & hic: ut taceam de ijs, qui hemitritæ, qui aqua intercute, qui phtisi aut quocunque alio morbo consumpti sunt authrice corruptionis temulentia: ut item taceam de illis, qui præcipitio & lapsu cum Elpedoro colliduntur, singuli epitaphio sequenti digni:

*Non esset Nympha tam magna pericula passus,
Si potius vestras ille bibisset aquas.*

Martialis.

Oraculum est: *Propter crapulam multi perierunt.*

Sequuntur
prolepses.

Ebrietas quia
privat homi-
nem usu ra-
tionis, expo-
nit eundem pe-
riculo peccan-
di mortiferè.

Assurgat hic aliquis & ad minuta leviaque peccata reducendam contendat ebrietatem, eò quod nequeamus discernere an potus in hac aut illa quantitate haustus, sit nobis immoderatus & quod ignoremus fortitudinem ipsius credamusque non nociturum habitudini nostræ. Assentior & ego, aut nullum aut leve delictum committi, si nescientes vel prudenter æstimantes non esse immodicam aut soporativam potionem respectu nostri quam sumimus, ab eadem absorbeamur. Solumque eum peccati lethalis cum Doctore Angelico condemnò, qui esto bene novit liquorem in ea quantitate acceptum esse sibi excessivum atque inebriantem, nihilominus sciens & volens sese ingurgitat, sicque periculo peccandi se exponit propter affectatam obtenebrationem capitis, usque rationis amissionem, quo solo fit ut homo declinet à malo & faciat bonum: qui porro periculo se exponit peccandi lethaliter, eo ipso lethaliter peccat. Assentior ut dixi libensque concedo. sed dic mihi quisquis hac vana tibi blandiris argumentatione, quomodo possibile est ut non sciens volensque ebrietatem incurras, non data opera te prives rationis usu, qui crebro qui de die in diem Lyæo aut filigineo, mades latice cuius potentiam toties expertus es, simulque tuam ad emotionem mentis habilitatem?

At nunquam me de statu mentis per quaecunque inbibendo immoderamen dimotum memini, nunquam in bestiam degeneravi: semper integram illamque retineo rationem. Si ita est, cur ergo lingua balbutit, cur oculi fumosis repleti spiritibus cernere haud valent imò verò du-

Ebrietas ef-
fectus.

rò duplicata conspiciunt obiecta & plerumque vorticosa quædam & rotatilia se coram circumagi mirantur? cur manus per curvos ceræ trames errantem stylum ducit, cur pedes nutant lapsantemque corporis molem vix queunt sustentare? *Capite bene sano omnes sensus vigent* ait Hieronymus. E conversò igitur si sensus languent ac deficiunt, si oculi non vigent puro lumine, si pedes non imprimunt certa vestigia, si auditus non penetrabilis, si linguam ligarunt vincula, scito, te capite male sano esse. Deinde si semper constas tibi ipsi, cur edormita crapula de tuis factis dictisque erubescis? Cur tibi ea libertas mane displicet, qua serò inter pocula regnabas?

Ad Paulinum

Atqui ad hilaritatem necesse interdum liberaliorem haustum accipere. alias perpeti jejunio & abstinencia, humore cellarum, solitudinis tedio, ac nimia lectione dum diebus ac noctibus auribus nostris personamus, vertemur in melancholiam & Hypocratis fomentis indigebimus. Etiam hîc faveo. Ad jucunditatem vinum creatum est, cur itaque letificandi cordis gratia non sumatur? at caute parceque sumendum. Tres botri è vite enascuntur: Primus necessitatis, secundus hilaritatis, tertius fatuitatis seu furoris. Videas velim ne à necessitatis subsidio ad hilaritatis lenocinium progrediens, ab hoc ad fatuitatem furoremque cum mero bibendum prolabar. Et ne soli inebrianti calici virtutem exhilarandi falsa inesse putes opinione, dabo meroris depellendi consilium ex Apostolo. *Nolite, inquit ille, inebriari vino in quo est luxuria, sed impleamini Spiritu sancto loquentes vobismetipsis in psalmis & hymnis & cantionibus spiritualibus cantantes & psallentes in corde vestro Domino gratias agentes semper pro omnibus in nomine Domini nostri IESU Christi.* Quid est quod post dehortationem ebrietatis impleri suadet Spiritu sancto Apostolus per spirituales concentus atque orationes? satis fortasse erat maiorque locutionis ordo atque coherentia si dehortatus crapulam, sobrietatem atque jejunia dilaudasset. Sed eximia est in dictis Apostolicis rerum consequentia & alterum pendet ex altero. Sensus verborum Apostoli est: si letari vultis, si frontem exporrigere, si pulsas tristitiæ nebulis animum serenare, non *generosum & lene requiritis quod curas abigat quod cum spe divite manet in venas animumque vestrum, quod verba ministret.* non vino vos impleatis verum Spiritu sancto, mero videlicet divino, quo repleti Apostoli, cum magnalia Dei personarent impavidi, musto madere credebantur à perfidis. Actiones porro seu exercitia in quibus debeatis impleri Spiritu sancto sunt psalmi, orationes, gratiarum actiones. In his calix inebrians & præclarus offertur: vinum ineffabili dulcedine atque jucunditate perfundens hominem propinatur: hîc modum excedere licet: hîc mensuram non servare conceditur: hîc inebriari gestireque præ letitia datur nobis potissimum, qui in officio psalmodiæ continui sumus. *Vis, inquit D. Chrysostomus, letari? vis diem hilaris consumere? ego tibi dabo potum spirituales. Psallere discas & videbis rei jucunditatem. Implentur enim Spiritu sancto, qui psallunt: quemadmodum spiritu immundo, qui Satbanicas cantiones modulantur.*

Vinum letificat cor hominis: sed magis cantiones spirituales.

Ad Ephes: c. 5

Horatius.

Adhuc mihi quispiam variorum è quovis statu obtrudat exempla in sui defensionem, producat mihi illud: *Narratur & prisce Catonis saepe mero caluisse virtus.* dicat: nunquid solus ego in bibendi necessitate

Horatius.

In Confess:

mensuram transgredior? nunquid multi in orbe Augustini, qui coram Deo protestentur: *Ebrietas longe est à me; misereberis ne appropinquet mihi.* Væ nobis, væ nobis, qui fœda peccandi solatia usurpamus! Nihil omnino agimus, qui nos per multitudinis exempla defendimus & aliena numerantes vitia, deesse nobis dicimus quos debeamus sequi. Tot sanctitatis sobrietatisque viva habemus prototypa, & eis neglectis æmulamur in malignantibus, & facientes iniquitatem imitamur; cum tamen nunquam exemplum à malis sumendum sit, etiamque in sæculi rebus à meliori parte incitamenta sint virtutum. Multitudinem peccantium in lenimen peccandi suspicimus quasi verò turba pereuntium minuat scelus, & non numerositate lignorum maior gehennæ flamma succrescat.

Martialis,

Omnes quidem hæc sermonis mei suadela afficit, nihil obstante illo disticho: *Siccus sobrius est, Aper, quid ad me? servum sic ego laudo non amicum.* In Philosophia enim Christiana sobrietatis præceptiones, omnibus instillantur sive sint amici, sive servi, sive famuli, sive Domini, sive cuiuscunque tandem conditionis sexusvè homines: præcipuo tamen nomine ad Religiosos & quosvis sacris initiatos viros attinet, si fides Doctori Angelico qui ait: *Omnibus Ecclesiæ ministris qui mente devota spiritualibus officijs insistere debent, specialiter sobrietas indicitur.* Quæso tamen ne quotquot adestis generalem contra vitium disputationem in propriam referatis contumeliam: neque in monitorem maledicta congeratis: qui etsi iisdem teneatur criminibus, certè in eo bonus est quod sua ei mala non placeant. Non ego hic pro tribunali sedeo nec quemquam damno aut gladio pœnæ plectere volo; quinimo ne ad hunc stringendum pervenire rigoremque statutorum & ordinationum assumere compellar, exhortatorem per universales invectivas & noxarum insectationes pro officio meo ago non tam jubendo quam docendo, magisque movendo quam minando, facilis semper *parcere personis, dicere de vitijs.*

Marr:

Contra Vigilantium.

Ne ergo graventur corda nostra in crapula & ebrietate. Comestationes, comotationes omnisque immoderatio in edendo bibendoque gentiliū sunt atque eorum, qui ut fidem, ita & curam immortalitatis nullam habent. imò verò etiam inter gentiles odiosa erat gastrimargia; alias inclutus Orator non suavisset: *Tantum cibi & potationis sumendum ut reficiantur vires non ut opprimantur.* nec moralis ille Philosophus dixisset: *Pudeat tantum ingerere ut non possis digerere: nec stomachi tui scire mensuram.* Vates quoque non lussisset: *Sextiliane bibis quantum subsellia quing, solus: aqua toties ebrius esse potes.* Comi cultoribus aut Epicuri discipulis luxum bibendi relinquamus: nos frugilitas in victu decet. Vigiliis diaboli (nocturnos confessus sic vocat Hieronymus) diabolo ejusque membris reservemus: nos vigilare in hymnis & canticis oportet. Canes in Ægypto dicuntur parcissime aquam bibere de Nilo extremaque tantummodo linguâ lingere propter metum venenatorum animalium sub undis latitantium. Eadem nobis perdiscenda parcitas nè veneno latentis luxuriæ aut aconito scurrilitatis & immunditiæ inficiamur. *Quidquid facit seminarium voluptatum venenum puta,* ait sacri nominis Doctor. Pluvia illa optima est quæ sensim descendit in terram; subitus & nimius imber in præceps arva subvertit: sic se.

sic se habet moderata atque immoderata potio. Si quid ergo in me consilij, si qua sobrietatis laus, si quod studium regni cælestis; hoc primum & ultimum moneo ut servus Christi potum inebriantem fugiat velut venenum, quatenus sobrie juxta pieque vivendo atque in vinea DEI, de qua hodiernum legitur Evangelium, laborando mercedem consequatur æternam.



C O N T R A I R A M.

Dies hodierna, dies est institutionis sanctissimi Sacramenti. Hodie enim Christus Dominus in mortem à discipulo suis tradendus æmulis, prius in vitæ ferculo se tradidit discipulis. Admirabilis prorsus bonitatis amorisque commento, ut per ipsum viveremus non solum pro nobis mori dignatus est, sed etiam eiusmodi epulum nobis morituris reliquit quod fumentes vitam spiritualem imò & naturalem restauraremus. Unde in admirationem raptor cur Judas, qui ad Sacratissimum hoc ferculum accesserat, non vitam aut mortem ex eo reportavit finalem. Utique poenituit de suo enormi proditoris flagitio: insuper pretium sanguinis restituit: cur itaque & temporalis mortis infamiam & æternæ damnationis incurrit atrocitatem? Unicam causam invenio, quia totus amarulentus, totus fermento malitiæ & indignationis contra Christum Dominum acens salutarem accepit buccellam. Hæc causa, hæc ratio est ob quam non antidotum vitæ, sed venenum perditionis ex Sacramento hausit: sicut etiam cibi materialis in cholera sumptio temperamento vitæ humanæ noxia & perniciosa est. Ne ergo nos quoque judicium ac damnationem manducemus ac bibamus quoties ad divinam mensam accumbimus, caveamus amarulentia & indignatione adversus aliquem rancescere. Et quia malum quod ignoratur non cavetur, iræ naturam gravitatemque in præsentiarum digito quasi monstrare volo, mitissimi Salvatoris nostri & qui hodie vel maxima suavitatis ac mansuetudinis monstravit argumenta, fultus auxilio.

Ira, vindictæ appetitus, & bona & mala esse potest. quia vindicta & bene & male potest appeti. Quocirca D. Gregorius lib: 5. Moralium dividit iram in eam quæ est per zelum & hæc laudabilis est, quia famulatur rationi, juxta modum loquendi scholasticis usitatum, consequenter se habendo ad rationem: & in eam quæ est per vitium. & hæc damnabilis est, quia imperat rationi præcurrendo ipsam & detorquendo à sua rectitudine. *Ira per zelum*, ait idem Divus Gregorius, *turbat rationis oculum, sed ira per vitium excæcat*. Eandem partitionem adhibet D. Thomas in hunc modum philosophans. Ira passio quædam est: passio autem appetitus sensitivi in tantum est bona in quantum regulatur à ratione; si verò rationis ordinem excludat, est mala. Porro ordo rationis in ira potest attendi vel penes id quod in

Natura iræ?

*Ira per zelum
& per vitium*

2. 2. q. 158.

Ordo rationis
dupliciter in
ira violatur,
vindictam ir-
rationabili-
ter appeten-
do & modum
irascendi non
servando.

prædicta animi affectione appetitur nempe penes vindictam: vel penes modum irascendi, quantum ad primum, si aliquis appetat ut secundum rationis ordinem fiat ultio, laudabilis est ulciscendi libido vocaturque ira per zelum; si autem appetat fieri vindictam qualitercunque etiam contra moderamen rationis, puta, si velit puniri eum, qui non meruit, aut non legitimo puniri modo, aut non propter debitum finem, qui est conservatio iustitiæ & correctio culpæ, erit appetitus iræ vitiosus, qui nominatur ira per vitium. Quantum ad secundum: si motus iracundus nec interius nec exterius immoderatè efferuescat, servabitur rationis ordo: quodsi immoderatè, non erit ira absque peccato etiam in appetitu iustæ ultionis. De ira per zelum accipiendæ sunt Sanctorum Patrum sententiæ iram commendantes, qualis est illa Divi Chrysostomi super Matthæum: *Si ira non fuerit, nec doctrina proficit, nec judicia stant, nec crimina compescuntur.* Quidquid ergo obiurgationis hoc sermone fundetur, totum contra iram per vitium detonabit.

iracundorum
triplex classis.

In expositione
summæ Divi
Thomæ.

Philosophus 4. Ethicorum iracundiam in tres secat species, dum iracundorum quosdam vult esse acutos, quosdam amaros, quosdam difficiles. Explicat Doctor Angelicus dicitque acutos eos vocari, qui nimium cito accenduntur, & ex qualibet levi causa, seu ut Caietanus ait, non expectata rei discussione moventur illico ad appetendam inordinatè vindictam. amaros illos, qui ex reminiscencia injuriæ sibi illatæ diutinam concipiunt tristitiam, ideoque sibi ipsis sunt graves & amari. difficiles, qui obstinato animo quærunt vindictam nec desistunt irasci antequam se ulciscantur. Infamem capitalis vitij prærogativam habet, quia certas gignit animæ corruptiones, idque ex suo innato impetu & furore quo mentem præcipitat ad pessima quæque agenda. Gignit vero rixam, tumorem mentis, contumeliam, clamorem, indignationem, & blasphemiam. Mali corvi, mala ova. Ira vel est in corde vel in ore, vel in opere. In quantum est in corde, binas pestes generat, indignationem & tumorem; illam quia eum cui irascimur, indignum reputamus tale quid facere ex quo stomachandi oriatur occasio; hunc autem, quia irascens varias ultionis vias modosque voluit mente ac revolvit: hic enim tumor mentis non pro superbia capitur at pro conatu vel audacia hominis machinantis vindictam. In quantum est in ore, tria producit vitia: clamorem, contumeliam, blasphemiam; clamorem in vociferando, clamor namque est inordinata cum elevatione vocis locutio; contumeliam, faciendo ut iratus prorumpat in verba injuriosa contra proximum; blasphemiam faciendo ut effutiat verba injuriosa contra Deum. Ira ad factum pertingens procreat rixas juxta iHud Proverb: 29. *Vir iracundus provocat rixas.* per quas intelliguntur omnia nocumenta quæ facto proximis inferuntur.

Malitia ire
ostenditur ex
scripturis.

Natura vitij huius sic expensâ videamus quid scripturæ de illo sentiant. Proverb: 27. dicitur: *grave est saxum & onerosa arena: ira vero stulti utroque gravior.* Job: 5. *Virum stultum interficit, iracundia.* utrobique stultus nominatur, qui in iram efferuescit, *nunquid enim sapiens implebit ardore stomachum suum.* Sacris paginis profana adstipulatur eruditio. Satyricus enim canit: *Stultitiâ ne erres, nihilum distabit, an ira?* Stultus equidem est omnis iracundus, quia suam spirat mortem, suum quærît in corpore & in anima interitum: in corpore quidem, quia

dem, quia juxta Ecclesiasticum cap: 30. *zelus & ira minuent dies. in anima vero quia ut Proverb: 29. habetur, qui ad indignationem facilis est, erit ad peccandum proclivior.* Quare Psaltes psalmo 36. hortatur unumquemque nostrum, *desine ab ira & derelinque furorem: noli emulari ut maligneris. quoniam qui malignantur exterminabuntur.* Quid verò est quod David, noster ille Simonides & Pindarus, qui alibi permiserat irasci, *insemini & nolite peccare,* hic sub interminatione exterminij vetat? nunquid sibi contrarius est? minimè. Iram per zelum quæ vitis inimica est & rationi etiam in modo irascendi obsecundat, commendavit suavitque alibi, hic iram per vitium fugiendam monet. *Desine ab ira & noli emulari ut maligneris.* hoc est ut male indigneris? Cur id? quia omnes, qui malignantur, exterminabuntur. id est, exterminabuntur, pellentur, ejicientur, tanquam indigni, qui eam calcant. Exterminabuntur ex loco hoc hominibus brutisque communi quia præcoci fato vel inter iurgia excitata vel inter biliosarum agritudinum violentias extinguuntur. Exterminabuntur item, quod incomparabiliter miserius, ex terra illa quæ est solidus & æternum duraturus beatitudinis ac beatorum status, quam soli hæreditabunt sustinentes Dominum, hoc est, vindictam non querentes, non se ulciscetes, verum proximo quidem omnem offensam condonantes, Deum autem judicem ac vindicem salvo affectu & dilectione proximi expectantes.

Veteri scripturæ pondus accedat ex novo instrumento. Apoc: 8vò ad clangorem tubæ secundi Angeli tanquam mons magnus igne ardens missus est in mare. Per montem vel tanquam montem signatur diabolus, qui in se tumefactus, in immensum excrevit dum divinam sublimitatem expetivit dicens: *Ascendam super altitudinem nubium.* Mare, est figura baptismi & totius Ecclesiæ ex baptismo regeneratæ. Diabolus ergo ardens igne furoris & iracundiæ lapsus in mare hoc, quid effecit? infecit tertiam partem maris ita ut sanguis fieret. Per sanguinem in scripturis peccatum intelligitur; hic autem specificè intelligitur peccatum iræ. quid enim verò hæc aliud est nisi sanguis circa cor bulliens. unde à Damasceno sic pingitur: *Est fervor eius, qui est circa cor sanguinis ex evaporatione fellis fiens.* Infecit itaque diabolus rabie & furore iracundiæ tertiam partem fidelium. Quis porro ultimus eventus? *& mortua est tertia pars creaturarum quæ habebant animas.* id est, quæ vivebant non modò vita naturæ, sed etiam vitæ gratiæ, vivebant in mari, intra Ecclesiam. En claret, iram fatuitatem ac imprudentiam esse & corporeæ & spiritualis machinatricem mortis.

A scripturis ad sanctos Patres inoffenso pede transeamus. D. Basilii ait: *Si semel perturbatio ira, mentis principatum, anima imperium, sumpserit, hominem in feram convertit: neq; hominem, qui rationis sit compos, esse finit.* D. Chrysostomus inter iram & insaniam nihil differre censet & brevem quemdam dæmonem imò dæmonio graviolem appellat iram. Idem postquam flavam bilem ruptâ pellicula qua circumdatur grassantem in corpore humano, & omnibus membris atque humoribus bellum indicentem comparasset cum fera sævissima quæ quamdiu tutis continetur carceribus etiam si ferociat & immanè rugiat, nemini tandem damnum inferre potest; si vero invalescente furore obiectos repagulos perfringat atq; exiliat, mox urbem magno tumultu atq;

Q q q q 2

ruina

Ex SS. PP. a.
pud D. Thom:In Cap: 4. ad
Ephesi.

ruina adimplet, facta inquam hac compratione subiicit, ad hoc narrationem eiusmodi institutam esse ut à sensibili illa amaritudine intolerabilem amaricatæ mentis malitiam discentes experientiam ipsius fugiamus, cum in barathrum gehennæ captum hominem abigat. Hac assimilatione id vult S. Doctor quod sicut non terret leonis rugitus, nec rancatio tyeridis dum in caueis & specubus sub fortissimis tenentur repagulis; ira & ira gubernio rationis clathrata, innoxia est: at cum soluta fuerit, nocentissimè debacchatur. Glossa in illud Proverb. 29. Vir iracundus provocat rixas, hæc habet: *Ianua est omnium vitiorum iracundia, qua clausa virtutibus intrinsecus datur quies; aperta autem, ad omne facinus armabitur animus.* Neque id hyperbolicè dictum arbitreris. Nam Doctor Angelicus testimonium hoc discutiens subscribit eidem, dum asseverat iram esse per accidens januam omnium vitiorum removendo scilicet prohibens, hoc est impediendo iudicium rationis per quod retrahimur à peccato. *Ira namque, ut ait Gregorius 5. Moralium, intelligentiæ lucem subtrahit cum mentem permovendo confundit.*

Epist. 2da.

Quam scripturarum & sanctorum Patrum damnat authoritas, etiam seculi disciplina condemnat. *Ira furor brevis est: (Horatius occinit) animum rege qui nisi paret, imperat: hunc franis hunc tu compece catena.* Et: *Iudus genuit certamen & iram. ira truces inimicitias ac funebre bellum.* Athenodorus valesaciens Augusto imperatori hoc ei reliquit monumentum: *Cesar cum iratus fueris, ne quid dixeris fecerisve priusquam Græcarum literarum viginti quatuor nomina apud te recenseris.* Volebat Philosophus hoc consilio docere, longè præter rationem esse ea, quæ fiunt quando rancor in corde æstuat. Uti enim homo ebrius nihil prudenter ac judiciosè agit & cuius postea non poeniteat; sic & turbatus excæcatusvè fumo huius passionis. Licet etenim ei videatur justum rectumvè quod nunc facit, cum nihilominus animi impetus resederit, injustum esse fatebitur, atque de suis impetuosus erubescet motibus.

Plutarchus in
apophthegma-
tibus.Media ira re-
frananda.

Qua igitur ratione malo huic tam enormi medebimur? Rabies morbus est admodum periculosus imaginativam vehementer turbans facultatem. Qui enim ex morfu canis rabidi contraxit hanc ægritudinem videtur sibi videre in aqua, peculiari rabiosorum remedio, canem mordentem & dentibus stridentem: ad quem aspectum infirmus magis commovetur furit ac ringitur, morbo in vetustatem atque incurabilitatem ampliùs atque ampliùs vergente. Universalis medela rabiei hæc præscribitur, ut imaginatio, rationis lumine corrigatur dicaturq; cum Philosopho: *quid cani cum balneo?* atque ut infirmus dum ei unda obijcitur, non in illam, sed in medicum vel amicum adstantem defigat oculos. Ira præcipue flagrantior, rabies est animi cui curandæ opportunissima ac saluberrima est aqua divinæ legis, divinorum verborum, qualia sunt: *Ego autem dico vobis diligite inimicos vestros: Et: Qui irascitur fratri suo, reus erit iudicio.* Ast iracundi ad intuitum salutaris istius aquæ, ad lectionem vel auditionem horum similiumque verborum magis turbantur fremunt excandescunt, eò quod videantur sibi videre canem in hac aqua, hoc est inimicum suum quem cane peius & angue oderunt. Quid, ergo consilij capient? corrigere necesse habent imagi-

natio-

nationem suam ut non canem putent, sed fratrem quem ut canem apprehendant: *plerumq; enim fratrem odisti & hostem putas.* Corrigant imaginationem suam: & non existiment ex contemptu hoc illudve sibi factum nocumentum, verum ex ignorantia aut passione. Tripliciter namque contingit nocumentum alicui inferri: ex ignorantia, ex passione, ex electione. Si sciamus aut credamus ex alterutra anteriorum causarum irrogatam nobis esse noxam, vel non succensemus nocenti vel minus succensemus: quoniam agere aliquid ex ignorantia passionevè diminuit rationem injuriæ imò est provocativum misericordiæ & veniæ juxta Aristotelem secundo Rhetoricorum. Si verò ex electione & industria certaqué malitia injuriam nobis afflatam persuasi simus, justam quidem indignationis habemus materiam, nihilominus ubi imaginationem correxerimus non efferuescemus. hoc est, postquam nos reflexerimus quòd juste patimur, quòd ista vexatio non ab homine, sed à Deo justissimè flagellum linguæ alienæ aut aliud quodpiam nobis impingente procedat, tymosim omnem, omnem comprimemus furorem; quandoquidem indubitatum est quod ait Philosophus: *Si homines putaverint se justè passos non irascuntur.* Non enim ira fit ad justum; quia hæc semper sub ratione justii vindicativi fertur in id quod sibi injuste factum est aut taliter factum videtur esse. ideo Princeps Romanæ eloquentiæ ultra definitionem initio adductam hac orationis structura expressit iram: *Est libido puniendi eius, qui videatur lesisse injuriâ.*

Non irascimur, quando credimus ex ignorantia aut passione nobis factum esse nocumētū

Nō irascimur item si justè nos vexari perpendamus.

4. Tusculan: quæst.

Quod dixi, planius per exemplum efficiam. 2. Regum 17. David declinans à facie filij Absalon dum ex urbe egreditur obvium nactus hominem quendam rabidum, insigni ab eo impetitur contumelia: probrosis vocibus, injuriosis clamoribus imò & lapidibus excipitur. *Egrede-re, aiebat ille, vir sanguinum, vir Belial, egredere:* mittebatque contra eum lapides. Abisai ad latus Regis incedens tantum læsæ maiestatis non valens ferre crimen, *quare?* inquit, *canis hic maledicit Domino meo Regi: vadam & amputabo caput canis istius.* Rex æstum Abisai cōpressurus, *dimitte,* ait, *eum, præcepit enim ei Dominus ut malediceret David.* Quid est quod Abisai turbatur & incalcescit iracundiâ, David autem quem directè injuriæ illæ petebant, mansuetissimus & absque ulla commotione in sua mentis perseverat tranquillitate? nimirum Abisai imaginabatur illum injuriantem ut canem, dignum mactari, dignum in Gemonias trahi atque inde præcipitari: injustè Regem morderi & proscindi putabat: Rex verò ut fratrem, imò ut divinæ voluntatis diviniq; mandati ministrum considerabat seque justissimè affligi recogitabat. O felices Christianos! o felices nos Religiosos! si hanc philosophiam à David disceremus. Affine si non idem medium reprimentæ iræ proponit Divus Chrysostomus in hæc verba: *Quomodo igitur furorem subigemus, quomodo flammam hanc extinguemus? si nostra ipsorum delicta perpenderimus quantum obnoxij simus Deo: si cogitaverimus nos hoc pacto vindictam sumere non de hoste, sed de nobis ipsis: si consideraverimus, qua lætitia diabolus exilaremus hostem illum nostrum, qui revera hostis est cuius gratia injuriam membro nostro faciemus. Vis esse memor injuriarum & hostis? hostis esto diaboli non membri tui. Propterea Deus irâ nos armavit non ut adversum corpora nostra stringamus & impellamus gladium, sed ut universam macharam in ipsum diaboli pe-*

Rrrr

ctus im-

Etus immergamus. Huc intro poteris capulotenus abdere ferrum. Quin si voles & capulum ipsum: nec unquam inde gladium evellas, sed alium insuper addas.

Humilitas nō finit irasci. Iræ irritamentum est parvipensio: cuius tres species numerantur à Principe Philosophorum. scilicet despectus, epireasmus id est impedimentum propriæ voluntatis, & contumeliatio. Ad hæc tria capita reducuntur universa stomachationis incentiva. Idcirco Philosophus iram definivit esse *appetitum cum tristitia punitionis propter apparentem parvipensionem non convenienter factam.* Parvipensio enim excellentiæ è diametro opponitur & ideo quodcunque nobis nocumentum arrogatur, in quantum excellentiæ derogat, ad vilipensionem videtur pertinere. Quocirca si fuerimus humiles, si amaverimus parvipendi, extra periculum irascendi positi sumus.

Exempla.

Monstrum istud execrabantur Sancti quique & perpetuas cum eo ducebant inimicitias. Hoc ut superaret, *quatuordecim annis* in Scythi deprecatus est Dominum die ac nocte Ammonas. Evagrius omnes iracundiæ occasiones sibi abscindebat. Joannem Abbatem sol nunquam iratum vidit. Paulum Visionis nuncupatum annales nostri memorant à nemine unquam etiam data occasione, animo commotiore aut minus pacato animadversum. Diva Hedugis nunquam visâ est irasci contenta ea obiurgatione: *Deus tibi parcat.*

Perturbationibus, inquires, quousque vivimus obnoxij sumus & velimus nolimus stomachamur: nec quisquâ impetum concitati spiritus frenare potest. Fateor nos affectionibus non posse non subiacere, quamdiu hoc mortale circumferimus corpus: sed & id negare nequeo, rationem supra motus quoscunque sensitivos gerere gubernium & velut aurigam equis imperare petulcis. Hæc ergo regere debet passiones, nec permittere ut freno excusso ferociant: & si non potest facere ne quis exardescat, saltem nutriri bilem non permittat. *Irasci*, ait Hieronymus, *hominis est, iram non fovere Christiani.* Et Chrysostomus: *Bonum quidem est non irasci si verò in morbum hunc quispiam inciderit aliquando, videat saltem ne ingravescat.* Augustinus quoque in Regula monet celerimè finiendas lites *ne ira crescat in odium & trabem faciat de festuca & animam faciat homicidam.* Coronidis loco sit quod dicturus sum. Si non potes non irasci motusque passionum iudicio rationis prævenire ac moderari, saltem hoc saluberrimum observa consilium ut quoties cholera inflammari, non dicas nec facias quidquam imò neque credas tibi ipsi, omniaque suspecta putes, esto cum ratione convenire videantur. Imitare Prophetam dicentem: *turbatus sum & non sum locutus.* Ex-

Consilium optimum.

cutiōne desiderij differ donec ira deserveat, aut donec juxta monitū Ludovici Granatensis Orationem Dominicam semel sæpiusvè mente percurras adinstar ejus consilij quod Cæsari Athenodorus reliquit.

Quorsum verò hæc omnia tanta nobis diligentia narrantur? nimirum ut iræ quæ hominem sicut dixi, in corpore & anima interficit, tota virium resistamus contentione. Ne quæso tam stulti simus ut nobis ipsis mortem velimus consciscere. Ne ludamus Christum dum ex una parte ad mensam ipsius accedentes vitam petimus, ex altera nos ipsi nobis necem cudimus. *Vasculum quoddam est anima nostra & quidem calatiscus ad recipienda dona Spiritus sancti: verum si ibi sit bilis & amarulentia.*

amarulentia & tumor effugient dona Dei, ait S. Chrysostomus. Dicam ego: Ciborium est seu repositorium Sacratissimæ Eucharistiæ. at si amarulentia intus fuerit, tantum aberit ut nobis salutaris sit ut potius iudicium & condemnationem nobis accersat! *Sincerum est nisi vas quodcumq; infundis acescit*, ait Flaccus: ita & tu si fueris acore & amarore infectus, sumasque interea Cibus potumque divinum, fiet tibi acutum te constringens faucesque tuas interiores prefocans. Finis Augustissimi Sacramenti est ut per illud nobis invicem charitate compaginemur, & sic compaginati spiritu eius vivificemur. Hunc finem quomodo ille consequitur, qui ab altero divisus est, qui adversus fratrem vindictam spirat, qui ulcisci se desiderat; hic profecto, quia sejunctus est à corpore Christi membrisque eius, non vivificatur spiritu Christi. membrum enim resectum nequit vivificari. *Ira igitur in posterum moderemur & ori ut vitalia* Typotius.
in Corpore Christi Domini membra jugiter maneamus.



C O N T R A I N V I D I A M.

Non discendi sed tentandi studio in crastino Evangelio Pharisei Christum Dominum per quendam è medio sui Doctorem legis sic interrogant: *Magister quod est mandatum magnum in lege.* Satisfacit Christus, *diliges*, inquit, *Dominum Deum tuum ex tota corde tuo: hoc primum & magnum mandatum est.* Alterum autem simile huic: *diliges proximum tuum, sicut te ipsum.* Quid est quod de solo magno mandato rogatus, etiam alterum simile attexuit? Cur dilectioni divinæ proximi dilectionem copulavit? Dat rationem D. Chrysostomus ideo Dominum sic respondisse, scribens *ut ostenderet quod nulla in Phariseis tentatoribus esset charitas, sed livore invidia tabescerent.* voluit scilicet eiusmodi responso docere amorem DEI & proximi invicem sibi coherere, neque alterum sine altero consistere posse, & non tam duplicem charitatem esse quam unam eandemque. Non soli presenti concioni loquebatur Salvator sed universa futura sæcula sermone aliter doctis aliter indoctis sonante erudiebat. Omnes itaque responso hoc celestis Magistri instruimur, charitatem Dei nullam in nobis esse, si charitatem erga proximum non habeamus. Certissimum autem indicium hanc in nobis deficere, cum livore invidiæ tabescimus. Hæc enim è diametro pugnat cum dilectione proximi, ut proinde qua lege obstringimur ad amandum proximum, eadem ad invidiam fugiendam teneamur. Quia verò non facile intelligantur vitia dicente Psalmista: *delicta quis intelligit?* & sicut venena non dantur nisi melle circumlita, ita vitia non decipiunt nisi specie virtutum; ne fortè personata livoris facie quisquam seducatur & in zelo invidiæ zelum reputet charitatis, ingenium ipsius pessimum adiunctis nonnullis remedijs, spe auxilij divini exponere statui.

Rrrr2

Invidia

*Invidia quid
& quis eius
hinc?*

*Non se exten-
dit nisi ad æ-
quales.*

*Per quid dif-
fert a Nemese*

Filia invidiæ.

*Gravitas in-
vidiæ ex eo
quia est dia-
bolicum vitium
Aug: de vera
religione.*

*Quia diabolum
in homicidijs
imitatur.*

Invidia sic dicta è mente Tullij à nimis videndo fortunam alterius. est tristitia de bonis proximi: in quantum videlicet aliquis tristatur de aliena prosperitate non ob rectum quempiam finem, neque ex metu emersuri forsitan nocumenti proprij ex alterius felicitate, hoc enim ad timiditatem spectaret: sed purè putèque ideo, quia ab altero in re aliqua antecellitur, suam per hoc diminui gloriam æstimans adeoque bonum alterius ut malum proprium, quia excellentiæ propriæ derogativè apprehendens. Hinc est quòd invidia non se extendat nisi ad æquales: neque enim viliores animæ credunt honorem suum periclitari aut minorari splendore sublimium potestatum quibus tenuitatem suam nullatenus æquare aut comparare valent. Opponitur nemesis: quia hæc ringitur ob bonum eorum, qui censentur ipso indigni; at invidentia dignorum prosperitate tabescit. Etiam nihilominus nemesis in sacra scriptura prohibetur, eò quòd ex justa Dei ordinatione vel ad correctionem vel ad damnationem via impiorum prosperetur.

Ægritudo hæc animi non modò mortalis est ex genere suo, quia adversatur charitati, (quanquam motus imperfecti eiusdem in sensualitate remanentes mortem spiritui non afferunt atque in viris etiam perfectis non rarò contingunt) sed etiam capitalis auctore D. Gregorio lib. 31. *Moralium*. Filias habet: odium, susurrectionem, detractionem, exultationem in adversis proximi, afflictionem in prosperis. Aut namque invidus diminuere gloriam alienam satagit per verba ad dissolvendam alterius cum altero amicitiam quæsitæ & sic nascitur susurrectio. aut per verba ad denigrandam proximi famam directæ, & sic detractio generatur. vel satagit facto ipso excellentiam alienam deprimere & si quidem valet id efficere efficitque, exultationem concipit; si non valet, afflictionem. Odium porro ipsissimus est invidentiæ effectus, sicut amor dilectionis. Afflictio in prosperis proximi & invidia potest esse & filia invidiæ. Invidia si tristeris de prosperis alicuius secundum quod habent gloriam quandam. filia est, secundum quod prospera proximi eveniunt contra voluntatem & conatum invidentis, qui ea nititur impedire.

Vitium istud per excellentiam ut ita dixerim diabolicum est: quo solo, quemadmodum ait Augustinus, *diabolus reus est & inexpressibiliter reus, & quo*, ut idem alio in loco asserit, *diabolus utique, diabolus est*. Ac si dicat, naturam diaboli non aliunde constatam esse quàm ex invidia, nec per aliam formam constitui quàm per informem livoris tabem. Quare & homo lividus in demonem degenerat, quia habet id quo diabolus utique diabolus est. Et profectò si non conformitate naturæ, certè operis similitudine invidus quisquis demonem agit, demonem figurat. Opus demonis homicidium. *Ille homicida erat ab initio*, Christus ipse testatur: atque idcirco malignus spiritus diaboli sortitus est nomen quòd duplicem bolum corporis & animæ studeat auferre hominibus, mortemque tam corporis quàm animæ continua hostilitate humano moliatur generi. Et invidus omnis homicida est: quia invidia odium parit. qui autem odit fratrem suum homicida est. Quid quæso enorme illud homicidium Abelis causavit, nisi invidia? rancido oculo aspiciebat Cain acceptari à Deo munera fratris sui, livebat plūbeoque pingebatur colore: ex invidia ortum odium: ex hoc enatū homicidium.

quid si-

quid filios Jacob impulit ut innocentem Iosephum venderent aliàs occi-
furi? invidia. quid Judæ & Judæorū manus Christicidio cruentavit? in-
vidia. & ut aliquid etiam de gentili literatura proferam, quid fratres
uterinos Romanæ Urbis fundatores ita incendit ut alter ab altero cæ-
sus ædificia prima proprio cruore fædaret? perfectò invidia. Ultra has
quæcumque tandem patratae sunt in mundo & deinceps patrabuntur cæ-
des, ad unicum invidentiæ odijque fomitem referendæ sunt. Quam
igitur verè Christus Dominus æterna veritas Judam gloriâ Magistri sui
liventem & idcirco pretio sanguinis inhiantem, diabolum nominavit:
Unus vestrum diabolus est. Quam verè invidos omnes diabolo simi-
les sancti Patres & Magistri spirituales asseverant!

Nec soli illi nocet zelus cui invidet. etiam sibi inimicus est. Nam
præter mortem spiritualem, ingens quoque tormentum infert homini.
Lividus enim tabescit sicut aranea. *Tabescentem mentem*, ait D. Grego-
rius, *sua poena faciet, quam felicitas torquet aliena.* Et D. Hierony-
mus, *zelus*, inquit, *suum rodit authorem ac dum amulum ledere niti-
tur, in semetipsum proprio suo furore bacchatur.* Caries est invidentia
omnis. Ut enim verò illa lignum ex quo nata fuerat consumit: sic & hæc
ex corde hominis prodit, illud nihilominus corrodit. quo corroso eti-
am naturalem vultus colorem tollit, pro albo aut rubro plumbeum in-
ducens qualem in contusis corporibus videre est cum exiles venæ ictu
duriore quassatæ sanguinem usque ad extremam cutem diffundunt. Quod
ipsi vitibus quarum erodit oculos; quod cis frumento cuius medul-
lam glutinâ relictâ absument; quod trips lingno; quod sis vestimento;
quod fabæ midas; quod is vitro: hoc invidia homini. Si de quopiam
alio crimine, certè de tabifico hoc malo dicere integrum: *Sceleris in
scelere supplicium est*, ut rectè quidam imprecatus sit:

Rumpitur invidiâ quidam charissimè Iuli

Rumpatur quisquis rumpitur invidia.

Tormentum livoris ne leve credas, cum eò gravius Siculi invenire
tyranni nequiverint. Quomodo sanè leve tormentum, quod cum tor-
mentis inferni confertur: *Dolores inferni circumdederunt me.* ubi Au-
gustinus legit, *dolores invidia*, cui lectioni consonat illud Canticorum s.
dura sicut infernus amulatio.

Nequitia hæc in orbe quâ longe lateque patet universo creberrima
est: *aquo pulsat pede pauperum tabernas Regumque turres.* Etiam in Re-
ligionibus sua explicat vexilla dum unius religionis alumni, alterius
cuiuspiam Ordinis famam, numerositatem in subiectis, frequentiam
in domicilijs, in bonis copiam, in studijs celebritatem, gloriam ex
sanctis apotheosi donatis, decus & triumphos ex promotionibus & assum-
ptionibus ad amplissimos Ecclesiæ honores, audientes videntesque tristantur,
atque exinde linguam suam in detractiones & oblocutiones armant
dum volunt minuere excellentiam impijs susurris quam Deus pijs-
simus alteri concessit religioni. Tentatio ista diabolica est. Motus iste in-
vidiæ est. Non tristari hinc debueras, sed Deum glorificare cuius ordina-
tione fit quidquid fit. E contra si in instituto alio regulari vel certè Cle-
ricali statu malum quodpiam evenisse audiamus, in sinum gaudemus
& unus alteri cum quodam jubilo & plausu referimus: nec jucundior
nobis dissertatio quàm de lapsu vel infortunio alieno. Hæccine chari-
tas est,

*Quia summe
torquet ipsū
etiam invidū*

*In vita sanctæ
Paulæ.*

*Generalitas
invidiæ.*

tas est, istane est proximi dilectio? Heu me quàm falsò dilectionem jactamus ore, qui malis alienis gratulamur! Hinc fit quòd justissimò Dei judicio gravioribus implicemur malis, qui alienis compati nesciebamus aut verius nolebamus miserijs. Pudet dicere & tamen dicendum est! Unius eiusdemque propositi sectatores uniusque corporis membra hac quoque adversum invicem corripiuntur malignitate, dum unus subditus præ alio in scientia eminentiam, in gradu aut officio præcedentiam, in utilitate & compendio aliquo feliciorē sortem, in gratia aut benevolentia superioris partialitatem habere conspicitur: illico mæror interiora nostra invadit, pallet vultus, ficcatur saliva, labia trementia impatientiam testantur, torvo aspectu quid nos rodāt indicamus. Non charitatis hæc indicia sunt, sed zeli; non dilectionis ista species, sed odij. Si charitatem erga proximum haberemus, utique quod charitatis est, faceremus; utique de bonis fratris nostri tanquam de proprijs gauderemus ac per hoc odij reatum, detractiones, jurgia, aliasque societatis claustralis pestes vitaremus. Unde enim verò in monasterijs cōvitiū, maledictum, criminis obiectus? unde lites, unde diffidia, malaque innumera nisi ex odio? Odium autem unde? ex invidia. ex crudeli Matre crudelis foboles.

Remedia contra invidiam

Quo pacto igitur ab hoc monstro liberabimur? Bulla insigne erat victorū quam in triumpho præsegerebāt inclusis intra eam amuletis quæ crederent contra invidiam valentissima. Bulla hæc cordis symbolum est, quia in figuram cordis efformabatur. Si igitur nolumus nobis nocere invidiam, remedia ipsius in pectore nostro includamus. Quæ vero illa? Charitas medium unicum & universale contra livoris tabem.

De charitate

Sola enim est charitas, ait Augustinus, quam felicitas aliena non premit, quia non amulatur: sola est quam felicitas sua non extollit, quia non inflatur. Si dilexeris proximum ex corde & sicut te ipsum, non pallebis non livebis felicitate ipsius sed lætaberis. Sicut namque charitatis erga Deum est gaudere de bonis divinis: ita charitatis erga proximum de bonis eiusdem delectari.

Dignitates, divitiæ, deliræ fluxa sunt bona.

Vis aliud invidiæ remedium? absque invidia communico. Oculos hæc potissimum inficit. unde oculi invidorum, nequam vocantur in scripturis. Eccl: 14. *nequam est oculus lividi.* & in Evangelio *an oculus tuus nequam est, quia ego bonus.* Speculum reparat lumina: & reflexio seu reflexa cognitio rerum corruptum tabidorum reparat aspectum. Honores alieni forsitan invidentiam tibi afflarunt oculosque perstrinxerunt fulgore? Sed fixius eos tueare velim, & tabifico malo purgaberis. Osee 10. *spumæ marinæ dignitates mundanæ assimilantur: Transire fecit Samaria regem suum sicut spumam maris.* Pulchrè, ait Viegas hunc textum incidenter exponens in suis supra Apocalypsim commentarijs, *pulchrè omnes Principes ac Reges spuma seu potius bullis aqueis conferuntur. Sicut enim in aqua bulla excitata quo magis intumescunt eo celerius evanescent maiorque earum tumor nihil aliud est quam celerior ad exitum progressio; ita maior Regum potentia atque superbia ferè celerioris est ruina argumentum, & sicut bulla in aqua subinde alijs alijs in brevi spatio succedunt sic & Principes.* Quod de regij culminis splendore dicitur, etiam de quocunque alio honore intellige. Omnes etenim honores mundi, æquali exitu terminantur sicut spumæ. De Prælaturis addo

addo quod has nemo invidabit si illud D. Chrysostomi pensaverit: *Miror si potest salvari aliquis Rectorum.* Si ob divitias alienas ringeris, reflecte velim oculos in easdem, & nequitia ab oculis evanescet. *Dormierunt,* ait Psaltes, *somnum suum omnes viri divitiarum & nihil invenerunt in manibus suis.* Somnium est thesaurus divitiarum tuarum: evigilas, & recessit. Beatum se quispiam reputat per somnium auri argentiq̃ue possessione, Cræso feliciorum se ac ditiorum gloriatur: quid verò juvant tota illa somniorum ludibria? expergefactus nihil invenit in manibus, umbram & phantasma fuisse gazam illam opulentam discit: sic & nos postquam in fine vitæ jussu divino evigilabimus, & deterso sopore attentius cælestia & futura spectare cæperimus; mera, merissima somnia omnes mundi opes cognoscemus extitisse. Rectè cecinit quidam: *Quid sunt divitiæ, quid honor, quid gaudia mundi? quid rogo, quid hæc sunt omnia? somnia sunt.* Alibi apud eundem Psaltem fluentis comparantur: *Divitiæ si affluent nolite cor apponere.* quod delicij pariter rectè accommodari potest. Nimirum ut fluvius vix adlabitur cum elabitur: vix affluit cum effluit: vix intumescit cum exarescit: ita planè divitiæ ac deliciæ perenni fluxu ac refluxu accedunt & recedunt. *Vides,* inquit D. Ambrosius, *quia fluunt, non vides quia præterfluunt. fluentia sunt, quæ miraris; quomodo veniunt sic transeunt & recedunt.* Bona corporis & bona animi non invidabis si obtutum fixeris. Momentanea est pulchritudo: *florem decoris singuli carpunt dies.* Valetudo, quidam est defectus corruptionis & prolixitas mortis. Sapientia mundi, stultitia est apud Deum, inflationis occasio, laboris & morborum semen quia jugi meditatione tabefacit carnes. Et ut compendio dicam, omnia quæcunque non referuntur ad salutem æternam & quatenus non referuntur, nihil sunt. Marci 10. ait Christus ad discipulos: *Usq̃ modo non petistis quidquam.* Atqui petierunt Jacobus & Joannes, imò alij quoque. Sed sciendum, quod ait B. Augustinus tractatu 102. in Joannem, solum bonum spirituale debere æstimari aliquid: quidquid aliud petitur nihil petitur. Eiusmodi reflexione liventem sanabimus animum: tali speculo visum reparabimus.

Quod si hæc insufficiëntia tibi videntur antidota, appono aliud. Megæram celebrat antiquitas ex cuius capite enatos serpentes fabulatur. Portentum horribile invidia est ex qua serpentes hoc est serpentina vitiorum germina prodierunt ut jam memoravi. Odium, susurratio, detractio, exultatio in adversis proximi, afflictio in prosperis aspides sunt morsu suo necem non dubiam afferentes. His nocet invidia: per has imprimendæ pectoribus humanis malitiæ pestem vomit. Si vis ne tabificum venas animi tui pervadat malum, excetras has infernales fugito; imò occidito ut ex eis occisis salutarem tibi conficias theriacam. Si interimere nequis, saltem age Marsum: incanta aspides istas adinstar venefici incantantis sapienter. Carminibus sacris incantantur monstrofi isti livoris partus. Odium illis scripturæ verbis: *Qui odit fratrem suum homicida est.* Et: *Qui odit fratrem suum in tenebris est,* Primæ Joannis secundo; tenebræ autem spirituales, peccata sunt: ut exponit D. Thomas. Contra susurrationem serviunt illa incantamenta: *Non eris eximinator, nec susurro in populis* Levitici 19. & Eccl: 28. *Maledictus susurro & bilinguis.* Et: *Vir peccator conturbabit amicos & in medio pacem ha-*

Seneca.

Omnia mundana bona nihil sunt.

Scripturæ sacre sententijs reprimatur invidia.

cem habentium immittet inimicitiam. Contra detractorem illud carmen valet: *Detractores DEO odibiles*, primæ ad Romanos primo. Contra exultationem in adversis & tristitiam in prosperis illud suffragatur: *Gaudete cum gaudentibus, flete cum flentibus.* Talibus sacre scripturæ testimonijs quasi armatura Dei adversus invidiam sævientem, instruebat se B. Paula Hieronymo teste. His & nos si instructi fuerimus, nihil geminina illa inferni nocebunt nobis.

Petes quod signum potest esse cognoscendæ in nobis invidiæ, cum ad nostra cernenda vitia lippi esse soleamus: & qui in pervidendis aliorum defectibus aut aquilæ aut serpentis Epidaurij oculos habemus, ad nostros nævos conspiciendos talpæ simus? Respondeo quanquam sufficienter naturam mali depinxi, signum tamen istud habeto. Si de alienis malis vel moralibus vel naturalibus libenter audis disputantes: si aures ad eiusmodi dicta prurientes habes: si cæteris de aliquo honorifica narrantibus tu negas vel minuis: scito te diabolico hoc vitio infessum esse. Est in Ægypto avis Ibis appellata quæ instar ciconiæ serpentibus pascitur. Hæc avis juxta D. Thomam est symbolum invidiæ quæ solis malis alienis velut viperis reficitur. cui illud adscribas: *Hæc placet esca mihi.* Invidorum scilicet voluptas est alienis malis delectari, libenter prava audire, libenter aliorum auribus insusurrare, & cum certatim omnibus narrent, sic singulis loqui quasi nulli alteri dixerint. *Hi rumores pessimos ferunt: & quod ab ipsis egressum est, id ab alijs audisse se simulant, ydem auctores & exaggeratores.*

Hier: adEuriã

Ad eum finem universa, quæ dixi, celeri sermone convoluta sunt ut invidiam animorum pestem, diabolicam nequitiam, hostem charitatis remis velisque fugiamus, si præceptum de dilectione proximi, imò & de dilectione Dei quin imo si omnia legis capita servare & opere complere desideramus. Dicit enim Apostolus, in hoc solo sermone, *diliges proximum tuum*, instaurari & recapitulari quidquid tandem in scripturis mandati divini est, ut qui diligit proximum, eo ipso universam impleat legem. Qui ergo magnum mandatum cupimus, ut tenemur, adimplere; etiam affine illi observemus sine quo nec magnum mandatum nec quidquid præceptorum est servari valet. Ut porro huius alterius custodes simus, attendamus ne unquam livor in animum nostrum irrepat. Avertat Deus, concludo verbis D. Augustini de disciplina Christiana, *hanc pestem ab animis omnium hominum, ne dum Christianorum, nedum Religiosorum.* Potissimum autem invidentiam fraternæ charitatis seu ut vocat Aquinas fraternæ gratiæ, peccatum gravissimum & quod unum est è flagitijs in Spiritum sanctum, averruncet à nobis divina bonitas. Frustra namque opem misericordiæ divinæ expectabimus alienæ fructibus invidentes pietatis. Dehiscat tellus & livori omni ad Erebum protrudendo viam aperiat. Habeat suos partus, suas nequitias diabolus: tumescat veneno invidiæ, marcescat felicitate hominum, tristetur, doleat, ingemiscat, ignesque & tormenta sibi accumulet: denique dura sicut infernus æmulatio, in solo regnet inferno, solosque malignos spiritus inextinguibilibus adurat tædis; ad homines non pertingat. *Pascitur in vis livor, post fata quiescit*, dixit quidam. Morum emendatio invertat versum ut non in viventibus nobis at in mortuis quos tenet gehenna, pascatur. Vincitur sermo rei magnitudine & minus est omne quod dicitur.

dicitur. Redeo ad monitum meum. Ut Charitatem DEI habere dignoscatur, diligamus invicem: ut diligamus invicem, non tristemur: sed gaudeamus, sed lætemur, sed gratulemur de bonis alienis heredes vitæ æternæ hoc pacto futuri juxta illud Oraculum: *Nos scimus quoniam translati sumus de morte ad vitam: quoniam diligimus fratres.*



C O N T R A A C E D I A M.

QUOD temporis ratio & devotionis nostræ admonet consuetudo, pastoralis officio vigilantiam & sollicitudinem in spiritualibus exercitijs, semper quidem at potissimum his quæ Natalem Christi præcurrunt diebus servandam prædicamus. Sacras has Adventus Domini ferias illo Apostoli Capitulo auspicati sumus: *Fratres hora est jam nos de somno surgere.* Solenne est in sacris literis effectum poni pro causa, uti hoc loco somnus pro torpore & pigritia quæ somnolentiæ mater est accipitur. Dum igitur Apostolus monet ut à somno expergiscamur, vult nos studio bonorum spiritualium, ex quo gaudium Spiritus Sancti nascitur, solerter insistere: omnem autem socordiam, ex qua desideria & delectationes carnis in eodem capitulo recesitæ procreantur, abijcere. Cui ut eo fortius resistamus, (cætera enim vitia juxta Cassianum fugienda, soli acedix resistendum) vivis coloribus depictam volo sub oculos ponere adducturus ad ei se opponendum incitamenta.

Acedia, vel ut legit S. Thomas acidia inde sui nominis trahit appellationem quod per eam animus ad operandum reddatur acidus hoc est frigidus; acida enim frigida esse per experientiam novimus. A Divo Damasceno dicitur esse tristitia ita aggravans & deprimens animum ut ei nihil agere lubeat. A Divo Thoma cum communi Theologorum definitur esse tristitia de bono spirituali, in quantum bonum spirituale est bonum divinum. Unde ex suo genere includit in se malitiam lethalis peccati: contrariatur enim charitati quæ fundat vitam animæ. Proprium quippe charitati est gaudere de bonis divinis; cum acedia, ut dictum, tristetur de iisdem. Quia tamen omnis peccati consummatio fit per consensum rationis, si motus acedix non pertingat ad consensum eiusmodi, sed in sola persistat sensualitate laboriosam corporique molestam spiritualis boni conditionem exhorrescente, venialem culpam non excedit. Quod si ratio consentiat in horrorem & detestationem spiritualis boni, carne contra spiritum prævalente; jam mortifero reatui anima innodatur: Inter vitia capitalia recensetur. Capitale namque vitium è mente Doctoris Angelici illud vocatur ex quo promptum est alia oriri vitia secundum rationem causæ finalis. Sicut autem multa homines operantur propter delectationem, tum ut eam consequantur: tum ex eius impetu seu affectu ad operandum permoti; ita propter

Acedix definitiones.

2. 2. q. 26.

T t t t

tristiti-

tristitiam multa agunt vel ut ipsam evitent; vel eius pondere ad agendum prorumpentes. Cum itaque acedia tristitia sit, convenientissime inter capitales noxas numeratur.

Cap. 10. in
venū doctri-
nali.

Acediosi de-
scriptiones.

Alter Thomas, Kempensem intelligo, non jam in abstracto acediam, sed acediosum sic descripsit: *Frater acediosus quasi semper infirmus: ultimus fere in omnibus locis & horis: otio & somno deditus: tarde ad opus venit: citò inde recedit. Pronus ad exitum: segnis ad reditum. latus ad prandium, tristis ad jejunium. Velox ad dormiendum, piger ad surgendum. Raucus ad cantandum, sonorus ad confabulandum. Surdus ad obediendum, claudus ad laborandum.* Bella equidem pro pigro homine peroratio! Libet eam diligentius perstringere. Acediosus quasi, semper infirmus: quia non est verè infirmus, sed simulat jam catharri, jam febrium, jam variorum symptomatum doloribus se premi. Ultimus fere in omnibus locis & horis: tardum mobile recte vocaveris. Otio & somno deditus. Nec mirum: otium enim & somnus beatitudo est acediosi. Interrogat Martialis: *Vitam qua faciunt beatiores?* respondetq; sibi: *Nox non ebria, sed soluta curis. Somnus qui faciat breves tenebras.* In eandem cum dicto Poëta jurarunt sententiam ignavi animi. Insuper acediosus pronus ad exitum, segnis ad reditum: ut in clauistro retineatur, frano opus habet; ut egressus redeat, calcari. Prius illi vici & plateæ pererrandæ, prius lustranda hospitia & septa civitatis acsi instar ædiliū, curam publicarum ædium gereret. Latus ad prandium, tristis ad jejunium: totus namque brutalis est, & nonnisi brutales sectatur oblectationes in edendo bibendoque fitas. Velox ad dormiendum, piger ad surgendum: quoniam lectus nimium ipsi dilectus: mavultque Morpheo obsecundare quam cælesti Orpheo illud occinenti: *Surge qui dormis.* Raucus ad cantandum, sonorus ad confabulandum. Raucedo nescio quo pacto divinum psallentes aut recitantes officium afficit acediosos ut laxi resonare fibris laudes divinas nequeant, sed duntaxat musent; hæc eadem extra rem divinam & dum Milesiæ fabellæ miscendæ aut scurrilia ultro citroque jactanda verba, captivos suos dimittit & sonore loqui permittit. Surdus ad obediendum, claudus ad laborandum. Merissimum idolum: aures habet & non audit præcepta monitionesque Superioris: pedes habet & non ambulat dum gressus ad laborem movendi. Egregia sanè ignavi subiecti delineatio! Aliam si hæc non sufficit accipite. Acediosum, eiusmodi informi specie effigavit nonnemo. Homo erat, stans in testudine, pennas aquilinas habens, thoracem instar trunci, rostrum passerinum, aures asini, os ursi triplicidentium ordine deforme: ad latus cornu ut vocant Postilionis appensum gestabat. In calce tabulæ apposita trabalibus literis tessera: *Vera effigies otiosi.* Nimirum piger homo testudineo ad divina incedit gressu, ad corporis commoditates & oblectationes, ad lucella seu quæstus sectandos alatus est: aquilam crederes prædæ inhiantem. Dum ad vigiliis matutinas surgendum vel quid aliud operis injuncti faciendum, truncus insensibilis: dum servandum silentium, inter angulos monasterij garrit ut passer inutilis pippire & fruges consumere natus. Auritus est: Midam Ovidianum vel rudens Baalami putes animal longis instructum auribus; multa enim libenter audit: & ut vicem rependat narrantibus fabulationes non sicut lex Dei, multa loquitur imprudenter & impuden-

Eggerer in a-
nathem:

pudenter; actiones, mores, dicta aliorum suggillat & carpit: atq; ideo
 urfus ad lacerandos alios sua sponte & nemine urgente velox vocari
 possit. Elatere illius pendet cornu Possilionis quia est novorum cre-
 pator & mendaciorum buccinator. En tibi vivis coloribus expressam
 veterinosi imaginem! Qui non videt aut non cognoscit ex his descri-
 ptionibus gravitatem & malitiam inertis desidæ, *ita est quasi cæcus in
 sole cui nihil prodest ipsis locis oculorum eius tam clara ac præsentis lucis
 fulgor infusus.* Quia tamen consuetudine umbrarum carnalium invali-
 dam aciem mentis gerimus ut etiam clara tueri non facile queamus,
 ulteriori eam commonstro lumine.

S Aug: lib: 1.
 de doctrina
 Spirituali.

Præterquam quod morbus hic vitæ spirituali per suam cum chari-
 tate pugnam adversatur, etiam vitæ animali hostis est. Vita namque
 animalis pendet à motu qui à corde in cuncta membra diffunditur.
 Hunc porro tristitia impedit acedæ innata facitq; hominem instar sta-
 gnantis aquæ putrescere. *Cernis ut ignavum corrumpant otia corpus,*
 canit Ovidius. Nec mirum utriusque vitæ nostræ insidiari matrem quæ
 filias non nisi mortis ministras procreat. Fætus fætentis huius matris
 est malitia, rancor, pusillanimitas, desperatio, torpor circa præcepta,
 evagatio mentis circa illicita. Malitia tunc nascitur cum quis addu-
 citur in detestationem boni spiritualis: execrari enim divina, summæ
 malitiæ si non dementiæ est. Rancor, cum indignamur ijs qui nos ad
 spiritualia inducunt. Pusillanimitas, cum bona spiritualia quæ subsunt
 consilijs, tanquam ardua & laboriosa fugimus. Torpor, cum ea nause-
 amus quæ spectant ad communem iustitiam qualia sunt præcepta. De-
 speratio, quando animum deijcimus ad aliquid consequendum. Ace-
 dia enim est tristitia deiectiva spiritus. Porro cum nimia deiectio in
 affectu hominis dominatur, videtur ei quasi nunquam possit ad aliquod
 bonum relevari. Evagatio mentis circa illicita, cum quis propter mæ-
 stitiam transfert se ad delectabilia exteriora. Quia enim verò nemo po-
 test diu vivere absque delectatione, si desint spirituales illecebræ, que-
 runtur corporales, quales sunt otio, somno, excursionibus, lusbis, con-
 versationibus, compotationibus & id genus actionibus vacare. Verè pessi-
 ma radix ex qua tales furculi prodeunt. Cuiusnam non obstupescant
 dentes si tam amaros acidosque degustet fructus! Malitia, rancor, pu-
 sillanimitas, torpor, evagatio, desperatio, quid hæc sunt aliud nisi
 pessima mala toxico animam interimente infecta? Talium pomorum fe-
 rax arbor, non est quid aliud quam taxus venenata abieti similis sub
 qua etiam somnum capere non liceat nisi mox morituro.

Acedia & fi-
 liarum eius ef-
 fectus.

1. 2. q. 20. ar. 4

Periculum proximæ spiritualis mortis & à Regno cælesti exclusionis
 in acedia subesse, non modò natura eiusdem ut vidimus, sed & scriptu-
 ra palam facit. Proverbiorum 13. brevi sed nervosa pingitur oratione
 acediosus: *Vult & non vult piger.* Effatum hoc sibi ad speciem repugnans
 plus habet de sensu quam de litera. Explicat illud Ludovicus Granatensis
 in hæc verba: *Vult,* inquit ille, *piger cum intuetur virtutis pulchritudinē;*
non vult cum sentit difficultates virtutibus annexas. Ampliat expositionē
 suam discursu eiusmodi. Natura duas animali cuivis comunicavit virtu-
 tes seu potentias ad vitæ conservationem: unam concupiscibilem cuius est
 appetere omnia ad conservationem vitæ necessaria; alteram irascibilem,
 cuius est resistere omnibus huic conservationi contrarijs. Potentiæ hæc etiā

Vult piger &
 non vult ide-
 oq; regno cæ-
 lesti ineptus.
 In floribus de
 devotione.

In Vitiis PP.

In hospitali
pauperū c. 4.

ad conservationem vitæ spiritualis ut requiruntur ita & conferuntur. Acediosus monitro similis habet quidem concupiscibilem, quia vult appetitque sanctitatem; sed irascibilem non habet, quia non vult resistere difficultatibus atque impedimentis: cupit esse devotus, sed non vult orare; cupit tentationes vincere, non item pugnare: cupit esse iustus, nec vult restituere: & alias virtutes sine quibus vita spiritualis haberi nequit, desiderat affectu, haud tamen utpote fastidiosus laboris procurat effectum. Nimirum tristitia in qua sitam esse monstravi acediam, aggravat pondereque suo deprimit hominem ne se interius exteriusque moveat ad id quod appetit. uti expertus ille, qui missus ad purgandum excolendumve agrum, toties quoties ad opus pastinationis venit, præ tristitia ex apprehensa operis impossibilitate prosternebat se ad dormiendum donec à superveniente patrefamilias monitus ut quavis die tantum terræ foderet sarriretque quantum jacendo occupabat, pusillanimitatem abiecit atque ita intra breve tempus perfecit negotium. Jam quomodo quis vitium aliquod superabit, qui vult quidem gratiam Dei, non vult tamen resistere vitio gratiæ divinæ inimico? quomodo assequetur virtutem, cui placet quidem virtutis dignitas at labor & sudor quo illa comparatur horrori est? quo pacto viam ad cælum ducentem permeabit quem delectant quidem cælestes deliciae sed viæ asperitas & arduitas contristat? *Regnum calorum vim patitur & violenti rapiunt illud*: dixit Christus. Sicut civitas muro vallata firmissimo, propugnaculis munita, milite, armis, pulvere pyrio, annonæ abundantia instructa, lento Marte expugnari nequit, sed per balistarum imbres, per fulmina tormentorum, per validas impressiones & impigros assultus, per continuos labores ac vigilias, denique per violentos impetus: ita regnum cœleste nonnisi assiduis affectuum ejaculationibus, nonnisi fervidis operibus & indefessis laboribus ac vigilijs perpetuaque cum hostibus pugna obtineri valet. Desidiosus autem non novit violentus esse qui ad id quod sibi rectum videtur, ægre se movet: & vult quidem occupare civitatem cœlestem, sed obsidionis molestias, labores, insomnia perhorrescit, mavultque interea stertere quando ceteri valido orationum ariete & potentibus meritorum catapultis muros cælestes quatunt. Cum allata & amplificata expositione incidit illa quam adducit à Kempis: *Vult piger & non vult. hoc est, ait ille, vult bene comedere & bibere, & non vult laborare & jeiunare. vult diu dormire, & non vult cito surgere. vult fabulari & non vult vigilare & orare. vult alios dure corripere & non vult modicum sustinere. vult alios docere & non vult seipsum emendare. vult honorari & multa scire, & non vult libros legere, huic debetur virga & baculus nisi se emendaverit in prædictis defectibus.* Rectè sane virga & baculus pigro deberi dicitur, ubi per virgam leviores, per baculum graviores ac duriores monitiones & poenæ designantur. Rectè inquam. servo enim contumaci & asino pigro cuius utriusque naturam induit acediosus, virga & baculus in sacra scriptura intentatur. Fidelis sermo. vult piger tubercinari, at nihil minus quam laborare. vetus proverbium est: *Optimam habent labra lactucam asino carduos comedente*; isti verò de quibus loquor, aselli grossis offenduntur, delicatiora appetunt pabula. Vult marcidus diu dormire aut pandiculari tempusque orationibus destinatum sub molli lodice vel sub turgente plumis pulvinari tra-

nari traducere; surgere autem ad matutinas preces averſatur. Vult fabulari atque intra fabulandum alios circulatrice lingua rodere, ipſe verbum mordax non patitur. Geſtit deferri ſibi honorem, ipſe alieni deſpeculator honoris. Promoveri deſiderat, cum ſit bliteus & detrectet literas moresque diſcere quos gradus promotionis requirit. Rude perfectionis donari cupit, & recuſat cum vitijs digladiari. At nunquid eiufmodi voluntas apta eſt Regno Cælorum? Profectò motus iſte voluntatis, non eſt vitalis ſed mortalis breviſque ſecuturam mortem tanquam malus arteriæ pulſus indicat, uti indicavit in Eremita illo qui conſummatiffimus in omni genere virtutis & beneficio panis miraculoſè apportari ſibi ſoliti decoratus, in modicam primùm ex latenti ſuperbia & gloriatione pigritiam, deinde in gravem oſcitantiam & tædium rerum divinarum prolapſus, voluntatem ſuam firmiter antea bono incommutabili applicatam in velle & nolle diviſit. Volebat quidem ſpiritualis vitæ fruſtus, volebat ſerenitatem & iucunditatem rectę conſcientiæ, ſed rigorem prioris converſationis abhorrebat. Hinc factum quòd & gratiâ panis ſuaviſſimi privatus mucidam ſemper & à vermibus corroſam muſcerdiſque conſpurcatam collyram in ſpelunca ſua ſub horam reſectionis reperiret, & quod deterius, in deliberatum fædę libidinis conſenſum proruens, peſſima deſperatione in ſæculum abire cogitaret: periſſetque citra dubium finaliter niſi à Domino qui erigit eliſos, ad ſaniorē mentem reductus fuiſſet. Etiam Ægiſtum veteres memorię prodiderunt ex ſola deſidia graviſſimis implicatum ſcleribus: *In promptu cauſa eſt; deſidioſus erat.*

In vitis PP.

Ovidius.

Et verò merces æterna tanti eſt ut pro ea impigrè laboretur. In Canticis cap. 5. manus Chriſti dicuntur tornatiles aureæ plenæ hyacinthis, ad designandum quòd opera Salvatoris noſtri non inerte & languide fiebant ſed ferventer & intenſè ad inſtar operis quod in torno circumagitur: ideoque meruerunt hyacinthis ornari, id eſt. diſpenſationem æternę retributionis à Patre obrinuere. *In expoſitione ſacra ſcriptura* exlmonito D. Auguſtini *non debemus hæſitare quando à capite ad corpus, hoc eſt à Chriſto ad Eccleſiam vel à corpore tranſitur ad caput.* Ad nos ergo ex quibus corpus Chriſti compaginatur derivo ſermonem. Aurum, hyacinthus, Tharſis, (nam hebraica lectio loco *plenæ hyacinthis* habet *plena Tharſi*) ſymbola ſunt æternæ beatitudinis, quam Chriſtus Dominus uſque adeo æſtimavit ut pro ea nobis promerenda de labore ad laborem, de fatigio ad fatigium velut in torno volui ac revolui voluerit. Hoc auro ditabimur, hyacintho ornabimur, Tarſi donabimur, ſi modo manus tornatiles habeamus, hoc eſt, ſi operationes noſtræ non fuerint flaccidæ & ſegnes ſed veloces & velut in torno currentes. Ac ne longius evager, vna eademque Chriſti & noſtris actionibus ſi fervidè peragantur promittitur merces. *Modicum nunc laborabis*, ait quidam, & *aternam requiem imò perpetuam latitiam habebis.* Deſiderio retributionis cæleſtis erexit deficientem animum anachorita ille qui longo loci intervallo in portanda ſuis uſibus aqua fatigatus manſionem aut puteum mutare deſtinarat muſſetque niſi ex viſione Angeli grefſus ſuos fideliter numerantis & in ephemeride annotantis, ad tornum laborem ſuum reduxiffet, imò duplicaſſet. Eadem cogitatione & amore mercedis ſupernæ abſumebant in ſe torporem ingentia illa nomina, Pauli, Antonio,

Motiva reſtendi accediæ.
im.De doctrina
Chriſtiana.

Thom: à Kem:

Uuuu

nij, Hila-

2dum.

nij, Hilariones, Francisci, Bernardi, Dorothei, alijque innumeri qui cum David inclinabant cor suum ad faciendas iustificationes propter retributionem. At quia *segnius irritant animum demissa per aures quam quæ sunt oculis subiecta fidelibus*, aspice exemplaria solertiæ oculis tuis obvia, fratres nimirum tibi conviventes & in opere divino ferventes turpeque existimabis in sancto negotio pigritare ubi cæteri incipiunt Deo jubulare: aut si tam ferreus es ut non moveare fervore fiatrum, *vade piger ad formicam*. Vade & vide formicarum gregem angusto calle fervere, ferre maiora onera quam corpora. Vide ut aliæ herbarum semina forcipe oris trahunt, aliæ egerunt humum foveis & aquarum metus aggeribus excludunt: illæ venturæ hyemis memores ne madefacta humus in herbam horrea vertat, illata semina præcidunt, hæ luctu celebri corpora defuncta deferunt: quodque magis mirum est, in tanto agmine egrediens non obstat intranti, quin potius si quam viderint aliæ sub fasce & onere concidisse, suppositis humeris adiuvant. Ex pulchro hoc formicarum spectaculo Malchus captivus Monachus teste D. Hieronymo recordatus Salomonis ad formicarum solertiam nos mittentis & pigras mentes tali exemplo suscitantis cepit tædere captivitatis, & monasterij cellulas querere ac formicarum in laborando similitudinem desiderare. Vade insuper ad apum alvearia & vide quomodo mellificæ virgines non tantum diligentissime labores suos peragunt, sed etiam *ignium fucos pecus à præsepibus arcent*. Fervorem apum imitata Sancta Cecilia quasi apis argumentosa Domino deserviebat.

3tium.

Ad spiritus agiliores excitandos acre calcar habet gloria. Dicit enim Cicero libr: i. de officiis, *vix invenitur, qui non quasi mercedem rerum gestarum desideret gloriam*. Quare haud puto humanitatis & divinæ portionis habent quidquam desidiofi, qui non cælestis gloriæ, at ne humanæ quidem ad præclara facinora casta moventur cupidine, naturalibus ad honestatem obluctantes igniculis. Et circa intelligibilia & circa agibilia dum segniter torpent, nihil nisi confusionem & improbam personam sibi procurant. Quis namque eos dignetur honorifico testimonio, qui exempli gratiâ, Judicis, medici ac Magistri spiritualis locum officiumque tenentes nauseant in lectione librorum, calamus ponere in charta erubescunt, discere aliquid ex scripturis fastidiunt, interrogare aut conferre de divinis & ad sacerdotalem ac Christianam eruditionem pertinentibus rebus negligunt; cum tamen ex Apostoli sententia quilibet eorum potens esse debeat exhortari in doctrina sana & contradicentes revincere, omni que poscenti satisfactionem dare: quod certè non valebunt illi, qui tardi ad librum, alacres ad liberum; facundi ad vitra, muti & hallucinantes ad obiecta totam latinitatem ac sapientiam suam in duabus dictionibus, *offero & proficiat* constituunt ut rectè ipsos vocare possis magna animalia, parva rationalia. Quis item illos æstimet oris alieni dignos suffragio, qui ad agibilia vel Superioris jussione vel officij sui conditione vocati, mille excusationes negligentiae socias obtendunt: & jam corporis malam habitudinem, jam temporis defectum, jam impedimentorum variorum occursum, jam vocationis suæ non ad actionem, sed ad contemplationem naturam allegant, novi Eucharistia aut

Excusationes
pigrorum.

Quietistæ quibus solum quiescere non laborare libeat. Audias sæpius ab illis: Non vacat mihi hoc aut illud agere. vires corporis imbecillæ non

læ non sunt pares oneri. quid si incepero & non perfecero, explosio-
nem hominum non effugiam? nunquid Mathusalem annos vivam ut me
curis emaciem tantæ æternitati profuturis? nec divinus sum ut futura
sciam contingentia: ignoro quid serus vespere vehar, aut quid super-
ventura dies, quid superventurum Capitulum pariat: fortasse laborem
meum nova rerum mutaret vel interromperet facies? hæ sunt pigrarū
mentium quæ nullo honesti decori; ducuntur amore, quotidianæ can-
tilenæ. Typotius famam specie juvenis alati depinxit adiecto lemma-
te: *Nil moror ignavos.* id est non curo prætereo desides intertesque ho-
mines nec quidquam moror apud ipsos. Nimirum pigritia exulat ubi
fama regnat. hæc enim *non torpere gravi patitur sua regna veterno.* Por-
ro ex celebritate nominis uberes cuivis fructus spirituales nasceretur; scili-
cet Deus glorificaretur, homines proficerent in bono, ipseque strenuus
operator studeret in honestis exercitijs perseverare, atque ad meliora
progredi: propter quos fines laudabile utileque esse appetere & quære-
re gloriam humanam apud S. Thomam invenio.

Virgil:

2. 2. q. 132.
art: 1. ad 3.

Ergo agite si qua virtus, si qua laus fervoris, si quis amor mercedis
divinæ necnon boni nominis quod præstat divitijs multis, excutite tor-
porem, expergiscimini, evigilate de somno. Hora enim est nos de so-
mno surgere. Si quando certè nunc hora est devotifandi, opus divi-
num non fraudulenter, non negligenter, sed fervide & reverenter faci-
endi, impigre ad antelucanas surgendi orationes & longiorem somnum
Endymionibus relinquendi. *Nunc hora est quam tibi ad agendam pœni-
tentiam, ad obtinendam veniam miseratio Conditoris indulgit.* *Nunc tem-
pus est quo divinam tibi repropitiare pietatem, properare ad Angelicam
societatem, suspirare ad amissam hereditatem, excitare remissam volunta-
tem, flere commissam iniquitatem & potes & teneris.* Erit quando ho-
ra hæc præteribit; labuntur enim sensim sine sensu, & fugiunt fræ-

D. Bernardus


no non remorante dies. Nunc igitur tempus pretiosum il-

ludque incertæ durabilitatis non sinas inertis desidia ela-

bi, ne sero ingemiscas te acceptabile tempus, horam

gratiæ lucrandæ, dieque salutis perdidisse.

F I N I S.



ERRATA TYPOGRAPHICA.

Pagi: Versus	Erratum.	Correctum.	Pagi: Ver.	Erratum.	Correctum.
4.	38. discrepant	discrepant	28.	innumerata	innumera
5.	3. epiphaniarum	epiphaniarum	146.	45. ipsius	ipsis
6.	38. gratissima	gratissimum	155.	46. stipulatq;	stipulaturq;
9.	39. terra nomine	terre nomine	158.	12. Causa	Classa
17.	7. institutores	institutores	163.	4. perinstromatib9	peristromatibus
	14. elegabant	elgebant	240.	27. Exaltat humilia-	humiliat exalta-
18.	11. aduundo adhibendo	aducunt adhibendo	247.	36. culto (bitur	cultu (bitur
	16. infecti	infecti	249.	27. ingredi	egredi
	43. incerte	incertæ	41.	obiectione	abiectione
19.	9. perfecenis	perfectionis	250.	30. dispar	non dispar.
	ultimo vestem	vestimentum	33.	jubemur	jubentur
20.	7. veritatemq;	virtutē veritatemq;	252.	12. quod	quot
	37. ob Christi	ab ortu Christi	26.	Non	Nos
	40. ad eum devotio	ad locum devotio	255.	37. turbuc inandum	tubercinandum
21.	27. Deo eo	De eo	281.	18. manductione	manductione
	39. si explicatam	sic explicatam	26.	alijs	alij
	13. Cum	cum	284.	8. quaternione	quaternio
27.	11. gemma	gemmæ	293.	16. sagioitate	tagacitate
24.	14. sanctis	sanctos	299.	45. abominales	abominabiles
	28. ignoscere	ignescere	300.	21. ausculanti	auscultanti
28.	36. tardidit	tradidit	305.	39. respicit	prospicit
34.	38. Plini;	Plinij	309.	24. felix	felix
	15. epera	opera		25. sarriotiove	sarritione
36.	28. Dei	Dij		27. vitari	viti ri
38.	7. quod	quot	310.	28. pervitiosis	pernitiosis
39.	13. satisfaceret	satisfuerit	314.	47. de nomine	de nemine
40.	3. evadet	evadat	316.	38. se	sed
43.	32. quindecim	quindecim	319.	20. non	nos
44.	13. obstrusa	abstrusa	321.	1. percipimus	percepimus
54.	17. intellexerūt. Hebræi	intellexerūt Hebræi		35. in iusta	iniusta
	penul. mulierem	mulierum		40. in cubando	incubando
63.	36. sarcophaco	sarcophago	326.	47. hecatambe	hecatombe
90.	12. novorum	& novorum	327.	11. acre	arce
91.	14. per vitam	per viam	328.	10. medijs	medijsq;
	40. dropface	dropace		24. ingentecque	ingentesque
93.	27. super aquas	super quas	329.	1. malitiæ	malitiæ
101.	28. Causa	Cassa		7. certamenta	certamina
102.	41. Cantitabunt	Cantitabant	339.	32. evaporatione	evaporatione
	28. ut hîc	ut in alijs ita hîc	341.	46. facimus	facimus
132.	19. tempus	tempus, tempus	342.	46. conficere	conficere
135.	2. affectus	effectus		48. quidem	quidam
136.			348.	43. marcescat	macrescat

Hos aliqvæ errores ut typo adscribas, Martialis epigrammate te convenio. Amice Lector

Si qua videbuntur Chartis, tibi Lector in istis
Sive obscura nimis, sive latina parum,
Non meus est error: nocuit librarius illis
Dum properat versus annumerare tibi.
Quod si non illum sed me peccasse putabis
Tunc ego te credam cordis habere nihil.

Lib; 2. Cap: 7.



I N D E X

RERUM & VERBORUM NOTABILIORUM.

A

A Bel qui renuit esse?	293.
Achab poena differtur, non Iezabel: cur?	228.
Abstinentia.	224. & seq.
Acedia.	349. & seq.
Actus spirituales 4. Lectio, Meditatio, Oratio, Contemplatio.	21. & seq.
Apocalypsis difficultas.	37.
Agonizantis descriptio.	69.
Agricultura laus.	84.
Aeternitas mala.	81.
Amor disciplina.	123. & seq.
Animalia 4. apud Ezechielem figurant fervidos	139. ibidem fervor sponsæ.
Amor urgebat Christum Dominum in operibus redemptionis nostræ	138.
Animadarnatur quæ parùm curavit de passione domini.	160.
Amoris affectus 4. Hi omnes in Eucharistia elucet	163. & seq.
Amor sit unum spiritum de duobus.	198.
Amanquid?	185.
Angellardi.	ibidem.
Astus & usus mercator in divendendis vilioribus.	186.
Aurapis quid?	193.
Adabbediebâr animalia in statu innocentia	194.
Apal.	213.
Are quid?	237.
Agiluid?	240.
Am Deum nulla tribulatio est gravis. & si	262.
gis, tamen non recusanda.	262.
Anaa 4. in Apoc. quid significant?	283.
Agbera duo Pharisæus & Publicanus.	289.
Amra Saulis occisor.	307.
Affj	323.
Ava. 324. & seq. Delineatio eius, ma-	
Species, Filiæ, arma.	
Amotra vasculum est donorû Spiritus S.	342.
Avis appellata.	348.

B

Bis parvuli qui?	360.
Bi qui eos allidit ad petram. quare?	306.
Bnundo corde. quare & quando?	307.
Bidinis æternæ symbola aurum hyacinthus	353.
ss.	
Bidinem æternam quantum Christus æstima-	ibidem.

(†)

Benedictio petenda etiam pro minutis rebus.	16.
Beatitudinis tres obices.	38.
Bombyces.	310.
Bona externa quæ? quod maius?	316.
Bonitas divina causat in nobis gaudium.	316.
Quare binos discipulos Christus mittebat.	106.
Beneficentia Mariæ erga omnes homines, præcipue religiosos.	180. 181.

C

Castitas, lilium. 3. Myrrba. Aurum. 6. & seq.	
Charitatis tres status.	26.
S. Crucis signum sæpe fronti imprimendum.	39.
Contemplatio gaudiorum Cælestium. 52. & seq.	
Cælestis gloria ineffabilis	62.
Cælestis gloriæ typus Apoc. 21. positus explicatur. eiusdem Coniecturæ.	
Cæli Empyrei magnitudo & pulchritudo monstratur ex altitudine eiusdem.	
Item ex magnitudine & pulchritudine mundi utero materno comparati.	
Custodia oculorum commendatur.	114.
Christi Dñi pedes similes aarichalco & quare?	137.
Cruce Christi qualiter portanda.	157.
Cor nostrum signare debemus ipso redemptore.	161.
Christi patientis contemplatio.	162.
Conviviorum luxus.	172.
Corona symbolum perseverantiæ.	188.
Caput serpentis infernalis quod?	197.
Contemptus mundi motivum nativitas Christi. item gloria Cælestis. item status & habitus religiosus.	202. & seq.
Caro nostra Aman. Item Semiramis 204. & seq.	
Concupiscentiæ latum dominium seu tyrannis	205.
Christus non subiicitur passionibus.	209.
Christi cathedra & schola.	234.
Christus ubi pernoctat.	237.
Calceamenta deponere quid.	250.
Cigitationes malæ.	305. & seq.
Chamæleon.	310.
Critici corriguntur exemplo.	315.

D

Dolor interior ærior quàm exterior.	79.
Deboræ etymon & mysterium. Ei assimilatur Religio protoeremitica.	
Defectus etiam minores periculosi.	103.
Discretio	

I N D E X

Discretio in ieiunando servanda.	iii
Dentes in corpore Ecclesie sunt doctores. item omnes fideles & præcipue Religiosi.	121.
Disciplina. 123. eius motiva.	Non ex
odio sed ex amore imponitur.	129.
Devotio ad Passionem Dñi.	156.
& seq. gratissima Christo. utilitas & necessitas ipsius.	
Devotio & amor erga Christum in Eucharistia existentem.	162.
Devotio Ecclesie in Festo Corporis Christi Dñi.	163.
Devotio ad Beatissimā Virginem. maxime religiosus convenit.	177. & seq.
Delectationes in naturalibus quæ maximæ?	204.
Deus ultor injuriarum mansuetis factiarum.	273.
Diaboli insidie in hora mortis.	254.
Damnandus quidam, propter opera misericordiae redit ad vitam.	277.
Duri carpuntur.	279.
Devotio nostra non Deo sed nobis utilis.	282.
Diabolus non potest interne movere voluntatem hominis.	288.
Domini & Domni differentia.	296.
Dubia in proximis in meliorem partem debemus interpretari.	314.
E	
Ecclesia & totus mundus ad passionem Christi devoti.	371.
Esse cum Deo quantum bonum.	271.
Esse absq̃ Deo quantum malum.	ibidem
Exercitia spiritualia.	25. & seq.
laus utilitas & praxis eorumdem.	
Evagationes Religiosis & Religionibus nocivæ.	102.
Exactores tres qui ?	111.
Eliseus ante orationem jussit sibi cantari. cur ?	148.
Eucharistia pacē prærequirit & efficit. quomodo? Item, pacis symbolum & causa.	156.
Euphasia infanula devoto ad passionem Dñi.	160.
In Eucharistia presentia Christi monstratur.	164.
Eucharistia oblatio munda.	
Error hæreticorū circa Eucharistiā refellitur.	167.
In Eucharistia unitatem illā imitamur quam Christus habet cum Patre.	168. & seq.
Eucharistia indivisibilis à cruce.	170.
Ecstasis.	
Eam passus Christus in Cruce & in Eucharistia.	170.
Iohannis locus explicatur pro Eucharistia.	
Eucharistia testamentum. Vitulus saginatus.	171.
Eucharistia panis.	172.
Ecclesia in persecutionibz tutabatur Eucharistia.	174.
Eucharistia peccatoribz grãdo, tormentũ.	175. & seq.
Eucharistia materia asinus panis cur ?	245.
Abs Eucharistia arcentur iracundi.	ibidem
Eucharistia calculus ignitus.	247.
Eucharistia rubus ardens.	250.
Ebrietatem sacerdotibus lex vetat.	255.
Externè compositus non facile obnoxius est linguis hominum.	266.
Extérieur compositio index interioris.	ibidem.
Execrati qui ?	329.
Ebrietas.	331. & seq.
Ebrietatis exemplum & hieroglyphicum.	333.
F	
Fervor Spiritus.	135. & seq.
Est signum inhabitantis in nobis Spiritus S.	136.
Fervidi asimilationes.	140.
Festivitas SS. corporis Christi celeberrima.	162.
Fidelitas in quo consistit.	188.
Fortitudo quid?	24.
Ficus proprietas.	
Fama & conscientia necessaria civis.	265.
Fuga cogitationum malarum.	309.
Fuga in luxuria.	330.
G	
Gehennae atrocitas ex triplici capite	77. & seq.
Gehenna ignis activitas.	
Gehennem meditantés evadent eam.	82.
Salum gaudium de Deo est verum gaudium.	141.
Gaudijs spiritalis socios multos habemus.	144.
Gaudijs spiritalis fructus multiplex.	145.
Gratia nulla obtinetur nisi per orationem & mortificationem.	207.
Gastrimargia concupiscentiæ & ruinæ spiritualis causa.	256.
Gloria quid. Unde sit vana. Malitia vanæ gloriæ. Filia eiusdem. arma.	321. & seq.
Gula.	330. & seq.
H	
Herodes diabolus.	321.
Hermion quid?	185.
Herculis fortitudo.	197.
Hesperidium hortus à dracone custoditus.	idem.
Hostia etymon.	174.
Honestas.	117.
Honor alijs exhibendus.	130. & seq.
Cur honorandi superiores? Cur sacerdotes secures? Cur religiose? Cur fideles omnes.	idem.
Qui honor non excludit amorem.	135.
Humilitas.	232. & seq.
Humilitas Aug. & Hier.	234.
Humilitas Christi. Apostolorum. Sylvani &c.	238.
Humilitatis actus. necessitas. motiva. exempla.	bid.
Humilitas externa aliquando, interna nunquam scandalizat.	240.
Humilitatis causa in medio nostri.	ibidem.
Humilitas palma.	ibidem.
Humilitas mala.	241.
Sive humilitate nil valent alie virtutes.	11.

R E R U M.

Hortus oleaginus cor purum. 310.

I

Ieiunium 108. & seq.
Qua determinata circa ieiunium ab Eccles. ibidem.
Ad ieiunium maxime adstringuntur solitudinis cultores. 110.
Invidia vitium diabolicum. 343.
Invidia signum pruritus aurium ad mala aliena ibi.
Invidentia fraternæ charitatis seu gratiæ ibidem.
Impuri sætent. 7.
Intentio recta debet esse in rosario & alijs orationibus. 52.
Intellectus & intelligere quid? 122.
Interpretatio alienorum factorum per modum suppositionis. 314.
Indisciplinati Religiosi ad apostatandum faciles. 125.
Inobservantia Regulares Deus vindicat. 107.
Imago Dei in homine est causa cur Deus amet & honoret hominem. 134.
Imaginationis & cogitationum ad res varias assimilationes. 310.
Imperium & superbia ubinam. 128.
Iudicij ultimi consideratio. 70. & seq.
Prælia ipsius. Descriptio Christi iudicis. ibidem.
In iudicio tria maxime horribilia. ibidem.
Ira divina vino & talento comparatur. ibidem.
Ira Dei gravitas monstratur ex fortitudine eiusdē ibi.
Objurgationis quæ erit in iudicio extremo gravitas.
Item gravitas sententiæ ferendæ.
Iudicij divini metus. ibidem.
Ad merum accedere debet studiū recte operandi. 26.
Iudicia Dei. 219.
Ioannes non permittitur adorare Angelum cur? 247.
Ioannis Elemosynarij visio. 277.
Iudas cur mortuus post sumptam Eucharistiā. 337.
Ira fieri an liceat qualiter & cui. 244.
Ira. 337. & seq. Iracundorū tres species. 338.
Ira vitam minuit. 339. Confertur belluæ furiæ ibidem: Est rabies. 340.

L

Labor manualis. 32. & seq.
Lachrymæ tristitiam minuunt. 144.
Lachrymæ devotæ sunt signum plenitudinis Spiritus sancti in nobis. 61.
Lætitia spiritalis. 140. & seq.
Lætificantes Cantiones spirituales. 335.
Laquei diaboli ubiq. 288.
Lectio sacra. 83. & seq.
Lectio ut sit fructuosa, calamus adhibendus. 90.
Lectio post mortem. ibidem.
Lectio & oratio medium adversus malas cogitationes. 309.
Locus non facit sanctos, sed meritum. 24.
Lilia non nent. 3.
Lilium castitatis amicum. 118.

(†2)

Loquela cum vestitu convenire debet. 318.
Locutionem præmeditemur. ibid.
Linguae injuriæ. 315. & seq.
Luxuria insatiabilis. 274.
Luxuriæ inanitas. ibidem.
Luxuria. 326. & seq. Equus luxuriæ typus 328.
Crebræ eius victoriæ. ibidem.

M

Magnanimitas. 246.
Mansuetudo. 241. & seq.
Mansuetudo Davidis. 341.
Mansuetos demones timent. 244.
Malitia moralis unde? 306.
S. Macarius curat infirmum. 175.
Mortis præcocius sacerdotum quæ causa. ibidem.
Mensa triplex. ibidem.
Mens nostra ad quid condita? 308.
Mel symbolum libidinis. 7.
Moneta triplex quam obtulit S. Franciscus Deo. 12.
Meditatio, demonis retinaculum. ibid.
Malachiæ Prophetia de sacrificio altaris. 164.
Mariæ Virginis Beatissimæ oculi quales. 118.
Mariæ Virginis Coronæ quot & quæ? 185. 186. 197.
Maria Mulier amicta sole &c. 186.
Sub Mariæ pedibus Ecclesia pulcherrima. ibidem.
Mariæ Virginis encomium peculiare per abstracta. 288.
Maria Virgo paradysus. 189. 294.
Maria Virgo terra benedicta. 196.
Modestia Beatissimæ Virginis. 197.
Mariæ Virginis immaculata Conceptio. 189. & seq.
Maternitas divina est Achilles pro Conceptione Virginis Mariæ immaculata. 198.
Meteora spiritualiter explicata. 96.
Memoria mortis. 65.
Monachi veteris testamēti amatores solitudinis. 103.
Mortis hora vocatur tempus tenebrosū. item dies multi. utilitas memoriæ mortis. ibidem.
Inductiva ad eandem memoriam. ibidem.
Memoria mortis non est causa melancholiæ. ibidem.
Mors unicorni assimilatur. ibidem.
Mors triplex. 79.
Mortuus quis. 228.
Mundi variarumq. & naturalium & artificialium in ipso rerum descriptio. 51.
Mundi contemptus. 198. & seq.
In mundanis rebus neq. est unitas neq. veritas neq. bonitas. ibidem.
Mundi bona non satiant. quare? 200.
Mundus mendax, fallax, simulator, hypocrita, mango, salaco, Labanus, falsus propheta, Nigrama, Iachel, Dalila, meretrix Babylonica, Iudas, Simia &c. 200. 201. 202.
Monasterium Paradysus. 84.
Monachus debet velle conculari. 240.
Missæ etymon, partes. 95.
Missæ

I N D E X

Missa sacrificium immutat homines.	190.	Oris crimina fumus nocentissimus & locustæ	27.
A ministerio altaris multi se subtrahebant.	252.	mata.	317.
Montes quid significant.	190.	Orij descriptio.	35.
Mortificatio carnis.	204. & seq.		

In mortificata carne libido non potest prædomi-

nari.

306.

Mortificationis summa in duobus.

308.

Mortificatio passionum.

208. & seq.

Misericordia.

275.

Misericordiæ opera quæ & quotuplicia.

280.

Modestia.

264. & seq.

Modestia ædificat.

266.

Modicum iucunditatis sufficit ad vitam.

268.

Mustelle ingenium.

275.

Murenula quid spiritualiter.

47. 290.

Murmur.

301. & seq. Exemplum de murmura-

toribus ad mensam.

303.

Murmuratores & detractores corriguntur.

304.

N

Nativitas Christi Domini.

202.

Nemesis quid. in quo differt ab invidia.

344.

Necessitas subditi debet esse manifesta superiori.

304.

Noe sacrificium post diluvium cur odorem suavitatis Deo procreavit?

147.

Nominis Mariani significationes.

295. & seq.

Nomen Mariæ & significativum & causativum.

298.

Nomen Mariæ cleum.

ibidem.

Nomina portare in collo superstitiosum.

299.

O

Obedientia excellentior alijs virtutibus morali-

bus. 2. & 13.

Obedientia comparatur thuri.

7.

Obedientia omnium virtutum bona in se cõplectitur.

9.

Obedientia comparatur auro.

13.

Inobedientia causa damnationis.

15.

Oculus quibus gradibus procedit ad depradationem anime.

111.

Operatio Adami in Paradiso quæ?

84.

Oratio.

86. & seq.

Orationis dignitas & utilitas.

ibidem.

Quomodo possumus orare continuo.

ibidem.

Orandi conditiones ut oratio sit efficax.

ibidem.

Oratio in egressu & regressu facienda.

39.

Orare pie, quomodo intelligatur?

41.

Oratio qualis esse debeat.

ibidem.

Orationis fructus triplex.

ibidem.

In orando mendicum imitari debemus.

ibidem.

Oratio quousq. durare debeat.

43.

Orationis Dominicæ præstantia.

44.

In ea ponitur exacta series petibilium.

45.

Orationis attentionem diabolus conatur impedire.

64.

Originalis peccati transmissio in prolem unde fit.

193.

Originale, est Cauterium.

195.

Oris crimina fumus nocentissimus & locustæ

27.

Oris crimina fumus nocentissimus & locustæ

27.

P

Patientia.

256.

Patientia signum electionis ad gloriam.

258.

Absq. patientia nullus in hoc mundo.

261.

Passionis Dominicæ fructus.

158.

Panis & alimentum & venenum.

176.

Passiones quid & quotuplices.

209. 210.

Passiones ventis & equis comparantur.

ibidem.

Passionum mortificatio procreat pacem interiorem.

ibid.

Item cognitionem nostri.

211.

Passiones mortificare spectat ad virtutem magnanimitatis & quomodo?

212.

Passionum fons amor proprius, otium, cogitationes

male.

212.

Contra passiones duplex remedium generale, ora-

tio & cantus spiritualis.

ibidem.

Paupertas lectulus.

4.

Paupertas aurum pulverisatum.

9.

Paupertas auro confertur.

15.

Paupertas qualis requiritur in Religiosis.

16.

Pauperes, & calamitosi, lapides pretiosi.

279.

Christus in pauperibus.

ibidem.

Pauperes, sunt actu reges.

10.

Paradisus an maledictus?

196.

S. Paulus Primus Eremita quendam fratrem in ago-

ne desperantem erigit spectaculo cælesti.

57.

S. Paulus cuidam damnando impetrat reditum ad

vitam.

277.

S. Paulus quare vixit ex Palma & à corvo.

181.

S. Paulus, cur expetivit pallium Athanasij.

133.

Pax cordis seu interna non potest esse nisi cum

Deo

146. & seq.

Pacis præstantia & necessitas.

ibidem.

Pax necessaria est ad orationem.

147.

Pax, fructus charitatis. Item iustitiæ & quomo-

do est iustitiæ fructus.

149.

Pacis obstacula sunt peccata.

150.

Pax interna imperturbabilis.

ibidem.

Pax cum alijs.

151. & seq.

Pacem persequi quomodo intelligitur.

152.

Pacis persecutores in malam & in bonam par-

tem.

ibidem.

Paci opposita vitia quæ?

153.

Medium pacifice vivendi in Congregatione.

155.

Pœna damni.

78.

Pœna sensus.

80.

Pœna damni in animabus purgantibus.

78.

Pœna inferni & temporales.

229.

Penitentia.

227. & seq.

Penitentiæ tempus & locus quotuplex.

228.

Penitentiæ qui fructus digni.

221.

Peccatum Originale.

189.

Peccatorum frequentia.

217.

Peccati

R E R U M

Peccati feditas. 230.
 Peccatorum mensura unicuique determinata. 270.
 Ad peccatum operis & ad pravam consuetudinem non perveniendi medium. 306.
 Perseverantia. 188. 268. & seq.
 Peregrinationes ad viros magnos visendos. 272.
 Phantasmata sunt velut muscæ aut cyniphes Aegypti. 150.
 S. Philippi Beniti visio. 178.
 Pica latinitatis & orationum gnara. 271.
 Præsentia Dei. 219.
 Preces pro immiserico corde non exaudiuntur. 277.
 Proprietarij lacerantur a demonibus. 4.
 Proprietariorum oppositiones. 15.
 Propositum non peccandi sæpe renouandum. 273.
 Providentia divina generalis & particularis circa nos. 283.
 Psalmodia. Eius partes. Constitutiua. fructus. motiua. tres nocturni unde. cur 12. psalmi in matutino. Qui psallunt insipienter. 57. & seq.
 Psallentes in officio divino cum fatigantur Christus ipse reficit suo spiritu. 60.
 Pulchritudo corporalis ferit & perit. 120.
 Pulchritudo spiritualis in quo consistit. ibid.
 Pulchritudo spiritualis excitat proximum ad virtutem. 118.
 Pulchritudo Beatissimæ ad puritatem incitabat. 121.
 Purificatio duplex. 117.

Q

Quomodo Hebræorum refellitur. 466.
 Querulum genus quod? 305.

R

Rabinorum testimonia de sacramento & sacrificio altaris. 154.
 Religiosi officia. 34.
 Religiosi apes. 85.
 Religiosi, pretiosi lapides. 102.
 Religiosi viva templa Dei. Item Principibus varijs hominibus venerabiles. 133.
 Religiosi absq. honore perfecti esse non possunt. ibi.
 Religio. 281. & seq.
 Religionis Etymologia. ibid.
 Religiosi carent impedimentis devotionis & famulatus divini. 283.
 Religiosus superbus. 292.
 Regnum & sacerdotium in scripturis idem. 93.
 Requies cordis in mansuetis. 243.
 Ritus Abrahæ & Saræ. 141.
 Rosarium quid? Materia ipsius. Dignitas. antiquitas. 44. & seq.
 Rosarij devota recitatio signum electionis ad gloriam. 48.
 Ex recitatione Rosarij in rebus seculi prosperitas. 49.

S

Sabbati observatio spiritualis. 148.
 Sacerdos quibus defectibus carere debet. 94.
 Sacerdotum secularium officia & encomia. 132.
 Sacerdotalis dignitas requirit magnanimitatem & sanctitatem. 248.
 Sacerdotes ad quæ magna se extendere debeant. 249.
 Sacerdos non debet esse moribus popularibus. 250.
 Sacerdos debet esse eburneus. 251. 308.
 Vt malis sacerdotibus. ibidem.
 Sacerdos ad altare qualiter procedere debeat. 252.
 Sacerdotum puritas qualis esse debeat. 252.
 Sacerdos vocationem suam crebro penset. ibid.
 Salutationis Angelicæ elogia. 45.
 Sanctitas in quo consistit. 249.
 S. Scripturæ synopsis. 86.
 In sacrificante 3. requiruntur. 93.
 Scrupuli. 213.
 Salvandorum paucitas. 217.
 Sitis vltima quando. 45.
 Solitudo eremitica periculosa. multi in ea lapsi. 99.
 Solitudo Cenobitica laudatur. 100.
 Solivagi perstringuntur. 106.
 Silentium.
 Silentes qui? socialitas. solitudo in cella. 105.
 S. Spiritus fructus quot & qui? Dona eiusde quot & quæ? Et ubi replemur tam his quàm illis? 59.
 Spiritualium defectus maxime obnoxij obrectationibus. 117.
 Salvator presentem se nobis relinquendo in Eucharistia morem secutus. amantium. 167.
 Spina, peccata. 191.
 Supplicium triplex in inferno & in mundo. 201.
 Superbia quid & quotuplex. 232.
 Superbia ubi insidiatur. ibidem.
 Reprimatur per cognitionem nostri. 233.
 Causa ruine spiritualis. 234. 290. 291. 292.
 Stationes. 208.
 Sobrietas spirituales vel maxime decet. 336.
 Superbia. 288. & seq.
 Superstitio. 281.

T

Tableri stratagema. 329.
 Tepidi infestatur a demonibus. nec item fervidi. 139.
 Temperantia & mortificatio circa quid versatur. 204.
 Intemperantia vitium puerile. 205.
 Tentationes sunt vulpes. 107.
 Temerarium iudicium. 310. & seq. Inter Religiosos locum habet. Oritur ex suspicionibus. Erumpit quandoq. in verba injuriosa. suspicionum & iudicij temerarij causæ. 314.
 Temperantiæ & mortificationis regula: Vitæ presentis necessitas; nec non honestas. 207.
 Terræ nomine quid venit in scripturis. 243.
 Timor Domini. 214. & seq.
 Timor

I N D E X

<i>Timor naturalis.</i>	215.	<i>jurioso superiori.</i>	244.
<i>Timoris ad omnia necessitas.</i>	ibidem.	<i>Vitis, symbolum Eucharistiæ.</i>	245.
<i>Timoris Domini necessitas.</i>	ibid. & 216.	<i>Vitulus constabilis.</i>	254.
<i>Timoris Domini cause & motiva.</i>	ibid.	<i>Vini & olei significatio.</i>	312.
<i>Timor Domini non minuit sed auget vitam</i>	22.	<i>Vitia donis Spiritus S. opposta.</i>	308.
<i>Transgressiones minuta religiosæ & religionibus ru-</i>		<i>Vota religiosa auro conferuntur.</i>	12.
<i>inam afferunt.</i>	107.	<i>Ex voto aliquid facere perfectius & magis me-</i>	
<i>Tristitiæ species. Remedia particularia eiusdem.</i>	213.	<i>ritorium.</i>	ibidem.
<i>Triduum est vita nostra.</i>	268.	<i>Votorum solemnitas quæ & quoruplex.</i>	ibid.
<i>Triumphus Assumptionis B. M.</i>	177. 184.	<i>Voluntatis abnegatio.</i>	229. & seq.
<i>Tygris diabolus.</i>	334.	<i>Voluntas quid? motores eiusdem.</i>	ibid.

U


<i>Verecundia habetne locum in perfectis.</i>	112. & seq.	<i>Voluntas propria non habet gloriam nec successus</i>	
<i>Verecundia velum oculorum.</i>	114.	<i>prosperos. Stipatur vitis multis.</i>	222. 223.
<i>Verbis contumeliosis licetne uti in correptionibus.</i>	320.	<i>Dividit inter Deum & hominem.</i>	ibidem.
<i>Ventris eburnei significatio.</i>	250.	<i>Voluntas propria causa damnationis.</i>	225.
<i>Venter Madianitidis cur transfigitur?</i>	254.	<i>Vulnera Christi sunt foramina ad quæ in tentatio-</i>	
<i>Vestimentum hominem prodat.</i>	265.	<i>nibus & adversitatibus tuto confugiamus.</i>	159.
<i>Vlyssis & Penelopes nuptiæ.</i>	167.	<i>Vitor Deus neglectus divinarum.</i>	284.
<i>Vitæ religiosæ & Allenia.</i>	1. & 2.	<i>Vultur conscientia peccati.</i>	
<i>Vita contemplativa præstat vitæ activæ.</i>	148.		
<i>ubi exemplum de 3. iuvenibus.</i>			
<i>Quo magis. aliquid est unum, eo fortius.</i>	200.		
<i>Veritas quid.</i>	ibidem.		
<i>Veritati vitia opposita.</i>	ibid.		
<i>Vindictæ divinæ exemplum de quodam fratre in-</i>			

Z

<i>Zelus qui & quoruplex.</i>	173.
<i>Zelus Christi in Eucharistia adversum hostes no-</i>	
<i>stros.</i>	
<i>Zelus eiusdem in Eucharistia etiam adversum</i>	
<i>nos.</i>	173.
<i>Zenobia Regina.</i>	195.



4.
5.
4.
12.
08.
12.
ee-
m.
id.
q.
d.
us
3.
n.
s.
-
o.
.



Biblioteka Jagiellońska



stdr0019688

